

ნარკვევები

მანგობელი აღმოსავლეთის
ისტორიიდან

ფეოდალური სანა

1957

წიგნები ნახმარი შემოკლებაში

ქ

ა ბ ჯ ი უ ს ჯ ფ ი—ქითაბ აღ-ხარაჯ.

ს ა ქ. ს ი ძ ე.—საქართველოს სიძველენი.

В Д И—Вопросы древней истории.

З В О—Записки Восточного отделения Российского археологического общества.

И В А Н—Институт востоковедения АН СССР.

И И М К—Институт истории материальной культуры АН СССР.

М И В—Московский Институт востоковедения.

М И Т Т—Материалы по истории туркмен и Туркмении. Изд. АН СССР.

С А Р У—Среднеазиатский государственный университет.

С В—Советское востоковедение.

С С И А—Сборник статей по истории Азербайджана. Изд. АН Азерб. ССР.

Т В О—Труды Восточного отделения Российского археологического общества.

Ю Т А К Э—Южнотуркменская археологическая комплексная экспедиция.

BSOS—Bulletin of the School of Oriental and African Studies, University of London.

E I—Enzielopædie des Islam, Leiden-Leipzig. აგრეთვე პარალელური გამოცემები ინგლისურ და ფრანგულ ენებზე.

G M S—Gibb memorial series.

Z D M G—Zeitschrift der Deutschen Morgenländischen Gesellschaft, Leipzig.

წ ი ნ ა ს ი ტ შ ვ ა ო ზ ა

„ნარკვევები მახლობელი აღმოსავლეთის ისტორიიდან“ წარმოადგენს კოლექტიურ ნაშრომს, რომლის შედგენაში მონაწილეობდნენ სტალინის სახელობის თბილისის სახელმწიფო უნივერსიტეტის აღმოსავლეთის ისტორიის კათედრის წევრები და ყოფილი ასპირანტები. მას საფუძვლად დაედო ჩვენს უნივერსიტეტში სხვადასხვა დროს წაკითხული ლექციების კურსი მახლობელი აღმოსავლეთის ისტორიიდან, ცალკეული გამოკვლევები და საკანდიდატო დისერტაციები.

„ნარკვევები“ არ წარმოადგენს საუნივერსიტეტო სახელმძღვანელოს. მან შეიძლება შეასრულოს მხოლოდ დამხმარე სახელმძღვანელოს მნიშვნელობა. ფეოდალური ხანის მახლობელი აღმოსავლეთის ისტორიის საუნივერსიტეტო სახელმძღვანელო არ არსებობს არც ქართულ და არც რუსულ ენებზე. პროფ. ბ. ზახოდერის „История восточного средневековья (Халифат и Ближний Восток)“, რომელიც 1944 წელს გამოსცა მოსკოვის უნივერსიტეტმა, წარმოადგენს მახლობელი აღმოსავლეთის გაბმული თხრობის შემცველ ისტორიას, მაგრამ მას არ აქვს და არც შეიძლება ჰქონოდა საუნივერსიტეტო სახელმძღვანელოს დანიშნულება. თვითონ ავტორი ასეთი სახელმძღვანელოს შედგენას არცთუ ისე ახლო მომავლის საქმედ სთვლიდა. 1944 წლისათვის მახლობელი აღმოსავლეთის სოციალურ-ეკონომიური ისტორიის არა ერთი მნიშვნელოვანი საკითხი არამცთუ დამუშავებული, დასმულიც კი არ ყოფილა. მას შემდეგ საბჭოურმა აღმოსავლეთმცოდნეობითმა ისტორიოგრაფიამ თვალსაჩინო წარმატებებს მიაღწია ფეოდალური აღმოსავლეთის ისტორიის შესწავლის საქმეში. ეს წარმატებანი სათანადოდაა ასახული წინამდებარე „ნარკვევებში“.

„ნარკვევებში“ გაბმული სახითაა წარმოდგენილი მახლობელი აღმოსავლეთის ისტორია ჩვ. წელთაღრიცხვის III საუკუნიდან XVII საუკუნემდე. უმთავრესი ყურადღება მიექცა ფეოდალიზმის გენეზისს და ფეოდალურ ურთიერთობათა განვითარებას აღმოსავლეთის ქვეყნებში, გლეხთა მდგომარეობას და გლეხთა ექსპლოატაციის ფორმებს, ხელოსნობა-ვაჭრობას და ქალაქებს. სოციალურსა და სახალხო მოძრაობებს. ავტორებმა სცადეს ეჩვენებინათ აღმოსავლეთის მწარმოებელი საზოგადოების ისტორია. შედარებით მკრთალადაა წარმოდგენილი აღმოსავლური კულტურა. სამწუხაროდ, ამ მნიშვნელოვანი ხარვეზის შევსება ამჯერად ვერ მოხერხდა.

„ნარკვევების“ ძირითადი ნაწილი სპეციალურ გამოკვლევებზეა დაფუძნებული. რედაქციამ სათანადო განყოფილებებში გააერთიანა ისინი და, ამ-

რიგად, მახლობელი აღმოსავლეთის ისტორიას გაბნული და მთლიანი თხრობის სახე მისცა. მაგრამ ამ მთლიანობის თავისებურება ბუნებრივად გამომდინარეობს „ნარკვევების“ ხასიათიდან. ამასთან ძნელი აღმოჩნდა ერთგვარობის დაცვა აღმოსავლურ პირთა და გეოგრაფიულ სახელთა გადმოცემისას. აღმოსავლური ტერმინოლოგია (პირთა და გეოგრაფიული სახელები, სოციალურ-ეკონომიური ტერმინები...) ჯერ კიდევ არაა უნიფიცირებული. ავტორები ამ მხრივ ძირითადად ქართულში დამკვიდრებულ ტრადიციას მისდევდნენ. მაგრამ გათვალისწინებული იყო ის გარემოებაც, რომ ერთი და იგივე ტერმინი სხვადასხვანაირად გამოითქმის სპარსულში, არაბულში და თურქულში.

ამიერკავკასიის ქვეყნებს ძველი დროიდან მკიდრო ურთიერთობა ჰქონდათ მახლობელი აღმოსავლეთის ქვეყნებთან (პოლიტიკური, კულტურული, ეკონომიური). ამიტომ რედაქციამ საჭიროდ სცნო ცალკე განყოფილებად გამოეყო „ამიერკავკასიის ქვეყნები და მახლობელი აღმოსავლეთი“. ამიერკავკასიის ქვეყნების მახლობელი აღმოსავლეთის ქვეყნებთან ურთიერთობის მთელი თავისებურება და მნიშვნელობა გასაგები გახდება მხოლოდ იმ შემთხვევაში, თუ შესწავლილი და გათვალისწინებული იქნება მახლობელი აღმოსავლეთის სოციალურ-ეკონომიური განვითარების დონე სხვადასხვა პერიოდში. ამ თვალსაზრისით აღნიშნული განყოფილება ორგანულადაა დაკავშირებული „ნარკვევებთან“.

„ნარკვევები მახლობელი აღმოსავლეთის ისტორიიდან“, რა თქმა უნდა, უნაკლო არ იქნება. ავტორები მადლობით მიიღებენ ყოველგვარ შენიშვნას.

დასასრულს, ავტორები თავიანთ მოვალეობად სთვლიან მადლობა გამოუცხადონ სტალინის სახელობის თბილისის სახელმწიფო უნივერსიტეტის გამომცემლობის მუშაკებს, რომელნიც აქტიურად მონაწილეობდნენ წიგნის ბეჭდვაში და რომელთა შრომის წყალობით შესაძლებელი გახდა სამეცნიერო აპარატს დართოდა სპარსული, არაბული და თურქული დამოწმებანი.

შ ე ს ა ჯ ა ლ ი

V—VI საუკუნეებში მახლობელი აღმოსავლეთის ქვეყნები ფეოდალიზაციის გზას დაადგინენ. მონათმფლობელობა ფეოდალურმა წყობილებამ შეცვალა.

ახალ საზოგადოებრივ ურთიერთობათა წარმოშობა-ჩამოყალიბების პროცესი აღმოსავლეთშიც ვითარდებოდა და ღრმავდებოდა მწვავე კლასობრივი ბრძოლისა და გლეხთა მასიური მოძრაობების პირობებში. ისტორიული ფაქტებით დასტურდება მონათმფლობელობიდან ფეოდალიზმში გადასვლის რევოლუციური გზა (მონების აქტიური მონაწილეობა მანიქეველთა და მანდაკელთა მოძრაობებში, ზინჯიების (მონების) აჯანყება). ისლამი აღმოსავლური ფეოდალიზმის ისეთსავე იდეოლოგიად იქცა, როგორც დასავლეთის ფეოდალური საზოგადოებისათვის წარმოადგენდა ქრისტიანობა.

ფეოდალიზაციის პროცესს აღმოსავლეთში არ მოუცია არც „წარმოების აზიური წესი“ და არც „უნივერსალური ფეოდალიზმი“. საწარმოო ძალების განვითარებამ მოითხოვა ისეთივე წარმოებითი ურთიერთობა, როგორც დამახასიათებელი იყო შუა საუკუნეების დასავლეთ ევროპის ქვეყნებისათვის.

აღმოსავლეთის ისტორიული განვითარების ყველა ხანა წარმოადგენს მსოფლიო ისტორიის შემადგენელ ნაწილს, რასაც ყოველთვის უარყოფდნენ ბურჟუაზიული ისტორიკოსები. ბურჟუაზიული ისტორიოგრაფიის ევროპოცენტრიზმი აღმოსავლეთის ხალხებს ფაქტიურად ისტორიული განვითარების გარეშე აყენებდა. საამისოდ იყო შემუშავებული „პანბაბილონური“ და „უნივერსალური ფეოდალიზმის“ თეორიები.

დიალექტიკურ-მატერიალისტური მსოფლმხედველობის საფუძველზე შესაძლებელი ხდება ავხსნათ აღმოსავლეთის ყველა ქვეყნის საზოგადოების განვითარება, როგორც კანონზომიერი და მთლიანი პროცესი, გამოხატული მის ყველა მრავალფეროვან ფორმებსა და წინააღმდეგობებში. „ადამიანთა ყველა საზოგადოების განვითარება მრავალი ათასი წლის მანძილზე, გამოუკლებლევ ყველა ქვეყანაში, გვიჩვენებს ამ განვითარების საერთო კანონზომიერებას, სისწორეს და თანამიმდევრობას“¹.

აღმოსავლეთის ბევრმა ქვეყანამ განვლო მონათმფლობელობის საფეხური და ფეოდალური განვითარების გზას შეუდგა. აღმოსავლეთის ზოგი ხალხი კი, უპირატესად მომთაბარეები, მონათმფლობელობის გვერდის ავლით გვა-

¹ ვ. ი. ლენინი. თხზულებანი, ტ. 29, გვ. 559.

როვნული წყობილებიდან პატრიარქალურ-ფეოდალური წყობის სტადიაზე გადავიდა და თვით განვითარებული ფეოდალიზმის გარემოცვის პირობებში „ნახევრადპატრიარქალურ-ნახევრადფეოდალური“ წყობის ბევრი თავისებურებანი შეინარჩუნა.

მახლობელი აღმოსავლეთის ქვეყნებმა განვლეს ადრეფეოდალური (VI—X სს.) და განვითარებული ფეოდალიზმის ხანა (XI—XVI სს.). მაგრამ XVII—XVIII საუკუნეები მეტად თავისებური აღმოჩნდა მახლობელი და შუა აღმოსავლეთის ხალხთა ისტორიაში. მომთაბარეების მრავალსაუკუნოვანი ბატონობის წყალობით აღმოსავლეთის კულტურული (მიწისმოქმედი) ხალხები ფეოდალიზმის უმდაბლეს, ბარბაროსულ საფეხურზე აღმოჩნდნენ. გაბატონებული იყო მეურნეობის მარტივი და პოლიტიკური წყობილების ჩამორჩენილი ფორმები. ისტორიის ახალსა და უახლეს პერიოდში კი კოლონიურმა პოლიტიკამ უზრუნველყო ფეოდალური ეკონომიკის და ფეოდალური წყობილების გადანაშთების კონსერვაცია აღმოსავლეთში.

ფეოდალური ხანის აღმოსავლეთის ისტორიის პერიოდიზაციას დიდად ართულებს ის გარემოება, რომ დღემდე შესწავლილი არაა აღმოსავლური ფეოდალიზმის ყველა მოვლენა, აღმოსავლეთის სოციალურ-ეკონომიური ისტორიის საკითხები, ფეოდალური განვითარების თავისებურებანი აღმოსავლეთის ცალკეულ ქვეყნებში.

ფეოდალიზმის ძირითადი ეკონომიური კანონის საკითხი, მიწის ფეოდალური საკუთრების როგორც ფეოდალური წყობილების საფუძველის შესწავლა, სასაქონლო წარმოების როლის და ეკონომიური ფუნქციის ჩვენება ფეოდალურ ურთიერთობათა პირობებში, ეკონომიური ბაზისის და ზედნაშენის ურთიერთგავლენის გათვალისწინება და სხვ., მყარ საფუძველს უქმნის ფეოდალური ხანის მახლობელი აღმოსავლეთის ისტორიის პერიოდიზაციას. საბჭოთა აღმოსავლეთმცოდნე ისტორიკოსები სწორედ ამ მიმართულებით ამახვილებენ თავიანთ ყურადღებას.

ფეოდალური ხანის მახლობელი აღმოსავლეთის ისტორიის პერიოდიზაციის გამო საბჭოთა ორიენტალისტებს შორის აზრთა სხვადასხვაობა არსებობს. ამჟამად დროს, ამ უალრესად რთული საკითხის დამუშავებისას დაშვებული იყო მეთოდოლოგიურად შეუწყნარებელი შეცდომები. მახლობელი აღმოსავლეთის ისტორიის პერიოდიზაციისათვის შემუშავებულ სქემებში ხშირად ვლინდებოდა ერთიანი ნაკადის „თეორიის“ ანარქელი. სუსტად იყო ნაჩვენები მწარმოებელი საზოგადოების ისტორია, ხალხის მასების როლი ისტორიულ განვითარებაში.

მახლობელი აღმოსავლეთის ისტორიული განვითარება ზოგჯერ წარმოდგენილი იყო როგორც მთლიანი და განუყოფელი ისტორიული პროცესის გამოცალკევებული არ იყო არაბეთის, ირანის, თურქეთის და შუა აზიის ქვეყნების ისტორიები. ამიტომ, ცხადია, არ შეიძლებოდა უგულვებელყოფილი არ ყოფილიყო დასახელებული ქვეყნების ისტორიული განვითარების თავისთავადი, მათი საზოგადოებრივი და ეკონომიური განვითარების დამოუკიდებელი გზები, მხოლოდ თვითული მათგანისათვის დამახასიათებელი ფეოდალიზაციის პროცესის „სპეციფიკური ვარიანტი“.

აღნიშნული გარემოება, რა თქმა უნდა, ინას სრულიადაც არ ნიშნავს, რომ შუა და მახლობელი აღმოსავლეთის ქვეყნები ერთიმეორისაგან გამო-
თიშული იყვნენ და განზე იდგნენ საერთო ისტორიული პროცესებისაგან.

სასაზღვრო ირანის სახელმწიფო, არაბთა სახალიფო, თურქ-სელჩუკიან-
თა სახელმწიფო, მონღოლების და თემურ-ლენგის იმპერიები, თურქმანების,
ყიზილბაშების და ოსმალების სახელმწიფოები წარმოადგენდნენ კონგლომერა-
ტებს, დროებითს სამხედრო-ადმინისტრაციულ გაერთიანებებს, სადაც წარ-
მოდგენილი დაპყრობილი ხალხები საზოგადოებრივი და ეკონომიური განვი-
თარების სხვადასხვა საფეხურზე იმყოფებოდნენ. მაგრამ დასახელებულ
სახელმწიფოთა ბატონობის პერიოდებში განვითარების საერთო ხაზს, თუ
შეიძლება ასე ითქვას, ქმნიდა მიწების პერიოდული გადანაწილება დამპყრო-
ბელთა სასარგებლოდ, რომლის შესაბამისად ეწყობოდა მიწის ფეოდალური
საკუთრების საერთო ფორმები (იკტა, სოიურალი, თიული, თიმარი).

ფეოდალური ინსტიტუტების საერთო მსგავსებაში გარკვეულ როლს
(და არა გადამწყვეტს, როგორც ამას ბურჟუაზიული ისტორიკოსები ფიქრო-
ბენ) ასრულებდა ისლამი და მუსლიმანური სამართალი. ამას გარდა, აღმო-
სავლეთში მიწათმოქმედებისათვის აუცილებელი ხელოვნური რწყვა თავისე-
ბურ გამოხატულებას პოულობდა მიწისმფლობელობის, მიწათსარგებლობის
და მწარმოებელი კლასის ექსპლოატაციის წესებში (ნიწის გლეხებზე იჯარით
გაცემა საყოველთაო მოვლენაა შუა საუკუნეების მთელ მანძილზე), მაგრამ
საერთოს მხრივ მთავარი მაინც ის იყო, რომ მომთაბარე ტომების და
ხალხების განუწყვეტელი შემოსევებისა და ბატონობის შედეგები საე-
რთო ეკონომიურ მდგომარეობას ქმნიდა აღმოსავლეთის უკლებლივ ყველა
ქვეყანაში.

მარქსისტულ-ლენინური მოძღვრება ფეოდალური საზოგადოების განვი-
თარების კანონზომიერებათა შესახებ გვეხმარება დადებითად გადაკვრათ ფეო-
დალური აღმოსავლეთის ისტორიის პერიოდიზაციის საკითხი. ამასთან, მარქ-
სიზმის კლასიკოსებს არა ერთი მოსაზრება, შეხედულება და დებულება აქვთ
გამოთქმული აღმოსავლეთის ისტორიული განვითარების თავისებურებაზე,
სოციალურ-ეკონომიურ წყობაზე, პოლიტიკურ და სამხედრო ორგანიზაციაზე,
კულტურასა და მწერლობაზე.

ფეოდალურ-ბატონყმური მეურნეობის სისტემის გაბატონებული მდგო-
მარეობისათვის აუცილებელი პირობები, რა თქმა უნდა, დამახასიათებელი
იყო აღმოსავლეთის ფეოდალური საზოგადოებისათვისაც. ფეოდალურ-ბატონ-
ყმური მეურნეობის „სისტემის გაბატონებული მდგომარეობა გულისხმობდა
შემდეგ აუცილებელ პირობებს: ჯერ ერთი, ნატურალური მეურნეობის ბა-
ტონობას... მეორეც, ასეთი მეურნეობისათვის საჭიროა, რომ უშუალო მწარ-
მოებელს მიცემული ჰქონდეს წარმოების საშუალებანი საზოგადოდ და მიწა
კერძოდ; ესეც ცოტაა—საჭიროა, რომ ის მიმაგრებული იყოს მიწაზე, რად-
გან სხვანაირად მემამულე მუშახელით არ იქნება უზრუნველყოფილი... მესა-
მეც, მეურნეობის ამ სისტემის პირობაა გლეხის პირადი დამოკიდებულება
მემამულისაგან. მემამულეს რომ არ ჰქონოდა პირდაპირი ძალაუფლება
გლეხის პიროვნების მიმართ, ის ვერ შესძლებდა თავის სასარგებლოდ ემუ-

შავებინა ადამიანი, რომელსაც მიწა მიუღია და რომელიც საკუთარ მეურნეობას ეწევა. საქირაა, მაშასადამე, „გარეგანომიური იძულება“, როგორც ამბობს მარქსი, როცა ახასიათებს ამ სამეურნეო რეჟიმს... ამ იძულების ფორმა და ხარისხი შესაძლებელია სულ სხვადასხვანაირი იყოს, დაწყებული ბატონყმური მდგომარეობით და გათავებული გლეხის წოდებრივი არასრულყოფილებიანობით. ბოლოს მეოთხეც, ასაწერი სამეურნეო სისტემის პირობა და შედეგი იყო ტექნიკის უკიდურესად დაბალი და რუტინული მდგომარეობა, რადგან მეურნეობის გაძლოლა წერილ გლეხთა ხელში იყო, რომელნიც გაქირავებისაგან წელში წყდებოდნენ და პირადი დამოკიდებულებით და გონებრივი სიბნელით დაბეჩაყვებული იყვნენ¹.

მაგრამ მიუხედავად წარმოების წესის საერთო ზოგადი ნიშნების ფეოდალიზმის განვითარება და მისი პოლიტიკური, საზოგადოებრივი და სამეურნეო სტრუქტურის ფორმები ამჟღავნებდა ნაირსახეობას და თავისებურებას ცალკეული ქვეყნების მიხედვით. სხვადასხვა ქვეყანაში ფეოდალურ ურთიერთობათა ტიპი ხშირად მეტად განსხვავებული იყო. რუსულ ფეოდალიზმს ასხვავებენ დასავლეთ ევროპული ფეოდალიზმისაგან, ქართულ ფეოდალიზმს რუსული ფეოდალიზმისაგან. რუსული, დასავლეთ ევროპული და ქართული ფეოდალიზმი, რომელთაც ბევრი მსგავსებაც ჰქონდათ, განსხვავდებოდა აღმოსავლური ფეოდალიზმისაგან. აღმოსავლური ფეოდალიზმისათვის დამახასიათებელი იყო მთელი რიგი სპეციფიკური თავისებურებანი, რასაც განსაკუთრებული ყურადღება უკვე მარქსიზმის კლასიკოსებმა მიაქციეს.

იმამი, რომ აღმოსავლეთმა არ იცოდა კერძო საკუთრება მიწაზე, კ. მარქსი ხედავდა ნამდვილ გასაღებს „აღმოსავლური ზეცისთვისაც კი“².

მარქსი აღნიშნავდა საკუთრების და მფლობელობის მთელ თავისებურებას აღმოსავლეთში მეურნეობისათვის აუცილებელი სარწყავი არხების საქირებასთან დაკავშირებით. მაგრამ ეს არავითარ შემთხვევაში არ ქმნიდა „წარმოების აზიურ წესს“, როგორც ამას ზოგიერთი ისტორიკოსი ფიქრობდა.

გეოგრაფიული ფაქტორი (უდაბნოებითა და ნახევარუდაბნოებით დასერილი აღმოსავლეთი არაბეთის ნახევარკუნძულიდან დაწყებული ცენტრალური აზიის უკიდურეს დასავლეთ ნაწილამდე) მოქმედებდა ძველ და შუა საუკუნეთა აღმოსავლეთშიც, მაგრამ საზოგადოებრივ-ეკონომიურმა განვითარებამ ძველ პერიოდში მონათმფლობელობა მოგვცა, შუა საუკუნეებში—ფეოდალიზმი. წყლით სარგებლობის ორგანიზაცია სახელმწიფოს ან თემის მეშვეობით მხოლოდ აღმოსავლური მონათმფლობელობის ან აღმოსავლური ფეოდალიზმის სპეციფიკურ თავისებურებას აპირობებდა. მიწა აღმოსავლეთში ეკუთვნოდა თემს ან სახელმწიფოს³.

კ. მარქსი და ფ. ენგელსი ხაზგასმით აღნიშნავდნენ აღმოსავლური მონათმფლობელობის და ფეოდალიზმის მთელ თავისებურებას, რითაც ისინი, ცხადია, სავსებით გამორიცხავდნენ „წარმოების აზიურ წესს“, მხოლოდ

¹ ვ. ი. ლენინი. თხზულებანი, ტ. 3, გვ. 207—209.

² კ. მარქსი, ფ. ენგელსი. წერილები „კაპიტალის“ შესახებ, 1952, გვ. 47.

³ ფ. ენგელსი. ანტი-დიუინგი, 1952, გვ. 208.

აღმოსავლეთისათვის დამახასიათებელი რაღაც განსაკუთრებული საზოგადოებრივ-ეკონომიური ფორმაციის არსებობას.

მიწაზე სახელმწიფო საკუთრების არსებობის პირობებში, მარქსის განსაზღვრით, „რენტა და გადასახადი ერთმანეთს თანაემთხვევა“¹. ეს კი არ შეიძლება დამახასიათებელი ყოფილიყო მონათმფლობელური აღმოსავლეთისათვის მიუხედავად იმისა, რომ ძველ აღმოსავლეთშიც მიწის უზენაესი მესაკუთრე სახელმწიფო იყო.

ის გარემოება, რომ აღმოსავლეთში „რენტა და გადასახადი ერთმანეთს თანაემთხვეოდა“ სრულიადაც არ სცვლიდა რენტის ფეოდალურ ბუნებას (ამნასთან, გარკვეულ პირობებში იგი შეიძლებოდა დამახასიათებელი ყოფილიყო დასავლეთის ფეოდალური ქვეყნებისთვისაც). ამ შემთხვევაში, მარქსის სიტყვებით რომ ვთქვათ, სულ ერთი იყო თუ ვის ეკუთვნოდა მიწა: მემამულე ფეოდალს თუ სახელმწიფოს. ფეოდალურ აღმოსავლეთში არსებობდა რენტის სამივე სახეობა (შრომითი რენტა, რენტა პროდუქტებით, ფულადი რენტა), რა თქმა უნდა, ისეთივე თანამიმდევრობით ან შერეული სახით, როგორც ე. წ. „კლასიკური ფეოდალიზმის“ ქვეყნებში.

მონათმფლობელურ და ფეოდალურ აღმოსავლეთში სახელმწიფო „მორწყვის ერთობლივი მომწესრიგებელი იყო“, მაგრამ ეს სრულიადაც არ უქმნიდა საფუძველს „წარმოების აზიურ წესს“. გეოგრაფიული ფაქტორის უცვლელობის მიუხედავად აღმოსავლეთის ქვეყნები ფეოდალური განვითარების გზას დაადგნენ, როცა საწარმოო ძალების განვითარების შესაბამისად წარმოებითი ურთიერთობის ხასიათთან მონათმფლობელობის კრიზისი გააპირობა.

მარქსი მიუთითებდა, რომ მოსავალი აღმოსავლეთში დამოკიდებული იყო კარგ ან ცუდ მთავრობაზე, როგორადაც ის ევროპაში დამოკიდებული იყო კარგ ან ცუდ ამინდზე². ენგელსი შენიშნავდა: „რამდენი დესპოტიები გაჩენილა და დაღუპულა სპარსეთსა და ინდოეთში და თვითეულმა მათგანმა ძლიერ კარგად იცოდა, რომ იგი უწინარეს ყოვლისა, მდინარეთა ხეობათა ერთობლივი მომწესრიგებელი იყო, მოურწყავად იქ შეუძლებელია მიწათმოქმედება“³.

კ. მარქსის და ფ. ენგელსის განსაზღვრით მთავრობას აღმოსავლეთში ყოველთვის სამი უწყება ჰქონდა: საფინანსო (საკუთარი მოსახლეობის ძარცვა), სამხედრო (ძარცვა ქვეყნის შიგნით და უცხო ქვეყნებში), საზოგადოებრივ სამუშაოთა უწყება (ზრუნვა რეპროდუქციისათვის)⁴.

მიწათმოქმედებისათვის აუცილებელი ხელოვნური მორწყვა „მოითხოვდა ცენტრალიზაციის მომხდენი მთავრობის ძალის ჩარევას. აქედან — ის ეკონომიური ფუნქცია, რომელიც იძულებული იყო შეესრულებინა ყველა აზიურ მთავ-

¹ კ. მარქსი. კაპიტალი, ტ. III, ნაწ. 2, გვ. 310.

² კ. მარქსი, ფ. ენგელსი. რჩეული ნაწერები, ტ. I, 1950, გვ. 386 — 387.

³ ფ. ენგელსი, ანტი-დიურიზმი, გვ. 212.

⁴ კ. მარქსი, ფ. ენგელსი. რჩეული წერილები, 1949, გვ. 75; კ. მარქსი, ფ. ენგელსი. რჩეული ნაწერები, ტ. I, გვ. 386.

რობას, სახელდობრ — საზოგადოებრივ სამუშაოთა ორგანიზაციის ფუნქცია* 1. ამის საილუსტრაციოდ კ. მარქსი დასძინდა: „პერიტანელებმა გადაიღეს ოსტინდოეთში მათი წინამორბედებისაგან საფინანსო უწყება და სამხედრო უწყება, მაგრამ სრულიად უყურადღებოდ დატოვეს საჯარო სამუშაოთა უწყება. აქედან — დაცემა სასოფლო მეურნეობისა... ჩვენ ჩვეულებრივ ვხედავთ აზიის სახელმწიფოებში, რომ სასოფლო მეურნეობა ეცემა ერთი მთავრობის მმართველობის დროს და ისევ აღორძინებას განიცდის რომელიმე სხვა მთავრობის მმართველობის დროს. აქ მოსავალიც კარგ თუ ცუდ მთავრობაზეა დამოკიდებული, ისე როგორც იგი ევროპაში დამოკიდებულია კარგ თუ ცუდ ამინდზე“ 2.

დამოწმებული დებულება შეიძლება თამამად გავავრცელოთ სასანურო ირანზე, არაბთა სახალიფოზე, თურქ-სელჩუკების, მონღოლების, თურქმანების, ყიზილბაშების და ოსმალების სახელმწიფოებზე. საზოგადოებრივ სამუშაოთა უწყება ჩვეულებრივ იმ პერიოდებში მოქმედებდა, როცა „ალარაფერი იყო დასაპყრობ-მისატაცებელი და წარმოება იყო საქირო“ (კ. მარქსი).. საზოგადოებრივ სამუშაოთა უწყება, სასანური ირანის და აბასელთა სახალიფოს გამოკლებით, ყოველთვის სუსტად იყო განვითარებული აღმოსავლეთის ნომადური წარმოშობის სახელმწიფოებში.

ძირითადი მწარმოებელი კლასის ექსპლოატაცია აღმოსავლეთში უპირატესად სახელმწიფოს მეშვეობით წარმოებდა. განვითარებული სახელმწიფო მიწისმფლობელობის პირობებში ფართო გასაქანი ეძლეოდა „ექსპლოატაციის აღმოსავლურ ფორმას“ 3, რომელიც სახელმწიფო დიდმოხელეში იყო განსაზღვრებული (ნგელსი, ოსმალების მაგალითზე, ასახელებს სატრაპს ანუ ფაშას)..

მაგრამ აღნიშნული იმას სრულიადაც არ ნიშნავს, რომ აღმოსავლეთში საქმე გვაქვს „სახელმწიფო ფეოდალიზმთან“ ან „სამოხელეო ფეოდალიზმთან“.

აღმოსავლეთისათვის უცხო არ იყო გლეხის ფეოდალზე უშუალო დამოკიდებულება.

საამისო პირობას ქმნიდა სახელმწიფო ან სათემო მიწების გასაკუთრება. აღზევებულ-გაძლიერებული ფეოდალების ძვირ (დეჰყანები, იკტადარები, თიულდარები, თიშარის მფლობელები...). მიწის ფეოდალური გასაკუთრება, მიწის ფეოდალური საკუთრების განვითარებული ფორმები ქმნიდნენ ახალ საფეხურებს ფეოდალიზმის განვითარებაში, რაც XIII—XIV საუკუნეთა მიჯნაზე გლახთა მიწაზე მიმაგრებით დამთავრდა.

მაგრამ მომთაბარეთა ბატონობა ფეოდალიზაციის პროცესს ხანგრძლივად ვადას უღებდა. მომთაბარეები დაინტერესებული იყვნენ სახელმწიფო მიწისმფლობელობის შენარჩუნებით, რადგან ეს მათ შესაძლებლობას აძლევდა ვრცელი ქვეყნები მიეღოთ „საქმელად“. ამასთან, უფლება მიწის შემოსავალზე ხორციელდებოდა მეჯოგური მეურნეობის პირობებში. „სამამულო სისტემის“

1 კ. მარქსი, ფ. ენგელსი. რჩეული ნაწერები, ტ. I, გვ. 38წ.

2 იქვე.

3 K. Маркс и Ф. Энгельс. Соч., ტ. XXVII, გვ. 234.

უპირატესობის შეგნება მხოლოდ მომთაბარული არისტოკრატის ერთ ნაწილში იკაფებდა თანდათან გზას.

მომთაბარეების შემოსევებისა და ბატონობის პირდაპირი შედეგი იყო ნიწების გადანაწილება სამხედრო-ნომადური არისტოკრატის სასარგებლოდ, რაც, ცხადია, ადგილობრივი ფეოდალების ნიწების ექსპროპრიაციის ხარჯზე ხდებოდა. მომთაბარული არისტოკრატია არ მისდევდა მეურნეობას და რენტა-ხარკის (მთლიანად ან ნაწილობრივ) მითვისება სახელმწიფოს მეშვეობით ექსპლოატაციის საუკეთესო ფორმად მიაჩნდა მანამდე, სანამ მისი წარმომადგენლები გაფეოდალებას მოასწრებდნენ. მიწების პერიოდულ გადანაწილებას და ფეოდალური უფლებების პერიოდულ გადაჯგუფებას არ შეიძლებოდა დაბრკოლებები არ შეექმნა მიწის ფეოდალური საკუთრების ფორმების განვითარებისათვის. მართალია, გაფეოდალებული მომთაბარული არისტოკრატია ბოლოს მიწის ინტენსიური ექსპლოატაციის გზას ადგებოდა, მაგრამ ეს ხდებოდა ისეთ პირობებში, როცა მახლობელი აღმოსავლეთის ნიწისმოქმედი ხალხები იძულებული იყვნენ განვითარება (ჭანდგურებული საწარმოო ძალების აღდგენა) კვლავ თავიდან დაეწყოთ.

ნარქსმა ყურადღება მიაქცია ბინადარი და მომთაბარე ნოსახლეობის თანაფარდობის ფაქტის მნიშვნელობას აღმოსავლეთის ხალხთა ისტორიულ ცხოვრებაში¹. XI საუკუნიდან მოკიდებული (თურქ-სელჩუკების შემოსევები) მომთაბარული ელემენტი განუწყვეტლივ იზრდება მახლობელი და შუა აღმოსავლეთის ქვეყნებში. მომთაბარეთა ბატონობა და აღმოსავლური თემი მთავარი ფაქტორები იყო მეურნეობის ძველი ფორმების კონსერვაციის საქმეში..

აღმოსავლური თემი, რომელმაც საზოგადოდ დიდი განძლეობა განიჭინა, ჩამორჩენილ ურთიერთობათა ბაზისად იქცა აღმოსავლეთში. აღმოსავლეთის დესპოტიზმის ამ მტკიცე საფუძვლის დაშლის პროცესი საუკუნეობით გახანგრძლივდა. „აღმოსავლურმა დესპოტიზმმა და დამპყრობელი მომთაბარე ხალხების ცვალებადმა ბატონობამ ათასი წლების განმავლობაში ვერაფერი დააკლო ამ ძველ თემებს“².

სასოფლო თემი აღმოსავლეთში სახელმწიფოს მიერ გამოყენებული იყო როგორც მოხერხებული ფისკალური ერთეული. თემმა თავისი სამეურნეო ფუნქციებით თავი შემოინახა აღმოსავლეთის განვითარებულ ფეოდალურ საზოგადოებაშიც.

განვითარების შემაფერხებელი მთავარი ძალა მაინც მომთაბარეთა ბატონობა იყო.

ამიტომ დაუშვებელი უნდა იყოს აღმოსავლეთის მომთაბარე ხალხებს. მივაწეროთ ისეთივე როლი, როგორსაც ენგელსი გერმანელებს ანიჭებდა რომის იმპერიის მონათმფლობელური სახელმწიფოს დამხობაში. ძნელი წარმოსადგენია ეფტალიტების ამგვარივე როლი სასანური ირანის მიმართ (მ. მასონი) ან ჰუნების „პროგრესულობა“ ამავე მიმართულებით (ა. ბერნშტამი)-

¹ კ. მარქსი, ფ. ენგელსი. წერილები „კაპიტალის“ შესახებ, გვ. 47.

² ფ. ენგელსი. ანტი-დიურიზმი, გვ. 191.

საეკეკოა, რომ არაბებს ისეთივე როლი შეესრულებინათ წინა აზიის ძველ საზოგადოებრივ ურთიერთობათა დაღეწვის საქმეში, როგორც შეასრულეს გერმანელებმა რომის მიმართ და სლავებმა ბიზანტიის მიმართ (ნ. პიგულევსკაია): კიდევ უფრო შეუწყნარებელია პროგრესული მნიშვნელობის მინიჭება თურქ-სელჩუკების შემოსევებისათვის (ა. იაკუბოვსკი, ბ. ზახოდერი) და თვით მონღოლთა ბატონობისათვის (აკად. ვ. ბარტოლდი).

თუ, ნაბოლავ, არაბთა შემოსევები ემთხვევა მონათმფლობელობის რღვევას და ფეოდალიზმის განვითარებას აღმოსავლეთში, თურქ-სელჩუკებმა მოუსწრეს ფეოდალიზმის შუა ხანას, ხოლო მონღოლთა შემოსევები ხდება იმ დროს. რაკა აღმოსავლეთის კულტურულ ქვეყნებში მთავრდება ფეოდალიზაციის პროცესი და ეზადდება პირობები განვითარების გვიანფეოდალურ ხანაში გადასასვლელად.

XIII საუკუნე წყალგამყოფი საუკუნე იყო მახლობელი აღმოსავლეთის ისტორიაში.

მუსლიმანური ქვეყნების კულტურულ-პოლიტიკური ტრადიციების შესუსტებამ, წინარე ხანის საზოგადოებრივი და სამეურნეო განვითარების შეფერხებამ თავისი გამოხატულება სოციალურ-ეკონომიური ურთიერთობის გამარტივებასა და ნახევრადპატრიარქალურ-ნახევრადფეოდალურ წყობაში კპოვა. მონღოლური იასა, როგორც მარქსი აღნიშნავს, სავსებით შეეფერებოდა ისეთ ხალხს, რომელიც ფეოდალიზმის უმდაბლეს, ბარბაროსულ საფეხურზე იმყოფება.

სპეციალურ ლიტერატურაში საკმაოდ კარგადაა ცნობილი მონღოლთა ბატონობის ეკონომიური და პოლიტიკური შედეგები. საბჭოთა აღმოსავლეთმცოდნეობით ისტორიოგრაფიაში დამაჯერებლადაა ნაჩვენები, რომ მონღოლთა განანადგურებელი შემოსევების შემდეგ სოფლის მეურნეობას აოასოდეს არ მიუღწევია XIII საუკუნემდელი დონისათვის. ყველგან მკვეთრად შემცირდა აგრკულტურის ფართობი, მოიშალა სარწყავი არხები, მიწები მწარმოებელი საზოგადოებისაგან დაცარიელდა, გლეხმა მეურნეობის განვითარების სტიმული დაკარგა, ერთ წერტილზე გაიყინა სოფლის მეურნეობის ტექნიკა. სასოფლო-სამეურნეო იარაღების გაუმჯობესებით დაინტერესებული არ იყო არც მიწისმფლობელი და არც მიწისმოქმედი.

მონღოლთა შემოსევებისა და ბატონობის პოლიტიკური შედეგი იყო ილხანთა ირანის სახელმწიფოს წარმოქმნა შუა აღმოსავლეთის ვრცელს ტერიტორიაზე და ოსმალთა სახელმწიფოს წარმოშობა-გაძლიერება მცირე აზიაში. ილხანთა ირანის სოციალურ-ეკონომიური წყობა და პოლიტიკური ინსტიტუტები დამახასიათებელი იყო თურქმანული და ყიზილბაშური სახელმწიფოებისათვისაც XV-XVI საუკუნეებში. შემთხვევით არ აიხსნება, რომ თურქმანებიც და ყიზილბაშებიც ილხანთა ირანის პოლიტიკურ მემკვიდრეობას ჩენულობდნენ.

ახლა საწარმოო ძალების განვითარების მოთხოვნის ხალხებს გაცილებით უფრო მძიმე პირობებში უხდებოდა დანგრეულის და განადგურებულის აღდგენა. ვიდრე არაბების ან თურქ-სელჩუკების დროს.

მაგრამ ადგილობრივი ფეოდალური ძალების გავლენა მონღოლ-თურქებსაც ფეოდალიზაციისაკენ ნიაჭანებდა. XIV ს-ში ჩამოყალიბდა და XV ს-ში საკმაოდ განვითარდა მიწის ფეოდალური საკუთრების ახალი და უფრო მაღალი ფორმა („სოიურალი“), რომელიც საგადასახადო, ადმინისტრაციულ და სასამართლო იმუნიტეტს გულისხმობდა. მაგრამ განვითარება ამ მიმართულებით მომთაბარეთა ახალმა ტალღებმა შეაჩერეს. ყიზილბაშურმა თიულმა და ოსმალურმა თიმარმა წამყვანი როლი კვლავ სახელმწიფო მიწისმფლობელობას მიანიჭა, რაც საცესებით შეესაბამებოდა ყიზილბაშთა და ოსმალთა სამხედრო-ფეოდალური სახელმწიფოების ბუნებასა და ხასიათს.

ნომადთა ბატონობის პირობებში შეფერხდა ფეოდალიზმის ნორმალური განვითარება აღმოსავლეთში. საწარმოო ძალების სისტემატური ნვრევა საკიროდ ხდიდა განვითარების კვლავ თავიდან დაწყებას. ამასთან ნომადთა ბატონობა აფერხებდა ძველ ფორმაციათა გადანაშთების ლიკვიდაციის საქმეს. ნაგვიანევი შუა საუკუნეების მახლობელ აღმოსავლეთში გაბატონებული იყვნენ ყიზილბაშები და ოსმალები, რომლებიც ფეოდალური განვითარების უმდაბლეს, ბარბაროსულ საფეხურზე იმყოფებოდნენ.

XVII – XVIII საუკუნეებში მეურნეობის მარტივ ფორმებს არ შეიძლებოდა ნიადაგი მოემზადებინათ პოლიტიკური წყობილების განვითარებულ და მაღალ ფორმებზე გადასასვლელად. ნაგვიანევი ხანის აღმოსავლეთში არ შექმნილა აბსოლუტიზმისათვის საკირო პირობები და, ამიტომ, იქ ვერ წარმოიშვა აბსოლუტური მონარქიები.

XIX ს-ის მახლობელ აღმოსავლეთში, მართალია, თვალსაჩინო ხდება მეურნეობის ძველი და მარტივი ფორმების დაშლა, მაგრამ ახლა მათი კონსერვაციით, აღმოსავლეთში ფეოდალური ურთიერთობის შენარჩუნებით დაინტერესებული არიან ევროპის კაპიტალისტური სახელმწიფოები. ფეოდალიზმის ძლიერი გადანაშთები თანამედროვე აღმოსავლეთის მუსლიმანურ ქვეყნებში კოლონიური სისტემის ბატონობის პირდაპირი შედეგია. ამიტომ, იმპერიალიზმის წინააღმდეგ ბრძოლა იქ ორგანულადაა შერწყმული ფეოდალიზმთან ბრძოლასთან.

„აზიის გამოღვივება“ (ვ. ი. ლენინი) აღინიშნა რევოლუციებით აზიის მთელ რიგ ქვეყნებში XX საუკუნის დამდეგს. ამ რევოლუციებში აშკარად ჩანს რუსეთის 1905 წლის რევოლუციის გავლენა. ეროვნულ-განმათავისუფლებელი ბრძოლა აღმოსავლეთის ხალხებმა კიდევ უფრო გააძლიერეს ოქტომბრის დიდი სოციალისტური რევოლუციის შემდეგ. ეს ბრძოლა მიმდინარეობს კაპიტალიზმის საერთო კრიზისის პირობებში, რომლის შემადგენელი ნაწილიცაა კოლონიური სისტემის კრიზისი.

აღმოსავლეთის ბევრი ქვეყანა დაადგა თავისუფალი და დამოუკიდებელი განვითარების გზას. ასეთ ქვეყნებში სწრაფად მოხდა ან ხდება ფეოდალური გადანაშთების ლიკვიდაცია. მაგრამ კოლონიური და დამოკიდებული ქვეყნების დიდს უმეტესობაში დღემდე მეტ-ნაკლებად შემონახულია ფეოდალური და თავით წინაფეოდალური ურთიერთობანი. თანამედროვე აღმოსავლეთის ხალხთა ეროვნულ-განმათავისუფლებელ ბრძოლაში ერთი ნთავარი ადგილითაგანი.

უკირავს აგრარულ საკითხს, რომლის წარმატებით გადაწყვეტაზე დამოკიდებული აღმოსავლეთის მშრომელი მოსახლეობის ფეოდალური კაბალისაგან განთავისუფლება.

თანამედროვე აღმოსავლეთის აგრარული სისტემის გასაგებად და აგრარული რევოლუციის საკითხების გასარკვევად აუცილებელია ფეოდალური ხანის აღმოსავლეთის ისტორიის ცოდნა. ამ მხრივ შუა საუკუნეების მახლობელი აღმოსავლეთის ისტორიის შესწავლას არ შეიძლება არ ჰქონდეს აქტუალური მნიშვნელობა.

1. გახლოებული აღმოსავლეთი მონათმფლობელობიდან ფეოდალიზმში გარდასვალ პერიოდში

1. ფეოდალიზმის განეჭვის კაცო ლემა

ფეოდალიზმის გენეზისი აღმოსავლეთში ჯერ კიდევ არაა საჭირო სისრულით შესწავლილი.

აღმოსავლური ფეოდალიზმის პრობლემა დააყენა მხოლოდ საბჭოურმა ისტორიოგრაფიამ.

რევოლუციამდელი რუსული ორიენტალისტიკა არ ცნობდა ფეოდალიზმს აღმოსავლეთში. ფეოდალური ურთიერთობის არსებობას აღმოსავლეთში უარყოფდა აღმოსავლეთის ქვეყნების ისტორიის ისეთი მკვლევარიც კი, როგორც იყო აკად. ვ. ბარტოლდი. მან მხოლოდ 1923 წელს აღიარა გლახთა მიწაზე მიმაგრების ფაქტი XIII—XIV სს. ირანში¹. მაგრამ შემდეგ თვითონვე უარყო ეს შეხედულება და ამტკიცებდა, რომ „მუსლიმანურმა სამყარომ“ არ იცის ბატონყმური სამართალი და რომ აღმოსავლეთში გლახები არ იყვნენ მიწაზე მიმაგრებული და შეეძლოთ თავისუფალი ადგილგადანაცვლება².

„წარმოების აზიური წესის“ მცდარმა „თეორიამ“ მნიშვნელოვნად შეაფერხა აღმოსავლური ფეოდალიზმის მეცნიერული შესწავლის საქმე. დამახასიათებელია, რომ თვით 40-იანი წლების დასაწყისისათვის ისტორიკოსებს ზუსტი წარმოდგენა არ ჰქონდათ ისეთ ფეოდალურ ინსტიტუტებზე, როგორცაა სოიურალაღი და თიული. ისინი ვერ ასხვავებდნენ ერთმანეთისაგან მიწის ფეოდალური საკუთრების სხვადასხვა ფორმებს.

გარდატეხა აღმოსავლური ფეოდალიზმის შესწავლის საქმეში იწყება მხოლოდ 40-იან წლებში. შედეგებიც ამის შესაბამისი იყო.

საბჭოთა ორიენტალისტმა ისტორიკოსებმა (ა. იაკუბოვსკი, ს. ტოლსტოვი, ნ. პიგულოვსკაია, ი. პეტრუშევსკი, ბ. ზახოდერი, პ. ივანოვი და სხვ.) უჩვენეს ფეოდალური ურთიერთობის განვითარება აღმოსავლეთის ქვეყნებში (მესოპოტამია, ირანი, შუა აზია...), მაგრამ ღღემდე მაინც გადა-

¹ В. В. Бартольд. К истории крестьянских движений в Персии. Сборник в честь Н. И. Кареева, 1923, гл. 53—60.

² В. В. Бартольд. К вопросу о феодализме в Иране, Новый Восток, № 28, 1930, гл. 119.

უწყვეტელია აღმოსავლეთში ფეოდალიზმის ჩამოყალიბების სპეციფიკის საკითხები¹.

IV—VII საუკუნეები მახლობელი აღმოსავლეთის ისტორიაში წარმოადგენენ გარდატეხის პერიოდს, რომლის განმავლობაში მოხდა მთელი რიგი ისეთი ცვლილებები, რომლებიც დამახასიათებელია ერთი საზოგადოებრივ ფორმაციის მეორე ფორმაციით შეცვლასთან².

აღნიშნული დებულება შეიძლება თამამად გავაერკულოთ ბიზანტიის აღმოსავლურ პროვინციებზე, სასანურ ირანზე და შუა აზიაზე (ხორეზმი, თხარისტანი, სოლდი, უსრუშანა, შაში).

სასანურ ირანში ფეოდალიზმს ხელაწევა ჯერ კიდევ თეოდორ ნელდეკე³ ეს შეხედულება შემდეგ კიდევ უფრო განავითარა არტურ ქრისტენსენმა⁴.

დასახელებული მკვლევრები სასანური დინასტიის ბატონობას, წარმოშობიდან გადაშენებამდე, განიხილავდნენ განვითარებული ფეოდალური წყობილების პირობებში. მაგრამ ფაქტიურად, სასანური ირანის ისტორიის მაგალითზე, ისინი იძლეოდნენ ფეოდალური ხანის დას. ევროპის პოლიტიკური ინსტიტუტების სრულ ანალოგიას და იგივეობის ნიშანს სვამდნენ სასანურ საზოგადოებასა და ევროპის ფეოდალურ საზოგადოებას შორის⁵. ფეოდალიზმის გენეზისისა და მისი განვითარების საკითხები ბურჟუაზიულ ორიენტალისტიკურ ისტორიოგრაფიას არ დაუხვამს. ამას გამორიცხავდა ბურჟუაზიული ისტორიოგრაფიისათვის დამახასიათებელი შეზღუდულობა.

ერთგვარად პოზიტიური აღნიშნულ შეხედულებებში მხოლოდ ის იყო, რომ ისინი საზოგადოდ სცნობდნენ ფეოდალიზმს (ისტორიულ განვითარებას) ირანში იმ დროს, როდესაც აღმოსავლეთმცოდნეობაში საყოველთაოდ იყო გაბატონებული ციკური და პანბაბილონური თეორიები. XIX—XX სს. მიჯნაზე (იმპერიალიზმის ხანაში) წარმოშობილი ეს თეორიები გამორიცხავდნენ ყოველგვარ განვითარებას შუა საუკუნეების აღმოსავლეთში.

თანამედროვე ბურჟუაზიულ ისტორიოგრაფიას წამოყენებული აქვს ორი რეაქტიული „თეორია“: „მოდერნისტულ-კაპიტალისტური“ და „მარადიული ფეოდალიზმის“ თეორია.

პირველი „თეორიის“ მიხედვით (მისი ავტორი ფრანგი ორიენტალისტი ლამენსია) კაპიტალისტური წყობა, მაგალითად, დამახასიათებელია VII ს-ის არაბული საზოგადოებისათვის. ლამენსის თვალსაზრისით მექაში, მუჰამედის

¹ А. Ю. Якубовский. Вопросы периодизации истории Средней Азии в средние века (VI—XV вв.). Краткие сообщения ИИМК, XXVIII, 1949, стр. 30.

² И. В. Пигульская. Взгляды на путь в Индию, М.—Л., 1951, стр. 31. მისივე, Проблемы распада рабовладельческого общества и формирования феодальных обществ на Ближнем Востоке, Вопросы истории, 1953, № 6.

³ Th. Nöldeke. Geschichte der Perser und Araber zur Zeit des Sasaniden, Leiden, 1897.

⁴ A. Christenson. L'empire Sasanide: le peuple, la cour, l'état, Copenhague, 1907.

⁵ Б. Н. Заходер. Иран при Сасанидах, Исторический журнал, №12, 1938, стр. 86.

მოღვაწეობის ხანაში, ერთმანეთს უპირისპირდებიან მექელი ბანკირები და პროლეტარები. ამ ცრუმეცნიერული „თეორიის“ მიზანია „ისტორიული ფაქტებით“ დაადასტუროს კაპიტალიზმის ოდინდელობა და მისი მარადიულობა. ძველი აღმოსავლეთის მიმართ გამოყენებული ეს „თეორია“ (ედ. მაიერი და სხვ.) ლამენსს მექანიკურად გადმოაქვს არაბთა სახელმწიფოზე. ძველი აღმოსავლეთის დესპოტიკებში კი ბურჟუაზიული ისტორიკოსები ხედავენ თვით „სახელმწიფო სოციალიზმს“ (პ. კოშაკერი).

უკანასკნელ ხანებში ბურჟუაზიულ ისტორიკოსთა შორის დიდის გავლენით სარგებლობს ე. წ. „უნივერსალური ფეოდალიზმის“ ანუ „მარადიული ფეოდალიზმის“ თეორია. ამ „თეორიის“ მიხედვით აღმოსავლეთის ხალხები ისტორიულ ცხოვრებას იმთავითვე ფეოდალიზმით იწყებენ, ფეოდალიზმი მათ თითქოს მოსდევთ დასაწყისიდანვე.

„მარადიული ფეოდალიზმის“ თეორიის მიზანია „ცხადპყოს“ აღმოსავლეთის ისტორიული განვითარების განსაკუთრებული, დასავლური საწყაროს განვითარებისაგან განსხვავებული გზა. ეს „თეორია“ ბუნებრივად ეხმაურება წარმოების აზიური წესის“ საბჭოურ ისტორიოგრაფიაში კარგა ხნის წინათ უარყოფილ თეორიას.

„მარადიული ფეოდალიზმი“ პანბაბილონიზმის გამეორებაა. პანბაბილონიზმის მიხედვით დასავლეთისათვის დამახასიათებელია „მუდმივი მოძრაობა“, ხოლო აღმოსავლეთისათვის „მუდმივი უძრაობა“. აღმოსავლეთის „უძრაობის“ ჩვენებას ცდილობს „მარადიული ფეოდალიზმის“ თეორიაც. ამდენადვე, ფეოდალური გადაწვევები თანამედროვე აღმოსავლეთში, ფეოდალური ეკონომიკის ბატონობა აღმოსავლეთის მთელ რიგ ქვეყნებში (ირანი, ავღანისტანი, არაბული ქვეყნები და სხვ.), ამ თეორიის მიხედვით, წარმოადგენს ბუნებრივსა და ისტორიულად კანონზომიერ მოვლენას. ამგვარი „თეორიებით“ ცდილობენ ბურჟუაზიული ისტორიკოსები შეუქმნან იდეოლოგიური ნიადაგი იმპერიალიზმის ბატონობას აღმოსავლეთის კოლონიურ და დამოკიდებულ ქვეყნებში.

ბურჟუაზიული ისტორიკოსები აღმოსავლეთში არ ხედავენ მონათმფლობელურ საზოგადოებას, მონათმფლობელების მიერ მონების ექსპლოატაციას. ამდენადვე, რა თქმა უნდა, ფეოდალიზმის გენეზისი დაკავშირებული არაა მონათმფლობელობის კრიზისთან.

ძველი სახელმწიფოების დამხობას ბურჟუაზიული ისტორიკოსები უკავშირებენ „ბარბაროსული“ ხალხების შემოსევებს და სოფლის მასების გამარჯვებას ქალაქურ ცივილიზაციაზე (როსტოცკევი).

საბჭოური ისტორიოგრაფიის ერთ-ერთი უეჭველი მიღწევაა ელინიზმის, როგორც მონათმფლობელობის განვითარების სრულიად გარკვეული საფეხურის, მარქსისტულ-ლენინური დახასიათება. ნაჩვენებია ელინიზმის მთელი თავისებურება აღმოსავლეთში, სადაც მონათმფლობელურმა საზოგადოებამ ვერ მიაღწია თავისი განვითარების სრულყოფილ, კლასიკურ ფორმებს.

სასანური დინასტიის გაბატონებაში ბურჟუაზიული ისტორიოგრაფია ხედავდა და ხედავს რეაქციას ელინიზმის წინააღმდეგ. ელინიზმი ბურჟუაზიულ ისტორიკოსთათვის მხოლოდ კულტურულ-ისტორიული მოვლენაა. ამიტომ, ბუნებრივია, მათ არ შეეძლოთ სასანური ირანის ისტორიის დაკავ-

შირება მონათმფლობელობის კრიზისთან, საწარმოო ძალების იმ განუხრეულ განვითარებასთან, რომელიც მოითხოვდა ახალ წარმოებით ურთიერთობას და მის შესაბამის პოლიტიკურ ორგანიზაციას, იდეოლოგიას.

ჩვენი წელთაღრიცხვის III ს-ში მკაფიო გამოვლინება ჰპოვეს ეკონომიური განვითარების იმ ტენდენციებმა, რომელთა სათავეს პართიის სახელმწიფოს არსებობის უკანასკნელ პერიოდში ვხედავთ.

2. ხასანური ირანის სახელმწიფო

§ 1. ხასანური ირანის წარმოშობის დრო და პირობები

მახლობელ აღმოსავლეთში დაწყებული მონათმფლობელობის კრიზისი მკაფიო გამოხატულებას პოულობს სასანურ ირანში. IV—V სს. ირანში ჩაისახა წარმოების ფეოდალური ელემენტები, VI ს-ში კი ფეოდალურმა ურთიერთობამ გამოკვეთილი სახე მიიღო.

სასანური ირანის პოლიტიკური ორგანიზაცია პართიის სახელმწიფოს ეკონომიური განვითარების ნაყოფი იყო.

პართიის ან პარტავას (ფაპლავას) სამეფო სელევკიდების სახელმწიფოს განოეყო ძვ. წელთაღრიცხვის III ს-ის მეორე ნახევარში (ამავე დროს წარმოიშვა ბაქტრიის ელინისტური სახელმწიფო შუა აზიაში). მისი ფუძემდებელი იყო არშაკ I (250—247), რომელმაც ანტიოქ II თეოსის და სელევკ II კალინიკის დროს, აჯანყების შედეგად მოიპოვა დამოუკიდებლობა და წარმოქმნა სამეფო კასპიის ზღვის სამხრეთ-აღმოსავლეთ ნაწილში.

პართიის სამეფოს არსებობის პირველ საუკუნეებში არშაკიანთა პოლიტიკური ცენტრი იყო ქალაქი ნესა (ახლანდელი აშხაბადის მახლობლად). მხოლოდ II ს-ის დამლევს (ჩვ. ერამდე) არშაკიანები იპყრობენ დასავლეთ ირანს, სომხეთს და მესოპოტამიის ერთ ნაწილს. მეფე ოროდის (56—37 წწ. ჩვ. ერამდე) დროს ტიგროსის ნაპირზე დაარსდა პართიის სახელმწიფოს ახალი პოლიტიკური ცენტრი კტეზიფონი (არაბული მადაინი).

სასანური ირანი წარმოადგენდა საკუთრივ ირანის ტერიტორიაზე განვითარებული პართიის სახელმწიფოს უშუალო გაგრძელებას.

პართიის სახელმწიფოში გაბატონებული იყო მონათმფლობელური წყობა, მაგრამ წამყვან როლს ისევ სასოფლო თემი ასრულებდა. აღმოსავლეთის მონათმფლობელობის მთელი თავისებურება შეპირობებული იყო თემური მიწისმფლობელობის ძლიერი გამოვლინებით. აღმოსავლური დესპოტიზმი დაფუძნებული იყო თემურ მიწისმფლობელობაზე (ენგელსი).

ელინიზმი წარმოადგენდა ახალ ფაზას მონათმფლობელობის განვითარებაში. ელინისტურ ხანაში განმტკიცდა მონათმფლობელური წყობა, გაძლიერდნენ მონათმფლობელები. გვაროვნული არისტოკრატის ტომთა საერთო მასიდან გამოყოფას ერთის მხრივ აძლიერებდა მსხვილი მიწისმფლობელობა, ხოლო მეორეს მხრივ, წარჩინებულთა მონაწილეობა მძიმედ შექურცილ მხედრობაში, რომელიც განსაკუთრებულ როლს ასრულებდა* ომში.

გვაროვნული არისტოკრატის პოლიტიკური ძალაუფლების ეკონომიური დასაყრდენი იყო მსხვილი მიწისმფლობელობა, მონები, სავაქრო ქარავ-

ნები, ომში მოპოვებული ნადავლი და ალაფი. მრავალწლოვანი ომები ქმნიდნენ მონობის წყაროებს. გვაროვნულ არისტოკრატიას ეს შესაძლებლობას აძლევდა გამოეყენებინა წონის შრომა მიწათმოქმედებასა და საირიგაციო სანუშაოებზე. ირიგაციის ახალი ქსელი ზრდიდა მიწის ფართობებს, ხოლო გაზრდილ მიწისმფლობელობას პატრიარქალური დამოკიდებულება თანდათან გადაჰყავდა დამოკიდებულების ახალ ფორმებზე, რასაც არ შეიძლებოდა არ დაერღვია სათემო მიწისმფლობელობა და არ გამოეწვია კლასობრივი დიფერენციაცია საზოგადოების დაბალ, მაგრამ თავისუფალ ფენებში. პართიის სამეფოში დაწყებული ეს პროცესი განვითარდა III—V სს. სასანურ ირანში.

პართიის სამეფოს გვაროვნული არისტოკრატის შემოსავლის ერთ-ერთ მნიშვნელოვან წყაროს წარმოადგენდა მსოფლიო ვაჭრობაში მონაწილეობა (დასავლეთთან, ჩინეთთან, ინდოეთთან). აბრეშუმით ვაჭრობის მონაპოვია პართიის სამეფოს ხელთ იყო, ხოლო „აბრეშუმის გზის“ მარშრუტები საიდუმლოდ დაცული. პართია დაუშვებლად თვლიდა ჩინეთის უშუალო ურთიერთობას რომთან. მან (ისევე როგორც შემდეგ სასანურმა ირანმა) ბოლომდე შეინარჩუნა შუამავლის როლი მსოფლიო ვაჭრობაში.

პართიის ეკონომიურ განვითარებას აპირობებდა შინაგანი და გარეგანი ხასიათის ფაქტორები. დიდად იყო განვითარებული მიწათმოქმედება, ვაჭრობა და ხელოსნობა მესოპოტამიაში, ირანის ჩრდილოეთ და, უფრო გვიან, სამხრეთ რაიონებში (ირანის ყურის სანაპიროების გასწვრივ). ჩინური ქრონიკები აღნიშნავენ ბრინჯის, ხორბლის, ვაზის კულტურებს, აღწერენ ქალაქებს, რომელთაც გარშემო კედლები აქვთ შემოვლებული. სხვა წყაროები ასახელებენ მდიდარ ქალაქებს (მრავალრიცხოვანი ვაჭრებით, ხელოსნებით) მესოპოტამიაში, ირანში, შუა აზიაში. საზოგადოებრივი და ეკონომიური ცხოვრების ცენტრს წარმოადგენდა ქალაქი („ქალაქი სამეფოები“). ეს იყო საკმაოდ განვითარებული მონათმფლობელობის ერთი მთავარი ნიშანთაგანი.

რომის აღმოსავლეთში გაბატონების წადილი გარდაუვალს ხდიდა ომს პართიის სამეფოსთან.

ყოველწლიურად რომი აღმოსავლეთს უხდიდა 100 მილიონ სესტერცს (პლინიუსი) იმ საქონელში, რომლის უდიდეს ნაწილს აბრეშუმში შეადგენდა.

ხანგრძლივი ომები რომსა და პართიის სამეფოს შორის წარმოებდა მდიდარი მესოპოტამიისათვის, ეკონომიურად განვითარებული სომხეთისათვის, მსოფლიო სავაჭრო-სატრანზიტო გზებზე ბატონობისათვის. ამ ომებში განსაკუთრებული ყურადღება ექცეოდა აგრეთვე მონების გამოყვანას დაპყრობილი ქვეყნებიდან.

მესოპოტამიისთან ერთად კავკასია წარმოადგენდა ქიშპის მთავარი ობიექტს რომსა და პართიის სამეფოს შორის. კავკასიის მნიშვნელობას მეტოქე სახელმწიფოების ომებში განსაზღვრავდა ის, რომ იგი მდებარეობდა მთავარი სავაჭრო მაგისტრალის იმ მონაკვეთზე, რომლის საშუალებით ჩინეთი და ინდოეთი უკავშირდებოდა დასავლეთს (ამუ-დარია, კავკასია, შავი ზღვა).

რომის ექსპანსია ამიერკავკასიის ქვეყნების მიმართ მიზნად ისახავდა ამ გზაზე გაბატონებას, მონათა ახალი წყაროების მოპოვებას.

თავის მხრივ პართია ცდილობდა მესოპოტამიაში (არამეული მოსახლეობით—ვაჭრებით, ხელოსნებით—დასახლებულ ქალაქებში) განუყოფელ ბატონობას, მის მთლიანად დაპყრობას. პართიის სამეფო მიისწრაფოდა ტერიტორიულად გაფართოებინა თავისი სამფლობელოები, დაეპყრო მცირე აზია, არაბეთი, ეგვიპტე. მისი მთავარი მიზანი იყო აქემენიანთა ირანის ოდინდელი პოლიტიკური საზღვრების აღდგენა.

პართიის სამხედრო ორგანიზაცია (მხედრობა) რომაელთა ლეგიონების ღირსეული მეტოქე აღმოჩნდა. პართელთა მხედრობას და მარჯვედ გამოყენებულ სამხედრო ხელოვნებას არა ერთხელ დაუმარცხებია რომის სარდლები. თუმც ხანგრძლივი ომები მაინც ცვალებადი წარმატებით მიმდინარეობდა. რომთან ომი პართიის სამეფომ სასანურ ირანს უანდერძა.

პართიის ეკონომიურ განვითარებას თან სდევდა მნიშვნელოვანი ცვლილებები საზოგადოებრივ ურთიერთობაში, თან სდევდა კლასობრივი დიფერენციაციის შემდგომი გაღრმავება.

გაბატონებული კლასის ზედა ფენა (გვაროვნული არისტოკრატის წრიდან) მკვეთრად დაუპირისპირდა თავისუფალ მეთემეებს. ამ ნიადაგზე გვაროვნულ არისტოკრატიასა და თავისუფალ მეთემეებს შორის იწყება ბანგრძლივი კონფლიქტი, რომელიც თანდათან გადაიზარდა მწვავე კლასობრივ ბრძოლაში.

ავესტა ასახელებს ძველი ირანის ოთხს საზოგადოებრივ ფენს (გვარს):

1. ათ.რ.ა.ვ.ა — ქურუმნი.
2. რ.ა.თ.ა.ე.ს.ტ.ო — მხედრები.
3. ვ.ა.ს.ტ.რ.ი.ო.ფ.შ.ი.უ.ონ — მიწისმოქმედნი.
4. ხ.უ.ტ.უ.ს — ხელოსნები.

თავისუფალთა აღმნიშვნელი ზოგადი სახელი იყო „შაპარ“ (სიტყვისიტყვით ნიშნავს „ხელისუფლებას“, „ხელისუფლების მატარებელს“). „შაპარს“ ეკუთვნოდა ყველა ირანელი, ირანული გვარტომობის ადამიანი. არაირანელის (იმის, ვინც ირანულ ტომს არ ეკუთვნოდა) სახელი იყო „ანირან“ („არა-ირანელი“). „ანირან“ ერთდროულად იყო „ანშაპარიც“ ე. ი. არათავისუფალი, მონა. მაგრამ კლასობრივი დიფერენციაციის გარკვეულ საფეხურზე „ანშაპარად“ ხდება ირანელიც. სწორედ განვითარების ამ საფეხურზე წარმოიქმნა სასანური ირანის სახელმწიფო.

საზოგადოებრივ-ეკონომიურ ცხოვრებაში მომხდარმა ცვლილებებმა სათანადო გამოხატულება პპოვეს არა მარტო კლასობრივ დიფერენციაციაში, არამედ პოლიტიკურ ინსტიტუტებსა და იდეოლოგიაშიც.

პართიის სამეფოს არსებობის პირველი სამი საუკუნის განმავლობაში ძლიერი იყო ელანისტური კულტურა. და იდეოლოგია. პართიის მეფეები თავიანთ თავს „ელანოიდლებს“ („ბერძენთა მეგობრებს“) უწოდებდნენ. მათი მონეტები, როგორც წესი, იკრებოდა ბერძნული ზედწარწერებით. გავრცელებული იყო ბერძნული მწერლობა, თეატრი, არქიტექტურა, რელიგია.

გარდატეხა ამ მხრივ იწყება მხოლოდ ჩვენი წელთაღრიცხვის I ს-ის დანდგეს. რეაქცია ელინიზმის წინააღმდეგ გამოიწვია არა მარტო რომის ექსპანსიის გაძლიერებამ, არამედ უწინარეს ყოვლისა სოციალურ-ეკონომიურ წყობაში მომხდარმა ცვლილებებმა.

გვაროვნული არისტოკრატია თავისი კლასობრივი ბატონობის იდეოლოგიურ დასაყრდენს ნახულობს ზარათუშტრას სარწმუნოებაში. სწორედ ამ დროს და ამის გამო ძლიერდება მაზდეანური სარწმუნოების ქურუმთა გავლენა. ვოლაგაზ (ვალაგაზ) I-ს (51—77) მიეწერება ავესტას პირველი კანონიზაცია. მის დროსვე არშაკიანთა მონეტებზე ბერძნული ზედწარწერების მაგიერ ჩნდება ფალაური ლეგენდები. იქმნება ფალაური მწერლობის პირველი ნიმუშები.

ვოლაგაზ I-მა სცადა სატახტო ქალაქის ელინიზირებული კტეზიფონიდან ეფერატის მარჯვენა ნაპირზე ვოლაგასოკერტში გადატანა¹. არშაკიანები მიისწრაფოდნენ აქ გადმოეტანათ მსოფლიო ვაჭრობა პალმირიდან². განსაკუთრებული ყურადღება მიექცა აგრეთვე ძველ ნესას—პართიის სახელმწიფოს აველ კერას.

გაძლიერდა ცენტრალიზაციის ტენდენციაც. ვოლაგაზ I-ის დროს არშაკიანი უფლისწულები მეფეებად სხდებიან მთელ რიგ ქვეყნებში. მაგრამ ამან სრულიად საწინააღმდეგო შედეგები გამოიღო. პართიის სახელმწიფო დანაწევრდა დამოუკიდებელ სამფლობელოებად და პროვინციებად. პლინიუსი აღნიშნავს 18 პართული სამეფოს არსებობას. რომთან მეტოქეობის პირობებში ახალი პოლიტიკური ორგანიზაციის შექმნის საჭიროების შეგნება, რაც დრო გადიოდა, მით უფრო დამახასიათებელი ხდებოდა პართიის სახელმწიფოში გაბატონებული კლასისათვის.

ანტიელინისტური განწყობილების გაძლიერებამ თავისი გამოხატულება ჰპოვა იმაშიც, რომ ხმარებიდან იდევნებოდა ელინიზირებული გეოგრაფიული ტერმინოლოგია³. ასე, მაგალითად, მარგიანის ანტიოქიას პირველად ისტორიაში ეწოდა მერვი⁴.

საბჭოთა არქეოლოგებმა ცხადპყვეს ფალაური დამწერლობის არსებობა პართიის სამეფოში, რასაც დაჟინებით უარყოფდნენ XIX ს-ის და XX ს-ის დანდგეის ორიენტალისტები. შუა აზიაში (თურქმანეთის ტერიტორიაზე, ქალაქ ნესას მიდამოებში) აღმოჩენილ იქნა ფალაური მწერლობის ნიმუშები (სამეურნეო ხასიათის დოკუმენტები და სხვ.)⁵, რომელთა გაშიფრვა, უმკველია, სრულიად ახალ ფურცელს გადაშლის პართიის სამეფოს ისტორიაში.

¹ М. Е. Массон. Новые данные по истории Парфии, ВДИ, № 3, 1950, зв. 49.

² იქვე.

³ იქვე, გვ. 50.

⁴ იქვე, გვ. 50—51.

⁵ И. М. Дьяконов, М. М. Дьяконов и В. А. Лившиц. Документы из древней Нисы (дешифровка и анализ), материалы ЮТАКСЭ, вып. 2, М.—Л., 1951; И. М. Дьяконов, М. М. Дьяконов и В. А. Лившиц. Новые находки парфийских документов, Известия АН Туркменской ССР, № 2, 1953; И. М. Дьяконов, М. М. Дьяконов и В. А. Лившиц. Парфянский архив из древней Нисы, ВДИ, № 4, 1958, зв. 114—130.

ამრიგად, სრული საფუძველი გვაქვს აღვნიშნოთ, რომ სასაზღვრო ირანის სინამდვილეში დადასტურებული სოციალურ-ეკონომიური და პოლიტიკურ-კულტურული ხასიათის მოვლენები პარტიის სამეფოში დაწყებული პროცესების განვითარებას წარმოადგენენ, ოღონდ, რა თქმა უნდა, ახალს პირობებსა და ვითარებაში.

საქმე ის არის, რომ ქვეყნის ეკონომიურ განვითარებასთან შეუთავსებელი აღმოჩნდა პარტიის სამეფოს პოლიტიკური ორგანიზაცია. ეკონომიური განვითარება აუცილებლივ მოითხოვდა სახელმწიფო მართვა-გამგეობის ახალ ფორმებს. ირანის საერო და სასულიერო წარჩინებულთათვის მიუღებელი იყო არშაჰიანთა ნაკლებ ცენტრალიზებული სახელმწიფოებრიობა, მისი სამხედრო ორგანიზაცია და ადმინისტრაციული აპარატი. ცენტრალიზებული სახელმწიფოს შექმნის მოთხოვნა უშუალო კავშირში იმყოფებოდა როგორც შინაგანი ხასიათის მოვლენებთან, ისე საგარეო ფაქტორებთან, უპირველეს ყოვლისა რომის ექსპანსიის გაძლიერებასთან.

პართული არისტოკრატის მსხვილმა მიწისმფლობელობამ მუქარის ქვეშ დააყენა მიწის თემური საკუთრება. ხანგრძლივი ომების შედეგად გამარჯვებულ მონათა შრომის გამოყენება დიდი მასშტაბით წარმოებულ საირიგაციო სამუშაოებზე ზრდიდა წარჩინებულთა მიწების ფონდს. ახალი მიწების დამუშავება, ბელოვნიური რწყვის საშუალებით უდაბნო ადგილების მეურნეობისათვის გამოყენება ეკონომიურად კიდევ უფრო აძლიერებდა წარჩინებულთ. მსხვილი მიწისმფლობელები იყვნენ აგრეთვე ქურუმები. ირანის მცირემიწიანობის პირობებში აღწერილ გარემოებას არ შეიძლებოდა გავლენა არ მოეხდინა სასოფლო თემების მდგომარეობაზე, არ გაეზარდა თავისუფალ მეთემთა დამოკიდებულება ირანელ წარჩინებულებზე.

თავისუფალი მეთემები უბრძოლველად არ სთმობდნენ თავიანთ უფლებებს, არ სთმობდნენ სასოფლო თემის მიწებს, რომელზედაც დაფუძნებული იყო მეთემთა თავისუფალი მდგომარეობა. გამწვავებული კლასობრივი ბრძოლის პირობებში წარჩინებულთ სპირიტუალად ცენტრალიზებული სახელმწიფო, მოქნილი ადმინისტრაციული აპარატი, რომლის საშუალებით შესაძლებელი იქნებოდა უშუალო მწარმოებლების მორჩილებაში მოყვანა, მათი ექსპლოატაციის უზრუნველყოფა, რაც წარჩინებულთა ძალაუფლების განმტკიცებისა და ძლიერების შემდგომი ზრდის მთავარი პირობა იყო. სასაზღვრო სახელმწიფომ განამტკიცა წარჩინებულთა კლასობრივი ბატონობა.

ნაკლებ ცენტრალიზებული, მრავალრიცხოვანი სამფლობელოებით მოყვანილი პარტიის სახელმწიფო წარჩინებულთათვის მიუღებელი იყო სხვა მხრივაც. რომის ექსპანსიის გაძლიერება აღმოსავლეთის მიმართ მოითხოვდა სახელმწიფოს ცენტრალიზებას, დამოუკიდებელი სამფლობელოების ლიკვიდაციას, ქვეყნის ახალ საფუძველზე გაერთიანებას. მეფე-მმართველების უშუალოდ ცენტრალური ხელისუფლებისათვის დამორჩილებას საჭირო ნიადაგი უნდა შეექმნა ერთიანი სახელმწიფოს არსებობისათვის.

ამ ამოცანის განხორციელების ინიციატივა ფარსის არისტოკრატის ხელთ იყო. ეს შემთხვევით არ აიხსნება. რომის წარმატებამ მესოპოტამიისა და ამიერკავკასიაში მიმართულება შეუცვალა მსოფლიო სავაჭრო-სატრან-

ზიტო გზას. ამ გზამ ჩრდილოეთიდან სამხრეთში გადაინაცვლა, რამაც ეკონომიურად წამოსწია ფარსი და განსაკუთრებული მნიშვნელობა მიანიჭა ირანის ყურეს.

ისტახრი (ბერძნული პერსეპოლისი) და ფასარგადი იქცნენ გაძლიერებული გეაროვნული არისტოკრატის ბრძოლის ცენტრებად არშაკიანთა დინასტიის ბატონობის წინააღმდეგ. აქვე მეტად ძლიერი იყვნენ ზარათუშტრას სარწმუნოების ქურუმები, რომელნიც უპირისპირდებოდნენ როგორც პართულ მითრას კულტს და ბერძნულ ლეთაებებს, ისე ახლად გავრცელებულ ქრისტიანობას.

ისტახრის ქურუმებად იყვნენ სასანელთა საგვარეულოს წევრები. სწორედ მათ გარშემო დაირაზმა ფარსის გეაროვნული არისტოკრატია. სასანური ირანის სახელმწიფოს ფუძემდებელი არდაშირი გეაროვნული არისტოკრატის და ზარათუშტრას სარწმუნოების ქურუმთა კლასობრივი ინტერესების გამომბატველი იყო. თვითონ იგი წყაროების მიხედვით საშუალო მიწისმფლობელად ჩანს. ირანელი საერო და სასულიერო წარჩინებულები არდაშირის სამხედრო წარმატებებს უკავშირდებდნენ თავიანთი კლასობრივი ბატონობის უზრუნველყოფას. არდაშირს მზარს უჭერდნენ აგრეთვე ძლიერი და გავლენიანი პართული საგვარეულოები (სურენის, კარენის).

224 წელს აჯანყებულ არდაშირს შეუერთდნენ არშაკიანთა დინასტიის მორჩილი მფლობელები. სუზიანაში (თანამედროვე ხუზისტანში) მან დაამარცხა არტაბან V. 226 წელს არდაშირმა დაიპყრო კტეზიფონი და არშაკიანთა სხვა სამფლობელოები.

226 წელს წარმოიქმნა სასანური ირანის სახელმწიფო, რომლის არსებობა 642 წლამდე გაგრძელდა.

§ 3. სასანური ირანი III—IV საუკუნეებში

სასანური ირანის სახელმწიფო პართის სახელმწიფოსთან შედარებით ცენტრალიზებული იყო. არდაშირ I-მა მიიღო შაჰინშაჰის (არამეული „მალქან მალქა“) წოდებულება. ქვეყანა დაიყო 18 სასატრაპოდ, რომელთა სათავეში მარზპანები და პიტიახშები იდგნენ.

სახელმწიფო რელიგიად გამოცხადდა მაზდეანობა. არდაშირ I-ს მიეწერება გამოთქმა: „ტახტის დასაყრდენი საგზებელია, საგზებელის დასაყრდენი კი—ტახტი“. მაზდეანობა იქცა სასანელთა ბატონობის იდეოლოგიურ დასაყრდენად.

მეტად მრავალმხრივი იყო მაზდეანური სარწმუნოების ქურუმთა ფუნქციები. ისინი იყვნენ აღმზრდელები, მოძღვრები, მსაჯულები.

მთავარი ქურუმი „მობედან მობედი“ („მობედთა მობედი“) სახელმწიფოს უპირველესი მოხელეთაგანი იყო. მას, გარკვეულ დრომდე, პირველად ასახელებდნენ ხოლმე. რიგით მას მოსდევდა „ერანისპაპბედი“ (ირანის სპასპეტი) და „ვასტრიოშანსალარი“ (საფინანსო მოხელე). ამ სამი ხელისუფალის ხელთ იყო სასანური ირანის სახელმწიფო მართვა-გამგეობის საქმე.

III ს-ში გაბატონებული იყო ორი წოდება: ქურუმთა და მხედართა. ქურუმებს ეკუთვნოდნენ: მობედები, ჰერბედები, დადვარები (მსაჯულები) და სოფლის უბრალო და ღარიბი მოგვები; მხედრებს: მარზპანები, პიტიახ-შები, „რანდები“ (ძძიმელ შეჯავშნული მხედრები). ქუ-უმების ხელთ იყო სატაძრო მამულები, აუარებელი მონები. სამხედრო არისტოკრატია დიდძალი „დასთვორდების“ („მამულების“) და მონების მფლობელი იყო. ზოგიერთი ირანელი წარჩინებული ჰაზარბანდაქის წოდებულებას ატარებდა, რაც სიტყვა-სიტყვით ათასი მონის მფლობელს ნიშნავს¹.

ირანელ სასულიერო და საერო წარჩინებულთა კლასობრივი ბატონობის იდეოლოგიური დასაყრდენი მაზდეანობა იყო. ცეცხლთაყვანისმცემელთა ათეოგაპი (საგზებელი) ყველა ქალაქსა და სოფელში არსებობდა. წმინდა ცეცხლი ყველა სახლში იყო დანთებული. საგზებელი გამოხატული იყო სასანურ მონეტებზეც. მაგრამ სასანელებმა მაზდეანობა ახალი სოციალური და საგარეო პოლიტიკური ვითარების შესაბამისად გამოიყენეს. და ეს განსაკუთრებით იმიტომ, რომ ცეცხლთაყვანისმცემლობის უ-ველესი ტრადიციებიდან ბევრი რამ ახალ ისტორიულ პირობებსა და ვითარებას აღარ შეეფერებოდა. მაზდეანური სარწმუნოების ტრადიციულ თვალსაზრისს, რომელიც ქურუმთა უპირატესობას აღნიშნავდა, სამხედრო არისტოკრატია მალე საკუთარი თვალსაზრისი დაუპირისპირა.

სასანელების დროს შედგენილი იქნა ე. წ. „ხორდა ავესტა“ („მცირე ავესტა“). რომელიც ახალი ვითარებისა და პირობების ამსახველი იყო. ამას გარდა, სხვადასხვა დროს შეიქმნა საკანონმდებლო წიგნები. სასანური ირანის სანართლის უკანასკნელი კოდიფიკაცია მოხდა VI—VII სს. მიჯნაზე.

არდაშირ I-მა (226—241) მოახდინა სასანური ირანის საზოგადოების მკაცრი კასტურ-წოდებრივი რეგლამენტაცია. მაგრამ ის, რასაც ტრადიცია არდაშირ I-ს მიაწერს (მასვე მიეწერება საზოგადოდ სამართლის კრებულების რედაქცია) საზოგადოებრივსა და ეკონომიურს ცხოვრებაში მომხდარი ცვლილებების გამონახატველი იყო.

შაბურ I-ის (241—273) წარწერაში (ჰაჯი-აბადში) გაბატონებული კლასი შემდეგ კატეგორიებად არის დაყოფილი:

1. შაჰრდარები—შაჰრის მმართველები, სამეფოთა მფლობელები, მეფეები, მეფის ხელისუფლების მატარებლები.

2. ვისფურები—სახლის (გვარის) შეილები².

3. ვუზურგან—დიდებულები, კეთილშობილნი.

4. აზატნი—თავისუფალნი.

შაჰრდარი მეფის წოდებულების მატარებლების აღმნიშვნელი სახელი იყო. შაჰრდარებად იწოდებოდნენ აგრეთვე იბერიის, სომხეთის, ალბანეთის

¹ A. Christensen. L'Iran sous les Sasanides, Copenhague, 1944, გვ. 144, 278, 410.

² „ვის“ ნიშნავს კლანს, სახლს (გვარს). ფალაურ წარწერებში „ვისფური“ ანუ „ვასფური“ არაპული იდეოგრაფით გადმოცემული bar baita-დ, მრავლობითში bni bete (H. B. Пугачевский. Византия и Иран на рубеже VI и VII веков, М.—Л., 1946, გვ. 208).

და არაბების (ლაჰმიდების არაბული სამეფოს) მეფეები. მათი დამოკიდებულება სასანური დინასტიის ხელისუფლებაზე აპირობებდა შაჰინშაჰის წოდებულების რეალურ შინაარსს¹. IV—V სს. შაჰრდარები შედარებით დამოუკიდებელი მდგომარეობით სარგებლობდნენ, თვითონ მართავდნენ თავიანთ ქვეყნებს და გამოჰყავდათ თავიანთი ლაშქარი ომში².

ვისტურებს ეკუთვნოდნენ ძველი ირანული სახლები (წყაროები—ტანზარის წერილი, სიმოკატა, სპარსულ-არაბული ტრადიციული ცნობები—7 ასეთ საგვარეულოს ასახელებენ). მათ მონაწილეობა უნდა მიეღოთ შაჰინშაჰის ხელდასხმაში. კერძოდ, არშაკიანთა საგვარეულოს წარმომადგენლის უფლებას შეადგენდა დაეღა თავზე მეფური დიადემა (შარაენდელი) „მეფეთა მეფისათვის“; ვისტურების ხელთ იყო (მემკვიდრეობით) სახელმწიფოს ყველაზე დიდი თანამდებობები³. დიდი გავლენით სარგებლობდნენ ისინი სახელმწიფო საბჭოში (IV ს-ის დამდეგიდან).

დიდი უფლებებით სარგებლობდნენ აგრეთვე ვუზურგანები. მათ ხელთ იყო სახელმწიფო, სამხედრო და სამოქალაქო თანამდებობები. წყაროების მიხედვით ვუზურგანებად იწოდებიან აღმინისტრაციული და სამხედრო მმართველობის უმაღლესი ხელისუფლები⁴.

აზატნი შეადგენდნენ გაბატონებული კლასის ყველაზე დაბალ, მაგრამ ყველაზე მრავალრიცხოვან ფენს. მიწისმფლობელთა ეს მრავალრიცხოვანი კლასი წარმოადგენდა სასანური სახელმწიფოს მთავარ დასაყრდენს⁵. აზატებისაგან შემდგარი იყო მხედრობა, რომელიც ირანის ლაშქრის ბირთვს შეადგენდა⁶.

შაბურ I-ის წარწერაში მოხსენებული არ არიან მიწისმოქმედნი და ხელოსნები. ეს ნიშნულოვანი გარემოება ადასტურებს კლასობრივი დიფერენციაციის გაღრმავებას ირანულ საზოგადოებაში. თავისუფალი მეთემეები, ჩანს, დამოკიდებული არიან გაბატონებულ კლასზე, ხოლო არათავისუფალი ახლა შეიძლება იყოს ირანელიც.

მონის აღმნიშვნელი ძველი ტერმინის „ანშაჰრის“ გვერდით ჩნდება „ბარღე“ და „ბანდაქ“ (მონა), რომელიც უკვე აღარ მიუთითებს ეთნიკურ სხვაობას. მონობის მთავარი წყარო ახლაც ომებია, მაგრამ სოციალურ-ეკონომიური განვითარების მოცემული საფეხური საჭირო პირობებს უქმნის თავისუფალთა მონების რიგში გადასვლას. მონად მხოლოდ უცხოელი („ანირან“) აღარაა. თანდათან იზღუდება თვითონ თავისუფალ მეთემეთა ოდინდელი (თავისუფალი) მდგომარეობა. ყოველგვარ უფლებას არიან მოკლებული ვაჭრები, ხელოსნები.

წოდებრივი წყობილება და სახელმწიფო მმართველობის სისტემა მკიდ-

¹ A. Christensen. *L'Iran sous les Sassanides*, გვ. 101.

² Н. В. Пугачевская. *დასახ. ნაშრ.*, გვ. 208.

³ იქვე, გვ. 211.

⁴ იქვე, გვ. 208—209.

⁵ იქვე, გვ. 213.

⁶ იქვე.

რო კავშირში იმყოფებიან სასაწურ ირანში¹. მაგრამ ირანმა შეინარჩუნა კასტურ-წოდებრივი წყობილების პატრიარქალური ფორმები². გამორიცხული იყო ერთი წოდებიდან მეორე წოდებაში გადასვლა. ირანელ „კეთილშობილთა“ გვარებს ყველაფერი ნემკვიდრობით უფლებამდე დაჰყავდათ. ყველა პრივილეგიებით მხოლოდ „კეთილშობილი“ გვარი სარგებლობდა. ხოსრო I ანუ შირვანამდე (531—579) დაუშვებელი იყო ირანულ მალალ საზოგადოებასთან ფეიქრების, ვაქრების, ექიმების დაკავშირება. ფეიქრობა, ვაქრობა და ექიმობა ყველაზე მდაბალ და სამარცხვინო ხელობად ითვლებოდა³. მხოლოდ ფეოდალიზაციის პროცესის გაძლიერებამ დაუკავშირა ვაქარ-მევახშეები ირანული საზოგადოების ზედაფენებს.

სასაწური დინასტიის ბატონობის დროს კიდევ უფრო გაძლიერდა მწარმოებელთა ექსპლოატაცია. გახშირდა მონის შრომის გამოყენება არა მარტო ყველაზე მძიმე სამუშაოებზე, არამედ სოფლის მეურნეობაშიც. გაიზარდა თავისუფალი მეთემეების დამოკიდებულება ირანელ წარჩინებულებზე. ყველაფერი ეს მიმდინარეობდა უკიდურესად გამწვავებული კლასობრივი ბოძოლის პირობებში. ყველა ამან გააპირობა მანიქველთა სოციალური მოძრაობა III ს-ის სასაწურ ირანში.

მანიქველთა სოციალური მოძრაობა ირანში მომხდარი სოციალურ-ეკონომიური ხასიათის ცვლილებებით იყო გამოწვეული. ეს სოციალური მოძრაობა მიმართული იყო არსებული წყობილების და მისი იდეოლოგიური დასაყრდენის—მაზდეანური სარწმუნოების წინააღმდეგ.

მანის (დაიბადა 215 წელს) რელიგიურ-ფილოსოფიურ (გნოსტიკურ) მოძღვრებას—ამკარად ეტყობა ქრისტიანობის გავლენა. მანიქველთა წარმოდგენდა მაზდეანურ, ქრისტიანულ და თვით ბუდისტურ სარწმუნოებათა ერთგვარ ნარევს. ამავე დროს, მას შენარჩუნებული ჰქონდა ზარათუშტრას სარწმუნოების დჰალისტური პრინციპი: კეთილისა და ბოროტის დაპირისპირება, სინათლისა და წყვიადის ბრძოლა. ამგვარსავე დაპირისპირებას ხედავდნენ მანიქველები ადამიანთა ურთიერთობაში, საზოგადოებაში.

მანიქველთა ორგანიზაცია ქრისტიანული ეკლესიის ნიხედვით იყო აგებული. მათი ორგანიზაციის სათავეში იდგა 12 მოციქული-მოძღვარი, 72 მოწაფე-ეპისკოპოსი. ამათ მოსდევდნენ მღვდელ-მსახურები, დიაკვნები, მონაზვნები, ბოლოს კი მოდიოდა მორწმუნეთა საერთო მასა.

მანი ქადაგებდა მკაცრს ასკეტიზმს, მოითხოვდა ქორწინების აღკვეთას. ბოროტების მოსპობა ამქვეყნად მას მხოლოდ ამ საშუალებით მიაჩნდა შესაძლებლად. მანის აზრით, ბოროტება უნდა მოსპობილიყო ადამიანთა მოდგმის გადაშენებასთან ერთად, რადგან ბოროტების წყაროდ მას თვითონ ადამიანი მიაჩნდა. ამიტომ მანიქველთა არ შეიძლებოდა არ ყოფილიყო პასიური ხასიათის სოციალური მოძრაობა.

¹ II. В. Пигуловская. *დასახ. ნაშრ.*, გვ. 206.

² Б. Н. Заходер. *Иран при Сасанидах*, გვ. 89.

³ იქვე.

მანი ერთხანს დაიახლოვა შაბურ I-მა (241 წელს). მაგრამ მის ქადაგებას მტრულად შეხვდნენ ირანელი წარჩინებულები, რომელნიც ცენტრალური ხელისუფლებისაგან მოითხოვდნენ მათი კლასობრივი ინტერესების უზრუნველყოფას, გაძლიერებული ექსპლოატაციის დაცვა-შენარჩუნებას.

მანი ირანიდან იქნა გაძევებული. მას ყოფნა მოუხდა თურქესტანში, ინდოეთში, ცენტრალურ აზიაში, ტიბეტში. ამით აიხსნება მანიქეელობის გავრცელება დასახლებულ ქვეყნებში. 273 წელს მანი უკან დაბრუნდა ირანში. მაგრამ მალე იგი შეიპყრეს და სიკვდილით დასაჯეს. არაბულ წყაროებში შენახული ცნობების მიხედვით, მანის ცოცხლივ გააძვრეს ტყავი, თივით გასტენეს და ქალაქ გუნდემზურის ალაყაფზე ჩამოაქიდეს.

მაგრამ გაბატონებულმა კლასმა მანიქეელობას ამით ბოლო მაინც ვერ მოუღო. მანიქეელობა როგორც სოციალურ მოძრაობათა იდეოლოგია გავრცელდა აზიაშიც და ევროპაშიც. მანიქეეელთა მოძრაობის გამოძახილი აშკარად ეტყობა მაზდაკელთა დიდს სოციალურ მოძრაობას V—VI სს. სასანურ ირანში.

თუ სოციალური სტრუქტურისა და პოლიტიკური ორგანიზაციის მხრივ სასანური ირანი მნიშვნელოვნად განსხვავდებოდა პართიის სახელმწიფოსაგან, სამაგიეროდ უცვლელი და ხელუხლებელი დარჩა ამ უკანასკნელის საგარეო პოლიტიკა. რომისა და ირანის ხანგრძლივი ომების მიზეზები იგივე იყო, რაც წინარე ხანაში წარმოებული პართია-რომის ომების: ბრძოლა სავაჭრო-სატრანზიტო გზებისათვის, აგრეთვე მონათა წყაროებისათვის „ბარბაროსთა“ ქვეყნებში.

პართელ და ირანელ წარჩინებულთ ცენტრალიზებული სახელმწიფო, როგორც ზემოთ შევნიშნეთ, სპირდებოდათ დასავლური ექსპანსიის წინააღმდეგ. ამასვე მოითხოვდა მათი კლასობრივი ინტერესები. მათი შემდგომი ეკონომიური გაძლიერებაც მტკიცე ცენტრალური ხელისუფლების არსებობაზე იყო დამოკიდებული. და ამ ხელისუფლებას ირანელი წარჩინებულებიც ითმენდნენ იმ დრომდე, სანამ მათი კლასობრივი ინტერესები ყოველმხრივ იქნებოდა უზრუნველყოფილი.

III—VII სს. ირან-რომის (გვიან ირან-ბიზანტიის) ომები ცვალებადი წარმატებით მიმდინარეობდა. მეტოქეობის ობიექტებს და, ამდენადვე, საომარი მოქმედების ასპარეზებს ახლაც მესოპოტამია და იბერია-სომხეთი წარმოადგენდნენ. ომი დასახლებული ქვეყნებისათვის იწყებოდა, ხოლო პწეიდობის პირობად ამ ქვეყნებზე გამარჯვებული მხარის უფლების აღიარება იყო.

შაბურ I-ის დროს ირანმა უკან დაიბრუნა მესოპოტამია და სომხეთი. 259 წელს 'შაბურმა სასტიკად დაამარცხა და ტყვედ იგდო ხელთ იმპერატორი ვალერიანე. მრავალრიცხოვანი რომაელი ტყვეები გამოყენებულ იქნენ კაშხალის ასაგებად მდ. კარუნზე. „ბანდ-ე ქასრა“ („კეისრის კაშხალი“) ნონების ხელით იყო აგებული ისევე, როგორც სხვა კაშხალები და ხელოვნური სარწყავი არხები. შაბურ I-ის დიდი გამარჯვება სამუდამოდ აღიბეჭდა კლდეზე, რომლის მასშტაბები (უზარმაზარი ლოდები, გათლილი ქვები მონუმენტური ქანდაკებებისათვის) მონათა შრომის გამოყენებას მოწმობს.

III ს-ის 80-იან წლებში გამარჯვების სასწორო რომის მხარეზე გადაიხარა. 297 წლის ზავით რომმა უკან დაიბრუნა მესოპოტამია და სომხეთი. მაგრამ ახალი ომისათვის სამზადისი ირანს არ შეუწყვეტია. შაბურ II-ის (309 — 379) კონსტანტინე კეისრისადმი მიწერილი წერილის შინაარსიდან ჩანს, რომ ირანი მესოპოტამიაზე და სომხეთზე ხელის აღებას არ აპირებდა. რომთან ნებელობის პირობად შაბურ II მესოპოტამიისა და სომხეთის უკან დაბრუნებას აყენებდა (ამიან მარცელინი). 337—350, 359—361 და 371—576 წლების ომები ამ საკითხის გადასაწყვეტად წარმოებდა. მაგრამ ცვალებადი სამხედრო წარმატება ახლაც გამოორიცხავდა მისი რომის ან ირანის სასარგებლოდ გადაქრას.

ირან-რომის ომები IV ს-ში განსაკუთრებით გაამწვავა ახალმა ფაქტორმა: რომში ქრისტიანობის გამარჯვებამ. ირანის მთავრობას არ შეიძლებოდა ეკვის თვალთ არ შეეხედა ქრისტიან ქვეშევრდომთათვის, რომელთაც იგი ამიერიდან რომის ბუნებრივ მოკავშირედ სთვლიდა. განსაკუთრებული სიმწვავით დაისვა ირანის მთავრობის წინაშე ქრისტიანობის საკითხი ირან-რომის საცილობელ ქვეყნებში: მესოპოტამიისა და იბერია-სომხეთში.

ქრისტიანობა ვრცელდებოდა უპირატესად ირანის დაბალ საზოგადოებრივ ფენებში. „მალაქიტობა“ („კეისრის სარწმუნოება“) ფართო გასაქანს აძლევდა ქალაქებში. ქრისტიანდებოდნენ ვაჭრები, ხელოსნები, მონები. უფულებო ვაჭრები და ხელოსნები ისედაც რომის მხარეზე იხრებოდნენ, ახლა კი ქრისტიანობა მათი მოძრაობებისა და ბრძოლის იდეოლოგიურ ელფერს იღებდა. ვაჭარი უფლებას იყო მოკლებული იმ დროს, როდესაც თვითონ ვაჭრობა არაჩვეულებრივად იყო განვითარებული, ხოლო ფეიქრის ხელობა სამარცხვინოდ ითვლებოდა საფეიქრო ხელოვნების განმაცვიფრებელი წარმატების პირობებში. ქრისტიანობისათვის ნოყიერი ნიადაგი უნდა შეექმნა ვაჭარ-ხელოსნების მდგომარეობას. ხელოსნური გაერთიანებები ქრისტიანობას მკაფიოდ გამოკვეთილ ორგანიზაციულ სახეს ანიჭებდა. ამდენადვე ირანის გაბატონებული კლასისათვის ქრისტიანობა სოციალური თვალსაზრისითაც საშიშარი იყო.

ამას გარდა, ქრისტიანობა საკუთრივ მესოპოტამიისა და სომხეთში ახლებურად აყენებდა ამ ქვეყნების ორიენტაციის საკითხს. ამავე დროს, აქაურ ვაჭარ-ხელოსნებს ქრისტიანობა იმავე მიზნისათვის უნდა გამოეყენებინათ. რა მიზნითაც მას ირანელი ვაჭარ-ხელოსნები იყენებდნენ. ირანის მთავრობას დაპყრობილ მესოპოტამიისა და სომხეთში ისეთივე მდგომარეობა უნდა შეექმნა, როგორიც ირანელი ვაჭრებისა და ხელოსნებისათვის იყო დამახასიათებელი. ყოველ შემთხვევაში, სომხეთის ვაჭრები რომის ორიენტაციისანი იყვნენ. ამგვარივე განწყობილება, ალბათ, უცხო არ იყო არც იბერიის ვაჭარ-ხელოსნებისათვის.

ყველა აღნიშნული გარემოება სათანადოდ იყო გათვალისწინებული სასანური ირანის რელიგიურ პოლიტიკაში.

შაბურ II-ის ხანგრძლივი მეფობა აღინიშნა ქრისტიანთა სასტიკი დევნით. ირანელ ქრისტიანებს აეკრძალათ ლაშქრობაში მონაწილეობა. სამაგიერ-

როდ მათ ორმაგად უნდა გადაეხადათ გადასახადები. გადასახადთა აკრეფის პასუხისმგებლობა ირანის ქრისტიანთა კათალიკოსს დაეკისრა. მაგრამ კათალიკოსმა უარი თქვა იმ მოტივით, რომ იგი ხარკის ამკრეფი მოხელე არ იყო. მისი უარი გახდა ქრისტიანთა დევნის საბაზი. ირანის ქალაქებში სიკვდილით დასაჯეს ეპისკოპოსები, მღვდლები, მონაზვნები, დაანგრეს ქრისტიანთა საკულტო ტაძრები. შესაფერისი ღონისძიებების განხორციელებას შეუდგა ირანის მთავრობა აგრეთვე იბერია-სომხეთში. აქ მაზდეანობის გაერკვლება მას თავისი პოლიტიკური ბატონობის აუცილებელ პირობად მიაჩნდა.

430 წლიდან სომხეთის აღმოსავლეთი ნაწილი ირანის პროვინციად იქცა. იბერიის მეფე კი ირანის მთავრობის თვალსაზრისით შაჰრდარი იყო. სანამ 523 წელს იგი ქართლში მეფობას გააუქმებდა. IV—V სს. სასანურმა ირანმა მნიშვნელოვნად განამტკიცა თავისი პოზიციები ამიერკავკასიაში. თუმც სისტემატურად ჰქონდა მას საქმე ქართველების, სომხების, ალბანელების აჯანყებებთან.

ამიერიდან სასანური ირანი კონტროლს უწევდა ამიერკავკასიის ტერიტორიაზე გამავალ სავაჭრო-სატრანზიტო გზებს. ამავე დროს აღმოსავლეთის ქვეყნებს, ვაჭრობის მიზნით, იგი ირანის ყურის საშუალებითაც უკავშირდებოდა. სასანური ირანი შუამავლის როლს ასრულებდა დასავლეთსა და აღმოსავლეთს შორის როგორც ვაჭრობის, ისე კულტურულ ურთიერთობათა სფეროში. ყველა ამით აიხსნება ვაჭრობის, ბელოსნობის, ზღვაოსნობის არაჩვეულებრივი განვითარება. სასანურ ირანში განვითარებული ზღვაოსნობა მცოთისეს არაბებმა, ხოლო მას არაბების საშუალებით გაეცნო დასავლეთ ევროპა¹.

შუამავლის როლს ასრულებდა სასანური ირანი კულტურულ ურთიერთობათა სფეროშიც. სასანური ირანის საშუალებით გაეცნო დასავლეთი ცხოველთა ინდურ ეპოსს („ქილილა და დამანა“), ყველგან ირანის საშუალებით გავრცელდა ინდური წარმოშობის ჰადრაკი („შოთარნაგ“). ფალაურ ენაზე (სირიელების მონაწილეობით) ითარგმნებოდა არისტოტელეს და პლატონის ფილოსოფიური თხზულებები. ქალაქ გუნდეშაბურში დაარსდა (VI ს.) სამედიცინო სასწავლებელი. სასანურ ირანში, ისევე როგორც ყველგან წინა აზიაში, საყოველთაოდ იყო გავრცელებული არამეული დამწერლობა, რომელიც მჭიდროდ იყო დაკავშირებული მსოფლიო ვაჭრობასთან და მახლობელი აღმოსავლეთის საერთაშორისო ურთიერთობასთან.

„სასანური კულტურა“, ამრიგად, ვერ ჰფარავდა წინა აზიის ხალხების თავისთავად კულტურულ მონაპოვარს. მასში შერწყმული იყო დასავლურ და აღმოსავლურ კულტურათა ნაკადები.

ამავე დროს, ფალაურ ენაზე იქმნება ორიგინალური ნაწარმოებები: მხატვრული, ისტორიული („ხოლდი ნამაქ“—„მეფეთა წიგნი“. „არდაშირ ბაბაქანის ცხოვრება“), იურიდიული (სასანური სამართლის წიგნები, „დადასტან ნამაქ“—სასამართლო გადაწყვეტილებათა წიგნი, „მატიკანი-ი ჰაზარ დადასტან“), რელიგიური („ხორდა ავესტა“—ავესტას სასანური რედაქცია და სხვ.). შეიქმნა

¹ Б. Н. Заходер. Иран при Сасанидах, გვ. 89.

მხატვრული მწერლობის ბრწყინვალე ნიმუშები, რომელთა უდიდესი ნაწილი არაბთა შემოსევების ხანაში დაიღუპა.

დიდად განვითარდა მხატვრობა (ფერწერა, ხელნაწერი წიგნის მინიატურა), ქანდაკება (მონუმენტური), ხელსაქმე (ოქროკსოვილები, ხალიჩები, ნოხები ნადირობის გრანდიოზული სცენებით ან ბუნების სურათებით), ქედვითი ხელოვნება (სასანური ოქროს და ვერცხლის სურები, ლანგრები, ლითონის კურკელი), ხუროთმოძღვრება (ხიდეები, კაშხალები, ქარვასლები, სასაილები). სასანური ხუროთმოძღვრებისათვის დამახასიათებელი ხდება გუმბათოვანი და აიენიანი შენობები. მონუმენტური სტილის ნაგებობანი შენდება არა მარტო კტეზიფონში (სასანური ირანის სატახტო ქალაქში), არამედ აგრეთვე სასანელი შაჰინშაჰების საზაფხულო და საზამთრო რეზიდენციებში, ირანის მთავარ პროვინციებსა და ქალაქებში.

§ 3. ქალაქები, ხელოსნობა, ვაჭრობა

ჩველთარიცხვის III ს-ში მოისპო პოლისური მმართველობის და ავტონომიური ქალაქები სასანურ ირანში¹. ქალაქი დაადგა ფეოდალური განვითარების გზას. წინარე ხანის ქალაქები თან გადააყვნენ მონათმფლობელურ წყობილებას². ეს იყო საკმაოდ ხანგრძლივი პროცესი, რომელიც VI ს-ში ფეოდალური „ახალი ქალაქის“ წარმოქმნით დამთავრდა. ფეოდალური ქალაქი მახლობელ აღმოსავლეთში საბოლოოდ გაფორმდა X საუკუნისათვის.

სასანური ქალაქების შესწავლა შესაძლებელი ხდება ფალაური ტრაქტატის „შაჰრიარ-ი ირან“ („ირანის ქალაქები“), სირიული ქრონიკების და არაბული წყაროების საშუალებით. თუმც, უნდა ითქვას ისიც, რომ საქალაქო ცხოვრების ყველა მოვლენის დასადგენად საჭირო ცნობები არ მოგვეპოვება. ამასთან IX—X სს. არაბულ წყაროებს ხშირად დასავლეთ ირანის გვიანდელი ქალაქების თავისებურებანი გადააქვთ სასანური ირანის ქალაქებზე. ყველა აღნიშნული გარემოების გათვალისწინება საჭიროა იმისათვის, რათა აღვადგინოთ IX საუკუნემდელი ირანის ქალაქის სოციალური სტრუქტურის, ეკონომიური ცხოვრების და გარეგანი სახის დამაჯერებელი სურათი.

წყაროები აღნიშნავენ ქალაქების დაარსებას თითქმის ყველა სასანელი შაჰინშაჰის მიერ. არდაშირ I-ს მიეწერება რვა ქალაქის დაარსება: ვეჰ-არდაშირი (ქერმანის და კტეზიფონის მახლობლად), რეჰ-არდაშირი, ბით-არდაშირი და სხვ. შაბურ I-მა დააარსა გუნდეშაბური (ხუზისტანში), ვეჰ-შაბური (ფარსში), ნეჰ-შაბური და სხვ. ქალაქები: რამ-პეროზი, როშან-პეროზი, შაჰ-რამ-პეროზი, ფირუზაბადი ანდა ვეჰ-კავადი, კავად-ხურაპი, კობადიანი და სხვ., მოწმობენ თუ რომელი ქალაქი როდის ან რომელი შაჰინშაჰის მიერ არის დაარსებული.

¹ Н. В. Пингuleвская. К вопросу о городах Ирана в раннем средневековье, СБ. 1955, № 6. გვ. 73.

² იქვე.

ახალი ქალაქების დაარსება ანდა ძველი ქალაქების ახლად აშენება უშუალოდ იყო დაკავშირებული სასანელთა ცენტრალისტურ პოლიტიკასთან.

ქალაქები არსდებოდა ახლად დაპყრობილ ან შემკვიდრეობით მიღებულ მიწა-წყალზე. ახლად დაარსებულ ან განახლებულ-გადასახელებულ ქალაქს ჩვეულებრივ ექვემდებარებოდა საკმაოდ ვრცელი ტერიტორია, რომელსაც ადმინისტრაციული ერთეულის რაოდენობის მიხედვით რამდენიმე რუსთაკი განაგებდა. რუსთაკებთან იწყობებოდა ცენტრალური ხელისუფლების მოხელე ქარდარო. შაჰინშაჰს უშუალოდ მიუწვდებოდა ხელი ახლად დაარსებული ქალაქის და ნისდამი დაქვემდებარებული ტერიტორიის მოსახლეობის მიმართ. გადასახადებსაც აქ მისი მოხელეები ჰკრავდნენ.

უკვე არდაშირ I სპობდა დინასტიურ მეფეებს და სცვლიდა მათ დამოკიდებული მეფეებით ან მმართველებით, რომელთაც საეკვოა შენარჩუნებული ჰქონოდათ მეფის წოდებულება¹. დამოკიდებული მეფის ტიტულაცია კი შედგენილი იყო ქვეყნის სახელწოდების მიხედვით. მაგ., მაისანშაჰი, სავისტანშაჰი, მერვშაჰი, ქერმანშაჰი და სხვ.

შაჰის წოდებულება შენარჩუნებული ჰქონდა ან მეფედ დასმულ სასანელ უფლისწულს ანდა სასანური დინასტიის ერთგულ მეფეს. ირანის მთავრობა სასტიკი ღონისძიებებით ახორციელებდა ცენტრალისტურ პოლიტიკას დაპყრობილ სამეფოებში: ხოცავდა დამოუკიდებელ მეფეებს, ხოლო ამ უკანასკნელთა ქალაქებს ან სახელებს უცვლიდა ანდა მათს მახლობლად ახალ ქალაქებს აარსებდა.

ასე გაჩნდა სამეფო ქალაქები, რომლებიც უშუალოდ შაჰინშაჰს ემორჩილებოდნენ.

შაჰინშაჰები სამეფო ქალაქებში ასახლებდნენ ახალ მოსახლეობას. ასე მაგ., გუნდშაბურში შაბურ I-მა დაასახლა რომაელი ტყვეები, რომლებიც ანტიოქიიდან იყვნენ გადმოყვანილი. სხვადასხვა ქვეყნებიდან ირანის ქალაქებში დიდი რაოდენობით მოჰყავდათ დახელოვნებული ხელოსნები. სამეფო ქალაქებისაკენ მოისწრაფოდა სოფლის ექსპლოატირებული მოსახლეობა, რადგან ქალაქი მიმზიდველი ხდებოდა იქ დაწესებული შეღავათების გამო. ამას გარდა, შრომის დანაწილების შემდგომი გაღრმავება იწვევდა საქალაქო ცხოვრების გაცხოველებას, აჩქარებდა თავისუფალ ხელოსანთა გამოყოფას². ასეთ პირობებში ძლიერდებოდა ქალაქის პატრონის მნიშვნელობა. შაჰინშაჰი, შაჰი და მთავარი მფარველობდნენ ქალაქებს და ხელს უწყობდნენ მათს განვითარებას³.

V ს-ის დამლევამდე ქალაქების დაარსება წარმოებდა მხოლოდ სამეფო მიწა-წყალზე და განისაზღვრებოდა არდაშირ I-ის მიერ დამოუკიდებელი მეფეებისათვის ჩამორთმეული ტერიტორიით⁴. მხოლოდ აქ იყო შაჰინშაჰი

¹ F. Altheim, R. Stiel. Staatshaushalt der Sasaniden, „La Nouvel Cliv“, ტ. V, № 5—6, 1953, გვ. 278.

² И. В. Пугачевская. დასახ. ნაშრ., გვ. 72.

³ იქვე.

⁴ F. Altheim, R. Stiel. დასახ. ნაშრ., გვ. 278.

უმუშალო ბატონ-პატრონი და შეეძლო საკუთარ მიწაზე და საკუთარი სახელით ქალაქების დაარსება. ქალაქების დაარსება არ წარმოებდა იქ, სადაც ძლიერი წარჩინებულები იხდნენ, რომელთა მეშვეობით ცენტრალური ხელისუფლება მათდამი დაქვემდებარებულ ტერიტორიას მართავდა¹. გამონაკლისს შეადგენდა მხოლოდ სანაპირო ქვეყნები უკიდურეს სამხრეთ-აღმოსავლეთსა და ჩრდილო-დასავლეთში². აქ სამეფო ქალაქების დაარსება შეპირობებული იყო სრულიად გარკვეული სამხედრო-პოლიტიკური მოსაზრებებით.

რა თქმა უნდა, არ შეიძლება ფეოდალებად მივიჩნიოთ ისინი, რომელთა მიწებზე სამეფო ქალაქების დაარსება არ წარმოებდა. ისინი, ვისაც ბურჟუაზიული ისტორიკოსები ფეოდალებს (Feudaladel) უწოდებენ, ჯერ ისევ მკიდროდ იყვნენ დაკავშირებული მონათფლობელურ საზოგადოებასთან. მაგრამ საინტერესოა ალინიზნოს, რომ მათი მიწები ნაწილობრივ ან ეთლიანად განთავისუფლებული იყო გადასახადებისაგან. არაბული წყაროები მათ „ხარაჯის ბატონებს“ უწოდებენ. ისინი თვითონ ჰკრეფდნენ მიწაზე დაწესებულ გადასახადს სახელმწიფო მოხელეების ჩაურევლად³. აშკარაა რომ სასანურ ირანში ბევრგან შეურყევლად ბატონობდნენ მსხვილი მიწისმფლობელები. საგადასახადო შეღავათების წყალობით მათი მიწები კეთილმოწყობილი იყო და გლეხებიც მათთან გარბოდნენ მძიმედ დახარკული ადგილებიდან.⁴

აღსანიშნავია, რომ გადასახადი მით უფრო მცირდებოდა, რაც უფრო ნეტად დაშორებული იყო ესა თუ ის ადგილი ქალაქიდან⁵. სოფლის ნეურნეობის რაიონები სასანურ ირანში, ამრიგად, ორ ნაწილად იყო დაყოფილი: ერთ ნხარეზე იყო შაჰინშაჰის ხელისუფლებისადმი უმუშალოდ დაქვემდებარებული მიწა-წყალი, მეორე ნხარეზე მონათმფლობელი არისტოკრატის მიწა-წყალი⁶. კავადის (488—531) დროიდან დაწყებული ცენტრალური ხელისუფლება მისწრაფვის გაავრცელოს თავისი ბატონობა ქალაქიდან დაშორებულ ადგილებზეც⁷. ხოსრო I ანუ შირვანის დროს ეს მიზანი განსაკუთრებით ხელსაყრელ ისტორიულ პირობებში განხორციელდა⁸. მაგრამ ხოსრო ანუ შირვანამდე ცენტრალური ხელისუფლება უნდა ცდილიყო სამეფო ქალაქების გაზრდას და მათზე დამოკიდებული რაიონების გავრცობას⁹. შაჰინშაჰი დაინტერესებული იყო იმით, რომ ქალაქი უმუშალოდ მისი მორჩილი ყოფილიყო, რაც მიღწეული იყო კიდევ ქალაქის ავტონომიის მოსპობით.

ქალაქების ზრდას სასანურ ირანში აპირობებდა გაცხოველებული ვაქრობა შუა და მახლობელი აღმოსავლეთის ქვეყნებს შორის. ქალაქების ზრდის პირდაპირი შედეგი იყო შრომის დანაწილება და საქალაქო ხელოსნობის სოფლის მეურნეობიდან გამოყოფა. ხელოსნობის განვითარება მთავარი

¹ F. Altheim, R. Stiel. დასახ. ნაშრ., გვ. 281.

² იქვე, გვ. 285.

³ იქვე, გვ. 276.

⁴ იქვე.

⁵ იქვე.

⁶ იქვე.

⁷ იქვე, გვ. 277—278.

⁸ იქვე.

⁹ იქვე.

პირობა იყო საქალაქო ცხოვრების გართულებისა, ვაჭრობა-აღებშიცენობის გაცხოველებისა.

ირანი გაცხოველებულ ვაჭრობას აწარმოებდა ძვირფასი ქსოვილებით, კერძოდ, აბრეშუმით და აბრეშუმის ნაწარმით. ცნობილი „აბრეშუმის გზის“ დიდი მონაკვეთი ირანის სამფლობელოებზე გადიოდა. ამ გზით ირანიდან ჩინეთში გაჰქონდათ სოფლის მეურნეობის პროდუქცია: ლენო, ხილი, კაკალი, ინის საღებავი და სხვ.¹ ჩინეთშივე გაჰქონდათ სპარსული ქსოვილები და ლითონის ჭურჭლეული². ირანი ცხოველი სავაჭრო ურთიერთობით იყო დაკავშირებული ჩრდილოეთ ინდოეთთან. საზღვაო გზებით ირანი უკავშირდებოდა ინდოეთს და კუნძულ ცეილონს, ხოლო მეწამული ზღვით ეთიოპიას³. ირანი ცდილობდა ხელი დაედო აგრეთვე „გუნდრუჟის გზისათვის“ არაბეთის ნახევარკუნძულზე. დასახელებულ სავაჭრო გზებზე მტკიცედ გაბატონების განზრახვა ან მათი დაუფლების სურვილი (ბრძოლა „გუნდრუჟის გზისათვის“) ძლიერ იჩენდა თავს რომთან (გვიან ბიზანტიასთან) მეტოქეობაში. არანაკლებ მნიშვნელოვანი იყო ამ მხრივ ამიერკავკასიაში გაბატონების საკითხი, რადგან შუა აზიიდან მომავალი „აბრეშუმის გზა“ ამიერკავკასიის ქვეყნებზე გავლით უერთდებოდა შავი ზღვის სანაპიროს ქალაქებს.

ირანის შუამავლობა მსოფლიო ვაჭრობაში (დასავლეთი ირანის საშუალებით უკავშირდებოდა ინდოეთს, ცეილონს, ჩინეთს...) ზრდიდა ქალაქების რიცხვს, ავითარებდა ვაჭრობა-ხელოსნობას. სასაზღვრო ირანის ქალაქები (კეთილმოწყობილი ბაზრებით) წარმოადგენდნენ ვაჭრობისა და ხელოსნობის ცენტრებს.

ირანის პროვინციები და ქალაქები ერთმანეთთან დაკავშირებული იყვნენ სამეფო გზებით („შაჰრაჰ“—შარა). ამ გზებზე გამართული იყო საფოსტო სადგურები სწრაფი მიმოსვლისათვის. „მანზილების“ (ამ ტერმინის ქართული შესატყვისია „მანძილი“) შუალედებში არსებობდა სასტუმრო-ასპინძები (აქედანაა ნაწარმოები ქართული „ასპინძა“ და „მასპინძელი“), გზებზე დაცული იყო მგზავრების და ვაჭრების უშიშროება.

ირანში არსებობდა მდიდარი და კეთილმოწყობილი ქალაქები. მნახველთა განცვიფრებას იწვევდა ხალხმრავალი სატახტო ქალაქი კტეზიფონი. მსოფლიო ვაჭრობაში განსაკუთრებული მნიშვნელობა ჰქონდათ ნიზიბინს, ამიდს, აჭვანის ქალაქებს. ყველა ქალაქში ვაჭრობისა და აღებ-მიცემობის მთავარი ცენტრი იყო ბაზარი, სადაც ყოველთვის მრავლად იყვნენ სხვადასხვა ქვეყნის ვაჭრები. კტეზიფონი განთქმული იყო თავისი „თივის ბაზრით“, რომელიც მუდამ გაქედილი იყო ხალხით, ვაჭარ-სოფლაგრებით, ქარაგნებით, განსაკუთრებით კი იმ დროს, როცა იქ დამნაშავეს სიკვდილით სჯიდნენ. ამიდში არსებობდა სოფლის მეურნეობის პროდუქტების დიდი ბაზარი⁴.

¹ Н. В. Пи́гулевская. Из истории экономических отношений Ирана в IV—VI вв., Краткие сообщения ИВ АН, XIV, 1955, стр. 46.

² იქვე.

³ იქვე.

⁴ იქვე, გვ. 47.

ბაზარი, მოედანი (მმართველის სასახლითურთ), აბანოები და საკულტო ტაძარი (ათეშგაჰი, გვიან მეჩეთი...) აღმოსავლური ქალაქის ჩვეულებრივი ანსამბლი იყო.

ბაზარს განაგებდა საგანგებო მოხელე, რომელსაც „ბ ა ზ ა რ ბ ე დ ი“ (ბაზრის უფროსი) ეწოდებოდა¹.

ქალაქში ათასნაირი სანახაობა იყო მოწყობილი: ცირკი, სამხედრო ეტლების მარულა, ჩოგბურთი და ცხენბურთი. ცხენბურთი ირანული სამხედრო არისტოკრატიის საყვარელი გასართობი იყო.

ქალაქებში ხელოსნები ცალკე უბნებად იყვნენ დასახლებული. ხელოსნები უპირატესად საზოგადოების მაღალი კლასების მოთხოვნილებების დასაკმაყოფილებლად საქმობდნენ. ხელოსნური ნაწარმი დიდი რაოდენობით გაჰქონდათ შორეულ ქვეყნებში.

ირანის ქალაქებში იყვნენ როგორც მონა ხელოსნები, ისე თავისუფალი ხელოსნები. დიდი რაოდენობით მუშაობდნენ მონა ხელოსნები სახელმწიფო სახელოსნოებში.

საქალაქო ცხოვრების გაცხოველებამ გამოიწვია თავისუფალ ხელოსანთა გამოყოფა მონა ხელოსნების რიგებიდან. ისინი, ვინც ქალაქებში სახლდებოდნენ, გარკვეული შეღავათებით სარგებლობდნენ. მაგრამ ხელოსნების მდგომარეობა მაინც მეტად მძიმე იყო. განსაკუთრებით მძიმე იყო მონა ხელოსნების მდგომარეობა. ამით აიხსნება ხელოსანთა აქტიური მონაწილეობა სოციალურ მოძრაობებსა და ბრძოლებში.

საქალაქო ხელოსნობის გვერდით არსებობდა შაჰის სახელოსნოები. სოფლებსა და თემებში ხელოსნობა აკმაყოფილებდა სოფლის მოთხოვნილებას, ატარებდა პრიმიტიულ ხასიათს და მნიშვნელოვანწილად ჯერ კიდევ არ იყო გამოყოფილი სოფლის მეურნეობიდან². არქეოლოგიური გათხრები მოწმობენ, რომ არსებობდა სხვადასხვა სახის პროდუქცია, რომელიც საზოგადოების სხვადასხვა კლასების მოთხოვნილებებისამებრ სალდებოდა³. შაჰის მეურნეობის პროდუქცია ხმარდებოდა უწინარეს ყოვლისა შაჰის, მისი სახლის, პარამხანის, სასახლის საუკროებებს, მაგრამ ამ პროდუქციის გარკვეული ნაწილი უნდა ვიფიქროთ, სასაქონლო იყო⁴. ირანელი მიწისმფლობელების დასთგერდები („ნამულები“) ნაწილობრივ სასაქონლო პროდუქციასაც იძლეოდა, ასევე მაზდუანელ ქურუმთა სატაძრო ნამულები. იყიდებოდა ხორბალი, ეობო. ღვინო, ხორცი, კაკალი⁵. მაგრამ მთავარი მაინც საგარეო ვაჭრობისათვის განკუთვნილი ძვირფასი ქსოვილები, აბრეშუმი, აბრეშუმის ნაწარმი. ნოხები, ოქროს და ვერცხლის ჭურჭლეული იყო. ირანის ქალაქების ხელოსნები განთქმული იყვნენ თავიანთი ხელოვნებით და ნაკეთობებით.

როგორც აღვნიშნეთ, ერთი ხელობის ხელოსნები ჩვეულებრივ ქალაქის

¹ A. Christensen. L' Iran sous les Sasanides, გვ. 129.

² И. В. Пугачевская. დასახ. ნაშრ., გვ. 46—47.

³ იქვე, გვ. 47.

⁴ იქვე.

⁵ იქვე.

გარკვეულ უბანში იყვნენ დასახლებული. ხელოსნებს ჰყავდათ უფროსი, რომელსაც „ქარუგბედი“ („სამუშაოთა უხუცესი“) ეწოდებოდა. თვითელი ხელობის ხელოსანთა ამხანაგობას საკუთარი უხუცესი ჰყავდა. სირიულ წყაროებში, მაგალითად, გვხვდება ოქრომჭედლების უხუცესი ანუ თავი¹. ასეთივე უხუცესები უნდა ჰყოლოდათ წყაროებში მოხსენებულ ფეიქრებს, ხალიჩების მქსოველებს, მრეცხავეებს, მღებავებს და სხვ.²

ირანის ქალაქებში არსებობდა როგორც ხელოსანთა, ისე ვაჭართა ამხანაგობები. ამ ამხანაგობებს ჯერ კიდევ ბევრი რამ ჰქონდათ საერთო თემის ორგანიზაციულ აღნაგობასთან.

ვაჭართა ამხანაგობას ეწოდებოდა „ჰამბაიჰ“ (ქართ. „ამხანაგი“ ნაწარმოებია სპარსულ „ჰამჰანგიდან“, რაც „ერთად მოქმედებას“ ნიშნავს). გაცხოველებული ვაჭრობისათვის აუცილებელი იყო რთული საევაქრო ოპერაციების წარმოება (ანგარიში, განაღდება, სესხი, გირაო, მოგება და სხვ.), რასაც ვაჭართა ამხანაგობა უძღვებოდა³.

თავდაპირველად ვაჭართა ამხანაგობის ყველა წევრს ერთნაირი წილი ჰქონდა დადებული ამხანაგობაში და მოგებასაც თანასწორად იყოფდნენ. მაგრამ დროთა განმავლობაში თავი იჩინა ქონებრივმა უთანასწორობამ ამხანაგობის წევრთა შორის. სწორედ ამ ახალმა მოვლენამ დააშორა „ჰამბაიჰი“ თემის ორგანიზაციულ აღნაგობას. მოგება და შემოსავალი ახლა ნაწილდებოდა ამხანაგობაში შეტანილი წილის ოდენობის მიხედვით⁴. მაგრამ მიუხედავად ამისა ვაჭართა ამხანაგობები მაინც განავრცობდნენ არსებობას⁵. ასეთსავე კლასობრივ განშრეებას თავი უნდა ეჩინა აგრეთვე ხელოსანთა ამხანაგობაში. ხელოსანთა რიგებიდან დაწინაურდნენ უხუცესები, რომლებიც დიდის გავლენით სარგებლობდნენ საქალაქო ცხოვრებასა და სახელმწიფოში. ისინი ასრულებდნენ ხელოსანთა ამხანაგობების წარმომადგენელთა როლს და უშუალო ურთიერთობა ჰქონდათ მმართველ-მოხელეებთან⁶.

ირანის ქალაქების ვაჭრების და ხელოსნების დიდს უმეტესობას, როგორც აღვნიშნეთ, ქრისტიანები შეადგენდნენ. სანამ რომის იმპერიაში ქრისტიანთა დევნა წარმოებდა, ირანის მთავრობა ხელს არ უშლიდა ქრისტიანული მოსახლეობის ზრდას. ვითარება შეიცვალა მხოლოდ რომში ქრისტიანობის სახელმწიფო რელიგიად გამოცხადების შემდეგ. მაგრამ VI ს-ში ირანის რელიგიური პოლიტიკისათვის დამახასიათებელი ხდება მართლმადიდებლური ქრისტიანობისადმი ბიზანტიაში დევნილი იაკობიტობის, არიანობის, ნესტორიანობის და სხვა „ერესების“ დაპირისპირება. ირანში ფართო გასაქანი მიეცა ნესტორიანთა ქრისტიანულ ეკლესიას. ნესტორიან ქრისტიანთა

¹ Н. В. Пигулевская. Византия и Иран, гл. 228—229.

² იქვე, გვ. 230.

³ Н. В. Пигулевская. Из истории экономических отношений Ирана в IV—VI вв., гл. 52.

⁴ იქვე, გვ. 53.

⁵ იქვე.

⁶ Н. В. Пигулевская. Византия и Иран, гл. 230.

ეპისკოპოსები ისხდნენ რეიში, ამოლში, გურგანში, აბივერდში, ჰერათში, ნერვში, საგისტანში.

აღნიშნული მოვლენა შეპირობებული იყო არა მარტო ირანის ქრისტიანული მოსახლეობის ორიენტაციის შეცვლით, არამედ უპირატესად ირანის საზოგადოებრივი და ეკონომიური განვითარების შედეგად გამოწვეული ფაქტორებით. ირანის მთავრობა ახლა ანგარიშს უწევს ქალაქების ვაჭარხელოსნების ეკონომიურ პოზიციებს და ცდილობს მათს გამოყენებას სახელმწიფოს ინტერესებისათვის.

დიდაჯარი და გამდიდრებული მეფეებზე ახლა თვალსაჩინო ფიგურაა ირანის ეკონომიურ და პოლიტიკურ სარბიელზე. ისინი ქრისტიანული ეკლესიის მეშვეობით მონაწილეობენ პოლიტიკურ ცხოვრებაში. საეკლესიო კრებების დადგენილებების ხელისმომწერთა შორის ვხვდავთ როგორც ვაჭართა, ისე ხელოსანთა უხუცესებს. თვითონ ქრისტიანული ეკლესია სულ უფრო და უფრო ძლიერდება და მდიდრდება. ქონების, მონების და მიწების შეწირულების ნიადაგზე გაჩნდნენ მიწის მსხვილი მესაკუთრენი, მომავალი სასულიერო ფეოდალები¹. ეს იყო ფეოდალიზაციის პროცესის ერთი მნიშვნელოვანი ელემენტი. ირანის სინამდვილეში. ქრისტიანობა, როგორც იდეოლოგია, მკვეთრად დაუპირისპირდა სასანური ირანის ოფიციალურ რელიგიას—მაზდეანობას.

§ 4. ირანი ფეოდალიზაციის გზაზე

V საუკუნემდე ირანში ძირითადად მონათმფლობელური წყობილება იყო გაბატონებული. მაგრამ მონათმფლობელობის კრიზისი აშკარა იყო. საერთო ეკონომიურმა აღმავლობამ ფართო გასაქანი მისცა ფეოდალურ ელემენტებს. საწარმოო ძალების განვითარებამ გააპირობა ირანის პოლიტიკური და ეკონომიური ძლიერება VI საუკუნეში.

მნიშვნელოვანი ცვლილებები მოხდა ამ დროს სასანური ირანის სოციალურ სტრუქტურაში. თუ პირველი სასანელი შაჰინშაჰების დროს—ორი-გაბატონებული წოდება არსებობდა ქურუმებისა და სამხედრო არისტოკრატის სახით, ახლა მას მიემატა მესამე წოდება—საერო მოხელეობა.

მესამე წოდების შემადგენლობაში იყვნენ: მწერლები (დაბირები), მონაგარიშენი, იურისტები, ბიოგრაფები, წერილების და საბუთების შემდგენელნი, პოეტები, ექიმები, ასტროლოგები². ამათი უმრავლესობა ქურუმთა წოდებას გამოეყო.

მწერლების უფროსს ერანდაბიზანბედი (ირანის მწერალთა უფროსი) ეწოდებოდა. ახლა მას მობედან მობედის, ერან-ისპაჰბედის და ვასტრიო-შანსალარის გვერდით ასახელებდნენ.

საერო მოხელეები ვეზირის სახელისუფლოში შედიოდნენ.

ვეზირს თავდაპირველად ჰაზარაბედი ან ჰაზარაჰპეტი (ათასთა უფროსი)

¹ Н. В. Пигулевская. Из истории экономических отношений Ирана в IV—VI вв., 83. 57.

² Н. В. Пигулевская. К вопросу о городах Ирана в раннем средневековье, 83. 79—80.

ეწოდებოდა, ბოლოს კი, აღზევებულ-გაძლიერებულს, ბოზორგფრამადარი ეწოდა.

ვეზირის ხელისუფლების და დაბირების მნიშვნელობის გაძლიერება უშუალოდ იყო დაკავშირებული ცენტრალისტურ პოლიტიკასთან. რთული სახელმწიფო აპარატი და დაწესებულებები მრავალრიცხოვანი მოხელეებით იყო წარმოდგენილი. ირანში უაღრესად დაიხვეწა და განვითარდა მმართველობის ის სისტემა, რომელსაც ენგელსი „სასანელების სპარსეთის მოწესრიგებულ მონარქიას“¹ უწოდებდა.

საქალაქო წოდება ცალკე არ არსებობდა. წყაროების მიხედვით მიწის-მოქმედნი ხელოსნებთან ერთად ერთ წოდებაში არიან გაერთიანებული. ტანზარის წერილის (VI ს) მიხედვით მეოთხე წოდების შემადგენლობაში იყვნენ: ვაჭრები, მიწისმოქმედნი (გლეხები, რაიათები), ხელოსნები.

გაბატონებული წოდებიდან თანდათან ნიადაგი ეცლება მაზდენურ ქურუმობას, სამაგიეროდ ძლიერდება სამხედრო არისტოკრატია. ამის მკაფიო გამოხატულება იყო რათაესტორანსალარის (მხედართუფროსის) თანამდებობის დაარსება V ს-ის პირველ ნახევარში. ახლა სამხედროთა ხელთაა როგორც ვასტიროშანსალარის (მიწისმოქმედთა უფროსის). ისე რათაესტორანსალარის თანამდებობა. ქურუმებმა შეინარჩუნეს სწავლა-განათლების საქმე, სასამართლო. დაბირების გაძლიერებამ მნიშვნელოვნად შეარყია ქურუმების მდგომარეობა. მაგრამ საერო მოხელეობას ირანის მთავრობა იყენებდა გაძლიერებულ-აღზევებული სამხედრო არისტოკრატის წინააღმდეგაც. ეს უკანასკნელი ცენტრალურ ხელისუფლებას მხარს უჭერდა მხოლოდ ომების პერიოდებში, რადგან წარმატებულ ომებში მოპოვებული ნაღველი და ალაფი შემოსავლის ახალ წყაროებს ჰქმნიდა.

V ს-ში სასანური ირანი ომებს აწარმოებდა არა მარტო ბიზანტიასთან, არამედ მძიმე თავდაცვით ომებსაც ეფტალიტების წინააღმდეგ. ეფტალიტები სისტემატურად ესხმოდნენ თავს აღმოსავლეთ ირანის პროვინციებს და არბევდნენ იქაურ ქალაქებს.

მეოთხე წოდებიდან მძიმე ექსპლოატაციას განიცდიდნენ გლეხები და ხელოსნები. მათი ექსპლოატაცია თანდათან ფეოდალურ ხასიათს იღებდა. სოფლის მეურნეობის განვითარებამ ნიადაგი შეუქმნა ექსპლოატაციის ახალ ფორმებს, გაძლიერდა მიწისმოქმედთა გლეხებად გადაქცევის პროცესი.

სპარსულ-არაბული ტრადიციული ცნობები აღნიშნავენ არა მარტო ქალაქების, არამედ სოფლების დაარსებასაც. ქალაქები და სოფლები შენდება იმ ადგილებში, რომელნიც შემდეგ განთქმული არიან სოფლის მეურნეობის კულტურებით. ორი საუკუნის განმავლობაში დიდად გაიზარდა ნათესების ფართობი სასანურ ირანში². ამა თუ იმ ქალაქის დაარსებას აუცილებლად ახლდა თან საირიგაციო სამუშაოები. ყველა მსგავსი სამუშაო წარმოებდა ტყვეების საშუალებით, რომლებიც ავსებდნენ მონების რიგებს.

წარმატებული ომების შედეგად ტყვეების განაწილება სასანური ლაშქ-

¹ К. Маркс и Ф. Энгельс. Соч., т. XXI, стр. 491.

² В. Н. Заходер. Иран при Сасанидах, стр. 89.

რის სარდლებს შორის სარწყავი არხების გაყვანისა და სოფლების დაარსების შესაძლებლობას იძლეოდა¹. არაბულ-ირანული სამართლის მიხედვით კი მიწა იმისი იყო, ვისაც სარწყავი არხი გაჰყავდა².

აღზევებულ-გამდიდრებულ ირანელ ვეზურგანებს შესაძლებლობა ჰქონდათ ინდივიდუალურად გაეყვანათ სარწყავი არხები, ხოლო მწარმოებელი მოსახლეობა ფეოდალურ დამოკიდებულებაში მოექციათ.

ამას გარდა, ქვეყნის საერთო სამეურნეო აღმავლობა, საქონლის ბრუნვის ზრდა თავის მხრივ ხელს უწყობდა თემური მეურნეობიდან კერძო, ინდივიდუალური მფლობელობის გამოყოფას³. არსებობდა კერძო მიწისმფლობელობის სხვა წყაროებიც.⁴

უკვე ბაჰრამ II (276—293) უხვად აძლევდა თავის მახლობლებს მიწის ნაკვეთებს. ბაჰრამ V-ის (420—438) დროს ეს მოვლენა იმდენად გავრცელდა, რომ ზოგიერთი ბურჟუაზიული ისტორიკოსი სასანურ პერიოდს განიხილავს როგორც განვითარებული ფეოდალიზმის ეპოქას, ხოლო ბაჰრამს „აზნაურთა ხელმწიფეს“ უწოდებს⁵.

მაგრამ ფეოდალურ ურთიერთობას სრულიადაც არ ნიშნავდა წყაროებით დამოწმებული ის გარემოება, რომ შაჰინშაჰი ერთი წარჩინებულისათვის წართმეულ მიწას მეორე წარჩინებულს აძლევდა. არაფერი ჰქონდა საერთო განვითარებულ ფეოდალიზმთან არც სახელმწიფო მიწების გაცემას. თუმცა ყველაფერი ეს ხელს უწყობდა ირანელ წარჩინებულთა გაფეოდალებას. საქმე ისაა, რომ წარჩინებულები უშუალოდ სდებდნენ ხელს შაჰინშაჰისაგან მიღებულ მიწაზე მსხდარ მოსახლეობას იმით, რომ თვითონ ჰკრეფდნენ გადასახადებს⁶. ამასთან, ვეზირებთან ვარიგების გზით ისინი ახერხებდნენ მიწაზე დაწესებული გადასახადისაგან განთავისუფლებას⁷. „ქრთამის“ წყალობით ზოგიერთი მიწა მცირე გადასახადს იხდიდა, ზოგ მიწას კი სრულიად არ ეღო ხარაჯი⁸. ყველა ამის გამო მყისვე გასაგები ხდება, თუ რატომ მცირდებოდა გადასახადები ქალაქებიდან დაშორებულ ადგილებზე, სადაც ქვეყნის თუ ქვეყნების ბატონ-პატრონები მსხვილი მიწისმფლობელები იყვნენ⁹. ხარაჯას ეს „ბატონები“ მომავალი საერო ფეოდალები არიან.

საინტერესოა ერთი მნიშვნელოვანი გარემოებაც: მრავალწლოვანი ომების წარმოება ცენტრალურ ხელისუფლებას იძულებულს ხდიდა გაედიდებინა გადასახადები, მძიმედ დაეხარკა მწარმოებელი მოსახლეობა. წყაროების მიხედვით ბაჰრამ II სრულიადაც არ ზრუნავდა ქვეშევრდომთა კეთილდღეობისათვის¹⁰. გაუთავებელი ომების შედეგები, მოუსავლიანი და შიმშილიანი

¹ Б. И. Заходер. Иран при Сасанидах, гл. 89—90.

² იქვე, გვ. 90.

³ იქვე.

⁴ იქვე.

⁵ F. Altheim, R. Stiel. დასახ. ნაშრ., გვ. 276.

⁶ იქვე.

⁷ იქვე.

⁸ იქვე.

⁹ იქვე.

წლები, ებიდემიები სასტიკად ანადგურებდა მატერიალური დოვლათის შემქმნელ მოსახლეობას. სოფლის მეურნეობით განთქმული რაიონები ქვეითდებოდა და უდაბურდებოდა¹. მძიმედ დახარკული მოსახლეობა მეურნეობას სტოვებდა და გარბოდა. მაშინ, როდესაც მსხვილ კერძო მიწისმფლობელთა მიწები ჰყვაოდა. მთლიანად მითვისებულ ან სახელმწიფო მოხელეების ჩაურევლად აკრეფილ გადასახადებს ისინი მეურნეობის განვითარებისათვის იყენებდნენ. ასეთ პირობებში მწარმოებელი მოსახლეობაც მოშენებული ქვეყნებისაკენ გარბოდა².

V—VI სს. სასანურ ირანში ჩვეულებრივ მოვლენად ხდება აგრეთვე მეურნეობისათვის გამოსადეგი მიწების დატაცება. ვუზურგანები იტაცებენ და ისაკუთრებენ უწინარეს ყოვლისა სასოფლო თემის მიწებს. ამრიგად, კერძო მიწათმფლობელობის ერთ-ერთ მთავარ წყაროს წარმოადგენდნენ სახელმწიფო და სათემო მიწები.

მიწისმფლობელობის საფუძველზე აღზევებულ-გაძლიერებული ვუზურგანები უბირისპირდებიან ცენტრალურ ხელისუფლებას. IV ს-ში განსაკუთრებული მნიშვნელობა ენიჭება სახელმწიფო საბჭოს, რომელშიაც წარმოდგენილი არიან საერო და სასულიერო წარჩინებულები. IV ს-ის დამდეგს ისინი პირველად ასახელებენ მომავალ ხელმწიფეს (საინტერესოა 309 წელს შაბურ II-ის „ხელდასხმა“ მანამდე, სანამ მას დედა შობდა), ხოლო V ს-ის 20-იანი წლებიდან მემკვიდრეობითი მონარქია მათ არჩევით მონარქიად გადააქციეს. მემკვიდრეობითი მონარქია აღადგინა მხოლოდ კავადმა V ს-ის დამდეგს. IV ს-ის მეორე ნახევრიდან მოყოლებული ვუზურგანების წინააღმდეგ ბრძოლამ არა ერთი შაჰინშაჰი შეიწირა. ახლა შაჰინშაჰები იშვიათად ამთავრებენ სიცოცხლეს ბუნებრივი სიკვდილით.

ზოგიერთი ირანული საგვარეულო იმდენადაა აღზევებული, რომ ერთდროულად სხვადასხვა თანამდებობათა მატარებელია. ბაჰრამ V-ის ვეზირი მიჰრ-ნარსე ბურაზის ძის ერთი ვაჟი ქურუმი და მსაჯულია, მეორე ვასტრიოშანსალარის³ თანამდებობის მქონე, მესამე რათაესტორანსალარი⁴. ვუზურგანები ცდილობენ თანამდებობების მემკვიდრეობით შენარჩუნებას და თავიანთ უფლებას აქემენიანთა დროინდელი წესებით ასაბუთებენ. ცენტრალური ხელისუფლება, პირიქით, მიისწრაფვის დამოკიდებული გახადოს მოხელე-ხელისუფლები. ამ ნიადაგზე მთელი ორი საუკუნის განმავლობაში მიმ-

¹ F. Altheim, R. Stiel. დასახ. ნაშრ., გვ. 276.

² იქვე.

³ ვასტრიოშანსალარის საკითხავი იყო მიწისმომკვდებისა და სარწყავი არხების კონტროლი, სარწყავი არხებით სარგებლობა, კაშხალების და ხიდების აგება და მისთანანი. შემოსავალთან დაკავშირებული ამ ხელისუფლის მნიშვნელობა სულ უფრო და უფრო იზრდებოდა. მით უმეტეს, რომ V ს-ში დაუმუშავებელ მიწებსაც დაედო გადასახადი, რის გამოც გადასახადების გადახმდლები იძულებული იყვნენ დაემუშავებინათ მიწის სულ ახალ-ახალი ფართობები. ვასტრიოშანსალარი კონტროლს უწყვედა ხელისნობასაც, რის გამოც მას მეორეხარისხის ხელისუფლებად ეწოდებოდა.

⁴ H. B. Пургулевская. Византизм и Иран, გვ. 307; F. Altheim, R. Stiel. დასახ. ნაშრ., გვ. 288—269.

დინარეობს დაძაბული ბრძოლა. ვითარება ცენტრალური ხელისუფლების სასარგებლოდ შეიცვალა მხოლოდ ხოსრო I ანუ შირვანის დროს.

ვუზურგანები სხვა მხრივაც ცდილობენ ცენტრალური ხელისუფლების დაუსტებას. საშუალო მიწისმფლობელების (აზატების) შევიწროება და მძლავრობა თავისუფალ მეთემეებზე ემუქრება ცენტრალური ხელისუფლების დასაყრდენ მთავარ სოციალურ ძალებს. თავის მხრივ ცენტრალური ხელისუფლება ცდილობს გადაარჩინოს აზატები და თავისუფალი მიწისმოქმედნი — სასანური ლაშქრის ძირითადი ბირთვი (მხედრობა) და მთავარი კონტინგენტი (თავისუფალი გლეხობა).

მაგრამ ცვლილებები აგრარულ ურთიერთობაში ახლებურად აყენებს მიწისმფლობელების მიწისმოქმედებთან დამოკიდებულების საკითხს. ვუზურგანები მიისწრაფვიან გლეხებად გადააქციონ თავისუფალი მეთემეები. ამავე დროს ისინი თანდათან ათავისუფლებენ მონებს და სვამენ მათ თავიანთ წიწებზე, რადგან ახლად ათვისებული მიწების მეურნეობისათვის გამოყენების პირობებში მონის შრომა რენტაბელური აღარაა. ამ მოვლენებთან უშუალოდ დააკავშირებული საზოგადოებრივ-ეკონომიური ცხოვრების ქალაქიდან სოფელში გადასაცვლება. სოფელი შენდება მიწისმფლობელის ციხე-კოშკის ძირში, ხოლო თვითონ მიწისმფლობელი უშუალოდ უკავშირდება მწარმოებელ საზოგადოებას. ყველაფერი ეს მონათმფლობელობის კრიზისის მომასწავებელი იყო.

ირანელი მიწისმოქმედი დამოკიდებული ხდება ირანელ მიწისმფლობელზე. თავისუფალი მეთემე გლეხი გახდა. მისი დაყმევების პროცესის დაწყებამ გააპირობა მძლავრი სოციალური მოძრაობანი სასანურ ირანში.

V ს-ის 80-იან წლებში ირანი მძიმე ომებს აწარმოებდა ეფტალიტებთან (თეთრ ჰუნებთან). პეროზი (459—484) იძულებული იყო ყოველწლიური ხარკი ეძლია გამარჯვებულთათვის (ცოტა გვიან ეფტალიტებს მძევლად ჰყავდათ სასანელი უფლისწული კავადი). თეთრ ჰუნებთან ომის დროს აჯანყდნენ ქართველები, სომხები და ალბანელები ვახტანგ გორგასალის და ვაჰან მამიკონიანის მეთაურობით. ირანელებმა ეს აჯანყება ქართველი აზნაურების და სომეხი ნახარაგების ღალატის წყალობით ჩააქრეს. პეროზის დროსვე ზედიზედ მიჰყვა ერთმანეთს გვალვიანი და მოუსავლიანი წლები. დამშეული მოსახლეობა უდიდეს გაჭირვებას განიცდიდა, გადასახადები კი განუხრელად იზრდებოდა. წარუმატებელმა ომებმა მკვეთრად შეუმცირა შემოსავალი ირანელ სარდლებს და მათს მეომრებს, რომლებიც დაუნდობლად ძარცვავდნენ ხოლმე დაპყრობილ ქალაქებსა და სოფლებს. ამიტომ სამხედრო არისტოკრატია მთელი თავისი ყურადღება საკუთარი მოსახლეობის ექსპლოატაციის გაძლიერებაზე გადაიტანა. დამშეულ მოსახლეობას კი არაფრის გადახდა არ შეეძლო. გაღატაკებულ-გაჭირვებულ გლეხს არც იმ პურის ყიდვა შეეძლო, რომელსაც წარჩინებულები გადიდებულ ფასებში ჰყიდდნენ თავიანთი ბელლებიდან.

დამშეული მოსახლეობა სოფლებიდან გარბოდა და ქალაქებს აწყდებოდა. პეროზმა ხალხს მიმართა წერილით, სადაც ნათქვამი იყო, რომ იგი მთელ თავის ხალხს ათავისუფლებდა ხარაჯისა, ჯიზიისა, ნიბისა და სუხ-

რასაგან¹. ტაბარის ცნობაში დამოწმებულ „ნაიბას“ თ. ნელდეკე თარგმნიდა როგორც საზოგადო სარგებლობისათვის გამიზნულ გამოსაღებს. თ. ნელდეკეს განმარტებას ფ. ალტჰაიმი ასწორებს და ამ ტერმინის მნიშვნელობას უკავშირებს ქალაქის მოსახლეობის გამოსაღებს, რადგან პეროზმა, მისი სიტყვით, მიმართა არა მარტო მიწისმოქმედთ, არამედ მთელ ხალხს². საზოგადოდ, ფ. ალტჰაიმი იმ აზრისაა, რომ როგორც მიწაზე დაწესებულ, ისე სულად გადასახადს მხოლოდ მიწისმოქმედნი იხდიდნენ³. იმის გამო, რომ ტაბარის ცნობაში ნაიბა სულად გადასახადს (ჯიზიას) მოსდევს, ფ. ალტჰაიმის დაკვირვებით, ზირველი მეორის შემცველი უნდა ყოფილიყო ქალაქებში⁴. და რომ ქალაქის მცხოვრებლები იხდიდნენ არა პირდაპირ გადასახადებს (ხარაჯას, ჯიზიას). არამედ არაპირდაპირ გამოსაღებებს, მაგ., ბაყებს და მისთანებს⁵.

გადასახად-გამოსაღებებს იხდიდნენ მხოლოდ მიწისმოქმედნი და ვაჭარ-ხელოსნები. პირველთა ვალდებულებაში შედიოდა აგრეთვე ბეგარა, რომლის არაბული შესატყვისი სუბრა იყო. სპ. სიტყვა „ბეგარა“, რომელიც ფართოდ გავრცელდა ამიერკავკასიის და ნახლობელი აღმოსავლეთის ფეოდალურ ქვეყნებში, გულისხმობდა გლეხების მუშაობას გზების, ხიდების, სარწყავი არხების, ციხე-სიმაგრეების და სხვ. მშენებლობაში. ირანის მწარმოებელი მოსახლეობა იხდიდა აგრეთვე ნოვრუზის და მიჰრგანის დღესასწაულების აღსანიშნავ გამოსაღებებს. ეს დღესასწაულები ირანში იმთავითვე დაკავშირებული იყო სასოფლო-სამეურნეო სამუშაოების კალენდართან.

აქოდენა გადასახადების გადახდა განსაკუთრებით ძნელი იყო მოუსავლიან წლებში. მაგრამ ირანელი მიწისმფლობელები ამას ყურადღებას არ აქცევდნენ. მწარმოებელს წელზე ფეხი უნდა დაედგა და გადასახადი მაინც გადაეხადა. ყველაფერი ეს ნოყიერ ნიადაგს უქმნიდა მძლავრ სოციალურ მოძრაობებსა და აჯანყებებს, რომელთაც თავზარი დასცეს ირანის ვაბატონებულ კლასს V—VI საუკუნეთა მიჯნაზე.

§ 5. მაზდაკელთა აჯანყება

გარეგნულად რელიგიურ სამოსელში გამოხვეული ეს სოციალური მოძრაობანი გამოწვეული იყო ფეოდალიზაციის თანმხლები მოვლენებით. მანიქველთა (III ს.) და მაზდაკელთა (V—VI სს.) სოციალური მოძრაობები დაკავშირებული იყვნენ ახალ საზოგადოებრივ ურთიერთობათა ჩასახვა-ჩამოყალიბებასთან. მაზდაკელთა მოძრაობა მიმართული იყო ფეოდალიზაციის პროცესების წინააღმდეგ⁶.

¹ Th. Nöldeke. Geschichte der Perser und Araber zur Zeit der Sasaniden, Leiden. 1979, გვ. 122.

² F. Altheim, R. Stiel. დასახ. ნაშრ., გვ. 277.

³ იქვე, გვ. 312—318.

⁴ იქვე, გვ. 277.

⁵ იქვე, გვ. 219—320.

⁶ E. H. Paxton. დასახ. ნაშრ., გვ. 94.

მაზდაკელთა სოციალური მოძრაობა დაიწყო 488 წელს და გაგრძელდა 529 წლამდე¹.

მაზდაკური მოძრაობა დააჩქარა ხანგრძლივი გვალვებით და მოუსავლიანობით გამოწვეულმა შიმშილმა, რომელსაც მასიური ეპიდემიები მოჰყვა. შიმშილსა და ეპიდემიებს (შუა საუკუნეების ჩვეულებრივ მოვლენებს დასავლეთის და აღმოსავლეთის ქვეყნებში) სწორად თან სდევდა სოციალური მოძრაობანი, რადგან ეს სახალხო უბედურებანი უპირველეს ყოვლისა მწარმოებელ საზოგადოებას ავლებდა მუსრს.

წყაროებში აღნიშნულია „დაბალი ხალხის“ უუფლებო მდგომარეობა სასანურ ირანში. ალათი სქოლასტიკოსი აღნიშნავს, რომ „ძლიერი სუსტს ჩაგრავს და სასტიკად და არაადამიანურად ეპყრობა“². ამიან მარცელინის სიტყვით, ირანელ წარჩინებულთა ხელთ იყო „მონებისა და ხალხის სიცოცხლისა და სიკვდილის საქმე“³. მაზდეანელ ქურუმებს, მხედრებს და მოხელეებს მწარმოებელი საზოგადოება ინახავდა თავისი შრომით, სასანელი შაჰინშაჰების ბრწყინვალე კარის შენახვას და გაუთავებელ ომებს ხმარდებოდა გლებთა ექსპლოატაციით მიღებული თანხები⁴.

მძიმე გადასახადების წყალობით მწარმოებელი საზოგადოება ირანში უკიდურეს მდგომარეობამდე იყო მიყვანილი.

სანამ გადასახადების ამკრეფი მოხელე სოფელში არ მივიდოდა. გლებს არ შეეძლო მოემკო ყანა, გაელეწა პური, მოეწყვიტა ხეხილის ნაყოფი. გადასახადების ამკრეფი მოხელე გლებებს საწყაოებით ადგა თავზე, ყანაში, კალოზე, ვენახში, ბოსტანში. მოსავლის დიდი და საუკეთესო წილი მას მიჰქონდა, ცოტადენი კი გლებს და მის ოჯახს გამოსაკვებად არ ჰყოფნიდა. გლების ხვედრი მძიმე მუშაობა, სილატაკე და შიმშილი იყო.

მაზდაკური მოძრაობის მთავარი მამოძრავებელი ძალა გლებობა იყო. აჯანყებული გლებები ამტვრევდნენ მდიდართა პურის ბეღლებს, იტაცებდნენ მიწებს, საირიგაციო ნაგებობებს, წარჩინებულთა ქონებას, ხოცავდნენ გაბატონებული კლასის წარმომადგენლებს. მაზდაკური მოძრაობის დროს ბევრი ეუზურგანი დაიღუპა, ბევრმა ქონება დაკარგა, ბევრიც მეზობელ სახელმწიფოებში გაიქცა.

ამ მოძრაობას მეთაურობდა მაზდაკი, რომლის მკათიო და გასაგებმა მოძღვრებამ ფართო გავრცელება ჰპოვა ირანის პროვინციებში. ბოროტების არსებობას მაზდაკი კერძო საქუთრების ნაყოფად თვლიდა. ამიტომ იგი მოთხოვდა სოციალური და ქონებრივი თანასწორობის დამყარებას. ერთ-ერთი წყაროს მიხედვით მაზდაკი თავის მიმდევრებს ამგვარი სიტყვებით მიმართავდა: „დაე, განაწილდეს სიკეთე ადამიანთა შორის, რადგან ყველანი ღვთის მონები არიან, ყველა ადამის შვილია. დაე, ერთმა მეორეს მისცეს

¹ A. Christensen. L'Iran sous les Sasanides, გვ. 311—357; მისივე. Le roi Kawadh I et le communisme mazdakite, 1925; Н. В. П и р у л е в с к а я. Маздакитское движение, Известия АН СССР, Отд. истории и философии, № 4, 1944, გვ. 171—191.

² დამოწმებული აქვს ა. ქრისტენსენს: L'Iran sous les Sasauides, გვ. 434.

³ იქვე, გვ. 316.

⁴ იქვე, გვ. 107.

თავისი სიმდიდრე, რათა არ იყოს სიღატაკე, სიღარიბე, რომ ყველას თანაბრად ხედეს ცხოვრების სიკეთე¹. სხვა წყაროში ნათქვამია: „მაზდაცმა ადამიანთა შორის საერთო გახადა მოძრავი და უძრავი ქონება. ქალები, შონები და მხეველები, რომ არავის ზედმეტი არაფერი ჰქონოდა“. ქალების რომლებთან ერთად დასახელება აიხსნება იმით, რომ ქალი ყოველგვარ უფლებას იყო მოკლებული სასაზღვრო ირანში. ქონებისა და მოწონების განაწილების მოძახონა კი ადასტურებს არა განვითარებული ფეოდალური ურთიერთობის არსებობას, არამედ ფეოდალიზმის ადრინდელ სტადიას V—VI სს. ირანში¹.

მაზდაკის მოძღვრებაში მთავარი იყო თანასწორობის იდეა². ამას ერთხმად აღნიშნავენ თანამედროვე წყაროები (VI ს-ის სირიელი მემბტიანე იეშუ სტილიტი, პროკოპი კესარიელი, სპარსული ფსევდოეპიგრაფი „ტანზარის წერილი“) და არაბი ისტორიკოსები და მეცნიერები (ტაბარი, თაალიბი, მასუდი, აშ-შაჰრისთანი)³. მაზდაკის პიროვნებისა და მოძღვრების შესახებ მეტად საყურადღებო ცნობები მოიპოვება ფიოდოუსის „შაჰ-ნამეში“, რომელშიაც, არაბი ისტორიკოსების მსგავსად, გამოყენებულია VI ს-ის ოფიციალური ფალაური ქრონიკები.

მაზდაკი და მისი მიმდევრები ხალხს ასწავლიდნენ, რომ ბუნების ღვთაებრივი წყალობანი მიცემული აქვს ყველა ადამიანს იმისათვის, რომ იძით ერთად ისარგებლონ და თანასწორად გაინაწილონ, „რათა ერთს მეტი არ ჰქონდეს, ვიდრე სხვებს“ (თაალიბი)⁴. სიძულვილი, წინააღმდეგობები, ბრძოლა აღმოკენდებიან უპირატესად მატერიალური დოვლათის ნიადაგზე, ამიტომ იგი საერთო უნდა გახდეს და ყველას უნდა ჰქონდეს შესაძლებლობა ისარგებლოს მისით, როგორც სარგებლობენ წყლით, ცეცხლით და საძოვრებით⁵. წყალი, ცეცხლი და საძოვრები ახლაც საერთო სარგებლობაში იყო, როგორც წინათ საერთო სარგებლობაში იყო სახნავ-სათესი მიწები და სხვა ქონება. მაზდაკი ამბობდა: „აუცილებელია გამოვართვათ მდიდრებს ღარიბთათვის, რათა ქონებრივად გავათანასწოროთ ისინი“⁶. იდეალურ თანასწორობას მაზდაკელები გლეხურ თემში ხედავდნენ.

მაზდაკური მოძრაობა გამოწვეული იყო იმით, რომ ფეოდალური ურთიერთობანი ირანში სულ უფრო და უფრო გამოკვეთილ სახეს იღებდა. გაფეოდალების გზაზე შემდგარი მიწისმფლობელები ავიწროვებდნენ უშუალო მწარმოებლებს, ცდილობდნენ მათს დამოკიდებულ გლეხებად გადაქცევას და მიწაზე მიმაგრებას, რასაც უკანასკნელნი სასტიკ წინააღმდეგობას უწყევდნენ⁷. მაზდაკური მოძრაობა ანტიფეოდალური ხასიათის მატარებელი იყო. მაგრამ

¹ Б. Н. Заходер. *დასახ. ნაშრ.*, გვ. 93.

² Н. В. Пигулевская. *Идея равенства в учении маздакитов. Сб. „Из истории социально-политических идей“*, к семидесятилетнему юбилею В. И. Волгина, М., 1955, გვ. 97—101.

³ ი ქვე, გვ. 97.

⁴ ი ქვე, გვ. 98.

⁵ ი ქვე, გვ. 98—99.

⁶ ი ქვე, გვ. 98.

⁷ ი ქვე, გვ. 97.

მონათმფლობელობის არსებობის პირობებში ამ მოძრაობას მონებიც უერთდებოდნენ.

მაზდაკელთა სოციალურ მოძრაობაში მონაწილეობდნენ გლეხები, ხელოსნები, ქალაქის ღარიბები, მონები. მაზდაკს დაუკავშირდა აგრეთვე საშუალო და წვრილი მიწისმფლობელების ერთი ნაწილი, რომელთა საკუთრებას ემუქრებოდნენ მსხვილი მიწისმფლობელები და რომელთა გადარჩენით ცენტრალური ხელისუფლება დიდად იყო დაინტერესებული. გაბატონებული კლასის ეს ფენი (სპ. „აზატინ“) წარმოადგენდა ცენტრალური ხელისუფლების დასაყრდენს. აქედან გამომდინარე „რაინდები“—მძიმედ შეჯავშნული მხედრები. ირანელი „დიდებულების“ (სპ. „ვუზურგან“) აღზევება-გაძლიერება უშუალოდ ეხებოდა ამ ფენის პოლიტიკურ და ეკონომიურ ინტერესებს.

მაზდაკელთა მოძრაობაში მკაფიო გამოხატულება ჰპოვეს ფეოდალიზაციის პროცესით შეპირობებულმა სოციალურმა წინააღმდეგობებმა. მაზდაკელებში შაჰინშაჰის ხელისუფლება გაძლიერებული ვუზურგანების დამასუსტებელ ძალას ხედავდა და, ამიტომ, მათს მოძრაობას მხოლოდ გარკვეულ დრომდე უჭერდა მხარს.

აჯანყებული გლეხების მთავარი მოთხოვნა იყო მიწისმფლობელობის არქაული ფორმების აღდგენა, თემურ წყობილებასთან უკან დაბრუნება. ამდენადვე მათი ბრძოლის მიზანი გამოირიცხავდა საზოგადოების წინსვლას, მის განვითარებას. მაგრამ მაზდაკელთა დიდმა სოციალურმა მოძრაობამ, რომლის გამომძახილს თვით XII ს-ში ვნახულობთ, ძლიერად შეარყია მონათმფლობელური ირანის სახელმწიფოს საფუძვლები.

ჯერ კიდევ X ს-ის არაბულენოვანმა ისტორიკოსმა შენიშნა, რომ მაზდაკელთა მოძრაობა „მალალთა წინააღმდეგ მიმართული დაბალთა მოძრაობა“ იყო. ტაბარის ამ სიტყვებს პირველად აკად. ვ. ბარტოლდმა მიაქცია ყურადღება¹. მაგრამ მას აუხსნელი დარჩა ამ მოძრაობის გლეხური ხასიათი.

მართალია, სპარსულ-არაბულ ტრადიციულ ცნობებში საკმაო მასალა არ მოიპოვება გლეხთა მღვდმარეობის დასახასიათებლად, მაგრამ მაზდაკური მოძრაობის მასშტაბები მოწმობს, თუ რამდენად მწვავე იყო კლასობრივი ბრძოლა V—VI სს. სასანურ ირანში. საინტერესოა, რომ მაზდაკელებზე დაყრდნობით კავად I-მა (488—531) მნიშვნელოვნად შეასუსტა აღზევებულ-გაძლიერებული ვუზურგანების გავლენა. სრულიად გარკვეულ მომენტში კი იგი განუდგა მაზდაკელებს და თავის ვაჟიშვილ ხოსრო ანუშირვანთან ერთად 528 წელს სისხლში ჩააბრჩო მათი მოძრაობა.

გლეხთა ამ დიდი მოძრაობის და მრისხანე აჯანყების პირდაპირი შედეგი იყო მნიშვნელოვანი ცვლილებები ირანის საზოგადოებრივ ცხოვრებასა და სახელმწიფო წყობილებაში. გლეხთა აჯანყებამ ობიექტურად ხელი შეუწყო ფეოდალური ელემენტების წარმატებას, ფეოდალურ ურთიერთობათა განვითარებას. მაზდაკურმა მოძრაობამ სპეციფიკური მიმართულება მისცა ფეოდალიზაციის პროცესს ირანში.

¹ В. В. Бартольд. К истории крестьянских движений в Персии, гл. 56; შდრ А. Ю. Якубовский. Вопросы периодизации истории Средней Азии в средние века, гл. 30.

საქმე ისაა, რომ გაქცეულ-დახოცილი მიწისმფლობელებისაგან დაცარიელებული მიწები სახელმწიფოს განკარგულებაში აღმოჩნდა. ცენტრალურმა ხელისუფლებამ ეს მიწები დაურიგა დასუსტებულ და დაღარიბებულ წარჩინებულებს, რამაც უკანასკნელნი მსახურეულ წოდებად გადააქცია და, პირობითი მიწისმფლობელობის ნიადაგზე, განაპირობა მათი ცენტრალურ ხელისუფლებაზე ფეოდალური დამოკიდებულება. ამავე დროს ცენტრალური ხელისუფლება იძულებული იყო ცოტა რამ დაეთმო გლეხთათვის და მოეწყვსრიგებინა გადასახადები, რათა ამით უზრუნველყო განადგურებული სოფლის მეურნეობის აღდგენა და მისი განვითარება.

მაზდაკური მოძრაობის ლიკვიდაციამ მოითხოვა „რეფორმების“ საჭიროება. „რეფორმების“ გატარებას იწყებს კავად I, მაგრამ ახორციელებს მას ხოსრო I ანუ შირვანი.

§ 6. ხოსრო ანუ შირვანის „რეფორმები“

ხოსრო I-მა განახორციელა სამხედრო, ადმინისტრაციული და საგადასახადო რეფორმები.

სამხედრო რეფორმა ითვალისწინებდა შაჰინშაჰის ხელისუფლებაზე დამოკიდებული ლაშქრის შექმნას, რისთვისაც ხოსრომ საშუალო მიწისმფლობელები აღჭურვა იარაღით და მისცა ცხენები¹. საზოგადოდ, სასანელი შაჰინშაჰები მიისწრაფოდნენ შეექმნათ ჯარი, რომლის შემადგენლობაში ძირითადად საშუალო მიწისმფლობელები და თავისუფალი გლეხები უნდა ყოფილიყვნენ წარმოდგენილი².

სამხედრო რეფორმის შედეგად გაუქმდა ირანის ისპაჰბედის (მთავარსარდლის) თანამდებობა. სამხედრო ხელისუფლება ოთხ ისპაჰბედს შორის განაწილდა. ჯერ კიდევ კავად I-ის დროს მარზპანებს მოესპოთ სამოქალაქო მართვა-გამგეობის უფლება. სამოქალაქო საქმეები ფადგოსპანებს გადაეცათ. მარზპანებმა შეინარჩუნეს მხოლოდ სამხედრო ხელისუფლება. სასანური ირანის ახალი სამხედრო-ადმინისტრაციული სისტემა ბიზანტიის თემური ორგანიზაციის ნიმუშად იქცა³.

ხოსრო I-ის დროს 18 ოლქის მაგიერ ირანში შეიქმნა 4 ოლქი: 1. აღმოსავლეთის (ხორასანი), 2. ჩრდილოეთის (სომხეთი და აზერბაიჯანი)⁴, 3. დასავლეთის (ჰამდანის და ერაყის), 4. სამხრეთის (ქერმანის და ხუზისტანის).

ოთხი მთავარი მარზპანი ამიერიდან ატარებდა მეფის (შაჰის) წოდებულებას. სამაგიეროდ ადგილობრივი მეფეები (შაჰრდარები), რომელნიც

¹ A. Christenson. L'Empir des Sasanides, გვ. 57.

² Н. В. Пигулевская. К вопросу о податной реформе Хосрой Ануширвана, ВДН, 1937, № 1, გვ. 153.

³ იქვე, გვ. 145.

⁴ არაბებმა მთლიანად გადაიღეს ირანელთა ადმინისტრაციული დანაწევრება. ამით აიხსნება, რომ არაბ მწერალთა თხზულებებში ქართლი (ჯურჯანი) მოთავსებულია არმენიის პროვინციაში.

IV—V სს. დამოუკიდებლად განაგებდნენ თავიანთ სამეფოებს და საკუთარი სარდლობით გამოჰყავდათ ლაშქარი, აღარ ჩანან¹. ამ მხრივ გამონაკლისს შეადგენს მხოლოდ ლაპშიდების არაბული სამეფო², რომელსაც, სრულიად გარკვეული მოსაზრებით, სასანელი შაჰინშაჰები უპირისპირებდნენ ბიზანტიის მფარველობაში მყოფ ქასანიდების არაბულ სამეფოს³.

აღსანიშნავია, რომ კავადის და ხოსროს რეფორმების შემდეგ მოხდნად მოხდენი კარგავს ოდინდელ პირველობას და იხსენიება მხოლოდ მთელ რიგ საერო ხელისუფალთა შემდეგ. მაზდენური სარწმუნოების ქურუმთა პოლიტიკური და ეკონომიური მდგომარეობა VI ს-ში მნიშვნელოვნად შეკრუული ხანს.

სამაგიეროდ წამოიწია სამოქალაქო ბიუროკრატია, რომელიც ფაქტიურად ახალ წოდებად იქცა. ამასთან დაკავშირებით გაძლიერდა ვეზირი (ბოზორგფრამადარი). თვალსაჩინოდ გაიზარდა ვეზირის სახელისუფლოს როლი სახელმწიფოში. ვეზირს ემორჩილებოდნენ სახელმწიფო სამდივანში-გნობროსა და საფინანსო დაწესებულებებში მოღვაწე მწერლები (დაბირები). ვეზირი ბოზორგმიპრი (არაბული წყაროების ბოზორჯმიპრი) ხოსრო I-ის მარჯვენა ხელი, რეფორმების ენერგიული გამტარებელი და სახელმწიფოს მშენებლობის აქტიური მონაწილე იყო.

ყველა ამასთან ერთად ცენტრალურ ხელისუფლებაზე დამოკიდებული გახდნენ დაზარალებული და დაღარბებული წარჩინებულები იმიტომ, რომ მათ სახელმწიფოსაგან მიიღეს მაზდაკური მოძრაობის დროს პატრონებისაგან დაცარიელებული მიწები.

ხოსრო I-ის რეფორმების შემდეგ შეიცვალა აგრეთვე ვაჭრების და ხელისუფლების მდგომარეობა სასანური ირანის ქალაქებში.

ამრიგად, მაზდაკური მოძრაობის პირდაპირი შედეგი იყო სოციალური რიგის გადაჯგუფებანი ირანის საზოგადოებაში.

მაზდაკური მოძრაობის შედეგებით ფაქტიურად საშუალო მიწისმფლობელებმა ისარგებლეს. სამხედრო რეფორმა სწორედ მათ გაძლიერებას ისააყვდა მიზნად.

„ახატი“ ხოსრომ მსახურეულ წოდებად აქცია, გაუჩინა ჯამაგირი და დაუკავშირა სამეფო კარს. ასე წარმოიშვა დეჰყანთა კლასი, რომელიც უკვე VI ს-ში მკაფიოდ გამოკვეთილი ფეოდალური ნიშნების მატარებელი იყო.

აკად. ვ. ბარტოლდმა VI ს-ის პირველ ნახევარს მიაკუთვნა ტაბარის მიერ ლეგენდარული ნეფის მანუჩარის დროსთან დაკავშირებული დეჰყანთა კლასის წარმოშობა. აკად. ვ. ბარტოლდის მიერ მოტანილ ტაბარის ცნობაში ნათქვამია: „[მანუჩარმა] სათავე დაუდო დეჰყანობას, ყოველ სოფელს დეჰყანი დაუნიშნა, სოფლის მცხოვრებნი მის მსახურებად და მონებად აქცია და ღორხილება უბრძანა“⁴.

ამ დროიდან მოყოლებული გლეხები დეჰყანებზე დამოკიდებული ხდენ-

¹ И. В. Пигулевская. Византия и Иран, гл. 208.

² იქვე.

³ სასანელი შაჰინშაჰების ცენტრალისტურ პოლიტიკასთან უშუალოდ დაკავშირებული ხანს მეფობის გაუქმება ქართლში 523 წელს.

⁴ Л. В. Бартольд. Дахаб. ნაშრ., გვ. 55.

ბიან და მათს კონტროლს ექვემდებარებიან¹. დეჰყანები (ირანელი და შუა-აზიელი ფეოდალები) ამერიიდან კიდევ უფრო აძლიერებენ ძალადობას გლეხების მიმართ, ხოლო ჩამოყალიბების პროცესში მყოფი მიწის ფეოდალური საკუთრება (დეჰყანური მიწისმფლობელობა) ფეოდალური წყობილების საფუძველი ხდება.

სამხედრო-ადმინისტრაციული რეფორმა შესაძლებელი იყო მხოლოდ საგადასახადო რეფორმისთან კავშირში². ცენტრალურ ხელისუფლებაზე დამოკიდებული მძიმედ შეჯავშნული მხედრობის შენახვა აუცილებლად მოითხოვდა სახელმწიფო ხაზინის შემოსავლის გაზრდას გადასახადების მოწესრიგების გზით. საგადასახადო რეფორმაც ძირითადად საშუალო მიწისმფლობელის გაძლიერებას ისახავდა მიზნად³. ამავე დროს, გადასახადების მოწესრიგებას სოფლის მეურნეობით უნდა დაეინტერესებინა გლეხობა. ახალ საგადასახადო სისტემას ერთის მხრივ უნდა უზრუნველყო მწარმოებელი საზოგადოების ექსპლოატაცია, ხოლო მეორეს მხრივ კი შეექმნა სტიმული გლეხისათვის სოფლის მეურნეობის განსავითარებლად.

მკვლევართა დაკვირვებით (ნ. პიგულევსკაია, ი. სოლოდუხო) მიწაზე დაწესებული გადასახადის ნიმუშად ბიზანტიური საგადასახადო სისტემა იყო მიღებული.

უკვე კვად I-ის მეფობის დასასრულს გაიზომა მთები და ველები მიწაზე დაწესებული გადასახადის ოდენობის განსაზღვრის მიზნით. მის დროს დაწყებული საკადასტრო სამუშაოები დაამთავრა მისმა მემკვიდრემ. ხოსრო I ანუშირვანის დროს მთელი მიწები და მოსახლეობა („თითოეული თავი“) აღწერილი იყო. გადასახადებს კრეფდნენ წელიწადში ორჯერ მტკიცედ დადგენილი წესის მიხედვით.

ხოსრო I-ის საგადასახადო რეფორმამდე მიწაზე დაწესებული გადასახადის აკრეფა წარმოებდა პრიმიტიული წესით. გადასახადს იღებდნენ ნატურით — მოსავლის 1/3, 1/4, 1/5, და 1/6-ის რაოდენობით⁴. ახლა ყველაფერი აღწერილ-დაბეგრილი იყო მიწის ნაყოფიერების გათვალისწინებით ან ქალაქთან სიახლოვის ნიშნის მიხედვით. დაწესდა ფულადი გადასახადი მიწის ფართობის ყოველ ერთ ლერბზე (2.400 კვად. მეტრი)⁵. ამის მიხედვით

¹ А. Ю. Якубовский, *დასახ. ნაშრ.*, გვ. 30.

² „Проведение военной реформы было возможно лишь в связи с податной реформой. Последняя была направлена на получение необходимых средств для пополнения казны в случае войны. Она также была опорой и для создания независимых от крупной родовой знати отрядов, содержание которых требовало запасов хлеба и фуража“. Н. В. Пигулевская, *К вопросу о податной реформе Хосрол Ануширвана*, გვ. 145.

³ Н. В. Пигулевская, *დასახ. ნაშრ.*, გვ. 146.

⁴ იქვე.

⁵ ახალი საგადასახადო სისტემის ნაკლოვანი მხარე თანაქვროკეებს, ჩანს, შეუმჩნევლად არ დაოჩენიათ. ერთ-ერთმა დაბირმა (მჭერალმა) ხოსროს განუცხადა, რომ ბუნებრივი პირობების ცვალებადობის გამო გადასახადის თანხა უტყველოდ ვერ დარჩებოდა, რადგან შეიძლება დაშრეს აობი, დიშორიტოს წყარო, ხოლო ვენახმა ნაყოფი არ გამოიღოსო. ამაზე, ტაბარის მიხედვით, ხოსროს უთქვამს, რომ კადასტრი ყოველწლიურად იჭნებოდა განახლებული და გადასინჯული (იქვე, გვ. 147).

განისაზღვრა გადასახადი ხორბალზე, ქერზე, ბრინჯზე, იონჯაზე, ინდის-
ხურმაზე, პალმებზე, ზეთისხილზე, ვენახზე. დაიბეგრა ყველა ჯგუფურად
მდგარი ხეხილი. დაბეგრილი არ იყო მხოლოდ ცალკე მდგარი ხე-
დასაბეგრად ჩამოთვლილ მცენარეთა მრავალფეროვნებამ ნ. პიგულევ-
სკაიას საბაბი მისცა აღენიშნა, რომ სახელმწიფო, გარდა ფულადი გადასა-
ხადისა, დაინტერესებული იყო მიეღო აგრეთვე ნატურით გადასახადი ყველა
სახეობის მცენარეიდან, რომლითაც მინდორი იყო დათესილი¹. მაგრამ
ფულად გადასახადს, როგორც ჩანს, მაინც განსაკუთრებული მნიშვნელობა
მიენიჭა.

თვითეულ ღერობ მიწაზე, ტაბარის ცნობების მიხედვით, დაწესდა 1
ღირაზე, ვენახზე 8 ღირაზე. სულადი გადასახადი, იმის მიხედვით თუ ვინ
რა ქონების პატრონი იყო, განისაზღვრა 12, 8, 6 ან 4 ღირაქმის რაოდენ-
ობით. სულად გადასახადს იხდიდა ყველა მამაკაცი 20-დან 50 წლამ-
დე. ამ გადასახადისაგან თავისუფლდებოდნენ მხოლოდ დიდგვაროვანნი,
წარჩინებულნი, ქურუმები, სახელმწიფო მოხელეები, მწერლები და ლაშქრის
ნეომრები.

მიწაზე დაწესებულ გადასახადს ეწოდებოდა „ხარაგ“, სულად გადასა-
ხადს „გეზით“². არაბულში ეს ტერმინები დამკვიდრდა „ხარაჯას“ და
„ჯიზიათის“ სახით. არაბებმა მთლიანად გადაიღეს სასანური ირანის საგა-
დასახადო სისტემა.

„ხარაგიდან“ არის ნაწარმოები ქართული „ხარკი“. ეს სიტყვა ქარ-
თულში უშუალოდ სასანური ირანიდან არის შემოსული.

ხოსრო I ანუ შირვანის რეფორმები გამოწვეული იყო ირანის საზოგა-
დობრივი და ეკონომიური განვითარებით.

ნ. პიგულევსკაია მართებულად მიუთითებს, რომ ხოსრო I-ის რეფორ-
მები ასახავდა საზოგადოების სტრუქტურაში მომხდარ ცვლილებებს, ცვლი-
ლებებს, რომელთაც შეიძლება ფეოდალიზაცია ვუწოდოთ³.

საწარმოო ძალების განუხრელი განვითარება ველარ უთავსდებოდა
ძველს წარმოების ურთიერთობას, მოითხოვდა მონათმფლობელური ექსპლო-
ატაციის წესიდან ფეოდალური ექსპლოატაციის წესზე გადასვლას. დამახა-
სიათებელია, რომ მიწისმფლობელებს საკუთრივ ირანელი მონები („ბანდაქ“)
თანდათან დამოკიდებულების ახალ ფორმაზე გადაჰყავთ და მეურნეობაში

¹ Н. В. Пигулевская. *დასახ. ნაშრ.*, გვ. 147.

² ბაბილონურ თაღმუღში მიწაზე დაწესებულ გადასახადს ეწოდება *tasga*, სულად გა-
დასახადს *karaga* ან *keraga*. ჯერ კიდევ ნელდევ განციფრებას გამოთქვამდა იმის გამო,
რომ თაღმუღში „*chārāga*“ სულად გადასახადს ნიშნავს (*Th. Nöldke. Geschichte der*
Perser und Araber zur Zeit der Sasaniden, გვ. 241, შენ. 1). როგორც ჩანს, „ხარაგა-
ხარჯამ“ გვიან მიიღო მიწაზე დაწესებული გადასახადის მნიშვნელობა. დაწვრილებით იხ.
Ю. А. Солодухо. *Подати и повинности в Иране в III—V вв.*, СВ, V, 1943, გვ. 56—57.
II. В. Пигулевская. *Византия и Иран*, გვ. 224—225.

³ Н. В. Пигулевская. *Проблемы распада рабовладельческого общества и*
формирования феодальных отношений на Ближнем Востоке. «Вопросы истории»,
1953, № 3. გვ. 56.

მონის მდგომარეობას მხოლოდ ტყვედმოყვანილებს, უცხო ეროვნების მონებს („ანშაჰარ“) უნარჩუნებენ.¹

აღნიშნული მოვლენა მკაფიოდაა აღბეჭდილი სასანური ირანის სამართლის წიგნში, რომლის კოდიფიკაცია VI—VII სს. მიჯნაზე მოხდა². მონათმფლობელი მონას ათავისუფლებს 1/10, 1/9, 1/8-ით და ა. შ. რამდენადაც ახალი სოციალურ-ეკონომიური პირობები უცილობლად მოითხოვს ექსპლოატაციის ახალ ფორმას. აღსანიშნავია, რომ სოფლის მეურნეობაში მონის ნაწილობრივ ან მთლიანად განთავისუფლება უფრო სწრაფად ხდება, ვიდრე სახელმწიფო სახელოსნოებში. საზოგადოდ მონის შრომის ლიკვიდაცია მახლობელი აღმოსავლეთის ქვეყნებში ყველაზე გვიან სახელმწიფო სახელოსნოებში მოხდა.

ყველა აღწერილი მოვლენა საფუძველს გვაძლევს აღენიშნოთ, რომ III—V სს. სასანური ირანის ისტორია შეიძლება განვიხილოთ როგორც მონათმფლობელობიდან ფეოდალიზმში გარდამავალი პერიოდი.

§ 7. ხახანური ირანის მოსპობა-გადაშენება

მაზდაკური მოძრაობის ჩახშობის შემდეგაც არ შეწყვეტილა ირანში მწვავე კლასობრივი ბრძოლა. 551 წელს ხუზისტანში მომხდარი აჯანყებაც დაკავშირებული ჩანს ფეოდალიზაციის პროცესებთან³. აჯანყებას მეთაურობს ხოსრო I ანუშირვანის ვაჟი ანოშხალი. მის გარშემო გაერთიანებული არიან სრულიად სხვადასხვა სოციალური ფენები⁴. აჯანყებაში „რაინლებთან“ ერთად აქტიურად მონაწილეობენ ქალაქების ვაჰარ-ხელოსნები (უპირატესად ქრისტიანები⁵). საინტერესოა, რომ ხოსრო I ანუშირვანის ბრძანებით ყველაზე სასტიკი სასჯელი მოვლით აჯანყების იმ მონაწილეთ, ვინც „რაინლების“ ან მარზპანების წრეს ეკუთვნიან⁶.

აჯანყება ხუზისტანში ხდება ხოსრო I ანუშირვანის „რეფორმების“ შემდეგ. მოვლენების განვითარება VI ს-ის მეორე ნახევრის ირანში, კერძოდ, შაჰრამ ჩობინის აჯანყება, ცხადყოფს, რომ ამ „რეფორმებმა“ ვერ უზრუნველყო ცენტრალური ხელისუფლების განმტკიცება.

მონათმფლობელობის კრიზისთან და ფეოდალურ ურთიერთობათა განვითარებასთან დაკავშირებული წინააღმდეგობებიდან გამოსავალს ცენტრალური ხელისუფლება საგარეო დაპყრობით ომებში ხედავდა. 532 წლის საუ-

¹ Н. В. Пигулевская. *დასახ. ნაშრ.*, გვ. 56.

² S. Bunsara. *The Laws of the Ancient Persians as found in the Mâtikun é Hazâr Dâtastân*, Bombay, 1937. (სამართლის ეს წიგნი თბილისში არ მოიპოვება. ესარგებლობთ ნ. ზიგულევსკაიას, მ. დიაკონოვის და ს. ერემიანის ზოგადი ხასიათის დაკვირვებებით).

³ Н. В. Пигулевская. *Восстание в Хуэистане при Хосрове I. Краткие сообщения* ВВ АН, IV, 1952, გვ. 3—10.

⁴ იქვე, გვ. 7—8.

⁵ იქვე, გვ. 7—10.

⁶ იქვე, გვ. 7.

კუნო ზავი ხოსრო ანუ შირვანმა რეფორმებისათვის გამოიყენა. 542 წელს კი ბიზანტიასთან ომი განაახლა. ირან-ბიზანტიის ეს ახალი ომი, რომლის ერთ-ერთი მთავარი ასპარეზი ლაზიკა იყო, VI ს-ის მეორე ნახევარშიც გაგრძელდა. მრავალწლოვანმა ომმა მნიშვნელოვნად დაასუსტა როგორც ბიზანტია, ისე ირანი. ომში მოპოვებული ალაფითა და ნადავლით ცენტრალურ ხელისუფლებას მხოლოდ დროებით შეეძლო წარჩინებულთა შეკავება, მაგრამ ომში წარმატებას წარუმატებლობაც მოსდევდა და სწრაფად იზრიტებოდა ალაფისა და ნადავლის წყაროები. VI ს-ის 60-იან წლებში ბიზანტიის მოკავშირე თურქებმა მედგრად შემოუტეეს ირანის სამფლობელოებს აღმოსავლეთში. ასეთ პირობებში წარჩინებულები ისევ მკვეთრად დაუპირისპირდნენ ცენტრალურ ხელისუფლებას.

ყველა ამასთან ერთად VI ს-ის მეორე ნახევრის ირანში თავი იჩინეს ეკონომიური დაქვეითების ნიშნებმა. აბრეშუმის ქიის გავრცელებამ ბიზანტიაში და ადგილობრივი აბრეშუმის დამზადებამ (იმპერატორ იუსტინიანეს დროს) ირანს აბრეშუმით ვაჭრობის მონაპოლია მოუსპო. ოდინდელი მნიშვნელობა დაკარგა სავაჭრო-სატრანზიტო გზამ, რომლის გასწვრივ მრავლად იყო აბრეშუმის ვაჭრობით დაწინაურებული და გამდიდრებული ქალაქები. სახელმწიფოს უღირესი შემოსავალი მოაკლდა, ხოლო მისი დასუსტების ხარჯზე ირანელი წარჩინებულები გაძლიერდნენ.

მიწების კონცენტრაციამ ღეჰყანების ხელთ, სასოფლო თემის მიწების დატაცებამ და თავისუფალი გლეხების (ირანის ლაშქრის ძირითადი კონტინგენტის) დამოკიდებულების გაძლიერებამ მიწისმფლობელებზე, მონების მიწაზე დასმამ და კოლონებად გადაყვანამ მათი თანდათან განთავისუფლების გზით გასაქანი მისცა ფეოდალურ ძალებს, კვლავინდებურად გააძლიერა გაფეოდალებულ წარჩინებულთა განაქრობებისაკენ მისწრაფება. ეს იყო სასანური ირანის მოსპობა-გადაშენების ერთი მთავარი მიზეზთაგანი.

თემის რღვევა და თავისუფალი მეთემეების ღეჰყანებზე ფეოდალური დამოკიდებულების გაძლიერება ქვეყანას ფეოდალიზაციისაკენ მიაქანებს. მაგრამ თემის რღვევის თავისებურება სასანურ ირანში ფეოდალიზაციის პროცესს სპეციფიკურ აღმოსავლურ ნიშნებს ანიჭებს.

საყურადღებოა: ირანის სოციალურ-ეკონომიური განვითარების დონეს VI ს-ში აღარ შეეფერებოდა მაზდეანური სარწმუნოება, როგორც იდეოლოგია. იგი სულ სხვა საზოგადოებრივ ურთიერთობათა ნაყოფი იყო.

შემთხვევით არ აიხსნება, რომ VI—VII სს. ზარათუშტრას სარწმუნოება ოდინდელი მნიშვნელობით აღარ სარგებლობს, თუმცა მაზდეანელი ქურუმები ყველა საშუალებით ცდილობენ მის გადარჩენას. მონათმფლობელური საზოგადოების კრიზისთან ერთად ირანში იწყება მაზდეანური სარწმუნოების კრიზისი. მანიქველთა მოძრაობა III ს-ის ირანში ამის მკაფიო მოწმობას წარმოადგენს.

VI—VII სს-ში ახლებურად დადგა ქრისტიანულ სარწმუნოებასთან დამოკიდებულების საკითხი აგრეთვე სასანური ირანის სავაჭრო პოლიტიკაში. მაზდეანობის იძულებით გავრცელების მარცხმა ირან-რომის საცილობელ ქვეყნებში (ქართლში, სომხეთში, ალბანეთში) ირანის მთავრობა აიძულა

ახალ რელიგიურ პოლიტიკას დასდგომოდა. კეისრის სარწმუნოებას (მართლმადიდებლობას) ირანის მთავრობამ დაუპირისპირა ქრისტიანული „ერესები“ (ნესტორიანობა, არიანობა, იაკობიტობა და სხვ.). ნესტორიანთა ქრისტიანული ეკლესია ირანში კეისრის ბუნებრივი მოკავშირე სრულიადაც არ იყო ამავე დროს, მონოფიზიტების და დიოფიზიტების ბრძოლა იქცა ირანის მთავრობის მარჯვე პოლიტიკურ იარაღად ბიზანტიასთან მეტოქეობაში.

VI ს-ში ნესტორიანთა ქრისტიანული ეკლესია მაზდენაობის საშიშარი მეტოქე აღმოჩნდა¹. ირანული ქალაქების მოსახლეობის (ვაჰარ-ხელოსნების) დიდს უმეტესობას ქრისტიანები შეადგენდნენ. სასანელი შაჰინშაჰები საჭირო ანგარიშს უწყევდნენ ქალაქების ქრისტიანული მოსახლეობის ეკონომიურ მდგომარეობას, მათს როლს მსოფლიო ვაჭრობაში. ჰორმიზდ IV (579—590) აღნიშნავდა, რომ ქრისტიანული სარწმუნოება სახელმწიფოს ისეთივე დასაყრდენია, როგორც მაზდენაური სარწმუნოება². ხოსრო II-ის (590—628) კარზე ტრაპეზის კურთხევა ქრისტიანთა პატრიარქის უფლებას შეადგენდა³. გასაგებია, რომ მაზდენაური სარწმუნოების ქურუმები რეაქციული ძალების დამმრავლებელთა როლში გამოდიან. მაგრამ მათ მხოლოდ ის შესძლეს, რომ გამოცემული კანონით აიკრძალა მაზდენაელთა ქრისტიანულ სარწმუნოებაში გადასვლა. თავისთავად ასეთი კანონის გამოცემა ადასტურებდა ქრისტიანობის გავლენის ზრდას და მაზდენაობის გავლენის შემცირებას. ავესტას რედაქცია ხოსრო II-ის დროს⁴ მაზდენაური სარწმუნოების კრიზისის აშკარა მოწმობაა.

ირანის საზოგადოებრივი და ეკონომიური განვითარება გზას უკაფავდა მონოთეიზმს. მაგრამ ის, რაც ირანში ქრისტიანობამ დათესა, მოიძეო ისლამმა⁵. ირანის ფეოდალიზმის იდეოლოგიად იქცა ისლამი. ოღონდ არაბული რელიგია ირანმა მისთვის მისაღებ ფორმაში მიიღო. სპარსელებმა ისლამი გაასპარსულეს.

შიას სარწმუნოების დამახასიათებელი მონარქიული იდეა, ზარათუშტრას სარწმუნოების ელემენტები, ალის გაღვთაებრივება და მისი ჩამომავლების სასანურ დინასტიასთან ნათესაური ურთიერთობით დაკავშირება მნიშვნელოვნად ასხვავებდა სპარსულ ისლამს არაბული რელიგიისაგან და; საზოგადოდ, მართლმადიდებლური ისლამისაგან (სუნას სარწმუნოება).

VI—VII საუკუნეთა მიჯნაზე მძაფრდებოდა კიდილი ქრისტიანობასა და მაზდენაობას შორის.

სასანური ირანის ისტორიის ეს ხანა აღინიშნა მეტად რთული საშინაო და საგარეო ხასიათის მოვლენებით.

VII ს-ის მეორე ნახევარში კიდევ უფრო მწვავე ხასიათი მიიღო კლასობრივმა ბრძოლამ სასანურ ირანში. ჩანს, გაფეოდალებული ირანელი

¹ Н. В. Пигулевская. Map Абв I (К истории культуры VI в.), СВ, V, 83-73—84.

² Н. В. Пигулевская. Византия и Иран, 83-85—86, 235.

³ იქვე, 83-235.

⁴ იქვე.

⁵ იქვე, 83-248.

წარჩინებულები განუხრელად ახორციელებენ სათემო მიწების დატაცებას, გლეხთა ფეოდალურ დამორჩილებას. ისინი ახალი ძალით ანახლებენ ბრძოლას ცენტრალური ხელისუფლების შესუსტების მიზნით. თავის მხრივ სახელმწიფო ცდილობს გადაარჩინოს თავისუფალ გლეხთა ფენი, რომლისაგანაც შედგება ირანის ლაშქრის ძირითადი მასა. მართალია, შაჰინშაჰები ცდილობენ უზრუნველყონ წარჩინებულთა ფეოდალური დამოკიდებულება ცენტრალურ ხელისუფლებაზე, მაგრამ მსხვილი მიწისმფლობელების კლასობრივი ინტერესები მოითხოვს ახალ პოლიტიკურ ორგანიზაციას (ფეოდალურს), ძველის საბოლოო ლიკვიდაციას. სასანური ირანის სახელმწიფო მხოლოდ ამ მიმართულებით შეიძლება განვითარდეს.

ბრძოლა შაჰინშაჰის ხელისუფლებასა და აღზევებულ-გაძლიერებულ ფეოდალებს შორის სასტიკი და დაუნდობელია. ჰორმიზდ IV-მ სიკვდილით დაასჯევინა 13.000 საერო და საეკლესიო წარჩინებული. საპყრობილეში გამოჰკეტა ბევრი მთავანი. ბევრსაც ქონება და მიწა ჩამოართვეა. სამაგიეროდ, აღნიშნავენ წყაროები, ლმობიერი იყო იგი „დაბალი ხალხის“ მიმართ¹. წყაროთა ეს ჩვენებანი ფეოდალიზაციის გაძლიერებული პროცესის მკაფიო ილუსტრაციებს წარმოადგენენ.

ჰორმიზდ IV-ის პოლიტიკის საწინააღმდეგო რეაქცია იყო ბაჰრამ ჩობინის აჯანყება (590 წ.). ეს აჯანყება, რომლის მეთაური ისპაჰბედი ხელმწიფობის მიტაცებას ცდილობს, თავისი ხასიათით და შინაარსით სრულიად ახალი მოვლენაა სასანური ირანის სინამდვილეში და, ამდენადვე, ერთ-ერთი საინტერესო ფურცელი მის ისტორიაში.

ირანელ წარჩინებულთა დიდი უმეტესობა დაუყოვნებლივ შეუერთდა აჯანყებულ ბაჰრამ ჩობინს. დინასტია გადაარჩინა მხოლოდ წარჩინებულთა წორის პირველობისათვის ბრძოლამ. ბაჰრამ ჩობინის მეტოქეებმა კტეზიფონში საპყრობილიდან გაათავისუფლეს ირანელი დილკაცები, შეიქრნენ სასახლეში, ტახტიდან გადააყენეს ჰორმიზდ IV და თვალები დათხარეს მას. მის მაგიერ შეთქმულებმა ტახტზე დასვეს მისივე ვაჟიშვილი ხოსრო II. მაგრამ გადამწყვეტ ბრძოლაში გაიმარჯვეს ბაჰრამ ჩობინის მომხრეებმა. ხოსრო II ფარგიზი ბიზანტიაში გაიქცა. მალე მან მაგრიკე კეისრის დახმარებით უკან დაიბრუნა ტახტი. სამაგიეროდ კეისარს „დაუთმო“ მთელი ამიერკავკასია და მესოპოტამიის ქალაქები. მაგრამ VII ს-ის დამდეგს ბიზანტიაში გამეორდა ის, რაც ათი წლით ადრე მოხდა ირანში. მაგრიკე კეისრის წინააღმდეგ მოეწყო შეთქმულება ფოკას მეთაურობით.

მონათმფლობელობის კრიზისმა ბიზანტიაშიც დაძაბული გახდა სოციალური წინააღმდეგობანი და უკიდურესად გაამწვავა კლასობრივი ბრძოლა. მოვლენების განვითარებამ პოლიტიკური ცხოვრების ზედაპირზე ამოატივტივა ცენტურიონი ფოკა. მაგრიკე კეისრის მკვლელობა და ფოკას იმპერატორად გახდომა ხოსრო II-მ გამოიყენა ბიზანტიასთან ომის განახლების საბაბად. ნამდვილად, შურისმგებლის როლში გამოსული ხოსრო II კარგა ხანი იყო უცდიდა მარჯვე მომენტს. მას ბიზანტიასთან ომი სჭირდებოდა

¹ Н. В Пигулевская. დასახ. ნაშრ., გვ. 85.

იმისთვისაც, რომ ირანელ წარჩინებულთა ყურადღება საგარეო დაპყრობით ომებზე გადაეტანა. დაიწყო ირან-ბიზანტიის ომების ახალი დიდი ციკლი. ბიზანტიასთან ახალ ომში ხოსრო II-მ ბრწყინვალე გამარჯვებები მოიპოვა. მის დროს სასანელთა სახელმწიფომ თითქმის აქემენიანთა ირანის პოლიტიკურ ფარგლებს მიაღწია. მაგრამ ამ თავბრუდამხვევ წარმატებებს ოდნავადაც არ შეუწელებია შინაგანი წინააღმდეგობები ირანში. ეს ცხადპყო გამარჯვების სასწორის გადახრამ ბიზანტიის მხარეზე. ჰერაკლე კეისარმა მოკავშირე ხაზარებთან ერთად მედგრად შეუტია ირანს და საქართველოს ტერიტორიაზე გავლით, მის შუაგულ პროვინციებში შეიჭრა. ბიზანტიის ჯარი დაპყრობით დაემუქრა კტეზიფონს. ირანელმა წარჩინებულებმა ხოსრო II ფარავიზი საპყრობილეში გამოაქკეტეს და შიმშილით სიკვდილი გადაუწყვიტეს.

სასანური ირანი ანარქიამ მოიცვა. 628—632 წლებში ირანელი წარჩინებულები თავიანთი ნებასურვილის მიხედვით ზედიზედ ცვლიან ხელმწიფეებს. ახლა ხელმწიფეებად ხდებიან აგრეთვე უფლისწული ქალები. სახელმწიფოს „სიძიდ“ გახდომის სურვილი კიდევ უფრო აძლიერებს შინაკლასობრივ ბრძოლას. ერთგვარად სტაბილური მდგომარეობა ირანში შეიქმნა მხოლოდ 632 წლისათვის, როცა იფზდიგერდ III გახელმწიფდა. ამავე წელს წარმოიშვა არაბთა სახალიფოც.

ბიზანტია და ირანი მრავალწლოვანი ომებიდან უკიდურესად დასუსტებული გამოვიდნენ. ამით ისარგებლა მანამდე უჩინარმა არაბობამ. მათი შემოსევები ბიზანტიის და ირანის ექსპლოატირებულმა სოციალურმა ფენებმა კლასობრივი თვალსაზრისით შეაფასეს. არაბებმა ადვილად დაიპყრეს ირანი (მთლიანად) და ბიზანტიის აღმოსავლური პროვინციები (პალესტინა, სირია, ეგვიპტე). ისინი აგრეთვე გამოჩნდნენ ამიერკავკასიაში და შუა აზიის საზღვრებზე.

მახლობელ აღმოსავლეთში დაიწყო არაბთა ბატონობის ხანა.

II. გეზლოგელი აღმოსავლეთი აღკაჟორალური ხანაჟი

1. არაბთა სახალიფო

სასანურ ირანში დაწყებული ფეოდალიზაციის პროცესი გავრძელდა არაბთა სახალიფოში. აღრეფეოდალური სახელმწიფო მახლობელ აღმოსავლეთში ფაქტიურად აბასელთა სახალიფოს სახით ჩამოყალიბდა.

§ 1. ა რ ა ბ ე ბ ი

არაბები დაპყრობილ კულტურულ ხალხებთან შედარებით საზოგადოებრივი განვითარების დაბალ საფეხურზე იმყოფებოდნენ. მაგრამ იქ სადაც ისინი აღრევე გადავიდნენ შინაღარ ცხოვრებაზე და ხელი მოჰკიდეს მიწის-მოქმედებას შეიქმნა საკმაოდ განვითარებული პოლიტიკური ორგანიზმები.

VII საუკუნისათვის არაბთათვის დამახასიათებელი იყო მრავალწყობიანი საზოგადოებრივი ურთიერთობანი. ზოგან მონათმფლობელობა კარგა ხნის წინათ იყო გაბატონებული (სამხრეთ არაბეთში), ზოგან გვაროვნული წყობილება ახლად იყო დაშლილი და მომხდარი კლასობრივი დიფერენციაცია ფეოდალიზაციისაკენ ამეღაენებდა მიღრეკილებას (ჩრდილოეთ არაბეთში). ამ თვალსაზრისით ისლამის წარმოშობა შეიძლება ავხსნათ როგორც ახლად ჩასახული ფეოდალური ურთიერთობის იდეოლოგია.

ენგელსი ისლამის, ისევე როგორც სხვა მსოფლიო რელიგიების, წარმოშობას უკავშირებდა დიდ ისტორიულ შემობრუნებას არაბთა საზოგადოებრივი განვითარებაში¹.

ისლამი აღმოსავლეთის ფეოდალური საზოგადოების იდეოლოგიად იქცა.

ისლამმა გააერთიანა არაბული ტომები. ისლამის მონოთეისტურმა იდეამ თავისი გამოხატულება არაბთა ერთიან სახელმწიფოში ჰპოვა. მაგრამ აღრინდელი ისლამი მხოლოდ არაბთა მარტივი საზოგადოებრივი ცხოვრების და პოლიტიკური ორგანიზაციის შესაფერისი იყო. მსოფლიო რელიგიად ისლამი ყალიბდება VIII ს-ის შუახანებში სახალიფოს ფეოდალურ სახელმწიფოდ ჩამოყალიბებასთან ერთად.

ისლამის წარმოშობის ხანაში არაბთა დიდი უმეტესობისათვის (სამხრეთის არაბების გამოკლებით) დამახასიათებელი იყო მომთაბარული ცხოვრება და შეჯოგური მეურნეობა. ბიზანტიურ-ირანულ ცივილიზაციას ზიარებული იყვნენ მხოლოდ სამხრეთ არაბეთიდან გამოსული ჰასანიდები (სირიაში) და ლაჰმიდები (ერაყში).

¹ К. Маркс и Ф. Энгельс. Соч., т. XIV, гл. 65б.

ჩრდილოეთის არაბები (ბედუინები) მუდამ მტრულად უყურობდნენ სამხრეთის მკვიდრბინადრულ არაბებს (მიწისმოქმედ ფელაჰებს). კაისიტების (ჩრდილოეთის არაბების) და კელბიტების (სამხრეთის არაბების) ანტაგონიზმი გაგრძელდა სახალიფოშიც.

ისლამის აკვანი ჰიჯაზში¹ დაირწა. ჰიჯაზის მთავარი ქალაქები იასრიბი და მექა I ათასწლეულიდან მოყოლებული ვაჭრობით და ალემ-მიცემით იყვნენ განთქმული. ისინი მდებარეობდნენ დიდი სავაჭრო-საქარაუვნო გზის გასწვრივ, რომლის საშუალებით ხმელთაშუა ზღვის აუზის ქვეყნები ინდოეთს უკავშირდებოდნენ. სანამ არაბეთის ნახევარკუნძულზე „მუნდრუჟის გზა“ გადიოდა, ჰიჯაზის ქალაქები ვითარდებოდნენ, სატრანზიტო ვაჭრობის მნიშვნელოვან ცენტრებს წარმოადგენდნენ. სავაჭრო-სატრანზიტო გზის სხვა მიმართულებით გადანაცვლებამ (576 წლის შემდეგ, როცა სასანელებმა იამანი დაიპყრეს) დასცა საქალაქო ცხოვრება ჰიჯაზში, დაალარბა აქაური ქალაქები. კ. მარქსი აღნიშნავდა, რომ არაბული ქალაქების დაცემამ თავის მხრივ „ბიძგი მისცა“ ისლამის წარმოშობას².

ვაჭრობის დაქვეითების შედეგად მექელმა ვაჭრებმა გააძლიერეს მევახშეობა. გაძლიერებული მევახშეობის შედეგი იყო ლარიბი მექელების და ბედუინების დაკაბალება. ამავ დროს ჰიჯაზში ღრმავდებოდა გვაროვნული წყობილების დაშლის პროცესი. იქმნებოდა საზოგადოებრივი კლასები და, ამრიგად, ჩნდებოდა პირობები სახელმწიფოს არსებობისათვის. მექაში გაბატონებულ ყურეიშის ტომში საზოგადოებრივი დიფერენციაცია უკვე საკმაოდ შორს იყო წასული. საძოვრების გამოფიტვისა და შეჯგოფური მეურნეობის კრიზისის პირობებში კიდევ უფრო გაძლიერდა კლასობრივი ბრძოლა. მექის მონათმფლობელური არისტოკრატია მკვეთრად დაუპირისპირდა გვაროვნულ დემოკრატას. გვაროვნული არისტოკრატია ცდილობს შესაფერისი პოლიტიკური ორგანიზაციით საზოგადოების დამალი ფენების დამორჩილებას, არაბული ტომების მექის გარშემო გაერთიანებას. არაბთა ერთიანი სახელმწიფოსათვის ბრძოლის იდეოლოგიური საფუძველია მონოთეისტური შეხედულება. ჰანიფიტები, რომელნიც მუჰამედის უშუალო წინამორბედნი არიან, მონოთეისტური იდეის მქადაგებლად გამოდიან.

არაბთა გაერთიანებას („ჩინდა ტომის კავშირი“) ხელს უწყობს სავაჭრო ფაქტორებიც. სასანური ირანი არაბეთს ომანის ზღვიდან უტევს და VI ს-ის 70-იან წლებში იამანს იპყრობს. სამხრეთ-დასავლეთიდან არაბულ ტომებს დაპყრობით ემუქრებიან აბაშელები. ამრიგად, არაბთა გაერთიანებაც ერთ-ერთი პირობა უცხო დამპყრობლების წინააღმდეგ ბრძოლის საჭიროება იყო. მაგრამ ამ მხრივ მთავარი მიანიც საზოგადოებრივ-ეკონომიური განვითარების მოცემული საფეხური იყო, რომელიც VI—VII საუკუნეების არაბეთში შესაბამისი პოლიტიკური ორგანიზაციის და იდეოლოგიის არსებობას მოითხოვდა.

¹ ჰიჯაზი მეწამული ზღვის გასწვრივ მდებარეობს. ჰიჯაზი ნუჯდთან, იამანთან და ომანთან ერთად, არაბეთის ნახევარკუნძულის მთავარი რაიონია.

² K. Маркс и Ф. Энгельс. Соч., т. XIV, стр. 488.

ისლამის წარმოშობა განაპირობა არაბული საზოგადოების სოციალურმა ზრდამ, ისლამი წარმოიშვა მწვევე კლასობრივი ბრძოლის პირობებში.

ისლამის მქადაგებლად ითვლება მუჰამედი, რომელიც მექის გვაროვნულ დემოკრატიას ეკუთვნოდა. მისი რელიგიური და პოლიტიკური მოღვაწეობა ორ მთავარ პერიოდად იყოფა. პირველი პერიოდი ქრონოლოგიურად თავსდება 610—622 წლებში, მეორე 622—632 წლებში. პირველ პერიოდში მუჰამედი მხოლოდ ახალი რელიგიის მქადაგებელია. მდიდრების მიმართ იგი გამაფრთხილებლის როლში გამოდის და მათ ჯოჯობების საშინელ სურათებს უხატავს, ხოლო ღარიბებისაგან ალაჰისადმი მინდობას მოითხოვს (აქედანაა ნაწარმოები: ისლამი — მინდობა და მუსლიმი — მინდობილი). ამავდროს მუჰამედი გამოდიოდა არა საერთოდ მდიდრებისა და ვაჭრების წინააღმდეგ, არამედ მევახშეობისა და მევახშეების წინააღმდეგ. ამასთან იგი მონობას ალაჰის მიერ დაკანონებულად და ადამიანთა ურთიერთობის მუდმივ მოვლენად სთვლიდა. აღნიშნული გარემოებანი სათანადოადა აღბეჭდილი „ყურანის“ მექურ სურებში. ამის მიუხედავად მუჰამედის მიმდევრებს შორის იყვნენ როგორც მექის ღარიბები და ჰიჯაზის ბედუნიები, ისე მონები.

მუსლიმად ხდებოდა ყველა, ვინც აღიარებდა მონოთეისტურ ფორმულას: „არა არს სხვა ღმერთი გარდა ალაჰისა და მუჰამედია მისი მოციქული“. ამას თანდათან დაემატა მუსლიმთა კიდევ ოთხი მთავარი მოვალეობა: ნამაზი—ლოცვა, ჰაჯი—მექის მოხილვა და მოლოცვა, ზაქათი—ღარიბთა სასარგებლოდ დაწესებული გადასახადი, ჯაჰადი (პაწაფათი)—საღვთო ომი ურწმუნოთა წინააღმდეგ. მუსლიმისათვის მეჩეთი იყო ყველგან, სადაც ხალიჩას გაშლიდა ლოცვის შესასრულებლად. ადრინდელი ისლამი საეკლესიო შეესაბამებოდა არაბთა მარტივ სამეურნეო და საზოგადოებრივ ცხოვრებას.

მუჰამედის გავლენის განუხრელი ზრდა საზოგადოების ექსპლოატირებულ ფენებში იწვევდა მექის გვაროვნული არისტოკრატიის შეშფოთებას. მექაში დევნილი მუჰამედი იძულებული გახდა 622 წელს („ჰიჯრა“) გადასულიყო იასრიბში, რომელიც მექის მეტოქედ ითვლებოდა და რომელსაც ამიერიდან მედინა („ქალაქი“) ეწოდა. 622 წლიდან იწყება მუჰამედის მოღვაწეობის მეორე პერიოდი.

მედინაში მოღვაწე მუჰამედს კარგად ესმოდა, რომ „ანსარებს“ (მედიანელ „მშველელებს“), „მუჰაჯირებს“ (მექიდან გადმოსულ მიმდევრებს) და ბედუნიებს მხოლოდ ალაფისა და ნადავლის წყაროების შექმნით დააკავშირებდა ისლამთან. მან ამ მიზნით მედინის ორ ებრაულ ტომს ჩამოართვა მიწები და მუსლიმებს დაურთო. მუსლიმების შემოსავლის წყაროდ იქცა მდიდარი სავაჭრო ქარავნების ძარცვა. რელიგიის მიმართ საერთოდ გულგრილად განწყობილი არაბების მიმხრობა მუჰამედს სხვა საშუალებებით არ შეეძლო. მისი წარმატება ამ მიმართულებით (ბრძოლა ბადრთან 624 წელს) მკვეთრად ზრდიდა მის მომხრეთა რიცხვს, დამარცხება (ბრძოლა ოხოდის მთასთან 625 წელს) სწრაფად სთიშავდა ისლამს ახალ სარწმუნოებაზე მოქცეულთ. მაგრამ მუჰამედი მარჯვედ იყენებდა სოციალურ დემოკრატიის იმისათვის, რათა გაეზარდა მუსლიმთა რიცხვი. მან მომხრეები გაიჩინა თვით მდიდარ ყურეიშებს შორის.

მედინაში მოღვაწეობის პერიოდში მუჰამედი გვევლინება არა რელიგიის უბრალო მქადაგებლად, არამედ პირწაყარდნილ პოლიტიკურ მოღვაწედ. აქ მან დააარსა მუსლიმთა თემი („ჯამათი“), რომელშიაც გაერთიანება ხდებოდა არა სისხლითი ნათესაობის მიხედვით, როგორც წინათ, არამედ რელიგიისადმი კუთვნილების ნიშნის მიხედვით. ეს არაბთა შორის გვაროვნული წყობილების დაშლის აშკარა მოწმობა იყო. მუსლიმთა თემი ანუ საზოგადოება იქცა მომავალი არაბული სახელმწიფოს საფუძვლად, რომელზედაც შემდეგ (632—661 წლებში) შენდებოდა და ვითარდებოდა არაბთა სამხედრო-თეოკრატიული სახელმწიფო.

მუჰამედმა შესძლო მექელთა ლაშქრის დამარცხება მედინის კედლებთან (627 წელს), მომდევნო 628 წელს კი იგი მექაში ქაბას ტაძრის მოსალოცავად მივიდა. ამით იგი მექას მის ოდინდელ (რელიგიური და სავაჭრო ცენტრის) მნიშვნელობას უნარჩუნებდა. ამიერიდან მექა გახდა ყველა მუსლიმანის „ყიბლად“, საითყენაც ლოცვის დროს მას პირი შექცეული უნდა ჰქონოდა. მექელ ვაჭრებს ეს ვაჭრობისა და შემოსავლის ფართო პერსპექტივებს უსახავდა და ისინიც საამისოდ ისლამის გამოყენებას ყველა საშუალებით ცდილობდნენ.

ამას გარდა, თვითონ მუჰამედი დაადგა კომპრომისის გზას მექის გვაროვნულ არისტოკრატიასთან ურთიერთობაში. ახლა იგი აშკარად მოითხოვდა მორჩილებას იმისადმი, ვისაც ძალაუფლება ჰქონდა. ამ ფორმულის შინაარსი მკაფიოდ გამოიკვეთა მომდევნო ხანებში, როდესაც არაბული საზოგადოება ფეოდალურად განვითარდა, ხოლო ისლამი საბოლოოდ იქცა გაბატონებული ფეოდალური კლასის იდეოლოგიად.

630 წელს („ჰაბიტუალის წელი“) მუჰამედმა აიღო მექა. მექის გვაროვნულ არისტოკრატიას მისთვის წინააღმდეგობა არ გაუწევია. ისლამი მისთვისაც მისაღები აღმოჩნდა. მით უმეტეს, რომ არაბეთში კლასობრივი ბრძოლის შესასუსტებლად ისლამი საუკეთესო იდეოლოგიურ იარაღად ჩანდა. ისლამი მექის არისტოკრატიაში თავისი კლასობრივი მიზნებისათვის გამოიყენა, მისთვის საშიშარი სოციალური ძალები ადგილობრივ ნიადაგს გამოსთიშა და საგარეო დაპყრობითი ომების ვრცელს ასპარეზზე გადაიყვანა. არაბთა, ისევე როგორც ყველა მომთაბარეების, მოძრაობა კულტურული ქვეყნებისაკენ კლასობრივ ნიადაგზე იყო აღმოცენებული და განვითარებული.

არაბთა პირველი ლაშქრობანი მეზობლების წინააღმდეგ უკვე მუჰამედის დროს იწყება. მას კარგად ჰქონდა შეგნებული, რომ ისლამს არაბებს შორის აუცილებელი მარცხი მოელოდა, თუკი საკუთრივ არაბეთის ფარგლებს არ გასცდებოდა. მაგრამ დაწყებულ ლაშქრობათა განვითარება მას არ დასცალდა. მუჰამედი გარდაიცვალა 632 წელს. მის მიერ დაწყებული საქმე ხალიფებმა გააგრძელეს.

§ 2. არაბთა ხახალიფო VII—VIII საუკუნეებში

632 წელს დაარსდა არაბთა სამხედრო-თეოკრატიული სახელმწიფო (632—661). ამ სახელმწიფოს სათავეში ხალიფა იდგა.

ხალიფა ნიშნავს ნოციქულის მოადგილეს (ხალიფა რასულიაჰ), ხალიფას მიხედვით არაბთა სახელმწიფოს ეწოდა სახალიფო ანუ ხალიფატი.

არაბთა დიდი დაპყრობითი ომები სახალიფოს დაარსებიდანვე იწყება. პირველმა ხალიფა აბუ ბაქრმა (632—634) საამისოდ მხოლოდ არაბეთში მომხდარ შინაურ არეულობათა ჩაქრობის შემდეგ მოიცალა.

პირველი ხალიფა თავიდანვე დიდს წინააღმდეგობებს წააწყდა. ანსარები იმით იყვნენ უკმაყოფილონი, რომ ხალიფა მუჰაჯირების წრიდან იყო არჩეული. თვითონ მუჰაჯირებს შორის ერთსულოვნება არ სუფევდა. აბუ ბაქრი გვაროვნულ დემოკრატას ეკუთვნოდა (ხელობით ის ბაზაზი იყო), მაგრამ ამავე საზოგადოებრივ ფენში ბევრი მომხრე ჰყავდა აგრეთვე მუჰამედის ბიძაშვილს და სიძეს ალის, რომელიც აბუ ბაქრთან ერთად ისლამის ერთ პირველი მიმდევართაგანი იყო. ამას გარდა, არაბეთში ამ დროს მრავლად იყვნენ ე. წ. „ცრუ ნოციქულები“, რომელთა მოქმედებას უეჭველია ნოყიერ ნიადაგს უქმნიდა რთული სოციალური წინააღმდეგობები, გამწვავებული კლასობრივი ბრძოლა.

აბუ ბაქრს მოუხდა არაბთა ხელახლად გაერთიანება. ამგვარი „გაერთიანება“ ჩვეულებრივ თან სდევდა სოციალური და პოლიტიკური კრიზისის ლიკვიდაციას არაბეთში (ამის მკაფიო ნიმუშებს წარმოადგენენ 632—634, 656—661 და 681—694 წლებთან დაკავშირებული მოვლენები). ხალიფა გამოსავალს საგარეო დაპყრობითს ომებში ხედავდა. და აბუ ბაქრმაც არაბთა ლაშქარი პირველად გაიყვანა არაბეთის ფარგლებიდან.

მაგრამ ფაქტიურად არაბთა დაპყრობითი ომების ორგანიზატორი იყო მეორე ხალიფა ომარი (634—644), რომელსაც ისლამის და არაბთა სახელმწიფოს მეორე დამაარსებელს უწოდებენ.

ომარმა მიიღო ამირ ალ-მუმინის („მართლმორწმუნეთა მბრძანებლის“) წოდებულება. ეს ღონისძიება არაბთა სახელმწიფოს განვითარებით იყო ნაკარნახევი და სახელმწიფოში თეოკრატიული ელემენტის შესუსტებას ისახავდა მიზნად.

აკად. ვ. ბარტოლდის მოსწრებელი გამოთქმით, ახლა არაბები ზეცისაკენ კი არ იყურებოდნენ, არამედ ამქვეყნიური საქმეებით იყვნენ დაინტერესებული.

ომარის მთავარ საზრუნავს ხარკის აკრეფის ორგანიზაცია შეადგენდა. მან სასანური ირანიდან გადმოიღო საფინანსო დაწესებულება „დივანი“ და თითქმის უცვლელად შემოიღო სასანური საგადასახადო სისტემა. არაბთა სამხედრო-თეოკრატიული სახელმწიფოს არსებობის პირობებში ომარმა პირველმა აუხვია გვერდი არაბულ ტრადიციებს, მნიშვნელოვანი ცვლილებები შეიტანა თვით ისლამის სარწმუნოებაში, სახელმწიფო წყობილებაში ფართო გასაქანი მისცა კულტურული ქვეყნების პოლიტიკური ორგანიზაციების გავლენას, თუმცა ამავე დროს საკირო ღონისძიებებს მიმართავდა, რათა არ დაეშვა არაბთა გათქვევდა დაპყრობილ მოსახლეობაში და უზრუნველყო მათი ბატონობა დაპყრობილ ქვეყნებში.

ხალიფა ომარ I-ის დროს სახალიფო უზარმაზარ სახელმწიფოდ იქცა. არაბები სწრაფად გავრცელდნენ ჩრდილოეთის, აღმოსავლეთის და დასავლეთ-

თის მიმართულებით. 641 წელს (ნეჰავენდთან გამართული ბრძოლის შედეგად) არაბებმა ბოლო მოუღეს სასანური ირანის სახელმწიფოს არსებობას, დაიპყრეს ბიზანტიის აღმოსავლური პროვინციები (სირია, პალესტინა) და შეტრევა განავითარეს ეგვიპტის მიმართულებით. VII ს-ის 40-იან წლებში არაბთა მარბიელი ლაშქარი პირველად გამოჩნდა ამიერკავკასიის ტერიტორიაზე.

არაბთა თავბრუდამხვევი სამხედრო წარმატებები გაპირობებული იყო უმთავრესად მახლობელი აღმოსავლეთის ქვეყნების შინაგანი ვითარებით, სოციალური წინააღმდეგობანი და კლასობრივი ბრძოლა ამ ქვეყნებში უკიდურეს წერტილს იყო მიღწეული. საზოგადოების დაბალი ფენები არაბთა შემოსევებს კლასობრივი თვალსაზრისით აფასებდნენ. არაბებში ისინი ხედავდნენ განმათავისუფლებლებს ექსპლოატატორული კლასების მძიმე უღლისაგან. სოციალური, ეროვნული და რელიგიური ჩაგვრით გამოწვეული მდგომარეობა არაბებს ხელსაყრელ პირობებს უქმნიდა ირანში, ბიზანტიაში. საჭიროა აღინიშნოს ისიც, რომ ისლამს, რომელიც სხვადასხვა სარწმუნოების (იუდეველობის, ქრისტიანობის) ერთგვარ ნარევისაგან წარმოადგენდა, დაპყრობილი ხალხები ჯერ კიდევ ვერ ასხვავებდნენ სხვა მონოთეისტური რელიგიებისაგან და იგი იუდეველობის ან ქრისტიანობის ერთ-ერთ მიმართულებად მიაჩნდათ.

ტომობრივ პრინციპზე აგებული არაბთა ლაშქარი ზედინზედ ამარცხებდა მრავალწლოვან ომებში დასუსტებული ბიზანტიის და ირანის უკეთ გაწვრთნილ და შეიარაღებულ ლაშქარს. ამასთან არაბები გულადი მეომრები იყვნენ. მათ ნიჭიერი სარდლებიც აღმოაჩნდათ. თუმც მათი ფანატოკური ბრძოლის წარმატების მთავარი პირობა მაინც მიმზიდველი მდიდარი ალფი და ნადავლი იყო. ვრავში და სირია-პალესტინაში (ბიზანტიის „პურის ბელლებში“) არაბებს მუჭამედის მიერ აღთქმული სამოთხე ეჩვენებოდათ.

არაბთა დაპყრობითი ომები დაემთხვა პოლიტიკურ კრიზისს მახლობელ აღმოსავლეთში, რაც მონათმფლობელობიდან ფეოდალიზმში გადასვლით იყო გამოწვეული. ამან მნიშვნელოვნად შეუწყო ხელი არაბთა სამხედრო წარმატებას.

მაგრამ არაბთა ბატონობამ აღმოსავლეთის კულტურული ქვეყნები ააცლინა ფეოდალური ურთიერთობის ნორმალურად განვითარების გზას.

დიდი მასშტაბებით წარმოებულ დაპყრობით ომებში არაბებმა აუარებელი ტყვე იგდეს ხელთ. დატყვევებულნი მონებად იქცნენ. მონობის წყარო იყო აგრეთვე ხარკი. მონები გამოყენებული იყვნენ ხელოსნობასა და სოფლის მეურნეობაში. ყველა ამან გაზარდა მონათმფლობელური სექტორი. გააძლიერა მონათმფლობელური წყობა¹.

მონები არაბებს გამოჰყავდათ მიწისმოქმედი მოსახლეობიდან. ანან გამოიწვია ექსპლოატაციის ფეოდალურ წესზე გადასვლის ადრე დაწყებულ პროცესის შეჩერება. VII—VIII სს-ში სახალიფოში ჩვეულებრივი იყო გადასახალთა ვადამხდელი მოსახლეობის „დაბეჭდვა“. ამა თუ იმ რუსთაყის ან სოფ-

¹ А. Ю. Якубовский. Вопросы периодизации истории Средней Азии в средние века, стр. 33.

ლის მცხოვრებს დადალული ჰქონდა შუბლი ან ყელზე შებმული ჰქონდა ტყვიის ბეჭედი წარწერით, თუ რა რაოდენობით უნდა გადაეხადა მას გადასახადი. წყაროების მიხედვით ეს წესი გავრცელებული იყო ალ-ჯაზირაში, ერაყში, ირანში, ამიერკავკასიაში და მავერანნაჰრში (შუა აზიაში)¹.

არაბთა მიერ დაპყრობილი ხალხების დიდი უმეტესობა კულტურულ მიწისმოქმედებას მისდევდა, გავლილი ჰქონდა მრავალსაუკუნოვანი სახელმწიფოებრივი ცხოვრების გზა. ამიტომ არაა გაბეჭდილი არ შეიძლება არ მოქცეულყვენ დაპყრობილ კულტურულ ხალხთა გავლენაში, არ მიეღოთ მათგან განვითარებული პოლიტიკური ინსტიტუტები.

ხალიფა ომარ I იძულებული იყო ხელუხლებლად დაეტოვებინა დაპყრობილი ქვეყნების მმართველობის სისტემა, აღმინისტრაციული დანაწევრება, ადგილობრივი მოხელეები და მიწისმფლობელობის ადგილობრივი წესები.

VII ს-ის დამლევამდე სახალიფოს დასავლეთ ნაწილში ფულის ტრიალში იყო ბიზანტიური მონეტა ჯვრის გამოსახულებით, ხოლო სახალიფოს აღმოსავლეთ ნაწილში სასანური მონეტა საგზებლის გამოსახულებით.

თუ სახალიფოს დასავლეთ პროვინციების სამდივანმწიფონობროგებში ხმარებაში იყო ბერძნული ენა, აღმოსავლეთში კვლავ სპარსული იყო გამოყენებული სახელმწიფო დოკუმენტების და საგადასახადო დავთრების შესადგენად. მოხელეებდაც, ცხადია, უპირატესად ბერძნები და სპარსელები იყვნენ.

არაბებმა დაპყრობილ ქვეყნებში აუარებელი მიწები იგდეს ხელთ, მაგრამ არ შეიძლოთ არსებითი ცვლილებები მოეხდინათ მიწისმფლობელობის იმ წესებში, რომლებიც მათ დაპყრობილ ქვეყნებში დახვდათ. დაპყრობილი, მიტაცებული და ჩამორთმეული მიწების მნიშვნელოვანი ნაწილი არაბებმა სახელმწიფო მიწებად გამოაცხადეს. იმ ქვეყნებში, სადაც ისინი უომრად შევიდნენ, ხელშეკრულებების ანუ „დაცვის სიგელების“ საფუძველზე მიწები ადგილობრივ მიწისმფლობელთ შეუნარჩუნეს („სულჰის მიწები“) „ხარაჯას“ გადახდის პირობით. თუმც თეორიულად ხალიფა ყველა მიწის უზენაეს მესაკუთრედ გამოდიოდა. მუსლიმანთა თვალსაზრისით, როგორც ომით, ისე ხელშეკრულებით (მშვიდობიანი გზით) მიღებული მიწა ეკუთვნოდა „ალაჰს და მის მოციქულს“.

არაბები დაპყრობილ მიწებს თავიანთ ნადავლად სთვლიდნენ. ამ ნადავლის განაწილება შემდეგნაირად წარმოებდა: დაპყრობილი მიწების 1/5 მიჰქონდა იმამს (მუსლიმანური თემის მეთაურს, ე. ი. ხალიფას), დანარჩენი ნაწილდებოდა საღვთო ომის მონაწილე მეთორებს შორის და წარმოადგენდა მუსლიმანური თემის საერთო საკუთრებას („ფაი“)². ნადავლის განაწილებიდან, ზოგიერთი მუსლიმანი სწავლულის მიხედვით, გამორიცხული იყო ვადაშენებული ხელმწიფეების (მაგ., სპარსელი შაჰინშაჰების) და მათი სახლის წევრების (უფლისწულების), მარზანების, მაზდეანური ეკლესიის და ომში და-

¹ А. К. Якубовский. Вопросы периодизации истории Средней Азии в средние века, гл. 33.

² „ფაი“ არაბულად ნიშნავს მტრისათვის წართმეულ ყოველგვარ საგანს, აგრეთვე მიწებს. ფართო გაგებით „ფაი“ გულისხმობდა ურწმუნოთაგან თვით უომრად მიღებულ საგნებს, პროდუქტებს, მიწებს.

ლუპულთა მიწები, აგრეთვე კაობები, დაუმუშავებელი ანუ მკედარი მიწები („მავათ“), მდინარეთა სანაპიროები, წისქვილები და სხვ. ეს მიწები შეადგენდნენ სახელმწიფო მიწებს და აღინიშნებოდნენ „სავაფის“ სახელით.

ყურანის „სურა ნადავლზე“ („სურათ ალ-ლანიმათ“) მუსლიმანის მოვალეობად სთვლიდა ურწმუნოთა ქონების მიტაცებას. მტკიცედ იყო დადგენილი ალაფისა და ნადავლის განაწილების წესი მუსლიმანთა შორის. აბუ იუსუფ იაკუბი (VIII ს.ის დამლევის არაბი მწერალი) თავის „ქითაბ ალ-ხარაჯ-ში“ ომარ I-ს მიაწერს შემდეგ სიტყვებს: „მუსლიმანები სკამენ მათ (დამორჩილებულთ) სანამ ცოცხლები არიან; როცა ჩვენ და ისინი დაეიხოცებით, ჩვენი შვილები შესკამენ მათ შვილებს, სანამ ცოცხლები იქნებიან“. მეტად დამახასიათებელია არაბული წყაროების გამოთქმა: „ქვეყნის კამა“. ისტორიკოს ალ-ბალაძორის (IX ს.) ამასთან დაკავშირებით მოაქვს საინტერესო დიალოგი. ხორასნის ამირას აბდალაჰ იბნ-ხაზიმს (683—691) ერთ-ერთი ტომის არაბები ეკითხებიან: „რატომ კამენ ესენი (სხვა არაბული ტომები — ე. გ.) ხორასანს უჩვენოდ?“ დაპყრობილი ქვეყნების „კამის“ გამო არაბულ ტომებს შორის დაუსრულებელი ქიშპი და მტრობა იყო განსაკუთრებით გამოირჩეოდნენ ამ მხრივ ჩრდილოეთის არაბები, რომელნიც ალაფსა და ნადავლს ომს უკავშირებდნენ და სამხრეთის არაბებისაგან განსხვავებით, მეურნეობას საკიროდ არ სთვლიდნენ. მათთვის ომი და დაპყრობა ურწმუნოთა ქვეყნების „კამის“ მთავარი პირობა იყო.

შემთხვევით არ აიხსნება, რომ ჯოგის აღმნიშვნელი არაბული ტერმინი „რაიათი“ (მრავლ. „რაია“) გლეხის აღმნიშვნელ სიტყვად იქცა. არაბთა ბატონობის დროიდან მოყოლებული ამ სიტყვით იწოდებიან გლეხები ყველა მუსლიმანურ ქვეყანაში.

არაბთა წარმოდგენა ნადავლის განაწილებაზე, დაფუძნებული ყურანის საგანგებო სურაზე („სურათ ალ-ლანიმათ“), თანდათან იცვლებოდა არაბთა საზოგადოებრივი განვითარების შესაბამისად. კლასობრივმა თვალსაზრისმა ამ საკითხში ადრევე იჩინა თავი. არაბული საზოგადოების დაბალი ფენების მონაწილეობა ნადავლის განაწილებაში მნიშვნელოვნად შეიზღუდა უკვე ომანის (644—656) ხალიფობაში. გვიან კი არაბულმა არისტოკრატებმა მიწისმფლობელობის საფუძველზე განამტკიცა როგორც დაპყრობილი მოსახლეობის, ისე არაბი ფელაქების (მიწისმოქმედთა) და ბედუინების (მომთაბარეთა) ექსპლოატაცია.

გაბატონებული საგადასახადო სისტემის მიხედვით მიწები არაბთა სახალიფოში ორ მთავარ კატეგორიად იყოფოდა: 1. უშრის მიწებად და 2. ხარაჯას მიწებად. უშრის მიწა განიხილებოდა როგორც საკუთრება, ხარაჯას მიწებში კი მხოლოდ მფლობელობა იყო ნაგულისხმევი. უშრის პატრონი აუცილებლად მუსლიმანი უნდა ყოფილიყო. ხარაჯას მიწა შეიძლება ქვეუიყო უშრის მიწად იმ შემთხვევაში, თუ მას მუსლიმანი (არაბი) არამუსლიმანისაგან შეიძენდა. მაგრამ ეს წესი მოქმედებდა მხოლოდ VII ს-ის დამლევაამდე.

სახალიფოში მიწები ნაწევრდებოდა მფლობელობის ნიშნის მიხედვითაც: გარდა სახელმწიფო და მუსლიმთა თემის მიწებისა, არსებობდა კერძო

საკუთრებაში წყოფი მიწებიც. მიწა კერძო საკუთრებად გადაიქცეოდა, თუ მას არაბი მუსლიმანი მახვილით დაიპყრობდა¹, გააცოცხლებდა მკვდარ მიწას, იყიდა ანდა მემკვიდრეობით მიიღებდა მას. ამ წინადაგზე განვითარდა „მულქი“-ს (მიწის კერძო საკუთრების) ინსტიტუტი. დაპყრობილი ირანის ზოგ პროვინციებში, განსაკუთრებით ფარსში, ადგილობრივი მიწისმფლობელები სარგებლობდნენ მიწებზე სრული განკარგულების უფლებით (ხელუხლებელი იყო დეჰკანური მიწისმფლობელობა). მაგრამ მათს მნიშვნელოვან ნაწილს არაბებმა მხოლოდ მფლობელობის უფლება შეუნარჩუნეს. VII—VIII საუკუნეებში ჯერ კიდევ არ არსებობდა „ვაკფი“ (მუსლიმანური ეკლესიის მიწები), რომელმაც IX—X საუკუნეებში მნიშვნელოვანი ადგილი დაიკავა აღმოსავლურ მიწისმფლობელობაში.

მიწაზე დაწესებულ გადასახადს ხარაჯა ეწოდებოდა. ჯიზია VII საუკუნეში ჯერ კიდევ არ ნიშნავდა სულად გადასახადს. ხარაჯას და ჯიზიას სინონიმური მნიშვნელობა ამ დროს აღნიშნავდა არა გადასახადს, არამედ ხარკს. ჯიზიან სულადი გადასახადის მნიშვნელობა მიიღო VII—VIII საუკუნეთა მიჯნაზე და ამიერიდან მკვეთრად გაემიჯნა ხარაჯას, რომელიც ახლა, და შემდეგაც, მხოლოდ მიწაზე დაწესებულ გადასახადს ნიშნავდა.

ხარაჯა არამუსლიმთა გადასახადი იყო. ამათ არაბული და, საზოგადოდ, აღმოსავლური წყაროები ზიმიებს უწოდებენ. ზიმიებად ითვლებოდნენ საღვთო წერილის ხალხები (აჰლ ალ-ჰიტაბ), რომელთაც სარწმუნოების შენარჩუნება ხარაჯას გადახდის პირობით შეეძლოთ. ამდენადვე არაბული გადასახადები დაპყრობილ ხალხთა განუკითხავ ექსპლოატაციას იყო დაფუძნებული.

VII ს-ში მუსლიმანი ხარაჯას არ იხდიდა. მუსლიმანს უნდა გამოეღო მხოლოდ ზაქათი (მოწყალეობა) ან, მეორენაირად, სადაკა. ამიტომ უში (ნიშნავს ქონების, შემოსავლის 1/10-ს), რომელსაც მუსლიმანი მიწისმფლობელები იხდიდნენ, ზაქათის ან სადაკას სინონიმური მნიშვნელობითაც იხმარებოდა.

ხარაჯასაგან თავისუფლდებოდა ყველა, ვინც კი ისლამის სარწმუნოებაზე ეოქცეოდა. ეს კი იწვევდა ხარაჯას შემცირებას. ამიტომ შემოსავალი მიწებიდან განუწყვეტლივ კლებულობდა, რაც დიდ არეგ-დარეგვას იწვევდა არაბული აღმინისტრაციის და საფინანსო უწყების მოქმედებაში.

ხარაჯას შემცირების მიზეზი იყო არა მარტო მუსლიმანთა რიცხვის ზრდა დაპყრობილ ქვეყნებში, არამედ, უმთავრესად, მწარმოებელი საზოგადოების ველური ექსპლოატაცია. არაბები დაინტერესებული იყვნენ გადასახადების მიღებით და არა მეურნეობის წარმოებით. ეს იწვევდა დამუშავებულ მიწების ვაპარტახებას, სარწყავი არხების მოშლას, სოფლის მეურნეობის სწრაფ დაქვეითებას. აუტანელი გადასახადებით შეწუხებული გლეხები სტოკებდნენ მიწებს. გლეხთა აყრა-გაქცევა ჩვეულებრივი მოვლენა იყო. განვითარე-

¹ მიწისმოქმედი ხალხების ქვეყნებს არაბები ორ ნაწილად ყოფდნენ: დარ ულ-ისლამად (მუსლიმთა ტერიტორიად) და დარ ულ-ჰარბად (ურწმუნოთა ტერიტორიად). მთავარი დარ ულ-ჰარბ (ომის ქვეყანა) იმ დროს იყო ბიზანტია.

ბული სოფლის მეურნეობით განთქმული სავადი (ერაყი) დაქვეითების გზაზე იყო შემდგარი. აქაური სოფლები გლეხებისაგან დაცარიელებული იყო.

არაბული წყაროების ცნობების მიხედვით (აბუ იუსუფ იაკუბი, აბუ საიდ ისთახრი, აბულ ამას ბ. სურაი), ომარ I იძულებული იყო ხელახლად გადაენაწილებინა მიწები ერაყში. მან უარი თქვა ერაყის მიწების დამპყრობელთა შორის განაწილებაზე მიუხედავად იმისა, რომ ეს ოლქი ომით იყო დაპყრობილი და, ამდენადვე, მუსლიმანთა ნადავლად ითვლებოდა. ომარმა მიწები აქ იმათ შეუნარჩუნა, ვინც მეურნეობისათვის ზრუნავდა და გლეხთა ფეოდალური ექსპლოატაციის საშუალებით ხარაჯას წყაროებს ჰქმნიდა. მისი ეს ღონისძიება მიზნად ისახავდა შემოსავლის უზრუნველყოფას ერაყში „მუსლიმთავე სასარგებლოდ“, როგორც ამას წყაროები (აბუ იუსუფი) აღნიშნავენ. ამას გარდა, ომარ I საერთოდ წინააღმდეგი იყო არაბების დაპყრობილი ქვეყნების მიწებზე დაჯდომის, რადგან შიშობდა, რომ ეს გამოიწვევდა მათს ასიმილირებას უცხო ხალხებში. მისი თვალსაზრისით, დაპყრობილი ქვეყნები არაბების „საქმელი“ იყო და არაბებს მხოლოდ დამუშავებული მიწების გადასახადებით უნდა ეცხოვრათ.

ხარაჯას საერთო შემოსავლის შემცირების პირობებში არაბული გეაროვნული არისტოკრატია ყველაფრის ნითვისებას თვითონ ცდილობდა და ყველაფერს აკეთებდა იმისათვის, რათა ნადავლში წილი არ დაედო არაბული საზოგადოების დაბალი ფენებისათვის. ეს გახდა ერთ-ერთი მიზეზი პირველი სამოქალაქო ომისა არაბეთში.

დაპყრობითი ომების წარმატებას არ შეუსუსტებია სოციალური წინააღმდეგობანი არაბთა შორის. მექის მონათმფლობელური არისტოკრატია ყველა საშუალებით ცდილობდა თავისი კლასობრივი ბატონობის უზრუნველყოფას. მისი კლასობრივი ინტერესების გამომხატველი იყო ხალიფა ოსმანი (644—656), რომელიც ბანუ-ომიას გვარს ეკუთვნოდა და რომლის მოღვაწეობამ ნიადაგი მოუშალა გეაროვნული არისტოკრატის გაბატონებას სახალიფოში.

ოსმანის ბრძანებით შესრულებული ყურანის რედაქცია მიზნად ისახავდა არაბთა სახელმწიფოს განვითარებაში მომხდარი ცვლილებების იდეოლოგიურ დასაბუთებას. ხალიფას სადგომად მედინაში მან ააგო სასახლე. ამით სახელმწიფო მეჩეთს გამოეყო. ამ მხრივ ოსმანი ომარის პოლიტიკის გამგრძელებელი იყო, მაგრამ იგი, ომარისაგან განსხვავებით, დაპყრობილი ქვეყნების მმართველებად, როგორც წესი, ომაელებს ნიშნავდა. მანვე მკვეთრად შეუმცირა წილი ნადავლში გეაროვნულ დემოკრატას. ყველაფერი ეს იწვევდა გეაროვნული დემოკრატის დიდს უკმაყოფილებას. „ძველი მუსლიმები“ (მუჰამედის პირველი მიმდევრები) მოითხოვდნენ მუჰამედის ღრობინდელი წესების დაცვას, სახელმწიფო ცხოვრების ყველა სფეროს მუსლიმანური თემისადმი დაქვემდებარებას, ალაფისა და ნადავლის თანაბრად განაწილებას, აღის გახალიფებას. ოსმანის ხალიფობა, ამრიგად, აღინიშნა მწვავე კლასობრივი ბრძოლით.

651 წელს დაწყებული პირველი არეულობანი არაბეთში მალე გადაიზარდა სამოქალაქო ომში (656—661 წწ.). 656 წელს მოკლული ხალიფა ოს-

მანის მაგიერ ხალიფად გახდა ალი (656—661). ალის ხალიფობაში კიდევ უფრო გაძლიერდა სამოქალაქო ომი არაბეთში. მონათმფლობელური არისტოკრატია სირიის მმართველ და ოსმანის ნათესავ მუავიას გარშემო დაი-რაზმა. ალი პირველ ხანებში წარმატებით ებრძოდა თავის მეტოქეს. მაგრამ მალე მისი ძალები განახევრდა. გვაროვნული დემოკრატიის ერთი ნაწილი უკმაყოფილო იყო იმით, რომ ალიმ სახალიფოს ცენტრი მედინიდან ქუთუბაში (ერაყში) გადაიტანა. ალის ეს ღონისძიება გამოწვეული იყო იმით, რომ მედინის მარტივი პოლიტიკური ორგანიზაცია აღარ შეეფერებოდა არაბთა უზარმაზარ სახელმწიფოს. ამასთან ჰიჯაზის სოციალურ-ეკონომიური განვითარების მოცემული საფეხური დიდად ჩამორჩებოდა დაპყრობილი ქვეყნების დიდი უმეტესობის სოციალურ-ეკონომიური განვითარების ღონეს. ერთი სიტყვით, მედინიდან სახალიფოს მართვა შეუძლებელი იყო. მაგრამ ალის აღნიშნულ ღონისძიებაში გვაროვნული დემოკრატიის წარმომადგენლებმა მუსლიმთა თემის ინტერესების შელახვა დაინახეს.

„ხარიჯიტები“ (ალის ლაშქრიდან გამოყოფილი მუსლიმები) ხალიფას ბრალს სდებდნენ იმაშიც, რომ იგი ენერგიულად არ ებრძოდა მუავიას. განხეთქილება არაბთა შორის სულ უფრო და უფრო ძლიერდებოდა. პირველი სამოქალაქო ომის მსვლელობაში წარმოიშვა სამი მიმდინარეობა, რომელნიც სოციალურ წინააღმდეგობათა ნიადაგზე აღმოცენდნენ და შემდეგ ისლამის სარწმუნოების მთავარ მიმართულებებად იქცნენ. ესენი იყვნენ: შიიტები, სუნიტები და ხარიჯიტები.

პირველ ხანებში განსხვავება მათ შორის ხალიფად არჩევის საკითხთან იყო დაკავშირებული.

შიეები კანონიერ ხალიფად სთვლიდნენ მხოლოდ მუჰამედის ასულის ფატმას და მისი მეუღლის ალის ჩამომავლებს. სუნიტების თვალსაზრისით, ხალიფად შეიძლებოდა ყოფილიყო ყველა, ვინც კი ყურეიშის ტომს ეკუთვნოდა. ხარიჯიტების აზრით, ხალიფად გახდომის უფლება ჰქონდა ყველა მართლმორწმუნე მუსლიმანს, მიუხედავად სოციალური მდგომარეობისა და ეროვნული კუთვნილებისა, თვით მონასაც კი. ამიტომ ხარიჯიტობა არ შეიძლებოდა არ ქვეუდიყო უკიდურეს დემოკრატიულ მიმართულებად ისლამის სარწმუნოებაში და არ დაკავშირებოდა სახალიფოში მიმდინარე სოციალურ მოძრაობებს. ასეთივე მნიშვნელობა ჰქონდა შიიტობას, რომელსაც სუნიტი მბრძანებლები სასტიკად სდევნიდნენ და, ამდენადვე, არ შეიძლებოდა არ გამოეწვია სიმპათიები საზოგადოების ექსპლუატირებულ ფენებში. შიიტობას უკავშირდებოდნენ როგორც სოციალური, ისე ეროვნული ბრძოლის მონაწილენი.

კერძოდ, სპარსელებმა ადრევე დაუნათესავეს ალი და მისი ჩამომავლები უკანასკნელი სასანელი შაჰინშაჰის იეზდიგერ III-ის სახლს და გასპარსულებული ისლამი (შიას სარწმუნოება) არაბთა ბატონობის წინააღმდეგ ბრძოლას დაუკავშირეს.

661 წელს ქუთუბას კათედრალურ მეჩეთში ხარიჯიტებმა მახვილით განგმირეს ალი. გვაროვნულ დემოკრატიის მომხდარი განხეთქილება გვაროვნულმა არისტოკრატიაზე მარჯვედ გამოიყენა. 661 წელს ხალიფად გახდა

ომეღთა გვარის წარმომადგენელი მუავია I (661—681). სახალიფოში დაიწყო არაბული გვაროვნული არისტოკრატის განუყოფელი ბატონობა. 661 წელს დასრულდა არაბთა სამხედრო-თეოკრატიული სახელმწიფოს არსებობა და იგი აღმოსავლური ტიპის დესპოტიაში გადაიზარდა. მუავია იყო არა მარტო ხალიფა, არამედ მალიქიცი („მეფეც“).

მუსლიმანთა ტრადიციულ ცნობებში ომაელი ხალიფები უზურპატორებად ითვლებიან, ხოლო პირველი ოთხი ხალიფას დრო „ოქროს ხანად“ არის გამოცხადებული. მათი ხალიფობის დროს თითქოს არაინ არავის ჩაგრავედა და ადამიანები თანხმობითა და სიყვარულით ცხოვრობდნენ მუჰამედის მიერ დადგენილი წესების მიხედვით. ამ შეგნებას აწარმოებდა ომაელთა დროინდელი მძიმე ექსპლოატაცია. ნამდვილად, სწორედ ე. წ. „ოქროს ხანაში“ იწყება გლეხების და მონების განუკითხავი ექსპლოატაცია. ომაელებმა მხოლოდ უზრუნველჰყვეს ექსპლოატატორთა ბატონობა, განავითარეს უფრო ადრე საამისოდ მოწოდებული კლასობრივი ბატონობის პოლიტიკური ორგანიზაცია.

მართალია, არაბებმა დაპყრობილ ქვეყნებში ხელუხლებლად დატოვეს გლეხთა ფეოდალური ექსპლოატაციის სისტემა, მაგრამ ამავე დროს ფართოდ იყო გამოყენებული მონის შრომაც.

ომეღთა სახალიფოში ძირითადად მონათმფლობელური წყობა იყო გაბატონებული.

ომეღმა ხალიფებმა სახალიფოს პოლიტიკური ცენტრი გადაიტანეს სირიაში (661 წ. -), სადაც ჯერ ისევ ძლიერი იყო მონათმფლობელური წყობა და, ამდენადვე, არსებობდა არაბული გვაროვნული არისტოკრატის კლასობრივი ინტერესების შესაფერისი პირობები.

არაბული ორგანიზაციის ბატონობამ დააბრკოლა საწარმოო ძალების განვითარება. არაბულმა ხარკმა გამოაძევა დაპყრობილი ქვეყნების კულტურული მემკვიდრეობა. ხარაჯას ოდენობის განუწყვეტელი ზრდის შედეგი იყო სოფლის მემკვიდრეობის დაცემა, გლეხთა გაღატაკება. თუ, მაგალითად, ერაყი სასანელების დროს (VI ს-ში) ყოველწლიურად იძლეოდა 214 მილიონი ლირჰემის შემოსავალს, უკანასკნელი ომაელი ხალიფების დროს ყოველწლიური შემოსავალი გადასახადებიდან 70 მილიონ ლირჰემამდე დაეცა. ასეთსავე მდგომარეობაში იყო უკლებლივ ყველა ოლქი.

არაბთა სახელმწიფოში გლეხები მარტო მძიმე გადასახადებით არ იყვნენ დახარკული. მათს სხვადასხვა ნატურალურ ვალდებულებათაში შედიოდა ქალაქების კედლების, სასახლეების, მეჩეთების მშენებლობა, გზების გაყვანა, სარწყავი არხების ნოვლა, ხიდების შენება-შეკეთება და სხვ¹. აღმოსავლური ბეგარის მთელი თავისებურება სწორედ იმაში მდგომარეობდა, რომ იქ გლეხთა ძირითადი მასის ექსპლოატაცია სახელმწიფოს მეშვეობით წარმოებდა. სახელმწიფო ხარაჯას კრეფდა მსხვილი და ძლიერი მიწისმფლობელთა კლასის სასარგებლოდ.

¹ А. Ю. Якубовский. Вопросы периодизации истории Средней Азии в средние века, гл. 33—34.

ისეთ პირობებში, როცა გლეხები „დაბეკდილი“ იყვნენ, ხოლო ხელოსნები მონათა სახელმწიფო სახელოსნოებში („თირაზებში“) გამოკეტილი, მწარმოებელ საზოგადოებას მეურნეობის განვითარების არავითარი სტიმული არ ჰქონდა. ხარაჯას ოდენობა კი მეურნეობის შენება-აყვავებაზე იყო დამოკიდებული. სოფლის მეურნეობის დაცემა მკვეთრად ამცირებდა შემოსავალს ხარაჯადან და არაბებიც გამოსავალს დაპყრობითი ომების გაგრძელებაში ხედავდნენ. რა თქმა უნდა, სანამ მათ საამისო უნარი და ძალა შესწევდათ.

ომებებმა ხელახლად გააჩაღეს დაპყრობითი ომები. VII ს-ის 70-იან წლებში ორჯის ჰქონდა ადგილი კონსტანტინოპოლის გარემოცვას, რაც ორჯერე არაბთა დამარცხებით დამთავრდა. მუავიამ პირველმა შესვა არაბები ხომალდებზე, რადგან კონსტანტინოპოლის დასაპყრობად აუცილებელი იყო შეტევა როგორც ხმელეთიდან, ისე ზღვის მხრიდან. ბიზანტიელებმა ე. წ. „ბერძნული ცეცხლით“ გადაწვეს არაბთა ხომალდები. სამაგიეროდ არაბებმა წარმატებით განავითარეს შეტევა აღმოსავლეთისა და დასავლეთის მიმართულებით სახალიფოს ტერიტორიული გაფართოების მიზნით.

დაპყრობითი ომების წარმატებით წარმოებასთან ერთად მუავია ცდილობდა მიწისმოქმედებისა და ვაქრობის განვითარებას. ომს გარდა შემოსავლის წყაროებს იგი სოფლის მეურნეობაზე და ვაქრობაზე დაწესებულ გადასახადებშიც ხედავდა. ყურადღება მიექცა სარწყავი არხების მშენებლობას. სახალიფოს ნავსადგურებში ახლა მრავლად იდგნენ სავაჭრო ხომალდები. ამ დროისათვის უკვე საკმაოდ განვითარებული იყვნენ ახლად წარმოშობილი ქალაქები—ბასრა, ქუფა, შირაზი, ფუსტატი (მომავალი კაირო) და სხვ., რომელნიც „ამსარების“ (არაბთა სამხედრო ბანაკებს) ადგილზე აღმოცნდნენ. მაგრამ საზოგადოებრივ სამუშაოთა (აღწარმოების) უწყება ომებთან სახალიფოში მაინც სუსტად იყო განვითარებული. სამაგიეროდ დიდად იყვნენ განვითარებული სამხედრო და საფინანსო უწყებები.

საქმე ისაა, რომ ჯერ კიდევ მუავია I წააწყდა ჩრდილოეთის არაბების მედგარ წინააღმდეგობას. მომთაბარე არაბები მხოლოდ ომითა და რბევატყვევით იყვნენ დაინტერესებული. მათ არაბებისათვის შეუფერებლად მიაჩნდათ მიწისმოქმედება, ვაქრობა, ხელოსნობა, ქალაქებში ცხოვრება. ომებები დაპყრობითი ომების გაგრძელებაში და ტერიტორიულ გაფართოებაში ხედავდნენ შემოსავლის მთავარ წყაროებს, თუმცა ჩრდილოეთის არაბების ტენდენციების შესუსტებასაც ცდილობდნენ. ბრძოლა სამხრეთისა და ჩრდილოეთის არაბებს შორის ხელს უშლიდა არაბთა კონსოლიდაციას და ომებთან სახალიფოს მოსპობა-გადაშენების ერთ-ერთ მთავარ პირობად იქცა.

საერთოდ, უნდა აღინიშნოს, რომ ომები ხალიფები სახელმწიფოს ინტერესებს რელიგიის ინტერესებზე მალა აყენებდნენ. წყაროები გადმოგვცემენ: როდესაც აბდ ალ-მალიქს ხალიფად გახდომა აცნობეს, მან გვერდზე გადასდო ყურანი და წარმოთქვა „ამიერიდან ჩვენი გზები გაიყარა“. ერთ-ერთ ომებლ ხალიფას ისრით სროლის ვარჯიშობაში მიზნად კედელზე გამოკიდებული ყურანის ფურცლები ჰქონდა. მუავია I-ის მემკვიდრე იაზიდ I (681—683) ცნობილია როგორც ელევანტური ხალიფა, მონადირე და პოეტი. ძველი მუსლიმანები აღშფოთებული იყვნენ იმის ჩამომავლების მკრეხელობით,

ინც თავის დროზე მექაში მუჰამედს სდევნიდა და მუსლიმანების წინააღმდეგ ბრძოლას მეთაურობდა (მუჰაია მუჰამედის მოწინააღმდეგის, ისლამის შეუპოვებელი მტრის და სიკვდილამდე წარმართად დარჩენილი აბუ სუჟიანის შვილი იყო).

მეორე სამოქალაქო ომის საბაზად არაბეთში (681—694) გახდა იაზიდის ხალიფად დანიშვნა, რაც გაგებული იქნა როგორც მონარქიული პრინციპის გამარჯვება. მაგრამ ეს საესებით შეესაბამებოდა ომაელების პოლიტიკურ მიზანს. მუჰაია I-მა რკინის ხელით და სასტიკი მოხელეების საშუალებით შემოქა თავისი მოწინააღმდეგენი, ზოგი კი უხვი წყალობით მოიმადლიერა, ზოგიც ცბიერებით და „ტკბილი ენით“ აიძულა გაჩუმებულიყო და ომაელის ხალიფობას შერიგებოდა. მუჰაია ხშირად აღნიშნავდა, რომ ენა მახვილზე ძლიერი იყო, მაგრამ მახვილიც მუდმივად მოქმედებდა ქალაქების მოედნებზე და პატიმრებით გაქვიდოდა საპყრობილეებში. მან შესძლო სახელმწიფოში „წესრიგის“ დამყარება. მაგრამ ეს წესრიგი მისი გარდაცვალებისთანავე დაირღვა.

681 წელს ერავში აჯანყდნენ ალიდები; იქვე ალ-მუხთარის მეთაურობით მრავალწლოვანი ბრძოლა გააჩაღეს მავალებმა (ახლად მოქცეულმა მუსლიმანებმა, არაბული ტომების კლიენტებმა); მექასა და მედინაში აჯანყებული იყვნენ ძველი მუსლიმანები. თუ მავალები ალიდებთან ერთად მოქმედებდნენ, ძველი მუსლიმანები სრულიად დამოუკიდებლად იბრძოდნენ. ამან ხალიფას დამსჯელ ჯარებს აჯანყებულთა ცალ-ცალკე დამარცხების შესაძლებლობა მისცა.

აჯანყების მონაწილე ძალები ერთფეროვანი არ იყო. მათ არც ბრძოლის საერთო მიზნები ჰქონდათ. ალიდები ალის სახლის „უფლებს“ აღდგენას მოითხოვდნენ, მავალები უფლებებით არაბებთან გათანასწორებას, ძველი მუსლიმანები პატრიარქალური წყობის დაბრუნებას. მეორე სამოქალაქო ომის საერთო დამახასიათებელი ის იყო, რომ ამ დროს სოციალური ბრძოლა გადაექცოდა ეროვნულ ბრძოლას (მავალების აჯანყება). მაგრამ თუ სოციალური მოძრაობები შიომის უკიდურესი მიმართულებების („ლულათ“) სამოსელში გამოეხეია, სამაგიეროდ ზომიერი შიობა განმათავისუფლებელი (უპირატესად ირანელების) ბრძოლის იდეოლოგიურ იარაღად ხდება. ირანელებიდან ამ დროს გამაჰმადიანებული არიან უმთავრესად ვაქრები და ხელოსნები. ირანელი ფეოდალებისათვის კი ისლამი მიუღებელი იყო, რადგან ის არაბთა ზედა ფენის ბატონობისათვის იყო გამოყენებული. ესენი მასიურად მაჰმადიანდებიან მხოლოდ ისლამის განვითარების იმ საფეხურზე, როცა არაბთა სარწმუნოება მსოფლიო რელიგიად იქცა და ისლამის გასპარსულებამ იდეოლოგიური საფუძვლები შეუქმნა ირანული ფეოდალური კლასის ბატონობას.

მეორე სამოქალაქო ომი არაბეთში ხალიფა აბდ ალ-მალიქის (685—705) დროს დამთავრდა. 694 წელს ომაელთა სასტიკი მოხელე ჰაჯაჯ იბნ იუსუფი დაუნდობლად გაუსწორდა ძველ მუსლიმანებს. მან ლოდმტყორცნელებით დაანგრია ქაბას ტაძრის კედლები, ხოლო შემდეგ ცეცხლი შეუნთო მხოლოდ იმის გამო, რომ იქ ძველი მუსლიმანები იყვნენ გამაგრებული. ჰაჯაჯის სახელი მუსლიმანურ აღმოსავლეთში იქცა მრისხანე და უღმობელი მოხელის

სიმბოლოდ. 694—714 წლებში იგი მახვილით განაგებდა სახალიფოს ყველაზე მოქსვენარ ოლქს ერაყს, სადაც უპირატესად ირანული ელემენტი იყო წარმოდგენილი. ომაელებმა კვლავ შესძლეს „წესრიგის“ აღდგენა სახელმწიფოში.

არაბთა სახელმწიფო აბდ ალ-მალიქის და ალ-ვალიდის (705—715) ხალიფობაში ტერიტორიულად დიდად გაფართოვდა. არაბებმა დაიპყრეს ჩრდილოეთ აფრიკა, ესპანეთი, შუა აზია და ჩრდილოეთ ინდოეთი. ომაელთა სახალიფო ატლანტის ოკეანეს სანაპიროებიდან ქაშლარის მთებამდე (ცენტრალურ აზიაში) გადაიქიმა. ამ უზარმაზარ სახელმწიფოში არაბთა ბატონობის უზრუნველსაყოფად საჭირო იყო მისი არაბიზირება, არაბული ელემენტის პრივილეგირებული მდგომარეობის შენარჩუნება.

ომაელი ხალიფები ყველა ღონისძიებას იყენებდნენ იმისათვის, რომ არ დაეშვათ არაბების გათქვეფა დაპყრობილ ხალხებში, უზრუნველყოთ არაბთა უპირატესობა და ბატონობა.

ხალიფა აბდ ალ-მალიქის „რეფორმები“ მიზნად ისახავდნენ სახელმწიფოს „არაბიზირებას“ (არაბულის სახელმწიფო ენად გამოცხადება, არაბული მონეტების მოქრა, უცხო ეროვნების მოხელეების არაბი მოხელეებით შეცვლის ცდა და სხვ.). დამასკოსთან სახალიფოს შორეული პროვინციების დასაკავშირებლად გაყვანილი იქნა კეთილმოწყობილი გზები, რომელზედაც გამართული საფოსტო სადგურები (ალ-ბარიდები) სწრაფი მიმოსვლისა და ინფორმაციის მიწოდების საშუალებას იძლეოდა. გაძლიერდა დამასკოს კონტროლი ოლქების და რუსთაყების ამირების მიმართ.

„არაბიზირებულ“ სახალიფოში სავსებით უგულებელყოფილი იყო დაპყრობილ ხალხთა უფლებები. დაუშვებლად ითვლებოდა თვით მავალების უფლებებით არაბებთან გათანასწორობა. პირიქით, შემოსავლის გაზრდის მიზნით ომაელმა ხალიფებმა ხარაჯას გადახდა დააკისრეს ყველა არაარაბული წარმოშობის მუსლიმანს. ამით მათ არაბობა ისლამს გამოსთიშეს იმ თვალსაზრისით, რომ ახლა ბრძოლა წარმოებდა არა ისლამის წინააღმდეგ, არამედ არაბობის წინააღმდეგ.

მავალების ბრძოლა ფართო გამოძახილს პოულობდა დაპყრობილ ხალხებში, ექსპლოატირებულ სოციალურ ფენებში. ესენი აქტიურად უპერდნენ მხარს ყველას, ვინც კი ომაელების წინააღმდეგ იბრძოდა, მათ შორის აგრეთვე ხალიფობის პრეტენდენტ აბასელებს.

მუჰამედის ბიძის, აბასის, ჩამომავლებმა შექმნეს საიდუმლო ორგანიზაცია. რომლის პროპაგანდისტები (დაი, მრავლ. დუათ) სახალიფოს ქალაქებსა და სოფლებში აბასელების სასარგებლოდ მოღვაწეობდნენ. აბასელები მარჯვედ იყენებდნენ სოციალურ ღემაგოგიას, აღუთქვამდნენ გადასახადების შემსუბუქება-შემცირებას, რათა მიემხროთ ვაჭრები, ხელოსნები, გლეხები, ბედუნიები.

მავალების ბრძოლის გაძლიერებამ ხალიფა ომარ II (717—720) აიძულა უცხო ეროვნების მუსლიმები, უფლებებით არაბებთან გაეთანასწორობინა. ეს იყო მავალის საკითხის გადაჭრის პირველი ცდა. მაგრამ ეს ცდა მარცხით დამთავრდა. ომარ II-ის წინააღმდეგ არაბთა ზედაფენა. მაგრამ არც მავა-

ლებს შეუწყვეტიათ ბრძოლა. ამ ბრძოლას ნოციერ ნიადაგს უქმნიდა ომაელ-
თა სახალიფოს დაძაბული შინაგანი და გართულებული საგარეო მდგომარეობა.

არაბთა სანხედრო ძლიერება ამ დროისათვის თვალსაჩინოდ იყო შერყეული. ეს საეხედო ცხადყო არაბთა გამანადგურებელმა დამარცხებამ ჰუატიესთან 732 წელს. არაბთა დამარცხებაში მნიშვნელოვანი როლი შეასრულეს ბერბერმა მეოპრებმა (მავალეებმა), რომელთაც გადამწყვეტ მომენტში ბრძოლის ველი მიატოვეს. დასავლეთ ევროპისაკენ არაბებისათვის გზა შეკრული აღმოჩნდა. მათ ვერც ხაზარების დამარცხება და იმიერკავკასიაში შექრულ შესძლეს. არაბთა დამსჯელ ჯარებს სასტიკ ბრძოლებში უხდებოდათ ამიერკავკასიის და მავერიანაპირის (შუა აზიის) ხალხთა დაპყრობა-დამორჩილება.

არაბებს ახალი ტერიტორიების დაპყრობა აღარ შეეძლოთ. ამავე დროს, იკლო შემოსავალმა სახალიფოს პროვინციებიდან. ომაელები იძულებული გახდნენ გადასახადები გაეწერათ თვით სირიაზე. ამ ღონისძიებამ მათ დასაყრდენი მოუშალა იმ ოლქში, სადაც ისინი ყოველთვის დიდს გავლენით სარგებლობდნენ. მალე სირია შესამე სამოქალაქო ომის (744—749) ერთ-ერთ მთავარ კერად იქცა.

ომაელთა ანუ დამასკოს სახალიფოს დამხობაში მთავარი როლი გლეხთა მოძრაობებმა და აჯანყებებმა შეასრულეს. აქტიური უნდა ყოფილიყო მონების ბრძოლაც, მეტადრე სახალიფოს დასავლეთ პროვინციებში (ბიზანტიის ყოფილ აღმოსავლურ სამფლობელოებში), სადაც ყველაზე უფრო ძლიერად იყო წარმოდგენილი მონათმფლობელური წყობა. ამას ადასტურებს არა მარტო სირიაში განვითარებული მოვლენები, არამედ განსაკუთრებით ის, რომ მალრიბში (დასავლეთში) გაჩაღებული სოციალური მოძრაობანი ხარიჯიტობის იდეოლოგიურ სამოსელში იყო გამოხვეული. ხარიჯიტები კი, როგორც ვნახეთ, მონას უფლებით არაბს უთანასწორობდნენ, თუკი მონა-მუსლიმანი იყო. თუ მაშრიყში (აღმოსავლეთში) სოციალური მოძრაობანი უპირატესად შიიტური იდეოლოგიით წარმოებდა, მალრიბში განსაკუთრებული პოპულარობით ხარიჯიტობა სარგებლობდა. ხარიჯიტობასთან მჭიდროდაა დაკავშირებული, კერძოდ, ბერბერი მავალეების აჯანყება 740—741 წლებში.

გაუთავებელი ომები დიდძალ თანხებს მოითხოვდა. ომაელებმა დაამძიმეს ხარკი და გაზარდეს გადასახადები. ახალი დაპყრობითი ომების მსვლელობაში მნიშვნელოვანი ცვლილებები მოხდა სახალიფოს საგადასახადო პოლიტიკაში სახელმწიფო შემოსავლის გაზრდის მიზნით.

როგორც აღვნიშნეთ, ხარაჯას გადახდა ახლა არაარაბული წარმოშობის მუსლიმანებსაც დაეკისრათ. ეს ღონისძიება გამოწვეული იყო იმით, რომ ახლად მოქცეულ მუსლიმანთა რიცხვის ზრდამ მკვეთრად შეამცირა შემოსავალი ხარაჯადან. და ეს იმ გასაგები გარემოების გამო, რომ ახლად გამუსლიმანებულნი თავიანთ მოვალეობად სთვლიდნენ გადაეხადათ უშრი და არა ხარაჯა.

ამას გარდა, საკუთრივ არაბი მუსლიმანები ნასყიდ ხარაჯას მიწას უყურებდნენ როგორც უშრის მიწას. არაბი მუსლიმანები კი ამ დროს დიდი

რაოდენობით ყიდულობდნენ ხარაჯას მიწებს. ადგილი ჰქონდა აგრეთვე მიწის ფიქტიურ ყიდვასაც. „მფარველობის“ ამგვარი წესი არაბ მიწისმფლობელებს შემოსავლის დამატებით წყაროებს უქმნიდა, ოღონდ, რა თქმა უნდა, სახელმწიფო ხაზინის ხარჯზე. აღნიშნული მოვლენა იმ მხრივაც არის საინტერესო, რომ იგი თანდათან კომენდაციის რიგში მოთავსდა და მნიშვნელოვანი როლი შეასრულა ფეოდალური დამოკიდებულების გაძლიერების საქმეში.

შექმნილი ვითარებიდან გამოსავალი ომაელებმა იმაში ჰპოვეს, რომ ახლად გამუსლიმანებულებშიც ხარაჯას ვალდებული გახადეს. ამას, ცხადია, არ შეიძლებოდა არ მოეშალა ომაელთათვის დასაყრდენი დაპყრობილ ხალხთა მუსლიმანურ ფენებში.

ამავე დროს აიკრძალა ნასყიდობის გზით ხარაჯას მიწის უშრის მიწად გადაქცევა, ხოლო უკვე ნასყიდ მიწაზედ ხელახლად დაწესდა ხარაჯა. ეს კი უშუალოდ ეხებოდა არაბ მიწისმფლობელთა ინტერესებს. ამიტომ თვით გაფეოდალებული არაბები არ შეიძლებოდა არ გადასდგომოდნენ ომაელებს და მათ მიმართ მტრული პოზიცია არ დაეჭირათ.

აღნიშნული ღონისძიებანი ჩვეული სისასტიკით განახორციელა ომაელების ერთგულმა მოხელემ ჰაჯაჯ იბნ იუსუფმა—აღმოსავლეთის ამირამ.

ჰაჯაჯ იბნ იუსუფის სახელთანაა დაკავშირებული ე. წ. 700 წლის კანონი (გამოცემული 700 წელს), რომელიც დაუშვებლად სთვლიდა გამუსლიმანებულის ხარაჯასაგან განთავისუფლებას. მანვე ხარაჯას გადახდა დააკისრა არაბ მუსლიმანებს, რომელთაც მიწები არამუსლიმანებისაგან ჰქონდათ შეძენილი¹.

700 წლის კანონი იმ მხრივაც არის საინტერესო, რომ იგი კრძალავდა მიწისმოქმედთა მიერ სოფლების დატოვებას და ქალაქებში გადასვლას. გაქცეულთ ძალით უკანვე აბრუნებდნენ. ამრიგად, მიწისმოქმედნი გადასახადებზე იყვნენ მიმაგრებული, ხოლო მიწისმფლობელების პასუხისმგებლობა ხარაჯას აკრეფის საქმეში კიდევ უფრო გაიზარდა. 700 წლის კანონის გაუქმება (უკეთ, შესწორება) სცადა ხალიფა ომარ II-მ, მაგრამ მისი ეს ცდაც მარცხით დამთავრდა ისევე, როგორც მავალის საკითხის „მუსლიმანთა სასარგებლოდ“ გადაწყვეტა.

სათიკრებელია, რომ სწორედ ომარ II-ის დროიდან მოკიდებული მუსლიმანთა და არამუსლიმანთა უფლებრივი მდგომარეობის განსხვავება იმაში გამოიხატებოდა, რომ ამიერიდან სულად გადასახადს (ჯიზიას) მხოლოდ არამუსლიმანები იხდიდნენ. ეს ღონისძიება უშუალოდ შეეხო ადგილობრივი ფეოდალების ინტერესებს.

საქმე ისაა, რომ ხარაჯას მსგავსად სასანური ირანიდან მომდინარე ჯიზია (თავის დროზე ვაჭრობასა და ხელოსნობაზე დაწესებული სულადი გადასახადი) შენარჩუნებული იყო ირანელი ფეოდალების მიწებზე. მართალია, არაბთა ბატონობის ხანაში გაჰქრა ირანელ წარჩინებულთა მსხვილი მიწისმფლობელობა, მაგრამ დეჰყანებმა (საშუალო მიწისმფლობელებმა) შემოინახეს

¹ ხარაჯას მიწები სახალიფოში თავისუფლად იყიდებოდა იმის გამო, რომ საგადასახადო ვალდებულება ფაქტიურად ხელშეუხებელი იყო.

თავი, ქონება და უფლება თავიანთ მიწებზე მსხდარი გლეხების მიმართ. ირანის მთელ რიგ პროვინციებში შენარჩუნებული იყო დეჰყანური მიწისმფლობელობა, რომლის საფუძველზეც კლავინდებურად წარმოებდა გლეხთა ფეოდალური ექსპლოატაცია.

დეჰყანები ძველი წესით იღებდნენ ჯიზიას, ხოლო ხარაჯას გარკვეულ წილს დამასკოს ხაზინაში გზავნიდნენ. ისინი წინააღმდეგობას უწევდნენ თავიანთი მიწა-წყლის მოსახლეობის გამაჰმადიანებას, რათა შეენარჩუნებინათ ჯიზია და სხვა ფეოდალური ვალდებულებანი. დეჰყანები ცდილობდნენ არ დაეშვათ ჯიზიას გაუქმება თვით გლეხთა გამაჰმადიანების შემთხვევაშიც. მაგრამ ჯიზიას არამუსლიმანებზე საყოველთაოდ გავრცელების პირობებში ამ გადასახადის მიმთვისებლად არაბთა ხელისუფლება გამორიოდა. ამან გააძლიერა ადგილობრივი ფეოდალების ბრძოლა არაბობის წინააღმდეგ. მით უმეტეს, რომ ისინი საერთოდ მისიწრაფოდნენ გლეხთა ექსპლოატაციით მიღებული შემოსავალი მთლიანად თვითონ მიეღოთ, რადგან გადასახადების დიდი ნაწილი დამასკოში მიდიოდა. ფეოდალური უფლების დაცვის წადილმა დეჰყანები მკვეთრად დაუპირისპირა ომაელი ხალიფების ხელისუფლებას.

ჯიზიას არაბულ გადასახადად გადაქცევამ დაამძიმა ვაქრებისა და ხელოსნების მდგომარეობაც.

ცნობილია, რომ არაბთა მიერ დაპყრობილ ქალაქებში უწინარეს ყოვლისა ვაქრები და ხელოსნები მაჰმადიანდებოდნენ. მაგრამ ბევრი ისევ ინარჩუნებდა მამა-პაპურ (ქრისტიანულ, ებრაულ, მაზდეანურ) სარწმუნოებას. ჯიზიას შემოღება მკაფიოდ მიუთითებს, თუ ჯერ კიდევ რა დიდი რაოდენობით იყვნენ წარმოდგენილი სხვადასხვა სარწმუნოების ვაქრები და ხელოსნები სახალიფოს ქალაქებში. ასეთ ვაქარ-ხელოსნებში ჯიზია ამიერიდან არაბული ხარკის წესით იკრიფებოდა. ამასთან თვით გამაჰმადიანებულ ვაქარ-ხელოსნებს არაბები მავალებად სთვლიდნენ. ამიტომ ისინი იმ უფლებებს იყვნენ მოკლებული, რომლითაც ჩვეულებრივ არაბი მუსლიმანები სარგებლობდნენ.

რა თქმა უნდა, ყველაზე მძიმე მდგომარეობაში გლეხობა იყო როგორც ირანში, ისე არაბთა მიერ დაპყრობილ სხვა ქვეყნებში. გლეხები ორმაგ ექსპლოატაციას განიცდიდნენ. მათ ერთნაირის სისასტიკით ყვლეფდნენ ადგილობრივი ფეოდალები და ხალიფას მოხელეები. ხარაჯა, ჯიზია, სამოვრებზე დაწესებული გადასახადები („მარაი“) მიწისმოქმედთა და მესაქონლეთა გადასახდელი იყო.

ხარაჯას აკრეფა „მისაჰას“ და „მუქასამას“ წესით ხდებოდა.

გლეხთათვის განსაკუთრებით აუტანელი იყო „მისაჰა“, რომლითაც გადასახადი მიწის მოკულობის მიხედვით იყო განსაზღვრული და, ამასთან, ხარაჯა გასტუმრებული უნდა ყოფილიყო არა ნატურით, არამედ ფულით. „მისაჰა“ გადასახადების ამკრეფ მოხელეებს საშუალებას აძლევდა თვითნებურად მოეკლოთ მიწის საზომი ერთეული („გაზ“), რაც, ცხადია, დადგენილი ჯერიბის (საგადასახადო ერთეულის) შემცირებას იწვევდა და ერთბაშად ზრდიდა გადასახადის ოდენობას.

ხარაჯას აკრეფა „მუქასამას“ წესით გულისხმობდა მოწეული მოსავლის ვაოკვეულ წილს და, ამ შემთხვევაში გადასახდელი, ჩანს, უპირატესად ნატურით იკრიფებოდა. გლეხებისათვის ხარაჯას მუქასამას წესით გადახდა შედარებით უფრო იოლი იყო, ვიდრე მისაპას წესით.

მისაპაც და მუქასამაც არაბებს სასანური ირანის საგადასახადო პრაქტიკიდან ჰქონდათ გადმოღებული, მაგრამ უპირატესობას, ხანმოკლე პერიოდის გამოკლებით, მუდამ მისაპას ანიჭებდნენ. მისაპა სახალიფოში გაბატონებული იყო აბასელ ხალიფა ალ-მანსურამდე.

მისაპაც და მუქასამაც მხოლოდ დამუშავებულ მიწებზე იყო დაწესებული. ამავე დროს გადასახადის ოდენობის დაწესებისას მხედველობაში იყო წილებული სარწყავი და ურწყავი მიწები, მორწყვის საშუალებები და მიწის დაპუშავების წესები, მფლობელობის ფორმები თუ სხვა ფაქტორები, მაგრამ ყველა ამას ადვილად უვლიდნენ გვერდს ისინი, ვინც გლეხთა ექსპლოატაციით ცხოვრობდნენ. მუსლიმანური სამართალი ამ შემთხვევაშიც დიდად იყო დატყვევებული პრაქტიკას. გლეხის გამკითხავი არაფერ იყო. უკიდურეს გაკვირვებამდე მისული გლეხობა ბობოქრობდა, ჯანყდებოდა.

გლეხთა აჯანყებები ანტიფეოდალური ხასიათის მატარებელი იყო, რანდენადაც ეს აჯანყებები ადგილობრივი ფეოდალების წინააღმდეგაც იყო წინარბული. მაგრამ ადგილობრივი ფეოდალები ყველაფერს აკეთებდნენ იმისათვის, რათა გლეხთა ანტიფეოდალური მოძრაობისათვის მათთვის სასურველი მიმართულება მიეცათ, გადაეხარდათ იგი განმათავისუფლებელ ბრძოლაში და გამოეყენებინათ არაბობის წინააღმდეგ.

ომაელთა სახალიფო ფაქტიურად ხორასნის აჯანყებულმა გლეხებმა დაამხვეს, მაგრამ ამით მხოლოდ ირანელმა ფეოდალებმა ისარგებლეს.

VIII ს-ის პირველ ნახევარში ომაელი ხალიფების წინააღმდეგ ფარულად თუ აშკარად მოქმედებდნენ სხედასხვა სოციალური ძალები. გაძლიერდა დაპყრობილ ხალხთა განმათავისუფლებელი ბრძოლა. ბევრგან სოციალური ბრძოლა გადაეჭრო განმათავისუფლებელ ბრძოლას. ომაელთა ხელისუფლების წინააღმდეგ მოქმედებენ მავალები, არაბი მიწისმფლობელები, ადგილობრივი ფეოდალები, გლეხები, ვაჭრები, ხელოსნები, მონები. თვით ჩრდილოეთის და სამხრეთის არაბებს შორის დაუსრულებლად წარმოებული ბრძოლა მარჯვედ განიოყენეს ომაელი ხალიფების მოწინააღმდეგეებმა.

ომაელები ყოველმხრივ იზოლირებული აღმოჩნდნენ. მათი დამარცხების მთავარი მიზეზი ის იყო, რომ სახალიფოს სოციალურ-ეკონომიური განვითარების საფეხური VIII ს-ის პირველ ნახევარში აღარ წეესაბამებოდა არაბთა პოლიტიკურ ორგანიზაციას.

დამახასიათებელია, რომ ომაელი ხალიფების წინააღმდეგ მოქმედებენ ის არაბი ანტირბებიც, რომელნიც თანდათან ადგილობრივი მიწისმფლობელების წრეში აღმოჩნდნენ. ფეოდალიზაციის პროცესის გაძლიერებას არ შეიძლება არ წარეხოცა ზღვარი არაბ და ადგილობრივ მიწისმფლობელებს შორის. ახლა უკვე არაბები არაფეთარ ანგარიშს არ უწევენ ომარ I-ის იმ კანონს, რომელიც სასტიკად კრძალავდა არაბების დაპყრობილი ქვეყნების მიწებზე დაჯდომას, მათს მიწისმფლობელებად გადაქცევას. ამ კანონის მთავარი მიზა-

ნი (არაბების დაპყრობილ ხალხებში ასიმილირების აღკვეთა) მიუღწეველი დარჩა. არაბების მიწისმფლობელობასთან დაკავშირება მყარ საფუძველს უქმნის დეჰყანებთან კავშირს, რაც სათანადო გამოხატულებას პოულობდა საერთო კლასობრივ ინტერესებში.

დეჰყანები ცდილობენ შეინარჩუნონ გადასახადების ის მნიშვნელოვანი ნაწილიც, რომელიც ხალიფას მოხელეებს დამასკოს ხაზინაში მიაქვთ (ამ განზრახვის რეალურად განხორციელება იქცა სახალიფოს სანაპირო ოლქების ეკონომიური დაწინაურების მნიშვნელოვან წყაროდ). ამასვე ცდილობენ ოლქების, ქალაქების და რუსთაყვების ამირები. დეჰყანებმა მარჯვედ გამოიყენეს ხორასანში მომხდარი გლეხთა აჯანყება (747 წ.) აბუ მუსლიმის მეთაურობით. ამ აჯანყებამ, რომელშიაც არაბული ტომებიც მონაწილეობდნენ, დაამხო ომაილთა სახალიფო (750 წ.). აბასელთა სახალიფოს პოლიტიკურ ასპარეზზე დაწინაურდნენ ირანელი და შუააზიელი ფეოდალები.

ფაქტიურად აბასელთა სახალიფოში განახლდა ახალ საზოგადოებრივ ურთიერთობათა განვითარების ის ხაზი, რომელიც VII ს-ში არაბებმა შეწყვიტეს და რომლის სათავე ჩვენ V—VI სს. ირანში დავეინახეთ.

აბასელთა სახალიფოში საყოველთაოდ ვრცელდება ირანული პოლიტიკური ინსტიტუტები (ვეზირის თანამდებობა, მრავალუწყებიანი დივანი), მიწის-მოქმედებასთან ორგანულად დაკავშირებული ირანული ეროვნული დღესასწაულები (ნოვრუზი, შიპრაგანი...), მწერლობა (ფალაურებიდან არაბულად გადათარგმნილი თხზულებები), ტანსაცმელი. თვით სპარსული მენიუც კი. ირანული გავლენის სიმბოლური გამოხატულება იყო ბაღდადის ისლამის მეტროპოლიად გამოცხადება (762 წ.). ბაღდადი გაშენდა ძველი კტეზიფონის მახლობლად. ტიგროსის მარჯვენა ნაპირზე. სახალიფოს პოლიტიკურმა ცენტრმა გადინაცვლა ერაყში, სადაც ადრევე იყო ჩასახული და საკმაოდ განვითარებული ფეოდალური ურთიერთობა.

დეჰყანებმა (მსხვილმა კერძო მიწისმფლობელებმა) მნიშვნელოვნად განამტკიცეს თავიანთი ეკონომიური და პოლიტიკური პოზიციები აბასელთა ანუ ბაღდადის სახალიფოში. VIII ს-ში მასიურად ხდება დეჰყანების გამაჰმადიანება. ისლამი მათთვის მიუღებელი აღარ იყო. ახლად გამაჰმადიანებული არიან, კერძოდ, ყოვლისშემძლე ბარმაქელი ვეზირები. ისლამი დეჰყანებმა თავიანთ კლასობრივ ინტერესებს დაუქვემდებარეს. მათ არაბებს მიიღებინეს არა მარტო ადგილობრივ ნიადაგზე განვითარებული მიწისმფლობელობის წესები, არამედ თვით მათს სარწმუნოებაში შეიტანეს არსებითი ხასიათის ცვლილებები.

VIII ს-ის ისლამი, როგორც მსოფლიო რელიგია, მნიშვნელოვნად განსხვავდებოდა ადრინდელი, საკუთრივ არაბების, ისლამისაგან.

აბასელთა გამარჯვების ხანაში არაბთა სამხედრო შესაძლებლობა ამოწურული იყო. ამიტომ აღმოსავლეთის სახელმწიფოებისათვის საერთოდ დამახასიათებელი სამი უწყებიდან (სამხედრო, საფინანსო და საზოგადოებრივი სამუშაოები) მოქმედებას იწყებს მესამე უწყება (რეპროდუქციის, კლავწარმოების). სახელმწიფოს განსაკუთრებული ყურადღების საგნად ხდება ახალი სარწყავი არხების გაყვანის და მათი მოვლა-შეკეთების საქმე. ახლად დამუშავებული მიწები ზრდის ხარაჯას. ხარაჯა ხდება სახელმწიფოს და მიწის-

მფლობელების შემოსავლის ერთადერთი წყარო, რადგან ამ დროისათვის დაშრეტილი აღმოჩნდა შემოსავლის მთავარი წყარო—ომში მოპოვებული ალაფი და ნადავლი.

აშქარაა სახალიფოს ეკონომიური აღმავლობა VIII ს-ის მეორე ნახევარში. ვითარდება ქალაქები, ვაჭრობა და ხელოსნობა. ძლიერდება ხელოსნობის სოფლის მეურნეობიდან გამოყოფის პროცესი.

ქალაქი სახალიფოში ამიერიდან განუხრელად ადგება ფეოდალური განვითარების გზას.

მთავარი ყურადღება, რა თქმა უნდა, მიიწი და მიწის დამუშავებას მიექცა. VIII ს-ის დამლევს ხალიფების დაკვეთით აბუ იუსუფ იაკუბი წერს ეკონომიურ ტრაქტატს „ქითაბ ალ-ხარაჯ“ („ხარაჯის წიგნი“), სადაც დაწვრილებითაა აღნუსხული მიწათსარგებლობის წესები, გადასახადები და მწარმოებელ საზოგადოებასთან დამოკიდებულების ფორმები.

აბუ იუსუფის, კუდამას (IX ს.) და მავარდის (XI ს.) ეკონომიური ტრაქტატების („ქითაბ ალ-ხარაჯების“) მიხედვით შესაძლებელი ხდება სახალიფოს სოციალურ-ეკონომიური ვითარების გათვალისწინება VIII—IX საუკუნეებში.

§ 3. აბასელთა სახალიფოს სოციალურ-ეკონომიური ვითარება VIII—IX საუკუნეებში

VIII ს-ის შუა წლები არაბთა სახელმწიფოს ცხოვრებაში მეტად მნიშვნელოვანი ცვლილებებით აღინიშნა. „ადრეფეოდალურმა, მრავალწყობიანმა არაბთა სახელმწიფომ გადაიტანა პოლიტიკური კრიზისი, რომელიც აბასელთა გამარჯვებით დამთავრდა“¹. 750 წლის გადატრიალების შედეგად ომაელთა დინასტია აბასელთა დინასტიამ შეცვალა. მაგრამ ეს არ იყო მხოლოდ პოლიტიკური გადატრიალება, დინასტიების უბრალო ცვლა; იგი აღნიშნავდა ღრმა ცვლილებებს როგორც ქვეყნის პოლიტიკურ, ისე საზოგადოებრივ-ეკონომიურ ცხოვრებაში. მას დიდი მნიშვნელობა ჰქონდა სახალიფოს შემდგომი განვითარებისათვის, ფეოდალიზაციის პროცესის დაჩქარებისათვის. ომაელთა სახალიფოს დამხობა ფეოდალიზაციის პროცესის კანონზომიერ შედეგს წარმოადგენდა. იგი გამოწვეული იყო უფრო განვითარებული ფეოდალური ბაზისის შესაბამისი პოლიტიკური წყობილების არსებობის აუცილებლობით. ფეოდალური ურთიერთობის განვითარება მოითხოვდა პოლიტიკური წყობილების შედარებით უფრო განვითარებულ სტადიაზე გადასვლას. ამდენადვე, აბასელთა სახალიფოს სახელმწიფო წყობილება ახალი საფეხური იყო არაბთა სახელმწიფოს განვითარებაში.

აბასელთა გამარჯვების შედეგებმა თავისი გამოხატულება რელიგიის სფეროშიც ჰპოვა. ამ დროს ისლამი მსოფლიო რელიგიად იქცა. წაიშალა განსხვავება არაბ და არაარაბული წარმოშობის მუსლიმანებს შორის. ახლანდელი ფეოდალები ხალისით მაჰმადიანდებიან, რადგან ისლამი ფეოდალური საზოგადოების იდეოლოგიად ხდება. მუსლიმანური ეკლესიის მოწოდება—

¹ И. В. Пигулевская. Проблемы распада рабовладельческого общества и формирования феодальных отношений на Ближнем Востоке, зб. 61.

„მორწმუნენო! დაემორჩილეთ ალლაჰს, დაემორჩილეთ მოციქულს მისას და იმათ თქვენს შორის, ვისაც აქვს ძალაუფლება“ — კლასობრივი ბატონობის იარაღია როგორც არაბი, ისე ირანელი და არაირანელი ფეოდალების ხელში.

ირანული გავლენის შედეგად სწრაფად ვითარდება ფეოდალიზაციის პროცესი. ირანელი ფეოდალები სულ სხვა საზოგადოებრივი ურთიერთობის მატარებელი იყვნენ. ისინი ავითარებენ ექსპლოატაციის იმ ფორმებს, რომლებიც საგრძნობლად განსხვავდებოდა არაბთა გვაროვნული არისტოკრატის ბატონობის დროს არსებული ექსპლოატაციის ფორმებისაგან. ხარკისა და ნადავლის ნაცვლად, რაც ომაელთა ხანაში წარმოადგენდა გაბატონებული კლასის გამდიდრების ძირითად წყაროს, ახლა შემოსავლის მთავარ წყაროდ იქცა რენტა — გადასახადი, რომლის აკრეფა ძირითადად ნატურის სახით წარმოებს.

მაგრამ ფეოდალურ ურთიერთობათა სრულ განვითარებას ბალდადის სახალიფოში მნიშვნელოვან დაბრკოლებას უქმნიდა მონათმფლობელური წყობის გადანაშთები, რომლის შეუფასებლადაც შეუძლებელია აბასელთა სახალიფოს ფეოდალური ურთიერთობის თავისებურების წარმოდგენა.

მონის შრომა ფართოდ იყო გამოყენებული სახალიფოში. მონებს ამუშავებდნენ საზოგადოებრივი შრომის ყველაზე მძიმე უბნებზე: ხელოვნური მორწყვის სისტემაში, ბამბის პლანტაციებზე, მალაროებში, ქაობების ამოშრობაზე, მარილის მოსაპოვებლად და სხვ.

მონის შრომა გამოყენებული იყო აგრეთვე ხელოსნობასა და სოფლის მეურნეობაში. მონები ისხდნენ იმ მიწებზე, რომლებსაც ამუშავებდნენ, ანდა ეწეოდნენ ხელოსნობას. მონის შრომის შემოსავალი მონათმფლობელს მიჰქონდა. მონა ხელოსანი მონათმფლობელს უხდიდა ყოველდღიურ გადასახადს. დარიბას, რომელიც ერთ დირჰემზე ნაკლები თითქმის არასოდეს არ იყო. მონას შეეძლო განთავისუფლებულიყო. განთავისუფლებული მონა იქცეოდა მავალად, მაგრამ არავითარი უფლებებით არ სარგებლობდა.

არსებობდა მიწისმოქმედი და ხელოსანი მონის ექსპლოატაციის სხვა ფორმა: მონათმფლობელი უხდიდა მონას დღეში ერთ დირჰემს, სამაგიეროდ ართმევდა მას შრომის მთელ პროდუქტს.

მონათა რიცხვი სახალიფოში მეტად დიდი იყო. არაბული წყაროების ცნობების მიხედვით სახალიფოს წარჩინებულებს ათასობით მონები ჰყავდათ.

ფართოდ იყო გავრცელებული მონებით ვაჭრობა. სახალიფოს ყველა დიდ ქალაქში, განსაკუთრებით კი ერაყის ქალაქებში, არსებობდა მონათა სპეციალური ბაზრები.

სასტიკი ექსპლოატაციისაგან თავის დასაღწევად მონები ხშირად ერთიანდებოდნენ, გარბოდნენ ან ჯანყდებოდნენ. ასეთი გაქცეული ან აჯანყებული მონებით სავსე იყო სახალიფოს საპატრიარქოები.

ყოველივე ზემომოყვანილი იმაზე მიუთითებს, რომ ეს არ იყო მხოლოდ საოჯახო მონობა. მაგრამ ამავე დროს შეეძლოა იქნებოდა ჩავეთვალა სახალიფო მონათმფლობელურ სახელმწიფოდ. დაწერილებით განიხილავს რა.

მონობის საკითხს სახალიფოში, პროფ. იაკუბოვსკი დაასკვნის: „Однако было бы огромной ошибкой сделать вывод, что халифат был рабовладельческим обществом, ибо анализ остальных сторон общественной жизни определенно вскрывает, что мы имеем дело с действующими феодальными отношениями. Рабство—только уклад, но уклад, имеющий огромное значение для социально-политической и культурной жизни арабского государства“¹.

მონათმფლობელობის ასეთი ძლიერი გადმონაშთები იმაზე მიუთითებს, რომ ფეოდალიზაციის პროცესი სახალიფოში ჯერ კიდევ არაა დამთავრებული და რომ იგი შეიძლება განვითარდეს ფეოდალური წარმოების წინამორბედი ფორმების ლიკვიდაციის ხარჯზე. მართლაც, ერთი იმ არხთაგანი, რომლის მიხედვითაც წარმოებს ფეოდალური ურთიერთობის ზრდა, არის მონების გადაყვანა კოლონებად, როგორც მეიჯარე, ისე ბეგარა ვალდებულ ნიწის დამმუშავეებლებად². იყო მეორე გზაც, რომლის მიხედვითაც ხდებოდა ფეოდალური ურთიერთობის შემდგომი ზრდა. მიწისმოკმედი თენის შიგნით ვითარდება ვარკვეული ტიპის ურთიერთობა, რომელიც მუშარაყას სახელითაა ცნობილი. ესაა მიწის დამმუშავეების ისეთი სისტემა, როდესაც თენის წევრების ერთი ნაწილი უშუალოდ მიწის დამმუშავეებს წარმოადგენს, მეორე კი—სასოფლო-სამეურნეო იარაღის, მუშა საქონლის და თესლის მფლობელია. ასეთი სისტემა თავისთავად კმნის ექსპლოატაციის პირობებს, ვინაიდან იარაღის, მუშა საქონლისა და თესლის მფლობელი პირები შემოსავლის მეტ ნაწილს მოითხოვენ. პროდუქტების გასხვისებას მუშარაყას პირობებში თანდათანობით მოყვა რენტის აღება³.

მნიშვნელოვანი როლი შეასრულა სახალიფოს შემდგომი ფეოდალიზაციის საქმეში იქტას ინსტიტუტმაც.

განვითარების ახალ საფეხურს მიაღწია ამ დროს არაბთა სახელმწიფო წყობილებამაც. აბასელთა სახალიფოს პოლიტიკურმა ორგანიზაციამ ფეოდალური ბაზისის შესაბამისი სახე მიიღო. იგი მუსლიმანური აღმოსავლეთის ფეოდალური წარმონაქმნების სახელმწიფო წყობილების ნიმუშად იქცა.

ახალ ბაზაზე იქნა გამოყენებული სასანიანთა ირანის სახელმწიფო ტრადიციები და გამოცდილება. თავისი ადმინისტრაციულ-ფინანსური სტრუქტურით და მრავალრიცხოვან უწყება-დაწესებულებებით აბასელთა სახალიფო სასანიანთა სახელმწიფოს მოგვაგონებს. მაგრამ, როგორც ვ. ბარტოლდმა მიუთითა თავის დროზე, სახალიფოს სახელმწიფო წყობილება, სასანელთა სახელმწიფო წყობილების განმეორება კი არ იყო, არამედ მისი შემდგომი განვითარება⁴.

¹ А. Ю. Якубовский. Ирак на грани VIII—IX вв., Труды первой сессии арабистов. 1937, № 40.

² А. Ю. Якубовский. Об испольных арендах в Ираке в VIII в., СВ, 1947-IV, № 180.

³ Е. Беляев. Ислам и арабский халифат VII—IX вв., Исторический журнал, 1938, № 7, № 67.

⁴ В. В. Бартольд. Иран, 1926, № 30.

აბასელთა სახალიფოს სათავეში იდგა ხალიფა, რომლის ხელთ იყო მთელი საერო და სასულიერო ძალაუფლება. იგი წარმოადგენდა „ალაჰის აზრდის დედამიწაზე“¹. სახელმწიფოს ხალიფა სხვადასხვა უწყების ანუ დივანის საშუალებით განაგებდა.

პირველი პირი სახელმწიფოში ხალიფას შემდეგ და ამ დაწესებულებათა ფაქტიური ხელმძღვანელი ვეზირი იყო. იგი წარმოადგენდა ხალიფას მოადგილეს საერო დარგში.

ვეზირის სახელისუფლოს საკითხავი იყო ყველა სამოქალაქო და სამხედრო საქმე, ადმინისტრაციის, ფინანსების და ჯარის ზედამხედველობა.

ვეზირი ხელმძღვანელობდა და კონტროლს უწყევდა სახელმწიფოს ყველა ადმინისტრაციულ, საფინანსო და სამეურნეო დაწესებულებას. მას უშუალოდ ექვემდებარებოდა რამდენიმე დივანი. მათ შორის 1) სახელმწიფო ბეჰდის დივანი — კანცელარია, საიდანაც გამოდიოდა სახელმწიფო საბუთები; 2) დოქუმენტთა დივანი — დაწესებულება, რომელიც განაგებდა ბოძების საქმეს და ინპლომატორი მიმოწერას; 3) სახელმწიფო შემოსავლის (ხარაჯას) დივანი — განაგებდა გადასახადების აღრიცხვისა და აკრეფის საქმეს; 4) გასავლის დივანი; 5) გვარდიის დივანი — დაწესებულება, რომელიც უწყევდა სამეურნეო და საფინანსო მომსახურებას ლაშქარს, რომლის მოვალეობას შეადგენდა სასახლისა და ხალიფას პიროვნების დაცვა; 6) აბასელთა ლაშქრის ყველა სხვა სახეობათა დივანი — განაგებდა სახალიფოს ყველა დანარჩენი სამხედრო ძალის სამეურნეო ნაწილს; 7) აუცილებელი მარაგის დივანი — განაგებდა სასახლის მომარაგების საქმეს.

ვეზირის უპირველეს მოვალეობას შეადგენდა გადასახადების აკრეფისათვის თვალყურის დევნება ხალიფასა და სახელმწიფო მიწებიდან.

ვეზირის ხელთ იყო აგრეთვე სახელმწიფო კონტროლის საქმე, რომელსაც იგი ახორციელებდა სპეციალური დაწესებულებების დივან აშ-შურტასა და ბარიდის², საფოსტო სადგურის, საშუალებით.

დივან აშ-შურტას — პოლიციის დივანის — ფუნქციებში შედიოდა მუსლიმანთა მორალის დაცვა, ვაქრობისათვის თვალყურის დევნება.

ბარიდის საშუალებით ვეზირი სახელმწიფო აპარატის საქმიანობის კონტროლსა და სადაზვერვო საქმეს ხელმძღვანელობდა. თავდაპირველად ბარიდის ფუნქციებში შედიოდა სახელმწიფო კორესპონდენციების მიწოდება ცენტრიდან პროვინციებში და, პირუკუ. მასვე ევალებოდა ახლად დანიშნული მოხელეების მიყვანა დანიშნულებისამებრ. ამ დაწესებულების წთავარი მოვალეობა იყო თვალყურის სწავრა და სახელმწიფო მოხელეებზე. ბარიდის უფროსი წარმოადგენდა ცენტრალური ხელისუფლების „თვალსა“ და „უღრს“. მას ჰყავდა ინფორმატორებისა და მეთვალყურეების მთელი შტატი. მეთვალყურე

¹ თავდაპირველად ხალიფა ნიშნავდა მოციქულის მოადგილეს. აბასელების ხანიდან მოყოლებული ხალიფა აღნიშნავს არა მარტო მოციქულის მოადგილეს, არამედ ალაჰის მოადგილესაც.

² აბასელების ბარიდი სასაწესო მსგავსი დაწესებულების შემდგომ განვივარებას წარმოადგენს.

მოხელეებს რეგულარულად უნდა მიეწოდებინათ ცნობები მოხელეთა საქმიანობის, ადგილობრივი მოსახლეობის განწყობილების, მიწისმოქმედებისა და ხელოვნური მორწყვის სისტემის მდგომარეობის, ზარაფხანებისა და მოჭრილი ოქროსა და ვერცხლის ფულის რაოდენობის შესახებ¹. მთავარი ფოსტის (ალ-ბარიდის) უფროსი პროვინციების ფოსტის უფროსების მიერ მოწოდებული ცნობების საფუძველზე მოხსენებას უკეთებდა ვეზირს. ჰარუნ არ-რაშიდის დროს ამ უწყებამ ძირფესვიანი რეორგანიზაცია განიცადა. ამ ხანიდან „საპიბ ალ-ბარიდის“ უშუალოდ ხალიფას ემორჩილება².

ვეზირი განუსაზღვრელი უფლებებით სარგებლობდა. იგი დამოუკიდებლად წყვეტდა მნიშვნელოვან სახელმწიფო საქმეებს. ხსნიდა და ნიშნავდა მოხელეებს, სარდლებს და ვალდებული იყო გადაწყვეტილებები მხოლოდ ხალიფასათვის მოეხსენებინა. იყო შემთხვევები, როცა ვეზირი ხალიფას დაუთხოვად წყვეტდა მეტად მნიშვნელოვან საქმეებს. გარკვეულად შეიზღუდა ვეზირის უფლებები ჰარუნ არ-რაშიდის დროს, ხოლო ხალიფა მუთასიმის დროიდან მას უპირისპირდება ამირ ალ-უმარა (თურქი სარდალი), რომელიც X საუკუნეში ვეზირის ადგილს იკავებს სახალიფოში.

სასულიერო დარგში ხალიფას მოადგილედ ითვლებოდა კადი ალ-კუდათი, მთავარი ყადი, რომლის ხელთ იყო სასამართლო და განათლების საქმე. აბასელთა რელიგიურ პოლიტიკასთან დაკავშირებით მთავარი ყადი მეტად მნიშვნელოვანი ფიგურა იყო სახალიფოში.

სახალიფოს განვითარებულ ეკონომიურ და სოციალურ ურთიერთობათა პირობებში შეუთავსებელი აღმოჩნდა მუჰამედის დროინდელი წესები. აბასელები კი, ომაელებისაგან განსხვავებით, თეოკრატიული სახელმწიფოს იდეას უპერდინენ მხარს, რათა მუჰამედის ჩამომავლობის აღნიშვნით განემტკიცებინათ თავიანთი ბატონობა. ამიტომ საჭირო გახდა ახალი (ფეოდალური განვითარების შედეგად მიღებული) მოვლენების მუჰამედის სუნასა და ისლამის რელიგიის მოთხოვნებთან შეხამება. მუჰამედის დროინდელად გასაღებული ჰადისების (გადმოცემების) საშუალებით განიხილებოდა მიწათმფლობელობის და მიწათსარგებლობის, გადასახადების და საგადასახადო სისტემის, იქტას ინსტიტუტის და გლეხთა ექსპლოატაციის პრაქტიკა. სწორედ ამიტომ კადი ალ-კუდათის თანამდებობას განსაკუთრებული მნიშვნელობა მიენიჭა.

მთავარ ყადის ემორჩილებოდნენ ქალაქების და პროვინციების ყადიები. კადი ალ-კუდათის ყოველწლიური შემოსავალი ოდენობით ვეზირის ყოველწლიურ შემოსავალს უტოლდებოდა.

სახალიფოს პროვინციული მმართველები ახლაც ამირები იყვნენ. ამირები განაგებდნენ ქალაქებს, რუსთაქებს, ქვეყნებს. მათ ემორჩილებოდა მოხელეთა მრავალრიცხოვანი შტატი, რომელთა შორის განსაკუთრებით აღსანიშნავია ამილები—ხარაჯას ამკრეფი მოხელეები.

აბასელთა სახელმწიფო, როგორც გაბატონებული ფეოდალური კლასის პოლიტიკური ორგანიზაცია, ყველა პირობას ქმნიდა მწარმოებელთა ექსპლოატაციის უზრუნველსაყოფად.

¹ A. Мюллер. История ислама, II, гл. 151.

² Ph. Hitti. History of the Arabs, 1946, гл. 323.

განსაკუთრებული მნიშვნელობა მიენიჭა „სათინანსო უწყებას“, რომლის როლი „სამხედრო უწყების“ მოქმედების შესუსტებასთან ერთად კიდევ უფრო გაიზარდა. დაპყრობითი ომების წარმოების შესაძლებლობა აბასელთა სახალიფოში ამოწურული იყო. აბასელთა დაპყრობები მხოლოდ ცალკეულ ლაშქრობათა ხასიათს ატარებს, რომელთა მიზანია სახალიფოს ძველი ტერიტორიების შემომტყეობა. ხარკი და ნადავლი სახალიფოს შემოსავლის ძირითადი წყარო აღარაა. სახელმწიფო ხაზინის შევსება ახლა მხოლოდ გადასახადების ხარჯზე ხდება. გადასახადები სახელმწიფოს შემოსავლის ძირითად წყაროდ იქცა. არაბული გადასახადების უდიდესი ნაწილი დაპყრობილ მოსახლეობას დააწვა მხარზე.

სახელმწიფო ბიუჯეტის ყველაზე მნიშვნელოვანი და ყველაზე მყარი წყარო მიწაზე დაწესებული გადასახადებია. ამიტომ აბასელი ხალიფები ყოველგვარი ღონისძიებით ცდილობენ მიწისმოქმედი მოსახლეობის გადასახადისუნარიანობის გადიდებას. პირველი აბასელი ხალიფები ატარებენ გარკვეულ საგადასახადო რეფორმას, რაც მალა სწევს მოსახლეობის დაინტერესებას სოფლის მეურნეობით და ზრდის ხარაჯის ოდენობას. განსაკუთრებული ყურადღება ექცევა სახალიფოს შიდა რაიონებს, რომლებიც გამოირჩევიან სიმდიდრით. ასეთია უპირველეს ყოვლისა ერაყი, სახალიფოს ყველაზე მდიდარი ოლქი, დასერილი უამრავი სარწყავი არხებით, მოფენილი ბაღებით, პალმებით, ბამბისა და ბრინჯის ნათესებით. ერაყიდან შემოდიოდა სახელმწიფო შემოსავლის 35%. ასევე დიდი შემოსავალი მოქონდა სახალიფოსათვის ირანულ პროვინციებს, განსაკუთრებით ხორასანსა და ხუზისტანს.

პირველი აბასელი ხალიფების დროს გაძლიერებულად მოქმედებს „საზოგადოებრივ სამუშაოთა უწყება“, რაც თავის მხრივ ხელს უწყობს საწარმოო ძალთა განვითარებას. მიწისმოქმედებისა და ხელოსნობის განვითარებასთან ერთად მნიშვნელოვნად ცხოველდება გაცულა-გამოცულა, როგორც ქვეყნის შიგნით, ისე მეზობელ ქვეყნებთან. ვითარდება ვაჭრობა, იზრდება ქალაქების რაოდენობა, რთულდება საქალაქო ცხოვრება. არაბული ქალაქები ამ დროს წარმოადგენენ მნიშვნელოვან ეკონომიურ და კულტურულ ცენტრებს. არაბი ვაჭრები დაკავშირებულნი იყვნენ მსოფლიოს ყველა მნიშვნელოვან სავაჭრო ცენტრებთან, ქალაქებთან, ნავსადგურებთან. სახალიფო აწარმოებდა ვაჭრობას ინდოეთთან, ჩინეთთან, რუსეთთან, აღმ. აფრიკასთან, სახელმწიფო დიდძალ შემოსავალს იღებდა საგარეო ვაჭრობიდან. სახალიფოს ეკონომიური და კულტურული აღმავლობა დამახასიათებელია განსაკუთრებით VIII ს-ის მეორე ნახევრისათვის.

სახალიფოს ეკონომიურ ძლიერებას მოწმობს აღებული ხანის სახალიფოს ბიუჯეტი, რომელიც ძირითადად გადასახადებისაგან შედგებოდა. VIII—IX ს. მიჯნაზე სახალიფოს საერთო შემოსავალი 530.312.000 დირჰემს უდრიდა. აქედან 125.533.000 ოქროთი (5.706.000 დინარი), დანარჩენი 404.730.000 ვერცხლით შემოდიოდა¹. ამას გარდა, შემოდიოდა აუარებელი აღ-

¹ A. Kremer. Über das Budget der Einnahmen unter der Regierung des Harun ar-Rasid, Wien, 1887; როზენის რეცენზია დასახელებულ შრომაზე, ЗВУ, т. IV, вып. 1—2, 1889, стр. 130.

გილობრივი პროდუქტი ნატურის სახით, რომლის გამოთვლაც კირს: ქსოვილები, ტანსაცმელი, ნიხები, ფრინველები, ცხოველები, ცხენები, აქლემები, სპილოები, თევზები, თაფლი, ნიგოზი, შაქარი და სხვა.

ყველაფერი ეს დაფუნდებული იყო არაბულ ხარკსა და გადასახადებზე. აბასელთა სახალიფოს ძლიერება და ეკონომიური აღმავლობა გაპირობებული იყო მწარმოებელი საზოგადოების ექსპლოატაციით.

მიწის საკუთრების ფეოდალურ ფორმებში განვითარება უზრუნველყოფდა და განამტკიცებდა ფეოდალების ძალაუფლებას, უზრუნველყოფდა ფეოდალებზე მწარმოებლების დამოკიდებულებას და მათ მიმართ გარეეკონომიური იძულების გამოყენებას.

ა. მიწისმფლობელობის კატეგორიები

არაბული საისტორიო წყაროებისა და საკანონმდებლო ძეგლების საფუძველზე სახალიფოში ძირითადად მიწისმფლობელობის ხუთი სახეობის გამოყოფა შესაძლებელია:

1. სახელმწიფო მიწები.
2. ხალიფასა და მისი სახლის წევრების მიწები (სულთნის „ჰამული“).
3. მუსლიმანური ეკლესიის მიწები („ვაკუფები“).
4. კერძო საკუთრების მიწები („მულქი“ ანუ „მილქი“).
5. სათემო მიწები.

სახელმწიფო საკუთრება მიწაზე არ გამოირიცხავდა სხვა პირთა მფლობელობით უფლებას ამავე მიწაზე. როგორც კ. მარქსი შენიშნავს „სახელმწიფო აქ (აღმოსავლეთში—ე. ს.) მიწის უზენაესი მესაკუთრეა, სუვერენიტეტი აქ ნაციონალური მასშტაბით კონცენტრირებული მიწის საკუთრებაა. სამაგიეროდ ამ შემთხვევაში არ არსებობს არავითარი კერძო მიწის საკუთრება, თუმცა არსებობს როგორც კერძო, ისე თემური მფლობელობა და სარგებლობა მიწისა“¹.

მიწით სარგებლობა არ იყო გათიშული წყლით სარგებლობისაგან.

აღმოსავლეთში მიწა ხოლოდ რწყვის საშუალებით ხდება გამოსადეგი მიწისმოქმედებისათვის. „მიწისმოქმედების პირველ პირობას აქ ხელოვნური მორწყვა წარმოადგენს“². ამიტომაც მიწების მორწყვის ორგანიზაცია აღმოსავლეთში ხელისუფლების ერთ-ერთი ძირითადი მოვალეობათაგანი იყო. სახელმწიფოს მბრძანებელი, როგორც ენგელსი შენიშნავს, უწინარეს ყოვლისა, მინდვრების მთავარი მომწესრიგებელი იყო, რადგანაც „მოურწყავად იქ შეუძლებელია მიწისმოქმედება“³.

აბასელებმა განსაკუთრებული ყურადღება მიაქციეს სარწყავ არხებს და მიწის მორწყვის სხვა საშუალებების ორგანიზაციას. ხალიფა მანსურიდან

¹ კ. მარქსი. კაპიტალი, ტ. III, ნაწ. II, 1934, გვ. 310.

² კ. მარქსი, ფ. ენგელსი. რჩეული წერილები, გვ. 75.

³ ენგელსი. ანტი-დიურიხი, გვ. 212.

მოკიდებული ეს საკითხი სახელმწიფოს ერთ-ერთი მთავარი საზრუნავი გახდა. ამასთან მკიდროდ იყო დაკავშირებული განვითარება საზოგადოებრივ სამუშაოთა უწყებისა, რომელიც განსაკუთრებით გაძლიერებულად მოქმედებს აბასელების დროს.

დიდი მაგისტრალური არხების შესაკუთრედ სახელმწიფო ითვლებოდა. მასვე ეკუთვნოდა ხშირად წვრილი სარწყავი არხებიც. ამ არხებისათვის თვალყურის დევნება და წესრიგში მოყვანა სახელმწიფოსვე ევალებოდა. რაც შეეხება კერძო საკუთრების არხებს, მათზე მთლიანად ერცელებოდა მფლობელის უფლებები.

სახელმწიფო მიწები — მიწების უდიდესი ნაწილი სახელმწიფოს განკარგულებაში იყო. აბუ იუსუფის „ქითაბ ალ-ხარაჯში“ ეს მიწები აღნიშნულია ტერიმინით „კატაიცი“. ერაყში მათ სხვანაირად „საეაფისაც“ უწოდებდნენ. არაბთა სახელმწიფოს მიწების ეს ფონდი შედგა ხოსროს (სასანელი შაჰინშაჰის) და მისი ოჯახის წევრების, მარზანების, ბრძოლაში მოკლულ ან მტრის ტერიტორიაზე გაქცეულ პირთა კუთვნილი მიწებისაგან. ასევე ყველა ამომშრალი, ქაობიანი, სილიანი, წყლით დაფარული ადგილებისა და ტყეებისაგან, რომლებიც არავის საკუთრებას არ წარმოადგენდა. ეს მიწები ჯერ კიდევ ომარ I-მა აქცია სახელმწიფო მიწებად. ისინი განიხილებოდა როგორც ნადავლი — ფაი და ამის საფუძველზე წარმოადგენდა მუსლიმთა თემის საერთო საკუთრებას.

სახელმწიფო მიწების რიცხვში შედიოდა აგრეთვე ის 1/5, რომელიც დაპყრობილ ტერიტორიაზე ნადავლის გაყოფის, შედგად სახელმწიფო ხაზინას წილში რჩებოდა ხოლმე. დაპყრობილ ტერიტორიაზე ხალიფას შეეძლო გაეყო მიწები დამპყრობელთა შორის როგორც ნადავლი, გამოყოფდა რა 1/5-ს სახელმწიფო ხაზინისათვის. მაგრამ ხალიფები გარკვეული მოსაზრებებით ერიდებოდნენ მიწების გაყოფას, რის გამოც ასეთი მიწები სახელმწიფო მიწების მცირე ნაწილს შეადგენდა.

სახელმწიფო მიწების რიცხვს განეკუთვნებოდა ე. წ. მკვდარი მიწები (მავათი). მკვდარი ისეთი მიწაა, რომელზედაც არა ჩანს დამუშავების კვალი, არაა ზედ აგებული შენობა, არ წარმოადგენს არავის საკუთრებას და არც არავის მფლობელობაში არ იმყოფება¹. მკვდარ მიწას უტოლდება აგრეთვე ის ტერიტორია, რომელიც ქალაქს გარეთ მდებარეობს. ასევე წყლის გათხელების შედეგად ტივროსსა და ევფრატში გაჩენილი კუნძულები.

სახელმწიფო მიწები ძირითადად იჯარის წესით მუშავდებოდა ანდა გაიცემოდა მფლობელობაში იქტას სახით.

სახალიფოში იქტა აღნიშნავდა: 1. მიწის გაცემას გარკვეული გადასახადის პირობით, 2. მიწის შემოსავლის გაცემას ჯამაგირის ან პენსიის სახით. პირველ შემთხვევაში გაიცემოდა მიწა, რომელიც არ იყო კერძო მფლობელობაში. სამაგიეროდ მიწის მიძღვნილი იხდიდა მიწაზე დაწესებულ გარკვეულ გადასახადს — ბარაჯას ან უშრს. მეორე შემთხვევაში კი გაიცემოდა მიწის შემოსავალი, როგორც სახელმ-

¹ აბუ იუსუფი, გვ. 76.

წიფო ხაზინის მიერ გარკვეული თანხის გადახდის გარანტია. თანდათან იკტას ცნება გაფართოვდა და იხმარებოდა სხვადასხვა მნიშვნელობით. მაგ., გადასახადების, ბაჟების, არხებსა და მდინარეებზე გამოსაღების აკრეფის უფლების იჯარით გაცემის მნიშვნელობით. უფრო გვიან კი იკტამ მიიღო განსაკუთრებული მნიშვნელობა. იგი „სამხედრო ლენის“ აღმნიშვნელ ტერმინად იქცა¹.

იკტას შესახებ მეტად საინტერესო ცნობებს შეიცავს აბუ იუსუფის „ქითაბ ალ-ხარაჯი“. წიგნში განხილულია მხოლოდ მიწის გაცემა სამხედრო ან სამოქალაქო სამსახურისათვის, ასევე გარკვეული დამსახურებისათვის, გადასახადის—ხარაჯის ან უშრის—გადახდის პირობით, რომელსაც ამ მიწებზე აწესებს სახელმწიფო და კრეფს სახელმწიფო მოხელე. აბუ იუსუფის ცნობების მიხედვით ირკვევა, რომ იკტას სახით მიწის გაცემა ძირითადად მკვლარი მიწების, მავათების, ხარჯზე ხდებოდა. მავათი, რომელიც ეძლეოდა გარკვეულ პირს, დამუშავებული უნდა ყოფილიყო სამი წლის განმავლობაში, წინააღმდეგ შემთხვევაში მიწის მფლობელი კარგავდა ამ მიწაზე უფლებას.

აბუ იუსუფის ნაშრომში იკტას მიწები გაგებულია როგორც ქონება, რომლის ყიდვა-გაყიდვა და მემკვიდრეობით გადაცემა შეიძლება. წიგნში მოტანილია იკტას ყიდვა-გაყიდვის მაგალითები.² აბუ იუსუფის მიხედვით არავის არა აქვს უფლება წაართვას იკტა მას, ვინც მიიღო იგი მემკვიდრეობით ანდა იყიდა³. აბუ იუსუფის თვალსაზრისით ასეთი მიწა მფლობელის მეტ დანატერყვებას იწვევს და მეურნეობის განვითარებისათვის ხელსაყრელ პირობებს ქმნის.

საჩუქრად გაცემული მიწა უტოლდება ფულს ასევე საჩუქრად გაცემულს. აბუ იუსუფს უკეთესად მიაჩნია მიწის გაცემა, რადგანაც, ერთის მხრივ, ეს ხელს უწყობს მეურნეობის განვითარებას ხოლო, მეორეს მხრივ, სახელმწიფო ხაზინას ათავისუფლებს ფულის გაცემისაგან. „მიწა,—წერს აბუ იუსუფი,—ჩემის აზრით, იგივეა, რაც ფული (ქონება). იმამს აქვს უფლება აჩუქოს სახელმწიფო ხაზინიდან ფული მათ, ვინც მოტანს ისლამს სარგებლობას და რომელთა საშუალებითაც შეიძლება მტერს გაუსწორდეს. ამ შემთხვევაში იმამი აკეთებს იმას, რაშიც ხედავს მეტ სარგებელს მუსლიმანებისათვის და [რაც მიაჩნია] უკეთესად მათი [საერთო] საქმისათვის“⁴.

აბუ იუსუფის მიხედვით იკტას აძლევენ მათ, ვისაც რაიმე დამსახურება ნიუძლოდა ისლამის წინაშე, ანდა მათ, რომელთაც შეეძლოთ მტრის დამარცხება⁵, ე. ი. იკტას მიღება შეეძლო სახალიფოში ყველა პირს, ვინც რაიმე სამსახურს ასრულებდა—სამოქალაქოს თუ სამხედროს. ამავე დროს სამსახური არ იყო აუცილებელი პირობა. იკტას სახით მიწის მიღება რაიმე დამსახურებისათვისაც იყო შესაძლებელი.

იკტას მფლობელი წიგნში საპიბ ალ-იკტაჟის სახელითაა მოხსენიებული. საინტერესოა, რომ იკტას მფლობელის აღმნიშვნელი უფ-

¹ E. J. O. II, გვ. 491.

² აბუ იუსუფი, გვ. 73.

³ იქვე, გვ. 72.

⁴ იქვე.

⁵ იქვე.

რო გვიანდელი ტერმინი მუქტაცე „ქითაბ ალ-ხარაჯში“ არა გვხვდება. მუქტაცის მოუხსენებლობა, უკეთ ტერმინის არარსებობა, არ შეიძლება ყურადღებას არ იქცევდეს. აღნიშნული გარემოება იმაზე უნდა მიუთითებდეს, რომ მიწისმფლობელობის ეს წესი აბასელთა სახალიფოში ჩამოყალიბების პროცესში იმყოფება.

IX საუკუნის დამდეგისათვის იქტა აღნიშნავს მიწის ბოძებას სამხედრო ან სამოქალაქო სამსახურისათვის, ანდა გარკვეული დამსახურებისათვის. იქტას სახით გაცემული მიწა მემკვიდრეობით გადაიცემა, შეიძლება მისი ყიდვა-გაყიდვა. ამ სახით მიწა მფლობელის ქონებას წარმოადგენს, მაგრამ მფლობელი ვალდებულია გადაიხადოს გარკვეული გადასახადი, რომელსაც ამ მიწაზე სახელმწიფო აწესებს და რომელსაც სახელმწიფო მოხელე კრეფს. ფეოდალური იმუნიტეტისათვის ამ დროს არავითარი პირობა არ არსებობს. ამას გამოორიცხავს გაბატონებული მიწისმფლობელობის წესი.

მიწის შემოსავლის გაცემა იქტას სახით უფრო გვიანდელი მოვლენაა და, ჩანს, აბუ იუსუფის დროს არც თეორიაში და არც პრაქტიკაში არ არსებობდა.

სულთნის მიწები — ეკუთვნოდა სულთანსა და მისი სახლის წევრებს. სულთნის მიწებიდან შემოსავალი მიდიოდა არა სახელმწიფო ხაზინაში „ბაით ალ-მალში“, არამედ ხალიფას პირად სალაროში.

აბუ იუსუფთან ვკითხულობთ: „არსებობდა აზრთა სხვადასხვაობა იმის შესახებ, აიღონ ნატურით თუ ღირჰემებით ის გადასახადი, რომელიც ეკუთვნის სულთანს, ანდა შედის სახელმწიფო ხაზინაში“¹. აქ, როგორც ვხედავთ, იგულისხმება შემოსავალი, ერთის მხრივ, სულთნის მიწებიდან და, მეორეს მხრივ, სახელმწიფო მიწებიდან. მაგრამ სულთნის მიწების ცალკე კატეგორიად გამოყოფას აბუ იუსუფთან არ ვხვდებით. მართალია აბუ იუსუფი წერს: „ზარალი ადგება სულთანს² და ხარაჯის გადამხდელებს“³, „მოსავალი ორივე მხარისათვის, რაც ეკუთვნის სულთანს და მიწის მუშას, უნდა აიზომოს ერთნაირი საზომით“⁴, მაგრამ აქ ერთნაირად შეიძლება იგულისხმებოდეს როგორც სახელმწიფო მიწა, რომლის უზენაესი გამგებელი სულთანია (ე. ი. — ხალიფა), ასევე სულთნის მიწებიც, რომელთა მესაკუთრე აგრეთვე ხალიფაა.

ის გარემოება, რომ წიგნში სულთნის მიწები ცალკე კატეგორიად არ გამოიყოფა, ადვილი ასახსნელია. მუსლიმანურ სამართალში სულთნის მიწები ჩვეულებრივ სახელმწიფო მიწებთანაა გაიგივებული. ამ კატეგორიის მიწები შეადგენდნენ მიწების უზარმაზარ ფონდს, რომელიც სახელმწიფოს ეკუთვნოდა და რომელთა უზენაესი მფლობელი ხალიფა იყო. განსხვავება მხოლოდ იმაში მდგომარეობდა, რომ შემოსავალი სახელმწიფო მიწებიდან მიდიოდა სახელმწიფო ხაზინაში და იხარჯებოდა სახელმწიფო აპარატისა და ჯარის

¹ აბუ იუსუფი, გვ. 57.

² ამ შემთხვევაში იგულისხმება ხალიფა — სახალიფოს უზენაესი მბრძანებელი.

³ აბუ იუსუფი, გვ. 130.

⁴ იქვე.

შესანახავად, ხოლო სულთნის მიწებიდან მიღებული შემოსავალი ხმარდებოდა ხალიფას სასახლის საქიროებებს. გარკვეული ხანიდან მათი მართვა ორ სხვადასხვა უწყებას დაეკისრა¹. აღებულ ხანაში კი დასახელებული კატეგორიის მიწებს ერთი დივანი „ხარაჯის დივანი“ განაგებდა.

ვაკუფი — ვაკუფი მუსლიმანური ეკლესიის საკუთრებას წარმოადგენდა. შემოსავალიც ამ მიწებიდან მუსლიმანური ეკლესიის განკარგულებაში მიდიოდა და ხმარდებოდა მუსლიმანურ-სამღვდელთობას, აგრეთვე სასტუმროების, ფუნდუკების, საქარავნო გზების, სავადმყოფოების და სხვა საქველმოქმედო დაწესებულების შენახვას. ხშირად ვაკუფის ხარჯზე ინახავდნენ აგრეთვე ლაზიების (სარწმუნოებისათვის მებრძოლთა) რაზმებს. ვაკუფის კონფისკაცია არ შეიძლებოდა. რადგანაც ვაკუფზე არც გადასახადი იყო შეწერილი და არც მისი კონფისკაცია შეიძლებოდა, გარკვეული ხანიდან გაერკვლა მიწების ფიქტიურად შეწირვა ვაკუფად. ასეთ შემთხვევაში შემოსავლით სარგებლობდა მუსლიმანური ეკლესიაც და ვაკუფის შემწირველიც.

კერძო საკუთრების მიწები — მულქი. კერძო საკუთრების მიწებს მულქი ან მილქი ეწოდებოდა. ამ კატეგორიის მიწები არსებობდა სახალიფოს ჩამოყალიბების პირველი დღიდანვე.

მულქი ფეოდალური მიწისმფლობელობის დანარჩენი კატეგორიებიდან ორი ნიშნით განსხვავდებოდა: 1. შეიძლებოდა ამ მიწების ყიდვა-გაყიდვა, გასხვისება და მემკვიდრეობით გადაცემა; 2. მულქის მფლობელობა დაკავშირებული არ იყო სამსახურის აუცილებლობასთან.

მულქი გადასახადებისაგან არ იყო თავისუფალი. საგადასახადო ნიშნის მიხედვით განირჩეოდა ორი სახის მულქი: სახარაჯო ან უშრის. მაგრამ მფლობელობის უფლება ორსავე შემთხვევაში ერთგვარი იყო.

მულქის პატრონს განუსაზღვრელი უფლებები ჰქონდა თავისი მიწის ნაკვეთზე. ამავე დროს იგი მორწყვის საშუალებების მესაკუთრეც იყო. მას ეკუთვნოდა მიწაცა და წყალიც. მულქის მიწებზე სარწყავი საშუალებები: პატარა არხები: მიწისქვეშა (კუნია) და მიწისზედა (ნაჰრი) ჰები (ბი'რი), წყაროები (ქანი) მულქის პატრონის საკუთრებად ითვლებოდა.

მულქი როგორც წესი მემკვიდრეობით გადაიცემოდა. როცა მულქის პატრონი გარდაიცვლებოდა ისე, რომ მემკვიდრე არ რჩებოდა, მიწა სახელმწიფო ხაზინაში გადადიოდა², მაგრამ როგორც კი მულქს კანონიერი მემკვიდრე გამოუჩნდებოდა, მიწას მას უბრუნებდნენ. მულქი ხანდაზმულობის ვადას არ ექვემდებარებოდა. თუ ვინმე ძალადობით ჩაიგდებდა მულქს ხელში, რამდენ ხანსაც არ უნდა ჰქონოდა იგი მას, კანონიერ მემკვიდრეს რამდენიმე თაობის შემდეგაც შეეძლო დაებრუნებინა. მემკვიდრეობის უფლებაზე ხელის აღებინება არ შეიძლებოდა³.

მულქის ტერიტორიაზე პატრონი რასაც უნდოდა იმას მოიმოქმედებდა და არაფერზე პასუხს არ აგებდა, რადგანაც მას თავის მიწაზე ყველაფრის

¹ დივანს და დარგასს.

² აბუ იუსუფი, გვ. 220.

³ იქვე.

უფლება ჰქონდა. მულქის პატრონს შეეძლო იჯარით გაეცა თავისი მიწა, ანდა გაეყიდა. ასეთი მიწის ყიდვა-გაყიდვა სახალიფოში კარგად ცნობილი ფაქტია. აბასელთა ხანის წყაროებში ვხვდებით მრავალ ცნობას მიწის ყიდვა-გაყიდვის შესახებ. ყიდვა-გაყიდვის დროს არ შეიძლებოდა გადასახადის შეცვლა. ნაყიდი მიწა იხდიდა იმავე გადასახადს, რასაც გაყიდვამდე¹.

რადგანაც მიწა იყიდებოდა, არსებობდა მყიდველიც, რომელსაც ფული გააჩნდა. სახალიფოში ასეთი ძირითადად ვაჭარი იყო. აბასელთა ხანის წყაროებში ვხვდებით ვაჭარ მიწისმფლობელს, რომელმაც ასეთი გზით, ყიდვით, შეიძინა „მამული“ (არაბული წყაროების დიყათი ან დიყატი). მსხვილი ვაჭარი იგივე მსხვილი მიწისმფლობელია², ე. ი. ფაქტიურად იქცევა ფეოდალად და იყენებს გარეეკონომიური იძულების იმ ფორმას, რაც აღებული ხანის ფეოდალური ურთიერთობისათვისაა დამახასიათებელი. აბასელთა ხანისათვის ეს საკმაოდ ხშირი მოვლენაა. მაგრამ მულქი მიწისმფლობელობის დანარჩენ კატეგორიებთან შედარებით მეტად სუსტად იყო განვითარებული.

კერძო მიწის ნაკვეთების აღსანიშნავად სახალიფოში იხმარებოდა აგრეთვე ტერმინები კატაიცი და დიყატი. კატაიცი ჩვეულებრივ წერილ და საშუალო მიწის ნაკვეთებს ეწოდებოდა, დიყატი კი უფრო მსხვილს. დიყატი პრივილეგირებული მიწები იყო. ისინი, როგორც წესი, უშრს იხდიდნენ. ზოგჯერ კი სრულიად თავისუფლებოდნენ გადასახადისაგან³. საშუალო და წერილ მიწის ნაკვეთებზე კი ხარაჯა იყო დაწესებული.

დროთა განმავლობაში წერილი მიწის საკუთრება თანდათან მცირდებოდა და მის ხარჯზე იზრდებოდა მსხვილი მიწისმფლობელობა, იზრდებოდა დიყატი რიცხვი. ამ თვალსაზრისით მეტად საინტერესოა როზენის მიერ მოცემული წერილი და მსხვილი მიწისმფლობელობის დახასიათება, რომელიც X საუკუნის დასაწყისს ეხება⁴: „Мелкий собственник был совершенно в руках местной администрации, которая его грабила нещадно, обогащаясь безнаказанно за его счет. Но крупный собственник, с большими или меньшими связями при дворе или во влиятельных военных и чиновных сферах всегда мог рассчитывать на них, и чем слабее становилась центральная власть халифа, тем эти выгоды больше.“

Благодаря этому стремлению к приобретению больших пространств земли образовалось множество крупных поместий, латифундий, дай'а, множ. ч. дийа', и число мелких собственников сокращалось все более и более; они превращались в фермеров или простых рабочих, батраков, или уходили в большие города, усиливая городской пролетариат. Бесправность и необеспеченность мелких владельцев доходили до того, что они иногда свои земли как бы переписывали на имя

¹ აბუ იუსუფი, გვ. 103.

² А. Ю. Якубовский. Ирак на грани VIII—IX вв., гл. 46.

³ აბუ იუსუფი, გვ. 147.

⁴ იხ. როზენის რეცენზია კრემერის შრომაზე: „Über das Einnahmehbudget des Abbasidenreiches von Jahre 806 H (918—919)“, ZBO, IV, вып. I—II, 1889.

какогонибудь вельможи, по взаимному с ним договору, чем достигалось значительное понижение податей и повинностей, ибо власть имущие классы заботились о том, чтобы с их крупных земельных владений поземельная подать взималась не только без переборов, но в меньших размерах против законной нормы¹.

როზენი საკმაოდ ზუსტად გადმოგვცემს მსხვილი მიწისმფლობელობის ზრდის სურათს წერილი და საშუალო მიწისმფლობელობის ხარჯზე, მიუხედავად იმისა, რომ იგი მიმართავს ზოგიერთი სოციალური ტერმინის მოდერნიზაციას. მას შემჩნეული აქვს მსხვილი მიწისმფლობელობის გაძლიერება და წერილ და საშუალო მიწისმფლობელთა თანდათანობითი გაქრობა, მათი დაკაბალება. ყველაფერი ეს სახალიფოს შემდგომი ფეოდალიზაციის შედეგი იყო. VIII საუკუნის ბოლოს ეს პროცესი უკვე დაწყებულია და ქვეყნის განვითარებაც მხოლოდ ერთი მიმართულებით მიდის—ფეოდალიზმის განმტკიცებისაკენ, რასაც მყარ საფუძველს უქმნის მიწის ფეოდალური საკუთრების ფორმების შემდგომი განვითარება.

სათემო მიწები. ცალკე კატეგორიად შეიძლება გამოვყოთ მიწები, რომლებიც სასოფლო თემს ეკუთვნოდა: საძოვრები, ადგილები სასაფლაოებისთვის და სხვ. ეს მიწები სოფლის მცხოვრებთა (აჰლ ალ-კარჯათი) საკუთრებად ითვლებოდა და უტოლდებოდა მულქს. მულქის მსგავსად წარმოებდა თემის მიწების ყიდვა-გაყიდვა და მემკვიდრეობით გადაცემა. მიუხედავად ამისა თემის მიწები მულქისაგან რამდენადმე განსხვავდებოდა. საყვები ბალახის არც გაყიდვა, არც იჯარით გაცემა არ შეიძლებოდა, რადგანაც იგი თემის მიწაზე იყო და საერთო საკუთრებად ითვლებოდა. თემის ყველა წევრი თანასწორუფლებიანი იყო ესარგებლა საძოვრებითა და წყლით სასმელად. მაგრამ მოსარწყავად წყლით სარგებლობისათვის საჭირო იყო თემის წევრთა საერთო თანხმობა, წინააღმდეგ შემთხვევაში წყლით სარგებლობა არ შეიძლებოდა. სხვა სოფლის მცხოვრებლებსაც შეეძლოთ ესარგებლათ მეზობელი თემის მიწებით იმ შემთხვევაში, თუკი ეს ზიანს არ მოუტანდა ამ თემის მცხოვრებლებს.

ფეოდალური ურთიერთობის განვითარებასთან ერთად სულ უფრო და უფრო მცირდებოდა სასოფლო თემის მიწები. სათემო მიწების დატაცება ფეოდალების მიერ ჩვეულებრივი მოვლენა იყო. მაგრამ სახელმწიფო მიწისმფლობელობის პირობებში თემმა მაინც შემოინახა თავი როგორც ფისკალურმა ერთეულმა.

ბ. არაბული გადასახადები

VII—VIII სს. სახალიფოში ძირითადად ოთხი გადასახადი არსებობდა: ჯიზია (ჯავალი), ხარაჯა, უში და სადაკა (ზაქათი). წყაროებში ხშირად იხსენიება აგრეთვე, მეხუთე გადასახადიც ხუმსი, რომე-

¹ ციტირებულია იაკუბოვსკის შრომიდან: *Об испольных арендах в Ираке в VIII в.*, გვ. 180—181.

ლიც ჩამოთვლილი გადასახადებისაგან თავისი შინაარსით და მნიშვნელობით რამდენადმე განსხვავდებოდა.

ხარაჯა (خراج) — ხარაჯას არაბები გაეცნენ მათ მიერ დაპყრობილი სპარსეთის ტერიტორიაზე. თვით სიტყვა აღებულნი უნდა იყოს ბიზანტიური ადმინისტრაციული ტერმინოლოგიიდან (Χορηγία)¹.

ხარაჯა არაბულში აღნიშნავს საერთოდ ხარკს, ლალას, გადასახალს². ამავე მნიშვნელობით იხმარება მეორე ტერმინიც ხარჯი³.

სახალიფოში ხარაჯა სხვადასხვა მნიშვნელობით იხმარებოდა: იგი აღნიშნავდა, ფართო მნიშვნელობით, ხარკს არამუსლიმებისაგან, როგორც გადასახადს მიწაზე, ასევე სულად გადასახადსაც⁴ და, აგრეთვე, ვიწრო მნიშვნელობით, გადასახადს მიწაზე.

ხარაჯა აიღებოდა: ხორბლიდან, ქერიდან, ფინიკიდან, ჩამიჩიდან, კენკრადან, ბოსტნეულიდან, ზამთრის და ზაფხულის პურიდან, თხილიდან, კაკლიდან, ფსტიდან, შაქრისა და ქილის ლერწამიდან, ყველა იმ პროდუქტიდან, რომლის აწონაც შეიძლება⁵.

ხარაჯა რამდენიმე სახედ იყოფა. აბუ იუსუფის მიხედვით, სახალიფოში, ძირითადად, ხარაჯას ორი სახე იყო გაბატონებული: ხარაჯა მუკასამა (مقاسم) და ხარაჯა მისაჰა (مسا)ᶜ.

ხარაჯას ეს ორივე სახე ცნობილი იყო ჯერ კიდევ სასანიანთა ირანში. მუკასამა ნაწარმოებია *ჟა-საგან* (წილი, ნაწილი), მისაჰა კი *სა-დან* (ფართობი). აქედან მუკასამა—გადასახადი მოსავლის სიდიდის მიხედვით, მისაჰა—ფართობის მიხედვით.

არაბებმა დაპყრობილ ქვეყნებში ყველგან შეინარჩუნეს მანამდე არსებული საგადასახადო სისტემა⁷. პირველი ხალიფებისა და ომაიელების დროს თითქმის ყველა მიწა სახალიფოში იხდიდა ხარაჯას მისაჰას ფორმით. როგორც აკად. ს. ჯანაშია შენიშნავს, „ეს იყო ძალიან მაღალი, ერთხელ და სამუდამოდ დადგენილი, — ოდენობის მხრივ, გადასახადი, რომელიც არ ითვალისწინებდა მიწის ნამდვილი შემოსავლის ზომასა და ხასიათს. ხარაჯის გადახდისათვის ვალდებული იყო ესა თუ ის თემი მთლიანად. ერთი რომელიმე ინდივიდუალური ვადამხდელის ვალატაჰების შემთხვევაში მისი გადასახადი ეწერებოდა მის მეზობლებს. ამიტომ თვით მიწისმპირავის პიროვნება არაბებს არ აინტერესებდათ და ამიტომაც მიწის ცალკე ნაქრების ყიდვა-გაყიდვა აკრძალული არ იყო. მთელი მიწა გაზომილ და კადასტრირებულ იყო და იგუ-

¹ P. Schwarz. Die Herkunft von arabisch harǧ (Grund)—Steuer. Der Islam, 1915, Bd. IV, H. I, გვ. 97.

² لسان العرب 3, გვ. 76. تاج العروس 2, გვ. 28.

³ იქვე.

⁴ იქვე.

⁵ История народов Узбекистана, I, გვ. 165.

⁶ აბუ იუსუფი, გვ. 61, 66.

⁷ A. Kremer. Culturgeschichte des Orients unter den Chalifen, I, გვ. 256.

ლისხმებოდა, რომ მტკიცედ განსაზღვრული რაოდენობა გადასახადისა არ შეიძლებოდა შეცვლილიყო მიწის მიმოქცევისა და მიწისმკერავთა გამოცვლის გამო¹.

მეორე ხალიფა ომარ I ბრძანებით აზომეს სავადის მიწები და დააწესეს ყოველ ჯერობაში უამირსა და ლამირზე² ღირებულება და კაფიზი³. გადასახადების დაწესებისას ომარი ხელმძღვანელობდა ხოსრო ანუ შირვანის დროინდელი განაკვეთით, რომელშიაც ომარმა მხოლოდ ცოტაოდენი ცვლილებები შეიტანა. კერძოდ, ომარმა დაუმუშავებელ, მაგრამ დასამუშავებლად ვარგის მიწებზეც დააწესა შესაძლებელი გადასახადი იმ მიწების ტოლად, რომლებიც ფაქტიურად მუშავდებოდა⁴. ომარ I დროს დაწესებული ყოფილა ჯერობა ვენახზე 10 ღირებულება, ფინიკზე—5, პალმაზე—8, ხორბალზე—4, ქერზე—2, ზაფხულის პურზე—3, ლერწამზე—6 ღირებულება⁵.

ომარ I მიერ შემუშავებული და დადგენილი წესები გადასახადის აკრეფისა ძალიან დიდხანს არსებობდა სახალიფოში.

მხოლოდ მეორე აბასელი ხალიფა მანსურის (754—775) დროს მოხდა საგადასახადო რეფორმა, რომლის მიხედვით პურისა და ქერის ნათესებზე ხარაჯა მისაჰა ხარაჯა მუკასამათი შეიცვალა, ნაკლებად მნიშვნელოვან კულტურებზე, პალმაზე და ხილის ხეებზე, კი ძველებურად მისაჰა დარჩა. მომდევნო ხალიფა მაჰდის (775—785) დროიდან კი სახალიფოში გადასახადის იურიდიული ფორმა მუკასამა იყო⁶.

ასეთი ღონისძიების გატარება პირველი აბასელი ხალიფების გარკვეული პოლიტიკით იყო გამოწვეული. ისინი დიდად იყვნენ დაინტერესებულნი ქვეყნის ეკონომიურად გაძლიერებით, რაც თავის მხრივ სოფლის მეურნეობის განვითარებასთან იყო დაკავშირებული.

მუკასამა რამდენადმე ამსუბუქებდა გადასახადის გადამხდელთა მდგომარეობას, აქეზებდა მათ მიწის დამუშავებისაკენ და ხელს უწყობდა ხარაჯას გადიდებას. მაგრამ ასეთი მდგომარეობა სახალიფოში დიდხანს არ გაგრძელდებოდა.

დიდი მასშტაბით დაპყრობითი ომების წარმოება, როგორც აღვნიშნეთ, ამ დროს შეუძლებელი იყო და, ამდენადვე სახელმწიფოსა და გაბატონებული კლასის შემოსავლის ერთადერთ წყაროდ გადასახადები რჩებოდა. აბასელი ხალიფები გამოსავალს გადასახადების ზრდაში ხედავდნენ. VIII ს. ბოლოს, პარუნ არ-რაშიდის დროს (786—809), სახალიფოს საშინაო და საგარეო მდგომარეობის გაართულებასთან დაკავშირებით, ისევ ხარაჯა მისაჰას დაუბრუნდნენ.

სახელმწიფოსათვის ამ ღონისძიების გატარებას გარკვეული მნიშვნელობა ჰქონდა. რადგანაც გადასახადის სიდიდე წინასწარ იყო განსა-

¹ ს. ჯანაშვილი. არაბთა საქართველოში, 1936, გვ. 38—39.

² დამუშავებული და დაუმუშავებელი მიწა.

³ წონის ერთეული. სხვადასხვა დროს სხვადასხვა სიდიდის იყო. იხ. მის შესახებ E. J.

II, გვ. 666.

⁴ აბუ იუსუფი, გვ. 45, 57.

⁵ იქვე, გვ. 42—46, 153.

⁶ იქვე, გვ. 153.

ზღვრული, წინასწარვე იყო ცნობილი სახელმწიფო ხაზინის შემოსავალიც, რომელიც წლიდან წლამდე ურყევი იყო. მაგრამ ხარაჯს ამ სახეს, მისაპას, ბევრი უარყოფითი მხარე ჰქონდა, რის გამოც ახალმა რეფორმამ საბედისწერო შედეგი მოუტანა აბასელებს. საქმე ისაა, რომ გადასახადის რაოდენობა ერთხელ და სამუდამოდ იყო დადგენილი მიწის გარკვეულ ფართობზე და მხედველობაში არ იყო მიღებული საკუთრივ მოსავლის ოდენობა. მაგრამ, რადგანაც ბუნებრივი პირობები იცვლება, არხები შეიძლება დაინგრეს, წყარო დაშრეს, მიწა გამოიფიტოს, ხემ ნაყოფის მოცემა შეწყვიტოს და სხვა, ამიტომ ბუნებრივია, რომ ერთხელ დადგენილი გადასახადიც არ შეიძლება უცვლელი დარჩეს. მისაპას დროს კი არავითარი ცვლილება მხედველობაში არ მიიღებოდა. ამ გარემოებამ გლეხთა მდგომარეობა მკვეთრად გააუარესა და ნიდაღი მოუშადა გლეხთა აჯანყებების ახალ ციკლს აბასელთა სახალიფოში.

ამავე დროს, ომარ I მიერ დაწესებული ხარაჯს განაკვეთი მეტად მძიმე იყო ჰარუნ არ-რაშიდის დროის სახალიფოს მოსახლეობისათვის. ასეთ პირობებში მიწისმოქმედი მეურნეობის ხალისს ჰკარგავდა, რაც გავლენას ახდენდა წინასწარ გათვალისწინებული გადასახადის ოდენობაზე. ამას ემატებოდა ისიც, რომ აღებული ხანისათვის იმატა დაუმუშავებელი, მიტოვებული მიწების რაოდენობამაც¹. ამის მიზეზი შეიძლება იმაში ვეძიოთ რომ, დამუშავებულ და დაუმუშავებელ მიწებზე გადასახადი ერთნაირი რაოდენობით იყო დაწესებული. ვალახდა კი შეუძლებელი იყო, რადგანაც დაუმუშავებელი მიწა ვაცილებით მეტ ხარჯებს მოითხოვდა და ხშირად მოსავალი გაწეულ ხარჯებსაც ვერ ფარავდა პირველი ორი წლის განმავლობაში მაინც.

მისაპას სხვა უარყოფითი მხარეც ჰქონდა. მას იხდიდნენ არა მიწის თვითიული ნაკვეთიდან ინდივიდუალურად, არამედ მიწის გარკვეული კომპლექსიდან². ამიტომ ხარაჯს ვალახდისათვის ვალდებული იყო მთელი თემი. ასეთი წესიც თავის მხრივ ბევრ უხერხულობას ქმნიდა და ხელს უწყობდა უსამართლობას, ძალადობას და ძლიერის მიერ სუსტის დაჩაგვრას.

გადასახადების ვადამხდელთა მდგომარეობას ამძიმებდა ისიც, რომ გადასახადს ძირითადად ფულით იღებდნენ. ესეც თავის მხრივ მრავალ უსამართლო მოქმედებას უწყობდა ხელს. გადასახადის ამკრეფი მოხელეები, გამორჩენის მიზნით, ვერცხლის ფულს, რომელიც იწონებოდა ხოლმე, ხშირად არასრულფასოვნად თვლიდნენ, რათა ზედმეტი მოეთხოვათ. სანაზლაოს, რომელსაც იღებდნენ დირჰემების გაცვეთისათვის რაეაჯი ეწოდებოდა. რაეაჯის უმეტეს ნაწილს ხარაჯს ამკრეფი მოხელეები ითვისებდნენ.

ზემოჩამოთვლილი მიზეზების გამო, ხარაჯა მისაპა ექსპლოატაციის უმძიმესი ფორმა იყო, რომლის დროსაც მოუსავლობა და ბაზარზე სასოფლო-სამეურნეო პროდუქტებზე ფასების მერყეობა მხოლოდ და მხოლოდ მიწისმფუშებს აწევბოდა მხარზე³. ეს იწვევდა გლეხთა უქმყოფილების ზრდას სახალიფოში.

¹ აბუ იუსუფი, გვ. 57.

² იქვე, გვ. 58; A. K r e m e r. Culturgeschichte..., I, გვ. 276.

³ შუა საუკუნეების ისტორია, I, 1947, გვ. 248.

სახლითაში არსებობდა აზრთა სხვადასხვაობა იმის შესახებ, თუ როგორ უნდა ყოფილიყო გადახდილი გადასახადი—ნატურით თუ ფულით¹. აბუ იუსუფი მხარს უჭერდა გადასახადის აკრეფას შერეული სახით: ნატურით და ფულით ერთად. მარტო ფულით ან მარტო ნატურით გადასახადის აკრეფამ, ფასების მერყეობის დროს, ამბობს აბუ იუსუფი, შეიძლება გარკვეული ზარალი მიაყენოს ერთის მხრივ გადასახადის სიდიდეს, ხოლო მეორეს მხრივ, გადასახადის გადამხდელებს.

აბუ იუსუფის აზრით, სავადის იმ მცხოვრებლებმა, რომლებსაც მოყავთ ხორბალი და ქერი, უნდა გადაიხადონ მოსავლის 2/5 მიწებიდან, რომლებიც ბუნებრივად ირწყვება. რაც შეეხება იმ მიწებს, რომლებიც სარწყავი იარაღებით ირწყვება, ასეთი მიწებიდან უნდა გადაიხადონ მოსავლის 3/10 ($\frac{1}{5} + \frac{1}{10}$) ნაწილი. ფინიკის პალმებიდან, ვენახიდან, მდელოებიდან, ბაღებიდან—1/3, ზაფხულის პურიდან კი მოსავლის 1/4 ნაწილი. არც ერთი დასახელებული ობიექტი არ უნდა დაიხარკოს მოსავლის წინასწარი, მიახლოებითი განსაზღვრის საფუძველზე. თუ საჭირო იქნება გადასახადის გადახდა ფულით, მაშინ გადასახადი აღებულ უნდა იქნას ამ პროდუქტების ფასების გათვალისწინებით. შეფასება უნდა მოხდეს სამართლიანად, ისე, რომ არც მბრძანებელს მოუტანოს ზიანი და არც ხარაჯას გადამხდელთათვის იყოს შეუძლებელი მისი გადახდა. გამოყენებულ უნდა იქნას ის გზა, რომელიც ნაკლებად მძიმეა ხარაჯას გადამხდელთათვის². თუ ასეთია მათთვის მოწვეული პროდუქტების გაყიდვა და მიღებული ფასის გაყოფა მათსა და მბრძანებელს შორის, მაშინ ასე უნდა მოიქცნენ³.

მაგრამ აბუ იუსუფის ზემომოყვანილი შეხედულება, როგორც ჩანს მხოლოდ თეორიად რჩებოდა. პრაქტიკაში მუკასამას სიდიდე მოსავლის 2/5-დან 1/2-მდე მერყეობდა იმ მიწებზე, რომლებზეც ხორბალი და ქერი მოყავდათ⁴. სახელმწიფო მკაცრად იცავდა თავის უფლებას გადასახადზე. ამის საილუსტრაციოდ შეიძლება მოვიტანოთ მეტად საინტერესო ადგილი „ქითაბ ალ-ხარაჯიდან“, სადაც აბუ იუსუფი მოგვითხრობს ნატურალური გადასახადის აკრეფის პრაქტიკაზე და იძლევა რჩევას, თუ როგორ სჯობია გადასახადის აკრეფა. „უბრძანე,—მიმართავს აბუ იუსუფი ჰარუნ არ-რამიდს—რომ პურის მომკა და ლეწვა ხდებოდეს სამართლიანად, რომ არ იქნას შეჩერებული პური მომკის შემდეგ იმაზე დიდხანს, ვიდრე არ იქნება შესაძლებელი ლეწვა. როცა შესაძლებელი გახდება ლეწვა, [პური] გადატანილ უნდა იქნას კალოზე და არ უნდა იქნას დატოვებული ლეწვის საშუალების მიცემის შემდეგ ერთი დღეც კი [მინდორში], რადგანაც ვიდრე შეინახებოდეს კალოზე, დაიტაცებენ მას მიწის-მუშები, გამგლელები, ფრინველები, ცხოველები და ეს ზიანს მოუტანს ხარაჯას. რაც შეეხება მოსავლის პატრონს, მას არა, რადგანაც იგი ხმარობს მას საქმელად, როგორც გავიგე [ჯერ კიდევ] თავთავებში, მომკამდე, ვიდრე არ

¹ აბუ იუსუფი, გვ. 57.

² იქვე, გვ. 59.

³ იქვე.

⁴ А. Ю. Якубовский. Ирак на грани VIII—IX вв., гл. 41.

დამდგარა დრო მექასამასი. და [ამიტომ] პურის დაყოვნებას მინდორში ანდა კალოზე მოაქვს ზარალი ხარაჯასათვის. როცა გადაიტანენ [პურს] კალოზე და შეკრავენ ძნებად, [მაშინვე] შეუდგნენ ლეწვას. არ შეიძლება პური კალოზე გადატანის შემდეგ თვე, ორი ან სამი თვე გაულეწავი დარჩეს, რადგანაც კალოზე პურის შეჩერებით ზარალი ადგება სულთანსაც და ხარაჯას გადამხდელებსაც და აყოვნებს მიწის დამუშავებას და თესვას¹. როდესაც პური გაილეწებოდა და განიადებოდა, მაშინ ამილი განსახლვრავდა ხარაჯას ოდენობას მოსავლის მიხედვით. აბუ იუსუფის აზრით მოსავლის ორივე ნაწილი, როგორც სულთნის, ისე მიწისმფლის წილი ერთნაირი საზომით უნდა აიზომოს. აზომვა და მოსავლის ოდენობის გამორკვევა მიახლოებით არ უნდა მოხდეს, რათა შემდეგ არ მოსთხოვონ ხარაჯას გადამხდელს ის, რაც დააკლდება წინასწარ გამოთვლასთან დაკავშირებით. არც ისაა დასაშვები, რომ ამილმა დააბრალოს ხარაჯას გადამხდელს პურის გაჩანაგება იმ საბაბით, რათა აილოს მათგან იმაზე მეტი, რაც მათ ევალებათ².

„ქითაბ ალ-ხარაჯის“ ეს ადგილი კარგად მიუთითებს სოფლის მეურნეობის უშუალო მწარმოებელის მდგომარეობაზე, რომელიც „უფრო შეღავათიანი“ გადასახადის გადახდის დროსაც კი არ იყო თავისი შრომის პროდუქტის პატრონი. მას არ შეეძლო მოსავლით ესარგებლა მანამ, ვიდრე მას არ გაყოფდნენ და სახელმწიფო თავის წილს არ წაიღებდა. სახელმწიფო მოხელეებს მკაცრად უნდა ელევნებინათ თვალყური, რომ გლეხებს არ ესარგებლათ პურით სახელმწიფო ხაზინაში გადასახადის ჩაბარებამდე.

როგორც აღვნიშნეთ, აბუ იუსუფი ხარაჯა მექასამას მომხრეა, მიუხედავად იმისა, რომ პრაქტიკაში ამ დროს მისაპა ბატონდება. წიგნი დაწერილია იმ დროს, როდესაც ახალი საგადასახადო რეფორმა ტარდება და, როგორც ჩანს, არც მთლად უმტკივნეულოდ. გადასახადის გადამხდელი მოსახლეობა ახალ რეფორმას მტრულად შეხვდა. ეს გარემოება შეუმჩნეველი არ დარჩენია აბუ იუსუფს. იგი ურჩევს ხალიფას ხარაჯას ძველი სახის—მექასამას შენარჩუნებას. მაგრამ აბუ იუსუფის შეხედულებები მხოლოდ თეორიულ დარჩა, პრაქტიკულად არ განხორციელებულა. ხალიფამ გაატარა საგადასახადო რეფორმა, რამაც სხვა მიზეზებთან ერთად უკიდურესად გაამწვავა კლასობრივი ბრძოლა, გამოიწვია გლეხთა მრისხანე აჯანყებები და, საბოლოო ანგარიშში, ხელი შეუწყო სახალიფოს დაშლას.

ჯიზია (جزية مرق. جزاء)—სულადი გადასახადი, რომელსაც იხდიდნენ ზიმიები³.

ჯიზია ნაწარმოებია სიტყვისაგან جزاء (ჯილდო, გადასახადი). ჯიზიას იხდიან ზიმიები, როგორც სანაზლაჟურს სიცოცხლის შენარჩუნებისათვის⁴.

მუსლიმანური სამართლის წიგნებში ჯიზია განხილულია ჯიჰადთან კავშირში. მაშინ, როდესაც წარმართებს უნდა აერჩიათ ან სიკვდილი ან ისლამი.

¹ აბუ იუსუფი, გვ. 129—130.

² იქვე, გვ. 130.

³ არამუსლიმი ქვეშევრდომები, ე. ი. ქრისტიანები, ებრაელები, მახდენელები.

⁴ لسان العرب ج. 18, გვ. 159—160; تاريخ العروس ج. 10, გვ. 73.

აპლ ალ ქითაბის ხალხს ჯიზიას გადახდით შეეძლო მოეპოვებინა პირადი და საკუთრების უშიშროება¹.

ჯიზიას შესახებ მოძღვრება საფუძველს პოულობს ყურანში. ყურანის IX სურაში ვკითხულობთ: „ებრძოლეთ იმათ, რომელთაც არ სწამთ ალლაჰი და საშინელი სამსჯავროს დღე, რომლებიც არ თვლიან აკრძალულად მას, რაც აკრძალეს ალლაჰმა და მისმა მოციქულმა, რომელთაც არ სწამთ ქეშმარიტი სარწმუნოება და თაყვანს სცემენ თავიანთ წიგნებს, ვიდრე არ გადაიხდიან ჯიზიას პირადად, დამცირების ნიშნად“².

ამის საფუძველზე მუსლიმანურ სამართალში ჯიზია გაგებული იყო, როგორც სულადი გადასახადი, რომელსაც იხდიდნენ ქრისტიანები, იუდეველები, მაჯუსები, საბაელები და სამარიტელები მუსლიმანებთან დადებული ხელშეკრულების საფუძველზე³. ამ ხელშეკრულების მიხედვით, არამუსლიმებს ეძლეოდათ ნება დარჩენილიყვენ მუსლიმების ტერიტორიაზე. ამავე დროს მათ რჩებოდათ ნიწები და მთელი ქონება, მაგრამ სამაგიეროდ იხდიდნენ ჯიზიას, რადგანაც მათი (არამუსლიმების) სიცოცხლისა და ქონების ხელშეუხებლობა შეპირობებულია მხოლოდ ჯიზიას გადახდით“⁴.

მაგრამ, როგორც ჩანს, თავიდანვე ჯიზია არ აღნიშნავდა მხოლოდ და მხოლოდ სულად გადასახადს, რომელსაც იხდიდნენ სახალიფოს არამუსლიმანი ქვეშევრდომები.

რადგანაც ზიზიას სიცოცხლის და ქონების ხელშეუხებლობა შეპირობებული იყო ჯიზიას გადახდით, ამიტომ ჯიზია თავდაპირველად აღნიშნავდა დაპყრობილ ქვეყნებზე დაწესებულ ხაოკს. არაბებმა, როგორც ცნობილია, მმართველობის სისტემა ყველგან უცვლელი დატოვეს და პროვინციების სახაზინო შემოსავალს უყურებდნენ როგორც მათ ჯიზიას⁵. ამ დროს სულადი და ბიწაზე დაწესებული გადასახადი, როგორც ჩანს, ჯერ კიდევ არ იყო მკაცრად გამიჯნული.

თავდაპირველად ურწმუნონი⁶ ჯიზიას იხდიდნენ კომლობრივად⁷.

ჯიზიას შეესატყვისება აგრეთვე ჯავალი (جاولي), რომლითაც სავადში აღნიშნავდნენ სულად გადასახადს.

აბუ იუსუფის მიხედვით ჯიზიას იხდის ყველა ზიზია, რომელიც ცხოვრობს სავადში ან სახალიფოს სხვა ოლქებში: ქრისტიანები, იუდეველები, მაჯუსები (მახდეანელები), საბაელები, სამარიტელები⁸. გამონაკლისს წარმოადგენენ მხოლოდ ბანუ თალიბის ტომის ქრისტიანები, რომლებიც ჯიზიას

¹ E. J. I, გვ. 1098.

² ყურანი, IX, 29.

³ E. J. I, გვ. 1098.

⁴ აბუ იუსუფი, გვ. 147.

⁵ E. J. I, გვ. 1098.

⁶ ვინც ისლამს არ აღიარებდა.

⁷ H. II. Петрушевский. Очерки... გვ. 283.

⁸ აბუ იუსუფი, გვ. 145.

ნაცვლად იხდიან ორმაგ სადაკას¹ და ნეჯრანის მცხოვრებლები². ჯიზიას იხდიან აგრეთვე: კერპთაყვანისმცემლები, ცეცხლთაყვანისმცემლები, ქვისთაყვანისმცემლები. ამ შემთხვევაში წარმართები, არაბებს გარდა, უთანასწოროდებიან წიგნის ხალხს³. ასევე არაბები, რომელთაც აქვთ წმინდა წიგნები⁴, უტოლდებიან არაბებს და იხდიან ჯიზიას⁵. რაც შეეხება ისლამისაგან განდგომილებს და კერპთაყვანისმცემელ არაბებს, მათგან ჯიზია არ მიიღება. მათ ან უნდა მიიღონ ისლამი, ანდა ხოცავენ, ხოლო ცოლები და ბავშვები მიყავთ ტყვედ⁶.

აბუ იუსუფის სიტყვით: ჯიზიას იხდიან მხოლოდ სრულწლოვანი, სულიერად და ფიზიკურად ჯანმრთელი და გადასახადისუნარიანი მამაკაცები. ქალები, ბავშვები და ღრმა მოხუცები ჯიზიას არ იხდიან. ჯიზიასაგან თავისუფლდებიან აგრეთვე მათხოვრები, სულიერად დაავადებულნი და ქრონიკული ავადმყოფები, ასევე მონაზვნებიც, რომელთაც მატერიალური სახსარი არ გააჩნიათ და სხვისი მოწყალებით ცხოვრობენ. მაგრამ თუ ზემოჩამოთვლილი პირები მატერიალურად უზრუნველყოფილნი არიან, მაშინ ისინი ჯიზიას იხდიან⁷.

ჯიზია აიღებოდა ყოველწლიურად, წელიწადში ერთხელ, დადგენილი განაკვეთის მიხედვით. თავდაპირველად გადასახადის ოდენობა 1 დინარს ან 12 დირჰემს არ აღემატებოდა⁸. შემდეგ კი დაკანონდა გადასახადი 12, 24 და 48 დირჰემის ოდენობით⁹.

აბუ იუსუფის მიხედვით ჯიზიას გადამხდელები სამ ჯგუფად იყოფიან: მდიდრებად, საშუალოებად და ღარიბებად. მდიდრები იხდიან 48 დირჰემს. ესენი არიან მემამულე (صاحب الضيعة), ზარაფი (صبرفي), ბაზაზი (بزاز), ვაქარი (تاجر), მკურნალი ექიმი (العالم الطيب), თვითეული მათგანი იხდის ხელობისა და ვაქრობის შემოსავლის შესაბამისად. საშუალოები იხდიან 24 დირჰემს, მაგრამ აბუ იუსუფი არ ჩამოთვლის იმ ხალხს, რომლებსაც საშუალოებს განაკუთვნიან. ღარიბები იხდიან 12 დირჰემს. ღარიბებად აბუ იუსუფი თვლის თავისი ხელით მომუშავეებს (عامل بئيد). ესენი არიან: გაკირვებული მიწის მუშა (المحتاج الحراث), მკერავი (خياط). მღებავი (صباغ), მეწაღე (سكاف), ხარაზი (خراز) და მათი მსგავსნი¹⁰.

¹ აბუ იუსუფი, გვ. 79.

² იქვე, გვ. 85, 90.

³ იქვე, გვ. 153—154.

⁴ ქრისტიანი და იუდეველი არაბები.

⁵ იქვე, გვ. 79.

⁶ იქვე, გვ. 79, 153, 154.

⁷ იქვე, გვ. 146, 147.

⁸ E. J. გვ. 1099. დინარი იმ დროს უდრიდა 12 დირჰემს.

⁹ აბუ იუსუფი, გვ. 42, 44, 153.

¹⁰ იქვე, გვ. 146—147.

ჯიზია ძირითადად ფულით უნდა ყოფილიყო გადახდილი, მაგრამ ფულის ნაცვლად შეიძლებოდა აეღოთ: სახეღარი (ابو) ¹, სასარგებლო რამ ნივთები (امت): ტანსაცმელი, ავეჯი, კურკელი, იარაღი, საყოფაცხოვრებო საგნები და სხვა ². „ქითაბ ალ-ხარაჯში“ მოტანილი ერთი ჰადისის მიხედვით, ხალიფა ალმ (656—661), აიღო ნემსი და ჩათვალა იგი ჯიზიაში ³. შეიძლება ეს ჰადისი ალის დროისათვის გამოგონილი იყოს, მაგრამ იგი სანტრესო აბუ იუსუფის თვალსაზრისის გასაგებად, რომლის მიხედვითაც ჯიზიად ყოველგვარი ნივთის აღება შეიძლება, ნემსისაც კი. ყველა ეს ნივთები აიღება მათი ფასის მიხედვით. ჯიზიად არ შეიძლება, მხოლოდ, აღებულ იქნას ლეში, ღვინო და ღორი, მაგრამ შეიძლება მათი გაყიდვა და მიღებული თანხის გადახდა ⁴.

გამუსლიმანებული ზიზია ჯიზიასაგან თავისუფლდება ⁵.

თუ ზიზია საგადასახადო წლის განმავლობაში მიიღებდა ისლამს, იგი არ იხდიდა ჯიზიას არაერთარ წილს. წლის დამთავრების შემდეგ გამუსლიმებული ზიზია ვალდებული იყო გადაეხადა ჯიზია, რადგანაც ამ შემთხვევაში ეს გადასახადი ითვლებოდა ხარაჯას ნაწილად, რომელიც ყველა მუსლიმის საერთო საკუთრებას წარმოადგენდა ⁶.

გარდაცვლილებიდან ჯიზია არ აიღებოდა. თუ ჯიზიას ვალდებული პირი გადასახადის გადახდის ვადამდე გარდაიცვლებოდა, ჯიზია მისი ქონებიდან არ აიღებოდა, რადგანაც ჯიზია სულადი გადასახადი იყო და მისი გადახდა ევალებოდა მხოლოდ ცოცხალ ადამიანს.

უშრი (عشر)—მეთედი, მუსლიმანური მოსახლეობის გადასახადი. თავისი შინაარსით ეს გადასახადი შეესაბამება ზაქათს ან სადაკას.

აბუ იუსუფთან უშრი ორგვარ გადასახადს აღნიშნავს:

1. უშრი ეწოდება იმ გადასახადს, რომელსაც იხდიან მუსლიმები უშრის მიწებიდან.

2. უშრი აღნიშნავს, აგრეთვე, იმ გადასახადს, რომელსაც იხდიან სავაქროდ გამიზნული ყოველგვარი საქონლიდან. ამ შემთხვევაში უშრის გადახდის ვალდებულია ყველა: მუსლიმიც და არამუსლიმიც. მაგრამ განსხვავება აქაც შეინიშნება—მუსლიმები გაცილებით ნაკლებით სიდიდით იხდიდნენ ამ გადასახადს, ვიდრე არამუსლიმები.

აბუ იუსუფის აზრით, უშრი აიღება მიწის იმ პროდუქტებიდან, რომელთა შენახვაც შეიძლება. იმ პროდუქტებიდან კი, რომელთა შენახვაც არ შეიძლება, როგორცაა მაგ., ბოსტნეული (ნესვი, კიტრი, გოგრა, ბადრიჯანი,

¹ ჯვლისხმობთ ძვ. ქართლის მნიშვნელობით.

² აბუ იუსუფი, გვ. 146.

³ იქვე.

⁴ იქვე.

⁵ იქვე გვ. 146—147.

⁶ იქვე.

სტაფილო და სხვ.), საყვები ბალახი და სათბობი, უში არ აიღება. უშის იხდიან იმ პროდუქტებიდან, რომლებიც იზომება კაფიზებით¹ ან იწონება რიტლებით². ასეთია ხორბალი, ქერი, ფეტვი, ბრინჯი, კენკრა, გუნუთი, კენაფი, ნუში, კაკალი, თხილი, ფსტა, ზაფრანა, ზეთუნის ზეთი, ალისარჩული, კორიანდრი, კვლიაფი, ცერცვი, ხახვი, ნიორი და მისთანები. თუ მიწა მოიწვეს ამ პროდუქტების 5 ვასკს³ ან მეტს, მაშინ იღებენ უშის ან ნახევარ უშის, მიწის მორწყვის საშუალებების მიხედვით. იმ შემთხვევაში, როცა მოსავალი 5 ვასკს არ აღწევს, უში არ აიღება. უში გადახდილი უნდა იქნას იმ შემთხვევაშიც თუ ზემოთ დასახელებული სხვადასხვა პროდუქტების სიდიდე საერთო 5 ვასკს შეადგენს. მაგრამ თუ 5 ვასკს დააკლდება სულ შირე ნაწილიც კი, უშის არ იხდიან. გამონაკლისია მხოლოდ ზაფრანა. თუ იგი იზრდება უშის მიწაზე და მოვა იმდენი, რომ მისი ფასი გაუტოლდება რომელიმე ყველაზე უბრალო მარცვლეული კულტურის ფასს, რომლიდანაც იხდიან უშის, ამ შემთხვევაში ზაფრანიდანაც უნდა გადაიხადონ უში⁴.

უშის სიდიდე განსაზღვრული იყო მორწყვის საშუალებების მიხედვითაც. თუ მიწა ბუნებრივად ირწყვებოდა იხდიდნენ უშის, თუ სარწყავი საშუალებებით—ნახევარ უშის.

უში, როცა იგი სავაჭროდ გამოტანილი საქონლის გადასახდელს გულისხმობდა, აიღებოდა შემდეგი წესით: თუ გასაყიდი საქონლის ფასი აღწევს 200 დირჰემს ან 20 მისკალს⁵, მაშინ მუსლიმები იხდიან 1/4 უშის, ზიმიები 1/2 და ჰარბიები⁶ კი უშის. იმ შემთხვევაში, როცა გასაყიდი საქონლის ფასი 200 დირჰემზე ან 20 მისკალზე ნაკლებია, მაშინ არაფერს არ იხდიან. გადასახადს ჩვეულებრივ იხდიან დირჰემებით. 200 დირჰემიდან ან 20 მისკალიდან მუსლიმი იხდის 5 დირჰემს, ზიმი—10-ს, ჰარბი—20-ს. გადასახადი შეიძლება აღებულ იქნას ოქროს დინარიითაც. ამ შემთხვევაში მუსლიმი იხდის 1/2 მისკალს, ზიმი—1, ჰარბი—2-ს⁷.

იმ ქონებიდან, რომელიც არაა სავაჭროდ გამიზნული, უშის არ იხდიან, რადგანაც „უში ძეგს მხოლოდ (იმ საქონელზე), რომელიც ნაყილია სავაჭროდ“⁸. უშის გასაყიდი საქონლიდან იხდიან წელიწადში ერთხელ⁹.

¹ ზომის ერთეული. დაახლოებით უდრიდა 55 ლიტრს. იხმარებოდა აგრეთვე ფართობის საზომად და უდრიდა 1/10 ჯერობს.

² წონის ერთეული. მისი სიდიდე სხვადასხვანაირი იყო სხვადასხვა დროს და სხვა დასხვა ტერიტორიაზე. დაახლოებით უდრიდა 1 გირანჯას.

³ წონის ერთეული. უდრიდა 275 გგ. აბუ იუსუფის მიხედვით ვასკი = 60 სარს მუჰამედის ზომით. 5 ვასკი = 300 სასს. საყი = 51/3 რიტლს და შეესაბამება ჰაჯჯისეულ კაფიზს (გვ. 63). აღსანიშნავია, რომ ვასკი 50 საყს უდრის იაპია იბ5 ადამის (VIII—IX ს.) მიხედვითაც: كتاب الخراج، يحيى بن آدم، ج 49، 100.

⁴ იქვე, გვ. 61, 62, 63.

⁵ წონის ერთეული ძვირფასი ლითონებისათვის, ქვებისათვის, უდრიდა დაახ. 13/7 დირჰემის წონას.

⁶ ჰარბი—პირი რომელიც მტრის მხრიდან გადმოვიდა.

⁷ აბუ იუსუფი, გვ. 158—159.

⁸ იქვე, გვ. 159.

⁹ იქვე, გვ. 158.

როგორც ზემოთ აღვნიშნეთ, უშრი თავისი შინაარსით განსხვავდება ხარაჯასაგან და სხვა საკიროებებს ხმარდება ვიდრე ხარაჯა. მაგრამ თვით უშრის სახით აკრეფილი გადასახადი ერთნაირად არ იხარჯება. ყველაფერი, რაც უშრის სახით აიკრიფება მუსლიმებისაგან მიდის იმავე საკიროებებზე, რაზედაც სადაკა, ხოლო რაც აიღება ზიმიებიდან და ჰარბიებიდან, იმავე საკიროებებზე, რაზედაც ხარაჯა¹.

სადაკა (مذكاة) — მოწყალეობა. აღნიშნავდა ღარიბთათვის გამოღებულ გადასახადს, რომელსაც იხდიდა მუსლიმანი მოსახლეობა. „ქითაბ-ალ-ხარაჯში“² ამავე მნიშვნელობით იხმარება ზაქათი. სადაკას იხდიდნენ საერთოდ ქონებიდან: მარცვლეული კულტურებიდან, ხილიდან, ჯოგვიდან, ოქრო-ვერცხლიდან. აბუ იუსუფთან სადაკაში შემავალი გადასახადებიდან მხოლოდ ცხოველებზე დაწესებული გადასახადია განხილული. რაც შეეხება მოსაყალს, აქ ზაქათი უტოლდება უშრს და ამიტომ უშრთანაა განხილული.

სადაკას სიდიდე, როგორც აბუ იუსუფი აღნიშნავს, თვით მუჰამედის მიერ იყო დაწესებული და იმ ნორმებით ხელმძღვანელობდნენ VIII საუკუნეშიც³. ამ ნორმების მიხედვით: ყოველი 40 ცხვრიდან 120-მდე აიღებოდა 1 ცხვარი, 120-დან 200 მდე — 2; 200-დან 300-მდე — 3 და ა. შ., ყოველ 100 ცხვარზე — თითო ცხვარი. ამავე რაოდენობით იხდიდნენ სადაკას თხებიდანაც⁴. 5 აქლემზე აიღებოდა 1 ცხვარი, ათზე — ორი, თხუთმეტზე — სამი, ოცზე — ოთხი. 25 აქლემიდან 35-მდე — ერთი ბინთ მახადი⁵, 35-დან 45-მდე ერთი ბინთ ლაბუნი⁶, 45 აქლემიდან 60-მდე ერთი ჰიკკა⁷, 60-დან 75-მდე ერთი ჯაზაჟა⁸, 75-დან 90-მდე 2 ბინთ ლაბუნი, 90-დან 120-მდე 2 ჰიკკა. თუ კაცს 120 აქლემზე მეტი ყავდა, მაშინ ყოველი 50 აქლემიდან უნდა გადაეხადა თითო ჰიკკა და ყოველი 40 აქლემიდან თითო ბინთ ლაბუნი⁹.

30-ზე ნაკლებ ძროხაზე არაფერს არ იხდიდნენ. 30 ძროხიდან 39-მდე აიღებოდა ერთი თაბიჯ ჯაზაჟა⁹, ყოველი 40 ძროხიდან ერთი მუსსანა¹⁰. თუ ძროხების ერთი 40-ს აღემატებოდა მაშინ ყოველი 30 ძროხიდან აიღებოდა თითო თაბიჯ ჯაზაჟა და ყოველი 40-დან თითო მუსსანა¹¹.

ცხენებზე სადაკას გადახდის თაობაზე, როგორც ჩანს, აზრთა სხვადასხვაობა არსებობდა. ზოგიერთის აზრით თვითვეულ ცხენზე უნდა გადაეხადათ სადაკას სახით ერთი დინარი, სხვების მიხედვით კი არაფერი.

¹ აბუ იუსუფი, გვ. 160.

² იქვე, გვ. 90.

³ იქვე, გვ. 91.

⁴ ერთ წელზე მეტი ხნის აქლემი, გვ. 91.

⁵ ორ წელზე მეტი ხნის აქლემი.

⁶ სამ წელზე მეტი ხნის აქლემი.

⁷ ოთხ წელზე მეტი ხნის აქლემი.

⁸ მხედველობაში მიიღებოდა ყოველი ოთხი ან ხუთი ათეული. მაგ., $121 - 129 = (40 \times 3 + 9) = 3$ ბინთ ლაბუნი; $140 = (40 + 50 \times 2) = 1$ ბინთ ლაბუნი და 2 ჰიკკა, $200 = 40 \times 5$ ან $50 \times 4 = 5$ ბინთ ლაბუნი ან 4 ჰიკკა და ა. შ., გვ. 91.

⁹ ერთი წლის ხბო.

¹⁰ ორ წელზე მეტი ხნის ხბო.

¹¹ აბუ იუსუფი, გვ. 92.

მუშა საქონელზე (აქლემი, ხარი), სადაკა არ აიღებოდა¹.

სადაკას გადახდის დროს, ქონების არც შეერთება და არც დაშლა არ შეიძლებოდა², რადგანაც ამას ზიანი მოჰქონდა სახელმწიფო ხაზინისათვის.

სადაკა არსებითად განსხვავდება ხარაჯასაგან. „ქონება, რომელიც შეკრეფილია სადაკას სახით, არ უნდა იქნას შერეული ხარაჯას სახით შეკრეფილ ქონებაში, რადგანაც ხარაჯა შეადგენს ფაის ყველა მუსლიმისას, მაშინ როდესაც სადაკა ეკუთვნის ხალხს, რომელიც ალლაჰმა ჩამოთვალა თავის წიგნში“³.

აბუ იუსუფის აზრით, სადაკას სახით შეკრეფილი ქონება ასეთნაირად უნდა განაწილდეს: შეკრეფილი ქონების 1/8 უნდა გამოიყოს სადაკას ამკრეფთათვის. დარჩენილი ქონება კი უნდა დაურიგდეს ღარიბებს, მევალეებს, რომელთაც ვალის გადახდა არ შეუძლიათ, მოგზაურებს, რომლებიც ჩამორჩნენ ქარავენს, გზის გასაგრძელებლად და მონებს მონობისაგან თავის გამოსასყიდად. აქედანვე უნდა გამოიყოს გარკვეული წილი იმ გზების შესაკეთებლად, რომლებიც მუსლიმთა საერთო სარგებლობაში ითვლება⁴.

სადაკას სახით შეკრეფილი ქონება ღარიბებს, ობლებს და არაფრის-მქონეებს უნდა მოხმარდეს. ასეთია მუსლიმანური სამართლის აზრი ამ გადასახადის შესახებ. სინამდვილეში კი სულ სხვა ვითარებასთან გვაქვს საქმე. სადაკას სახით შეკრეფილი ქონება ხარაჯასთან ერთად სახელმწიფო ხაზინაში შედიოდა და მას ხალიფა თავისი შეხედულებებისამებრ ხარჯავდა, უმეტეს წილად კი ხალიფას კარს ახმარდა.

სადაკა მძიმე ტვირთად აწვებოდა მუსლიმან მოსახლეობას. მუსლიმები ილაშქრებდნენ სადაკას ამკრეფი მოხელეების წინააღმდეგ. განსაკუთრებით გამოირჩეოდნენ ამ მხრივ არაბი ბელუენები, რომლებიც სრულებით არ ემორჩილებოდნენ სადაკას აკრეფის წესს. წყაროები სადაკას ამკრეფ მოხელეებს „ალლაჰის გზაზე მეომრებს“ უტოლებენ. ასეთი შეხედულებაა გადმოცემული „ქითაბ-ალ-ხარაჯშიც“. აქ მოტანილ ერთ-ერთ ჰადისში მუჰამედის პირით ნათქვამია „სადაკას ამკრეფი მოხელე ქეშმარიტად უტოლდება ალლაჰის გზაზე მეომარს“⁵.

ე. ხუმსი (حمس) — მეხუთედი. იღებდნენ მადნებიდან (ოქრო, ვერცხლი, სპილენძი, თუთია, რკინა), სადაც არ უნდა ყოფილიყო ეს მადანი არაბების თუ არაარაბების მიწაზე. ამავე დროს იხარკებოდა არა მადანი, არამედ სუფთა ოქრო, ვერცხლი, რკინა, ტყვია, თუთია, მიუხედავად იმისა თუ რა სიდიდით იყო მოპოვებული. რაც შეეხება დანარჩენ წიაღისეულ სიმდიდრეებს: იაგუნდი, ფირუზი, სურმა, ვერცხლისწყალი, გოგირდი, ოხრა—ესენი გათანაბრებული იყო თიხასა და სილასთან⁶ და ამიტომ მათგან მეხუთედი

¹ აბუ იუსუფი, გვ. 92.

² იქვე, გვ. 95.

³ იქვე, გვ. 93.

⁴ იქვე, გვ. 95.

⁵ იქვე, გვ. 97.

⁶ იქვე, გვ. 25—26.

არ აიღებოდა. მეხუთედი უნდა გადაეხადათ ნაპოენი განძიდანაც¹. მეხუთედი უნდა გადაეხადათ აკრეთე ზღვაში მოპოვებული პროდუქტებიდან, როგორცაა ფუფუნების საგნები და სხვადასხვა სურნელებანი².

ზემოგანხილული გადასახადების გარდა პრაქტიკაში სხვა გადასახადებიც იყო ცნობილი. ამ გადასახადებს ადგილობრივი მმართველები და გადასახადის ამკრეთი მოხელეები აწესებდნენ თავიანთი შეხედულებისამებრ. მაგ., ხარაჯას ამკრეთი მოხელეები მოითხოვდნენ ხარაჯას გადამხდელთაგან ზედმეტ გადასახადებს, რომელთა გადახდაც კანონით არ იყო გათვალისწინებული: გადასახადებს ამილის შესანახად, სანაზღაოს მოსავლის აზომვისათვის, სადგომებისათვის, სულთნის (სახელმწიფოს) წილი პურის გადატანისათვის, საგადასახადო დაფორებისა და სიების შედგენისათვის, არხების გასაყვანად, გასამრჯელოს მათთვის, ვინც განსაზღვრავს მოსავლის ოდენობას.

აბუ იუსუფის შრომიდან ჩანს, რომ პრაქტიკაში ასეთი ზედმეტი გადასახადების დაკისრება ხარაჯას გადამხდელთათვის საკმაოდ გავრცელებული მოვლენა ყოფილა.

სახელმწიფო შემოსავლის ძირითად წყაროს ზემოგანხილული გადასახადები შეადგენდა. გადასახადების აკრეთის საქმეს განაგებდა სახელმწიფო შემოსავლის დივანი—დივან ალ-ხარაჯი, რომლის სათავეშიც იდგა დივანის მეთაური საჰიბ დივან ალ-ხარაჯი ანდა საჰიბ ალ-ხარაჯი (ხარაჯას დივანის გამგებელი), რომელიც გადასახადის ამკრეთ სპეციალურ მოხელეთა, ვალიებისა და ამილების საშუალებით აწესრიგებდა გადასახადების აკრეთის საქმეს.

გადასახადის ამკრეთი მოხელეები ხშირად თვითნებობდნენ, თავიანთი შეხედულების მიხედვით აწესებდნენ გადასახადებს და მოითხოვდნენ ხარაჯას გადამხდელთაგან იმაზე მეტს, რაც კანონით იყო გათვალისწინებული. ეს კიდევ უფრო ამძიმებდა მიწის მუშების ისედაც მძიმე მდგომარეობას. ამას ემატებოდა გადასახადის ამკრეთ მოხელეთა უსამართლო მოქმედება გადასახადის გადამხდელთა მიმართ. მოხელეები ცდილობდნენ აეკრიფათ ზედმეტი გადასახადი, რასაც აღწევდნენ კიდევ შევიწროვებისა და ძალდატანების საშუალებით. ხარაჯას გადამხდელებს აყენებდნენ მზეში, ცემდნენ ძლიერად, კიდებდნენ ყელზე სხვადასხვა ნივთებს, ბორკავდნენ ისე რომ ეს ხელს უშლიდა მათ ლოცვის დროს³. ხშირად გადასახადში მიყავდით მათი წვრილფეხა და მსხვილფეხა საქონელი. ასე ექცეოდნენ მათ მანამდე, ვიდრე არ აიღებდნენ იმას, რასაც ითხოვდნენ. ასევე ექცეოდნენ ზიმიებს ჯიზიას გადახდის დროს. თუმც კანონით ყოველგვარი ასეთი სახის მოქმედება აკრძალული იყო. შეიძლებოდა მხოლოდ ზიმიების დაპატიმრება და ისიც ჯიზიას გადახდამდე⁴.

ამას ემატებოდა ისიც, რომ ხარაჯას აკრეთას ხშირად შემთხვევით პირებს ავალებდნენ. ეს ვიგინდარა პირები განსაკუთრებით უსამართლოდ მოქ-

¹ აბუ იუსუფი, გვ. 27.

² იქვე, გვ. 83.

³ იქვე, გვ. 128, 129.

⁴ იქვე, გვ. 147.

მედებდნენ. როგორც აბუ იუსუფი აღნიშნავს, მან მრავლად იცოდა ფაქტები, როდესაც ვალიებისა და ამილების ირგვლივ თავს იყრიდნენ ადამიანები, რომლებიც სარგებლობდნენ ამ მოხელეთა მფარველობით. ამათ ვალიები აგზავნიდნენ მათთვის შინდობილ ოლქებში ხარაჯას ასაკრფეთად. ესენი კი გამორჩენის მიზნით მოქმედებდნენ უსამართლოდ და ავიწროვებდნენ ხარაჯას გადამხდელებს¹.

გადასახადის გადამხდელთა მდგომარეობას კიდევ უფრო აუარესებდა სახალიფოში ფართოდ გავრცელებული გადასახადის იჯარათ გაცემის წესი. აბუ იუსუფი სასტიკად ილაშქრებს ამ წესის წინააღმდეგ. იგი ასე მიმართავს ჰარუნ არ-რაშიდს: „მე ვფიქრობ, რომ შენ არ უნდა გასცე იჯარით (تقبل) გადასახადი არც სავადის რაიმე ნაწილისა და არც სხვა რომელიმე ოლქისა. მუთაკაბილი² (مقبول), იმის გამო, რომ მის კაბალაში³ (قبالة) მეტი ითვლება, ვიდრე ხარაჯა იძლევა, შეავიწროვებს ხარაჯას გადამხდელებს, და დააკისრებს მათ იმას, რისი გადახდაც არ ევალებათ შეავიწროვებს და აიღებს მათგან იმას, რაც დალუპავს მათ (ხარაჯას გადამხდელებს), რათა შეასრულოს ის, რაც აიღო თავის თავზე. ესა და ამის მსგავსი ამბები აჩანაგებენ ქვეყანას და ლუპავენ მიწის მუშაკებს. მუთაკაბილი ისეა გართული იჯარის საშუალებით საქმის გამოკეთებით, რომ ყურადღებას არ აქცევს ამას. შეიძლება (მუთაკაბილმა) მოინდომოს მიიღოს ძალიან დიდი ნაჭარბი ამ კაბალას საშუალებით. ამას კი არ შეიძლება მიაღწიოს თუ არ ქვეშევრდომთა მიმართ ცუდი მოპყრობით, ძალმომრეობით, ცემით. იგი დააყენებს მათ მზეზე, ჩამოკიდებს ყელზე ქვებს, მიაყენებს საშინელ წამებას, რათა გადაახდევინოს ხარაჯას გადამხდელებს ის, რის გადახდის ვალდებულნიც არ არიან. მე პირადად უარეყოფ კაბალას, რადგანაც არ მწამს, რომ მუთაკაბილი არ დააკისრებს ხარაჯას გადამხდელებს იმას, რაც მათთვის არაა აუცილებელი და არ მოიქცევა ისე, როგორც აგიწერე. ეს კი ზიანს მიაყენებს მათ (მიწისმოქმედებს), ისინი მიატოვებენ იმას, რასაც ამუშავებენ და რაზედაც პრეტენზიებს აცხადებენ. ამით კი ხარაჯას საქმე დაირღვევა“⁴.

რადგანაც მუთაკაბილები არ იყვნენ დარწმუნებულნი, რომ მომავალ წელსაც მიიღებდნენ გადასახადის აკრფის უფლებას, ამიტომ ისინი ჩქარობდნენ, რაც შეიძლება მეტი მიეღოთ და მიეტაცებინათ. სრულებით არ ზრუნავდნენ მიწების კეთილმოწყობაზე, მათ არც რაიების (მიწის მუშების) მდგომარეობის გაუმჯობესება აინტერესებდათ.

ხშირად მუთაკაბილებად მოხელეები ან ფეოდალები იყვნენ. გამდიდრების მიზნით ისინი უწყალოდ აჩანაგებდნენ მოსახლეობას და ზოგჯერ მთელი წლის სარჩოსაც ართმევდნენ. რაკი გლეხის წლიური შემოსავალი გადასახადებს ვერ აუდიოდა, მოსახლეობა ტოვებდა სოფლებს და გარბოდა. მიწები ცარიელდებოდა და ნადგურდებოდა.

¹ აბუ იუსუფი, გვ. 129.

² პირა, რომელიც მიიღებს გადასახადის აკრფის უფლებას იჯარით.

³ გარიგება.

⁴ აბუ იუსუფი, გვ. 125—126.

გ. გლეხთა მდგომარეობა

მატერიალური დოვლათის ძირითადი მწარმოებელი აბასელთა სახალიფოში გლეხი იყო. გლეხის აღსანიშნავად არაბულ წყაროებში სხვადასხვა ტერმინი გვხვდება. ყველაზე ხშირად იხმარება ტერმინები: აჰლ ალ-არდი (اهل الارض)¹, აჰლ ალ-ხარაჯა (اهل الخراج)² და აჰლ აბ-ზიმმათი (اهل الذمة)³ გლეხის მნიშვნელობით იხმარება აგრეთვე ტერმინი რაია (رعية). ზემოთ ჩამოთვლილ ტერმინებს გარდა მიწის მუშის აღსანიშნავად გვხვდება აგრეთვე: ჰარასი (حراث), აქქარი (اكره) ულუჯი (علوج) და ფელაჰი (فلاح). როგორც ვხედავთ წყაროები გლეხის აღმნიშვნელ რამდენიმე ტერმინს ასახელებენ, მაგრამ აქ საქმე უნდა გვეკონდეს არა მრავალფეროვან გლეხთა კატეგორიებთან, რაც განვითარებული ფეოდალური ურთიერთობის შესაფერისია, არამედ მიწისმფლობელობის სპეციფიკიდან გამომდინარე თავისებურებასთან.

იმ პირობებში, როდესაც ქვეყნის მთელი მეურნეობა ხელოვნური მორწყვის ბაზაზე იყო აგებული, როგორც ამას ადგილი ჰქონდა მთელს მახლობელ აღმოსავლეთში და, კერძოდ, სახალიფოში, არსებობდა უმიწაწყო გლეხების დიდი რაოდენობა. ამას გარდა, სათემო ზიწების დიდი ნაწილი დატაცებული ქონდათ მსხვილ მიწისმფლობელებს. ასეთ პირობებში სანახევრო იჯარა გლეხისათვის შუა საუკუნეებში ეკონომიური აუცილებლობა იყო⁴. აღნიშნული მიზეზების გამო სოფლის მეურნეობაში დიდი ადგილი უკირავს მოიჯარეს (მოწილადეს, მონახევრეს), რომლის აღსანიშნავადაც არაბულ წყაროებში სხვადასხვა ტერმინი გვხვდება, კერძოდ: „მუნასიფი“, „ყამილი“, „აქქარი“, „შარიჟი“, „ყამირი“⁵. მოიჯარე უდიდეს როლს ასრულებდა სახალიფოს ეკონომიურ ცხოვრებაში.

იაკუბოვსკი აღნიშნავს: „Испольщик в сельском хозяйстве тех частей феодального Востока, которые жили в условиях искусственного орошения, фигура крупная, без нее не понять ни аграрных отношений, ни истории революционных движений большей части областей Передней и Средней Азии. Известно, что испольщик жил во все периоды феодализма на Востоке и дожил в ряде зарубежных стран до наших дней“⁶.

„ქითაბ ალ-ხარაჯში“ იჯარისადმი სპეციალური თავია მიძღვნილი. ამ თავში აბუ იუსუფი დაწვრილებით განიხილავს იჯარასთან დაკავშირებულ ყველა საკითხს. მოიჯარეს აღსანიშნავად ზემოჩამოთვლილი ტერმინები-

¹ აბუ იუსუფი, 100, 101, 102, 181; იაჰია იბნ ადამი, გვ. 33.

² იქვე, გვ. 51, 59, 99, 100, 126; იქვე, გვ. 9, 30, 65.

³ იაჰია იბნ ადამი, გვ. 7, 8, 16, 38, 46, 49, 50, 51, ივეითად იხმარებოდა

أهل ذى ذمة, გვ. 46, 47.

⁴ Л. Ю. Якубовский. Серьезное исследование по истории таджикского народа, Коммунист, 1953, № 1, გვ. 108; მისივე, Ирак на грани VIII—IX вв., გვ. 45.

⁵ მისივე, Об испольных арендах в Ираке в VIII в., გვ. 171.

⁶ იქვე, გვ. 184.

დან აქ მხოლოდ აქქარი¹ გვხვდება, დამატებით კი მუსთაყირი² და მუს-თა'ჯირი³.

იჯარა ქითაბ ალ-ხარაჯში მუზარაჟად (مزارع) ან მუსაკათად⁴ (مساك) იწოდება. ორივე ეს ტერმინი სანახევრო იჯარას აღნიშნავს, ოღონდ იგი განსხვავებით, რომ პირველ შემთხვევაში დასამუშავებლად გაიცემა სახნავ-სათესად ვარგისი დაუმუშავებელი მიწა, ხოლო მეორე შემთხვევაში მიწა, რომელზედაც პალმისა და ნაყოფის ხეები იზრდება.

საინტერესოა თვით ტერმინების مزارع და مساك წარმოების საკითხიც. ორივე ზმნის მესამე თემის მასდარს წარმოადგენს და ერთად მოქმედებაზე მიუთითებს. مزارع — საფუძვლად უდევს زر III თ زار თესვა, ხოლო مساك კი سقى III თ سقى — რწყვა. თვით სიტყვის მნიშვნელობები ხაზს უსვამს მასში მოთავსებულ შინაარსს: პირველ შემთხვევაში, როცა საქმე დაუმუშავებელ მიწას ეხება, მთავარი მნიშვნელობა თესვას ენიჭება, მეორე შემთხვევაში კი — რწყვას.

იჯარის აღსანიშნავად იხმარება აგრეთვე ტერმინი კიბალა كبال. ამ ტერმინით სახალიფოში აღინიშნებოდა ყოველგვარი გარიგება საერთოდ. კიბალა ეწოდებოდა იჯარის წესით გარიგებას, ხოლო თვითონ გარიგების წიგნს — კაბალა⁵. თუ კაბალა ეხება მიწას, მაშინ იგი იღებს მუზარაჟას ან მუსაკათის ფორმას. მუზარაჟა აბუ იუსუფის მიხედვით სულ 5 სახისაა:

1. მიწის გაცემა მოსავლის 1/2 ნაწილად. ამ შემთხვევაში მოიჯარე წარმოების ყველა საშუალებებს ფლობს მიწის გარდა.
2. მიწის გაცემა აგრეთვე მოსავლის 1/2 ნაწილად. იჯარის ამ სახის დროს თესლს და მუშა საქონელს თანაბრად იღებს ორივე მხარე.
3. მიწის გაცემა ფულით გარკვეული ხნის მანძილზე, 1 ან 2 წლის ვადით. გარიგების ამ სახეს იჯარა ეწოდება.
4. მიწის გაცემა მოსავლის 1/3 ან 1/4 ნაწილად.
5. მიწის გაცემა მოსავლის 1/6 ან 1/7 ნაწილად. იჯარის ამ სახის დროს, როგორც მიწა, ასევე წარმოების ყველა საშუალება მიწისმფლობელს ეკუთვნის.

გარიგების პირველ სახეს აბუ იუსუფთან ქარიჯა ეწოდება. „ალ-მუზარაჟა, ჩვენის აზრით, რამდენიმე სახისაა — წერს აბუ იუსუფი — მათგან: [პირველი] ქარიჯა, რომელშიაც არ იგულისხმება იჯარა (ე. ი. მიწის გაცემა ფულიად). ეს არის [ის სახეობა, როდესაც] გარკვეული პირი გადასცემს მეორეს მიწას დასამუშავებლად და იჯარის შესახებ მას პირობას არ უდებს. მუსთაყირი⁶ ამუშავებს [მიწას] თავისი თესლით, მუშა საქონლით და ხარჯებით.

¹ აბუ იუსუფი, 108.

² იქვე, გვ. 107.

³ იქვე, გვ. 108.

⁴ დაწვრილებით აქვს განხილული მუზარაჟა და მუსაკათი XI ს. ავტორს აბუ ისჰაკ აშ-შირაზის თავის „ათ-თანიზში“ (გვ. 142, 144).

⁵ აბუ იუსუფი, გვ. 106.

⁶ მოიჯარე.

მოსავალი ეკუთვნის ორივე მხარეს (თანაბრად). ხარაჯა აკისრია მიწის პატრონს, ხოლო თუ მიწა უშრისაა, მაშინ მოიჯარეს¹.

როგორც ვხედავთ, მოიჯარე მიწას თავისი საშუალებებით: თესლით, ხარებით და თავისი ხარჯებით ამუშავებს. მოსავალს ორივე მხარე ინაწილებს ტოლად. მიწაზე დაწესებულ გადასახადს კი სახარაჯო მიწებიდან იხდის მიწის პატრონი, უშრის მიწებიდან კი მოიჯარე.

მეორე სახე რამდენადმე გავს პირველს. „მიწა ეკუთვნის გარკვეულ პირს. იგი იხმობს სხვას, რათა დაამუშაონ ერთად. ხარჯები და თესლი თანაბრად აკისრია ორივეს. ეს სახე მსგავსია პირველისა. მოსავალი ეკუთვნის ორივე მხარეს (ტოლად). უშრი უნდა იქნას გადახდილი მოსავლიდან (ე. ი. იხდის ორივე მხარე) თუ მიწა უშრისაა, ხოლო თუ მიწა სახარაჯოა, მაშინ, ხარაჯას იხდის მიწისმფლობელი“².

მუზარაყას მეორე სახე პირველისაგან იმით განსხვავდება, რომ ამ შემთხვევაში თესლსა და მიწის დასამუშავებლად საკურო სხვა ხარჯებს მიწისმფლობელი და მოიჯარე სანახევროდ იყოფენ. მიწის პატრონი მიწის გარდა თესლისა და მიწის დასამუშავებელი ხარჯების ნაწილსაც იღებს: მოსავალს, როგორც პირველ შემთხვევაში, ახლაც ორივე მხარე ტოლად იყოფს. სახარაჯო მიწებიდან ხარაჯას იხდის მიწის პატრონი, უშრს კი ორივე მხარე ზიარად.

მუზარაყას მესამე სახე აბუ იუსუფთან წარმოადგენს მიწის გაცემას გარკვეული ფასის გადახდით: „[მუზარაყას] შემდეგი სახე არის იჯარა დაუმუშავებელი მიწისა ღირებულების გარკვეული რაოდენობით ერთი ან ორი წლის ვადით. ასეთი ვარიგება კანონიერია. აბუ ჰანიფას აზრით, ხარაჯა [ამ შემთხვევაში] მოდის მიწისმფლობელზე. თუ მიწა უშრისაა, მაშინ უშრიც მიწისმფლობელზე მოდის. ამასვე ამბობს აბუ იუსუფი სახარაჯო მიწის იჯარის შესახებ. რაც შეეხება უშრს, უშრი მოსავლის პატრონს (ე. ი. მოიჯარეს) ეკისრება“³. ვარიგების ეს სახე გულისხმობს გარკვეული ფასის გადახდის პირობით მიწის გაცემას ერთი ან ორი წლის ვადით. ხარაჯას იხდის

¹ აბუ იუსუფი, გვ. 107, 108. المزارعة عندنا على وجوه منها عارية ليس فيها اجارة و هو الرجل يعير اخاه ارضا بزرعها و لا يشترط عليه اجارة فيزرعها المستعير ببذره و بقره و نفقته فالزرع له (لهما იყოფს) و الخراج على رب الارض' فان كانت من الارض العشر فالعشر على الزارع.

² აბუ იუსუფი, გვ. 108. تكون الارض للرجل فيدعو الرجل الى ان يزرعها جميعا و النفقة و البذر عليهما نصفان فهذا مثل الاول الزرع بينهما و العشر في الزرع ان كانت ارض العشر' وان كانت ارض الخراج على رب الارض.

³ აბუ იუსუფი, გვ. 108. وجه آخر: اجارة ارض بيضاء بدرهم مساة سنة و سنتين فهذا جائز و الخراج على رب الارض في قول ابي حنيفة رضى الله تعالى عنه وان كانت ارض عشر فالعشر على الارض و كذلك قال ابو يوسف في الخراج' و اما العشر فعلى صاحب الطعام.

მიწისმფლობელი, ხოლო უშრს—მოიჯარე. მუზარაყას ეს სახე საგრძნობლად განსხვავდება დანარჩენი სახეებისაგან. ამ შემთხვევაში ნატურალური გარიგების ნაცვლად ფულად გარიგებასთან გვაქვს საქმე, რომლის აღსანიშნავადაც აბუ იუსუფის შრომაში იხმარება ტერმინი იჯარა. იჯარა ჩხოლოდ ამ სახის გარიგებას აღნიშნავს და წიგნის მიხედვით სხვა სახეების მიმართ ეს ტერმინი არ გამოიყენება.

მუზარაყას მეოთხე სახე გულისხმობს მიწის ვაცემას მოსავლის 1/3 ან 1/4 ნაწილად: „ესაა მუზარაყა მესამედად და მეოთხედად (მოსავლისა). ამბობს აბუ ჰანიფა... რომ იგი არის ზიანის მომტანი, რომ მოიჯარე უნდა მიიღოს საზღაური მისი შრომის მიხედვით. ხარაჯა უნდა გადაიხადოს მიწის პატრონმა ასევე უშრიც. მე კი ვამბობ: ასეთი სახე მუზარაყასი კანონიერი შეთანხმების საფუძველზე. ხარაჯა აკისრია მიწის პატრონს, ხოლო უშრი ორივეს ერთად მოსავლის წილის შესაბამისად“¹.

როგორც წიგნიდან ჩანს, მუზარაყას ამ სახის გარშემო აზრთა სხვადასხვაობა არსებობდა. ზოგიერთი კანონმდებელი, მათ შორის აბუ ჰანიფაც მუზარაყას ამ სახეს უკანონოდ მიიჩნევს. მისი აზრით მოიჯარე ამ შემთხვევაში უნდა იიღოს თავისი შრომის სანაზღაო და არა მოსავლის 1/3 და 1/4 ნაწილი. ამავე დროს როგორც ხარაჯა, ისე უშრი მიწისმფლობელმა უნდა გადაიხადოს. რაც შეეხება აბუ იუსუფს, იგი როგორც ეხედავთ, მუზარაყას ამ სახეს კანონიერად თვლის.

დასასრულ აბუ იუსუფი მუზარაყას კიდევ ერთ სახეს განიხილავს. „მიწა, ხარები და თესლი ეკუთვნის გარკვეულ პირს. იგი მოუხმობს აქქარს და აძლევს (ყველაფერ მას) მას. იგი (აქქარი) ამუშავებს მიწას და იღებს მოსავლის 1/6 ან 1/7 ნაწილს. აბუ ჰანიფასა და მისი მიმდევრების მიხედვით ასეთი გარიგება დაუშვებელია. მოსავალი მათი სიტყვით ეკუთვნის მიწის პატრონს, ხოლო აქქარს სანაზღაო მისი შრომის მიხედვით. ხარაჯა აკისრია მიწისმფლობელს, უშრი კი მოსავალს. თქვა აბუ იუსუფმა: ეს (ასეთი გარიგება) ჩემის აზრით დასაშვებია ურთიერთშეთანხმების საფუძველზე. როგორც ამაზე ლაპარაკობს გადმოცემა“².

ამ შემთხვევაში მიწისმფლობელს გარდა მიწისა ეკუთვნის აგრეთვე თესლი და შუშა საქონელიც. მოიჯარე ამუშავებს მიწას და სანაზღაოდ

¹ المزاعة بالثلث و الربع فقال ابو حنيفة رضى الله تعالى عنه، في هذا: انه فاسد و على المستأجر اجر مثلها و الخراج على رب الارض و العشر على رب الارض و قلت: المزاعة جائزة على شروطها و الخراج على رب الارض والعشر عليهما جميعا في الزرع.

² تكون للرجل ارض و بقر و بذر فيدعو اكارا فيدخله فيها، فيعمل ذلك و يكون له السدس و السبع فهذا فاسد في قول ابي حنيفة رضى الله تعالى عنه و من وافقه و الزرع في قولهم لرب الارض و للاكار اجر مثله و الخراج على رب الارض و العشر في الطعام قال ابو يوسف هو عندي جائز على ما اشترطا عليه على ما جاءت به الآثار.

იღებს მოსავლის 1/6 ან 1/7 ნაწილს. ზოგიერთი მუსლიმანი კანონმდებელი, მაგ., აბუ ჰანიფა ასეთი გარიგების წინააღმდეგაა. მისი აზრით ამ შემთხვევაშიც მოიჯარემ თავისი შრომის საფასური უნდა მიიღოს. აბუ იუსუფის აზრით კი ასეთი გარიგებაც დასაშვებია ურთიერთშეთანხმების საფუძველზე.

სახალიფოში მიწების დიდი ნაწილი იჯარის წესით მუშავდებოდა. მოიჯარეები ამუშავებდნენ როგორც სახელმწიფო, ისე კერძო მიწებს. „ქითაბ ალ-ხარაჯში“ მხოლოდ კერძო მიწების იჯარით გაცემაზეა მსჯელობა, მაგრამ საფიქრებელია, რომ იჯარის ზემოგანხილული სახეები იყო გამოყენებული სახელმწიფო მიწების მიმართაც. იჯარის წესით მუშავდებოდა როგორც მსხვილი, ასევე საშუალო და წვრილი მიწის ნაკვეთები. მსხვილ მიწის ნაკვეთებს, დიაკებს, როგორც წესი მოიჯარეები ამუშავებდნენ. მიწისმფლობელები ყოფდნენ მიწას წვრილ-წვრილ ნაკრებად და ურთავებდნენ მოიჯარეებს. მსხვილი მიწისმფლობელისათვის იჯარა ექსპლოატაციის ყველაზე უფრო ხელსაყრელ ფორმას წარმოადგენდა¹.

მოიჯარედ შეიძლება ყოფილიყო მეზობელი თემის გლეხი ანდა სრულიად უმიწო კაცი. თავისი სანეურნეო მდგომარეობის მიხედვით მოიჯარედ ღებდა ხელშეკრულებას მიწისმფლობელთან. სხვადასხვა პირობები: მცირემიწიანობა, მოუსავლიანი წელიწადი, ვალები და სხვა, აიძულებდა თავისუფალ მიწის მუშას მოიჯარე გაეხდარიყო. ყოველ სოფელში იყო მცირემიწიან გლეხთა დიდი ნაწილი, რომელსაც მიწა არ ყოფნიდა. ისინი იძულებულნი იყვნენ ან ქალაქში წასულიყვნენ, ანდა ეძებნათ დამატებით მიწა თემის ტერიტორიის გაკრთვით, მსხვილ მიწისმფლობელთან. აბუ იუსუფის მიერ განხილული იჯარის სახეებში პირველ ორ შემთხვევაში მოიჯარეებად სწორედ ასეთი პირები იგულისხმებიან. ამ მოიჯარეებს მხოლოდ მიწა არა აქვთ საკმარისი. მაგრამ ფლობენ წარმოების საშუალებებს: თესლს, მუშა საქონელს, იარაღებს. როგორც ჩანს, მუნასიფის—მენახევრის სახელით სწორედ ასეთი მოიჯარეები აღინიშნებიან.

ერთ შემთხვევაში (იჯარის მეხუთე სახე) მოიჯარეს გარდა სამუშაო ძალისა არაფერი გააჩნია. ამ შემთხვევაში მოიჯარე (აქქარი) სრულიად მოკლებულია წარმოების საშუალებებს. მიწის პატრონისაგან მიწის გარდა იგი ღებულობს აკრეთვე თესლს, იარაღს, მუშა საქონელს და სამაგიეროდ იღებს მოსავლის 1/6 ან 1/7 ნაწილს. ეს არის ის მინიმუმი, ურომლისოდაც ნიწის მუშას არსებობა არ შეუძლია. ასეთი მოიჯარე არ შეიძლება იყოს მიწიანი გლეხი, იგი სრულიად უმიწოა. ასეთები ფეოდალიზაციის პროცესის გაძლიერებასთან დაკავშირებით განსაკუთრებით მომრავლდნენ სახალიფოში VIII ს. დამლევთან.

მოიჯარეთა მდგომარეობას ამძიმებდა ის გარემოებაც, რომ აბასელების დროს ყველა მიწა სახელმწიფოში სახარაჯო ან უშრის მიწად ითვლებოდა. ეს მოიჯარეებს მიწის დამუშავების დროს უთვალისწინებდა გარკვეულ ვალდებულებას სახელმწიფოს მიმართ².

იჯარის წესით სახალიფოში ძირითადად კერძო საკუთრების მიწები ნუშავდებოდა. სახელმწიფო მიწებს კი ჩვეულებრივ სოფლის თემის გლეხები

¹ А. Ю. Якубовский. Серьезное исследование по истории таджикского народа, гл. 108.

² А. Ю. Якубовский. Ирак на грани VIII—IX вв., гл. 45—46.

ანუშავებდნენ, რომლებიც სახელმწიფოს, როგორც მიწის მესაკუთრის, წინაშე გარკვეულ ვალდებულებებს ასრულებდნენ.

არხების გაყვანა და გაწმენდა, ახალი გზების გაყვანა და ძეგლების შეკეთება, ხიდების მშენებლობა, ქალაქებისა და ციხეების კედლების აყვანა გლეხების მოვალეობა იყო. გლეხი ვალდებული იყო გამოცხადებულიყო თავისი სანოვაგით, ხელსაწყოებით და სახელმწიფოს მიერ დაწესებულ ვადებში შეესრულებინა უფასოდ მისთვის სავალდებულო ეს სამუშაო¹.

ამგვარი მუშაობა ბეგარა იყო, მაგრამ აღმოსავლეთის ქვეყნებში გავრცელებული ბეგარის ის სახე, რომელიც გულისხმობდა არა ფეოდალის პირად მეთურნობაში „მუშაობას“, არამედ „მუშაობას“ არხების, გზების, ხიდების და სხვა ნაგებობათა გასაყვანად.

ამასთანავე მოსახლეობას ევალდებოდა თავის ხარჯზე შეენახა გზად მიმავალი ვაკრები, „დახმარებოდა“ მუსლიმურ ეკლესიას და სხვა. განსაკუთრებით საინტერესო სახეს იღებდა გლეხის ვალდებულებები სამხედრო საქმეებთან დაკავშირებით. ხშირად ამირას ლაშქრობაში მიყავდა მთელი თემი, გზაზე გლეხები ვალდებულნი იყვნენ ეჩხათ ტყეები, შეესრულებინათ სხვადასხვა სამუშაოები და სხვ.²

დაპყრობილ ადგილებში, განსაკუთრებით კი სანაპირო ოლქებში მდგარი არაბული გარნიზონები ასევე მძიმე ტვირთად აწვა დაპყრობილ მოსახლეობას. ეს ლაშქარი ჯამაგირს სახელმწიფო ხაზინიდან არ იღებდა და მეზობელი სოფლებისა და ნადავლის ხარჯზე ცხოვრობდა. მოსახლეობა ვალდებული იყო მიეცა მათთვის ბინები, მოემარაგებინა სურსათ-სანოვაგით და ფურაჟით³.

ყველაზე მძიმე ტვირთი მიწისმოქმედი მოსახლეობისათვის მიწაზე დაწესებული გადასახადი, ხარაჯა იყო. ხარაჯა მისაჰამ კიდევ უფრო დაამძიმა სახალიფოში ძირითადი მწარმოებელი კლასის მდგომარეობა.

ამასთან, როგორც ზემოთ აღვნიშნეთ, ადგილობრივი მმართველები და გადასახადის ამკრეფი პირები ხშირად თავიანთი შეხედულებისამებრ აწესებდნენ გადასახადებს, მოითხოვდნენ იმაზე მეტს, რაც კანონით იყო გათვალისწინებული.

ზედმეტი გადასახადები კიდევ უფრო ამძიმებდა მიწის მუშების ისედაც მძიმე მდგომარეობას. ამას ემატებოდა კიდევ გადასახადის გადამხდელთა მიმართ გადასახადის ამკრეფ მოხელეთა უსამართლო მოქმედება.

რადგანაც გლეხს გადასახადი ნაწილობრივ ფულით უნდა გადაეხადა, რგი იძულებული იყო ფული ეშოვნა. ამ შემთხვევაშიაც უმეტესად გლეხი იჩაგრებოდა. გლეხებს ჩვეულებრივ აძლევდნენ გაცვეთილ მონეტას. ხშირად მათ მიერ გადახდილ ფულს არასრულფასოვნად თვლიდნენ და მეტს ითხოვდნენ, რასაც უმეტესად გადასახადის ამკრეფი მოხელეები ითვისებდნენ ხოლმე⁴. გამომალვა, წამება, მოტყუება, ტიპიური მოვლენა იყო სახალიფოს

¹ История народов Узбекистана, т. I, гл. 175.

² В. П. Захoder. История восточного средневековья (Халифат и Ближний Восток), М., 1944, гл. 77.

³ История народов Узбекистана, гл. 175.

⁴ ა ბ ჟ ი ე ს უ ფ ი, გვ. 130.

საგადასახადო სისტენისა¹. განსაკუთრებით მძიმე იყო გლეხობისათვის გადასახადების აკრეფის უფლების იჯარით გაცემის წესი, რომელიც მრავალ უსამართლო მოქმედებას უწყობდა ხელს. გლეხობა მძიმე მდგომარეობაში იწყებოდა.

ყველაზე მეტად მაინც დაპყრობილი, არამუსლიმანი მოსახლეობა იყო დაჩაგრული.

განსაკუთრებით დამძიმდა არაბთა უღელი დაპყრობილი ხალხებისათვის აბასელების დროს. თუ ომაელების დროს მათ მარტო არაბები „ქამდნენ“; ახლა ირანელი და ადგილობრივი ფეოდალებიც მიემატნენ და გლეხი აუტანელ მდგომარეობაში ჩავარდა.

გაძლიერებული ექსპლოატაცია აღატაკებდა გლეხს, ძირს უთხრიდა მის ეკონომიურ მდგომარეობას. მძიმე და აუტანელ ფეოდალურ ექსპლოატაციას უკიდურესბამდე მიყვანილი გლეხი აჯანყებით ან აყრა-გაქცევით პასუხობდა. იყენებდა კლასობრივი ბრძოლის როგორც აქტიურ, ისე პასიურ ფორმებს. რადგანაც გლეხის წლიური შემოსავალი გადასახადებს ვერ აუდიოდა, იგი იძულებული იყო მიეტოვებინა მეურნეობა და გაქცეულიყო. მოსახლეობა ტოვებდა სოფლებს და გარბოდა. გლეხების აყრა-გაქცევის შესახებ უხვი ცნობები მოიპოვება არაბულ წყაროებში.

გლეხის აყრა-გაქცევის შედეგები მძიმე ტვირთად აწვებოდა დარჩენილებს, რადგანაც მთელი გადასახადი მათ უნდა გადაეხადათ.

ფეოდალური ექსპლოატაციის წინააღმდეგ იყო აგრეთვე მიმართული კლასობრივი ბრძოლის აქტიური ფორმა—გლეხთა მასობრივი აჯანყებები. აბასელთა სახალიფოში ხშირი იყო გლეხთა ან ხელოსანთა აჯანყებები. გლეხთა აჯანყებანი წითელ ზოლად გასდევს აბასელთა სახალიფოს არსებობას. იგი თან დაჰყვა მის გაჩენას და დარჩა მის მუდმივ მოვლენად. აღსანიშნავია, რომ ყველაზე დამძული დრო ამ თვალსაზრისით სწორედ VIII—IX საუკუნეებია.

ამ ხანებში სახალიფოში გლეხთა რამდენიმე აჯანყებაა ცნობილი: სუნბადის აჯანყება 755 წელს, 756 წ. გლეხთა დიდი აჯანყება მოსულში, რომელიც მთელს ჩრდ. დასავლეთ ირანში გავრცელდა, გლეხთა აჯანყებები მესოპოტამიაში, სისტანში, მუჰანას აჯანყება შუა აზიაში 776—783 წ. და ბაბეკის აჯანყება აზერბაიჯანში 817—837 წლებში.

განსაკუთრებული როლი ითამაშეს სახალიფოს ისტორიაში მუჰანასა და ბაბეკის აჯანყებებმა, რომლებიც, როგორც პროფ. იაკუბოვსკი აღნიშნავს, წარმოადგენენ „ქეშმარიტად ღირსშესანიშნავ მოვლენას აღმოსავლეთში ფეოდალური საზოგადოების კლასობრივი ბრძოლის ისტორიაში“².

ორივე მოძრაობა მიმართული იყო არა მარტო არაბული ხელისუფლებისა და სახარაჯო სისტემის, გაზრდილი გადასახადებისა და ფეოდალური ექსპლოატაციის გაძლიერების წინააღმდეგ, არამედ თვით ფეოდალური საზოგადოების საფუძვლების, ყოველგვარი გადასახადების, წოდებრივი უთანასწორობისა და ფეოდალური პრივილეგიების წინააღმდეგაც. ორივე მოძრაობა გამოხვეული იყო რელიგიურ საბურველში, რომელიც მაზდაკელთა მოძღვრების დიდ გავლენას განიცდიდა.

¹ აბუ იუსუფი, გვ. 128—129.

² А. Ю. Якубовский. Ирак на грани VIII—IX вв. гв. 32.

გლებთა აჯანყებანი, როგორც აღვნიშნეთ, აბასელთა სახალიფოს წარმოშობისთანავე დაიწყო. 755 წელს ხალიფა ალ-მანსურის ბრძანებით მოკლეს ხორასნის გლებთა აჯანყების მეთაური აბუ-მუსლინი. ამან დაუყოვნებლივ გამოიწვია გლებთა მოძრაობა, რომელიც „მუსლიმიანს“ სახელწოდებით ცხობილი რელიგიური სექტის მოღვაწეობასთან იყო დაკავშირებული.

აბასელებმა იმედი გაუტრუეს საზოგადოების დაბალი სოციალური ფენების წარმომადგენლებს, რომლებიც წინათ აბასელთა სასარგებლოდ ეწეოდნენ პროპაგანდას. გლებთა ექსპლოატაციის გაძლიერების პირდაპირი შედეგი იყო სხვადასხვა „ერესების“, მათ შორის, სუფიზმის და ისმალიტობის წარმოშობა. ეს რელიგიური სექტები ადრე მკიდროდ იყვნენ დაკავშირებული გლებთა მოძრაობებთან, სანამ მათ ფეოდალები თავიანთი კლასობრივი მიზნებისათვის გამოიყენებდნენ.

2. სახალიფოს ფეოდალური დაშლა

§ 1. დამოუკიდებელი საამიროების წარმოშობა

სახალიფოს ფეოდალური დაშლის ნიშნებმა უკვე VIII—IX საუკუნეთა მიჯნაზე იჩინეს თავი.

პარუნ არ-რაშიდის (786—809) გარეგნულად ბრწყინვალე ხანა ფაქტიურად აბასელთა სახალიფოს ძლიერების დასასრულის დასაწყისი იყო.

აბასელთა სახალიფოს დასავლეთ ნაწილში წარმოიქმნა დამოუკიდებელი პოლიტიკური ერთეულები: თულუნიანთა (788 წ.) და ალლაბიანთა (800 წ.). მუსლიმანურ ესპანეთში არსებობდა კორდოვას დამოუკიდებელი საამირო, რომლის სათავეშიც (756 წლიდან) დამასკოდან გაქცეული ომაილი უფლისწულის ჩამომავლები იდგნენ. 929 წელს აქ წარმოიქმნა კორდოვას სახალიფო (929—1031), ეგვიპტე IX ს-ის მთელს სივრცეზე აჯანყებათა ცეცხლში იყო გახვეული. შიიტობის რელიგიურ სამოსელში გამოხვეულმა სოციალურმა მოძრაობამ ნიადაგი მოუმზადა ფატიმიდების სახალიფოს წარმოშობას X საუკუნის დამდეგს. ფატიმიდების ანუ კაიროს სახალიფოს (910—1171) დაუკავშირდა სირიაც.

განკერძოებისადმი ტენდენცია ძლიერი იყო აგრეთვე სახალიფოს აღმოსავლეთ ნაწილში. X ს-ის შუა წლებისათვის აბასელთა სახალიფო ბალღადით და მისი სანახებეთი შემოიზღუდა.

განსაკუთრებით აქტიური იყო აღმოსავლეთში ირანული ელემენტი. ახალს ვითარებასა და პირობებში ირანელები დღის წესრიგში აყენებდნენ ირანის სახელმწიფოს აღდგენის საკითხს. ირანელთა ინტელექტუალური მოძრაობა („შუბია“) ამ დროს აშკარად გადაიზარდა პოლიტიკურ მოძრაობაში.

„შუბიას“ მთავარი ეროვნული მოტივი („ჩვენ (ირანელები) ჯემშიდების ჩამომავლები ვართ, არაბს კი თავისი პაპის სახელიც არ ახსოვს“), რომლითაც ირანელთა კულტურული უპირატესობა და ათასწლოვანი სახელმწიფოებრივი ტრადიციები იყო ხაზგასმული, არაბთა ბატონობის დამხობის ლოზუნგად იქცა.

IX საუკუნეში ყალიბდება და ვითარდება ახალი სპარსული ენა, რომელმაც მალე არაბული შეცვალა და სწრაფად გავრცელდა შუა აზიაში, ირანში. ახალი სპარსული ენა მარჯვედ იქნა გამოყენებული დამოუკიდებელი ფეოდალური სახელმწიფოების მშენებლობაში. დამახასიათებელია, რომ ახა-

ლი სპარსული არაბულს უპირისპირდება ხორასანსა და შუა აზიაში, სადაც პირველი დამოუკიდებელი ფეოდალური ორგანიზმები წარმოიშვა.

IX ს-ის დამდეგისათვის კომპრომისის პერიოდი არაბულ და ირანულ არისტოკრატიას შორის მწვავე კონფლიქტით დამთავრდა. ირანული ელემენტის დაწინაურებით უკმაყოფილო არაბები ახლა თავიანთი ოდინდელი პირველობისა და უპირატესობის აღდგენას მოითხოვენ. თვით ხალიფა ჰარუნ არ-რაშიდი შეშფოთებული იყო ირანელი ფეოდალების აღზევება-გაძლიერებით. უეჭველია, ეს იყო ბარმაქელ ვეზირთა საგვარეულოს წევრების გაუღელტის, დაპატიმრების და ქონების კონფისკაციის მთავარი მიზეზი. ჰარუნ არ-რაშიდი სასტიკად გაუსწორდა ხალიფას ტოლ ვეზირს. მაგრამ ამით ბრძოლა არაბებსა და ირანელებს შორის არ დამცხრალა. ამ ბრძოლასთან უნდა იყოს დაკავშირებული ხალიფას დაღუპვა 909 წელს, როდესაც იგი ხორასანში მომხდარი აჯანყების ჩასაქრობად მიემართებოდა.

ბრძოლა არაბულ და ირანულ ელემენტს შორის კიდევ უფრო გაძლიერდა ალ-ამინის ხალიფობაში (909—913). ალ-ამინი დედითაც არაბი იყო; ბავშვობაში აღსაზრდელად ბედუნიებში გაბარებული და საერთოდ არაბულ ტრადიციებზე აღზრდილი.

ალ-ამინს არაბებმა დაუპირისპირეს მისივე ძმა ალ-მამუნი, დედით სპარსელი, ხორასანში აღზრდილი, ხორასანის გამგებელი და ირანული ტრადიციების ერთგული დამცველი. ირანელებთან ერთად ალ-მამუნს მხარს უჭერდნენ ირანიზებული (უპირატესად ქალაქებში მოსახლე) და გაფეოდალებული არაბები იმათ წრიდან, ვინც ირანში მიწა-წყალი შემოიმტკიცა და დეჰყანების საზოგადოებრივ ფენაში მოექცა.

ბრძოლა ალ-ამინსა და ალ-მამუნს შორის დამთავრდა 813 წელს ალ-მამუნის გამარჯვებით. გამარჯვება მას ირანელმა სარდალმა ალ-თაჰერმა მოუპოვა.

ხალიფა ალ-მამუნმა (813—835) არა მარტო აღადგინა პირველი აბასელი ხალიფების პოლიტიკა ირანელ ფეოდალებთან დამოკიდებულებაში, არამედ უფრო რადიკალურ ღონისძიებებს მიმართა. მან ხალიფას მემკვიდრედ გამოაცხადა შიიტების მერვე იმამი ალ-რიზა და აბასელების შავი ალამი შიიტების მწვანე ალმით შეცვალა. ეს უკვე სახელმწიფო გადატრიალებას ნიშნავდა. და არაბებმაც ამას აჯანყებით უპასუხეს. ამიტომ ალ-მამუნი მხოლოდ 818 წელს შევიდა ბაღდადში. არაბებმა მას ქალაქ ბაღდადის ალაყაფები გაუღეს მხოლოდ შიიტური მიდრეკილებების უარყოფის შემდეგ. ალ-რიზა ყურძნის მტევანზე დაყრილ საწამლავს გადაჰყვა, ხოლო არაბთა საქულველი ირანელი ვეზირი ხალიფას ბრძანებით მოაშთვეს. მაგრამ ხალიფა კიდევ უფრო მეტს უთმობდა ირანელებს. 820 წელს იგი იძულებული იყო ალ-თაჰერი ხორასანის დამოუკიდებელ ამირად ეცნო. ასე წარმოიშვა თაჰერიდების საამირო—პირველი დამოუკიდებელი ფეოდალური სახელმწიფო სახალიფოს აღმოსავლეთ ნაწილში.

ალ-მამუნი განათლებული ხალიფა იყო. იგი დაინტერესებული იყო მხატვრული, საისტორიო, გეოგრაფიული და ფილოსოფიური მწერლობის განვითარებით. მთავარი ყურადღება მიაჩნებოდა ბუნებისმეტყველებასა და მათემა-

ტიკას მიეკცა. ალ-მამუნის თაოსნობით ბაღდადში დაარსდა ობსერვატორია. მანვე ქალაქ ჯუნდჰაპურში (სასანური გუნდჰაბური—ხუზისტანში) ალაღინა უმაღლესი სამედიცინო სასწავლებელი. მის დროს მეცნიერებმა პირველად გაზომეს დედამიწა და აღნიშნეს, რომ დედამიწა სფეროსებრი იყო. ბუნებისმეტყველების განვითარებამ წარმოშვა რაციონალური მიმართულება არაბულენოვან ფილოსოფიაში, რომელიც მუთაზილობის სახელითაა ცნობილი.

მუთაზილები უარყოფდნენ ყურანის ღვთაებრივ წარმოშობას და ჰქადაგებდნენ ნებისყოფის თავისუფლებას. აღრიგად, მუთაზილები მკვეთრად დაუპირისპირდნენ შუასაუკუნეებრივ პროვიდენციალიზმს („ღვთის მნებელობას“), რომელიც საყოველთაოდ იყო გაბატონებული როგორც აღმოსავლეთის, ისე დასავლეთის მწერლობასა და ისტორიოგრაფიაში. მათი მსჯელობა დამყარებული იყო ბუნებისმეტყველების მიღწევებზე. ამით ისინი ყოველგვარ ნიადაგს აცლიდნენ ორთოდოქსალური ისლამის წარმოდგენებს. ყველაფერი ეს, რა თქმა უნდა მიანიც რელიგიურ სამოსელში იყო გახვეული, თუმცა მუთაზილებმა წარმოდგენა ალაჰზე ანტროპომორფიზმისაგან გაანთავისუფლეს და ბუნებასა და ადამიანთა საზოგადოებრივ ურთიერთობას გამოსთიშეს.

მუთაზილობა ხალიფა ალ-მამუნმა სახელმწიფო რელიგიად გამოაცხადა, რამაც რეაქციული ძალების გაბოროტება და მძაფრი წინააღმდეგობა გამოიწვია. ორთოდოქსალური ისლამი სახელმწიფო რელიგიის უფლებებში ხელახლად აღდგენილი იქნა ალ-მუთავაჰილის ხალიფობაში (847—862), როდესაც სახალიფო სწრაფად დაადგა დაქვეითებისა და დაშლილობის გზას.

მაგრამ მუთაზილობას უკვალოდ მიანიც არ ჩაუვლია. ორთოდოქსალური (სუნიტური) ისლამის წარმომადგენლები შერყეული პრესტიჟის აღდგენის მიზნით იძულებული იყვნენ მიემართათ მუთაზილების მიერ შემუშავებული მსჯელობის მეთოდებისათვის და მტკიცების ხერხებისათვის. ამ ნიადაგზე VIII—IX საუკუნეებში ჩამოყალიბდა სუნიტობის ოთხი სკოლა: მალიქიტების, ჰანიფიტების, შაფიტების და ჰანბალიტების¹.

ადრინდელი ისლამის მარტივი თეოლოგია ისლამის მსოფლიო რელიგიად გადაქცევის პერიოდში სუნიტური სკოლების რთული თეოლოგიით შეიცვალა. ახლა უკვე მუთაზილებს საქმე ჰქონდათ არა მომთაბარე არაბების პრიმიტიულ სარწმუნოებრივ წარმოდგენებთან, რომელთა გაბათილება ძნელი არ იყო კერძოდ ყურანის ღვთაებრივი წარმოშობის საკითხში, არამედ ფილოსოფიურ სამოსელში გამოხვეულ ისლამთან. სწორედ ეს ისლამი გახდა გაბატონებული კლასის იდეოლოგიად აღმოსავლეთში.

¹ ამ სკოლების დამაარსებლები იყვნენ: მალიქ ბ. ანასი (715—795), აბუ ჰანიფა (გარდაიცვალა 767 წელს), აშ-შაფი (767—820) და აჰმედ ბ. მუჰამედ ბ. ჰანბალი (780—855). შაფიტები და ჰანიფიტები ირანელი სუნიტები იყვნენ, ჰანიფიტები ოსმალები, მალიქიტებს და ჰანბალიტებს მიმდევრები უმირატესად არაბეთში და აფრიკაში ჰყავდათ. ამ სკოლების თეორიების მიხედვით წარმოებს მუსლიმანურ სამართალში მიწათმფლობელობის და მიწათსარგებლობის, გადასახადების და საგადასახადო სისტემის, ქონების და საკუთრების იურიდიული ინტერპრეტაცია, ანაისთან სუნიტური, როგორც გაბატონებული კლასის იდეოლოგიის, თეორიები პრაქტიკასთან შედარებით უფრო ახლოს დგას, ვიდრე შიიტური თეორიები. და ეს იმის გამო რომ სახელმწიფო რელიგიად შიიტობა მხოლოდ XVI ს-ის დამდეგს იქცა.

„არაბული კულტურის“ აღმავლობა-განვითარება მიმდინარეობს არაბთა ბატონობის დასუსტებისა და სახალიფოს ფეოდალური დაშლის პერიოდში. ამიტომ გამოთქმა „არაბული კულტურა“ შეიძლება ვიხმაროთ მხოლოდ პირობითი მნიშვნელობით¹. ცნობილია: „არაბული კულტურის“ შექმნაში, გარდა საკუთრივ არაბებისა, აქტიურად მონაწილეობდნენ დაპყრობილი ხალხები, რომელთა მეურნეობის და კულტურის განვითარებას ფართო გასაქანი მისცა სახალიფოს ფეოდალიზაციამ. გამოჩენილი მწერლების, ისტორიკოსების, გეოგრაფოსების, მათემატიკოსების უმრავლესობას ირანელები შეადგენდნენ. არა-არაბული წარმოშობის მწერლები და მეცნიერები არაბულად წერდნენ და აზროვნებდნენ იმიტომ, რომ იძულებით გავრცელებულმა არაბულმა ენამ ლათინური ენის მსგავსი ადგილი დაიკირა შუა საუკუნეების აღმოსავლეთში.

„არაბული კულტურის“ აღმავლობას საფუძველი შეუქმნა დაწინაურებულმა ფეოდალურმა ეკონომიკამ.

ინტენსიური სოფლის მეურნეობა, ფეოდალური ქალაქების წარმოშობა, საქალაქო ცხოვრების გართულება, ვაჭრობისა და ხელოსნობის განვითარება, საქონლის ბრუნვისა და ფულადი მეურნეობის ზრდა მახლობელ და შუა აღმოსავლეთის სამეურნეო ცხოვრების მნიშვნელოვანი მოვლენებია IX—X საუკუნეებში.

დამუშავებული მიწების ფართობის გაზრდის საკირობამ გააძლიერა ბრძოლა მიწების ფეოდალური მითვისებისათვის. ეს ბრძოლა, რომელშიაც საზოგადოების სხვადასხვა ფენები იყვნენ ჩაბმული, კლასობრივ ნიადაგზე იყო აღმოცენებული და განვითარებული. მწვავე კლასობრივი ბრძოლის მკაფიო გამოხატულება იყო გლეხთა მრისხანე აჯანყება აღ-მამუნის ხალიფობაში. გლეხთა აჯანყების მიზეზი იყო არა მარტო ვადასახადების გადიდება, გლეხთა მოტყუება (საწყაობების გაზრდა, ჯერიბის ზომის შემცირება, პროდუქტების გაცვეთილი მონეტებით გასტუმრება) და ძარცვა (ხარაჯას წელიწადში ორჯერ ან ოთხჯერ აღება), არამედ სათემო მიწების დატაცებაც ფეოდალების მიერ.

თუ ომაელების და აბასელების დროს განუხრელად იზრდება სახელმწიფო მიწების ფონდი, ახლა მიწებისათვის ბრძოლა ამის საწინააღმდეგო ტენდენციას ამჟღავნებს. ამიერიდან ბრძოლა მოწის ფეოდალური გასაკუთრებისათვის წარმოებს.

ხალიფები (ხოლო შემდეგ დამოუკიდებელი ამირები და სულთნები) ცდილობენ გაზარდონ სახელმწიფო მიწისმფლობელობა. საამისოდ ისინი ყველა საშუალებას მიმართავენ: დაპყრობას, იძულებას, კონფისკაციას, მისართმეველის ფორმაში გამოხატულ მიტაცებას, ყიდვას². ფართოდ იყო გამოყენებული აგრეთვე კოშენდაციის წესი: ხალიფასათვის მიწების გადაცე-

¹ ამგვარადვე შეუფერებელია გამოთქმა „მუსლიმანური კულტურა“, რადგან არაბული თუ მუსლიმანური კულტურის განვითარებაში მონაწილეობდნენ ქრისტიანებიც და ებრაელებიც.

² საამისო მაგალითები იხილე ლამბტონის წიგნში: A. Lambton. Landlord and peasant in Persia, London, 1953, გვ. 25—28.

მა და მის მფარველობაში შესვლა. ამავე დროს აბასელი ხალიფები ცდილობენ გააძლიერონ მუსლიმანური ეკლესიის მიწისმფლობელობა. ჰარუნ არ-რა-შიდი, ჩანს, მუსლიმანურ ეკლესიას ეყრდნობა აღზევებული ფეოდალების გაელენის შეზღუდვის საქმეში; ცდილობს განამტკიცოს სასულიეროთა ფეოდალური ორგანიზაცია უხვი შეწირულების გზით. აღსანიშნავია, რომ სწორედ IX ს-ში ყალიბდება „ვაკფი“, რომელმაც საზოგადოდ მუსლიმანურ აღმოსავლეთში განვითარების მეტად გრძელი და რთული გზა განვლო.

მაგრამ ყველა ზემოაღწერილ საშუალებას მიმართავენ ამირებიც, რომელთაც ფეოდალური საკუთრების ნიმუშად დეჰჰანური მიწისმფლობელობა აქვთ ან არაბებისაგან დამოუკიდებელი განვითარებული მიწისმფლობელობის პრაქტიკა დაპყრობილ ქვეყნებში.

ამირები ითვისებენ სამმართველოდ მიცემული ქვეყნების მიწა-წყალს. ამ ნიადაგზე ცალკეული ოლქების ამირებს შორის სამკედრო-სასიცოცხლო ბრძოლა იყო გამართული. ძლიერი სუსტის „მფარველად“ ხდებოდა მფლობელობის მიზნით. ძლიერ ფეოდალებს ხელში უქარდებოდათ ის მიწაც, რომელსაც გადასახადებით წელში გატეხილი მიწისმფლობელი ჰყიდდა. მკედარი მიწის („მვათ“) გაცოცხლებაც (დამუშავება) მხოლოდ მსხვილ მიწისმფლობელს შეეძლო. მიწის ფეოდალურ გასაკუთრებაში მნიშვნელოვან როლს ასრულებდა „იკთაც“, რომლის შინაარსი, ფეოდალური განვითარების შესაბამისად, თანდათან იცვლებოდა.

გლებთა ფეოდალურ ექსპლოატაციაში ახლა დეჰჰანებთან ერთად არაბი მიწისმფლობელებიც მონაწილეობენ. დეჰჰანები უპირატესობას მეურნეობაში მონის შრომის მაგიერ გლებია შრომის ანიჭებდნენ. ამ შეხედულების განმტკიცებაზე არსებითი გავლენა მაინც გლებთა აჯანყებებმა მოახდინეს. IX—X სს. არაბულ წყაროებში აღარ გვხვდება გლებების „დაბუქდვის“ ფაქტები, ჩანს მიწისმოქმედ მოსახლეობას ახსნეს ბუქდები. გლებები სახალიფოში მონურ მდგომარეობიდან გამოიყვანეს. ამიერიდან გლებები არიან არა მონები, არამედ სახელმწიფოს და კერძო მიწისმფლობელების ყმები¹.

ამავე დროს ჩვეულებრივ მოკლენად იქცა საკუთრივ მონების მიწაზე დასმა. მონების ფეოდალურ დამოკიდებულებაზე გადაყვანა უფრო ხელაყრელი ჩანდა იმის გამო, რომ ამ დროს მთელი ყურადღება მიწების დამუშავებისა და სოფლის მეურნეობიდან შემოსავლის გაზრდისკენ იყო მიპყრობილი.

დაპყრობითი ომების შეწყვეტის შემდეგ არაბთა შემოსავლის ერთადერთ წყაროდ, როგორც აღვნიშნეთ, მიწა ხდება. არაბების თვალში მიწას ფასი დაედო.

ახლა სოფლის მეურნეობის განვითარებაზე დამოკიდებული გადასახადების გაზრდა. განსაკუთრებული ყურადღება მიექცა მიწათმოქმედებას. სოფლის მეურნეობის განვითარებაზე მიუთითებს სახალიფოს უმრავლეს რაიო-

¹ А. Ю. Якубовский. Ирак на грани VIII—IX вв., гл. 44—45.

ნებში მძიმე გუთნის გამოყენება, რომელშიაც მ უღელი ხარია შებეჭული¹. მიწისმფლობელები ყველა საშუალებას იყენებენ, რათა გაზარდონ დამუშავებული მიწების ფართობი.

წყაროებში აღნიშნულია, ე. წ. „მკვლარი მიწების“ („მეათე“) გაცოცხლება, ყამირების გატეხვა, მიწების ინტენსიური ყიდვა-გაყიდვა („მულქის“ მიწის კერძო საკუთრების მთავარი წყაროები). ყველა ამას არაბი ამირები უმატებენ მახვილით დაპყრობილ და დასაკუთრებულ მიწებს. მსხვილი მიწისმფლობელობა მყარ ეკონომიურ საფუძველს უქმნის ამირების პოლიტიკურ მიზნებს—განკერძოებას, დამოუკიდებელი საამიროების წარმოქმნას.

გაფეოდალებული აბირების განკერძოებისადმი მიდრეკილება ისევე საშიშარი ხდება ხალიფას ხელისუფლებისათვის, როგორც ადგილობრივი ფეოდალების ცდანი გამოსთიშონ თავიანთი ქვეყნები სახალიფოს ცენტრს—ბაღდადს. ხალიფას ხელისუფლების დასაყრდენი სოციალური ბაზა თანდათან ვიწროვდება. IX ს-ის დამდეგიდან აბასელი ხალიფები უკვე ექვის თვალთ უყურებენ ირანელ და შუაზიელ ფეოდალებს. ამავე დროს არც საკუთრივ არაბი ამირები არიან სანდონი. პირიქით, სწორედ მათ გარშემო ირაზმებიან ადგილობრივი ფეოდალური ძალები და ქმნიან პირველ დამოუკიდებელ საამიროებს.

ამ თვალსაზრისით საესებით გასაგები ხდება, მაგალითად, საჯიანების და ქესრანიანთა ფეოდალური სამთავროების წარმოშობა სამხრეთ-აღმოსავლეთ ამიერკავკასიაში. დამახასიათებელია, რომ დასახლებული ფეოდალური სამთავროები (ისევე როგორც მრავალი სხვა) არაბთა სახელმწიფო ორგანიზაციას სწორედ არაბული წარმოშობის დინასტიებმა გამოსთიშეს.

თბილისის საამიროს დამოუკიდებლობისაკენ მისწრაფებაც აბასელთა სახალიფოში მიმდინარე სიერთო პროცესის გამოვლინებას წარმოადგენდა.

§ 2. აღ-მუთასიმის სამხედრო რეფორმა

ცენტრსბრლო ძალებს აბასელმა ხალიფებმა თურქული ელემენტი დაუპირისპირეს. მაგრამ ხალიფა აღ-მუთასიმის (833—842) სამხედრო „რეფორმამ“ (თურქი ლოლამების დაწინაურება სახალიფოს სამხედრო ასპარეზზე) ხალიფას ხელისუფლებისათვის სრულიად საწინააღმდეგო შედეგი გამოიღო. აღზევებული თურქების თვითნებობამ კიდევ უფრო დაასუსტა ხალიფას ხელისუფლება. ფეოდალიზაციის პროცესის გაძლიერება სახალიფოს ფეოდალურ დაშლას გარდუვალს ხდიდა.

აშკარაა „სამხედრო რეფორმის“ კლასობრივი მიზანი. თურქი ლოლამები უპირატესად ექსპლოატირებული ფენების დასათრგუნად იყენენ მოწოდებული. თუმც მათვე ევალებოდათ გამდგარი ამირების დამორჩილება და დასჯა. თურქი სარდლები (ამ დროს მოღვაწეობს სწორედ ქართული წყაროებით კარგად ცნობილი ბულა-თურქი) სამხედრო მოვალეობას პირნათლად ასრულებდნენ, მაგრამ თან თავიანთ მეომრებთან ერთად პირწმინდად ძარცვავდნენ მოსახლეობას სოფლებში, ქალაქებში, შარავზებზე, ბაღდადის ქუჩებში. თურქები დღის სინათლეზე აეკაცობდნენ და ყაჩაღობდნენ. თვითონ ხალიფა აღ-მუთათაქილი ისე დაფრთხა, რომ ბაღდადიდან საცხოვრებლად ახლო

მდებარე სამარაში გაიქცა, მაგრამ თურქებმა ის არც აქ მოასვენეს და სასახლეში საბლით მოაშთვეს.

არაბულ მონეტებზე ხალიფა ალ-მუთავეჯილი მაღალი სპარსული ქუდით არის გამოსახული. მაგრამ ეს ნუმიზმატიკური ფაქტი არ მეტყველებს იმას, რაც მის დროს ნამდვილად მოხდა. სამხედრო და პოლიტიკურ ასპარეზზე მან ირანელები თურქებით შეცვალა. საზოგადოებრივი განვითარების უმდაბლეს საფეხურზე მდგარ თურქებს, ცხადია, არ შეეძლოთ ისეთივე როლის შესრულება, როგორც ირანულმა ელემენტმა შეასრულა სახალიფოში. თურქთა ბატონობის უარყოფითმა შედეგმა უკვე ამ დროს იჩინა თავი. ალ-მუთავეჯილის ხალიფობა აღინიშნა შავბნელი რეაქციით, რელიგიური ფანატიზმით.

ალ-მუთავეჯილმა ყურადღების „ქიაფირების“ („ურწმუნოთა“) დევნაზე გადატანით სცადა მუსლიმთა შორის მშვიდობის დამყარება და სახელმწიფოში წესრიგის აღდგენა. კვლავ გაბატონდა ისლამის სარწმუნოების სუნიტური მიმართულება. ხალიფას ბრძანებით ქალაქებში დაანგრიეს ქრისტიანთა და ებრაელთა საკულტო ტაძრები. მათ აეკრძალათ ცხენზე შეჯდომა, მუსლიმანთა სახლებზე უფრო მაღალი სახლების აშენება. „ურწმუნოებს“ უნდა სცმოდათ მუსლიმანებისაგან განსხვავებული ტანსაცმელი, მათი საცხოვრებელი ბინების კარებს და ფანჯრებს გაკეთებული უნდა ჰქონოდათ დამაშვირებელი და შეურაცხყოფელი ნიშნები. ისინი არ უნდა განოჩენილიყვნენ იმ ქუჩებზე და მოედნებზე, სადაც დიდი რაოდენობით იყვნენ თავმოყრილი მუსლიმანები. ამრიგად, ხელახლად აღსდგა არამუსლიმანებთან დამოკიდებულების ის წესები, რომელიც არაბთა შემოსევების პირველი ხანისათვის იყო დამახასიათებელი. ოღონდ იმ განსხვავებით, რომ ხალიფას ხელისუფლება ახლა ისე ძლიერი არ იყო, როგორც ომარ I-ის დროს.

ასეთ ვითარებაში ახალი ძალით განახლდა დაპყრობილ ხალხთა განმათავისუფლებელი ბრძოლა არაბთა ბატონობის წინააღმდეგ.

§ 2. დაპყრობილ ხალხთა ბრძოლა არაბობის წინააღმდეგ და გლეხთა აჯანყებები

დაპყრობილ ხალხთა (შუა აზიაში, ირანში, ამიერკავკასიაში, ეგვიპტეში) განმათავისუფლებელმა ბრძოლამ გადამწყვეტი როლი შეასრულა არაბთა ბატონობის დამხობაში. ეს ბრძოლა არა ერთხელ გადაზრდილა დიდს სახალხო მოძრაობაში.

სახალხო მოძრაობათა მთავარი მამოძრავებელი ძალა გლეხობა იყო.

გლეხთა მდგომარეობა აბასელთა სახალიფოში ოღნავაც არ გაუმჯობესებულა. პირიქით, აბასელებმა კიდევ უფრო დაამძიმეს გადასახადები. მოსავლის წილის მაგიერ („ხარაჯა მუკასამა“) მათ ხარაჯა მიწის ფართობზე დააწესეს („ხარაჯა მისაჰა“). განსაკუთრებით მძიმეა უმიწაწყლო გლეხების (მათი რაოდენობა მიწის დამუშავების სარწყავ არხებზე დამოკიდებულების პირობებში უთვალავია) მდგომარეობა. მეიჯარე გლეხები (ჩარ-ი ქარ —ირანსა და შუა აზიაში, მუნასიფი, აკკარი, ამირი, ამილა —ერაყსა და წინა აზიაში) ახლაც იჯარის წესით ამუშავებენ მიწის წვრილ ნაკრებს, ოღონდ იმ განსხვავებით, რომ მათი ექსპლოატაცია ახლა ძირითადად ფეოდალურ ფორმებში ხორციელდება. ამავე დროს, მსხვილმა მიწისმფლობელებმა ხელი დასდეს სათემო მიწებს. განახლდა არაბთა შემოსევამდე დაწყებული სათემო მი-

წების დატაცების პროცესი. გლებთა მიერ თავისუფლების დაკარგვამ უკიდურესად გაამწვავა კლასობრივი ბრძოლა. ყველა ამით აიხსნება, რომ IX ს-ის პირველი ნახევარი აბასელთა სახალიფოში აღინიშნა გლებთა მასიური აჯანყებებით.

გლებთა მასიურმა აჯანყებებმა ძლიერად შეარყიეს აბასელთა სახელმწიფოს საფუძვლები. ამ მხრივ განსაკუთრებული მნიშვნელობა ჰქონდა გლებთა დიდ აჯანყებას აზერბაიჯანში (816—837 წწ.). გლებთა ომი სწრაფად გაერყელდა ალბანეთში, სომხეთში, ირანში. აჯანყებას მეთაურობდა ხურანიტი ბაბეკი. აჯანყების მონაწილეებს უწოდებდნენ „წითლად შემოსილებს“ (არაბ. „ალ-მუხარიმა“) ან „წითელ ალმიანებს“ (სპ.-არაბ. „სორხ ალემ“). წითელი ფერი იყო აჯანყებულ გლებთა ბრძოლის სიმბოლო. გლებთა ეს ანტიფეოდალური მოძრაობაც რელიგიურ სამოსელში იყო გამოხვეული.

ხურამიტების იდეოლოგია თავის სათავეს პოულობს მაზდაკის მოძღვრებაში. ბოროტების წყაროს ხურამიტები ხედავდნენ მიწის კერძო საკუთრებასა და სოციალურ უთანასწორობაში, ისინი მოითხოვდნენ მიწების სასოფლო თემის მფლობელობაში გადაცემას. მიწის სახელმწიფო საკუთრების არსებობის და გლებთა სახელმწიფოს მეშვეობით ექსპლოატაციის პირობებში აჯანყება ანტიარაბული მოძრაობის ხასიათის მატარებელიც იყო. ამიტომ, პირველ ხანებში, ბაბეკს შეუერთდნენ ადგილობრივი ფეოდალებიც, რომელთაც გლებთა აჯანყების წარმატებები გამოიყენეს ხალიფას მოხელეების თავიანთი ტერიტორიიდან განსადევნად. ამის შემდეგ ისინი გადაუდგნენ აჯანყებულთ. აჯანყება დამარცხდა, მაგრამ ამით გლებთა მოძრაობანი არ დამცხრალა.

839 წელს აჯანყებამ იფეთქა ტაბარისტანში, სადაც გლებებმა გაჟლიტეს არაბი მიწისმფლობელები და ხელთ იგდეს მიწები.

869—883 წწ. ერაყში მძევნვარება ზინჯიების (მონების) აჯანყება. ზინჯიების აჯანყების ლიკვიდაციის შემდეგ მნიშვნელოვნად შესუსტდა მონათმფლობელური ტენდენციები სახალიფოში, გახშირდა მონების მიწაზე დასმა, აჩქარდა ფეოდალიზაციის ტემპი.

IX ს-ის დამლევს ზედიზედ ხდება კარმატთა აჯანყებები ბედუნიების, გლებების, ხელოსნების მონაწილეობით. კარმატები მოითხოვდნენ სოციალური და ქონებრივი თანასწორობის დამყარებას. სირიაში, ერაყში, ბაჰრეინში, იმანში, ეგვიპტეში და ხორასანში კარმატებს უერთდებოდნენ აჯანყებული გლებები და ხელოსნები. კარმატები ძარცვავდნენ მდიდართა ქარავნებს, ხოლო წართმეულს ღარიბებს ურიგებდნენ. მათ მოიტაცეს და დალევწეს ქააბას შავი ქვა, მუსლიმანთა თაყვანისცემის საგანი, რითაც გამოჰხატეს ღრმა სიძულვილი გაბატონებული კლასის რელიგიის მიმართ. ბაჰრეინში X ს-ის დამდეგს კარმატებმა შექმნეს სახელმწიფო, რომლის მოსახლეობა ძირითადად თავისუფალი გლებობისა და ხელოსნებისაგან შედგებოდა. არც ერთი მათგანი არ იხდიდა არავითარ გადასახადს. გაჭირვებულ გლებებს და ხელოსნებს სესხი ეძლეოდათ საერთო ხაზინიდან. ბაჰრეინში კარმატებს არ ჰქონდათ მეჩეთები, არ ასრულებდნენ ლოცვებს, არ ინახავდნენ მარხვას, მაგრამ არც სხვადასხვა სარწმუნოების მიმდევართ სდევნიდნენ. სახელმწიფოს მართავდა ექვსი

მმართველისაგან შემდგარი კოლეგია და მათი ექვსი თანაშემწე (ვეზირები). ასეთი იყო საზოგადოებრივი წყობილება ბაჰრეინის სახელმწიფოში, რომლის დამაარსებლებს (კარმატებს) ბურჟუაზიული ისტორიკოსები „ისლამის ბოლ-შევიკებს“ უწოდებენ.

სახალიფოს ფეოდალური დაშლა მიმდინარეობდა მწვავე კლასობრივი ბრძოლის პირობებში.

IX—X სს. წარმოიქმნა დამოუკიდებელი ფეოდალური სახელმწიფოები ირანსა და შუა აზიაში (თაჰერიანთა, საფარიანთა, სამანიანთა, ზიარიანთა, ბუვეიდების). სახალიფოს აღმოსავლეთი და დასავლეთი ნაწილები მოიფინა დამოუკიდებელი საამიროებით. 945 წელს, ბუვეიდების მიერ ბაღდადის დაპყრობის შემდეგ, აბასელმა ხალიფამ საბოლოოდ დაქარგა საერო მმართველების ფუნქცია. მისი ადგილი ამიერიდან სულთანმა დაიკია.

სახალიფოს ფეოდალურმა დაშლამ უდიდესი გასაქანი მისცა განთავისუფლებული ხალხების ეკონომიურ და კულტურულ განვითარებას.

სახალიფოს ფეოდალიზაციის პროცესში განსაკუთრებული როლი შეასრულა „იქტას“ ფეოდალურმა ინსტიტუტმა.

„იქტა“ უკვე განვითარებული სახით წარმოდგენილია X ს-ში ბუვეიდთა სახელმწიფოში (დასავლეთ ირანში).

„იქტა“ განვითარდა სახელმწიფო მოხელეებისათვის ფულადი ჯამაგირის მაგიერ ხარაჯას გარკვეული წილით სარგებლობის უფლების საფუძველზე. ამიერიდან ამ წილის აკრეფა კერძო პირების ხელთ იყო, რამაც ეს პირები, ცხადია, უშუალოდ მიწას დაუკავშირა. ამ მოვლენის მნიშვნელობა მდგომარეობს იმაში, რომ მან ნიადაგი მოუმზადა „იქტას“ ტერიტორიაზე მსხდარი გლეხების ფეოდალურ დამოკიდებულებას იქტას მფლობელებზე. „იქტას“ მფლობელის (არაბ. „მუქტა“, სპ. „იქტადარი“) უშუალო კავშირს მწარმოებლებთან არ შეიძლებოდა არ გადაეჭია „იქტა“ ფეოდალურ ინსტიტუტად.

სახელმწიფო იძულებული იყო ასე მოქცეულიყო, რადგან მოხელეების ძველი წესით (ფულადი ჯამაგირით) გასტუმრება აღარ შეეძლო. „იქტას“ წარმოშობას სავსებით გასაგებს ხდის აბასელთა სახალიფოს პოლიტიკური და ეკონომიური მდგომარეობის გათვალისწინება.

ბაღდადის სახალიფო, დამასკოს ომაელთა სახალიფოსაგან განსხვავებით, ტერიტორიულად დიდად იყო შემეცირებული, ლოკალური ხასიათის ომებს (უმთავრესად ბიზანტიასთან) თან არ სდევდა დიდი ალაფი და ნადავლი, დამოუკიდებელი ამირები საკუთარი სახელით სჭირდნენ ვერცხლის მონეტებს, დეჰყანები (ჩრდილო-აღმოსავლეთ ირანში, შუა აზიაში) სახელმწიფოს ჩაურევლად განაგებდნენ თავიანთ მიწებს (აღარ იხდიდნენ ხარაჯას), ფეოდალურმა ქალაქებმა, რომელნიც ბაღდადისაგან დამოუკიდებელ სავაქროსახელოსნო და ადმინისტრაციულ ცენტრებად იქცნენ, ხარკის ძლევა შეუწყვიტეს ხალიფებს. ყველა ამის გამო იკლო შემოსავლის სხვადასხვა არხებით დენამ სახელმწიფო ხაზინაში. და სახელმწიფოც გამოსავალს ხედავდა არა მარტო გადასახადების გადიდება-დამძიმებაში, არამედ „იქტას“ წყალობის წესით გაცემაშიც.

ამავე დროს, „იქტა“ დაუპირისპირდა დეჰყანურ მიწისმფლობელობას (ირანული ფეოდალური ურთიერთობის ნაყოფს) და მან განსაკუთრებული ადგილი დაიჭირა ახლადწარმოქმნილი სახელმწიფოების ცენტრალისტურ პოლიტიკაში.

ბუვეიდთა სახელმწიფოში „იქტას“ განსაკუთრებით გავრცელებას ა. იაკუბოვსკი მიაწერს ფულად კრიზისს, რომელიც მისი აზრით საწარმოო ძალების მოშლით იყო გამოწვეული¹. მაგრამ მასვე, პირველად სპეციალურ ლიტერატურაში, აღნიშნული აქვს „იქტას“ არსებობა შუა აზიაში, სადაც სწორედ საწარმოო ძალების განუხრეღმა განვითარებამ წარმოშვა დამოუკიდებელი ფეოდალური პოლიტიკური ორგანიზმები, ხოლო X ს-ში გააპირობა სამანიანთა უაღრესად კულტურული სახელმწიფოს არსებობა. დამახასიათებელია, რომ ახლა დეჰყანები ებრძვიან იმ ხელისუფლებას, რომელიც თვითონ მათ წარმოშვას არაბთა ბატონობის წინააღმდეგ ბრძოლაში. თავის მხრივ ახლად წარმოქმნილი ფეოდალური დინასტია შესაფერისი ღონისძიებებით ხვდება დეჰყანების განკერძოებას. მისთვის მიუღებელი უნდა ყოფილიყო კერძოდ დეჰყანების ვასალური მორჩილების გაძმორიცხველი „მამული“ („დასთგერი“), რომელიც დეჰყანურ მიწისმფლობელობას სასანური ირანიდან მოჰყვებოდა.

ამ თვალსაზრისით „იქტას“ გაცემა უშუალოდ უნდა ყოფილიყო დაკავშირებული დამოუკიდებელი დინასტიების ცენტრალისტურ პოლიტიკასთან და დეჰყანების, აღზევებულ-გაძლიერებული მსხვილი მიწისმფლობელების, შესუსტების განზრახვასთან. ა. იაკუბოვსკი ასახელებს შუა აზიის და ირანის მთელ რიგ ოლქებს (ხუთლანი, ჩადანიანი, რეშთი, ხორეზმი, ისფიჯაბი, თუნქენდი და სხვ.), რომელნიც არ იხდიან ხარაჯას. ამ მოვლენას იგი სავსებით მართებულად ცენტრმსაბოლო ძალებს (დეჰყანების აჯანყებებს) უკავშირებს², მაგრამ არ აღნიშნავს, თუ რა ღონისძიებებს მიმართავდა ცენტრალური ხელისუფლება დეჰყანების ალაგმვის მიზნით საადგილმამულო ურთიერთობაში. ეს საკითხი სპეციალურ შესწავლას საჭიროებს. მაგრამ „იქტა“, ცნობილია, შინაარსობლივად განსხვავდებოდა დეჰყანური მიწისმფლობელობისაგან. „იქტა“, როგორც სამმართველო ქვეყნის და ხარაჯას წყალობის გამოხატულება და, ამდენადვე, ვასალური დამოკიდებულების მთავარი პირობა, უნდა დაპირისპირებოდა დეჰყანურ (უპირობო) მიწისმფლობელობას.

¹ „Процесс феодализации при Бундах выражался в том, что сама центральная власть, ввиду глубокого денежного кризиса, который сам был порожден расстройством производительных сил, вынуждена была выплачивать жалование военачальникам и даже простым солдатам не деньгами, а определенной долей хараджа“. А. Ю. Якубовский. Вопросы периодизации истории Средней Азии в средние века. გვ. 36. მართალია, ბუვეიდთა სახელმწიფოს, რომელიც 945—1055 წწ. მოიცავს გრავსად ბაღდადითურთ, ეკონომიკურად წინ გაუსწრეს აღმოსავლეთ ირანს და შუა აზიას, მაგრამ არაფერით არ დასტურდება იქ საწარმოო ძალების მოშლა. ამას გარდა, სავსებით გაუგებარია, თუ როგორ შეიძლება ავხსნათ ფეოდალიზაციის პროცესი საწარმოო ძალების მოშლით?

² А. Ю. Якубовский. დასახ. ნაშრ., გვ. 36.

„იქტა“ წყალობის წესით ეძლეოდათ მმართველებს, სარდლებს, დიდმოხელეებს სამსახურის სანაცვლოდ. „იქტას“ ამ წესით გაცემა, როგორც ზემოთ მივუთითეთ, იწყება აბასელების დროს და ვითარდება X ს-ის დამოუკიდებელ ფეოდალურ სახელმწიფოებში, ჩვენი აზრით, ზემოთ აღნიშნული მიზეზების გამო.

„იქტა“, როგორც ფეოდალური ინსტიტუტი, მოგვაგონებს ევროპულ „ბენეფიციუმს“. სპეც. ლიტერატურაში „იქტა“ მიჩნეულია აღმოსავლური ბენეფიციუმის თავისებურ ფორმად¹. მართალია, იქტას მფლობელს უფლება ჰქონდა აეკრიფა „ხარაჯა“ თავის სასარგებლოდ, მაგრამ მას ხელი არ მიუწვდებოდა არც წყალობის წესით მიღებულ მიწაზე და არც მიწაზე მსხდარ გლეხებზე. გლეხთა ექსპლოატაცია ახლაც ძირითადად სახელმწიფოს მეშვეობით წარმოებდა. მაგრამ იმდენად, რამდენადაც „ხარაჯას“ აკრფის უფლება ვრცელდება ნაწყალობევი მიწაზე, იქტას მფლობელი მეტი ინტერესით ეკიდება მას და მასზე მსხდარ გლეხებს. იქტას მფლობელები მიისწრაფვიან შეიმტკიცონ არა მარტო „ხარაჯას“ შემოსავალი, არამედ დაისაკუთრონ მიწები და გაავრცელონ თავიანთი ძალაუფლება გლეხებზე.

„იქტას“ ინსტიტუტთან დაკავშირებით ა. იაკუბოვსკის შენიშნული აქვს ის მეტად საყურადღებო ფაქტი, რომ ფეოდალიზაციის პროცესი მიმდინარეობდა როგორც ზემოდან (იქტას საფუძველზე), ისე ქვემოდან (კომენდაციის საშუალებით). მისი სიტყვით: „Икта—это процесс феодализации как бы сверху. Навстречу этому процессу шла феодализация снизу, мы имеем в виду комендацию со стороны крестьян и мелких землевладельцев.“² კომენდაციის აღსანიშნავად იმ დროს არაბულში იხმარებოდა სპეციალური ტერმინი „ილჯა“ (ნაწარმოებია ზმნა „ლაჯაა“-დან, ნიშნავს მფარველის, დამცველის ძებნას). „ილჯას“ საფუძველზე გლეხები და წვრილი მიწისმფლობელები თავიანთ მიწებს უქვემდებარებდნენ ძლიერი და მსხვილი მიწისმფლობელების მფარველობას. სუსტს ძლიერი დამცველად აკირდებოდა, მის მფარველობაში ხედავდა „ხარაჯას“ შემცირება-შემსუბუქების საშუალებას. მაგრამ მფარველობა თანდათან იცვლებოდა უშუალო დამოკიდებულებით და თავისუფლების დაკარგვით. აღნიშნულმა პროცესმა შოიცვა ერაყის, ფარსის და ირანის მთელი რიგი სხვა ოლქები³.

„იქტამ“ და „ილჯამ“ IX—X სს. მოუმზადა ნიადაგი აღმოსავლეთის ადრეფეოდალურ ხანიდან განვითარებულ ფეოდალურ ხანაში გადასვლას.

¹ А. Ю. Якубовский. დასახ. ნაშრ., გვ. 36.

² იქვე, გვ. 37.

³ იქვე.

III. გავლენა ადმოსავლეთი განვითარებადი უმოქმედების ხანაში

1. ადმოსავლეთი X—XII საუკუნეებში

სახლიდან ფეოდალურმა დაშლამ არაბთა მიერ დაპყრობილ კულტურულ ხალხებს განვითარების ახალი შესაძლებლობა მისცა. IX ს-ში განვითარების შემაფერხებელი არაბთა ორგანიზაცია აღარ არსებობდა. ამ დროისათვის აბასელთა სახლიდან ფაქტიურად ბაღდადით და მისი სანახევრით შემოიზღუდა.

სახლიდან დაშლის შედეგად შუა აზიის და ირანის ტერიტორიებზე წარმოიქმნა დამოუკიდებელი ფეოდალური სახელმწიფოები: თაჰერიანების, საფარიანების, სამანიანების, ზიარიანების, ბუვეიდების.

შეიცვალა ამიერკავკასიის პოლიტიკური რუკაც. მისი სამხრეთი და აღმოსავლეთი ნაწილები მოიფინა დამოუკიდებელი სამიროებით (საჯიანები, ქესრანიანები, არმენაპები...).

945 წელს ბუვეიდებმა ანუ ბუვეიდებმა დაიპყრეს ბაღდადი. ამ წელს ხალიფამ საერო მმართველობა საბოლოოდ დაუთმო სულთანს.

არაბთა ბატონობის დამხობამ განაპირობა შუა აზიის, ამიერკავკასიის და წინა აზიის ქვეყნების ეკონომიური აღმავლობა. მძარცველური ექსპლოატაციის და არაბული ხარკის შეწყვეტამ დიდად შეუწყო ხელი საწარმოო ძალების სწრაფ განვითარებას.

ირანში არანეულმბრძოლადა განვითარებული სოფლის მეურნეობა, ხე-ლოსნობა, ვაჭრობა. ხელოვნური სარწყავი არხების და ქარიზების (მიწის-ქვეშა რუების) ინტენსიური მშენებლობის შედეგად დიდად გაიზარდა დამუშავებული მიწების ფართობი. ირანის სოფლის მეურნეობის დარგების (მემინდვრეობის, მევენახეობის, მეაბრეშუმეობის, მებოსტნეობის, მებაღეობის, მებაშუმეობის) განვითარება შეხამებული იყო ბუნებრივს პირობებთანაც. საუკეთესო ღვინო მზადდებოდა ხორასანში და ფარსში, 'მეაბრეშუმეობით განთქმული იყო ხორასანი, გურგანი, ტაბარისტანი, მებაშუმეობით ხორასანი და ირანის ჩრდილო ოლქები, შაქრის ლერწამი მოჰყავდათ ხუზისტანში და ქერმანში, სამხრეთ ირანში ზეთისხილის, ინდის ხურმის და საღებავ მცენარეთა კულტურების გვერდით გავრცელდა ნარინჯ-თურინჯიც. ხორასანი განთქმული იყო საუკეთესო ჯიშის აქლემებით, ცხენებით, ცხვრებით. საერთოდ დიდ წარმატებას მიაღწია ამ დროს ირანში მესაქონლეობამ.

სოფლის მეურნეობიდან ხელოსნობის გამოყოფამ განაპირობა ქალაქების ეკონომიური მნიშვნელობა. განთქმული ქალაქებია: შირაზი, ისფაჰანი, რეი, ნიშაბური, იეზდი, ქაშანი. ირანის ქალაქები გადაიქცნენ ხელოსნობის და ვაჭრობის ცენტრებად, სწრაფად იზრდებიან და ვითარდებიან მთავარ

სავაქრო-საქარავენო გზებზე მდებარე ქალაქები, რომელთა მცხოვრებთა რიცხვი 100.000 აღემატება. საქარავენო და საგზაო გზებით ირანი დაკავშირებული იყო ხმელთაშუა ზღვის ქვეყნებთან, ამიერკავკასიასთან, აღმოსავლეთ ევროპასთან, შუა აზიასთან, რუსეთთან, არაბეთთან, ინდოეთთან, ჩინეთთან. ჰორმუზის და სირაფის ნავსადგურების (ირანის ყურეში) საშუალებით ირანელები ვაჭრობდნენ არაბეთთან, ინდოეთთან, ჩინეთთან, ამოლის და სარის ნავსადგურებით ხორეზმთან, ამიერკავკასიის ქვეყნებთან, ხაზარებთან, რუსებთან. საქარავენო და საზღვაო გზებით ირანიდან გაჰქონდათ: ხორბალი, ქერი, ბრინჯი, შაქარი, აბრეშუმი, ბამბა, ქიშიში, ხმელი ხილი, ღვინო (შირაზის, რეის), სპილენძის, ვერცხლის და ოქროს ნაკეთობანი, კურკელი, ნაირ-ნაირი ქსოვილები, ნოხები, ხალიჩები, ტყავეული; გაჰყავდათ აქლემები, ცხენები. ზოგი ქალაქი კურკელის დამზადებით იყო განთქმული (ქაშანი, რეი), ზოგი ფარჩის, აბრეშუმის და ოქროქსოვილების დამზადებით (ნიშაბური, ისფაჰანი, თუმთერი, იეზდი). სელის საუკეთესო ქსოვილები მზადდებოდა ფარსის ქალაქებში, შეტადრე ქ. ქაზერუნში. შალის და აბრეშუმის ხალიჩები იქსოვებოდა ხუზისტანის, ფარსის, გილანის და ხორასნის ქალაქებში. ამრიგად, ხელახლად აღდგა განთქმული ირანული საფეიქრო ხელოსნობა და ოქრომკედლობა.

განვითარებული ქალაქების შესაფერისი იყო საკმაოდ რთული საქალაქო ცხოვრება. თუმც ირანის ქალაქებში, ისევე, როგორც საზოგადოდ აღმოსავლეთის სხვა ქალაქებში, ძლიერი იყო ფეოდალების გავლენა. საქალაქო თვითმმართველობისათვის საჭირო პირობები აღმოსავლეთის ქალაქებში არ არსებობდა. ფეოდალების კავშირი დიდ ვაჭრებთან და საქარავენო ვაჭრობასთან გამორიცხავდა ვაჭრების მიწისმფლობელი არისტოკრატის წინააღმდეგ დაპირისპირებას. IX საუკუნიდანაა დამოწმებული ხელოსანთა გაერთიანება „სინფი“ (სპ. „ქარ“), რომელიც კარმატთა სოციალური მოძრაობის მსგელობაში წარმოიშვა¹. ხელოსნურ გაერთიანებებს მტრულად უყურებდნენ როგორც ფეოდალები, ისე დიდი ვაჭრები. ხელოსნები აქტიურად მონაწილეობდნენ სოციალურ მოძრაობებში და ყველაზე თავდადებით იცავდნენ ქალაქებს მტრისაგან.

კეთილმოწყობილი ირანული ქალაქების შესახებ მრავალი ცნობა მოიპოვება წყაროებში. ქალაქები ერთმანეთთან დაკავშირებული იყვნენ კარგად მოვლილი გზებით და საფოსტო სადგურებით. ირანის ქალაქების ბაზრები, მოედნები, ქარვასლები გაქედილი იყო სხვადასხვა ეროვნების ვაჭრებით, სავაქრო ქარავენებით.

ირანის ეკონომიურმა განვითარებამ, სავაქრო ურთიერთობის გაცხოველებამ ცალკეულ ოლქებს შორის დღის წესრიგში დააყენა ქვეყნის პოლიტიკური გაერთიანების ამოცანა. სასანური ირანის აღდგენის იდეა დამახასიათებელი ხდება როგორც ირანელი პოლიტიკური მოღვაწეებისათვის, ისე მწერლებისათვის.

¹ E. J. ტ. IV, გვ. 468—469.

შუბიას მოტივები ყველაზე მკვეთრად ხაზგასმულია სამანიანთა კარზე მოღვაწე პოეტების (რუდაქი, დაყიყი, ფირდოუსი) ნაწარმოებებში და, თუ ბუვეიდების სახელმწიფოში (დასავლეთ ირანში) ისევე არაბული იყო გაბატონებული, სამანიანთა სახელმწიფოში (მის ფარგლებში წარმოდგენილი იყო აღმოსავლეთი ირანიც) უაღრესად დაიხვეწა და განვითარდა ახალი სპარსული ენა. X ს-ის მეორე ნახევარში არაბულიდან სპარსულად ითარგმნა ტაბარის საისტორიო თხზულება, ყველაზე უხვი ცნობების შემცველი სასა-ნური ირანის ისტორიისათვის. ტაბარის სპარსული თარგმანი, ფარმაკოლოგიის სახელმძღვანელოსთან ერთად, პირველი პროზაული ნიმუში იყო ახალ სპარსულ ენაზე. სპარსულადაც წერდნენ X—XI საუკუნეების ენციკლოპედიურად განათლებული მეცნიერები იბნ სინა და ალ-ბირუნი. ფირდოუსის მონუმენტურ „შაჰ-ნამეში“ მინიმუმამდეა დაყვანილი არაბული სიტყვების ხმაარება.

სამანიანები განსაკუთრებული ყურადღებით ეკიდებოდნენ სასა-ნური ტრადიციების აღდგენის საქმეს. ამას მნიშვნელობა ჰქონდა ცენტრმსროლ ძალებთან ბრძოლაშიც, რადგან დეჰყანები მსხვილი მიწისმფლობელობის საფუძველზე უპირისპირდებოდნენ ცენტრალურ ხელისუფლებას.

ახლადწარმოქმნილი ფეოდალური სახელმწიფოების უმეტესობა სასა-ნური ირანის პოლიტიკურ გემკვიდრეობას ჩემულობდა და ირანის გამაერთიანებლის როლში გამოდიოდა. ახალი ფეოდალური დინასტიები თავიანთ თავს სასანელ შაჰინშაჰებს ან სარდლებს უკავშირებდნენ. სამანიანები ბაჰრამ გურის ჩამომავლებად აცხადებდნენ თავს, ზიარიანები კაჟად I-ის, ხოლო ბუვეიდები ბაჰრამ ჩობინის.

ფეოდალური დინასტიების „დაძველება“ სრულიად გარკვეული პოლიტიკური მიზნებით იყო ნაკარნახევი. თვითეული მათგანი ირანის პოლიტიკურ გაერთიანებას თავის მოვალეობად თვლიდა, ხოლო ირანში ბატონობას თავის „უფლებად“.

ამგვარ მისწრაფებათა გამოძახილი უნდა იყოს ქართული წყაროების „სპარსთა ქვეყანა“ ან „სპარსთა მეფენი“ X—XI სს. პოლიტიკური ორგანიზაციების აღსანიშნავად.

ბრძოლა ჰეგემონიისათვის (ირანში, შუა აზიაში) ორ საუკუნეს გაგრძელდა. თაჰირიანები დაამარცხეს საფარიანებმა, საფარიანები—სამანიანებმა. ნაგრამ სამანიანთა საშიშარ მეტოქედ X ს-ში ბუვეიდები აღმოჩნდნენ. X ს-ის მეორე ნახევარში გაუთავებელი ომები წარმოებდა სამანიანთა და ბუვეიდებს შორის. სამანიანები დასავლეთ ირანს ეკიდებოდნენ, ბუვეიდები აღმოსავლეთ ირანის შეერთებას ცდილობდნენ. ხანგრძლივს ომებში მათი დასუსტებით მხოლოდ თურქებმა ისარგებლეს. ცენტრალური აზიიდან გამო-სულმა ყარახანიანებმა (ილეკ-ხანებმა) სამანიანთა სახელმწიფოს აღმოსავლეთიდან შეუტეეს, ლაზნევიანებმა სამხრეთ-დასავლეთიდან.

ფირდოუსი ამოოდ ავრთხილებდა შინაფეოდალური ომებით გართულ დეჰყანებს ახალი აფრასიაბის გამოჩენით.

999 წელს დაემო სამანიანთა სახელმწიფო. 1055 წელს თურქ-სელჩუკებმა ბოლო მოუღეს ბუვეიდების ბატონობას დასავლეთ ირანში.

XI საუკუნიდან მოყოლებული ირანში უკლებლივ თურქულ-მონღოლური დინასტიები ბატონობენ.

ლაზნევიანთა სახელმწიფო (ახლანდელი ავღანეთის ტერიტორიაზე) ღოლაშის (მონის) მდგომარეობიდან სულთნობამდე აღზევებულმა თურქმა დააარსა. მაჰმუდ ლაზნევიმ (999 — 1030) სულ სხვანაირად დასვა ირანის გაერთიანების საკითხი. მისთვის, როგორც თურქისათვის, მიუღებელი იყო ირანული ტრადიციები. ამიტომ მისი დამოკიდებულება ფირდოუსის „შაჰ-ნამესთან“ ისეთივე ანტიირანული დემონსტრაცია იყო, როგორც სახელმწიფო სამდივანმწიგნობროებში სპარსული ენის არაბულით შეცვლის განზრახვა.

შიიტური იდეებით გამსჭვალულ „შუბიას“ (ირანელთა ინტელექტუალურ-პოლიტიკურ მოძრაობას არაბობის წინააღმდეგ) თურქებმა ორთოდოქსალური ისლამი (სუნიტობა) დაუპირისპირეს. თუმცა სუნას დაცვა და ხალიფას მფარველობა ნამდვილად მათ გასპარსულებული ისლამის (ირანელთა პოლიტიკური ბრძოლის იდეოლოგიური იარაღის) დასათრგუნავად სჭირდებოდათ. ამ პოლიტიკურ ხაზს შემდეგ აგრძელებენ თურქ-სელჩუკი სულთნები, რომლებიც ფაქტიურად ხალიფებისაგან სრულიად დამოუკიდებელი მოქმედებდნენ.

თურქ-სელჩუკებამდე კარგა ხნით ადრე მაჰმუდ ლაზნევიმ დასდო ხელი დეჰყანურ მიწისმფლობელობას. ეს ცენტრალისტურ პოლიტიკას დეჰყანების ეკონომიური მდგომარეობა გადაულახველ დაბრკოლებებს უქმნიდა. სულთანს კარგად ესმოდა, რომ სამანიანთა სახელმწიფოს დასუსტების მთავარი მიზეზი დეჰყანების განკერძოებისათვის ბრძოლა იყო.

სოციალური ხასიათის წინააღმდეგობებს, რამაც სამანიანთა სახელმწიფო მოსპობა-გადაშენებამდე მიიყვანა, მაჰმუდ ლაზნევიმ თავი იმით დააღწია, რომ ყურადღება საგარეო დაპყრობით ომებზე გადაიტანა. ამ დროებითმა, მაგრამ მაინც ეფექტურმა ღონისძიებამ მნიშვნელოვნად განამტკიცა მისი მდგომარეობა სახელმწიფოში.

ინდოეთის წინააღმდეგ ყოველწლიურ ლაშქრობას მაჰმუდ ლაზნევი „საღვთო ომის“ სახელით აწარმოებდა. „ლაზიები“ (რომელთა რაზმებს უპირატესად უმიწაწყლო გლეხები ავსებდნენ) თურქ ღოლაშებთან ერთად იბრძოდნენ ინდოეთში. ქალაქების ბაზრები და მოედნები გაიწმინდა მოუსვენარი და ხელისუფლებისათვის საშიშარი ელემენტისაგან. მათ ზეერთდებოდნენ დეჰყანების მიერ ექსპლოატირებული გლეხებიც. დეჰყანთა მიწები დაცარიელდა გლეხებისაგან. ერთბაშად იკლო ირანელი ფეოდალების შემოსავალმა. ამავე დროს მათი მონაწილეობა ინდოეთის წინააღმდეგ ლაშქრობებში მაჰმუდ ლაზნევის დაუშვებლად მიაჩნდა. ამიტომ დეჰყანები იმითაც იყვნენ უკმაყოფილონი, რომ ინდოეთიდან წამოღებული მდიდარი ალაფისა და ნადავლის განაწილებაში არ მონაწილეობდნენ¹.

ამას გარდა, დეჰყანებს „იკტას“ საფუძველზე გაფეოდალებული თურქები (ყოფილი ღოლაშები, ახლანდელი სარდლები, ამირები) ისევე უპირისპირდებოდნენ, როგორც მანამდე სამანიანთა ცენტრალურ ხელისუფლებას. მათ თვალი ახლა დეჰყანების მიწებზე ეჭირათ. მაგრამ არც ეს უკანასკნელნი

¹ А. Ю. Якубовский и Махмуд Газневи, Сб. Фердовси, II, 1934, гл. 91.

მსხდარან გულხელდაკრეფილნი თევიანთ ციხე-დარბაზებში. X ს-ის დამდეგს იწყება მიწისმფლობელობისათვის სასტიკი და დაუნდობელი ბრძოლა ირანელებსა და თურქებს შორის. ეს ბრძოლა ახალი ძალით ვითარდება თურქ-სელჩუკთა ბატონობის ხანაში.

მაჰმუდ ლაზნევის ყოველწლიურ ლაშქრობას ინდოეთის წინააღმდეგ დიდი თანხები სჭირდებოდა. სულთანმა მძიმედ დახარკა ირანული მოსახლეობა. მაჰმუდ ლაზნევის საგადასახადო პოლიტიკით გამოწვეულმა უკმაყოფილებამ ყველა საზოგადოებრივ ფენში გაიღვა ფესვი და მალე ამბოხებებში გადაიზარდა. დეჰყანებმა მარჯვე მომენტი დაუყოვნებლივ გამოიყენეს. მოვლენების განვითარებას დაემთხვა თურქ-სელჩუკების განოჩენა. დეჰყანებმა თურქ-სელჩუკებში დაინახეს ძალა, რომლის შემწეობით შესაძლებელი ჩანდა ლაზნევიანთა ბატონობის დამხობა. ირანის მრავალმა ქალაქმა გაულო თავისი ალაყაფები თურქ-სელჩუკებს. ირანელი წარჩინებულები ზემოთ ხედებოდნენ მათ. დრტივინავდა და ღელავდა მხოლოდ „დაბალი ხალხი“, რომელსაც გაგონილი ჰქონდა თურქ-სელჩუკთა ძარცვა-რბევის ამბავი შუა აზიის ქალაქებში.

1040 წ. დენდენაკანთან თურქ-სელჩუკებმა გაანადგურეს სულთან მასუდ ლაზნევის ლაშქარი.

მაგრამ დენდენაკანის ბრძოლის შედეგი მხოლოდ ლაზნევიანთა სახელმწიფოს არსებობის საკითხს არ სწყვეტდა. გაძლიერებულმა თურქ-სელჩუკებმა შეტევა განავითარეს ერაყის, მცირე აზიის და კავკასიის მიმართულებით, მათი ტალღა თვით შორეულ ეგვიპტეს მისწვდა.

თუ IX—X სს. ახლადწარმოქმნილ მუსლიმანურ სახელმწიფოებს შორის წარმოებული ბრძოლა კავკასიიდან დიდად დაშორებულ ტერიტორიებზე მიმდინარებდა, XI ს-ში კავკასია თურქ-სელჩუკთა „გაერთიანებული“ სახელმწიფოს აგრესიული პოლიტიკის ობიექტად იქცა.

2. თურქ-სელჩუკების შემოსევები და ბატონობა

თურქ-სელჩუკების შემოსევები XI ს-ის 30-იან წლებში დაიწყო. ისინი სწრაფად გავრცელდნენ სამხრეთის, დასავლეთის და ჩრდილოეთის მიმართულებით. თურქ-სელჩუკები დაპყრობით დაემუქრნენ ირანს, ბიზანტიას და კავკასიას.

პოლიტიკური ვითარება XI ს-ის მახლობელ აღმოსავლეთში არსებითად შეიცვალა.

დაიწყო თურქ-სელჩუკთა ბატონობის ხანა მახლობელი აღმოსავლეთის კულტურულ ქვეყნებში.

ა. იაკუბოვსკი მართებულად მიუთითებდა: „Сельджукское движение отразилось не только на жизни Передней Азии, Кавказа, но в известной мере—Египта, Византии, Юговосточной Европы, а в эпоху крестовых походов и на жизни стран Западной Европы¹.”

¹ А. Ю. Якубовский. Сельджукское движение и туркмены в XI веке, Известия АН СССР, Отд. общ. наук, 1937, № 4, 83-921.

თურქ-სელჩუკთა ბატონობა მახლობელი აღმოსავლეთის კულტურული ხალხებისათვის კიდევ უფრო საშიშარი და მძიმე იყო, ვიდრე თავის დროზე არაბთა ბატონობა.

თურქ-სელჩუკები საზოგადოებრივი და ეკონომიური განვითარების დაბალ საფეხურზე იმყოფებოდნენ. ოღუზურ თურქულ ტომებში, სამხრეთის არაბებისაგან განსხვავებით, არც ერთი არ იყო სახელმწიფოებრივი ტრადიციების მქონე. X ს-ში ისინი, როდესაც მათ პირველად შეხვდა იბნ-ფადლანი, ჯერ ისევ გვაროვნული წყობილების საფეხურზე იმყოფებოდნენ. XI ს-ის პირველ ნახევარში კლასობრივი დიფერენციაცია მათ შორის უკვე მომხდარი იყო, მაგრამ ეს პროცესი ძალიან შორს მანძილზე არ იყო წასული. ისტორიკოს ბენიპაკის აღწერილი აქვს, თუ როგორ განცვიფრებული დარჩა ნიშაბურის მოსახლეობა, როდესაც ქალაქის ალაყათთან პირველად შეხვდა მწყემსების ტანსაცმელში გამოწყობილ სელჩუკ მხედრებს.

თურქ-სელჩუკები ახლად იყვნენ გამუსლიმანებული. მუსლიმანობა პირველად მიიღო სელჩუკმა, რომლის სახელიდან ნაწარმოებია ამ თურქი ხალხის სახელწოდება — სელჩუკები.

თურქმანულ ტომებში ისლამმა შესცვალა წარმართული სარწმუნოება, რომელიც გვაროვნული წყობილების შესაბამისი იყო. ისლამი თურქმანებში ვრცელდება საძოვრებისათვის წარმოებული ბრძოლის პირობებში. ხელმოკლე და ღარიბი მწყემსების დაკმაბლებით გამოწვეული სოციალური წინააღმდეგობების შესუსტება ტომთა ბელადებმა სამხედრო თარეშს დაუკავშირეს. თურქ-სელჩუკების მოძრაობა ახალი მიწებისაკენ კლასობრივ ნიადაგზე იყო განვითარებული.

ოღუზური თურქული ტომები ჯერ ცენტრალური აზიის სტეპებიდან, ხოლო შემდეგ შუა აზიიდან საძოვრების კრიზისმა გამოიყვანა. მათი ელჩები ლახნევიანებთან „მშვიდობიანი“ მოლაპარაკების დროს აღნიშნავდნენ, რომ „მათ ღედამიწაზე ადგილი არა აქვთ“. ხორეზმისაკენ სელჩუკებს გზა შეკრული ჰქონდათ. ამიტომ მათი თავდაპირველი მოძრაობის ასპარეზად ხორასანი იქცა. აქედან მათ პირველი მარბიელი რაზმები ქერმანისა და კავკასიისაკენ გაუშვეს. თურქ-სელჩუკები მოდიოდნენ თავიანთი ოჯახებით და ჯოგებით. ისინი ინტენსიური მეურნეობისათვის გამოყენებულ მიწებს საძოვრებისათვის იჭერდნენ, ხოლო დამარცხებული ბინადარი მოსახლეობა მთებსა და ხეობებში იხიზნებოდა.

დამპყრობლებმა განვითარებულ ფეოდალურ მეურნეობას ბევრგან მთლიანად გამოაცალეს მისი საფუძველი — მიწა. მაგრამ ის, რაც მათ ოჯახებს და ჯოგებს გადაურჩა, მძიმედ დაიხარკა.

თურქ-სელჩუკებმა მთლიანად დაიპყრეს ირანი. ამიერიდან ირანის ტერიტორიას მოიცავდა ძირითადად ე. წ. „ღიდ სელჩუკთა“ სახელმწიფო, რომლის დამაარსებელი თოდრულ-ბეგი (1037—1063) იყო.

თოდრულ-ბეგმა ირანის დაპყრობის შემდეგ მიზანში ბაღდადის სახალიფო ამოიღო, ერთდროულად მან ბიზანტიასაც დაჰკრა.

1055 წელს თოდრულ-ბეგმა აიღო ბაღდადი და ბოლო მოუღო აქ ბუვეიღთა ასწლოვან ბატონობას.

ხალიფამ თორღულ-ბეგი სულთნად დალოცა. ხალიფას სასახლეში „ფეხ-მიწველა მწყემსმა“ თავზე ორჩქიანი გვირგვინი დაიდგა. თავის ორი რქა სიმბოლოურად აღნიშნავდა იმას, რომ ამიერიდან თურქ-სელჩუკი სულთანი აღმოსავლეთისა და დასავლეთის მბრძანებელი ხდებოდა. ხალიფა კი, რა თქმა უნდა, ფორმალურად, მას ამის „დასტურს“ აძლევდა.

ისლამის სარწმუნოების სუნიტური მიმართულება თურქ-სელჩუკებმა იმთავითვე გარკვეულ პოლიტიკურ მიზანს დაუკავშირეს; კერძოდ, მარჯვედ გამოიყენეს მათ ეს შიიტი ბუვეიღების წინააღმდეგ ბრძოლაში. ისინი სუნიტობრს აღმით აწარმოებდნენ დაპყრობით ომებს. მაგრამ ხალიფას გაძლიერება მათს ანგარიშში სრულიადაც არ შედიოდა. ამ მხრივ თურქ-სელჩუკები მაჰმედ დაზნევის პოლიტიკის გამგრძელებელი იყვნენ.

თურქ-სელჩუკთა დაპყრობითი ომები განაგრძო თორღულ-ბეგის მემკვიდრე სულთანი ალფ-არსლანმა (1063 — 1072). მან ორგზის დალაშქრა საქართველო. დიდს წარმატებას მიაღწია ბიზანტიასთან ომშიც.

მანასკერტის ბრძოლის (1071 წ.) შედეგად ბიზანტიამ სამუდამოდ დაკარგა თავისი აღმოსავლური პროვინციები. მცირე აზიაში თურქ-სელჩუკები გაბატონდნენ. ამიერკავკასიაში ისინი დაეპატრონენ სომხეთს, ალბანეთს, დაიპყრეს საქართველოს სამხრეთი და აღმოსავლეთი ნაწილები.

§ 1. დიდ სელჩუკთა სახელმწიფო

მალიქ-შაჰის (1072—1092) დროს მნიშვნელოვნად გაფართოვდა „დიდ სელჩუკთა“ სახელმწიფოს ტერიტორია. სულთანი თავმომწონედ აღნიშნავდა, რომ შუა აზიიდან წამოსულმა მან თავისი ცხენი ხმელთაშუა ზღვის წყლებში შეიყვანა. მაგრამ ეს ეფექტური წარმატება დროებითი აღმოჩნდა. ტერიტორიულ გაფართოებასთან დაკავშირებული ალაფის და ნადავლის მოპოვებამ მხოლოდ დროებით შეასუსტა შინაგანი ხასიათის წინააღმდეგობები თურქ-სელჩუკთა სახელმწიფოში.

თურქ-სელჩუკებს, ისევე როგორც თავის დროზე არაბებს, სახელმწიფო მართვა-გამგეობის გამოცდილება არ ჰქონდათ. ამიტომ სახელმწიფოს უპირველეს მოხელედ (ვეზირად) ირანელი იყო. ირანელებივე იყვნენ მოხელეებად დივანის დაწესებულებებსა და სამდივანშიგნობრობებში. თურქ-სელჩუკებმა მხოლოდ პროვინციის გამგებლები შეცვალეს თურქი და თურქმანი ამირებით.

ალფ-არსლანის და მალიქ-შაჰის ვეზირად იყო ნიზამ ულ-მულქი — განათლებული ადამიანი და ნიჭიერი სახელმწიფო მოღვაწე.

ნიზამ ულ-მულქი იღვწოდა სამანიანთა და დაზნევიანთა სახელმწიფოებრივი ტრადიციების აღდგენისათვის. ამ ენერგიული და განსწავლული მოღვაწის თაოსნობით დაარსდა უმაღლესი სასწავლებლები (ნიზამიე), ობსერვატორია, ბიბლიოთეკები; მისი აქტიური მონაწილეობით გატარდა სამხედრო, სასამართლო და საკალენდრო რეფორმები. მანვე დაწერა პოლიტიკური ტრაქტატი „სიასეთ-ნამე“ („პოლიტიკის წიგნი“).

„სიასეთ-ნამეში“ უხვადაა მოტანილი ირანული კულტურულ-პოლიტიკური ტრადიციების მკაფიო მავალითები (უპირატესად სასანური ირანის სახელმწიფოს ისტორიიდან) და ხაზგასმულია ამ ტრადიციების გამოყენების მნიშვნელობა თურქ-სელჩუკთა სახელმწიფოს მშენებლობაში.

ნიზამ ულ-მულქი, აღმოსავლეთის კულტურული და პოლიტიკური ტრადიციების პრაქტიკულად გამომხატველი, თურქ-სელჩუკი სულთნების მისამართით ამბობდა: სულთანმა „უნდა გაიყვანოს მიწის ქვეშა რუები (ყანათ), გათხაროს მთავარი სარწყავი არხები, ააგოს ხიდები დიდ მდინარეებზე, სადაც გზები ერთმანეთს ხვდებიან; განავითაროს სოფლები, გაამაგროს ციხეები, დააარსოს ახალი ქალაქები და კეთილმოწყობილი ნაგებობანი, თანჩატურები და თავშესაფარები მთავარ გზებზე“¹. ყველაფერი ეს სოფლის მეურნეობის, ქალაქების, ვაქრობისა და ხელოსნობის განვითარებას გულისხმობდა.

ნიზამ ულ-მულქი სელჩუკების საშუალებით ცდილობდა სახელმწიფოს ცენტრალიზებას. ამ მხრივ იგი გადაწყვეტ მნიშვნელობას ანიჭებდა მუდმივი ჯარის შექმნას. მალიქ-შაჰის სულთნობაში სასამართლო და საკალენდრო რეფორმასთან ერთად გატარდა სამხედრო რეფორმაც. დაარსდა ცენტრალური ხელისუფლების კონტროლს დაქვემდებარებული მუდმივი ჯარი². ამ ჯარის მეომრებს დაურიგდათ მიწები იქტას საფუძველზე. იქტა ამ დროს მკაფიოდ გამოკვეთილ სამხედრო-ლენურ სისტემად ჩამოყალიბდა.

ნიზამ ულ-მულქმა დიდი ყურადღება მიაქცია თურქ-სელჩუკთა ძირითადი მასების ირანში განსახლების საკითხს. მაგრამ მომთაბარული ელემენტის ცენტრალური ხელისუფლებისათვის დამორჩილების განზრახვა მარცხით დამთავრდა.

საინტერესოა, რომ ნიზამ ულ-მულქი მოითხოვდა მომთაბარეთა მასების ბიზანტიის და საქართველოს საზღვრებზე გადაყვანას, რადგან ეს მოუსვენარი ელემენტი მრავალ დაბრკოლებას უქმნიდა მმართველ კლასს³. ამ ღონისძიების რეალიზაციას უნდა უზრუნველყო ირანის ნორმალური ეკონომიური და კულტურული განვითარება.

ირანელებს და ირანიზებულ არაბებს (ქალაქებში) სავსებით შეგნებული ჰქონდათ, თუ რას უქადავდა მათს წარმოება-მეურნეობას, სამიწათმოქმედო ფეოდალურ კულტურას, ქალაქებს და საქალაქო ცხოვრებას მომთაბარე თურქ-სელჩუკების პრიმიტიული მეურნეობა (მეჯოგეობა). ამიტომ მოითხოვდა მათი კლასობრივი ინტერესების დამცველი ნიზამ ულ-მულქი თურქულ-მომთაბარული ელემენტის გაყვანას ირანის ფარგლებიდან. იგი პირადად მონაწილეობდა მდიდარი ბიზანტიის და კავკასიის ქვეყნების წინააღმდეგ ომებში.

ნიზამ ულ-მულქი დაუნათესავდა ბაგრატ IV-ს, მაგრამ ეს მას, რა თქმა უნდა, ხელს არ უშლიდა მუდამ მხედველობაში ჰქონოდა მთავარი მიზანი: მცირე აზიასა და კავკასიაში თურქ-სელჩუკიანთა მეურნეობისათვის საპირო მიწის ფართობების გათავისუფლებით, ამ მიწების იალაღებად და

¹ Siasat Nameh, ed. C. Schefer, Paris, 1891—3, გვ. 18.

² დავით აღმაშენებლის მიერ ყივჩაღთაგან შემდგარი ლაშქარი, შეიძლება ვიფიქროთ, მალიქ-შაჰის ამ ღონისძიებითაც უნდა ყოფილიყო გამოწყველი. თურქების წინააღმდეგ ბრძოლაში აუცილებელი იყო სელჩუკთა ახალი ორგანიზაციისათვის ახალი ძალის დაპირისპირება.

³ A. Ю. Якубовский. Сельджуцкое движение и туркмены в XI веке, გვ. 945.

ყიშლაღებად გადაქცევის გზით მომთაბარეთა ენერჯის შესუსტება საკუთრივ ირანში.

„დიდი თურქობა“ XI ს-ის 80-ანი წლების საქართველოში მკაფიოდ მიუთითებს მომთაბარეთა მოძრაობის მასშტაბებზე.

ქართველი ხალხი უდიდესი საფრთხის წინაშე აღმოჩნდა: „თურქების შემოსევა არსებითად განსხვავდებოდა ბიზანტიელებისა თუ არაბების ბატონობისაგან. თურქები მომთაბარე-მეჯოგენი იყვნენ. ისინი გადმოსახლებით შოდიოდნენ და დაპყრობილ ქვეყნებში თავისი მეურნეობისათვის საჭირო მიწებს იჭერდნენ. დავით აღმაშენებლის ისტორიკოსი ხაზგასმით აღნიშნავს, თუ როგორ შეუთავსებელი, როგორ ერთიმეორის გამომრიცხველი იყო ორი მეურნეობა — თურქულ-მომთაბარული და ქართულ-ფეოდალური“¹. თურქ-სელჩუკების შემოსევების შედეგად შეფერხდა ქართული (კავკასიური) ფეოდალური მეურნეობის განვითარება: „თურქობა... ამ მეურნეობას საფუძველს (მიწას) აკლიდა და მას ერთიანად გადაშენების საფრთხეს უქმნიდა“². ეს საფრთხე ქართველმა ხალხმა თავიდან აიცილია, შესძლო თურქების დამარცხება.

ქართველი ხალხის გამარჯვება თურქებზე, სომეხი ხალხის ფართო მასების და ალბანელი (შირვანელი) ტომების მხარის დაქვრით და აქტიური დახმარებით³, განვითარებისათვის საჭირო პირობების გადარჩენას ნიშნავდა. ამიერკავკასიის ხალხთა ბრძოლის პროგრესული მნიშვნელობა საკუთრივ კავკასიის ფარგლებს სცილდებოდა, რადგან ამ ბრძოლამ დაასუსტა, მაგალითად, თურქ-სელჩუკთა პოლიტიკური წარმონაქმნი მცირე აზიაში — რუმის სასულთნო⁴.

აქად. ვლ. გორდლევსკი უსაყვედურებს იმ მკვლევრებს, რომელნიც თურქებს და მონღოლებს მხოლოდ კულტურის ნგრევას მიაწერდნენ და შოითხოვს ამ ბრალდების მოხსნას⁵.

ნამდვილად თურქები და მონღოლები დაუნდობლად ანადგურებდნენ ყოველგვარ კულტურულ მონაპოვარს.

აღმოსავლეთის კულტურული (მიწისმოქმედი) ხალხები სამკედრო-სასი-ცოცხლო ბრძოლას აწარმოებდნენ მომთაბარე თურქებთან და მონღოლებთან. და სწორედ ეს ბრძოლა იყო პროგრესული, რადგან ქრისტიანი და მუსლიმანი ხალხები ამით თავიანთ განვითარებულ მეურნეობას და კულტურას იცავდნენ.

¹ ნ. ბერძენიშვილი. საქართველოს რუსეთთან შეერთების ისტორიული მნიშვნელობისათვის, მნათობი, № 6, 1954, გვ. 123.

² იქვე.

³ იქვე, გვ. 124.

⁴ Е. Беляев. Периодизация средневековой Турции, Изв. АН СССР. Серия истории и философия, т. IV, № 1, გვ. 87, 88.

⁵ „Снять с них обвинения, подкасаемые иногда пристрастием национальных историков, как будто восточные народы — турки, монголы — только и разрушали культуру народов, исповедующих христианство“. В. А. Гордлевский. Государство Сельджукидов Малой Азии, М.—Л., 1941, გვ. 21.

მომთაბარე თურქ-სელჩუკების შემოსევებმა უდიდესი ზიანი მიაყენეს როგორც ქრისტიან, ისე მუსლიმან ხალხებს. მათ ყველგან იალალები და ყიშლალები სჭირდებოდათ თავიანთი ოჯახებისათვის და ჯოგებისათვის. ამიტომ მათთვის სულ ერთი იყო ვის ეკუთვნოდა მიწა — ქრისტიანებს თუ მუსლიმანებს.

საქმე ისაა, რომ თურქ-სელჩუკები ქვეყანას არ ყოფდნენ დარ ულ-ისლამად და დარ ულ-ჰარბად. და ეს იმიტომ, რომ ისინი უპირატესად მუსლიმანთა ქვეყნებს იპყრობდნენ. ახალს ვითარებაში ისლამის ბევრი ძველი თეორია მიუღებელი იყო¹. ამ მხრივაც თურქ-სელჩუკები მონღოლების წინამორბედნი იყვნენ. თუმცა ცვლილებები ამ მიმართულებით მონღოლთა ბატონობის ხანაში უფრო ღრმა და უფრო საფუძვლიანი იყო.

XI საუკუნეში მუსლიმანთა თემის ცნება ხალხის (უკეთ, ტომის აუ ტომთა) ცნებამ შეცვალა. იმამის ადგილი ახლა საბოლოოდ სულთანმა დაიკირა. სულთანი (ხანი) განასახიერებდა მიწის უზენაეს საკუთრებას მიწაზე. მომთაბარულმა არისტოკრატებმა ახალი საფუძველი მოუძებნა მუსლიმანთა მიწების დატაცებას და დასაკუთრებას.

მნიშვნელოვნად შეიცვალა წარმოდგენა გადასახადებზეც. ახლა ჩვეულებრივი ხდება არაკანონიერი გადასახადების დაწესება, თუმცა სამისო ტენდენცია უკვე წინარე ხანაში იჩენს თავს. მუსლიმანური სამართლით გათვალისწინებული კანონიერი გადასახადები (ხარაჯა, უშრი, ჯიზია, ზაქათი) საგადასახადო სისტემაში ახლაც გარკვეულ ადგილს იკერს, მაგრამ ამავე დროს დიდი რაოდენობით წესდება გადასახადთა ახალი სახეობები (სახელმწიფო, სამოხელეო, ფეოდალური...) მუსლიმანთა (დაბალი ფენების) წარმოდგენით კანონიერი გადასახადები „პატრიარქალურ წყობასთან“ იყო დაკავშირებული. ამიერიდან არაკანონიერ გადასახადთა გაუქმება სოციალური მოძრაობების მონაწილეთა მთავარი მოთხოვნა ხდება.

თურქ-სელჩუკების ხანაში მნიშვნელოვანი ცვლილებები მოხდა სოციალურ და პოლიტიკურ სტრუქტურაში.

მოსახლეობა ორ მთავარ ნაწილად დაიყო. ერთს სამხედრონი (დამპყრობლები) შეადგენდნენ, მეორეს რაიათები (დაპყრობილი ქვეშევრდომები). ამდროინდელ წყაროებში ამგვარი დანაწევრების აღსანიშნავად ხშირად მოხსენებული სიფაჰი და რაიათი ანდა ლაშქარი და რაიათი. სამხედრონი თურქები იყვნენ, რაიათები არათურქები.

მთელი მოსახლეობა, ამრიგად, დაყოფილი იყო თურქებად და არათურქებად. არათურქის აღსანიშნავად საყოველთაოდ გავრცელდა „ტაჯიკი“. ტაჯიკი იყო ყველა, ვინც კი მიწისმოქმედებას და საქალაქო ცხოვრებას მისდევდა: გლეხი, ვაჭარი, მოქალაქე, ხელოსანი.

გაბატონებული კლასის ცალკეული ჯგუფების აღსანიშნავად იხმარებოდა აგრეთვე მახვილის და კალმის ხალხი. მახვილის ხალხს თურქები შეადგენდნენ, კალმის ხალხს — სამოქალაქო ბიუროკრატის წარმომადგენლები

¹ A. Lambton. Landlord and peasant in Persia, გვ. 59.

(უპირატესად ირანელები). კალმის ხალხის (ვეზირების, მუსტოფების, მწერლების) მნიშვნელობა ამ დროიდან მოკიდებული განუხრებლად იზრდება საზოგადოებრივ და პოლიტიკურ ცხოვრებაში. სამოქალაქო ბიუროკრატია მ დაიჭირა თურქ-სელჩუკების მიერ ფიზიკურად გაელეტილი, გაქცეული და დაღარიბებული ირანელი ფეოდალების (დეჰყანების) ადგილი.

მახვილის ხალხი სოციალურად, რა თქმა უნდა, ერთფეროვანი არ იყო. სულთნის ანუ ხანის სახლის წევრები (შვილები, ძმები, ნათესაეები)¹, რომელთაც აუარებელი მიწები ჰქონდათ მიღებული სახელმწიფოში, დიდის გავლენით სარგებლობდნენ სულთნის კარზე და პროვინციებში. მალე მათ წარმოქმნეს დამოუკიდებელი სამთავროები და სახელმწიფოები ნაწყალობევი მიწაწყალზე. იქტას მფლობელობის საფუძველზე აღზევდნენ თურქი ამირები — ვრცელი და მცირე ქვეყნების გამგებლები. XII ს-ში ამირებიც განკერძოების გზაზე იდგნენ და დამოუკიდებელი მდგომარეობის მოპოვებას ცდილობდნენ.

თურქ-სელჩუკთა გაფეოდალებული ზედა ფენა აღრევე მოსწყდა და გამოეთიშა თანამეტომეთა მასებს, რომელთათვისაც ისევე მომთაბარული ტრადიციები და პატრიარქალური წყობის ძლიერი გადანაშთები იყო დამახასიათებელი. შემდგომი ფეოდალიზაცია საქირო პირობებს უქმნიდა მომთაბარეთა ძირითადი მასების ფეოდალურ ექსპლოატაციას. თურქმანული ტომებიც ისევე იყვნენ დახარკული როგორც გლეხები და ხელოსნები. ოღუზებს, მაგალითად, ყოველწლიურად 24.000 ცხვარი უნდა მიეცათ სულთნის სანზარეულოსათვის². იშვიათი არ იყო არც ძალადობა მათ მიმართ. მაგრამ არც ღარიბი მომთაბარეები რჩებოდნენ ვალში მჩაგვრელებს. მომთაბარული მასების ცენტრალური ხელისუფლების კონტროლისათვის დამორჩილება სელჩუკი სულთნების ერთი ყველაზე მწვავე პრობლემათაგანი იყო.

მახვილის და კალმის ხალხის შემდეგ წყაროები (ნასირ ედ-დინ ტუსის „ახლაყი ნასირი“, რომელიც მონღოლთა შემოსევამდე დაწერილი) ასახელებენ ვაქრებს³. მეოთხე საზოგადოებრივ ფენად დასახელებულია გლეხობა, რომელიც ნასირ ედ-დინ ტუსის სიტყვით, მიწისმოქმედებით ინახავს ყველა ზემოთ დასახელებულთ და ურომლისოდაც ვერც ერთი მათგანი ვერ იარსებებდა⁴. ზოგიერთი აღმოსავლური წყარო ერთ საზოგადოებრივ ფენაში აერთიანებს გლეხებს და ხელოსნებს.

ცვლილებებმა სოციალურ სტრუქტურაში თავისი გამოხატულება ჰპოვა იდეოლოგიაშიც. თურქ-სელჩუკთა ზედა ფენა და სამოქალაქო ბიუროკრატია სუნიტობას მკიდროდ უკავშირებს თავის კლასობრივ ინტერესებს. სუნიტები არიან მეტწილად ვაქრებიც. შიიტობას უმთავრესად სოფლის მოსახლეობა, ნაწილობრივ აგრეთვე ხელოსნები, უკავშირდებოდა. შიიტობისადმი ამყლავნებენ მიდრეკილებას ღარიბი მომთაბარეებიც, რომლებიც ამიერიდან აქტი-

¹ ამათ წყაროები მალიკებს უწოდებენ. მალიკები ეწოდებოდათ იმ ირანელ ფეოდალებსაც, რომლებმაც მიწები შეინარჩუნეს.

² A. L a m b t o n. დასახ. ნაშრ., გვ. 58.

³ ი ქ ვ ე, გვ. XXV — XXVI.

⁴ ი ქ ვ ე, გვ. XXVI.

ურად მონაწილეობენ სოციალურ ბრძოლებში¹. ერთი სიტყვით, სუნიტობა ირანის ქალაქებისათვის იყო დამახასიათებელი, შიიტობა სოფლებისათვის.

თურქ-სელჩუკების შემოსევებისა და ბატონობის მნიშვნელოვანი შედეგი იყო ეთნიკური ხასიათის ცვლილებები მუსლიმანური აღმოსავლეთის მოსახლეობის შემადგენლობაში.

თურქული ელემენტი სწრაფად გავრცელდა ცენტრალური აზიიდან დაწყებული ევკვიპტემდე.

თანამედროვე ირანის ეთნიკური შემადგენლობა, მაგალითად, ყალიბდება XI ს-ში, ე. ი. სწორედ თურქ-სელჩუკების შემოსევებისა და ბატონობის ხანაში. იგივე უნდა ვთქვათ მცირე აზიის, ნაწილობრივ აგრეთვე აზერბაიჯანის მოსახლეობაზე.

აღნიშნული ფაქტები კარგად მოწმობენ, თუ რამდენად ინტენსიური იყო ნომადების „დასხლემა“ იქ, სადაც თავის დროზე ასე ძლიერად იყო წარმოდგენილი მკვიდრბინადარი, სამიწათმოქმედო კულტურის მოსახლეობა.

მომთაბარე სელჩუკები ბინადარ მოსახლეობას (გლეხებს, ხელოსნებს, ვაჭრებს) მხოლოდ ძარცვის და თარეშის ობიექტად თვლიდნენ. განსაკუთრებით მაინც გლეხთა მდგომარეობა დამძიმდა.

თურქ-სელჩუკებმა მძიმე მდგომარეობაში ჩააყენეს არა მარტო მწარმოებელი კლასი, არამედ ადგილობრივი მიწისმფლობელებიც. ირანელი ფეოდალების მიწა-წყლის მნიშვნელოვანი ნაწილი თურქულ-მომთაბარულმა არისტოკრატებმა იგდო ხელთ. ასევე მოხდა შუა აზიაში, ერაყში, მცირე აზიაში და, საზოგადოდ, ყველგან, სადაც მათ გაბატონება შეძლეს. ამავე მიზნით მოდიოდნენ ისინი სომხეთში, აზერბაიჯანში, საქართველოში.

თურქ-სელჩუკთა ბატონობის ხანაში კიდევ უფრო შეირყა დეჰყანთა მდგომარეობა. მაგრამ უბრძოლველად ისინი ახლაც არ სთმობდნენ თავიანთ მიწებს. ამასთანავე დაკავშირებული ისმიალიტთა ცნობილი მოძრაობა, რომლის მახვილი თურქ-სელჩუკების, უკეთ ახალი მიწისმფლობელების წინააღმდეგ იყო მიმართული².

მართალია, თურქ-სელჩუკებმა ვერ შეძლეს ისმიალიტთა მოძრაობის მთლიანად ჩახშობა, მაგრამ მათ მაინც მნიშვნელოვნად შეასუსტეს ირანელი ფეოდალების ეკონომიური პოზიციები. თურქ-სელჩუკიანთა ბატონობის ხანაში საბოლოოდ მოისპო დეჰყანური მიწისმფლობელობა. დამახასიათებელია, რომ სწორედ ამ დროს (XI—XII სს.) ტერმინი დეჰყანი (ადრე მიწისმფლობელის, ფეოდალის აღმნიშვნელი) იქცა გლეხის აღმნიშვნელ ტერმინად.

¹ გაბატონებული კლასის იდეოლოგები თურქების მახვილს უკავშირებდნენ ორთოდოქსალური ისლამის (აბუ ჰანიფას სკოლის მიმართულების) გავრცელებას და აღნიშნავდნენ, რომ აბუ ჰანიფას შემდეგ „და იხ შო (მუსლიმანური სამართლის) ინტერპრეტაციების ქარი“. ეს აშკარად მიმართული იყო სოციალური მოძრაობების წინააღმდეგ რომელიც ერესების („ხუნდიკების“) რელიგიურ სამოსელში იყო გამოხატული.

² აკად. ვ. ბარტოლდს ისმიალიტთა მოძრაობა დაჰყავდა ფეოდალური ციხე-დარბაზების და ქალაქების ბრძოლამდე. მაგრამ ნამდვილად ისმიალიტთა მოძრაობა დეჰყანური მიწისმფლობელობის და ირანელი ფეოდალების საადგილმამულო უფლებების დასაცავად იყო მოწოდებული.

ლაზნევიანთა მიერ დაწყებული საქმე სელჩუკებმა დაამთავრეს. ირანული ძალებით ირანის პოლიტიკური გაერთიანების ამოცანა მარცხით დამთავრდა.

სელჩუკების დროს კარიდან კარზე მოხეტიალე ზიარიანთა მავალითზე ე. ბერტელსი მოსწრებულად შენიშნავს, რომ „სასანური მონარქიის აღდგენის იმედი გაცრუებული აღმოჩნდა“ და „ბენი სასანი“ („სასანის შვილები“) იძულებული იყვნენ ბაზრის ხალხში გარეულიყვნენ¹. ზოგი მათგანის ერთადერთ ღოჭუნგად იქცა ubi bene ibi patria, ზოგი კი გაბოროტებული შუბიას უკანასკნელ წარმომადგენლებს—ასასინებს (ისმაილიტებს) შეუერთდა².

ამრიგად, თურქ-სელჩუკიანთა ბატონობის ხანაში საბოლოოდ გაჰქრა მიწისმფლობელთა ის კლასი, რომელიც თავის დროზე სასანურმა ირანმა წარმოშვა და რომელმაც განსაკუთრებული როლი შეასრულა სახალიფოს ფეოდალიზაციის საქმეში.

ამიერიდან გაბატონებული ფეოდალური კლასის მთავარსა და წამყვან ჯგუფს წარმოადგენდნენ თურქი ამირები. ადგილობრივი ფეოდალების მოქმედების ასპარეზი კი სამდივანმწიფნობრო და საფინანსო დაწესებულებებით შემოიფარგლა. სამოქალაქო ბიუროკრატია მუსლიმანურ ეკლესიასთან ერთად იქცა თურქ-სელჩუკთა ბატონობის დასაყრდენად. ასე დაუკავშირდა დამპყრობელთა ზედა ფენა ადგილობრივი ფეოდალების იმ წრეს, რომელმაც მიწები სამსახურის პირობით შეინარჩუნა და რომლის ყველაზე თვალსაჩინო წარმომადგენელი XI ს-ში „დიდ სელჩუკთა“ ვეზირი და პირველი ათაბეგი ნიზამ ალ-მულქი იყო.

დეჰყანური მიწისმფლობელობის დარღვევის საქმეში იქცა იმთავითვე გარკვეულ როლს ასრულებდა. მაგრამ ახლა, თურქ-სელჩუკთა ბატონობის პირობებში, მას ამ მხრივ განსაკუთრებული მნიშვნელობა მიენიჭა. მრავალრიცხოვან სელჩუკ უფლისწულებს და არისტოკრატებს მიწები მხოლოდ დეჰყანური მიწისმფლობელობის ხარჯზე შეეძლოთ მიეღოთ. მიწების ექსპროპრიაცია, რა თქმა უნდა, უპირველეს ყოვლისა დეჰყანებს შეეხოთ. ამას გარდა მიწისმფლობელობის ამ გაბატონებულ ფორმაზე თანდათან გადაჭყავდათ ის მიწისმფლობელებიც, რომელნიც თურქ-სელჩუკების სამსახურში აღზევდნენ.

იქცა სელჩუკებისათვის, ისევე როგორც შუა აზიაში ყარახანიანთათვის იმავე XI ს-ში, სხვა მხრივაც იყო მისაღები. ყარახანიანების მავალითზე ა. იაკუბოვსკი აღნიშნავდა: „Караханидские правители использовали эту икта в своих интересах. Ведь верхние слои караханидского войска, типичные представители кочевой военной знати, не могли сразу перейти на оседлый быт. Для этого надо было по крайней мере, столетие... как хозяйин страны новая кочевая военная аристократия, владевшая огромным количеством скота, не хотела, да и не могла

¹ Кабус-нама. Перевод, статья и примечания Е. Э. Вертельса, М., 1953, 88, 243.

² იქვე.

жить в определенном городе и селении, а передвигалась со ставкой своих ханов... указанные соображения делают совершенно понятным желание этой военной кочевой аристократии, — не оседая, получать систематические доходы с земель, которые обрабатывались трудолюбивыми руками крестьян. Что же могло быть более соответствующим этому желанию, чем икта — эта восточная форма бенефиция¹. ასევე უყურებდნენ იქტას სელჩუკები მახლობელი აღმოსავლეთის კულტურულ ქვეყნებში.

იქტა თურქ-სელჩუკიანთა სამხედრო-ნომადურ არისტოკრატიას საშუალებას აძლევდა მიწაზე დაუჯდომლად წელიწადში რამდენჯერმე მიეღო ხარაჯა. იქტაში თურქ-სელჩუკები ხელავდნენ სისტემატური და უეჭველი შემოსავლის საუკეთესო ფორმას.

თურქი იქტადარები ცდილობდნენ სახელმწიფოსაგან მიეღოთ ისეთი მიწები, სადაც ქარბად იჯდა ბინადარი მოსახლეობა და განვითარებული იყო ინტენსიური მეურნეობა. რაიათების რაოდენობაზე იყო დამოკიდებული ხარაჯას ოდენობა, შემოსავლის ზრდა. და თურქი იქტადარიც ხარაჯას მიღებას იქ ცდილობდა, სადაც მრავლად იყვნენ რაიათები — კულტურული მიწის მუშები, მებალეები, მევენახეები, მებაბრეშუმეები. შემთხვევით არ აიხსნება, რომ „რაიათებს“ ამ დროსაც და გვიანაც (XIII—XVIII სს.) უპირისპირებდნენ „ელს“ (მომთაბარე ხალხს), რომლის მეურნეობა (მეჯოგეობა) მკვეთრად განსხვავდებოდა ბინადარი და კულტურული (მიწათმოქმედი) მოსახლეობის მეურნეობისაგან.

ქვეყნის შიგნით თურქულ-მომთაბარული არისტოკრატის შემოსავლის ძირითად წყაროს ბინადარი მოსახლეობის ძარცვა შეადგენდა (ქვეყნის გარეთ შემოსავლის წყაროებს ომი და თარეში ჰქმნიდა). ამ ნიადაგზე უკვე XI ს-ში წარმოსდგა თურქული ანდაზა: „თურქი უტაჯიკოდ არ არსებობს, როგორც კაცი უქუდოდ“.

გლახთა ექსპლოატაცია სახელმწიფოს მეშვეობით თურქულ-მომთაბარული არისტოკრატისათვის სავსებით მისაღები ფორმა იყო. იქტას წესისათვის აუცილებელი არ იყო მისი მფლობელის ცხოვრება ნაწყალობევი მიწაზე. ეს ტომთა ბელადებს (სუბაშებს) საშუალებას აძლევდა, როცა ომი არ იყო, დაეკრათ ქალაქებისათვის, ეძარცვათ ვაჭართა ქარავნები, ხელთ ეგდოთ ის, რასაც ხელოსნები ქმნიდნენ. სწორედ ასეთ ვითარებაში ვაფორმდა ხელოსნური ორგანიზაცია „ახი“ („ძმობა“) თურქ-სელჩუკთა სახელმწიფოს ქალაქებში.

ყველაფერი ეს ორგანულად იყო დაკავშირებული მომთაბარული ცხოვრების წესებთან.

მაგრამ სახელმწიფოს მეშვეობით გლახთა ექსპლოატაცია, ჩანს, გაგრძელდა მანამდე, სანამ სელჩუკი მიწისმფლობელები ვაფეოდალებას მოას-

¹ А. Ю. Якубовский. Вопросы периодизации истории Средней Азии в средние века, 33. 40.

წრებდნენ. ადგილობრივმა ფეოდალურმა სინამდვილემ გააძლიერა იქტას განვითარების ის ტენდენცია, რომელიც ამ ფეოდალურ ინსტიტუტს უკვე X ს-ში შეენიშნეთ. XI ს-ის დამლევს იქტადარება ხელს სდებენ არა მარტო სამსახურის სანაცვლოდ ნაწყალობევე მიწას, არამედ მიწაზე მსხდარ გლეხებსაც.

ნიშამ ულ-მულქის „სიასეთ-ნამეში“ („პოლიტიკის წიგნში“) იქტას ინსტიტუტთან დაკავშირებით მოტანილია ფაქტები, რომელთა განსაკუთრებული მნიშვნელობა მახლობელი აღმოსავლეთის ისტორიის პერიოდიზაციისათვის ბევრმა მკვლევარმა აღნიშნა (ა. იაკუბოვსკი, ი. პეტრუშევსკი, ბ. ზახოდერი და სხვ.). ეს საინტერესო ადგილი ქვემოთ მოგვაქვს ბ. ზახოდერის მიერ შესრულებულ რუსულ თარგმანში.

ნიშამ ულ-მულქი აღნიშნავს: „Мукта, у которых икта, пусть знают, что по отношению к народу им не приказано ничего, кроме как собирать добрым образом законную подать, что им препоручена; когда они это собрали, пусть будут у народа безопасны тело, имущество, жены и дети, пусть будут безопасны их вещи и владения, пусть не будет мукта к ним никакого пути. Если кто из народа захочет отправиться ко двору, чтобы открыть свои обстоятельства, пусть к тому не чинят помехи; любому, кто сделает иначе, пусть укоротят руки, пусть от него отберут икта, и накажут, чтобы показать пример другому“¹. იქტას ეს დახასიათება ეკუთვნის ალფ-არსლანის (1063 — 1072) და მალიქ-შაჰის (1062 — 1092) ვეზირს, რომლის სახელისუფლოს განსაგებელს უმთავრესად ხარაჯას აკრფის საქმე შედგენდა.

მაგრამ ის გარემოება, რომ ნიშამ ულ-მულქი მოითხოვს მის მიერ დახასიათებული იქტას წესის მტკიცედ დაცვას და პასუხისმგებლობას აკისრებს იმას, ვინც ამ წესს არღვევს, მოწმობს, თუ რა მიმართულებით სცვლიდა თავის დამოკიდებულებას მუქტა ანუ იქტადარი მწარმოებლებთან. მართალია ნიშამ ულ-მულქი უარყოფს გლეხთა მიწაზე მიმავრების იურიდიულ გაფორმებას, მაგრამ საამისო პროცესი მის დროს უკვე დაწყებული ჩანს. წინააღმდეგ შემთხვევაში მას არ დასჭირდებოდა იმის თქმა, რომ იქტადარს უფლება აქვს აკრიფოს მხოლოდ კანონიერი გადასახადი და რომ მას ხელი არ მიუწვდება გლეხის პიროვნებასა და ქონებაზე. საკირო არ იქნებოდა აგრეთვე ამ წესის დამრღვევის პასუხისმგებლობის აღნიშვნა სახელმწიფოს

¹ Н и ш а м а л - м у л ь к. Спасет-наме, Перевод, введение в изучение памятника и примечания Б. Н. Заходера, М. — Л., 1949, гл. 34. ჩვენი აზრით, სპარსული ტექსტის უფრო ზუსტ თარგმანს იძლევა ა. იაკუბოვსკი. ვარდა იმისა, რომ იგი „ხალხს“ თარგმნის „გლეხებად“: „Мукта должны знать, что с крестьян не могут взимать ничего другого, кроме предоставленной им законной подати... И когда они (мукта) ее (законную подать) взимают, то крестьяне должны быть спокойны за свою жизнь, имущество, жён и детей, а также за орудия и земельные участки, так как у мукта на всё это права нет“. А. Ю. Я к у б о в с к и й. დასახ. ნაშრ., გვ. 40; ასევე თარგმნის დამოწმებულ კონტექსტს ა. ლამბტონი. იხ. L a m b t o n. დასახ. ნაშრ., გვ. 66.

წინაშე და დამნაშავეის დასჯის მოთხოვნა იმისათვის, რომ სხვებისათვის ეს მაგალითად ყოფილიყო.

ოფიციალური თვალსაზრისით იქტა ახლაც დროებითს მფლობელობას ნიშნავდა. იქტადარი გარკვეული დროის განმავლობაში, სანამ იგი გარკვეულ სამსახურს ასრულებდა, იღებდა მიწაზე დაწესებული გადასახადის იმ წილს, რომელიც სახელმწიფოს მისთვის ჰქონდა გადაკვეთილი, მისი უფლება ხარაჯაზე (ნაწილობრივ ან მთლიანად) წინასწარ იყო განსაზღვრული. კანონიერი გადასახადიც სწორედ ამ წილის აკრეფის უფლებაში იყო გამოხატული. იქტას კავშირი სახარაჯო სისტემასთან სავსებით აშკარაა.

იქტას მფლობელობის საფუძველი წყალობა იყო. მაგრამ იქტათი გაპირობებული ვასალური დამოკიდებულება ახლა ჰქმნიდა რთულ ფეოდალურ იერარქიას. ახლანდელი იქტა X ს-ის იქტასაგან იმითაც განსხვავდებოდა, რომ მისი გაცემა უპირატესად სამხედრო სამსახურის სანაცვლოდ წარმოებდა. თუ რქ-სელჩუკების დროს მკაფიოდ გამოკვეთილი სახით ჩამოყალიბდა სამხედრო-ლენური სისტემა. მეომრების გარკვეული რაოდენობის გამოყვანა სულთნის სამსახურში უქველად გულისხმობდა იქტადარის დამოკიდებულებას განსაზღვრული ტერიტორიის მოსახლეობის მიმართ. ასე რომ თვით ოფიციალურ თვალსაზრისში გამჭვირვალედ მოჩანს, თუ რა მიმართულებით განვითარდა ამ დროს იქტას ფეოდალური ინსტიტუტი.

სულთნის ხელისუფლება ცენტრალური პოლიტიკის თვალსაზრისით უყურებს ფეოდალების სალაშქრო მოვალეობას. მაგრამ ფეოდალების უშუალო დამოკიდებულება გარკვეული ტერიტორიის მოსახლეობასთან ნიადაგს უქმნის დამოუკიდებელი ათაბეგების წარმოშობას.

დიდ სელჩუკთა სახელმწიფოს ფეოდალური დაშლა უფლისწულთა შორის ბრძოლით დაიწყო.

მალიქ-შაჰმა დიდის გაქირვებით და ნიზამ ულ-მულქის აქტიური დახმარებით მოიპოვა სულთნის ტახტი (და მადლიერმა სულთანმაც თავის ვეზირს ათაბეგის წოდებულება უწყალობა¹). სელჩუკ უფლისწულებს ამის შემდეგაც არ შეუწყვეტიათ ბრძოლა. მათს გარშემო ირაზმებოდნენ ცალკეული ფეოდალური ჯგუფები, რომელთა პოლიტიკურ მიზნებს სავსებით შეესაბამებოდა ცენტრალური ხელისუფლების დასუსტება.

სელჩუკი უფლისწულები ქმნიან პირველ დამოუკიდებელ სახელმწიფოებს. 1080 წელს უფლისწულმა სულეიმანმა საფუძველი დაუდო რუმის სასულთანოს — სელჩუკთა სახელმწიფოს მცირე აზიაში, დიდ სელჩუკთა სახელმწიფოს გამოეთიშა ქერმანი სელჩუკი უფლისწულის მეთაურობით, სელჩუკური ფეოდალური სამთავრო შეიქმნა სირიაშიც. განკერძოების გზას დაადგნენ ქვეყნების მმართველი ფეოდალებიც. სწორედ ასეთ ვითარებაში და ამგვარი ტენდენციების წინააღმდეგ მალიქ-შაჰი ქმნის მუდმივ ლაშქარს,

¹ ათაბეგობა ნიზამ ულ-მულქმა 1076 წ. მიიღო. იგი რიგით პირველი ათაბეგი იყო XII ს-ში ათაბეგებად იწოდებოდნენ ქვეყნის მმართველებიც.

რომლის არსებობა ფეოდალური ლაშქრის გვერდით ცენტრალურ ხელისუფლებას სჭირდებოდა ერთის მხრივ მოწინააღმდეგე ფეოდალების ასალაგმავად, ხოლო მეორეს მხრივ საგარეო დაპყრობითი ომებისათვის.

მალიქ-შაჰის სულთნობის ბოლო წლებში მდგომარეობა სელჩუკთა სახელმწიფოში უკიდურესად გართულდა და დაძაბული გახდა (ნიზამ ულ-მულქის მკვლელობა, სულთნის საიდუმლოებით მოკლული სიკვდილი, ხალიფას მტრული მოქმედება სულთნის წინააღმდეგ, ისმაილიტთა ბრძოლის გაძლიერება, უფლისწულთა ქიში (მაჰმუდი და ბარქიაროკი), გლეხთა აჯანყებები და სხვ.). ამას ზედ დაერთო ჯვაროსანთა პირველი ლაშქრობა. თუმცა ჯვაროსანთა ლაშქრობის შედეგებს უმთავრესად დასავლეთის სელჩუკებისათვის ჰქონდა მნიშვნელობა. ამიტომ საგარეო ფაქტორებიდან საქართველოსათვის მთავარი იყო არა ჯვაროსანთა ლაშქრობა, არამედ „დიდ სელჩუკთა“ სახელმწიფოს ფეოდალური დაშლა.

XII ს-ის პირველი მეოთხედი დიდ სელჩუკთა სახელმწიფოს ისტორიაში აღინიშნა უფლისწულთა შორის წარმოებული მრავალწლოვანი ბრძოლით. ამ ბრძოლიდან გამარჯვებული სულთანი სანჯარი (1117 — 1157) გამოვიდა. სულთანი სანჯარი დიდ სელჩუკთა დინასტიის უკანასკნელი წარმომადგენელი იყო. თუმცა მისი სიკვდილის შემდეგ ფეოდალურ ძალებს მარიონეტ სულთნად ერთხანს თორღულ II ჰყავდა დასმული.

სულთანმა სანჯარმა მთელი თავისი ენერჯია ისმაილიტების და მომთაბარეული ტომების წინააღმდეგ ბრძოლას შეაღია. იგი უძლური აღმოჩნდა გზა შეეკრა ცენტრალური აზიიდან განუწყვეტლევ მომდინარე ოლუხთა ტაღლებისათვის. 1154 წელს იგი ოლუხებმა ტყვედ იგდეს ხელთ. ტყვეობიდან სულთანი მხოლოდ 1156 წელს განთავისუფლდა. მომდევნო 1157 წელს მის სიკვდილთან ერთად დიდ სელჩუკთა სახელმწიფო დაემხო.

XII ს-ის მეორე ნახევარში შუა აზიაში გაძლიერდა ხორეზმშაჰების სახელმწიფო, რომელსაც თვალი დასავლეთ ირანზე ეპირა და ბაღდადზე სალაშქროდ ემზადებოდა. მცირე აზიაში რუმის სასულთნო მეზობლების ხარჯზე ცდილობდა ტერიტორიულ გაფართოებას. რუმის სულთანი გამოდიოდა მუსლიმანური კოალიციების დამრავმველად საქართველოს წინააღმდეგ. მაგრამ გაძლიერებული საქართველოსათვის მცირე აზიის თურქ-სელჩუკთა სახელმწიფო სერიოზულ ძალას არ წარმოადგენდა.

1171 წელს არსებობა შესწყვეტა ფატიმიდების სახალიფომ, რომლის ნანგრევებზე წარმოიქმნა ეგვიპტის სახელმწიფო სალაჰ ედ-დინის (სალადინის) მეთაურობით.

სამხრეთ ამიერკავკასიის და ირანის ტერიტორია მოფენილი იყო წვრილ-წვრილი ფეოდალური სამთავროებით (სალლარიანთა საათაბეგო ფარსში, ილდილიზების საათაბეგო აზერბაიჯანში). ამრიგად, ამ დროისათვის დიდი და ძლიერი პოლიტიკური ერთეულები მხოლოდ მუსლიმანური სამყაროს უკიდურეს ნაწილებში არსებობდა (ხორეზმი აღმოსავლეთში, ეგვიპტე დასავლეთში).

ბაღდადის ხალიფები ყველაფერს აკეთებდნენ იმისათვის, რათა ხელი შეეშალათ სულთნების (საერო მბრძანებლების) გაძლიერებისათვის, მტრობ-

დნენ ხორეზმშაჰებს და ეგვიპტის სულთნებს. ხალიფების ამგვარი პოლიტიკა მხოლოდ მონღოლებისათვის აღმოჩნდა სასარგებლო.

თურქ-სელჩუკების სახელმწიფოს დაშლა-გადაშენება ფეოდალური ეკონომიკის განვითარების შედეგი იყო. ამდენადვე ძნელია თურქ-სელჩუკებს პროგრესული მნიშვნელობა მივანიჭოთ იმის გამო, რომ XI ს-ში მათ ფეოდალურად დაქსაქსული აღმოსავლეთი გააერთიანეს.

ა. იაკუბოვსკი თურქ-სელჩუკებში ხედავდა პროგრესულ ძალას, რომელმაც ფეოდალურად დაქსაქსული აღმოსავლეთი გააერთიანა. თავის დროზე იგი როგორც სელჩუკების, ისე მონღოლების შემოსევებს აღმოსავლეთის ვაჭრების ინიციატივას მიაწერდა¹.

ზოგიერთი მკვლევარი ახალ საფეხურს აღმოსავლური ფეოდალიზმის განვითარებაში — განვითარებული ფეოდალიზმის ხანას — ორგანულად უკავშირებს თურქ-სელჩუკთა ბატონობას. ამგვარ თვალსაზრისს გამოთქვამს პროფ. ბ. ზახოდერი². თუმცა ა. იაკუბოვსკიც და ბ. ზახოდერიც თურქ-სელჩუკიანთა დროინდელი ფეოდალური ურთიერთობის ბევრ მოვლენაში არაბულ-ირანული პრაქტიკის და ტრადიციების გაგრძელებას ხედავენ.

მაგრამ წინა აზიის აშკარა სამეურნეო და კულტურული აღმავლობა XII — XIII სს. თურქ-სელჩუკებისაგან სრულიად დამოუკიდებელიც მოხდა. აღებულ ხანაში ფაქტიურად გაგრძელდა წინარე ხანაში დაწყებული, და ერთხანს სწორედ სელჩუკების შემოსევებით შეფერხებული, სოციალურ-ეკონომიური და კულტურული განვითარება. „დიდ სელჩუკთა“ სახელმწიფოში დამპყრობლები ირანელების გავლენაში მოექცნენ, მკირე აზიაში ლაზების, სომხების და ბერძნების გავლენაში. ახლაც გამეორდა ის, რაც ადრე არაბთა ბატონობის ხანაში მოხდა.

აღნიშნული გარემოებანი, როგორც აღვნიშნეთ მითითებული აქვთ ზემოთ დასახელებულ მკვლევრებსაც, ოღონდ იმ განსხვავებით, რომ ფეოდალური განვითარებისათვის ხელსაყრელი ნიადაგის შექმნას ისინი თურქ-სელჩუკებს მიაწერდნენ.

და ეს იმიტომ, რომ იქტას ინსტიტუტი ამ დროს ახალი შინაარსით შეივსო.

¹ А. Ю. Якубовский. Феодалное общество Средней Азии и его торговля с Вост. Европой в X—XV вв., Материалы по истории Узбекской, Таджикской и Туркменской ССР, т. 1, № 1, 1933.

² Б. Н. Заходер. Хорасан и образование государства сельджуков, Вопросы истории, 1945, № 5 — 6, стр. 119 — 141; ა. იაკუბოვსკი თურქ-სელჩუკებს მიაწერდა უდიდეს როლს ფეოდალური ურთიერთობის განვითარებაში („Роль сельджуков-туркмен в этом отромина“) და აღნიშნავდა: „Создавшееся на Востоке (Иран, Малая Азия, отчасти Закавказье) Сельджукское государство — один из важнейших этапов в росте феодализма на мусульманском Востоке. С именем сельджуков для Ирана связано время резкого поворота в сторону дальнейшей феодализации всех сторон общественной жизни Ирана“. А. Ю. Якубовский. Сельджукское движение, стр. 943 — 944.

ა. იაკუბოვსკის აღნიშნული აქვს, რომ იქტა წარმოიშვა XI საუკუნე-
ნემდე, მაგრამ ფართო გავრცელება ჰპოვა მხოლოდ XI — XII საუკუნეებში
(ყარახანიანთა და სელჩუკების სახელმწიფოებში, აიუბიდების სირიასა და
ეგვიპტეში)¹.

იქტა ფეოდალ გადაქცევის ტენდენციას, როგორც ზემოთ ვნახეთ,
უკვე X ს-ში ამჟღავნებს. ამიტომ საკითხავია, რამდენად „პროგრესული“ იყო
ყარახანიანთა და თურქ-სელჩუკების შემოსევები იმ დროს, როცა აღმოსავ-
ლეთი ფეოდალიზმის განვითარებულ ხანაში გადადიოდა?

მომთაბარეთა შემოსევების ჩვეულებრივი შედეგი საწარმოო ძალების
განადგურება იყო. კ. მარქსი და ფ. ენგელსი ამ გარემოებას არა ერთგან
აღნიშნავენ. „გერმანულ იდეოლოგიაში“ ნათქვამია: „ბარბაროსული ხალხე-
ბის შესევა, ჩვეულებრივი ომებიც კი, საკმარისია, რათა განვითარებული
საწარმოო ძალებისა და მოთხოვნილებების მქონე რომელიმე ქვეყანა იქამდე
მივიდეს, რომ იძულებული გახდეს ყველაფერი კვლავ თავიდან დაიწყოს“².

ასე მოხდა თურქ-სელჩუკების ბატონობის ხანაშიც.

ადგილობრივი ფეოდალური ძალების უეჭველი გავლენის შედეგი იყო
მომთაბარული არისტოკრატის გარკვეული ნაწილის გაფეოდალება, მათი
გლებთა ფეოდალური ექსპლოატაციით დაინტერესება, მიწისმფლობელობის
ნიადაგზე განკერძოებისადმი მიდრეკილება.

XI ს-ის დამლევს სელჩუკი უხულისწულები მხოლოდ გარეგნულად
სცნობდნენ „დიდ სელჩუკ“ სულთნების უზენაესობას. მათ წარმოქმნეს და-
მოუკიდებელი პოლიტიკური ერთეულები ქერმანში, მცირე აზიაში, სირიაში.
განსაკუთრებული იქტას საფუძველზე წარმოიშვა დამოუკიდებელი ათაბე-
გების ქვეყნები (აზერბაიჯანში, ფარსში) და ყველაფერი ეს მოხდა არა იმის
გამო, რომ სელჩუკებს თან მოჰყვათ საუფლისწულო წარმოდგენები და ამ
წარმოდგენების შესაბამისად გაიყვეს დაპყრობილი ქვეყნები, როგორც ამას
აკად. ვ. ბარტოლდი აღნიშნავდა, არამედ წარმოდგენდა შემდგომი ფეოდა-
ლიზაციის ბუნებრივ შედეგს.

პროგრესული იყო არა თურქ-სელჩუკების მიერ აღმოსავლეთის „გა-
ერთიანება“, არამედ მათი სახელმწიფოს ფეოდალური დაშლა.

ფეოდალიზაციის პროცესში თურქ-სელჩუკებს განსაკუთრებული როლის
შესრულება არ შეეძლოთ. ნამდვილად ადგილობრივმა ფეოდალურმა სინამ-
დვილემ თანდათან გაიკვლია გზა თურქ-მომთაბარულ არისტოკრატიაში.
ფეოდალური მეურნეობის უპირატესობის შეგნებამ თურქ-სელჩუკთა ზედა
ფენა (უმცირესობა) სოფლებს და ქალაქებს დაუკავშირა. იქტას ფეოდა-
ლური ინსტიტუტის განვითარება ამის საუკეთესო მოწმობაა. გადაშენებული
დეჰანური მიწისმფლობელობის მაგიერ ფაქტიურად იქმნებოდა ახალი მსხვი-
ლი მიწისმფლობელობა.

¹ А. Ю. Якубовский. Дасახ. ნაშრ., გვ. 944.

² კ. მარქსი და ფ. ენგელსი. „გერმანული იდეოლოგიიდან“, 1948, გვ. 66.

XII — XIII სს. მიწის გასაკუთრების საერთო ტენდენცია ნიადაგს უზნალებდა სოციალური განვითარების ახალ, უფრო მაღალ საფეხურზე გადასვლას, რამდენადაც მფლობელების მწარმოებლებთან უშუალო დამოკიდებულებაზე დაფუძნებული ფორმა მოასწავებდა ახალ იტაპს ფეოდალიზმის განვითარებაში.

ამგვარადვე დგას ფეოდალური კულტურის გავლენის საკითხიც.

ფეოდალური კულტურის გავლენა თავის გამომხატულებას პოულობს იმაში, რომ თვით თურქი ფეოდალებისათვის და თურქული ფეოდალური დინასტიებისათვის დამახასიათებელი ხდება სპარსული ენა, სპარსული ტრადიციები. ირანული კულტურული ტრადიციების აღდგენა, დაზნევიანთაგან განსხვავებით, თურქ-სელჩუკებისათვის საშიშარი აღარ იყო, რადგან განადგურდა და მოისპო დეპყანთა კლასი. ისინი დაუშვებლად თვლიდნენ მხოლოდ შიიტური განწყობილების გაძლიერებას.

საინტერესოა აღინიშნოს, რომ შიიტურ მიდრეკილებებს აშკარად ამჯღავნებენ მომთაბარეთა ძირითადი მასის ექსპლოატირებული ფენები, რომელნიც ამ ნიადაგზე ადვილად უკავშირდებიან აჯანყებულ გლეხებს და ხელოსნებს. ახალს ვითარებაში შიიტობა უკავშირდება არა პოლიტიკურ, არამედ სოციალური ხასიათის მოტივებს.

XI—XIII სს-ში განუხრელად ვითარდება „ირანულ-მუსლიმანური“ კულტურა ისევე, როგორც თავის დროზე „არაბულ-მუსლიმანური“ კულტურა ვითარდებოდა. მაგრამ გარეგნულად ირანულ ფორმაში გამოხვეულ კულტურაში (შუა აზიიდან ეგვიპტემდე) გამჭვირვალედ მოჩანს თურქ-სელჩუკთა მიერ დაპყრობილი ხალხების თავისთავადი, ადგილობრივ ნიადაგზე განვითარებული კულტურა, ხელოვნება და მწერლობა.

XII — XIII საუკუნეებში (მონღოლთა შემოსევამდე) აღმოსავლეთის კულტურულ ქვეყნებში განუხრელად ვითარდება ქალაქები და საქალაქო ცხოვრება, ვაჭრობა და ხელოსნობა. აღმავლობას განიცდის სოფლის მეურნეობა.

თუ იტაპს დროებითი მფლობელობის დროს იტადარი მხოლოდ შემოსავლით იყო დაინტერესებული, იტაპს გასაკუთრების პირობებში იგი მიწის ინტენსიურ ექსპლოატაციას ცდილობს. ამ მიზნით უმჯობესდება სოფლის მეურნეობის იარაღები, ვითარდება სოფლის მეურნეობის ტექნიკა.

უკვე XI ს-ში იშვიათი არ უნდა ყოფილიყო იტაპს გასაკუთრება, ე. ი. ხარაჯას მიღების უფლების მიწისმფლობელობის უფლებასთან შეერთება. XII ს-ის მეორე ნახევარში, შუა აზიის წყაროების მიხედვით, იტაპს მფლობელობა შერწყმულია თითქმის შეუზღუდავ უფლებასთან იტაპს ტერიტორიის მოსახლეობის მიმართ. XI — XII სს. აზერბაიჯანში იტაპს მფლობელობა ფაქტიურად მემკვიდრეობითი ხდება. წარმოებს იტაპს გადაცემა ანდერძით.

აღებულ ხანაში მიწის ფეოდალურმა საკუთრებამ მიაღწია თავისი განვითარების ისეთ საფეხურს, რომ დღის წესრიგში დადგა ბეგარის (სუხრას) ფართოდ გამოყენება გლეხთა მიწაზე მიმაგრების გზით. მფლობელების და მწარმოებლების უშუალო ურთიერთობამ (სახელმწიფოს ჩაურევლად) ახალი

შინაარსით შეავსო იკტას ფეოდალური ინსტიტუტი. საადგილმამულო ურთიერთობაში მფლობელობის საბუთად ხდება ფორმულა: „ის, რაც მამა ჩემისაა, ჩემიც არის“. ამ თვალსაზრისის გაერყელება სავსებით შეესაბამებოდა ფეოდალური ურთიერთობის განვითარების იმ საფეხურს, რომელსაც აღმოსავლეთმა XII—XIII სს. მიჯნაზე მიაღწია.

უშუალო მწარმოებლები, რაც დრო გადის, მით უფრო მეტად დამოკიდებული ხდებიან იკტადარებზე. უკვე XII ს-ში გლეხის პირადი დამოკიდებულება თითქმის საყოველთაო ფაქტი ხდება¹. მოჰამედ ბაღდადის ოფიციალური სპარსულ დოკუმენტთა კრებულში მოიპოვება სიგელები (سند)، რომელთა მიხედვით აღიარებულია იკტადარების სრული განკარგულების უფლება როგორც მიწების, ისე მიწებზე მსხდარი გლეხების მიმართ. XII ს-ის დამლევს ხორეზნშაჰ თექეშის მიერ მედიქ თულანშაჰისათვის ბოძებული სიგლის შინაარსიდან კარგად ჩანს, რომ იკტადარს ხელი მიუწვდება გლეხის პიროვნებასა და მეურნეობაზე². ამიერიდან, რა თქმა უნდა, გარეეკონომიური იძულება ფეოდალების ხელთ იყო. მაგრამ მათი ძალაუფლება მიწის ფეოდალური საკუთრების განვითარებულმა ინსტიტუტმა გააპირობა.

XII ს-ში იკტას მფლობელები ყველგან გლეხებისაგან მოითხოვენ სამუშაო ბეგარას („სუხრა გერეფთან“)³. XI ს-ის ქართულ დოკუმენტურ წყაროებში დანოწმებული „სუხრა“ (სპ. ბეგარის არაბული შესატყვისი) იმის მაგალითი უნდა იყოს, რომ საამისო პროცესი XII საუკუნეზე ადრე იწყება მახლობელ აღმოსავლეთში.

ამრიგად, აღმოსავლური „ბეგარა“ (გლეხის შრომის უპირატესად სასახლეების, ციხე-სიმაგრეების, სარწყავი არხების, გზების მშენებლობაში გამოყენებას რომ გულისხმობდა) უშუალოდ უკავშირდება ფეოდალის მეურნეობას. ბეგარა სასაკუთრო მეურნეობის განვითარების პირობებში აუცილებელი ხდება. სასაკუთრო მეურნეობები განვითარებული ფეოდალიზმის შესაბამისი იყო.

ფეოდალები დაინტერესებული არიან მუშა-ხელით. ისინი ერთმანეთს სტაცებენ გლეხებს და სვამენ თავიანთ მიწებზე. ძალიან საინტერესოა, რომ ამ დროს წარმოებს გლეხთა დაქირავებაც სასოფლო-სამეურნეო სამუშაოებზე. წყაროებში ასეთი გლეხების აღსანიშნავად ნახმარია „მოზდვარან“⁴.

XII — XIII საუკუნეებში გლეხობა ერთფეროვანი არ ჩანს. ამ მხრივ მეტად საინტერესო ცნობებს გვაწვდის განთქმული სუფიური მწერალი ნაჯმედ-დინ რაზი (გარდაიცვალა 1256 წელს), რომლის ფილოსოფიურ თხზულებაში („მირსად აღ-მიბად“) გამოთქმულია შეხედულებები საზოგადოებისა და სხვადასხვა კლასების ურთიერთდამოკიდებულების შესახებ.

¹ А. Ю. Якубовский. Вопросы периодизации истории Средней Азии в средние века, გვ. 41.

² В. В. Бартольд. Туркестан в эпоху монгольского нашествия, ნაწ. I, ტექსტები, გვ. 74—75. ამ სიგლის შინაარსს სხვადასხვა დროს უურადღება მიაქციეს ი. პეტრუშევსკიმ და ა. იაკუბოვსკიმ.

³ А. Ю. Якубовский. დასახ. ნაშრ., გვ. 41.

⁴ A. Lambton. დასახ. ნაშრ., გვ. XXVII.

ნაჯმ ედ-დინ რაზი სოფლის მეურნეობაში დაკავებულ ადამიანებს სამ ჯგუფად ჰყოფს: პირველს შეადგენენ მიწისმფლობელები, მეორეს მოურავები, მამასახლისები და მიწისმფლობელთა მოხელე-მეთვალყურეები, მესამეს მეიჯარე გლეხები და დაქირავებული მიწის მუშაკები¹.

მიწისმფლობელები, რომელთაც ქონება და საკუთრება აქვთ, ამბობს ნაჯმ ედ-დინ რაზი, საჭიროებენ მეიჯარე გლეხებს (მურაზან), მშველელებს (შაგირდან) და დაქირავებულ მიწის მუშაკებს (მოზღვიარან) მიწათმოქმედებასა და ქვეყნის განვითარებაში².

მოურავები (მუბაშირან), მამასახლისები (ქედხუდა) და მიწისმფლობელთა წარმომადგენლები (სოფლებში) უნდა იცავდნენ წესსა და რიგს გლეხებში (რაიათ), არ უნდა მისცენ ძლიერს სუსტის დაჩაგვრის ნება, არ უნდა აიღონ ქრთამები, უნდა შეუქმნან გლეხებს მშვიდობიანი ცხოვრების და შრომის პირობები, ხელი არ უნდა დასდონ გლეხის მფლობელობას, ქონებას და იმას, რაც გლეხს ეკუთვნის; აუკრძალონ მათ ის, რაც ასაკრძალია; თუ რომელიმე გლეხმა რამე დააშავა, დასაჯონ და მოანანიონ დანაშაული³.

მეიჯარე გლეხებმა და დაქირავებულმა მიწის მუშაკებმა ერთგულად და თავდადებით უნდა იმუშაონ და არ უნდა დააზარალონ სხვა ჯგუფის (ადამიანების). მონღოლებით და პატიოსნად გაისარჯონ, როცა თავადები (რუასა), სოფლის უფროსები და მიწისმფლობელები მათთან არიან და როცა მათთან არ არიან. გაუფრთხილდნენ ამ უკანასკნელთა მფლობელობას და მამულებს. ოღონდ მიწისმფლობელები ნუ მოეპყრობიან მათ მკაცრად, ნუ ამუშავებენ დაუნდობლად, ნუ დატვირთავენ მძიმედ და ნუ სცემენ ძალიან მაგრად⁴.

ნაჯმ ედ-დინ რაზის მსჯელობა გამოხვეულია სუფიურ-რელიგიური თვალსაზრისის სამოსელში. მაგრამ მის ცნობებში გამჭვირვალედ მოჩანს გლეხთა მდგომარეობის დამამძიმებელი გარემოებანი: მიწისმფლობელების და მათი მოხელეების ძალადობა, ქრთამები, გლეხის ქონების ხელყოფა, მძიმე მუშაობა, ტვირთის ზიდვა, დასჯა, ცემა. აღსანიშნავია სუფიური მწერლის სიტყვები: გლეხებს „ძალიან მაგრად ნუ სცემენ“.

მითითება იმის თაობაზე, რომ გლეხები უნდა გაუფრთხილდნენ მიწისმფლობელთა მამულებს, ყრუდ გადმოსცემს გლეხთა ბრძოლის ეფექტურ საშუალებას (მჩაგვრელთა სახლ-კარის გადაწვა, ქონების განადგურება) ფეოდალების წინააღმდეგ.

გლეხის აღმნიშვნელი საერთო სახელი, როგორც ვიცით, რაიათი იყო. ამ მნიშვნელობით ხმარობს მას ნაჯმ ედ-დინ რაზიც. მაგრამ იგი ცალკე გამოპყოფს მეიჯარე გლეხებს და დაქირავებულ მიწის მუშაკებს. გლეხთა წრისანი ჩანან მუბაშირებიც და ქედხუდებიც. თუმც ესენი ქონებრივი და უფლებრივი მდგომარეობით განსხვავდებოდნენ დანარჩენი გლეხებისაგან. ამავე:

¹ A. Lambton. დასახ. ნაშრ., გვ. XXVII — XXIX.

² ი ქვე, გვ. XXVII.

³ ი ქვე, გვ. XXIX.

⁴ ი ქვე.

დროს, ნაჯემ ედ-დინ რაზი მათ ასხეავენს პირველი ჯგუფისაგან (მიწისმფლობელებისაგან).

მიწისმფლობელები მუბაშირების და ქედხუდების საშუალებით აწარმოებენ გლეხთა ძირითადი მასის ფეოდალურ ექსპლოატაციას. ეს აშკარად მიუთითებს გლეხების ფეოდალებზე უშუალო დამოკიდებულებას, რადგან მუბაშირების და ქედხუდების გამოყენება გამოირიცხავს გლეხთა სახელმწიფოს მეშვეობით ექსპლოატაციას.

მიწის მესაკუთრე გლეხის აღმნიშვნელ ტერმინად დეჰყანი ჩანს. მიწათმოქმედებაც ახლა ამ სახელიდანაა ნაწარმოები („დეჰყანათ“). ამრიგად, რაიათებს შორის შეინიშნება გარკვეული განზრგება: დეჰყანები, მეიჯარე გლეხები, დაქირავებული მიწის მუშაკები. მათი ფეოდალური დამოკიდებულება, რა თქმა უნდა, სხვადასხვანაირი იყო.

ყველაზე დიდი რაოდენობით უმიწაწყლო გლეხები იყვნენ წარმოდგენილი. ესენი იჯარის წესით ამუშავებდნენ სახელმწიფოს და ფეოდალების მიწის ნაკვეთებს. უმეტელია, უმიწაწყლო გლეხები იყვნენ მოზღვაარებიც (დაქირავებული მიწის მუშაკები).

მიწის მუშაკების დაქირავების საპირობა ფეოდალთა სასაკუთრო მეურნეობების არსებობით იყო გაპირობებული. ეს მოვლენა, ჩანს, გლეხების ფეოდალებზე პირად დამოკიდებულებაში გადაყვანის პარალელურად მიმდინარეობს. მოთხოვნილებას მუშა ხელზე ზრდიდა განვითარებული სოფლის მეურნეობა, მეურნეობის ინტენსიური დარგების დაწინაურება. ფეოდალური ეკონომიკის განვითარებას არ შეიძლებოდა არ გამოეწვია გლეხთა მიწაზე მიმგრების პროცესის გაძლიერება. ამას უნდა მოწმობდეს ბეგარის ანუ სუბრას ფართოდ გამოყენება.

აღებულ ხანაში განვითარებულია არა მარტო სოფლის მეურნეობა, არამედ ქალაქებიც და საქალაქო ცხოვრებაც, ვაჭრობაც და ხელოსნობაც.

დიდადაა განვითარებული მწერლობა, მეცნიერება, ხუროთმოძღვრება, მხატვრული ხელსაქმე, კედვითი ხელოვნება.

ამ ხანას განეკუთვნება სადა, გამკვირვალე სტილის და უაღრესად მხატვრული პროზაული ნაწარმოებები (ნასერე ხოსროვის „საფარ-ნამე“, ნიზამ ულ-მულქის „სიასეთ-ნამე“). შეიქმნა ომარ ხაიამის ბრწყინვალე რომაიები, ხაყანის და ნიზამი განჯელის პოეტური შედევრები, საადის „გოლეს-თან“ და „ბუსთან“. მეცნიერებაში ბევრი გამგრძელებელი ჰყავდათ იბნ სინას და ალ-ბირუნის. დაწინაურდა ისტორიოგრაფია და გეოგრაფიული მწერლობა.

განუხრელ აღმავლობა-განვითარებას ფეოდალური საზოგადოება აღმოსავლეთში თურქ-სელჩუკთა სახელმწიფოს დაშლის პერიოდში შეუდგა. XII ს-ის ნეორე ნახევრიდან კი პოლიტიკური ძალაუფლება თურქ-სელჩუკების ხელთ უკვე აღარ იყო. კულტურულმა ხალხებმა შეძლეს მათთვის მიუღებელი თურქულ-მოკთაბარული ორგანიზაციის გადალახვა.

მახლობელ აღმოსავლეთში შეიქმნა ნორმალური საერთაშორისო ურთიერთობის პირობები. სავაქრო ურთიერთობა მყარდება მახლობელ და

შორეულ ქვეყნებთან: კავკასიასთან, ბიზანტიასთან, აღმ. ევროპის ქვეყნებთან, რუსეთის სამთავროებთან.

აღმოსავლეთის ქალაქები შორეულ ქვეყნებთან დაკავშირებული იყვნენ როგორც ხმელეთის, ისე საზღვაო გზებით. აღმოსავლეთიდან დასავლეთისაკენ მიმავალი სავაჭრო მაგისტრალის მნიშვნელოვანი მონაკვეთი იყო საქართველოს ტერიტორია, რამაც მნიშვნელოვნად შეუწყო ხელი მისი ქალაქების დაწინაურებას და გამდიდრებას.

ქალაქები აღებული ხანის აღმოსავლეთში განუხრელი განვითარების გზაზე იმყოფებოდნენ.

§ 2. ქალაქები, ხელოსნობა და ვაჭრობა X — XII საუკუნეებში

ფეოდალური ქალაქის წარმოქმნა-განვითარების პროცესი მახლობელი აღმოსავლეთის ქვეყნებში ჯერ კიდევ არაბთა შემოსევებამდე დაიწყო და მონათმფლობელური ქალაქების ვაჭრობის გზით მიმდინარეობდა¹. ადრეფეოდალურ ხანაში (VI — X სს.) ხდება ანტიკური ქალაქის კვდომა და, პროფ. ა. ი. იაკუბოვსკის სიტყვით, იქმნება ქალაქის გარდამავალი ტიპი, რომელიც თანდათან ფეოდალურ ქალაქად გარდაიქმნება².

ადრეფეოდალური ხანის ქალაქი, ანუ IX — XI საუკუნეთა გეოგრაფიული ლიტერატურის ტერმინოლოგიით „შაჰრესთანი“³, ფართობით ფეოდალურ ქალაქზე მცირე იყო. VI—VIII საუკუნეებში იგი პატარა სამფლობელოს ცენტრს წარმოადგენდა. მისთვის დამახასიათებელი იყო მონუმენტური ნაგებობანი. ერთ შენობას ზოგჯერ მთელი კვარტალი ეჭირა (ნაგებობათა ასეთი ხასიათი აშკარად მიუთითებს, რომ შაჰრესთანი მართლაც გარდამავალი ტიპის ქალაქია მონათმფლობელურიდან ფეოდალურისაკენ). შაჰრესთანში მოთავსებული იყო ქალაქის მფლობელის რეზიდენცია — ციხე-სიმაგრე („კოჰანდიზი“), დეჰყანთა და მდიდარი ვაჭრების სახლები და სხვადასხვა სარწმუნოების ტაძრები: ცეცხლთაყვანისმცემელთა ტაძრები, მანიქეველთა სამლოცველოები, ნესტორიანელთა ეკლესიები და სხვ.⁴ ამდენი სხვადასხვანაირი ტაძრის არსებობა აშკარა მოწმობაა უცხოელი ვაჭრებისა და ხელოსანთა სიმრავლისა, რაც ვაჭრობისა და ხელოსნობის განვითარებით უნდა ყოფილიყო გამოწვეული. შაჰრესთანები აქტიურ მონაწილეობას ღებულობდნენ როგორც საშინაო, ასევე საქარავნო ვაჭრობაში.

¹ А. Ю. Якубовский. Главные вопросы изучения истории развития городов Средней Азии, Труды Тадж. Филиала АН СССР, XXIX, Сталинабад, 1951, გვ. 15.

² ი. ქვ. გვ. 9. პროფ. ა. ი. იაკუბოვსკის ადრეფეოდალური ხანა ე. წ. „გარდამავალ ხანად“ მიანიხი და მის აღსანიშნავად „წინაფეოდალურ ხანას“ ხმარობს.

³ ტერმინოლოგია, რომელსაც IX — XI სს. არაბი და ირანელი გეოგრაფები იყენებდნენ ქალაქების მიმართ, შეისწავლა ე. ვ. ბარტოლდმა. В. В. Бартольд. К истории Мерва, ЗВО, XIX, გვ. 115 — 138.

⁴ А. Ю. Якубовский. დასახ. ნაშრ., გვ. 13.

შაჰრესთანს გალავანი ერტყა გარს. მის გარეთ მოთავსებული იყო სა-
ვაქრო-სახელოსნო გარეუბანი — რაბადი, რომელიც რამდენიმე ან ყოველი
მხრიდან ეკვროდა ქალაქს. ხელოსნები ადრეფეოდალური ხანის ქალაქში
საკმაოდ დიდ როლს თამაშობდნენ, თუმცა კი მათ ჯერ კიდევ არ ეკავათ
საქალაქო ცხოვრებაში ისეთი ადგილი, როგორც, მოგვიანებით, ფეოდალურ
ქალაქში. ხელოსანთა ნაწილი, რომელიც მოკლებული იყო პირად თავისუფ-
ლებას, შაჰრესთანში, დეჰყანთა სასახლეებთან ცხოვრობდა. თავისუფალი
ხელოსნები ქალაქის განაპირა უბნებში გალავანთან ან მის გარეთ სახლობ-
დნენ. აქვე ჰქონდათ მათ გამართული თავისი სახელოსნო-დუქნებიც. ხშირად
ბაზრებიც რაბადში ან გალავნის შიგნით, ქალაქის კართან იყო მოთავსე-
ბული.

ფეოდალიზაციის პროცესი, რაც არაბთა შემოსევებმა დროებით შეა-
ფერხა, VIII საუკუნიდან კვლავ სწრაფი ტემპით წავიდა წინ და სამეურნეო
ცხოვრების ყველა მხარე მოიცვა. ჯერ კიდევ აკად. ვ. ვ. ბარტოლდმა გა-
მოთქვა მოსაზრება, რომ X—XI საუკუნეებში საქალაქო ცხოვრების ცენტრ-
მა შაჰრესთანთან რაბადში გადაინაცვლა, სადაც წარმოიშვა ახალი ქა-
ლაქი¹. ამ მოსაზრების საფუძველზე პროფ. ა. ი. იაქუბოვსკიმ შექმნა თეო-
რია რაბადის, როგორც ფეოდალური ქალაქის წარმოქმნისა². მან გვიჩვენა,
რომ საწარმოო ძალთა და ფულად-სასაქონლო ურთიერთობათა შემდგომ გან-
ვითარებასთან ერთად აღმოსავლეთის ქვეყნებში უკვე X საუკუნის დასას-
რულისათვის შეიქმნა და ჩამოყალიბდა ტიპიური აღმოსავლური ქალაქი³.

ფეოდალური ქალაქების წარმოქმნა-განვითარება აღმოსავლეთის ქვეყ-
ნებში სავსებით შეესაბამებოდა ამ ქვეყნების შემდგომ ფეოდალიზაციას,
რაც მონათმფლობელური გადმონაშთების ლიკვიდაციის გზით მიმდინარე-
ობდა.

ცნობილია, რომ ქალაქის განვითარების პერიოდიზაცია და მთლიანად
ქვეყნის ისტორიის პერიოდიზაცია, ძირითადად ერთი და იგივეა⁴. X საუ-
კუნე წარმოადგენს მნიშვნელოვან ტეხილს აღმოსავლური ქალაქის განვითარ-
ებაში, რაც ადრეფეოდალური ხანის დასასრულსა და განვითარებული
ფეოდალიზმის ხანის დასაწყისს ემთხვევა⁵. ამ დროისათვის „ქალაქი უკვე

¹ В. В. Бартольд. К истории Мерва, гл. 130; История культурной жизни Туркестана. М., 1927, гл. 28.

² А. Ю. Якубовский. Феодальное общество Средней Азии и его торговля с Восточной Европой, гл. 4—5, 27, 28; История Узбекской ССР, т. I, в. 1, гл. 209 და შემდ. Главные вопросы изучения истории развития городов Средней Азии, гл. 13—15.

³ А. Ю. Якубовский. Вопросы периодизации истории Средней Азии в средние века, гл. 37, 38—39; Главные вопросы изучения истории развития городов Средней Азии, гл. 15.

⁴ იქვე, გვ. 8.

⁵ А. Ю. Якубовский. Вопросы периодизации истории Средней Азии, гл. 39; ამავე სტატიაშია მოცემული შუა აზიის ქვეყნების ფეოდალური ხანის ისტორიის პერიოდიზა-
ციის სქემა, რაც ზოგიერთი შენიშვნით ირანის მიმართაც შეიძლება გამოვიყენოთ.

წარმოადგენდა მოსახლეობის, საწარმოო იარაღების, კაპიტალის, მოთხოვნილებებისა და მათი დაქმავიყოვების საშუალებათა კონცენტრაციის ფაქტს¹.

აღნიშნული ტიპი ქალაქისა აღმოსავლეთის მთელ რიგ ქვეყნებს თვით XIX საუკუნემდე მოჰყვა. მაგრამ ეს სრულიადაც არ ნიშნავს იმას, თითქოს ამ დროის განმავლობაში აღმოსავლური ქალაქები აღარ ვითარდებოდნენ და ძველი ქალაქები წარმოადგენენ ნიმუშს ახალთა აგების დროს². ასეთი შეხედულება უნებლიეთ ეხმაურება ბურჟუაზიულ მეცნიერთა „თეორიას“ აღმოსავლეთის ქვეყნებში განვითარების არარსებობის შესახებ. სინამდვილეში, აღმოსავლეთის ქალაქები, როგორც ეს მდიდარი ფაქტიური მასალის მოტანით სამარყანდის რეგისტანის მაგალითზე დაამტკიცა პროფ. მ. ე. მასონმა, შემდგომშიც ვითარდებოდნენ და მნიშვნელოვნადაც იცვლიდნენ გარეგნულ სახეს, მაგრამ ეს ხდებოდა ფეოდალური ქალაქის ფარგლებში და ტიპი ქალაქისა, რა თქმა უნდა, არ შეცვლილა³.

ჯერ კიდევ აბასელთა სახალიფოში ჩამოყალიბდა სახელმწიფო მმართველობის ის სისტემა, რომელმაც სამანიანთა სახელმწიფოში ჰპოვა შემდგომი განვითარება. ეს სისტემა შედგებოდა ათი დივანისაგან, რომელთა შორის მთავარი იყო ვეზირის დივანი. იგი ხელმძღვანელობდასა და კონტროლს უწევდა სახელმწიფოს ადმინისტრაციულ, პოლიტიკურ და სამეურნეო დაწესებულებებს. ვეზირის დივანს ემორჩილებოდნენ ყველა დანარჩენი დივანები.

საქალაქო ცხოვრებაში ყველაზე დიდ როლს თამაშობდა მუჰთასიბის დივანი. მუჰთასიბის ინსტიტუტი ფართოდ იყო გავრცელებული მთელს მუსლიმანურ აღმოსავლეთში. მუჰთასიბი ყოველ ქალაქში ინიშნებოდა⁴. მის მოვალეობას შეადგენდა თვალყური ედევნებინა ბაზარში საზომ-საწონებისათვის. მასვე თვალი უნდა სკეროდა, რომ ხელოსნებს მდარე ხარისხის ნაკეთობა არ დაემზადებინათ, მოეპყრებინა კი თვითნებურად არ გაეზარდათ ფასები და სხვ. შემდგომში მასვე დაეკისრა ზედამხედველობა იმაზე, რომ მოქალაქენი არ დამთვრალიყვნენ, წესიერად ევლოთ მეჩეთში და სხვ.

საქალაქო ცხოვრების ამა თუ იმ მხარესთან მჭიდროდ იყვნენ დაკავშირებული აგრეთვე მუსტაოფის დივანი, ყადის დივანი და მუსრიფის დივანი.

ყოველ ქალაქში საქმაო რაოდენობით იმყოფებოდნენ საფინანსო უწყების მოხელეები — მუსტაოფი, ამილეები, დაბირები, მუთასარიფები, რომლებიც ხელმძღვანელობდნენ გადასახადთა გაწერა-აქრეთის საქმეს, განაგებდნენ სახელმწიფო თანხებს და სხვ.

ყადიც აგრეთვე ყოველ ქალაქში ინიშნებოდა და შარიათის მიხედვით არჩევდა საქმეებს. ნიზამ ულ-მულქი აღნიშნავს, ყადიები მბრძანებლის მო-

¹ К. Маркс и Ф. Энгельс. Соч., т. IV, стр. 40.

² იბ. მაგ., Б. Н. Заспкин. Архитектура Средней Азии, М., 1948, стр. 15.

³ М. Е. Массон. Самаркандский Регистан, Труды САГУ, XI, 657. 3, стр. 75 და შემდ.

⁴ Низам ал-мульк. Снасет-наме, Перевод Б. П. Заходера, стр. 47.

ადგილები არიან¹. მუსლიმანური სასულიერო პირები დიდი გავლენით სარგებლობდნენ აღმოსავლურ ფეოდალურ ქალაქში. ისინი განაგებდნენ მეჩეთებისა და წმიდა ადგილებისთვის შეწირულ ქონებას — ვაკუებს და მსხვილი მიწათმფლობელებიც იყვნენ.

მუშრიფის დივანი კონტროლს უწევდა სახელმწიფო ხაზინის შემოსავალ-გასავალს. აკად. ვ. ვ. ბარტოლდისა და პროფ. ა. ი. იაკუბოვსკის აზრით, მუშრიფების მეთვალყურეობა ძირითადად მბრძანებლის სასახლის კარის შენახვაზე დახარჯულ თანხებზე ხორციელდებოდა².

ნიზამ ულ-მულქის სიტყვით, მუშრიფი ყოველ ქალაქსა და ოლქში ინიშნებოდა. ყველას, ვისაც კი დიდ თანამდებობას აბარებენ, საიდუმლოდ უნდა მიეჩინოს მუშრიფი, ისე რომ თვითონ არაფერი იცოდეს; მუშრიფი ყოველთვის შეატყობინებს მბრძანებელს ამა თუ იმ მოხელის საქმიანობის შესახებ³.

ცალკე ქალაქებისა და ოლქების გამგებლებად — ჰაკიმებად ცენტრალური ხელისუფლება ჩვეულებრივ გავლენიანი ფეოდალური არისტოკრატის წარმომადგენლებს ნიშნავდა. ჰაკიმს ემორჩილებოდა ქალაქსა და მის ოლქში დანიშნული ყველა სხვა მოხელე. ეს მოხელეები ამავე დროს შესაბამის ცენტრალურ დივანსაც ექვემდებარებოდნენ.

ჰაკიმის შემდეგ პირველი პირი ქალაქში იყო რაისი — ქალაქის თავი. რაისი ქალაქის ადგილობრივი არისტოკრატის წარმომადგენელთაგან, უფრო ხშირად უმაღლეს მუსლიმანურ სასულიერო პირთაგან ინიშნებოდა⁴. რაისის დანიშვნა ჰაკიმის კომპეტენციას შეადგენდა. აკად. ვ. ბარტოლდის აზრით, რაისი ქალაქის ინტერესების წარმომადგენელი იყო და მისი საშუალებით გადაეცემოდა მბრძანებლის ნება-სურვილი ქალაქის მცხოვრებთ⁵. მასვე ევალებოდა ქალაქის მორთვა საზეიმო დღეებში და ქუჩებში წესრიგის დაცვა⁶.

აღმოსავლური ფეოდალური ქალაქისათვის XI — XII საუკუნეებში (და უფრო გვიანაც), ისევე, როგორც დასავლეთ ევროპის ფეოდალური ქალაქებისთვისაც, დამახასიათებელი იყო შრომის დანაწილების სისუსტე. „შრომის დანაწილება ფეოდალიზმის აყვავების ხანაში უმნიშვნელო იყო. ყოველ ქვეყანაში არსებობდა ქალაქისა და სოფლის დაპირისპირება;... მაგრამ... არ არსებობდა შრომის რამდენადმე მნიშვნელოვანი დანაწილება“⁷.

აღმოსავლურ ფეოდალურ ქალაქში ხელოსნობა სუსტად იყო გამოყოფილი სოფლის მეურნეობიდან. ქალაქები ნახევრადაგარარული ხასიათის

¹ Низам ал-мульк. Спасет-наме, гл. 46.

² В. В. Бартольд. Туркестан в эпоху монгольского нашествия, б. №. II, СПб, 1900. гл. 240: История Узбекской ССР, т. I, в. 1, гл. 220.

³ Низам ал-мульк. Спасет-наме, гл. 33, 61.

⁴ История Узбекской ССР, т. I, в. 1, гл. 221.

⁵ В. В. Бартольд. Дах. ნაშ., გვ. 244.

⁶ Б. Н. Заходер. Хорасан и образование государства сельджуков, гл. 131.

⁷ კ. მარქსი და ფ. ენგელსი. „გერმანული იდეოლოგიიდან“, გვ. 21—23.

მატარებელი იყო¹. მოსახლეობას საკირო სურსათ-სანოვავის მნიშვნელოვანი ნაწილი თვითონ მოჰყავდა შიგ ქალაქში ან იქვე მის კედლებთან გაშენებულ ბაღებსა და ყანებში. „ქალაქის სავაჭრო-სახელოსნო უბნები უშუალოდ სასოფლო-სამეურნეო რაიონში გადადიოდა“².

ფ. ენგელსი შემდეგნაირად ახასიათებს შუა საუკუნეთა ქალაქის ხელო-სანს: „ის თვითონ ჯერ კიდევ რამდენადმე გლეხია, მას აქვს არა მარტო ბოსტანი და ბაღი, არამედ ძალიან ხშირად მიწის ნაქერი, ჰყავს ერთი-ორი ძროხა, ღორები, შინაური ფრინველი და ა. შ.“³.

ამასთან ერთად, სოფლის მოსახლეობაც ხელოსნობის ამა თუ იმ დარგს მისდევდა და თვითონვე ამზადებდა ოჯახში საკირო ნაწარმის დიდ ნაწილს.

ვ. ი. ლენინი თავის ნაშრომში „კაპიტალიზმის განვითარება რუსეთში“ აღნიშნავს, რომ „თუმცა ხელოსნობა ქალაქის ყოფაცხოვრების აუცილებელ შემადგენელ ნაწილს წარმოადგენს, მაგრამ ის მნიშვნელოვნად არის გავრცე-ლებული სოფლადაც და გლეხური მეურნეობის დამატების დანიშნულებას ასრულებს. სოფლის მოსახლეობის განსაზღვრულ პროცენტს შეადგენენ ხელოსანი-სპეციალისტები, რომლებიც (ხან მხოლოდ და მხოლოდ, ხან კი მიწათმოქმედებასთან დაკავშირებით) ამუშავენ ტყავს, კერავენ ფეხსაცმელსა და ტანსაცმელს, ასრულებენ სამკედლო სამუშაოს, ლებავენ შინაურ ქსოვი-ლებს, ალამაზებენ გლეხურ მაუდს, ფქვავენ ხორბალს და სხვ.“⁴.

ამას გარდა, აღსანიშნავია, რომ სოფლის ხელოსნები ხშირად ბაზარზე გასატანადაც ამზადებდნენ სახელოსნო ნაწარმს⁵.

საყურადღებო ცნობებს იძლევა ამის შესახებ X საუკუნის ისტორიკოსი მოჰამედ ნერშახი. თავის „ბუხარის ისტორიაში“ („თარხე ბუხარა“) ნერ-შახი მოგვითხრობს, რომ ბუხარის მახლობლად მდებარე ერთ-ერთ სოფელ ზენდანიში დიდი რაოდენობით მზადდებოდა მალახხარისხოვანი ქსოვილი, რომელსაც სოფლის სახელის მიხედვით ზენდანიჩი (چندانی) ეწოდებოდა. ეს ქსოვილი გასასყიდად გაჰქონდათ ერაყში, ფარსში, ქერმანში, ინდოეთში და სხვა ქვეყნებში⁶. დამახასიათებელია, რომ იგივე ქსოვილი სხვა სოფლებშიც და თვით ბუხარაშიც მზადდებოდა, მაგრამ იქაც მაინც ზენდანიჩის სახელით იყო ცნობილი⁷. ასევე გასასყიდად ამზადებდნენ თავიანთ ნაწარმს ბუხარის მახლობლად მდებარე სხვა სოფლების ხელოსნებიც⁸.

¹ Б. Н. Заходер. Хорасан и образование государства сельджуков, გვ. 124.

² ი ქვე, გვ. 125; შდრ. ნ. ბერძენიშვილი ი. ძველი თბილისის ტოპონიმიკიდან (აგა-რანი). მიომზილველი, 2, თბილისი, 1952; აგრეთვე, შ. მესხია. საქართველოს ქალაქების სოციალური ურთიერთობის ისტორიიდან, იქვე, გვ. 102 — 103.

³ К. Маркс и Ф. Энгельс. Соч., т. XVI, ნაწ. 2, გვ. 499.

⁴ ვ. ი. ლენინი. თხზულებანი, ტ. 3, გვ. 383.

⁵ Б. Н. Заходер. დასახ. ნაშრ., გვ. 125.

⁶ Nerchakhy Mohammed. Description topographique et historique de Boukhara par Mohammed Nerchakhy, suivie de textes relatifs à la Transoxiane, texte persan publié par Ch. Schefer, Paris, 1892, გვ. 13, 14.

⁷ ი ქვე, გვ. 13, 18.

⁸ ი ქვე, გვ. 11, 13, 14.

უკვე X—XI საუკუნეებში ირანის, ამიერკავკასიის და შუა აზიის ქალაქებში მაღალ განვითარებას მიაღწია სახელოსნო წარმოებამ. ბევრი ქალაქის ნაწარმი საკმაოდ შორს, სხვა ქვეყნებშიც იყო ცნობილი.

მოჰამედ ნერშახის ცნობით, ბუხარაში დამზადებული ხალიჩები, ფარდაკები და ძვირფასი ქსოვილები სირიაში, ეგვიპტესა და მცირე აზიაში გაჰქონდათ¹.

მერვის ტანსაცმელი და ქსოვილები, რომლებიც უმაღლესი ხარისხის „ნოლჰამისაგან“ (نول حم) მზადდებოდა, მრავალ შორეულ ქვეყანაში გადიოდა გასასყიდად. მერვი ცნობილი იყო აგრეთვე მაღალხარისხოვანი ბამბითაც².

სამარყანდში მზადდებოდა საუკეთესო ხარისხის ქალაღი, რომელიც ჩვრის ქალაღის უძველეს ნიმუშს წარმოადგენს მთელ მსოფლიოში³. უკვე X საუკუნის დასასრულისათვის სამარყანდის ქალაღმა მთლიანად შეცვალა მუსლიმანურ აღმოსავლეთში პაპირუსი და პერგამენტი⁴. აქედანვე გაჰქონდათ ვერცხლით ნაკერი ქსოვილები, ფარჩა, ტილოს და აბრეშუმის ქსოვილები და სხვ.

ფეოდალურ ქალაქში ბაზარი წარმოადგენდა არა მარტო ვაჭრობის, არამედ სახელოსნო წარმოების ცენტრსაც. აღმოსავლეთის ქვეყნების ბაზრები შედგებოდა რიგებისაგან (რასთე). ყოველ რიგში ერთი რომელიმე დარგის ვაჭრები და ხელოსნები საქმობდნენ.

წყაროებში განსაკუთრებით ვრცლად არის აღწერილი ხორასნის მთავარი ქალაქის ნიშაბურის ბაზრები, ქარვასლები, ვაჭრობა და ხელოსნობა. ამ მხრივ ნიშაბური გამონაკლისს არ უნდა შეადგენდეს და მოცემული მასალა შეიძლება გამოყენებულ იქნას ირანის სხვა ქალაქების დასახასიათებლადაც. მით უფრო თამამად შეიძლება ამის გაკეთება, რომ იბნ-ჰაუკალის სიტყვით, ნიშაბურის „ყოველი ქარვასლა სხვა რომელიმე ქალაქის ბაზარს წააგავს“.

ნიშაბურის ბაზრები მოთავსებული იყო რაბადში. ბაზრებს შორის აგებული იყო ქარვასლები, რომლებშიც ბინავდებოდნენ ვაჭრები თავიანთი საქონლითურთ. არსებობდა ბაზართა სპეციალიზაციაც. იბნ-ჰაუკალი მოგვითხრობს, ყოველ ბაზარზე ის საქონელი გამოაქვთ გასაყიდად, რაც მას შეესაბამება⁵. ამას გარდა, მდიდარ ვაჭართათვის ქარვასლები ცალკე ყოფილა აგებული. წვრილი ვაჭრებისა და ხელოსნებისათვის კი ცალკე⁶.

¹ ნერშახი. თარიხე ბუხარა, ციტ. გამოც., გვ. 18.

² МИТТ, ტ. I, Труды ИВ АН СССР, 1939, გვ. 174; Худуд ал-'алем. Рукопись Туманского. С введением и указателем В. Бартольда. Л., 1930, ф. 20а.

³ В. В. Бартольд. Туркестан в эпоху монгольского нашествия, БФ. II, № 47.

⁴ იქვე. იხ. აგრეთვე, Б. Н. Заходер. История восточного средневековья, გვ. 73.

⁵ МИТТ, ტ. I, გვ. 182.

⁶ იქვე.

ნიშაბური გაცხოველებული სახელოსნო წარმოების ქალაქი იყო. იგი განთქმული იყო კერამიკული და ლითონის ნაწარმით. განსაკუთრებით განვითარებული იყო აქ საფეიქრო წარმოება. სახალიფოს დასავლეთ ოლქებისაგან განსხვავებით, რომლებიც უპირატესად სელის ნაწარმს ამზადებდნენ, ნიშაბურში იქსოვებოდა ძირითადად ბამბის, აბრეშუმისა და შალის ქსოვილები¹.

ამას გარდა, აქ განვითარებული იყო სამთამადნო მრეწველობა. ნიშაბურისა და ტუსის მთებში მოიპოვება სპილენძი, რკინა, ვერცხლი, ფირუზი და სხვა ძვირფასი ლითონები². აკად. ვ. ბარტოლდის სიტყვით, ნიშაბურის ფირუზის საბადოებმა უკანასკნელ დრომდე შეინარჩუნეს მნიშვნელობა და წარმოადგენდნენ ფირუზის ერთადერთ საბადოებს მსოფლიოში, რომლებიც მოგებას იძლეოდა³.

ნიშაბური მდებარეობდა აღმოსავლეთიდან დასავლეთში და სამხრეთიდან ჩრდილოეთში მიმავალი მნიშვნელოვანი სავაჭრო გზების გზაჯვარედინზე. ისთახრის სიტყვით, მისი საქონელი ვადიოდა არა მარტო მუსლიმანურ ქვეყნებში, არამედ ზოგიერთ ჰმრავალმერთიანობის⁴ ქვეყანაშიც⁴. მაკდისი აღნიშნავს, რომ ნიშაბური აღმოსავლეთისა და დასავლეთის ვაჭრობის ადგილია. აქ დამზადებული საქონელი ეგვიპტესა და ერაყში გადის. იგი წარმოადგენს ბაზარს ფარსის, სინდისა და ქერმანისათვის და, აგრეთვე, სასაწყობო ადგილია ხორეზმის, რეისა და ჯურჯანისათვის⁵.

X საუკუნის ანონიმური გეოგრაფის ცნობით, აზერბაიჯანის, ფარსის, ქერმანის, ხუზისტანის და ირანის სხვა ოლქების ქალაქებში გაცხოველებული ვაჭრობა-ხელოსნობა წარმოებდა. სამხრეთ აზერბაიჯანში მზადდებოდა წითელი საღებავი, ხამი შალის, ბამბისა და სელის ტანსაცმელი და სხვ.⁶ ფარსში სხვადასხვანაირი ტანსაცმელი, ძვირფასი ხალიჩები, ფარდაგები და სხვა საქონელი⁷.

ქალაქ ისფაჰანის ვრცელი აღწერილობა დავეიტოვა XI საუკუნის მოგზაურმა ნასერე ხოსროვმა თავის „საფარ-ნამე“-ში („მოგზაურობის წიგნი“)⁸. იგი აღნიშნავს, რომ არცერთ ქვეყანაში, სადაც სპარსულ ენაზე ლაპარაკობენ, არ არის ისეთი ლამაზი, დასახლებული და კეთილმოწყობილი ქალაქი, როგორც ისფაჰანი⁹. ქალაქს შემოვლებული ჰქონდა გალავანი, რომლის სიგრძე, როგორც მოგზაურისთვის უთქვამთ, სამნახევარ ფარსანგს უდრიდა. იმ ქარავანს, რომელსაც ჩვენი ავტორი მოჰყვებოდა, 1300 ხარვარი სხვადა-

¹ В. Н. Заходер. Хорасан и образование государства сельджуков, гл. 124.

² ისთახრი, МИТТ, ტ. I, გვ. 172; იბნ-ჰაუკალი, იქვე, გვ. 183; მაკდისი, იქვე, გვ. 203; Худуд ал-'алем, თ. 196.

³ В. В. Бартольд. Историко-географический обзор Ирана, СПб, 1903, гл. 66—67.

⁴ МИТТ, ტ. I, გვ. 171.

⁵ იქვე, გვ. 197.

⁶ Худуд ал-'алем, თ. 326.

⁷ იქვე, თ. 27ა.

⁸ سفر نامه ناصر خسرو- در چاپخانه "كويانی" در برلين بچاپ رسيد ۱۳۴۰

⁹ იქვე, გვ. 138.

სხვა საქონელი მოჰქონდა, მაგრამ ქალაქი იმდენად კეთილმოწყობილი ყოფილა, რომ ამოდენა ქარაენის მოსვლა სრულიად შეუძნეველი დარჩა — ყველა თავისუფლად მოთავსდა. მოგზაურის სიტყვით, ისფაჰანში ბევრი დიდი ბაზარი იყო. მაგალითად, ზარაფების ბაზარში ორასი ზარაფი საქმობდა. ზარაფების ასეთი რაოდენობა აშკარა მოწმობაა იმ ხანის აღმოსავლურ ქალაქში ფულად-სასაქონლო ურთიერთობათა დიდი განვითარებისა. ამას გარდა, ისფაჰანში ბევრი კეთილმოწყობილი ქარავასლა იყო აგებული. მარტო ერთ ქუჩაზე, რომელსაც მქარავათა ქუჩა ეწოდებოდა, ორმოცდაათი ქარავასლა ყოფილა, რომლებშიც მრავალი ხელოსანი და ვაჭარი ცხოვრობდა და საქმობდა¹.

საყურადღებო ცნობები მოეპოვება ნასერე ხოსროეს ირანის სხვა ქალაქების შესახებაც. მისი სიტყვით, ნიშაბურში სარაჯებს ცალკე ბაზარი ჰქონიათ². ყაზვინი ლამაზი ქალაქია და კარგი ბაზრები აქვს; ხელოსანთაგან ამ ქალაქში ყველაზე მეტი ფეხსაცმლის მკერავე იყო, — მოგვითხრობს მოგზაური³.

ამავე ავტორისთვის ქალაქ თუნში, რომელიც იმ დროს მეტწილად დანგრეული იყო, უამბუნიათ, რომ ქალაქში ოთხასი სახელოსნო იყო, სადაც ხალიჩები იქსოვებოდა⁴.

საინტერესო ცნობებია დაცული ხელოსანთა შესახებ ცნობილი სუფიური შეიხის აბუ სა'იდ მეიჰენელის ცხოვრებისა და მოღვაწეობის აღწერილობაში, რომელიც მისი შთამომავლების მიერ არის შედგენილი⁵.

აბუ სა'იდი XI საუკუნის პირველ ნახევარში მოღვაწეობდა და უმთავრესად ხორასნის ქალაქების ხელოსანთა შორის ჰქადაგებდა სუფიურ იდეებს. მისი ცხოვრების აღწერილობაში ხშირად არიან დასახელებული სხვადასხვა ქალაქების ცნობილი ხელოსნები, რომლებიც იმავე დროს გამოჩენილი სუფიური მოღვაწეებიც იყვნენ. მაგალითად, ზემოთ დასახელებულ თხზულებებში შემდეგი სპეციალობის ხელოსნები არიან გამოყვანილი ზოქმედ პირებად: მქეღელი (اَدْحَانِي)⁶, ყასაბი (قَصَاب)⁷, დურგალი (نَجَّار)⁸, სარაჯი (سَرَّاج)⁹, ბამბის მკენტავი (حَلَّاج)¹⁰, მესაპნე

¹ سفر نامه ناصر خسرو გვ. 138.

² იქვე, გვ. 4.

³ იქვე, გვ. 6.

⁴ იქვე, გვ. 140.

⁵ В. А. Жуковск и И. Жинзнь и речи старца Абу-Са'ида Мейхенейского, СПб, 1899; Тайны единения с богом в подвигах старца Абу-Са'ида. СПб, 1899 (საბრუსული ტექსტი).

⁶ Тайны единения, გვ. 295.

⁷ იქვე, გვ. 42, 52—54, 59, 60; Жинзнь и речи, გვ. 12, 13, 14 41.

⁸ Тайны единения, გვ. 44; Жинзнь и речи, გვ. 12, 60, 64.

⁹ Тайны единения, გვ. 46, 59; Жинзнь и речи, გვ. 9.

¹⁰ Тайны единения, გვ. 91; Жинзнь и речи, გვ. 5.

(صابونی)¹, სელის ქსოვილების მქსოველი (کتانی)², კლიტეების მკეთებელი (قفال)³, ფეიქარი (ساج)⁴, ქალაღლის მკეთებელი (ورقانی)⁵, მელუშელე (تونی)⁶, მეშეშე (خشاب)⁷, მღებავი (صباغ)⁸, იუველირი (جوهری)⁹, დანების მკეთებელი (سكك)¹⁰, ნელსაცხებელთა გამყიდველი (عطار)¹¹, ბრინჯის მცეხველი (دقاق)¹², აბჯრის მკეთებელი (ازر)¹³ და სხვ.

საყურადღებო ცნობებს იძლევა ირანის ქალაქების შესახებ სპარსული გეოგრაფიული თხზულება „აჯაიბ ად-დუნია“ („სამყაროს საკვირველებანი“), რომელიც უცნობი ავტორის მიერ არის შედგენილი XIII საუკუნის 20-იან წლებში¹⁴. ამ ნაწარმოების ავტორი წინარე ხანის გეოგრაფიული თხზულებებით სარგებლობდა, მაგრამ, ამოვე დროს, საკუთარი დაკვირვებებითაც ავსებდა იქიდან ამოღებულ ცნობებს. ამდენად, ამ თხზულებას პირველხარისხოვანი წყაროს მნიშვნელობა აქვს.

„აჯაიბ ად-დუნიას“ ავტორი მოგვითხრობს, რომ ისტაჰანი ლამაზი ქალაქია, კარგი ჰავა და სასარგებლო წყალი აქვს. მოსახლეობას, ხელოსნები და დიდებულნი შეადგენენ. ამბობენ, ისტაჰანში ყველა დარგის ხელოსანთა თორმეტი ათასი ღუქანი და ორმოცი მინარეთი იყო. ისტაჰანში მზადდებოდა სხვადასხვა სახის ქსოვილები, ოქროსვარაყიანი ძვირფასი ქალაღი, ქურკლეული, კარგად ნაკერი კარგები და სხვ.¹⁵

იმოვე ავტორის ცნობით, რეი დიდი ქალაქი იყო. იქ მზადდებოდა მუარის ქსოვილი (عتایی), ქვის ქვაბები და ხის ნაკეთობანი — ტაბაკები, გობები, ზარდახშები, ბზის საეარცხლები¹⁶.

ასევე აღმავლობას განიცდიდა საქალაქო ცხოვრება ამიერკავკასიის ქვეყნებშიც.

¹ Тайны единения, გვ. 156, 166, 167, 194, 257.

² ი ქ ვ ე, გვ. 326, 333.

³ ი ქ ვ ე, გვ. 22, 117; Жизнь и речи, გვ. 9, 43.

⁴ Жизнь и речи, გვ. 74, 75, 77.

⁵ Тайны единения, გვ. 147, 418; Жизнь и речи, გვ. 59.

⁶ Тайны единения, გვ. 119, 120.

⁷ ი ქ ვ ე, გვ. 114; Жизнь и речи, გვ. 16, 47, 56.

⁸ Жизнь и речи, გვ. 47.

⁹ ი ქ ვ ე, გვ. 16.

¹⁰ Тайны единения, გვ. 232, 244, 245.

¹¹ ი ქ ვ ე, გვ. 349.

¹² ი ქ ვ ე, გვ. 204.

¹³ ი ქ ვ ე.

¹⁴ სსრკ მეცნ. აკად. აღმოსავლეთმცოდნეობის ინსტიტუტის ხელნაწერი, А — 253. (ხელნაწერის შესახებ დაწვრი. იხ. Н. Д. М и к л у х о - М а к л а й. Географическое сочинение XIII в. на персидском языке. Ученые записки ИВ АН, IX, 1951).

¹⁵ ციტ. ხელნაწერი, ფ. 1886 — 189ა.

¹⁶ ი ქ ვ ე, ფ. 2056.

თურქ-სელჩუკიანთა შემოსევებმა დიდი ზიანი მიაყენა ამიერკავკასიის ქალაქებს და შეაფერხა მათი განვითარება. მაგრამ საზოგადოებრივი განვითარების შედარებით დაბალ საფეხურზე მდგომი დამპყრობლები მალე მოექცნენ უფრო კულტურული დაპყრობილი ხალხების გავლენის ქვეშ. ამასთან დაკავშირებით, უკვე XII საუკუნის მეორე მეოთხედიდან იწყება ამიერკავკასიის ქვეყნების ქალაქების ახალი აღმავლობა.

სომხეთში ვაქრობისა და სახელოსნო წარმოების ყველაზე მნიშვნელოვანი ცენტრები იყო ქალაქები — ანისი და დენი. XIII საუკუნის დასაწყისის ერთი ხელნაწერის ცნობით, ანისში ხელოსნობის 38 დარგი ყოფილა განვითარებული¹. განსაკუთრებით მაღალ საფეხურზე იდგა სამხედრო საქურვლის, ლითონის ნაწარმის და ტყავის წარმოება, მეჭურჭლეობა, საფიქრო საქმე და სხვ. XIII საუკუნის დასაწყისიდან კვლავ ფართოვდება სომხეთის ქალაქების მონაწილეობა საერთაშორისო ვაჭრობაში². გეოგრაფიულ თხზულება „აჯაიბ ად-დუნიაში“ ქალაქ ხლათის აღწერისას ნათქვამია, რომ ქალაქში ბევრი ბაზრებია და აქ მთელი მსოფლიოს საქონელი გვხვდება, მათ შორის სირიისა და მცირე აზიის საუკეთესო საქონელი³.

განვითარების მაღალ დონეს მიაღწია ხელოსნობამ საქართველოშიც, სადაც შუა საუკუნეებში ცნობილი ხელოსნობის ყველა დარგი იყო წარმოდგენილი. ხელოსნობის განვითარებას თან სდევდა საგარეო და საშინაო ვაჭრობის აღმავლობა. ვაჭრობისათვის ხელის შესაწყობად გააძევადათ გზები, შენდებოდა ხიდები, ქარვასლები და სასტუმროები.

თამარ მეფის დროს თბილისს სავაჭრო ურთიერთობა ჰქონდა ისეთ მახლობელ და შორეულ ქვეყნებთან, როგორც იყო ეგვიპტე, არაბთა სახალიფო, ირანი, მცირე აზია, სომხეთი, ჩრდილოეთ კავკასია და რუსეთი⁴. საქართველოდან სხვა ქვეყნებში გაჰქონდათ გასასყიდად ბამბა, მატყლი, აბრეშუმი, ტანსაცმელი, ხალიჩები და სხვ.

XIII საუკუნის დასაწყისში თბილისიდან გადიოდა უნაგირები, სხვადასხვა სახის სამხედრო საქურველი, ბეწვეული, მინისა და ბროლის ნაკეთობანი⁵.

აზერბაიჯანის ქალაქები — შამქორი, განჯა, ბელაქანი, შემახა, ნახჭევანი, მნიშვნელოვან სავაჭრო და სახელოსნო ცენტრებს წარმოადგენდნენ.

¹ С. Е р е м я н. Опыт периодизации истории Армении эпохи феодализма. Вопросы истории, 1951, № 7, стр. 65.

² Н. А. М а н а н д я н. О торговле в городах Армении в связи с мировой торговлей древних времен, Ереван, 1954, стр. 276—277.

³ „აჯაიბ ად-დუნია“, ციტ. ხელნაწერი, ფ. 191 ნ.

⁴ პ. გუგუშვილი, ამქრული ხელოსნობის დაშლა ამიერკავკასიაში. საქ. სსრ მეცნ. აკად. ცნობიერის ინსტიტუტის შრომები, ტ. VII, 1953, გვ. 356; 5. ბერძენიშვილი ი. საქართველოს ისტორია XIII — XIV სს., თსუ შრომები, VI, 1937, გვ. 268.

⁵ „აჯაიბ ად-დუნია“, ციტ. ხელნაწერი, ფ. 199 ა.

შირვანის აბრეშუმი XII საუკუნეში იტალიაშიც კი იყო ცნობილი¹. აზერბაიჯანიდან გაჰქონდათ, აგრეთვე, ძვირფასი საღებავები, რკინისა და სპილენძის მადანი, აბრეშუმი, იარაღი და სხვ. ქალაქი ბაქო უკვე X საუკუნიდან აცა-რაგებდა ნავთით მთელს ირანსა და ერაყს.

განჯა განთქმული იყო ატლასითა და დიბა-აბრეშუმით. აქედანვე გაჰქონდათ ბამბა და ყაქი². ნახქევანში, რომელიც XIII საუკუნის დასაწყისისათვის განსაკუთრებით გაიზარდა და გაშენდა, მზადდებოდა სხვადასხვანაირი ძვირფასი ქსოვილები და მოხატული ხის ქურქელი, რომელიც ბევრ ქვეყანაში გადიოდა გასასყიდად³.

სამხრეთ აზერბაიჯანშიც ასევე მალალ განვითარებას მიაღწია სოფლის მეურნეობამ და საქალაქო ცხოვრებამ. ქალაქი თავრიზი სახელოსნო წარმოებისა და ვაჭრობის მნიშვნელოვანი ცენტრი იყო. აქ დამზადებულ დიბა-აბრეშუმს, ფარჩას, შალეულს და ხალიჩებს მთელს შსოფლიოში ჰქონდა სახელი მოხვეჭილი.

ქალაქ არდებილში მზადდებოდა ძვირფასი ქსოვილები და ხის ნაკეთობანი. ხოი ცნობილი იყო აბრეშუმისა და ბამბის ქსოვილებით და სპილენძის ქურქლით⁴.

ამგვარად, როგორც ვნახეთ, მონღოლთა შემოსევების წინარე ხანა წარმოადგენდა ირანისა და მეზობელი ქვეყნების ქალაქებისა და საქალაქო ცხოვრების აღმავლობის ხანას. ფეოდალური საზოგადოების საწარმოო ძალთა განვითარება, ხელოსნობისა და ვაჭრობის გაცხოველება აპირობებდა დასახელებული ქვეყნების პოლიტიკურ, ეკონომიურ და კულტურულ აღმავლობას.

ფეოდალურ ქალაქში ხელოსნობა ფეოდალური საზოგადოების ინტერესებს ემსახურებოდა და მისი ორგანიზაცია ამის შესაბამისი იყო.

ხელოსანთა დიდი ნაწილი საერო ან სასულიერო ფეოდალებზე იყო დამოკიდებული და სასტიკ ექსპლოატაციას განიცდიდა. „ვეროპისაჯან განსხეაეებით აღმოსაველეთის ქალაქების ვაჭრულ-ხელოსნურმა მოსახლეობამ ვერა და ვერ შეძლო მიწისმფლობელ ფეოდალთა ყოვლისმომცველი მეურვეობიდან თავის დაღწევა“⁵. ასეთი დამოკიდებული ხელოსნები თავიანთი ბატონებისთვის ამზადებდნენ ნაწარმს. სახელოსნო ნაწარმი ეკუთვნოდა არა მწარმოებელს, არამედ ამა თუ იმ ქალაქის მფლობელს. ფეოდალი კონტროლს უწევდა ხელოსნის მიერ დამზადებულ მთელ ნაკეთობას, მწარმოებელი კი გარკვეულ გასამრჯელოს ღებულობდა მისგან.

¹ И. П. Петрушевский. Из геронической борьбы азербайджанского народа в XIII — XIV веках, Баку, 1941, гл. 9.

² „აჯაიბ ად-დუნია“, ციტ. ხელნაწერი, ფ. 221 ა.

³ იქვე, ფ. 226 ბ.

⁴ იქვე, ფ. 190 ბ.

⁵ Б. Н. З а х о д е р. История восточного средневековья, гл. 106.

ამგვარად, აღმოსავლურ ქალაქში ხელოსნების დიდი ნაწილი ქალაქის ფეოდალურ არისტოკრატიაზე იყო დამოკიდებული. მაგრამ უკვე XI საუკუნეიდან ხელოსნობისა და ვაჭრობის განვითარებასთან ერთად ხელოსანთა ნაწილი თანდათან თავისუფლდება ფეოდალური დამოკიდებულებისაგან. ნერ-შახი მოგვითხრობს, რომ ბუხარის მახლობლად მდებარე სოფელ ესქეჯქათის მცხოვრებნი ფეიქრობას მისდევდნენ და ყოველწლიურად 10 ათას ღირებულ¹ უხდიდნენ სოფლის მებატრონე დეჰყანს. ბოლოს ესქეჯქათელებმა გადაწყვიტეს თავი გამოეყიდათ ამ გადასახადისაგან და ერთდროულად 170 ათასი ღირებუმი გადაუხადეს დეჰყანს². თავისთავად ცხადია, რომ ასეთი პროცესი უფრო ფართო მასშტაბით მიმდინარეობდა დიდ საეპრო-სახელოსნო ქალაქებში, სადაც თანდათან იზრდებოდა თავისუფალ ხელოსანთა რაოდენობა.

XI — XII საუკუნეებში ირანში, შუა აზიაში, მცირე აზიაში, ამიერკავკასიაში და სხვაგან ხელოსნები თავიანთ პროფესიულ გაერთიანებებს ქმნიან. უნდა აღინიშნოს, რომ აღმოსავლურ ქალაქში ფეოდალური არისტოკრატის განუყოფელი ბატონობა და საქალაქო თვითმმართველობის არარსებობა ხელს უშლიდა ხელოსანთა ამქრების განვითარებას, მაგრამ მაინც ეს ორგანიზაციები გარკვეულ როლს თამაშობდნენ ქვეყნების ეკონომიურ ცხოვრებაში.

ნიშამ ულ-მულქი მოგვითხრობს, რომ, როცა ერთხელ ღაზნაში ხაბაზებმა თავიანთი დუქნები დაკეტეს, ქალაქში პური სრულიად გაქრა. გაკირვებაში ჩაცვენილმა მოსახლეობამ სულთან იბრაჰიმთან³ იჩივლა. ამ უკანასკნელმა დაიბარა ხაბაზები და დუქნების დაკეტვის მიზეზი იკითხა. მეპურეებმა უპასუხეს, ყოველთვის, როცა ქალაქში ხორბალი და ფქვილი შემოაქვთ, სასახლის ხაბაზები ყიდულობენ და ბედლებში ინახავენო. როგორც ჩანს, ქალაქის მეპურეებს შემდეგ მათგან უფრო მაღალ ფასებში უხდებოდათ ფქვილის შეძენა, რაც, ცხადია, არ იქნებოდა ხელსაყრელი. იბრაჰიმმა სასახლის მთავარი ხაბაზი სიკვდილით დაასჯევინა, ბედელში დაგროვილი ფქვილი კი მეპურეებს დაუკრია⁴.

XIII საუკუნის პირველი ნახევრის ავტორის, მოჰამედ აუფის ცნობით, სულთან თამლაჩ-ხანის დროს სამარყანდში ქალაქის ყასბების ამქარმა (جماعتی قصابان) სულთანს მოახსენა, ცხერებს ეყიდულობთ, ვკლავთ და ხორცს ვყიდით, მაგრამ დიდი მოგება არა გვრჩებაო. ყასბებმა სთხოვეს თამლაჩ-ხანს, ნება დაერთო ხორცის გაძვირებისა და, სამაგიეროდ, ხაზინაში ათასი დინარის შეტანას შეპირდნენ. თამლაჩ-ხანმა მეხორცეებს ფული შეატანინა ხაზინაში და ნება დართო, როგორც სურდათ იმ ფასად გაეყიდათ ხორცი. მაგრამ ამავე დროს მან ბრძანა, რომელი მოქალაქეც ყასბისაგან

¹ ღირებუმი იმ ხანაში დაახლოებით 25 კაპის უდრიდა ოქროთი. იხ. А. Ю. Яку-Говский. Феодальное общество Средней Азии и его торговля с Восточной Евро-пой, გვ. 7.

² ნერ შახი. თარიხე ბუხარა. ციტ. გამოც., გვ. 11—12.

³ სულთან იბრაჰიმი (1069—1099) მაჰმედ ღაზნევის ძის, მას'უღას შვილი იყო.

⁴ Низам ал-мульк. Сиясет-нама, გვ. 48.

ზორცს იყიდის, სიკვდილით დაისჯებაო. მართლაც, ყასბების ზორცს აღარავინ იღებდა, ხუთი-ექვსი კაცი ერთად ყიდულობდა ცხვარს, კლავდნენ და ზორცს ინაწილებდნენ. ქალაქის ყასბებმა მოგების ნაცვლად ზარალი ნახეს და იძულებული შეიქნენ ისევ ძველ ფასში გაეყიდათ ზორცი¹.

ორივე შემთხვევაში საქმე გვაქვს ხელოსანთა ორგანიზებულ გამოსვლებთან, როდესაც ისინი თავიანთი ამქრის მონოპოლიური მდგომარეობის გამოყენებით ცდილობენ მიაღწიონ ამა თუ იმ უფლებას. თუმცა კი, როგორც უკვე ითქვა, ფეოდალთა ბატონობა ყოველთვის არ აძლევს მათ ამის საშუალებას.

* * *

დიდი სელჩუკების დინასტიის გადაშენების შემდეგ (1157 წ.) შუა აზიაში გაძლიერდა ხორეზმის ფეოდალური სამეფო, რომელიც XI საუკუნეში და XII საუკუნის პირველ ნახევარში სელჩუკიანთა სახელმწიფოს შემადგენლობაში შედიოდა. ხორეზმის დაწინაურებას ხელი შეუწყო აგრეთვე ყარახანიანთა სახელმწიფოს დაქვეითებამ მავერანნაპარში². მაგრამ მართო ხელსაყრელი პოლიტიკური ვითარებით არ აიხსნება ხორეზმის გაძლიერება. ამ შემთხვევაში არა ნაკლებ მნიშვნელოვანი იყო შუა აზიის ბუნებრივი სიმდიდრე და მრავალსაუკუნოვანი კულტურა, რაც მეტად ხელსაყრელ პირობებს ქმნიდა სახელმწიფოს ეკონომიური დაწინაურებისათვის. XI—XII საუკუნეებში, ხელოსნობისა და ვაჭრობის განვითარება აპირობებდა სახელმწიფოს პოლიტიკურ ძლიერებას³.

ხორეზმის ვრცელი და ძლიერი სახელმწიფოს შექმნა დაკავშირებულია ხორეზმშაჰ თექეშის სახელთან (1172—1200). მას ბევრი ბრძოლის გადატანა მოუხდა როგორც აღმოსავლეთში, ისე დასავლეთში. ამ ბრძოლების შედეგად ხორეზმშაჰმა ირანის დიდი ნაწილი დაიპყრო და უშუალოდ დაუმეზობლდა აბასელთა სახალიფოს.

სახელმწიფოს ტერიტორია კიდევ უფრო გაფართოვდა მოჰამედ ხორეზმშაჰის მეფობაში (1200—1220). ამიერიდან ხორეზმის სახელმწიფოში შევიდა შუა აზია მდ. სირ-დარიამდე, თითქმის მთელი ირანი და ავღანეთის ჩრდილო-დასავლეთი ნაწილი.

¹ **جامع الحكایات و لامع الروایات تالیف محمد عوفی** — ნაწყვეტი მოტანილი აქვს ვ. ბარტოლდს. В. Бартольд. Туркестан в эпоху монгольского нашествия, ნაწ. 1, ტექსტი, გვ. 84—86.

² ყარახანიანთა სახელმწიფო, რომელსაც თურქული წარმოშობის დინასტია ედგა სათავეში, წარმოიქმნა დაახლოებით X საუკ. მეორე ნახევარში და მოიცავდა დიდ ტერიტორიას ქაშღარიდან ესფეჯაბადმდე. X საუკ. დასასრულს ყარახანიანებმა დაიპყრეს მავერანნაპარი და დააჩქარეს საზანიანთა სახელმწიფოს გადაშენება. ყარახანიანების ძლიერებას ბოლო მოუღო ყარახითების შემოსევებმა შუა აზიაში XII საუკუნეში. დავურ. იხ. А. Ю. Якубовский — Мавераннахр при караханидах в XI — XII вв., წიგნი — История Узбекской ССР, ტ. I, წ. 1, გვ. 238 და შემდ.

³ შდრ. С. И. Толстов. По следам древнехорезмийской цивилизации, М.—Л., 1948, გვ. 317—322.

XII საუკუნეში და XIII საუკუნის დასაწყისში ხორეზმში, ისევე როგორც შუა და მახლობელი აღმოსავლეთის სხვა ქვეყნებშიც, ადგილი ჰქონდა ეკონომიურ და კულტურულ აღმავლობას. ვითარდებოდა სახელოსნო წარმოება და ვაჭრობა, იზრდებოდა ქალაქები.

ხორეზმშაპს მიეღს მუსლიმანურ აღმოსავლეთში უძლიერესი ჯარი ჰყავდა, მაგრამ მისი სახელო დალის ბირთვს შეადგენდა დაქირავებული ლაშქარი, რომელიც ყივჩაღებისა და, ნაწილობრივ, თურქმანებისაგან შედგებოდა. მოჰამედი არ ენდობოდა და მტრულად ეკიდებოდა ყივჩაღებს. სხვა დასაყრდენი კი მას სახელმწიფოში არ უაჩანდა. სასახლის პოლიტიკურ ცხოვრებაში დიდ როლს თამაშობდა ხორეზმშაპ მოჰამედის დედა თურქან-ხათუნი, ყივჩაღი ქალი, რომელიც სამხედრო-არისტოკრატიულ პარტიას მეთაურობდა და ხშირად უშუალოდ მონაწილეობდა ხორეზმშაპის წინააღმდეგ გამართულ ინტრიგებში. ამას გარდა, საკმაოდ ძლიერი იყო წინააღმდეგობა ცენტრალურ ხელისუფლებასა და აღზევებულ ფეოდალებს შორის. ეს უკანასკნელნი ვერ ურიგდებოდნენ ხორეზმშაპის პოლიტიკას, რომელიც სახელმწიფო ხელისუფლების ცენტრალიზაციისა და ფეოდალთა თვითნებობის აღაგმვისაკენ იყო მიმართული.

ამას ისიც უნდა დაემატოს, რომ თუ საკუთრივ ხორეზმში ქვეყნის ეკონომიური აღმავლობისა და დაპყრობითი ომების შედეგად მიღებული დაულის წყალობით მოსახლეობა შედარებით კარგ პირობებში იმყოფებოდა, სახელმწიფოს განაპირა ოლქებში ხალხთა მასების მდგომარეობა აუტანელი იყო. ამ ოლქების გლეხებისა და ხელოსანთა უწყალო ფეოდალურ ექსპლოატაციას ზედ ერთვოდა მოსახლეობის ძარცვა და რბევა სამხედრო ლაშქრობების დროს. ეს კი იწვევდა კლასობრივი ბრძოლის კიდევ უფრო მეტად გამწვავებას. ამის აშკარა მოწმობას წარმოადგენს ხელოსანთა აჯანყება ბუხარაში 1207 წელს ფარების შკეთებლის¹ ვაჟის სანჯარის მეთაურობით² და სამარყანდის მოსახლეობის აჯანყება 1212 წელს, რაც ყივჩაღთა დაქირავებული ლაშქრის თვითნებობით იყო გამოწვეული³. ორივე აჯანყება ცეცხლითა და მახვილით ჩააქრო ხორეზმშაპმა. ისტორიკოს ჯუფეინის სიტყვიერ, „ფარების შკეთებლის შვილმა თავისი ნამოქმედარის საზღაური მიიღო“⁴.

სოციალური ბრძოლის გამწვავებას ადგილი ჰქონდა აგრეთვე ისფაჰანსა და რეიშიც. ამ ქალაქებში სოციალურმა მოძრაობამ ისლამის სხვადასხვა მიმდინარეობათა შორის რელიგიური ბრძოლის გამოხატულება მიიღო. ეს

¹ ტექსტშია — *سپر مجان فروشی* — „ფარების გამყიდველის ვაჟი“, მაგრამ არ უნდა დავივიწყოთ, რომ შუა საუკუნეებში „ხელოსნები იმავე დროს ვაჭრებიც იყვნენ“. (ე. მარტისი და ფ. ენგელსი. „გერმანული იდეოლოგიიდან“, გვ. 61).

² *کتاب تاریخ جهانگشای تالیف علا الدین عطا ملک الجوینی*. — *გვ. 48* (ქვემოთ, *ჯუფეინი*, ტ. 1).

³ *ჯუფეინი*, წიგნი—В. В. Бартольд. Туркестан в эпоху монгольского нашествия, ნაწ. 1. ტექსტები, გვ. 114 — 115.

⁴ *ჯუფეინი*, ტ. 1, გვ. 48.

რელიგიური მიმდინარეობანი სენამდელიეში სავსებით გარკვეული სოციალური ფენების ინტერესთა გამოხატველად გვევლინებიან. შაფიიტები ფეოდალებსა და ქალაქის მოსახლეოზის ზედა ფენებს აერთიანებდნენ, ჰანიფიტები ხელოსნებს, შიიტები კი—გლეხობას¹.

ხორეზმის სახელმწიფოს არსებობის პერიოდში აღმოსავლეთის ქვეყნებში განსაკუთრებით გაფართოვდა საქარავენო ვაჭრობა. ამ ხანაში ვაჭრობა წარმოებს არა მარტო შორეულ ქვეყნებთან — აღმოსავლეთ ევროპასთან, მონღოლეთსა და ჩინეთთან, არამედ უფრო ნოკლე მანძილზეც, საქონელბრუნვაში კი გვხვდება ისეთი სავნები, როგორიცაა ხორბალი, ბრინჯი, ბამბა, ყაჭი, ტყავეული, ბამბის ქსოვილები, მატყელი, სპილენძისა და რკინის მადანი². მნიშვნელოვნად გაიზარდა სავაჭრო ქარავენების რაოდენობა და მათი შემადგენლობაც. ხშირი იყო ისეთი ქარავენები, რომლებიც რამდენიმე ასეული ერთეულისგან შედგებოდა.

აღმოსავლეთის ქვეყნებში საქარავენო-სატრანზიტო ვაჭრობა მიღიანად მსხვილი სავაჭრო კომპანიების ხელში იყო. კ. მარქსმა „ქრონოლოგიურ ამონაწერებში“ აღნიშნა „ძალზე გაცხოველებული სავაჭრო ურთიერთობა ხორეზმის მცხოვრებთა და აღმოსავლეთს შორის“³. კერძოდ, XI — XII საუკუნეებში ხორეზმელები, ისევე როგორც სხვა მუსლიმანი ვაჭრები, გაცხოველებულ აღებ-მიცემობას აწარმოებდნენ ჩინეთთან და მონღოლეთთან. მუსლიმანი ვაჭრები მრავლად ჩადიოდნენ ჩინეთში და მათი ნაწილი სამუდამოდ რჩებოდა იქ. ასევე ხშირად დაიარებოდნენ მუსლიმან ვაჭართა ქარავენები მონღოლეთშიც. ამას გარდა, მთლიანად მათ ხელში იყო ვაჭრობა ჩინეთსა და მონღოლეთს შორის⁴.

ასეთი გაცხოველებული შინაური და, განსაკუთრებით, საგარეო სატრანზიტო ვაჭრობის წარმოების შედეგად მახლობელი და შუა აღმოსავლეთის ქვეყნებში, აგრეთვე, მავრანანაპრსა და ამიერკავკასიაში დიდად გაიზარდა ვაჭრული კაპიტალი⁵. ცალკეული მსხვილი ვაჭრების ხელში უზარმაზარმა თანხებმა მოიყარა თავი. მაგრამ ყველაფერი ეს, მიუხედავად სოფლის მეურნეობის, ხელოსნობისა და საქალაქო ცხოვრების აღმავლობისა, ცხადია, ჯერ კიდევ ვერ ქმნიდა საჭირო პირობებს წარმოების წესის შესაცვლელად. დაგროვილი კაპიტალი არ გამოიყენებოდა წარმოების გასაფართოვებლად და მხოლოდ და მხოლოდ ვაჭრობაში იყო დაბანდებული, რამდენადაც „ვაჭ-

¹ А. Ю. Якубовский. Феодальное общество Средней Азии и его торговля с Восточной Европой, გვ. 84.

² იქვე, გვ. 9.

³ А р х и в М а р к с а и Э н г е л ь с а, ტ. V, გვ. 220.

⁴ В. В. Бартольд. История изучения Востока в Европе и России. Л., 1925, გვ. 60.

⁵ „...რაც უფრო განუვითარებელია წარმოება, მით უფრო თავს იყრის ფულადი ქონება ვაჭრების ხელში...“ კ. მარქსი. კაპიტალი, ტ. III, ნაწ. 1, გვ. 284.

რული კაპიტალი სხვა არა არის რა თუ არ მიმოქცევის სფეროში მომქმედი კაპიტალი“¹.

კ. მარქსი აღნიშნავდა, რომ ვაქრული კაპიტალის „განვითარება თავის-დათავად აღებული, საკმარისი არაა იმისათვის, რომ ერთი წარმოების წესის შეორეში გადასვლა გამოიწვიოს და აგვიხსნას“².

ვ. ი. ლენინი გვასწავლის, რომ „თავისთავად არც საეკრო კაპიტალი და არც საეაზო კაპიტალი ჯერ კიდევ არ წარმოადგენენ საკმარის პირობას საშრეწველო კაპიტალის (ე. ი. კაპიტალისტური წარმოების) გასაჩენად“³.

შუა საუკუნეთა აღმოსავლეთში არ არსებობდა ე. წ. თავისუფალი ქალაქები. აღმოსავლური ქალაქი ფეოდალური არისტოკრატის ბატონობის ქვეშ იმყოფებოდა და ამ არისტოკრატის წარმომადგენელთა ნებასურვილსა და თვითნებობაზე იყო მთლიანად დამოკიდებული. ეს დიდად აფერხებდა ქალაქების განვითარებას. ქალაქებში მცხოვრებ ხელოსანთა დიდი ნაწილი ფეოდალთა კლასის ცალკეულ წარმომადგენლებზე იყო დამოკიდებული და მათი მოთხოვნილების დასაკმაყოფილებლად ამზადებდა თავის ნაკეთობას. ფეოდალური არისტოკრატის ბატონობა ხელს უშლიდა საწარმოო ძალთა ზრდას აღმოსავლურ ქალაქში, რის გამოც აქ არ წარმოიშობოდა ისეთი ახალი საზოგადოებრივი ძალა, რომელიც შესძლებდა ფეოდალთა ბატონობას დაპირისპირებოდა. ამიტომ აღმოსავლურ ქალაქში ვერ განვითარდა საერთო საქალაქო თვითმმართველობა, ვერ წარმოიშვა ე. წ. ქალაქი-რესპუბლიკა. აღმოსავლურ ქალაქში როგორც პოლიტიკურად, ისე ეკონომიურად გაბატონებული იყო ფეოდალთა კლასის ზედაფენა—ფეოდალური არისტოკრატია.

მაგრამ ამ ქვეყნების საერთო ეკონომიური აღმავლობა აღებულ ხანაში საშუალებას გვაძლევს დავასკვნათ, რომ მონღოლთა შემოსევები რომ არა, მახლობელი და შუა აღმოსავლეთის ქვეყნების ისტორია სხვაგვარად წარიმართებოდა და მშვიდობიანი ცხოვრების პირობებში ეს ქვეყნები მომავალში უთუოდ დაადგებოდნენ განვითარების ახალ გზას.

¹ კ. მარქსი. კაპიტალი, ტ. III, ნაწ. 1, გვ. 240.

² იქვე, გვ. 284.

³ ვ. ი. ლენინი. თხზულებანი, ტ. 3, გვ. 199 — 200.

IV. მონღოლთა გაგონობის ხანა

1. მახლობელი აღმოსავლეთი მონღოლთა შიშოსიკავების პერიოდში

მონღოლთა ბატონობის ხანამ სულ ერთიანად შეცვალა ეკონომიური და პოლიტიკური ვითარება მახლობელ აღმოსავლეთში.

მონღოლებმა დაიპყრეს შუა აზია, ირანი, ამიერკავკასიის ქვეყნები, მცირე აზიის აღმოსავლეთი ნაწილი და მიაღწენ სირია-ეგვიპტის საზღვრებს. მათ გაანადგურეს ხორეზმის სახელმწიფო შუა აზიაში, დაამბეს აბასელთა სახალიფო ერაყში, ბოლო მოუღეს რუმის სასულთნოს მცირე აზიაში. მახლობელი აღმოსავლეთის პოლიტიკური რუკა არსებითად შეიცვალა.

მონღოლთა ბატონობის ხანა წარმოადგენს წყალგამყოფ საუკუნეს მახლობელი აღმოსავლეთის ქვეყნების სოციალურ-ეკონომიურ, პოლიტიკურ და კულტურულ განვითარებაში. მონღოლთა ბატონობის ხანაში მნიშვნელოვნად შესუსტდა წინარე ხანის მუსლიმანურ-არაბული და მუსლიმანურ-ირანული კულტურული ტრადიციების გავლენა.

ბაღდადის დამხობამ შეარყია რწმენა ისლამის სარწმუნოებისადმი და ამ სარწმუნოების ენის—არაბულის მიმართ. განმტკიცდა მონღოლური ტრადიციები, წეს-ჩვეულებები და წარმოდგენები.

ცნობილია, რომ მონღოლთა ლაშქრის უმეტესობას თურქები შეადგენდნენ. ამიტომ მონღოლთა შემოსევების ერთი მნიშვნელოვანი შედეგთაგანი იყო თურქული ელემენტის გაზრდა-გაძლიერება მახლობელ აღმოსავლეთში. ამიერიდან ფართოდ ვრცელდება მონღოლურ-თურქული წარმოშობის სამოხელეო და საგადასახადო ტერმინები, რაც თანაბრად დამახასიათებელი ხდება როგორც მახლობელი აღმოსავლეთის, ისე ამიერკავკასიის ქვეყნებისათვის.

უდიდესი ზიანი მიაყენეს მონღოლებმა ამიერკავკასიის და მახლობელი აღმოსავლეთის ფეოდალურ მეურნეობას და ეკონომიურ ცხოვრებას. მონღოლთა ბატონობის უშუალო შედეგი იყო ფეოდალურად განვითარებული ქვეყნების ეკონომიური დაქვეითება. ეს აიხსნება იმითაც, რომ XIII—XVI საუკუნეებში ადგილი ჰქონდა მომთაბარე ტომებისა და ხალხების განუწყვეტელ მოძრაობას მახლობელი აღმოსავლეთის ვრცელს ტერიტორიაზე.

წინარე ხანისაგან განსხვავებით, აღმოსავლეთის კულტურულ ხალხებს სულ უფრო და უფრო უმცირდებოდათ დროის ის შუალედი, რაც აუცილებელი იყო განვითარების კვლავ თავიდან დასაწყებად.

XIII საუკუნიდან მოყოლებული ერთმანეთს თითქმის ზედიზედ სცვლი-
დნენ მონღოლები, ჩობანიდები, ჯალაირები, თემურიანები, თურქმანები,
ყიზილბაშები, ოსმალები.

ხანმოკლე შესვენების პერიოდებში ფეოდალური მეურნეობის განვითარებაში მიღწეულ წარმატებას აქარწყლებდა ნომადთა შემოსევების ახალი ტალღა.

მონღოლების და სხვა მომთაბარე ხალხების შემოსევებმა და ბატონობამ გააპირობა განვითარებული ფეოდალიზმის პერიოდის ხელოვნური გახანგრძლივება მახლობელი აღმოსავლეთის ქვეყნებში, ამდენადვე მონღოლთა ბატონობის ხანის შესწავლას განსაკუთრებული მნიშვნელობა ენიჭება.

§ 1. მონღოლები

მონღოლთა ბატონობის შედეგები სხვადასხვა დროს სხვადასხვა თვალსაზრისით იყო შეფასებულ-დახასიათებული.

თუ ბურჟუაზიული ისტორიოგრაფიის აღმავლობის პერიოდში მონღოლთა შემოსევებს პროგრესულად განწყობილი ისტორიკოსები უარყოფითად უყურებდნენ (დეგინი, დ'ოსონი, კატრმერი), იმპერიალიზმის ეპოქაში (XIX—XX სს. მიჯნაზე) მონღოლების დადებითად შეფასება საცხებით შეესაბამებოდა ბურჟუაზიის რეაქციულ თვალსაზრისს (პოვორსი, კაენი, პანთურქისტები). იმპერიალისტურმა ზრახვებმა შესაფერისი გამოხატულება პპოვეს ბურჟუაზიულ ისტორიოგრაფიაში¹.

მერყეობის მიუხედავად აკად. ვ. ბარტოლდმა ერთგვარი ხარკი გადაუხადა თავისი დროის ისტორიოგრაფიის მოთხოვნილებებს იმით, რომ დადებითად შეაფასა მონღოლთა შემოსევები და ბატონობა². ამ მცდარ შეხედულებას იზიარებდა ქართული ისტორიოგრაფიის ზოგიერთი წარმომადგენელიც.

საბჭოთა ორიენტალისტების ერთი ნაწილი კარგა ხანს აკად. ვ. ბარტოლდის მიხედვით ახასიათებდა მონღოლებს და მონღოლთა სახელმწიფოს (ა. იაკუბოვსკი, აკად. ვლ. გორდლევსკი). ზოგმაც უარყო მხოლოდ აკად. ვ. ბარტოლდის ფაქტიურად სწორი შეხედულება ჩინგიზ ყაენის სახელმწიფოს არისტოკრატიული წარმოშობის შესახებ და ამ სახელმწიფოს „ხალხური“ ფესვები მოუძებნა, მონღოლთა დაპყრობითი ომები კი ხალხის ინტერესებს დაუქავშირა (გ. გრუმ-გრეიმაილო, აკად. ს. კოზინი³). ამრიგად, ზოგიერთმა მკვლევარმა ხალხი დანახა იქ, სადაც ფაქტიურად ნომადი ნოინები მოქმედებდნენ.

¹ А. Ю. Якубовский. Из истории изучения монголов периода XI—XIII вв., Очерки по истории русского востоковедения, М., 1953, гл. 64.

² იქვე, გვ. 72 და შემდეგ.

³ იქვე, გვ. 78 და შემდეგ.

1934 წელს საბჭოთა მონღოლისტმა აკად. ბ. ვლადიმირცოვმა წამოაყენა ე. წ. „ველის ფეოდალიზმის“ თეორია¹.

აკად. ბ. ვლადიმირცოვის აზრით ჩინგიზ ყანი, ისტორიულ ასპარეზზე გამოსვლისას, უკვე ფეოდალურ საზოგადოებაში მოქმედებდა². თითქმის ყოველმხრივ ზრდადასრულებული ფეოდალური საზოგადოების ერთ ერთ ყველაზე მკაფიო გამოხატულებად მას მიაჩნდა ვასალურ-სენიორული ურთიერთობანი³. ფეოდალურ ურთიერთობათა სრულს გამარჯვებას იგი აღნიშნავდა XII ს-ის დამლევით⁴. „ველის ფეოდალიზმს“ ამ მთავარი დებულებების გამო, ა. იაკუბოვსკი, რომელიც წინათ მთლიანად იზიარებდა მათ, გამოთქვამს შემდეგ კრიტიკულ შენიშვნებს: ნამდვილად XII ს-ში მთავრდება პირველყოფილი-თემური წყობილების რღვევა, ხოლო ექსპლოატაციის პირველ ფორმად გვევლინება მონობა, მაგრამ მონობა არ წარმოადგენდა წარმოების გაბატონებულ წესს; მომთაბარე მეჯოგეთა ძირითადი მასა ამ დროს ჯერ ისევ თავისუფალი იყო; საზოგადოებრივ ურთიერთობათა შემდგომი განვითარება წარიბართა არა მონათმფლობელობის გაძლიერების ხაზით, არამედ ფეოდალური ურთიერთობის ჩამოყალიბების გზით; აკად. ბ. ვლადიმირცოვი განვითარებულ ფეოდალურ ურთიერთობას ნახულობდა იქ, სადაც მისი მხოლოდ პირველი ნიშნები არსებობდა⁵.

მონღოლთა სოციალურ-ეკონომიური წყობის შესწავლა დღეს სწორ ნიადაგზეა დაყენებული, მაგრამ ველის ფეოდალიზმის „თეორიის“ რეციდივებს მაინც ვხვდებით. ეს კი უნებლიეთ სცვლის მონღოლთა საზოგადოების ნამდვილ სურათს.

ა. იაკუბოვსკი აღნიშნავდა, რომ მომთაბარისათვის დამახასიათებელია საკუთრება არა მიწაზე, არამედ ჯოგზე⁶. მიწის მესაკუთრედ, განაგრძობს ა. იაკუბოვსკი, გვევლინება კოლექტივი ე. ი. ტომი. ჯოგის კერძო საკუთრების ნიადაგზე კი აღმოცენდება კლასობრივი განშრეება, წარმოიშობა ნოინთა კლასი და ამ კლასზე დამოკიდებული საზოგადოებრივი ფენი (მონები).⁷ თუმცა ამის შემდეგ განვითარება ტენდენციას ამჟღავნებს არა მონობის, არამედ ფეოდალური ურთიერთობის გაძლიერებისაკენ.

ამრიგად, ხელუხლებლად დაატოვებული „ველის ფეოდალიზმის“ მთავარი დებულება — ჯოგის ფეოდალური საკუთრება, როგორც მომთაბარული ფეოდალური წყობილების საფუძველი.

მაგრამ ყველგან მიწის ფეოდალური საკუთრება წარმოადგენდა ფეოდალიზმის საფუძველს. ამ მხრივ არ შეიძლება განმასხვავებელი ნიშანი დავს-

¹ Б. Я. Владимирцов. Общественный строй монголов. Монгольский кочевий феодализм, М., 1934.

² А. Ю. Якубовский. დასახ. ნაშრ., გვ. 85.

³ იქვე.

⁴ იქვე, გვ. 85, 86.

⁵ იქვე, გვ. 86.

⁶ იქვე.

⁷ იქვე, გვ. 85, 86.

ვით მომთაბარულ და მკვიდრბინადრულ მოსახლეობათა შორის. და ეს არა მარტო მეთოდოლოგიური თვალსაზრისით, არამედ იმის გამოც, რომ საკითხის ამგვარად დასმა ადვილად შეიძლება იქცეს ყოველგვარი „უნივერსალური“ და „მარადიული ფეოდალიზმის“ წყაროდ.

ის გარემოება, რომ მომთაბარეები „მი ი თ ვ ის ე ბ ე ნ და კ ე ლ ა ვ - ა წ ა რ მ ო ე ბ ე ნ ჯ ო გ სა და არა მიწის“¹, სრულიად არ გვაძლევს იმის საფუძველს, რომ ფეოდალური საკუთრების მთავარ ფორმად მომთაბარე ხალხებში ჯოგი ვალიართ. მარქსი პირდაპირ მიუთითებს: „მწყემს ხალხებში საკუთრება მიწის ბუნებრივი პროდუქტებისა — მაგალითად ცხვრებისა, წარმოადგენს იმავე დროს საკუთრებას იმ საძოვრების მიმართაც, სადაც ცხვრები გაივლიან“². ფაქტიურად ამ დებულების განმარტებაა იქვე ნათქვამი: „საერთოდ მიწის საკუთრება შეიცავს აგრეთვე მისი ორგანული პროდუქტების საკუთრებასაც“³. მხოლოდ მიწის მითვისება აქვს მარქსს მხედველობაში თვით ყველაზე მარტივ სამეურნეო მდგომარეობათა დახასიათების დროსაც: „ნადირობა, მეთევზეობა, მწყემსობა, ხეხილის ნაყოფით არსებობა და ა. შ. — ყოველთვის გულისხმობს მიწის მითვისებას ან მულშივი ადგილსაცხოვრებელისათვის, ან ერთი ადგილიდან მეორე ადგილზე გადასახლებადაც, ანდა ცხოველთა საძოვრებისათვის და ა. შ.“⁴ მიწების მითვისება-გასაკუთრებას აწარმოებენ მომთაბარეები დაპყრობილ ქვეყნებშიც, სადაც ისინი ქნნიან საძოვრებს თავიანთი ჯოგების გამოსაკვებად. ბინადარი მოსახლეობის მიწებისათვის ბრძოლის პერიოდში ჩვეულებრივ მათ უკვე განვლილი აქვთ გვაროვანი წყობილების საფეხური.

მეჯოგური მეურნეობის არსებობის პირობა ყველა დროს და ყველგან მიწის საკუთრებაა (კოლექტიური ან ინდივიდუალური), ოღონდ, რა თქმა უნდა, მიწის ექსტენსიური ექსპლოატაციის ფორმაში გამოხატული. უფრო მკაფიოდ, რომ ვთქვათ, ესაა საკუთრება საძოვრების მიმართ. მართალია, მომთაბარეები განვითარებულ ფეოდალურ მეურნეობას აცლიან მის საფუძველს — მიწას, მაგრამ შემდეგ ეს მიწა გამოიყენება ექსტენსიური მეურნეობისათვის.

საკითხის ამგვარად დასმა არ გულისხმობს მომთაბარეების გამოთიშვას საზოგადოებრივი განვითარებისაგან. პირიქით, მიწისმფლობელობის ნიადაგზე წარმოშობილი ნომადთა საზოგადოებრივი ურთიერთობა სწორედ ამით უკავშირდება ფეოდალიზმის პირველ ნიშნებს, რომელთა განვითარება მნიშვნელოვნადაა დამოკიდებული ბინადარ მოსახლეობასთან ურთიერთობის ფორმებზე.

ჯოგის ფეოდალური საკუთრების „თეორია“ კი ნამდვილად გამორიცხავს ყოველგვარ განვითარებას. ფაქტიურად ეს იმის უარყოფაა, რასაც მარქსი ამტკიცებს, სახელდობრ: „თუ მიწასთან ერთად დაიპყრობენ თვით

¹ კ. მარქსი. კაპიტალისტური წარმოების წინამორბედი ფორმები, გვ. 34.

² იქვე.

³ იქვე, გვ. 35.

⁴ იქვე, გვ. 34.

აღამიანსაც როგორც მიწის ორგანულ კუთვნილებას, მაშინ მასაც დაიპყრობენ როგორც წარმოების ერთ-ერთ პირობას, და ამრიგად, წარმოიშობა მონობა და ყმური დამოკიდებულება, რაც მალე გადაყალბებს და სახეს შეუცვლის რა ყველა კოლექტივის თავდაპირველ ფორმებს, თვითონ ამ უკანასკნელთა ბაზისი ხდება“¹. მონობა და ყმური (ფეოდალური) დამოკიდებულება, ამრიგად, მიწის საკუთრების ნიადაგზე ვითარდება, როცა დაიპყრობენ თვით აღამიანსაც, როგორც მიწის ორგანულ კუთვნილებას და, ამდენადვე, წარმოების ერთ-ერთ პირობას.

მხოლოდ მიწის კერძო საკუთრების ნიადაგზე ხდება ტომის წიაღში კლასობრივი დიფერენციაცია, საკუთრების განვითარების მოცემული საფეხურის შესაბამისი დამოკიდებულების ფორმების წარმოშობა.

ჯოგის საკუთრება ვერ აღმოაცენებდა მონურ და ყმურ დამოკიდებულებას, რომელიც სახეს შეუცვლიდა ყველა კოლექტივის თავდაპირველ ფორმებს და თვითონ ამ უკანასკნელთა ბაზისი გახდებოდა. წინააღმდეგ შემთხვევაში ვერ ავსნიდით მომთაბარეთა კონფლიქტის და კლასობრივი ბრძოლის ხასიათს ველებში, მათს მოძრაობას და ლტოლვას სამიწათმოქმედო კულტურის ხალხთა ქვეყნებისაკენ, სადაც ისინი თავიანთი „ხვასტაგითა და დედაწულით“ იჭრებიან. ბრძოლა ყველა შემთხვევაში საძოვრებისათვის ე. ი. მეგოგური მეურნეობისათვის საპირო პირობებისათვის წარმოებს.

საპიროა აღინიშნოს, რომ ყველაფერი ეს გათვალისწინებული და ნათქვამი აქვს ა. იაკუბოვსკის, როცა ბურჟუაზიული ისტორიოგრაფიისაგან განსხვავებით მომთაბარეთა მოძრაობის ნამდვილ მიზეზებს ასახელებს?²

ნომადთა გადმოსახლება ბურჟუაზიულ ორიენტალისტიკურ ისტორიოგრაფიაში ახსნილია ე. წ. „ბიძგების თეორიის“ (გ. გრიგორიევი) და „მიგრაციის თეორიის“ (კაეტანი) მიხედვით. მომთაბარეები იძულებული არიან გადასახლდნენ ან მეზობელი ტომების მოძალების შედეგად („ბიძგების თეორია“) ანდა კლიმატური პირობებისა და გეოგრაფიული ფაქტორების გამო („მიგრაციის თეორია“). ა. იაკუბოვსკი აკრიტიკებს ამ „თეორიებს“ და მთელი ყურადღება გადააქვს მომთაბარეთა საზოგადოებრივ ურთიერთობათა კლასობრივ ანალიზზე³. მომთაბარეთა მასიური შემოსევები, აღნიშნავდა იგი, ხდება მხოლოდ იმ დროს, როცა ყალიბდებიან ტომთა გაერთიანებები და პირველი პრიმიტიული სახელმწიფოები ე. ი. იმ დროს, როცა ტომის შიგნით უკვე მომხდარია კლასობრივი განშრეება და მას ჯოგისა და მონების კერძო საკუთრების ბაზაზე გამოეყოფა მომთაბარული არისტოკრატია⁴. თავისთავად სწორი ეს შეხედულება საპიროებს მხოლოდ იმის ახსნას, თუ რატომ წარმოებს ბრძოლა საძოვრებისათვის ანდა რატომაა შემოღებული საძოვრებზე დაწესებული გადასახადი „ყაფჩერი“.

¹ კ. შარქსი. დასახ. ნაშრ., გვ. 34.

² А. Ю. Якубовский. დასახ. ნაშრ., გვ. 50—52, 90—92.

³ იქვე, გვ. 92.

⁴ იქვე, გვ. 52, 86.

„ყაფჩერის“ არსებობა, ცხადია, იმის აშკარა მოწმობაა, რომ მონღოლეთის ველებში საძოვრებით სარგებლობა აღარ წარმოებს პირვანდელ შეუზღუდავ ფორმაში და მიწის საკუთრების ფიქსაცია უკვე მომხდარი ფაქტია. ცხადია, ასეთ ვითარებაში თანდათან უნდა შექმნილიყო პირობები გარეეკონომიური იძულებისათვის ე. ი. ფეოდალური ექსპლოატაციისათვის.

მონღოლური იასა, როგორც მარქსი აღნიშნავს, მხოლოდ ფეოდალისმის უმდაბლეს, ბარბაროსულ საფეხურზე მდგარი ხალხისათვის იყო შესაფერისი. აღსანიშნავია, რომ მონღოლური სამართალი მონღოლთა დაპყრობითი ომების მსვლელობაში თანდათან ვითარდება, უეჭველია დაპყრობილი ხალხების გავლენის შედეგად. მონღოლი ნოინების ფეოდალურ კლასად ჩამოყალიბების პროცესიც დაპყრობილ ქვეყნებში გაგრძელდა და თავისებურ ფორმაში დასრულდა.

სახოგადობრივ-ეკონომიური განვითარების უმდაბლეს საფეხურზე მდგარმა მონღოლებმა უდიდესი საფრთხე შეუქმნეს აღმოსავლეთის და დასავლეთის კულტურულ ხალხებს, შეაჩერეს მათი წინსვლა და განვითარება.

მონღოლ მომთაბარეთა შეურნეობისათვის (მეჯოგეობისათვის) გაუქაცრიელდა სამიწათმოქმედო რაიონები, დაინგრა ქალაქები, გადაიწვა სოფლები, გაიელიტა მოსახლეობა.

ამას ერთხმად აღნიშნავენ მონღოლთა ბატონობის პერიოდის ისტორიკოსები.

მონღოლთა დაპყრობითი ომების წარმატებებს მნიშვნელოვნად შეუწყობ ხელი დაპყრობილი ქვეყნების შინაგანმა ვითარებამ, ფეოდალურმა ომებმა, გამწვავებულმა კლასობრივმა ბრძოლამ.

გარკვეული როლი შეასრულა ამ მხრივ მონღოლთა სამხედრო ორგანიზაციამაც, მონღოლი მეომრების რკინისებურმა დისციპლინამ. მონღოლთა გამაერთიანებელი ჩინგიზ ყანი ადვილად ამარცხებდა ფეოდალურ ლაშქარს. დაპყრობილი ქვეყნების ფეოდალური დაქსაქსულობა მონღოლთა წარმატების ერთი მთავარი პირობათაგანი იყო.

ჩინგიზ ყანის სამხედრო ორგანიზაცია (ათასეულებად დაყოფილი ლაშქარი) მონღოლთათვის ადრევე იყო ცნობილი. მაგრამ ჩინგიზ ყანმა გააძლიერა ქეშიკი (მცველი ჯარი), ომელიც იცავდა არა მარტო ყანს, არამედ ამავე დროს უზრუნველყოფდა ნოინების ძალაუფლებას რიგით მონღოლებზე. ჩინგიზ ყანმა მდიდრული საჩუქრებით გაიერთოფლა ნოინები და ნოქრები. შექმნა მათგან თარხანთა პრივილეგირებული წოდება, რომელიც ყოველგვარი გადასახადებისაგან იყო განთავისუფლებული.

მონღოლთა სახელმწიფოს წარმოქმნამ ხელი შეუწყობ მონღოლი ხალხის ჩამოყალიბების პროცესს. ტომობრივი დაქსაქსულობის ლიკვიდაცია, მონღოლთა გაერთიანება, შინაომების შეწყვეტა და ერთიანი სახელმწიფოს წარმოქმნა პროგრესული მოვლენა იყო¹. მაგრამ ამგვარადვე არ შეიძლება შევაფასოთ მონღოლთა დაპყრობითი და გამანადგურებელი ომები².

¹ История Монгольской Народной Республики, М., 1954, გვ. 90.

² ი ქ ვ ი, გვ. 91—92.

მონღოლთა შემოსევებმა უდიდესი ზიანი მიაყენეს აზიისა და ევროპის ხალხებს, რომლებიც დამპყრობელთა სამხედრო-ადმინისტრაციული მმართველობის მიმე უღელქვეშ აღმოჩნდნენ¹.

XIII ს-ის 20-იან წლებში მონღოლები მახლობელი აღმოსავლეთის კულტურულ ქვეყნებში შემოიჭრნენ და ყველგან ციცილი და მახვილი დაატრიალეს.

§ 2. მონღოლთა შემოსევები

XIII საუკუნის დასაწყისში მონღოლეთში მცხოვრებ ტომთა შიგნით წარმოებული მძაფრი სოციალური ბრძოლის შედეგად წარმოიქმნა მონღოლთა სახელმწიფო, რომელსაც თემუჩინი — ჩინგიზ ყაენი ჩაუდგა სათავეში. ახლადწარმოქმნილ სახელმწიფოს იმთავითვე კლასობრივი, არისტოკრატიული ხასიათი ჰქონდა. იგი შექმნილი იყო ნოინების — მონღოლთა სამხედრო-ფეოდალური არისტოკრატის მიზნების შესაბამისად და მის ინტერესთა დასაცავად. „ჩინგიზ ყაენი არ ყოფილა „სახალხო გმირი“ ამ სიტყვის ნამდვილი მნიშვნელობით და მის მიერ შექმნილი სახელმწიფო წყობილება არისტოკრატიული ხასიათის მატარებელი იყო“².

თემუჩინის ახალგაზრდობაში ბევრი გაკვირვების გადატანა მოუხდა, მაგრამ ბოლოს, თავისი პირადი თვისებების წყალობით შეძლო შეექმნა ისეთი რაზმი, რომელმაც მთელ მონღოლეთში გაუთქვა მას სახელი. მალე თემუჩინმა დაამარცხა თავისი მოწინააღმდეგენი — მეტოქე ტომთა ბელადები და 1206 წელს მდ. ონონის ნაპირზე, მონღოლთა სამხედრო-მომთაბარეული არისტოკრატის წარმომადგენელთა ყურულთაიმ იგი მონღოლთა სახელმწიფოს უზენაეს ხელმწიფედ გამოაცხადა ჩინგიზ ყაენის სახელით. „დაჯდა ტახტსა ონ-ხანისა და უწოდეს სახელად ჩინგიზ ყაენ“, — მოგვითხრობს ჟამთააღმწერელი³.

ჩინგიზ ყაენს ჰყავდა მტკიცე, დისციპლინიანი ლაშქარი, რომელიც ათეულებად, ასეულებად, ათასეულებად და დუმანებად (ათათასეულებად) იყოფოდა⁴. ამ განაყოფთა სათავეში მონღოლთა სამხედრო არისტოკრატის წარმომადგენლები იდგნენ, ხოლო დუმანის ამირებად ხშირად უფლისწულები და ყაენის ოჯახის სხვა წარმომადგენლები ინიშნებოდნენ. ყოველ მეომარს თვითონ უნდა ეზრუნა ლაშქრობისათვის საჭირო საქურველსა და სურსათსანოვაგებზე. ეს კი ხელს უწყობდა ლაშქრის სწრაფ მოძრაობას. ამასთან ერთად, მონღოლთა ლაშქარი აღქურვილი იყო იმ დროისათვის მოწინავე

¹ ი ქ ვ ე, გვ. 93.

² В. В. Бартольд. Образование империи Чингиз-хана, ЗВО, X, გვ. 114.

³ ქართლის ცხოვრება. მარიამ დედოფლის ვარიანტი, გამოცემული ე. თაყაიშვილი ს რედაქტორობით, თბილისი, 1906, გვ. 554.

⁴ უ შ ვ ი ნ ი, ტ. I, გვ. 22; ავრეთვე, პ ლ ა ნ ო კ ა რ პ ი ნ ი. ისტორია მონღოლებისა, რომელთაც ჩვენ თათრებს ვუწოდებთ. მასალები საქართველოსა და კავკასიის ისტორიისათვის, 1942, ნაკ. II, გვ. 31.

ჩინური სამხედრო ტექნიკითა და ტაქტიკით¹. ყველაფერმა ამან მნიშვნელოვანწილად განაპირობა მონღოლთა წარმატება დასავლეთის ლაშქრობაში.

ჩინეთის წინააღმდეგ ლაშქრობის შემდეგ მონღოლებმა ჯერ ხორეზმსა და მათ სახელმწიფოს შორის მდებარე, ნაიმანების ტომის მეთაურის — ქუჩილუქის საკმაოდ ვრცელ, მაგრამ სუსტ სახელმწიფოს შეუტიეს და გაანადგურეს იგი². ამის შემდეგ ჩინგიზ ყანის ურდოებს გზა ხსნილი ჰქონდათ დასავლეთისაკენ. იმ დროს წარმოდგენაც კი არავის შეეძლო, თუ რაოდენ ნგრევას, ხოცვა-გლეტასა და უბედურებას მოუტანდა წინა აზიისა და აღმოსავლეთ ევროპის კულტურულ ხალხებს მონღოლთა შემოსევები.

მონღოლთა შემოსევებმა იმდენად შემზარავი შთაბეჭდილება მოახდინეს თანამედროვეებზე, რომ უკვე მათი ბატონობის პირველსავე წლებში აზიასა და ევროპაში სხვადასხვა ენებზე იქმნება საისტორიო ნაწარმოებები, რომლებშიც დაწვრილებით არის აღწერილი მონღოლთა ჯარის ორგანიზაცია, ომის წარმოების წესები, კეთილმოწყობილი ქალაქებისა და სოფლების ნგრევა, ნათესებისა და ბალების განადგურება, მოსახლეობის გაგლეტა-დატყვევება და სხვა საშინელებანი.

დამახასიათებელია, რომ ყველა მაშინდელი ავტორი, მათ შორის, ხშირად, ილხანთა ოფიციალური ისტორიოგრაფიის ისეთი წარმომადგენლებიც, როგორც იყვნენ ალა ელ-დინ ათა მალეკ ჯუვეინი და რაშიდ ედ-დინი, სწორად აფასებდა მონღოლთა შემოსევებს და უდიდეს უბედურებად მიაჩნდა ის.

„მატიანეები — მოგვითხრობს XIII საუკუნის პირველი მესამედის არაბი ისტორიკოსი იბნ ალ-ასირი, — არაფერს შეიცავენ რამდენადმე მსგავსსა და შესაფერისს. იმ ამბებიდან, რასაც ისინი აგვიწერენ, ყველაზე საშინელია ის, რაც გააკეთა ნაფუქოდონოსორმა ისრაელთა გაგლეტით და იერუსალიმის დანგრევით. მაგრამ რაა იერუსალიმი იმ ქვეყნებთან შედარებით, რომლებიც ამ წყევლებმა დაარბიეს, სადაც ყოველი ქალაქი ორჯერ მეტია იერუსალიმზე! და რანი არიან ისრაელები იმათთან შედარებით, რომლებიც მათ (მონღოლებმა) გაგლეტეს. ყოველ ცალკე აღებულ ქალაქში მოსახლეობა, რომელიც მათ გაგლეტეს, მეტი იყო, ვიდრე მთლად ისრაელები არიან“³.

მონღოლთა შემოსევების შედეგად განსაკუთრებით აღმოსავლეთის ქვეყნების შვიდროდ დასახლებული ქალაქები დაზარალდა. ეს გასაგებიც არის, რადგან, როგორც ფ. ენგელსი შენიშნავდა დასავლეთ ევროპის ქალაქების მიმართ, „ყველა ისინი დასაცავად გარშემორტყმული იყვნენ კედლებითა და თხრილებით, მათი სიმაგრეები გაცილებით უფრო მიუდგომელი იყო, ვიდრე

¹ მონღოლთა სამხედრო ხელოვნების შესახებ იხ. М. Н. Иванов. О военном искусстве и завоеваниях монголо-татар и среднеазиатских народов при Чингис-хане и Тамерлане, СПб. 1875.

² ქუჩილუქმა ყარახთაების სახელმწიფოს ნანგრევებზე დიდი სახელმწიფო შექმნა, მაგრამ რელიგიური დუნის პოლიტიკას აწარმოებდა და ჯაღაიმტერა მუსლიმანები, რომელნიც მონღოლებთან ბრძოლის დროს ამ უკანასკნელთ მიემხრენ (ჯ. უეიინი, ტ. I, გვ. 40).

³ В. Тизенгаузен. Сборник материалов, относящихся к истории Золотой Орды, т. I, 83. 2.

ახნაურთა კოშკები, რადგან მათი ალბა მხოლოდ მნიშვნელოვანი ჯარის დახმარებით იყო შესაძლებელი“¹. ამიტომ, ბუნებრივია, რომ სწორედ ქალაქები გადაიქცნენ მონღოლთა წინააღმდეგ ბრძოლის ცენტრებად. ქალაქებში უფრო ორგანიზებული მოსახლეობა იყო თავმოყრილი ხელოსანთა სახით, რომელიც მედგარ წინააღმდეგობას უწყევდა დამპყრობელთ. ქალაქის არისტოკრატის წარმომადგენლები კი — მსხვილი ვაჭრები, მოხელეები, სასულიერო პირები — მონღოლებთან შეთანხმებას ჩქარობდნენ საკუთარი სიცოცხლისა და ქონების გადარჩენის მიზნით. აღსანიშნავია ის გარემოებაც, რომ სორგნშამის დაქირავებული ლაშქარიც ხშირად უარს ამბობდა მონღოლებთან შებრძოლებაზე, მოწინააღმდეგის მხარეზე გადადიოდა და მხოლოდ ხალხთა მასებს უხდებოდათ მტერთან ბრძოლის მთავარი სიმძიმის გადატანა.

ქალაქების განადგურების მეორე, არა ნაკლებ მნიშვნელოვანი მიზეზი იყო ის, რომ საზოგადოებრივი განვითარების შედარებით დაბალ საფეხურზე მდგომი მონღოლებისათვის უცხო იყო ქალაქები და საქალაქო ცხოვრება. „მონღოლები, როცა რუსეთს (და სხვა კულტურულ ქვეყნებს — რ. კ.) ანადგურებდნენ, თავიანთი წარმოების წესის შესაბამისად მოქმედებდნენ; მესაქონლეობისათვის მთავარი პირობაა ფართო დაუსახლებელი ადგილები“².

მეტიც შეიძლება ითქვას. იმ დროს მონღოლების დიდი ნაწილი მტრულად იყო განწყობილი ქალაქების მიმართ. ჩინგიზ ყაენის იასაში³ შეტანილი იყო სპეციალური მოთხოვნა ქალაქების კედლების დანგრევის შესახებ. მართლაც, დამახასიათებელია, რომ, როგორც წყაროები მოგვითხრობენ, მონღოლები ანგრევდნენ და მიწასთან ასწორებდნენ ალბულები ქალაქების გალავნებსა და ციხე-კოშკებს. XIV საუკუნის ისტორიკოსი და გეოგრაფი ჰამდალამ ყაზვინი გადმოგვცემს, რომ ჩინგიზ ყაენის იასა უკრძალავდა მონღოლებს ქალაქებში დასახლებას⁴. უკედლე ყაენის დროს, რაკი ჩინეთი მონღოლთა მიერ დაპყრობის შედეგად ისე იყო მოოხრებული, რომ არავითარ შემოსავალს არ იძლეოდა, მომთაბარე არისტოკრატის წარმომადგენლებმა მოახსენეს ყაენს, უმჯობესია მცხოვრებნი მთლიანად გაველიტოთ, მიწები კი, რომლებიც ტყითა და ბალახით დაიფარება, საძოვრებად ვაქციოთო. უკედლე არ დათანხმდა ასეთ ღონისძიებაზე და ამის შემდეგ დაიწყო ჩინეთში სამეურნეო ცხოვრების აღდგენა⁵.

¹ К. Маркс и Ф. Энгельс. Соч., т. XVI, № 1, стр. 440.

² Ү. М а р т о ს ი. პოლიტიკური ეკონომიის კრიტიკისათვის, გვ. 277.

³ იასა ანუ იასაკი (ياساق-ياسا) — მონღოლთა საადათო სამართალი, რომელიც ჩინგიზ ყაენის დროს იქნა ჩაწერილი (ჯ უ ვ ე ნ ი, ტ. I, გვ. 15). მთლიანი ტექსტი არ არის ჩვენამდე მოღწეული. ცალკე ადგილები დაკულია სხვადასხვა საისტორიო თხზულებებში.

⁴ مغولرا در شهر نشستن قاعده نيست و خلاف ياساق چنگز خانست („თარხე გობიდე“. ციტირებულია გ. ბარტოლდის მიხედვით, В. В. Бартольд. Туркестан в эпоху монгольского нашествия, № 7, гв. 499).

⁵ История первых четырех ханов из дома Чингисова, Перевод с китайского Я. Вичурнина, СПб, 1829, гв. 153.

ქალაქებისადმი მტრული დამოკიდებულება საკმაოდ ძლიერი იყო მონღოლ არისტოკრატთა ერთ ნაწილში XIII საუკუნის მეორე ნახევარშიც. ცნობილია 1269 წლის ყურულთაის დადგენილება, რომლის მიხედვით მონღოლებს მთებსა და ველებში უნდა ეცხოვრათ, ქალაქების ირგვლივ არ დასახლებულიყვნენ, საქონელი არ შეეშვათ ნათესებში და ქვეშევრდომთათვის უსაფუძვლო მოთხოვნილებები არ წაეყენებინათ¹.

მონღოლთა ლაშქარს თან მოჰყვებოდნენ მათი ოჯახები, ნსხვილფეხა და წვრილფეხა საქონლის ჯოგები და მთელი მათი ქონება. ისინი არამარტო ანადგურებდნენ ქალაქებსა და სოფლებს, ბალებსა და ნათესებს, არამედ საერთოდ აფერხებდნენ მიწათმოქმედებისა და საქალაქო მეურნეობის წარმოებას². ის ადგილები, სადაც მონღოლებს მოუხდებოდათ გავლა და დაბანაკება, დიდი ხნით უდაბურდებოდა. მიწათმოქმედებისათვის გამოსადეგი ნაყოფიერი მიწები საძოვრებად და სანადირო ადგილებად იქცეოდა. სარწყავი სისტემა იშლებოდა, ყველაფერს ამას კი თან სდევდა სოფლის მეურნეობისა და საქალაქო ცხოვრების საერთო დაცემა.

განსაკუთრებით სასტიკად უსწორდებოდნენ მონღოლები იმ ქალაქებს, რომელთა მოსახლეობა და გარნიზონი მედგარ წინააღმდეგობას გაუწევდა მათ (თუმცა, ხშირად ვერც მორჩილება იხსნიდა ამა თუ იმ ქალაქს დანგრევისაგან. ამ მხრივ დამახასიათებელია ქალაქ ბალხის მაგალითი), ან რომელ ქალაქსაც რაიმე „დანაშაული“ მიუძღოდა მტრის წინაშე (მაგ., ოთარარი, ბამიანი, ნიშაბური). მათთვის ერთი იყო ქალი და კაცი, დიდი და მცირე. წყაროებში არა ერთი ცნობაა დაცული, რომლებშიც მკიდროდ დასახლებული ქალაქების მოსახლეობის შეუბრალებელი გაეღებტა აღწერილი. ქალაქს რომ აიღებდნენ, მონღოლები წინადადებას აძლევდნენ მცხოვრებთ, დაეტოვებინათ ქალაქი და ველად გასულიყვნენ, ვითომც აღწერის ჩასატარებლად. შემდეგ, ჯერ ქალაქში დარჩენილთ დაერეოდნენ და მათ დახოცავდნენ, ქალაქს გაძარცვავდნენ, დაანგრევდნენ და ცეცხლს მისცემდნენ. ამის მერე ქალაქგარეთ გარეკილ მცხოვრებთ ურთიერთშორის გაინაწილებდნენ და ნაწილს ხოცავდ-

¹ بهار گاه سنه سبع و ستين و تسعمایه تمامت آن شهزادگان برغزار تلاس و کنجک جمع شدند و بعد از يك هفته طوی هشتم روز بکنجک و قوريلتای مشغول شدند... و برسم و آيين خوش زر خوردند و شرط کردند که من بعد مقام در کوه و صحرا سازند و پرامون شهرها نکردند — چهاربايانرا در کشت نکنند و از رعایا مطالبات نا موجه ننمایند — Rashid-al-din Fadl Allah... Geschichte der Khane Abaga bis Gaihatu; Kritische Ausgabe... von Karl Jahu, Prag, 1941, გვ. 13. (ქვემოთ, რაზიდ ფადლის, კ. იანის გამოც.); იხ. აგრეთვე, История Узбекской ССР, ტ. I, გვ. 307 (უნდა აღინიშნოს, რომ ყურულთაის დადგენილებაში ყველაფერი ნათელი არ არის და საწინააღმდეგო ინტერპრეტაციის შესაძლებლობასაც იძლევა. იხ. მაგ., В. В. Бартольд. История культурной жизни Туркестана, გვ. 89).

² А. А. А л и - з а д е. Монгольские завоеватели в Азербайджане и сопредельных странах в XIII—XIV веках, Вопросы истории, 1952, № 8, გვ. 62.

ნენ, ნაწილი კი, განსაკუთრებით ახალგაზრდა ქალ-ვაჟები. ტყვედ მიჰყავდათ¹.

დამპყრობელთა ხელით სიკვდილზე არა ნაკლებ საშინელი იყო მშვიდობიანი მოსახლეობისათვის „ჰაშარის“ სისტემა.

მონღოლებს წესად ჰქონდათ შემოღებული, ქალაქების ალყის დროს ყველაზე სახიფათო ადგილებში უკვე დაპყრობილი ქალაქებისა და სოფლების მოსახლეობა გამოეყენებინათ. საინტერესო ცნობებს იძლევა ამის შესახებ ჩინგიზ ყაენის თანამედროვე ჩინელი მენ-ხუნი²: „ყოველთვის, როცა მათ (მონღოლებს—რ. კ.) სურთ აიღონ რომელიმე დიდი ქალაქი, ჯერ პატარა ადგილებს ესხმიან თავს, ატყვევებენ იქაურ მცხოვრებთ და ალყაზე ერეკებიან. ამისათვის ისინი ბრძანებას გასცემენ, რომ ყოველმა ცხენოსანმა მეომარმა ათი კაცი დაატყვევოს. როცა ეს რიცხვი საესებით შეიკრიბება, ყოველი [დატყვევებული] ადამიანი იღებს ბალახის, შეშის, მიწის და ქვების გარკვეულ რაოდენობას; მათ დღე და დამ მიერეკებიან და ჩანორჩენილთ ხოცავენ. მიიყვანენ თუ არა, მაშინვე ავსებენ [ქალაქის გალავნის გარშემო მდებარე] არხებსა და თხრილებს [თან მიტანილი მასალით]“-³. იბნ ალ-ასირიცი მოგვითხრობს, რომ „მათ [ასეთი] ჩვეულება ჰქონდათ: როცა ქალაქს ებრძოდნენ, წინ აყენებდნენ იმ ტყვე მუსლიმანებს, რომელნიც თან ჰყავდათ. [აიძულებდნენ] შეეტიათ და ებრძოლათ, სოლო თუ ისინი (ტყვეები—რ. კ.) უკან ბრუნდებოდნენ, მათ ხოცავდნენ... თვითონ ისინი (მონღოლები) მუსლიმანთა ზურგს უქნიდან იბრძოდნენ, ამიტომაც ტყვე მუსლიმანები იბოცებოდნენ, თვითონ კი უვნებელი რჩებოდნენ“⁴. იგივე ისტორიკოსი გვაცნობებს, რომ ტყვე მუსლიმანები ქვეითად მიჰყვებოდნენ ცენოსან მონღოლებს და ყველას, ვინც დაიღლებოდა სიარულით, შეუბრალებლად ხოცავდნენ⁵.

მონღოლებს ათეული ათასობით მიჰყავდათ ჰაშარში დაპყრობილი ადგილების მოსახლეობა. ცხადია, რომ იმათი უმრავლესობა, ვინც ხოცვა-ღლეტას გადაურჩებოდა და ჰაშარში მოხვდებოდა, საკუთარი მოძმეების ხელით იღუპებოდა შუა აზიისა და ირანის ქალაქებისა და ციხეების ალების დროს.

უკეთეს მდგომარეობაში არ იმყოფებოდნენ ხელოსნებიც, რომელთაც მონღოლები მეტწილად სიცოცხლეს უნარჩუნებდნენ.

¹ პლანო კარპინი აღნიშნავს, რომ მონღოლები „ტყვე კალიშვილებს და გაუთხოვარ ქალებს მზარეულებად იმსახურებენ, მაგრამ არც ტანისამოსს აძლევენ და თითქმის არც აკვებენ“ (პლანო კარპინი. ისტორია მონღოლებისა, გვ. 39).

² სინოლოგმა პ. პელიომ დაამტკიცა, რომ ამ თხზულების ავტორია არა მენ-ხუნი, არამედ უაო-ხუნი. იხ. А. Ю. Якушевский. Из истории изучения монгольского периода XI—XIII вв., გვ. 54.

³ Мэн-Хуни. Записка о монголо-татарах. Перевод с китайского В. П. Васильева, ГВФ, IV, გვ. 224.

⁴ В. Тизенгаузен. Сборник материалов, т. I, гв. 18.

⁵ იქვე, გვ. 10.

ჯერ კიდევ მონღოლთა სახელმწიფოს წარმოქმნამდე, მონღოლეთში ხშირად ჩადიოდნენ ჩინეთიდან, შუა აზიიდან და ირანიდან სავაჭრო ქარავენები, რომელთაც ხელოსნებიც მიჰყვებოდნენ თან. ასე, რომ მონღოლები ადრევე იყვნენ გაცნობილი აღნიშნული ქვეყნების ხელოსნობის კულტურას და ხელოსანთა დაფასებაც იცოდნენ. ბუნებრივია, რომ განსაკუთრებით ფასობდა მათში იარაღისა და სხვა სამხედრო საქურჯლის დამამზადებელ ოსტატთა ხელობა. „დაპყრობილი ქვეყნებიდან [მონღოლებს] გამოჰყავთ ხელოსნები, რომელთაც თავიანთ თავისთვის სასარგებლოდ სთვლიან და მათ მუდმივ მონობაში ამყოფებენ“. — წერს პლანო კარპინი¹.

ჩინეთში ლაშქრობის დროს ჩინგიზ ყაენმა ბევრი ხელოსანი წამოიყვანა ამ უძველესი კულტურის მქონე ქვეყნიდან. ასევე იქცოდნენ მონღოლები შუა აზიასა, ირანსა და ამიერკავკასიაშიც. ქალაქის ალების შემდეგ ისინი ცალკე გამოჰყოფდნენ ხელოსნებს, სიცოცხლეს უნარჩუნებდნენ მათ და ყაენის უახლოეს ნათესავთა და ნოინებს შორის ანაწილებდნენ. პირველ ხანებში, ტყვედ წაყვანილ ხელოსნებს, რომელნიც მონღოლ დიდებულთა პირად საკუთრებას შეადგენდნენ, საკუთრივ მონღოლეთში აგზავნიდნენ.

საყურადღებო ცნობებს გვაწვდის მონღოლეთში გადასახლებულ ხელოსანთა შესახებ პლანო კარპინი. „სარკინოზების მიწა-წყლიდან და სხვა ადგილებიდან, — წერს იგი, — სადაც თათრები თავიანთ თავს ბატონებად გრძობდნენ, მათ საუკეთესო ხელოსნები მიჰყავთ და აიძულებენ მათთვის იმუშაონ, ხოლო სხვები გადასახადს იხდიან თავიანთი შრომიდან... თვითეულს მსახურს წონით დღეში პურის ზომიერი რაოდენობა ეძლევა, ამას გარდა სამჯერ კვირაში ცოტაოდენი ხორცი; მაგრამ ამას მხოლოდ ქალაქებში მცხოვრებნი ღებულობენ. გარდა ამისა, როცა ბატონებს მოეპრიანებათ, ისინი ყველა ხელოსანს აიძულებენ მათ მისდიონ უკან მსახურებთან ერთად... მათ ეპყრობიან... როგორც მონებს და სხვა ტყვეების მსგავსად ყოველგვარ სახიფათო საქმეზე გზავნიან, მაგალითად, ბრძოლის დროს პირველ რიგებში აყენებენ, ჰაობსა ან მდინარეში გადასვლის დროს პირველად უნდა შევიდნენ ფანში, ერთი სიტყვით, ყოველნაირად იყენებენ. თუ რაიმე დააშავეს ან პირველი ხელის დაქნევას არ დამორჩილდნენ, მათ ისე ურტყამენ, როგორც ვირებს. ისინი ცოტას ჰამენ, ცოტას სვამენ და მეტისმეტად ცუდად არიან ჩაცნული, თუ რაიმე თვით არ გამოიძუშავეს, როგორც ოქრომქედლებმა და სხვა დარგის კარგმა ხელოსნებმა. მაგრამ ზოგიერთებს ისეთი ბოროტი პატრონები ჰყავთ, რომ მათ მოსვენებას არ აძლევენ და საბატონო სამუშაო იმდენად დიდა, რომ დრო არ რჩებათ თავისთვის რაიმე გააკეთონ, თუ დასვენებასა და ძილზე უარი არ თქვენ; თავისთვის რანის გაკეთებაც მხოლოდ იმას შეუძლია, ვისაც ცოლი ჰყავს და საკუთარი სადგომი აქვს“².

ამ ვრცელი ამონაწერიდან კარგად ჩანს, თუ როგორი იყო მონღოლეთში გადასახლებულ ხელოსანთა მუშაობისა და ცხოვრების პირობები. წათ შეუბრალებელ ექსპლოატაციას უწევდნენ მონღოლთა არისტოკრატის

¹ პლანო კარპინი. ისტორია მონღოლებისა, გვ. 39.

² იქვე, გვ. 38—39.

წარმომადგენლები, ნახევრად მშვივრებს ამყოფებდნენ და საკუთარი სადგომებიც კი არ გააჩნდათ. კიდევ მეტიც, მონღოლებს შეეძლოთ ტყვე ხელოსანები თავისი სურვილისდა მიხედვით ყველაზე მძიმე და სახიფათო სამუშაოებზეც გამოეყენებინათ.

წყაროების ცნობით, შუა აზიიდან და ირანიდან გაყვანილი ხელოსნები მონღოლეთში ხშირად ერთად სახლდებოდნენ და საკმაოდ მრავალრიცხოვან კოლონიებს ქმნიდნენ¹. მაგრამ, როგორც ჩანს, ხელოსანთა ასეთი გადასახლება არ გამოდგა ხელსაყრელი, რადგან მონღოლეთში არ მოიპოვებოდა აუცილებელი ნედლეული და მომთაბარე მეჯოგეთა მეურნეობაც ვერ ქმნიდა საჭირო პირობებს კულტურული ქვეყნების ხელოსანთა რაციონალური ექსპლოატაციისათვის. ამის გამო, ბუნებრივია, რომ ხელოსნები ვეღარ ამზადდებდნენ სრულფასოვან ნაწარმს, რასაც თვითონ მონღოლებიც ამჩნევდნენ². ამიტომაც, მონღოლთა პირველი ლაშქრობების შემდეგ ხელოსანთა მონღოლეთში მასიურ გადასახლებას თითქოს აღარ უნდა ჰქონოდა ადგილი, ხოლო უგედვი ყაენის დროს (1229 — 1242) გადასახლებული ხელოსნების ნაწილი უკანაც დაუბრუნებიათ³.

ამგვარად, მონღოლთა შემოსევების შედეგად აღმოსავლეთის მთელი რიგი ქვეყნების ქალაქების მოსახლეობის მნიშვნელოვანი ნაწილი ბრძოლაში დაიხოცა, დანარჩენები მონღოლებმა ჰაშარში წაიყვანეს, მონღოლეთში გადაასახლეს (ხელოსნები და ახალგაზრდა ქალ-ვაჟები) ანდა ურთიერთშორის გაინაწილეს და შეუბრალებლად გაეღიტეს.

შუა აზიის, ირანისა და ამიერკავკასიის ქვეყნების ქალაქებსა და სოფლებში დატრიალებული ამბები, რასაც კ. მარქსი „სისიტემატური ტერორის რეჟიმს“ უწოდებდა, საყოველთაო ნგრევა-განადგურებისა და ხოცვა-ღლეტის სურათს წარმოადგენდა.

1219 წლის შემოდგომაზე მონღოლებმა ალყა შემოარტყეს ოთარას. აქვე ჩინგიზ ყაენმა თავისი ლაშქარი რამდენიმე ნაწილად გაჰყო და სხვადასხვა მიმართულებით გაუსია, თვითონ კი ბუხარას მიაშურა⁴.

ხანგრძლივი ალყის შემდეგ ოთარაი აღებულ იქნა. მონღოლებმა ქალაქის მოსახლეობა ვეღად გარეკეს, ქალაქი გაძარცვეს, ციხე და გალავანი მიწასთან გაასწორეს. გადარჩენილი მოსახლეობის ნაწილი ჰაშარში წაიყვანეს, ხელოსნები კი დაატყვევეს, რათა დანიშნულებისამებრ გამოეყენებინათ⁵.

¹ ჯ. უ. ვი. ნი, ტ. I, გვ. 82, 112; ქ ა ფ ე ხ ე ა ბ რ უ, ლენინგრადის სალტიკოვ-შენდ-რინის სახ. ბიბლიოთეკის ხელნაწერი, დორნის კატ. № 290, ფ. 225 6.

² იბ. მაგ., ისტორიკოს ვ. ს. ფ. ხ. ა. რ. ის მოთხრობა მონღოლეთში გადასახლებულ ჰერათელ ხელოსანთა შესახებ. В. В. Бартольд. Туркестан в эпоху монгольского нашествия, ნაწ. I, ტექსტები, გვ. 165.

³ Хондемир. История монголов, Перевод В. В. Григорьева, СПб, 1834, გვ. 84; А. М. Беленицкий. К вопросу о социальных отношениях в Иране и хулагуидскую эпоху, СВ, V, გვ. 122.

⁴ ჯ. უ. ვი. ნი, ტ. I, გვ. 51—52.

⁵ ი. კ. შ., გვ. 53.

ბუხარა ცუდად იყო მომზადებული თავის დასაცავად; მისი გარნიზონი სულ 12 — 20 ათასი კაცისაგან შედგებოდა. მონღოლებმა ორ კვირაში აიღეს ქალაქი და ციხე, მოსახლეობა ქალაქგარეთ გარეყვეს, ხოლო, ვინც არ დაემორჩილა, დახოცეს. შემდეგ მათ ქალაქი გაძარცვეს და გადაწვეს, გალავანი და ციხე-სიმაგრე მოთხარეს; ახალგაზრდა და შუახნის მამაკაცები ჰაშარში წაიყვანეს. დამახასიათებელია ჯუჯეინის ერთი ცნობა ბუხარის აღების შესახებ, რომელიც მეტნაკლები სისრულით თითქმის ყველა სხვა ქალაქის მიმართაც გამოდგება. ბუხარის ერთი მცხოვრები მტრისაგან ქალაქის აღების შემდეგ გაიქცა და ხორასანს მივიდა. ბუხარის ამბავი რომ ჰკითხეს, უპასუხა: „მოვიდნენ, მოთხარეს, გადაწვეს, დახოცეს, წაიღეს (წაიყვანეს) და წავიდნენ“¹.

სამარყანდი კარგად იყო გამაგრებული და ნელგარი წინააღმდეგობა ვაუწყია მომხდურთ. ისევე, როგორც სხვა ქალაქებში, აქაც განსაკუთრებით თავგამოდებით იბრძოდნენ მოსახლეობის დაბალი ფენები. მაგრამ ხორეზმშაჰის დაქირავებული ლაშქრის ლალატისა და ქალაქის არისტოკრატიის ორკოფული მოქმედების წყალობით, მტერმა შეძლო სამარყანდის აღება. მოსახლეობა ჩვეულებისამებრ ველად გარეყვეს და „აღწერეს“. მერე ოცდაათი ათასი ხელოსანი გამოარჩიეს და ჩინგიზ ყანგმა ისინი თავის ვაჟებსა და მახლობლებს გაუნაწილა². ამდენივე მამაკაცი ჰაშარში წაიყვანეს. მონღოლებს ამის შემდეგაც არა ერთხელ წაუყვანიათ სამარყანდიდან ჰაშარი, რის გამოც, ჯუჯეინის სიტყვით, ქალაქი თითქმის დაიცალა მოსახლეობისაგან³.

სამარყანდიდან ჩინგიზ ყანგმა თავისი ორი საუკეთესო სარდალი — ჯებე და სუბუდაი გაგზავნა 30 ათასი რჩეული მეომრით მოჰამედ ხორეზმშაჰის შესაპყრობად. მიღებული ინსტრუქციის თანახმად, ისინი არსად არ უნდა შეჩერებულიყვნენ ქალაქების ასაღებად, მათ მიზანს მხოლოდ მოჰამედის ხელში ჩაგდება შეადგენდა. შიშით შეპყრობილი ხორეზმშაჰი, რომელსაც საკმაოდ მრავალრიცხოვანი ლაშქრის შეგროვება შეეძლო წინააღმდეგობის გასაწევად, სამარცხვინოდ გარბოდა, მონღოლები კი ფეხდაფეხ ნისდევდნენ და მის დატყვევებას ცდილობდნენ.

იბნ ალ-ასირი, ჯუზჯანი და რაშიდ ედ-დინი⁴ მოგვითხრობენ, რომ ჯებესა და სუბუდაის მეთაურობით გაგზავნილი ლაშქარი არსად შეჩერებულა ხანგრძლივად ქალაქების ასაღებად და დასანგრევად. მაგრამ, ამავე წყაროების ცნობით, მონღოლთა ამ ზეწინავე რაზმმა ბევრი საშინელება დაატრიალათ ირანსა და ამიერკავკასიის ქვეყნებში, განსაკუთრებით მას შემდეგ, რაც ხორეზმშაჰ მოჰამედის სიკვდილი ცნობილი შეიქნა მათთვის.

¹ آمدند و کینند و سوختند و کشتند و بردند و رفتند — Җ. җ. 336 и 6, т. I, 83-67.

² იქვე, 83-77.

³ იქვე, 83-77—78.

⁴ В. Тизенгаузен. Сборник материалов, т. I, 83-12; The Tabaqat-i-Nasiri of Aboo Omar Minhaj al-din al Gawjani. Ed. By W. Nassau Lees, Calcutta, 1864—1866, т. 3, 341 (ქვემოთ, — Җ. җ. 346 и 6); Р. а ш и д-а д-а и н. История Чингис-хана, Персидский текст, русский перевод и примечания И. И. Барезина, ТВО, XV, С116, 1888, სპარს. ტექსტი, 83-98 (ქვემოთ, რაშიდ ედ-დინი, ТВО, XV).

ჯებე და სუბუდაი ჯერ ბალხს მიადგნენ. ქალაქი უბრძოლველად დანებდა და მისთვის ვნება არ მიუყენებიათ. აქედან ზავესთან მივიდნენ და ალაფი მოითხოვეს, მაგრამ მცხოვრებლებმა უარი განაცხადეს დამორჩილებაზე. მონღოლებმა სამი დღის ბრძოლის შემდეგ აიღეს ქალაქი, მოსაპლგობა გაწყვიტეს, რისი წაღებაც ვერ შესძლეს, დაწვეს და გაანადგურეს¹. შეადგენიშაბურს მიადგნენ, მაგრამ ქალაქს ანჯერად არ გაუწევია წინააღმდეგობა. აქედან ჯებე ჯუეიინისკენ გაემართა, სუბუდაი კი ტუსისაკენ. გზად, ვინც დამორჩილდებოდა, ხელს არ ახლებდნენ, ვინც წინააღმდეგობას გაუწევდა, გაჟლეტდნენ. ასე მოიქცა სუბუდაი ტუსში, ხაბუშანში, ესფერაინში, დამლანში, სემნანში და რეის მიაღვა².

ამასობაში ჯებეს რაზმმა მუზანდარანი დაიპყრო და მრავალი მცხოვრები გამოასალმა სიცოცხლეს. განსაკუთრებით ბევრი დახოცეს მთავარ ქალაქ ამოლსა და ასთარაბადში. შემდეგ ისინი რეისკენ წავიდნენ. ქალაქის მცხოვრებნი იმ დროს ურთიერთშორის რელიგიური ბრძოლით ყოფილან გართულნი და გვიან გაიგეს მტრის მოახლოება. მონღოლებმა ქალაქი აიღეს, ქალები და ბავშვები დაატყვევეს³. აქ მათ გაიგეს, რომ მოჰაძედ ხორეზმშაჰი ჰამადანისკენ წასულიყო. ჯებე ჰამადანისკენ დაიძრა. სუბუდაი კი ყაზვინს მიაშურა. ისინი ძარცვავდნენ ყოველ ქალაქს და სოფელს, წვაენდნენ და ანგრევდნენ შენობებს, ხოცავდნენ და ატყვევებდნენ ქალებს, კაცებს და ბავშვებს⁴. ჰამადანის მმართველმა დიდძალი ფულით, ტანსაცმლით, სანოვაგითა და პირუტყვით გამოიხსნა ქალაქი⁵. ზენჯანის აღებისა და გაძარცვის შემდეგ მონღოლებმა ყაზვინი აიღეს დიდი ბრძოლით. იბნ ალ-ასირის ცნობით, ქალაქის მცხოვრებთაგან ამ ბრძოლაში 40 ათასი კაცი დაღუპულა.

იმავე (1220) წლის ზამთარში მონღოლები აზერბაიჯანში მივიდნენ. გზად ისინი იპყრობდნენ და აოხრებდნენ პატარა ქალაქებსა და სოფლებს, ძარცვავდნენ და ხოცავდნენ მოსახლეობას. ქალაქი თავრიზი დიდძალი გამოსასყიდლის გადახდით იხსნა ათაბეგმა უზბეგმა⁶. მერე მონღოლებმა საქართველოში შექრა სცადეს, დაამარცხეს კიდევ ქაროველთა ლაშქარი, მაგრამ იძულებული შეიქნენ უკან გამობრუნებულიყვნენ. სამხრეთ აზერბაიჯანსა და ამიერკავკასიაში მონღოლებმა მრავალი ქალაქი აიღეს, გაძარცვეს და დაანგრიეს. მათ შორის იყო მარაღა, სარავი, არღებილი, ბელაქანი, განჯა, შემახა⁷. შემდეგ კი „განვლეს კარი დარუბანდისა და შევიდეს ყივჩაღეთსა“⁸.

¹ ჯუეიინი, ტ. I, გვ. 91.

² იქვე, გვ. 92.

³ В. Тизенгаузен. Сборник материалов, т. I, гв. 14.

⁴ ჯუეიინი, ტ. I, გვ. 93.

⁵ იქვე (მაგრამ ცოტა ხნის შემდეგ მონღოლები უკან მიუბრუნდნენ ჰამადანს და მიწასთან გაასწორეს ქალაქი).

⁶ იბნ ალ-ასირი. В. Тизенгаузен. Сборник материалов. т. I, гв. 15.

⁷ იქვე, გვ. 15, 17—18, 22—24.

⁸ ქამთალმწერელი, გვ. 561.

1223 წელს ჯებესა და სუბუდაის რაზმებმა მდ. კალკასთან დაამარცხეს რუსებისა და ყივჩაღთა გაერთიანებული ლაშქარი, მერე ჩრდილოეთით მოუარეს კასპიის ზღვას და ძირითად ლაშქარს შეუერთდნენ.

ჯებესა და სუბუდაის ლაშქრობის შედეგები მეტად საეკლალაო აღმოჩნდა კავკასიისათვის. ქვეყნები განადგურებული იყო; ქალაქების მოსახლეობის დიდი ნაწილი გაივლიტა; ქალაქებში თითქმის აღარ დარჩნენ ხელოსნები.

ამით არ დამთავრებულა მონღოლთა მიერ შუა აზიის, ირანისა და ამიერკავკასიის ქვეყნების დაპყრობა-აოხრება. 1221 წლის დასაწყისში¹ ჩინგიზ ყაენმა „წარმოავლინა შვილი თვისი უმრწამესი თული ხეარასნისა მოთვალვად“².

თვითონ ჩინგიზ ყაენი, თერმეზის აღებისა და დანგრევის შემდეგ, ბალსს მიაღდა. ქალაქის წარჩინებულნი საჩუქრებითა და მორჩილების გამოცხადებით ეახლნენ მონღოლთა მბრძანებელს. მან ჯერ შეიწყალა მოქალაქენი, შემდეგ ბრძანა, მთელი მოსახლეობა ქალაქიდან გარეთ გამოერეკათ „აღსაწერად“, მებრძოლებს გაუნაწილა ჩვეულებისამებრ და დაახოცინა. ქალაქის გლავანი და სიმგარეები მოთხარეს, სახლები დაწვეს და დაანგრიეს³. ამრიგად, მორჩილების გამოცხადებამ ბალხი ვერ იხსნა აოხრებისაგან და მანაც სხვა ქალაქების ბედი გაინაწილა.

1221 წლის ზამთარში ჯუჩისა და ჩალათაის რაზმებმა ალყა შემოარტყეს ხორეზმშაჰის სახელმწიფოს დედაქალაქს—გურგანჯს. ხანგრძლივი ბრძოლის შედეგად მათ აიღეს და სრულიად დანგრიეს ქალაქი. ცოცხლად დარჩენილი მოსახლეობა ქალაქგარეთ გარეკეს. ასი ათასი ხელოსანი გამოარჩიეს, გაინაწილეს და აღმოსავლეთის ქვეყნებში გაგზავნეს⁴. ჯუჯეინი მოგვითხრობს, რომ გურგანჯიდან გადასახლებული ხელოსნები მის დროსაც საკმაოდ დიდი რაოდენობით სახლობდნენ თურქესტანში ბევრ ადგილას⁵.

გურგანჯის მცხოვრებთაგან დამპყრობლებმა ახალგაზრდა ქალებსა და ბავშვებს სიცოცხლე შეუნარჩუნეს და ტყვედ წაიყვანეს, დანარჩენები კი მემორებეს გაუნაწილეს და ერთიანად გაელიტეს. ჯუჯეინის ცნობით, თვითეულ მათგანს 24 კაცი რგებია⁶. მონღოლთა რიცხვი კი 50 ათასს აღემატებოდა⁷. იბნ ალ-ასირი მოგვითხრობს, რომ გურგანჯის აღებისა და გაძარცვის შემდეგ, მონღოლებმა გახსნეს მდ. ჯეიჰუნის ჯებირი, რის შედეგად წყალმა დაფარა მთელი ქალაქი და ყველა, ვინც კი იმ დროს იქ იმყოფებოდა, დაიღუპა⁸.

¹ ამ დროს ხორეზმშაჰი მოჰამედი უკუ გარდაცვლილი იყო და მონღოლთა წინააღმდეგ ბრძოლას მისი ვაჟი ჯულალ ედ-დინი ხელმძღვანელობდა (1220—1231).

² ქ ა მ თ ა ა ლ მ წ ე რ გ ლ ი, გვ. 585.

³ ჯ უ ჯ ე ი ნ ი, ტ. I, გვ. 84; რ ა შ ი დ ე დ-დ ი ნ ი. TBO, XV, გვ. 114—115.

⁴ ი ქ ვ ე, გვ. 81—82.

⁵ ი ქ ვ ე, გვ. 82.

⁶ ჯ უ ჯ ე ი ნ ი, ტ. I, გვ. 81.

⁷ რ ა შ ი დ ე დ-დ ი ნ ი. TBO, XV, გვ. 110; ხონდემირის ცნობით, მონღოლთა ლაშქარში 100 ათასი კაცი ყოფილა (X о я д е м и р. История монголов, გვ. 25).

⁸ В. Т я з е н г а у з е н. Сборник материалов, ტ. I, გვ. 32.

ამავე დროს თული, რომელსაც ხორასნის ქალაქების აღება ევალებოდა, მერვს მიადგა. ძლიერი ბრძოლის შემდეგ მონღოლებმა ქალაქი აიღეს, ციხე და გალავანი მოთხარეს და მოსახლეობა, გარდა ტყვედ წაყვანილი 400 ხელოსნისა და ახალგაზრდა ქალ-ვაჟებისა, მთლიანად გაწყვიტეს.¹ XV საუკუნის ისტორიკოსისა და გეოგრაფის—ჰაფეზე აბრუს ცნობით, მონღოლებს მერვიდან სულ ორმოცი ხელოსანი წაუყვანიათ — მახვილების, მშვილდების და ისრების მკეთებელი ოსტატები და მჭედლები². მერვმა ამის შემდეგაც რამდენიმეჯერ განიცადა მონღოლთა ბრბოების თარეში, რის გამოც ცხოვრება ქალაქში დიდი ხნით სრულიად ჩაკვდა.

მერვის აღების შემდეგ თულიმ ხორასნის მთავარ ქალაქს — ნიშაბურს შემოარტყა ალყა. მან არ მიიღო მცხოვრებთა წინადადება დამორჩილების შესახებ და ბრძოლით აიღო ქალაქი. საყურადღებო ცნობებს იძლევა ნიშაბურის აღების შესახებ ქართული ეპითალმწერელი. საინტერესოა აღინიშნოს, რომ ასეთი ცნობები არ გვხვდება არც ერთ სხვა წყაროში ან გამოკვლევაში. ეპითალმწერელი მოგვითხრობს, რომ თული „მივიდა ნიშაბურს, სადა ნიშაბურელთა სამგზის წყობა ყვეს და ბრძოლასა თვის პირველსა ჯელთ იგდო ქალაქი, სადა იგი სამასი ათასი კაცი თავდაკუთით მოკლა, ხლო მერორსა ჯერსა ასი ათასი და მესამესა ომსა ოცდათორმეტი ათასი“³.

ნიშაბურის კედლებთან 1220 წ. შემოდგომაზე მოკლული ჩინგიზ ყანგის სიძის—თოღაჩარის სისხლის სამაგიეროდ⁴ განრისხებულმა ყანგმა ბრძანა გაეფლიტათ მოსახლეობა და მიწასთან გაესწორებინათ ქალაქი ისე, რომ მის ადგილზე ხენა-თესვაჲ კი ყოფილიყო შესაძლებელი⁵. ისტორიკოსი ჯუზჯანი მოგვითხრობს, რომ ქალაქის დანგრევის შემდეგ გალავანი მოთხარეს და ნაქალაქარი გადახნეს, ასე რომ, ნაგებობათა კვალიც კი აღარ დარჩა⁶. საყოველთაო ხოცვა-ჟლეტას გადაურჩა მხოლოდ 400 ხელოსანი, რომელნიც თურქესტანში გადაასახლეს.

ისტორიკოს ნესაეის სიტყვით, „ეს მაგალითი გამოდგება ხორასნის, ხორეზმის, ერაყის, მაზანდარანის, აზერბაიჯანის, ლურის, ლაზნის, ბამიანის და სეჯესტანის ქალაქების მიმართაც, ვიდრე ინდოეთის სახლვრებამდე“⁷.

¹ ჯუჯეინი, ტ. I, გვ. 102.

² *جهل تن را از صناعات چون سیاف و قوس و سهم و حدادرا بجان دادند* — ჰაფეზე აბრუს ციტ. ხელნაწერი, ფ. 225 a.

³ *ქ ა მ თ ა დ მ წ ე რ ე ლ ი*, გვ. 586.

⁴ თულიმ რომ ხორასნის ქალაქების დაპყრობის ბრძანება მიიღო, თოღაჩარი ავანგარდში გაგზავნა 10 ათასი მეომრით. მან ნიშაბურს შემოარტყა ალყა, მაგრამ ბრძოლაში მოკლავს მისი ლაშქარი ორად გაიყო: ერთმა სებევეარი აიღო და 70 ათასამდე კაცი გაჟლიტა, მეორემ კი ტუსს მიაშურა, სადაც უკვე ბრძოლა წარმოებდა სიმაგრეების ასაღებად. მონღოლებმა ეს ქალაქიც აიღეს, მოსახლეობა დახოცეს, სიმაგრეები კი დანგრევი (ჯუჯეინი. ტ. I. გვ. 110—111).

⁵ იქვე, გვ. 112.

⁶ ჯუჯანი, გვ. 351.

⁷ *МИТТ*, ტ. I, გვ. 475.

რადგან „მომხდარი ამბები ერთი მეორეს წააგავს და არაფერი ყოფილა გარდა საყოველთაო ხოცვა-ჟლეტისა და ნგრევისა“¹.

ჰერათი თავდაპირველად გადაურჩა გაძარცვასა და დანგრევას. ქალაქი ნებაყოფლობით დანებდა მტერს და ამიტომ მონღოლებს მისთვის ზიანი არ მიუყენებიათ. მათ მხოლოდ ხორეზმშაჰის თორმეტი ათასი მეომარი დახოცეს აქ და ათასი ხელოსანი ოჯახებითურთ, მათ შორის ასი ფეიქარი და დანარჩენები სხვა ხელობისა, თურქესტანში გადაასახლეს². შემდეგ მათ თავისი განგებელი („შეჰნე“) დააყენეს ქალაქში და გაეცალნენ. მას შემდეგ, რაც ჯგულალ ედ-დინის მიერ ბამიანსა და ლაზნასთან მონღოლთა ლაშქრის დაზარცხების ამბავი ცნობილი შეიქნა, ხორასნის ყველა ქალაქი, სადაც მონღოლებს თავისი შეჰნეები ჰყავდათ დანიშნული, აჯანყდა (მათ შორის ჰერათიც) და მონღოლი მოხელეები დახოცეს. ამის გამო, მონღოლები მიუბრუნდნენ ჰერათს. ბრძოლით აილეს იგი, გაძარცვეს და დაანგრიეს, მოსახლეობა კი ძთლიანად გაეღიტეს³.

მალე ჩინგიზ ყაენი თავისი ლაშქრით უკან გაბრუნდა და 1225 წელს მონღოლეთში მივიდა, სადაც მალე გარდაიცვალა (1227 წ.).

ჩინგიზ ყაენს საბოლოოდ არ დაუმორჩილებია შუა და მახლობელი აღმოსავლეთის ქვეყნები. მართალია, მავერანნაჰრსა და ხორეზმში მონღოლებს 1223 წლის შემდეგ სერიოზული მოწინააღმდეგეები აღარ ჰყოლიათ, მაგრამ ირანი და ამიერკავკასია ჯერ კიდევ არ იყო დაპყრობილი და შემოტევილი.

მალე ინდოეთიდან ირანს დაბრუნდა ხორეზმშაჰი ჯგულალ ედ-დინი, რომელსაც მონღოლებზე ნაკლები ზიანი როდი მიაყენა ირანსა და ამიერკავკასიას. წამთაღწერლის სიტყვით, ხორეზმშაჰი „იყო კაცი მკნე, ქველი, შემმართებელი, უშიში, ვითარ უჭორცო, ძალითა საჩინო, წყობათა შინა უცხო“⁴. მაგრამ, როგორც სამართლიანად შენიშნავს აკად. ივ. ჯავახიშვილი, „სპარსეთისა, ადარბაგანისა და საქართველოსათვის ჯალალედინის მოღვაწეობას ზიანის მეტი არა მიუყენებია რა“⁵. ჯგულალ ედ-დინი, რომელიც ქრისტიანთა მიმართ შეუწყნარებელ რელიგიურ პოლიტიკას ატარებდა და ხშირად მონღოლებზე ძეტ საშინელებას სჩადიოდა, ამავე დროს, დაპყრობილი ქვეყნების მოსახლეობის შეუბრალებელ ექსპლოატაციასაც ეწეოდა. ამის გამო მან ვერ შეძლო შუა და მახლობელი აღმოსავლეთის ქვეყნების ძალთა დარაზმვა მომხდური მტრის წინააღმდეგ საბრძოლველად, ლაშქარი თანდათან შემოფანტა და მართოდ დარჩენილი მოიკლა 1231 წელს.

მონღოლთა სახელმწიფოს ახალმა უზენაესმა მმართველმა უგედეი ყაენმა ტახტზე ასვლისთანავე დიდი ყურადღება მიაქცია ირანისა და ამიერკავკასიის დაპყრობას და რაზმები განოპყო დასავლეთში სალაშქროდ. ლაშქარს, რომე-

¹ MHTT, ტ. 1, გვ. 473.

² ჯ უ ხ ა ნ ი, გვ. 355. ჰაფეზე აბრუ. ციტ. ხელნაწ., ფ. 228 ა.

³ ი კ ვ ე, გვ. 351: ჰაფეზე აბრუ. ფ. 228 ბ.

⁴ მარამისეული ქართლის ცხოვრება, გვ. 558.

⁵ ი. ჯ ა ვ ა ხ ი შ ვ ი ლ ი. ქართული ერის ისტორია, წიგნი III, 1949, გვ. 73.

ლიც 30 ათასი კაცისაგან შედგებოდა, ჩორმალუნ ნოინი სარდლობდა¹. მონ-
ლოლები ირანში შეიჭრნენ, აიღეს და დაანგრეს ერაყის, აზერბაიჯანის, გილა-
ნის, ტაბარისტანის ქალაქები². ისტორიკოს ჯუზჯანის ცნობით, ერთადერთი
ქალაქი, ირანის ერაყში, რომელიც დანგრევას გადაურჩა, ისფაჰანი იყო. იგი
მხოლოდ ამ ქვეყანაში მონღოლთა გამოჩენის 15 წლის შემდეგ იქნა აღე-
ბული³.

ჩორმალუნ ნოინმა ყუმისა და ქაშანის მახლობლად დაიბანაკა და აქე-
დან დაგზავნა რაზმები სხვადასხვა მიმართულებით⁴. ფარსის ათაბეგმა და
ქერმანის გამგებელმა ყოველწლიურად გარკვეული ხარკის ძლევა აღუთქვეს
მონღოლებს და აწით იხსნეს ირანის ეს ოლქები აოხრებისაგან⁵.

მონღოლები ამიერკავკასიასაც შეესივნენ და აქაც ისეთივე ამბები დაატ-
რიალეს, რაც სხვაგან. აზერბაიჯანში, სომხეთსა და საქართველოში მათ მრავა-
ლი დიდი თუ მცირე ქალაქი აიღეს და გაძარცვეს. „ამ ლაშქრის რაზმები—
მოგვიტოვრობს სომეხი ისტორიკოსი სტეფანოს ორბელიანი, — ქარიზმულით
შემოიჭრნენ ჩვენს ქვეყანაში, მოკლე ხანში დაიპყრეს მთელი სამყარო, ფეხ-
ქვეშ გათელეს და ააოხრეს მთელი სამეფო: აიღეს ხორასანი და დაანგრეს
ხალხმრავალი ქალაქები: ბალხი, ჰერათი, მერვი, ნიშაბური, ტუსი და დამ-
ლანი; დაიპყრეს ხუზუსტანი, ლურესტანი, სპარსეთი, კოჰესტანი, არაბის-
ტანი...დაიპყრეს აზერბაიჯანი, არანი, სომხეთი და საქართველო.“⁶ მონღო-
ლური ხანის სომეხ ისტორიკოსებს და ქართველ გამთავალმწერებს საკმაოდ
ერცლად აქვთ აღწერილი ის ნგრევა-განადგურება, რაც მონღოლებმა მოუ-
ტანეს ამიერკავკასიის ქვეყნებს⁷.

შედარებით მოკლე ხანში მონღოლებმა აიღეს, გაძარცვეს და ააოხრეს
განჯა, შამქორი, ლორე, ანისი, დმანისი, თბილისი და სხვა ქალაქები. კი-
რაკოს განძაკელი მოგვიტოვრობს, მონღოლებმა თანდათანობით ისე მოასუფ-

¹ Djani et-tovarikh... Tarikh-i Moubarek-i Ghazani, éditée par E. Blochet.
t. II, contenant l'histoire des l'empereurs Mongols successeurs de Tchinkiz-Khagan,
London, 1911, GMS, vol. XVIII/2, გვ. 18. ჯუზჯანი ცნობით, მონღოლთა ლაშქარი 50
ათასი კაცისაგან შედგებოდა (გვ. 387); ერთადმწერელი მოგვიტოვრობს, რომ ყინმა გამოგზავნა
ოთხი ნოინი—ჩორმალუნი, ჩალათაი, იასაური და ბაიჩუ, რომელთა შორის „უპირველესი“
ჩორმალუნი იყო. თეთოფულ მათგანს 10 ათასი მეომარი ჰყოლია (გვ. 589—590); შდრ. კირა-
კოს განძაკელი. История монголов по армянским источникам, вып. II, Перевод
К. П. Патканова, СПб. 1874, გვ. 13—14.

² ჯუზჯანი, გვ. 387; შდრ. ერთადმწერელი, გვ. 590.

³ ჯუზჯანი, გვ. 387; კირაკოს განძაკელის ცნობით, მონღოლებს ამჯერად ისფა-
ჰანიც აულიათ (История монголов по армянским источникам, вып. II, გვ. 11—15).

⁴ ჯუზჯანი, გვ. 388.

⁵ იქვე.

⁶ История монголов по армянским источникам, вып. I, გვ. 32.

⁷ История монголов ниока Магачи XIII века, Перевод К. П. Патканова,
СПб, 1871, გვ. 8—9; История монголов по армянским источникам, вып. I, გვ. 32—33;
История монголов по армянским источникам, вып. II, გვ. 13—18, 21, 22, 30—32,
35—36; მარიამისეული ქართლის ცხოვრება, გვ. 589—592.

თავის აქაურობა, რომ ბოლოს და ბოლოს აღარაფერი იზიდავდა მათ ამ მხარეშიო¹.

ამის შემდეგ მონღოლებმა მცირე აზიაც ააოხრეს რანდენიმე თვეში; ქალაქები გაძარცვეს და დაანგრეს, მოსახლეობა დახოცეს, ხელოსნები კი დაატყვევეს და უკან გამობრუნდნენ.²

ამგვარად, XIII საუკუნის 40-იანი წლებისთვის თითქმის მთელი ირანი უკვე მონღოლთა ხელში იყო, თუმცა კი მათი ბატონობა ჯერ კიდევ არ იყო აქ მტკიცე.

მონღოლთა ურდოების შემოსევებმა უდიდესი უბედურება მოუტანა წინა აზიისა და აღმოსავლეთ ევროპის ქვეყნებს და დიდი ხნით შეაფერხა მათი განვითარება. განსაკუთრებით დაზარალდა შემოსევების დროს შუა აზიის, ირანისა და ამიერკავკასიის ქალაქები.

მონღოლები, რა თქმა უნდა, არც სოფლებს ინდობდნენ. სოფლების გადაწვა და მოსპობა, ნათესების განადგურება და ბაღების გაჩეხვა, მიზნად ისახავდა გაშლილი ველების—საძოვრებისა და სანადირო ადგილების შექმნას. თავისთავად ცხადია, რომ ყველაფერს ამას თან სდევდა სოფლის მეურნეობის დაცემა, რაც ერთ-ერთი მთავარი პირობა იყო ქალაქების და საქალაქო ცხოვრების დაცემა-დაქვეითებისა მომავალში. ფეოდალურ ხანაში, როცა სოფელს განსაკუთრებული მნიშვნელობა აქვს, როცა სოფლის მეურნეობაა გადამწყვეტი ქვეყნის ცხოვრებაში და არა ვაჭრობა და ხელოსნობა, სხეანაირად არც შეიძლებოდა მომხდარიყო.

აღსანიშნავია ის გარემოება, რომ მთელს მაშინდელ მახლობელ აღმოსავლეთში არ აღმოჩნდა ისეთი ძალა, რომელიც შეძლებდა წინ აღდგომოდა მონღოლებს. ხორეზმშაჰი მოჰამედი, რომელსაც საკმაოდ მრავალრიცხოვანი ჯარი ჰყავდა, მაგრამ რომელიც აქ ენდობოდა ამ ჯარს, შიშით შეპყრობილი გარბოდა. დამახასიათებელია, რომ გენერალური ბრძოლა ჩინგიზ ყანისა და ხორეზმშაჰის ჯარებს შორის არ მომხდარა. მონღოლებმა ნაწილ-ნაწილ გაანადგურეს მოჰამედის ლაშქარი. მეტად საინტერესოა მონღოლური ხანის ისტორიკოსთა თვალსაზრისი ამ საკითხში. „მე გამოაცა იმ შიშმა, რომელმაც მოიცვა სახელმწიფოს ბურჯები და დიდებულნი. ამასთან, მათ არ სჯეროდათ, რომ რომელმე სიმაგრეს შეეძლო მათი დაცვა ან, რომ რაიმე ძალა შეძლებდა მოეგერიებინა და განედევნა მტერი“.—წერს მოჰამედ ნესავი.³

ფეოდალური არისტოკრატია უძლური აღმოჩნდა. მან ვერ შეძლო, განსაცდელის უამს სათავეში ჩადგომოდა ხალხთა მასების ბრძოლას და სათანადო წინააღმდეგობა გაეწია მტრისათვის.

ყველგან, როგორც შუა აზიაში, ასევე ირანში, ამიერკავკასიისა და სხვა ქვეყნებშიც, მონღოლთა წინააღმდეგ ყველაზე აქტიურად იბრძოდნენ

¹ История монголов по армянским источникам, вып. II, гл. 15.

² В. А. Гордлевский. Государство Сельджукидов Малой Азии, гл. 35—37; ქართალმწერელი, გვ. 600—604.

³ МИТТ, ტ. I, გვ. 475.

ხალხთა მასები, განსაკუთრებით, ქალაქის მოსახლეობის დაბალი ფენები— ხელოსნები და ქალაქის ლატაკები. ისინი მედგრად იცავდნენ ქალაქებს და მას შემდეგაც კი არ ნებდებოდნენ მტერს, როცა ქალაქის მმართველი თუ მფლობელი ფეოდალები მორჩილებას განუცხადებდნენ ხოლმე მონღოლებს.

XIII საუკუნის შუა წლებისათვის მონღოლთა მფლობელობაში იმყოფებოდა ხორასანი, ირანის ერაყი, ჩრდილოეთ ირანის ნაწილი, ამიერკავკასია (სომხეთი და აზერბაიჯანი მონღოლებს დაპყრობილი ჰქონდათ, აღმოსავლეთ საქართველო კი მათ ვასალად აღიარებდა თავს) და მცირე აზიის აღმოსავლეთი ნაწილი. მაგრამ, როგორც რაშიდ ედ-დინი შენიშნავს, მონღოლთა ბატონობა აქ არ იყო მტკიცე¹.

გილანის, მაზანდარანისა და კოჰესტანის მთებში ბატონობდნენ ისმაილიტები, რომელნიც მტრულად იყვნენ განწყობილნი მონღოლთა მიმართ და დიდ ზიანსაც აყენებდნენ მათ თავიანთი ფედაების საშუალებით². ისმაილიტთა ორდენს აქ მრავალი ციხე ჰქონდა, რომელთა შორის მთავარი იყო ორდენის მეთაურის რეზიდენცია ალაშუთი. მათვე ეკუთვნოდათ ციხეების ახლომახლო მდებარე მიწებიც.

ფარსში, ქერმანსა და ლურესტანში ბატონობდნენ ადგილობრივი დინასტიები, რომლებიც მონღოლთა ვასალებად ცნობდნენ თავს³.

არაბეთის ერაყი ბალდადითურთ და ხუზისტანის ნაწილი ხალიფას სამფლობელოს შეადგენდა; მცირე აზიაში სამი ვასალური სახელმწიფო არსებობდა—რუმის სასულთნო, ტრაპიზონის საკეისრო და კილიკიის სომხური სამეფო. სირიას არ შეხებია მონღოლთა პირველი შემოსევები.

2. ილხანთა სახელმწიფო

§ 1. ილხანთა ირანი XIII საუკუნის მეორე ნახევარში

როცა ჩინგიზ ყანის შვილიშვილი მანგუ (1251—1259) ყანის ტახტზე დაჯდა, მან პოინდომა საბოლოოდ შემოემტკიცებინა ირანი და მიმდგომი ქვეყნები, რადგან, შენიშნავს რაშიდ ედ-დინი, ჩინგიზ ყანისა და უკედლე ყანის მეფობაში ეს ქვეყნები არ ყოფილა საბოლოოდ დაპყრობილი, მიუხედავად იმისა, რომ რამდენიმეჯერ გაგზავნეს ამირები და ბოლოს კი ჩორბალუნი გაიგზავნა სრული ლაშქრითო⁴.

1252 წელს მოწვეულ ყურულთაიზე გადაწყდა ლაშქრობის მოწყობა, როგორც აღმოსავლეთში—ჩინეთის დასაპყრობად, ასევე დასავლეთში—ირანისა და მიმდგომი ქვეყნების დასამორჩილებლად. აღმოსავლეთში გაგზავნილ

¹ რაშიდ ედ-დინი. ТВО, XV, გვ. 228.

² იხ. მაგ., ქამაალმწერლის მოთხრობა ერთი ისმაილიტის მიერ ჩალათაი ნოინის მოკვლის შესახებ (მარიამიხეული ქართლის ცხოვრება, გვ. 624—625).

³ Лэн-Пулъ. Мусульманския династии. Перевод с примечаниями и дополнениями В. В. Бартольда, СПб, 1899, გვ. 145, 147, 152.

⁴ რაშიდ ედ-დინი. ТВО, XV, გვ. 228.

ლაშქარს სათავეში ჩაუდგა მანგუ ყაენის ძმა ყუბილაი, ხოლო დასავლეთში — მისივე მეორე ძმა ჰულაგუ¹.

საინტერესო ცნობა მოეპოვება ამ ლაშქრობათა შესახებ ჟამთააღმწერელს. ქართველი ისტორიკოსის სიტყვით, მანგუ ყაენმა ყუბილაის „უბრძანა ლაშქრობა დასავლეთით კერძო, ბაბილოვანსა, რომელ არს ბაღდადი და ეგვიპტისა და ყოვლისა დასავლეთისა კერძთა [დაპყრობა]“, ჰულაგუს კი „უბრძანა წასვლა დიდ[ი]თა [ლაშქრითა] ინდოეთად“. მაგრამ ყუბილაის „ძნელად აღუჩნდა... წარმოსვლა დასავლეთით“², რის გამოც ძმებმა მანგუ ყაენთან შეთანხმებით „განცვალეს ლაშქრობა“³.

დაიწყო მზადება ჰულაგუს ლაშქრობისათვის. ყაენმა ბრძანა, ჩინგიზ ყაენის კუთვნილი მთელი ლაშქრიდან ათ კაცზე ორი გამოეყოთ ჰულაგუს ლაშქრობაში მონაწილეობის მისაღებად. აშგვარად, დასავლეთისკენ გამოგზავნილ ლაშქარში ყველა ულუსების წარმომადგენლები იყვნენ. მანგუ ყაენის ბრძანებით, მთელი ეს ლაშქარი ჰულაგუს ინჯუს შეადგენდა⁴. ამას გარდა, ჩინეთიდან ჩამოიყვანეს საალყო მანქანებისა და ცეცხლმტყორცნელი იარაღის მკეთებელი ათასი ხელოსანი⁵. მიღებულ იქნა ზომები ხიდების აღსადგენად; საძოვრები ჰულაგუს ჯარის მიერ გასავლელ გზაზე ნაკრძალად გამოაცხადეს. ბაიუსა და ჩორმალუნის რაზმებს, რომლებიც ადრე იყვნენ ირანში მისული, დაევალათ რუმს წასვლა და საჭირო სურსათის დამზადება⁶.

1253 წლის შემოდგომაზე ჰულაგუ დიდი ლაშქრით დასავლეთისკენ დაიძრა. ჟამთააღმწერლის ცნობით, მისთვის მანგუ ყაენს 60 ათასი („ექვსი ბევრი“) მხედარი მიუცია. მეტად საყურადღებოა ქართველი ისტორიკოსის ცნობა იმის შესახებ, რომ მონღოლთა ლაშქარი წამოსულა „დედაწულითა მათითა და ხვასტავითა“⁷. ამრიგად, შეიძლება დავასკვნათ, რომ ჰულაგუსთან ერთად ირანში დაახლოებით 250—300 ათასი მონღოლი უნდა მოსულიყო. მას შემდეგ, რაც ჰულაგუ დაიპყრობდა ირანს, ეს ქვეყანაც და იქ მყოფი ლაშქარიც მისი და მისი შვილების კუთვნილება უნდა გამხდარიყო⁸.

რამიდ ედ-დინი მოგვითხრობს, რომ როცა ჰულაგუ-ხანას ლაშქრის მოახლოების ამბავი ცნობილი შეიქნა, მის შესახებდრად გაემართნენ მონღოლთა მიერ დაყენებული მძართველები, ადგილობრივი სულთნები და მე-

¹ ჟამთააღმწერელს ჰულაგუ და ყუბილაი მანგუს შვილებად მიაჩნია (დასახ. გამოც., გვ. 613, 644).

² იქვე, გვ. 643.

³ იქვე, გვ. 644.

⁴ ჯუჯეინი, ტ. III, გვ. 57; რაშიდ ედ-დინი. TBO, XV, გვ. 229; Histoire des Mongols de la Perse, écrite en persan par Rashid-Eldin, publiée, traduite en français, accompagnée par de notes et d'un mémoire sur la vie et les ouvrages de l'auteur par M. Quatremère, t. I, Paris, 1836, გვ. 130 (ჰუმთო, რაშიდ ედ-დინი. კატრმერის გამოც.).

⁵ ჯუჯეინი, ტ. III, გვ. 57; რაშიდ ედ-დინი. ცატ. გამოც., გვ. 132, 134.

⁶ ჯუჯეინი, ტ. III, გვ. 57, 58; რაშიდ ედ-დინი. ცატ. გამოც., გვ. 134, 136.

⁷ მარიამისეული ქართლის ცხოვრება, გვ. 644.

⁸ რაშიდ ედ-დინი. TBO, XV, გვ. 229.

ლიქები. მათ შორის იყვნენ რუმის, ფარსის, ირანის ერაყის, ხორასნის, აზერბაიჯანის, არანის, შირვანის და საქართველოს გამგებელნი და დიდებულნი¹. ამან, თავისთავად ცხადია, მნიშვნელოვნად გაუადვილა ჰულაგუს დასახული მიზნის განხორციელება.

1256 წელს ჰულაგუმ აიღო და მოსთხარა ისმაილიტთა ორდენის მთავარი ციხე სიმაგრეები—ალაშუთი, მეიმუნდიზი, ლომბესერი და სხვები. მან ფიზიკურად გაელიტა ისმაილიტები, ხოლო ორდენის შეიხი როქნ ედდინ ხორშაჰი ყაენის ურდოში გაგზავნა დატყვევებული².

იმავე 1256 წელს ჰულაგუ-ხანმა საფუძველი ჩაუყარა მონღოლთა სახელმწიფოს, რომელსაც მისი დამაარსებლის სახელის მიხედვით ჰულაგუიდათა ან ილხანთა³ სახელმწიფო ეწოდება.

1258 წელს მონღოლთა ლაშქარმა აიღო, გაძარცვა და დაანგრია ქალაქი ბაღდადი და ბოლო მოუღო აბასელთა სახალიფოს არსებობას⁴.

ახლადწარმოქმნილი სახელმწიფოს შემადგენლობაში შევიდა ირანი, თანამედროვე თურქმენეთი, ავღანეთის ნაწილი, მცირე აზიის ნაწილი, არაბეთის ერაყი და ამიერკავკასია.

მონღოლთა სამხედრო-მომთაბარული არისტოკრატიის დიდი ნაწილი, რომელშიც ძლიერი იყო ძველი მონღოლური ტრადიციები, მტრულად იყო განწყობილი ბინადარი ცხოვრების, ქალაქებისა და მიწათმოქმედების მიმართ. იგი მტკიცედ იცავდა ძველ მონღოლურ ადათებს, ჩინგიზ ყაენის იასას და წინააღმდეგი იყო დანგრეული ქალაქების აღდგენისა და საქალაქო ცხოვრების განვითარებისა. ამასთან ერთად, მონღოლთა არისტოკრატიის ეს ნაწილი ისლამისა და დაპყრობილი მუსლიმანური ქვეყნების მოსახლეობის მიმართაც მტრულად იყო განწყობილი.

ამ მიმართულების წარმომადგენელნი⁵ სრულიად არ ზრუნავდნენ შემოსევების შედეგად აოხრებული ქვეყნების აღდგენაზე; უფრო მეტიც, მათ საერთოდ არ სურდათ ქალაქებში ცხოვრება და დაპყრობილი ქვეყნების მართვაშიც ნაკლებად ერეოდნენ პირველ ხანებში; მათ მხოლოდ ნადავლი და ხარკი აინტერესებდათ და ქალაქისა და სოფლის მოსახლეობის შეუბრა-

¹ რა შ ი დ ე დ-დ ი ნ ი. კატრმერის გამოც., გვ. 152.

² ჰულაგუს ლაშქრის მიერ ისმაილიტთა ციხეების აღება დაწვრილებით აქვთ აღწერილი ჯუჯეინის (ტ. III, გვ. 63—80) და რაშიდ ედ-დინს (კატრმერის გამოც., გვ. 166—220).

³ ილხანი ნიშნავს ელის, ხალხის ხანს.

⁴ დაწვრილებით იხ. ჯ უ ე ე ნ ი, ტ. III, გვ. 152—156. (მოთხრობა ბაღდადის აღების შესახებ, რომელიც ნასირ ედ-დინ ტუსის მიეწერება); რა შ ი დ ე დ-დ ი ნ ი. კატრმერის გამოც., გვ. 224—312; ქ ა მ თ ა ა ლ მ წ ვ რ ე ლ ი, მარიამისეული ქართლის ცხოვრება, გვ. 659—663.

⁵ მომთაბარული არისტოკრატიის წიაღში არსებულ ორ მიმართულებას არა ერთი საბჭოთა ისტორიკოსი შეხებია გაკვრით. უკანასკნელად ეს საკითხი საფუძვლიანად დაამუშავა პროფ. ი. პ. პეტრუშევსკიმ, რომელმაც ორივე მიმართულების წარმომადგენელთა დახასიათება მოგვცა. იხ. И. П. Петрушевский. Городская знать в государстве Хулагуидов, გვ. 109; Из истории Вухары в XIII в., Ученые записки ЛГУ, Серия востоковедческих наук, вып. I, 1949, გვ. 111—113; Рашид-ад-дин и его исторический труд, გვ. 12—15.

ლებელი ექსპლოატაციის გზით ცდილობდნენ რაც შეიძლება მეტი სიმდიდრე ამოეჭაჩათ ქვეშევრდომთაგან.

პირველ მიმართულებას ეკუთვნოდნენ ჩინგიზ ყაენი, მისი ვაჟი ჩალათაი, გუიუქ ყაენი (1246—1248) და სხვები. ამავე მიმართულებისკენ იხრებოდნენ პირველი ილხანებიც.

დაპყრობილი ქვეყნებისადმი ჰულაგუ-ხანის დამოკიდებულების დასახსიათებლად მეტად საყურადღებოა სიტყვები, რომელთაც რაშიდ ედ-დინი ამ მბრძანებელს მიაწერს. ისტორიკოსის სიტყვით, ნასირ ედ-დინ ტუსიმ უამბო ილხანს: როცა მონღოლთაგან დევნილი ხორეზმშაჰი ჯელალ ედ-დინი თავრიზს მივიდა, მისი მეომრები დიდად ავიწროებდნენ მოსახლეობას. ამის შესახებ ხორეზმშაჰს მოახსენეს. მან თქვა: „ჩვენ ახლა ქვეყნის დამპყრობი ვართ და არა მფლობელი. ქვეყნის დაპყრობის დროს კი ქვეშევრდომთა დაცვა წესი არ არის. ხოლო, როცა ჩვენ მფლობელი შევიქნებით ქვეყნისა, სამართალსაც მაშინ მიუფლავთ მომჩივრებსო“. ამაზე ჰულაგუ-ხანმა წარმოთქვა: „ჩვენ, მადლობა მალალ ღმერთს, კიდევ ვიპყრობთ ქვეყანას და კიდევ ვფლობთ მას. ურჩებისთვის მე დამპყრობელი ვარ, მორჩილთათვის კი გამგებელი“¹. მოტანილი ტექსტიდან აშკარად ჩანს, რომ ილხანები უკვე თავის სამკვიდროდ თვლიდნენ დაპყრობილ ქვეყნებს.

საზოგადოდ, მონღოლურ ულუსებში (ჩინგიზ ყაენის ვაჟებს შორის განაწილებულ სახელმწიფოებში) ალაფისა და ნადავლის მაგიერ მთავარი ყურადღება მოსახლეობის გადასახადების გზით ექსპლოატაციას მიექცა.

მეორე, შედარებით პროგრესულ, მიმართულებას შეადგენდა მონღოლთა არისტოკრატის მცირერიცხოვანი ნაწილი, რომელსაც შეგნებული ჰქონდა, რომ დაპყრობილ ქვეყნებში ფეხის მტკიცედ მოსაკიდებლად და შემოსავლის მუდმივი წყაროს გასაჩენად აუცილებელი იყო შექმნილიყო საჭირო პირობები ამ ქვეყნებში მიწათმოქმედების, ვაჭრობის და ხელოსნობის საწარმოებლად. ამავე მიმართულებას ემხრობოდნენ დაპყრობილი ქვეყნების სამოხელეო არისტოკრატის წარმომადგენლები, რომლებიც მონღოლთა სახელმწიფო სამსახურში იმყოფებოდნენ, და, აგრეთვე, მუსლიმანური სასულიერო პირები, რომელნიც დაპყრობელთ მიემხრნენ.

აღნიშნული მიმართულება მიზნად ისახავდა მტკიცე, ცენტრალიზებული სახელმწიფოს შექმნას; ამისათვის კი საჭირო იყო მონღოლთა სამხედრო-მომთაბარეული არისტოკრატის თვითნებობის და განკერძოებისაკენ მისწრაფების აღკვეთა. ამიტომ, მეორე მიმართულების წარმომადგენელთ საჭიროდ მიაჩნდათ დაპყრობილი ქვეყნების ფეოდალურ წრეებთან დაახლოება, საქალაქო ცხოვრებისა და ვაჭრობისათვის ხელის შეწყობა და დანგრეულ საწარმოო ძალთა აღდგენა, განსაკუთრებით სოფლის მეურნეობაში. ამ მიმდინარეობის მომხრეთა შორის იყვნენ ჩინგიზ ყაენის უფროსი ვაჟი ჯუჩი, დიდი ვაენები უგედვი და მანგუ და სხვები. მეორე მიმართულებამ ჰულაგუიდთა სახელმწიფოში გაიმარჯვა ილხან ყუზანის დროს (1296—1304), ხოლო ჩალა-

¹ რა ში დ ედ-დინი. კატრმერის გამოც., გვ. 322, 324.

თანის ულუსში ქებექ-ხანის დროს (1318—1326). მაგრამ ბრძოლა აღნიშნულ ორ მიმართულებას შორის ამით არ დამთავრებულა და მომდევნო საუკუნეებშიც წარმოებდა, როგორც ირანში, ასევე სხვა ქვეყნებშიც.

ადგილობრივი ფეოდალური ძალების გავლენამ მონღოლურ-თურქულ მომთაბარულ არისტოკრატიაში გზა გაიკაფა ილხანთა ირანის სამეურნეო დაქვეითების პირობებში.

მონღოლთა შემოსევების დროს დანგრეული ქალაქებისა და სოფლების უმეტესობა კვლავ ნანგრევებად რჩებოდა, სახნავ-სათესი მიწების დიდი ნაწილი საძოვრებად იყო ქცეული, ხოლო შრომისუნარიანი მოსახლეობის რაოდენობა მნიშვნელოვნად შემცირდა, რასაც ბუნებრივად თან მოჰყვა გადასახადთა შემცირებაც. ამას თან ერთვოდა მონღოლთა მიერ შემოღებული მძიმე საგადასახადო სისტემა და ის თვითნებობა, რასაც ადგილი ჰქონდა გადასახადების გაწერისა და აკრეფის დროს, რაც საბოლოოდ აჩანაგებდა ისედაც წელში გაწყვეტილ მოსახლეობას.

ამას გარდა, უნდა აღინიშნოს ისიც, რომ საგარეო ომებში წარუმატებლობამ (სირიაში მამელუკებთან ბრძოლაში და კავკასიაში ოქროს ურდოს მბრძანებლებთან) გამოიწვია სახელმწიფო შემოსავლის შემცირება¹.

ტახტის მამიებელთა შორის მუდმივი ბრძოლა და გაუთავებელი ფეოდალური შინაომები კიდევ უფრო მეტად ამწვავებდა კრიზისს².

ასეთ ვითარებაში მონღოლები შემოსავლის გაზრდის ერთადერთ გზას გადასახადების მომატებაში ხედავდნენ. მწარმოებელი მოსახლეობის ისედაც აუტანელი მდგომარეობა XIII საუკუნის 90-ან წლებში კიდევ უფრო მეტად გაუარესდა.

მოსახლეობა გამოსავალს ძველი ადგილებიდან აყრასა და ახალ ადგილებზე გადასახლებაში ეძებდა, რის გამოც ქალაქები და სოფლები თითქმის მთლიანად დაიცალა³.

გაძლიერდა მლეღვარება გლეხებსა და ქალაქის ღარიბებს შორის. მოსახლეობის ერთი ნაწილი იარაღს ჰკიდებდა ხელს და ტყეებსა და მთებში გადიოდა. რაშიდ ედ-დინის ცნობით, ქალაქებისა და სოფლების მოსახლეობა მფარველობდა ამ რაზმებს და ყოველნაირად ეხმარებოდა მათ. ეს რაზმები გამვლელებს ხედებოდნენ გზებზე და ძარცვავენდნენ, მაგრამ ართმევდნენ

¹ И. П. Петрушевский. Рашид-ад-дин и его исторический труд, гл. 16.

² ჭულაგუილთა სახელმწიფოს კრიზისის შესახებ იხ. Geschichte des Gazan-Han's aus dem Tarikh-i-Mubarak-i Gazani des Rašid al-din Fadlallah... Herausgegeben... von Karl Jahn, London, 1940, (GMS, New series, XIV), გვ. 277—280 (ქვემოთ: რაშიდ ედ-დინი. კ. იანის გამოც., ლონდონი); აგრეთვე, А. А. Алияндж. К историческим отношениям в Азербайджане в XIII—XIV вв., ССНА, вып. I; И. П. Петрушевский. დასახ. ნაშრ., გვ. 15—16.

³ بواسطه سؤ التدييرات و اتلافات اكثر رعاياى ولايت جلاى وطن کردند و در ولايتهاى غريب خان و مان ساختند و شهرها و ديها خالى ماند
რაშიდ ედ-დინი. კ. იანის გამოც., ლონდონი, გვ. 248.

მხოლოდ მდიდრებს; ღარიბებსა და არამქონეთ ხელს არ ახლებდნენ და, პირიქით, ნადავლსაც კი უნაწილებდნენ ხოლმე¹.

ამრიგად, ყაზან-ყაენს სათანადო ღონისძიებების განხორციელებას უკარნახებდა, ერთი მხრივ, ადგილობრივი ფეოდალური ორგანიზაციის უპირატესობის შეგნება, ხოლო, მეორე მხრივ, გამწვავებული კლასობრივი ბრძოლა. ეს უკანასკნელი მისი რეფორმების უმთავრესი მიზეზი იყო.

ყაზან-ყაენმა თავისი ვეზირის რაშიდ ედ-დინის დახმარებით სცადა გაეტარებინა მთელი რიგი ღონისძიებებისა, რომლებიც ძირითად მიზნად ისახავდნენ, ერთი მხრით, მოსახლეობის ცხოვრების პირობების ერთგვარ გაუმჯობესებას ან, უფრო ზუსტად, მისი გადახდისუნარიანობის გაზრდას, მეორე მხრით კი, მონღოლთა ბატონობისათვის რეალური ეკონომიური საფუძვლის შექმნას მონღოლი მეომრებისათვის მიწების დარიგების გზით.

როგორც რაშიდ ედ-დინს, ისევე ყაზან-ყაენსაც კარგად ესმოდათ შექმნილი ვითარება და ისიც, თუ სად უნდა ეძებნათ კრიზისიდან გამოსავალი. ამასთან ერთად, უნდა შეენიშნოთ, რომ ყაზან-ყაენის რეფორმების საერთო გეგმა და მისი ცხოვრებაში გატარება რაშიდ ედ-დინის საქმე იყო და რეფორმებსაც თვითონ რაშიდ ედ-დინის პოლიტიკური იდეები ედო საფუძვლად².

რაშიდ ედ-დინს აუცილებლად მიაჩნდა გადასახადის გადამხდელი მოსახლეობის, პირველ რიგში გლეხობის, მდგომარეობის ერთგვარი შემსუბუქება, რასაც ბუნებრივად უნდა გამოეწვია სახელმწიფო შემოსავლის გაზრდა. რაშიდ ედ-დინის მიერ მისი ვაყის შეჰაბ ედ-დინისადმი მიწერილ წერილში ვკითხულობთ: «საპირაა, რომ მბრძანებელთ სამი ხაზინა ჰქონდეთ: პირველი, ფულის ხაზინა, მეორე—იარაღისა და მესამე—სურსათ-სანოვავისა და ტანსაცმლის საწყობი. ყველა აღნიშნულ ხაზინებს გასავლის ხაზინებს უწოდებენ, ხოლო საშემოსავლო ხაზინა ქვეშევრდომებია, რომელთა კეთილსინდისიერი შრომითა და უნარით ივსება აღნიშნული ხაზინები. თუ ისინი (ქვეშევრდომები) გალატაკდებიან, მეფეები ვერც ერთ თავის სურვილს ველარ შეისრულებენ»³.

ასეთივე აზრია გატარებული ყაზან-ყაენის სიტყვაში, რომლითაც მან მონღოლ დიდებულებს მიმართა და ქვეშევრდომთა ზომიერი ექსპლოატაციისაკენ მოუწოდა. რაშიდ ედ-დინი შემდეგნაირად გადმოგვცემს ამ სიტყვის

¹ ი ქვე, გვ. 277—278.

² И. П. Петрушевский. Рашид-ад-дин и его исторический труд, გვ.17—18.

³ باید که حکام سه خزینه باشد اول خزینه مال دوم خزینه سلاح سیوم خزینه ماکولات و ملبوسات و این خزاین را خزاین خرج گویند و خزینه دخل رعیت است که این خزاین مذکور از حسن سعی و کفایت ایشان پر شود و چون احوال ایشان خراب باشد ملوک را هیچ کامی محصول نه بیوند
Letters of Rashid-ad-din Fadh Allab. Persian text, ed. by Kahan Bahadur Mohammad Shafi'. Lahore, გვ. 119; სსრკ მეცნ. აკად. აღმოსავლეთმცოდნეობის ინსტიტუტის ხელნაწერი, რუსოს კოლექცია, B—938, გვ. 50 6.

შინაარსს: ყაზან-ყაენმა „ბრძანა, მე თახიქ¹ რაიათებს არ ვემბრობი; თუ სასარგებლოა, რომ ყველა გაეძარცვოთ, ამ საქმეში ჩემზე ძლიერი არავინ არის,—ერთად ვძარცვოთ. მაგრამ თუ მომავალში თალარისა და საკვების მიღების იმედი გექნებათ და თხოვნით მომმართათ, სასტიკად მოგეპყრობით. საჭიროა დაფიქრდეთ, რომ თუ ქვეშევრდომთ სასტიკად მოექცევით, ხარება და თესლს [წაართმევთ] და პურეულს [პირუტყვს] შეაკმევივნებთ. შემდეგ რაღა უნდა ჰქნათ?“².

ყაზან-ყაენის აგრარული პოლიტიკა ნიშნავდა გარკვეულ დათმობას ადგილობრივი ფეოდალური ძალების სასარგებლოდ. ისლამის სახელმწიფო რელიგიად გამოცხადება აშკარად მონღოლური ტრადიციების წინააღმდეგ იყო მიმართული, გარდა იმისა, რომ ამ ღონისძიებით ყაზანი მონღოლთა მთავარ ყაენთან ფორმალურ დამოკიდებულებას სწყვეტდა.

§ 2. ქალაქები ილხანთა ირანში

ილხანთა სახელმწიფოს ქალაქებისა და საქალაქო ცხოვრების შესწავლა გვეხმარება მახლობელი აღმოსავლეთის ქვეყნებში მონღოლთა შემოსევებისა და ბატონობის შედეგების გათვალისწინებაში.

აკად. ვ. ვ. ბარტოლდს გამოთქმული აქვს მოსაზრება, რომ თითქოს მონღოლთა მიერ დანგრეული ყველა ქალაქი აღდგენილ იქნა, ხოლო ბევრი მათგანი მნიშვნელოვნადაც გაიზარდა და ახალი ქალაქებიც დაარსდაო³. „ნაგებობანი და ეკონომიური ვითარება მოწმობენ უდიდეს განვითარებას წინარე დროსთან შედარებით და ეს პერიოდი წარმოადგენს საუკეთესო ხანას სპარსული არქიტექტურის ისტორიაში“⁴.—აღნიშნავდა იგი.

აღმოსავლური წყაროების საუკეთესო მცოდნე და შემფასებელი ვ. ვ. ბარტოლდი უნდობლობასაც კი იჩენდა ამ წყაროების მიმართ, როცა მახლობელი აღმოსავლეთის ქვეყნებისათვის მონღოლთა შემოსევების შედეგად მიყენებულ ზარალზე მიდგებოდა საქმე. „ფაქტები გვიჩვენებენ,—წერდა ის, რომ ამ ხანის სპარსეთს (ჰულაგუიდთა ხანისა—რ. კ.), მიუხედავად თანამედროვეთა ჩივილისა ქვეყნის სრულ აოხრებაზე და განათლების დაცემაზე, კულტურულად და, ალბათ, ეკონომიურადაც (ხაზგასმა ჩვენია—რ. კ.)

¹ თახიქი—ტაჯიკი, ამ შემთხვევაში ადგილობრივი ბინადარი, მიწისმოქმედი ქვეშევრდომის მნიშვნელობით არის ნახმარი.

² روزی [غازان خان] فرمود که من جانب رعیت تازیك نمی دارم اگر مصلحت است تا ههرا غارت کنیم برین کار از من قادرتر کسی نیست باتفاق بغارتیم لیکن اگر من بعد تغار و آش توقع دارید و التماس نماید با شما خطاب عنیف و کم و باید که شما اندیشه کنید کچون بر رعایا زیادتی کنید و تخم ایشان و غلها بخورائید من بعد چه خواهی کرد (რ. შ. ი. დ. ე. დ. ი. ნ. კ. იანის გამოკ., ლონდონი, გვ. 269).

³ В. В. Бартольд. Место Прикаспийских областей в истории мусульманского мира, Баку, 1925, гл. 69—70.

⁴ ი. კ. ვ. გვ. 71; შდრ. მიხივე, „Налуг-бек и его время, Петроград, 1916, гл. 6.

პირველი ადგილი ეჭირა მაშინდელ მსოფლიოში. საქალაქო ცხოვრება განაგრძობდა განვითარებას; იქმნებოდა ახალი სავაჭრო ქალაქები, რომელნიც მონღოლთა შემდეგაც ინარჩუნებდნენ მნიშვნელობას¹.

მაგრამ ერთი თუ ორი ახლადაგებული ქალაქის გვერდით ათეულობით ქალაქი დანგრეული რჩებოდა. ვ. ვ. ბარტოლდი კი ძირითადად კულტურული რიგის მოვლენათა და საქარავნო ვაჭრობის განვითარების მიხედვით მსჯელობდა ქვეყნის საერთო ეკონომიურ აღმავლობაზე².

ძნელია მონღოლებს მივაწეროთ ის შედარებითი აღმავლობა ქვეყნის ეკონომიური ცხოვრებისა, რასაც ადგილი ჰქონდა პულაგუიდთა სახელმწიფოში, მაგალითად, ილხან ყაზანის დროს. არ უნდა დავივიწყოთ, რომ აქაც მოხდა ის, რაც სხვა დროსაც არა ერთხელ მომხდარა ირანშიც და სხვა ქვეყნებშიც: კულტურულად ჩამორჩენილი დამპყრობელნი ადგილობრივი კულტურული მოსახლეობის გავლენის ქვეშ მოექცნენ.

„თავისთავად ცხადია, რომ ყოველთვის, როცა დამპყრობელად ნაკლებ კულტურული ხალხი გამოდის, ეკონომიური განვითარება ფერხდება, ხოლო საწარმოო ძალები ნადგურდება. მაგრამ ხანგრძლივ დამპყრობათა უმრავლეს შემთხვევაში ნაკლებ კულტურული დამპყრობელი იძულებულია შეეგუოს უმაღლეს „სამეურნეო მდგომარეობას“, რომელსაც იგი დამპყრობის შემდეგ ნახულობს; ხდება მისი ასიმილაცია დამპყრობილი ხალხის მიერ და იგი ხშირად იძულებულია მისი ენაც კი შეითვისოს“³.

ფ. ენგელსის ეს სიტყვები გვაძლევს გასაღებს იმ შედარებითი სამეურნეო თუ კულტურული აღმავლობის ასახსნელად, რასაც ადგილი ჰქონდა ილხანთა ირანში.

საქალაქო ცხოვრების ერთგვარი გამოცოცხლება ილხანთა ირანში დამპყრობილი ხალხების საქმე იყო და არა მონღოლებისა.

საქალაქო მშენებლობა აქ მეტად თავისებური იყო. მონღოლი ილხანები დიდ ყურადღებას აქცევდნენ თავის სატახტო ქალაქებს, აგებდნენ სასახლეებს, ტაძრებს და სხვა შენობებს, მაგრამ მოსახლეობას ამით არაფერი ემატებოდა. რაშიდ ედ-დინის სიტყვით, მონღოლთა შემოსევების დროს აოხრებული ადგილები კარგა ხანს რჩებოდა აღუდგენელი. სანფლობელოთა მხოლოდ ერთი მეთედი იყო კეთილმოწყობილი, დანარჩენი კი დანგრეული. ისტორიკოსის სიტყვებიდან ირკვევა, რომ პირველი ილხანები საერთოდ ნაკლებად ზრუნავდნენ დანგრეულის აღდგენაზე, ხოლო თუ ზოგჯერ იწყებდნენ ანა თუ იმ ადგილზე შენობის აგებას (ჰულაგუს, აბალას, არღუნის და ქეილათუს დროს ალათალში, ურმიანში, სოღურლუყში, სეჯასში, ხაბუშანში, ზენჯანსა და სხვა ქალაქებში), ამის გამო სხვა ოლქები კიდევ უფრო მეტად ოხრდებოდა. მშენებლობაზე აუარებელი თანხები იხარჯებოდა,

¹ В. В. Бартольд. Улуг-бек и его время, гл. 5; შტრ. Место Прикаспийских областей, гл. 69.

² А. М. Беленицкий. К вопросу о социальных отношениях в Иране в хулагуидскую эпоху, гл. 111.

³ ფ. ენგელსი. ანტი-დიურინგი, გვ. 216—217.

გლებები ძალით გამოჰყავდათ ბეგარაზე, მაგრამ თითქმის არც ერთი მშენებლობა არ მიუყვანიათ ბოლომდე¹.

ქალაქებში ყოველი ათი სახლიდან ხუთი მიტოვებული ყოფილა და, მიუხედავად იმისა, რომ ბეგრი მათგანი სავსებით გამოსადეგი იყო საცხოვრებლად, მათ ანგრევდნენ, რადგან პატრონი არსად ჩანდა².

მხოლოდ ყაზან-ყაენის დროს მიექცა ერთგვარი ყურადღება საქალაქო მშენებლობას. რაშიდ ედ-დინის სიტყვით, ყაზანს განსაკუთრებული ზომები მიუღია დანგრეული ქალაქებისა და აოხრებული ადგილების აღსადგენად. მან სანდო მოხელეებს დაავალა მშენებლობის საქმეები და ფულიც მათ ჩააბარა; შედგენილ იქნა ზუსტი ხარჯთაღრიცხვები და სხვ.³.

ილხანმა ყაზანმა ყურადღება მიაქცია სარწყავი სისტემის აღდგენასაც, რომელიც მონღოლთა პირველი შემოსევების დროიდან მოშლილი და მიტოვებული იყო. მისი ბრძანებით სახელმწიფოს სხვადასხვა კუთხეებში დაიწყეს სარწყავი არხებისა და ქარიზების გაყვანა⁴.

ყაზანმა განსაკუთრებული ყურადღება მიაქცია ქალაქ თავრიზის კეთილმოწყობას, რომელიც მის დროს სახელმწიფოს დედაქალაქი გახდა. ქალაქის ძველი გალავანი, რომლის სიგრძეც ათას ნაბიჯს უდრიდა და ათი კარი ჰქონდა⁵, ნახევრად დანგრეული იყო⁶.

ამას გარდა, მას შექმდეც, რაც თავრიზი სატახტო ქალაქი გახდა, მას დიდძალი მოსახლეობა მოაწყდა; ქალაქში რომ აღარ იყო ადგილი, ხალხი გალავანს გარეთ სახლდებოდა⁷. ჰამდალამ ყაზვინის სიტყვით, თვითვე კართან თვითონ ქალაქზე უფრო დიდი დასახლებული ადგილები გაჩნდა⁸.

ყაზან-ყაენმა გადაწყვიტა ახალი გალავანი შემოეგლო თავრიზისთვის, იმ ანგარიშით, რომ ქალაქის გარშემო აშენებული სახლები, ბალები და სოფლებიც გალავანს შიგნით მოხვედრილიყო⁹. ახალი გალავნის სიგრძე 25 ათას ნაბიჯამდე გაიზარდა და 6 კარი ჰქონდა დატანებული (მათი სახელწოდებები, ისევე, როგორც ძველი გალავნის ათი კარისაც, ჩამოთვლილი აქვს ჰამდალამ ყაზვინის თავის გეოგრაფიულ თხზულებაში)¹⁰.

გალავანს შიგნით ყოველ კართან აგებულ იქნა თითო დიდი ქარვასლა,

¹ რა.შიდ ედ-დინი. კ. იანის გამოც., ლონდონი, გვ. 350—351; შდრ. იქვე, გვ. 201—202.

² იქვე, გვ. 351.

³ იქვე, გვ. 202.

⁴ იქვე, გვ. 202—204.

⁵ The Geographical part of the Nuzhat-al-Qulub, composed by Hamd-Allah Mustawfi of Qazwin. Ed. by G. Le Strange. GMS, XXIII, 1, Leyden—London, 1915, გვ. 76 (კვემოთ: ჰამდალამ ყაზვინი. ნოზათ ალ-ყოლუბ), გვ. 76.

⁶ რა.შიდ ედ-დინი. კ. იანის გამოც., ლონდონი, გვ. 204—205.

⁷ ესეც მოწმობს, რომ სხვა ადგილების კეთილმოწყობაზე არავენ ზრუნავდა და მოსახლეობაც იმ ქალაქსკენ მიისწრაფოდა, სადაც შედარებით მეტი წესრიგი და ცხოვრების შედარებით უკეთესი პირობები იყო.

⁸ ჰამდალამ ყაზვინი. ნოზათ ალ-ყოლუბ, გვ. 76.

⁹ იქვე; რა.შიდ ედ-დინი. ციტ. გამოც., გვ. 205.

¹⁰ ჰამდალამ ყაზვინი. ნოზათ ალ-ყოლუბ, გვ. 76.

ოთხი ბაზარი და აბანოები, აგრეთვე, შენობები „ქარხნებისათვის“¹ და პირუტყვის სადგომები².

სხვა მონღოლ მბრძანებელთაგან განსხვავებით, რომელთა საფლავების ადგილი ცნობილი არ იყო მონღოლური ადათის გამო, ყაზანმა გადაწყვიტა მუსლიმანური წესით აეშენებინა თავისთვის აკლდამა. ამ მიზნით მან თავრიზის დასავლეთით, იმ ადგილზე, რომელსაც შამი ან შამბი ეწოდებოდა, ააგო მთელი სისტემა საქველმოქმედო დაწესებულებებისა (أبواب البر)³, რომლის შუაში ილხანის მომავალი საძვალე (گنبد عالی) იყო აღმართული, ხოლო მის გარშემო თორმეტი ნხრით—საკრებულო მეჩეთი (مسجد جامع). შაფიიტებისა და ჰანფიტების მედრესეები (مدارس شافعية و حنفيه), დერვიშთა საფანე (خانقاه), სეიდების თავშესაფარი (دارالسياسة), ობსერვატორია (رصد), საავადმყოფო (دار الشفا), წიგნსაცავი (بيت الكتب), ბეით ალ-ქანუნი⁴ (بيت القنون), დახურული წყალსაცავი (سوخخانه) და უფასო აბანო (گرمابه سبيل). აქვე იყო მოთავსებული აღნიშნულ საქველმოქმედო დაწესებულებათა გამგებლის—მოთავალის სამმართველო (بيت المتولى)⁵.

სპეციალური წყალობის სიგელით ყაზანმა დიდძალი ქონება, თანხა და მიწები შესწირა ამ დაწესებულებებს⁶.

თავისთავად ცხადია, რომ ზემოთ ჩამოთვლილი „საქველმოქმედო“ დაწესებულებები ღარიბებისა და უქონელთათვის არ ყოფილა აგებული. რაშიდ ედ-დინი შენიშნავს: ყაზანმა ბრძანა, რომ ზემოხსენებულ აბვაბ ალ-ბირრში თავისი დროის ყველაზე სრულყოფილი ხალხი დასახლდეს და მულმივად იქ იმყოფებოდნენ⁷.

¹ ქარხანა (کارخان) მონღოლური პერიოდის დამახასიათებელი დიდი სახელოსნო იყო, რომელიც მეტწილად ხანს ან მისი ოჯახის წევრებს ეკუთვნოდა და, სადაც მონღოლთა მიერ დატყვევებული და მონად ქცეული ხელოსნების შრომა იყო გამოყენებული.

² რა ში დ ე დ-დ ი ნ ი . ციტ. გამოც., გვ. 206.

³ ამ ტერმინის მნიშვნელობა არ არის მთლად ნათელი. ინგლისელი ორიენტალისტი გ. ლე-სტრენჯი თარგმნის „საქველმოქმედო დაწესებულებად“ („Charitable foundation“.—The Geographical part of the Nuzhat-al-Qulub... Translated by G. Le Strange. GMS, XXIII, 2, გვ. 83). ასევე თარგმნის ა. კ. არენდსიცი („Благотворительные учреждения.“—Рашид-ад-дин. Сборник летописей, т. III, Перевод А. К. Арендса, გვ. 226), თუმცა უფრო ხშირად უთარგმნელად ტოვებს („анваб-ал-ბирр“—იქვე, გვ. 228—229, 231—232 და სხვ.); პროფ. ი. პ. პეტრუშევსკის აზრით, „აბვაბ ალ-ბირრი“ ერთ-ერთი სახე იყო ვაკისა, რომელიც შაჰების, სეიდების, სუფიური შეიხებისა და სხვა „წმინდანთა“ აკლდამებს ეძღოდა. (И. П. Петрушевский. Хамдаллах Каавний как источник по социально-экономической истории Восточного Закавказья. Известия АН СССР, Отд. общественных наук, 1937, № 4, გვ. 890).

⁴ რაშიდ ედ-დინის სიტყვით, ამ დაწესებულებაში ინახებოდა ჭულაგუდთა სახელმწიფოს ყველა დასახლებული ადგილის აღწერის დავთრები და საგადასახადო ნუსხები. აქვე ხდებოდა ამ ნუსხების განახლება, გადათორება და სხვ. (რა ში დ ე დ-დ ი ნ ი . ციტ. გამოც., გვ. 211).

⁵ ი ქ ვ ე , გვ. 209—211.

⁶ ი ქ ვ ე , გვ. 204, 209—212; ჰამდალაჰ ყაზვინი. ნოხაათ ალ-ყოლუბ, გვ. 80.

⁷ რა ში დ ე დ-დ ი ნ ი . ციტ. გამოც., გვ. 215.

ცოტა ხნის შემდეგ იმ ადგილზე, სადაც აბეგაბ ალ-ბირრი იყო აგებული, ილხანმა საფუძველი ჩაუყარა ახალ ქალაქს — ლახანისს, რომელიც რაშიდ ედ-დინის სიტყვით, ძველ თავრიზზე მეტი იყო ფართობით¹.

უფრო ადრე ყაზანმა აღადგინა ქალაქი უჯანი და სახელმწიფოს სატახტო ქალაქად აქცია იგი (თავრიზამდე). უჯანს ახალი გალავანი შემოავლეს, რომლის სიგრძე 3 ათას ნაბიჯს უდრიდა. ყაზანსე აუგია კასპიის ზღვის პირას ქალაქი მაჰმუდაბადი² (ყაზანის მუსლიმანური სახელი მაჰმუდი იყო).

ყაზანის უმცროსმა ძმამ და მეგვიდრემ სულთანმა ოლჯეითუმ თავისი ვაჟის აბუ-საიდის დაბადების აღსანიშნავად განაგრძო იმ ქალაქის მშენებლობა, რომელსაც ჯერ კიდევ მამამისმა ილხანმა არღუნმა დაიწყო. ოლჯეითუმ ქალაქს სულთანიე უწოდა და სახელმწიფოს სატახტო ქალაქად აქცია იგი. ქალაქის მშენებლობა 1313 წელს დამთავრდა. ჰამდალაჰ ყაზვინი მოგვითხრობს, რომ თავრიზს გარდა არსად არის იმდენი დიდი შენობა, რამდენიც ამ ქალაქშიო. ოლჯეითუმ ქალაქისთვის ახალი გალავნის შემოვლება დაუწყია, რომლის სიგრძე 30 ათას ნაბიჯს უდრიდა, მაგრამ გალავნის მშენებლობა დაუმთავრებელი დარჩა ილხანის სიკვდილის გამო. აქვე ოლჯეითუმ თლილი ქვისაგან ააგო ციხე, რომლის სიგრძე წრეხაზში ორი ათას ნაბიჯს უდრიდა³.

ოლჯეითუმ სახელთანგეა დაკავშირებული ქალაქ სულთანაბადის დაარსება ბისუთუნის მთის ძირას და აგრეთვე სულთანაბადისა მულანში, კასპიის ზღვის სანაპიროზე⁴.

ფართო სააღმშენებლო მოღვაწეობას ეწეოდა ყაზანისა და ოლჯეითუმს პირველი ვეზირი, ისტორიკოსი რაშიდ ედ-დინი. მან თავრიზის ახალი გალავნის შეგნით, ვალიან ქუქში ააგო ქალაქი, რომელსაც რაშიდის უბანი უწოდა (بج رشيد). ამ უბნის ვრცელი აღწერილობა დავიტიოვა თვითონ რაშიდ ედ-დინმა თავისი ვაჟის სა'ად ედ-დინისადმი მიწერილ წერილში⁵.

რაშიდის უბანში, მისი დამაარსებლის სიტყვით, 30 ათასი სახლი ყოფილა (ამგვარად, თუ 1-ს ქალაქის მეოთხედ ნაწილად მივიჩნევთ, მთლიანად თავრიზში დაახლოებით 120 ათასი სახლი უნდა ყოფილიყო). ამას გარდა, იქვე აგებული იყო 24 დიდი ქარვასლა, ათას ხუთასი დუქანი, აბანოები, წისქვილები, საფიქრო და ქალაქის მკეთებელი სახელოსნო — „ქარხნები“ (کارخانهای شرفی و آغذ سازی), სამღებრო (رنگ رزخانه), ზარათხანა (دار الضرب) და სხვ. ბევრი იყვნენ რაშიდის უბანში ხელოსნები, რომლებიც სხვადასხვა ოლქებიდან და ქვეყნებიდან ჰყავდათ აქ მოყვანილი.

¹ რაშიდ ედ-დინი. ციტ. გამოც., გვ. 206.

² ჰამდალაჰ ყაზვინი. ნოზაჰთ ალ-ყოლუბ, გვ. 80, 91.

³ იქვე, გვ. 55.

⁴ The Tarikh-i-Guzida of Hamdu'llah Mustawfi-i-Qazwini. Part 1, containing the Reproduction in Facsimile of an old MS, with introduction by Ed. G. Browne GMS, vol. XIV, London—Leyden, 1910, გვ. 596.

⁵ რაშიდ ედ-დინის წერილები. ციტ. გამოც., წერილი № 51, გვ. 317—321.

რაშიდი ედ-დინი დიდ ყურადღებას აქცევდა მეცნიერების განვითარებასაც. მის მიერ დაარსებულ უბანში მთელი ქუჩა იყო, რომელსაც „მეცნიერთა ქუჩა“ ეწოდებოდა და, რომელზეც ღვთისმეტყველები, მუჰეძინები და ყურანის შეითხველები ცხოვრობდნენ. რაშიდის უბნის მედრესეებში ათასობით ახალგაზრდა სწავლობდა. ორმოცდაათი ცნობილი ექიმი, რომლებიც ინდოეთიდან, ჩინეთიდან, ეგვიპტიდან, სირიიდან და სხვა ქვეყნებიდან იყვნენ ჩამოსული, ათ-ათ მოწაფეს ასწავლიდა თავის სპეციალობას. ამას გარდა, უბანში გახსნილ საავადმყოფოში მუშაობდნენ გამოცდილი თვალის ექიმები და ქირურგები, რომელთაც ხუთ-ხუთი მოწაფე ჰყავდათ მიჩენილი.

რაშიდის უბნის გარდა, რაშიდ ედ-დინს ქალაქ სულთანიეშიც აუგია ერთი უბანი — რაშიდიე. ამ უბანში აშენებული იყო საკრებულო მეჩეთი, მედრესე, საავადმყოფო და 1500 საცხოვრებელი სახლი¹.

ამას გარდა, რაშიდ ედ-დინს ეკუთვნოდა დიდძალი სახნავ-სათესი მიწები სახელმწიფოს სხვადასხვა კუთხეში, რომელთა დიდი ნაწილი ფულთ ჰქონია შეძენილი და მის სრულ საკუთრებაში იმყოფებოდა².

თავის სამფლობელოებში რაშიდ ედ-დინს გაჰყავდა სარწყავი არხები, ქარიზები. აგებდა ახალ სოფლებს, აშენებდა ბაღებს, აარსებდა სხვადასხვა საქველმოქმედო დაწესებულებებს.

ჰულაგუიდა სახელმწიფოში გაჩაღებულ საღამშენებლო მოღვაწეობაში ილხანთა სამსახურში მყოფი სხვა დიდი მოხელეებიც მონაწილეობდნენ. ისინი აგებდნენ სასახლეებს, მეჩეთებს, გაჰყავდათ არხები და სხვ. ჰამდალაჰ ყაზვინის ცნობით, ქალაქ თავრიზში ადგილობრივ მდიდრებს 900-ზე მეტი ქარიზი გაუყვანიათ ქალაქის ბაღების მოსარწყავად³.

ოლჯეითუ-ხანისა და მისი მომდევნო ილხანის აბუ-საიდის (1316—1335) ვეზირმა თავ ედ-დინ ალი-შაჰმა თავრიზში ააგო საკრებულო მეჩეთი, რომლის მშენებლობაზეც აუარებელი მარმარილო დახარჯულა⁴. ბევრი უენობა ეკუთვნოდა თავ ედ-დინს ქალაქ სულთანიეშიც⁵. მასვე ახალი გალავანი შემოუვლია სალმასისა და არკეშისათვის. ამას გარდა, როგორც თავ ედ-დინს, ასევე სხვა ვეზირებსაც რაბათებზე აუგიათ დიდ საეკრო გზებზე⁶.

ამგვარად, როგორც ვნახეთ, ილხანთა თითქმის მთელი საღამშენებლო-ბღდგენითი მოღვაწეობა ძირითადად მაინც დედაქალაქების, ცალკეულ სასახლეების თუ აკლამების მშენებლობით ამოიწურებოდა. სახელმწიფოს ოლქების დიდი ნაწილი კი ისევ დანგრეულ-აოხრებული იყო.

¹ Н. Н. Петрушевский. Городская знать в государстве Хулагуидов, гл. 99, Здр. V. Minorsky. Sultaniya. El, т. III, гл. 548.

² ايملاک ما که بمال خاص خود خريد ايم — რაშიდ ედ-დინის წერილები. ციტ. გამოც., გვ. 14; ციტ. ხელნაწერი, ფ. 8 ა; დაწვრ. იბ. Н. Н. Петрушевский. Феодальное хозяйство Рашид-ид-дина.

³ ჰამდალაჰ ყაზვინი. ნოზათ ალ-ყოლუბ, გვ. 77.

⁴ იქვე, გვ. 77—78.

⁵ В. В. Бартольд. Историко-географический обзор Ирана, гл. 142.

⁶ ჰამდალაჰ ყაზვინი. გვ. 85, 101, 182.

საინტერესოა ჰამდალაჰ ყაზვინის შემდეგი ცნობა: „ექვი არ არის:— აღნიშნავს იგი, — რომ ის ნგრევა, რაც მონღოლთა სახელმწიფოს გაჩენის შემდეგ მოხდა და ის საყოველთაო ქლეტა, რასაც იმ დროს ადგილი ჰქონდა, მაინც ვერ გამოსწორდება, თუნდაც შემდგომი ათასი წლის განმავლობაში არავითარი უბედურება არ მოხდეს, და ქვეყნიერება ველარ მიაღწეეს ისეთ მდგომარეობას, როგორშიც ამ ამბებამდე იმყოფებოდა“¹.

ჰამდალაჰ ყაზვინი ხშირად გვაცნობებს, რომ ესა და ეს ქალაქი ამჟამად დანგრეულიაო, წინათ დიდი ქალაქი იყო, ახლა სოფელია, ანდა ვილაიეთის სახელიაო და სხვ. მაგალითად:

„რეის თუმანში რეის გარდა სხვა ქალაქი არ ყოფილა და რაკი რეი-ამჟამად დანგრეულია, ვერამინია იქაური ქალაქი“.

„სეჯასი და სოჰრავერდი პირველად ორი დიდი ქალაქი იყო, მონღოლთა დროს დაინგრა და ახლა თვითელი მათგანი სოფლის ოდენადაა“.

„ქალაზ-ქონანი საშუალო ქალაქი იყო... ახლა დანგრეულია და საშუალო სოფლის ოდენაა“.

„ყუმი... ამ ქალაქის დიდი ნაწილი ამჟამად დანგრეულია“.

„დელიჯანი თავდაპირველად საშუალო ქალაქი იყო, ახლა კი დანგრეულია“.

„ხორემაბადი მშვენიერი ქალაქი იყო, ახლა კი დანგრეულია“.

„ქურეშთი დიდი ქალაქი იყო, ახლა კი დანგრეულია“.

„ხალხალი საშუალო ქალაქი იყო, ახლა კი სოფელია“.

„დერავერდი წინათ ყასაბა იყო, ახლა კი ვილაიეთია და მონღოლთა ერთი ჯგუფის ყიშლალია“.

„მარანდი... დიდი ქალაქი იყო, მისი გალავნის სიგრძე რვა ათას ნაბიჯს უდრიდა, ახლა კი მხოლოდ ნახევარილა დგას ადგილზე“.

„ბაჯერავანი... წინათ მულანის მთავარი ქალაქი იყო, ახლა დანგრეულია და მკიდროდ დასახლებული სოფლის ოდენაა“.

„ქერმანშაჰი... საშუალო ქალაქი იყო, ახლა კი სოფელია“² და სხვ.

XIII—XIV საუკუნეთა უცხოელი მოგზაურებიც ამოწმებენ, რომ შემოსევების შემდეგ დანგრეული ბევრი ადგილი დიდხანს არ ყოფილა აღდგენილი“.

XIV საუკუნის მეორე მეოთხედის არაბი მოგზაური იბნ ბატუტა მოგვითხრობს, რომ ხორასნის ოთხი დიდი ქალაქიდან (ნიშაბური, ჰერათი, ბალხი და მერვი) ორი დანგრეული და დაუსახლებელია (ბალხი და მერვი)³.

აღმოსავლური ფეოდალური ქალაქები განსხვავდებოდნენ ერთმანეთისაგან როგორც თავისი წარმოშობით, ასევე სამეურნეო თუ სხვა სახის საქმიან-

¹ ჰამდალაჰ ყაზვინი. ნოზათ აღ-ყოლუბ, გვ. 27.

² იქვე, გვ. 52, 64, 66, 67, 68, 70, 71, 81, 83, 88, 90, 108.

³ პლანო კარპინი. ისტორია მონღოლებისა, გვ. 53; გულილიომ რუბრუკვისი. მოგზაურობა აღმოსავლეთის ქვეყნებში, მასალები საქართველოს და კავკასიის ისტორიისათვის, 1942, ნაკვ. V, გვ. 169; Марко Поло. Путешествие, გვ. 27, 33, 41.

⁴ Ibn Battuta. Travels in Asia and Africa, 1325--1354. Translated and selected by H. A. R. Gibb, London, გვ. 175.

ნობითაც. ეს საკითხი ჯერ კიდევ არ არის სათანადოდ შესწავლილი და დამუშავებული¹, მაგრამ ზოგიერთი ტიპი აღმოსავლური ფეოდალური ქალაქისა მაინც შეიძლება გამოიყოს.

კ. მარქსის მიერ აღნიშნული ქალაქების მთავარი ტიპები საუცხოოდ დასტურდება აღმოსავლურ წყაროებში დამოწმებული ცნობებით. სახელდობრ:

ა. ქალაქი პოლიტიკური და ადმინისტრაციული ცენტრი. ასეთი ქალაქის შესახებ კ. მარქსი წერდა: „დიდი ქალაქები აქ შეიძლება განვიხილოთ, როგორც მთავართა ბანაკები“². და შემდეგ, — „ეს ქალაქები (იგულისხმება დიდ მღოღოლთა სახელმწიფოს ქალაქები—დელი და აგრა—რ. კ.) სრულიად არ ჰგავნან პარიზს, არსებითად ისინი სამხედრო ბანაკებს წარმოადგენენ“³. ასეთი ქალაქი—რეზიდენციები იყო ჰულაგუიდთა სახელმწიფოში მარალა, უჯანი, თავრიზი, სულთანიე. ამ ქალაქების კეთილმოწყობა და ზრდა დიდად იყო დამოკიდებული იმაზე, რომ ისინი სხვადასხვა დროს ამა თუ იმ მბრძანებლის სატახტო ქალაქს წარმოადგენდნენ. მაგ., ქალაქ სულთანიეს შემოსავალი ხელოსნობასა და ვაჭრობაზე დაწესებული სახელმწიფო გადასახადიდან (თამლიდან) ჩვეულებრივ დროს 20 თუმანს უდრიდა, ხოლო იმ წლებში, როცა იქ ხანის ურდო იმყოფებოდა 30 თუმანამდე იზრდებოდა⁴. როგორც ჩანს, ქალაქში ხანის კარისა და დიდებულთა ყოფნა ვაჭრობისა და ხელოსნობის გაცხოველებას იწვევდა.

ბ. ქალაქები, რომლებიც დიდ სავაჭრო-საქარაგვო გზებზე მდებარეობდნენ და შუამავლის როლს ასრულებდნენ სატრანზიტო ვაჭრობაში. კ. მარქსის განმარტებით, „ქალაქები ამ სიტყვის ნამდვილი გაგებით აქ იქმნება ამ სოფლების გვერდით მხოლოდ იქ. სადაც განსაკუთრებით ხელსაყრელი ადგილია სავაჭრო ვაჭრობისათვის“⁵.

ასეთი ქალაქები ილხანთა ირანში იყო თავრიზი, ისფაჰანი, შირაზი, ნიშაბური, ჰამადანი, ტუსი, ჰერათი და სხვები. ამ ქალაქების მოსახლეობის მნიშვნელოვან ნაწილს ვაჭრები შეადგენდნენ. ქალაქებში ბევრი იყო საწყობები საქონლის შესანახად, ქარვასლები, დახურული ბაზრები, საბაეოები და სხვ. ჰულაგუიდთა სახელმწიფოს ქალაქები აქტიურ მონაწილეობას ღებულობდნენ იმდროინდელ მსოფლიო ვაჭრობაში. მარკო პოლო მოგვითხრობს: თავრიზი კარგ ადგილზე მდებარეობს; აქ ჩამოაქვთ საქონელი ინდოეთიდან, ბალ-

¹ ამ საკითხს უკანასკნელ ხანებში ორი საბჭოთა აღმოსავლეთმცოდნე ისტორიკოსი შეეხო. იხ. И. П. Петрушевский. Городская знать в государственное Хулагуидов, გვ. 87; К. А. Антонова. Очерки общественных отношений и политического строя Могольской Индии времени Акбара, М., 1952, გვ. 128—131.

² კ. მარქსი. კაპიტალისტური წარმოების წინამორბედი ფორმები, გვ. 20.

³ კ. მარქსი, ფ. ვენგელსი. რჩეული წერილები, გვ. 74.

⁴ ჰამადალაჰ აჯაზეინი. ნოზაათ აღ-ყოლუბ, გვ. 56.

⁵ კ. მარქსი. კაპიტალისტური წარმოების წინამორბედი ფორმები, გვ. 12.

დადიდან, მოსულიდან, გარჰსირიდან და ბევრი სხვა ადგილებიდან; აქვე ჩამოდიან უცხოური საქონლისათვის ლათინელი ვაჭრებიო (განსაკუთრებით, გენუელები)¹.

გ. ქალაქები, რომლებიც საშინაო ვაჭრობისა და ხელოსნობის ცენტრებს წარმოადგენდნენ. ასეთი საშუალო და მცირე ქალაქი ბევრი იყო როგორც ირანში, ასევე აღმოსავლეთის სხვა ქვეყნებშიც. ისინი თავიანთი ნაწარმით სავსებით აკმაყოფილებდნენ საკუთარ და ახლომახლო მდებარე სოფლის მოთხოვნილებას.

დ. იყო ისეთი ქალაქებიც, რომელთაც საგარეო ბაზარზე გაჰქონდათ სახელოსნო ნაწარმი, განსაკუთრებით, ძვირფასი ქსოვილები, ხალიჩები, ჭურჭლეული, იარაღი და სხვა საქონელი.

ე. ზოგჯერ ქალაქი წარმოიშობოდა რომელიმე წმინდა ადგილის გარშემო, რომელიც ბევრ მლოცველს იზიდავდა. ასეთ ქალაქში ვითარდებოდა ვაჭრობა და ხელოსნობა, რომელიც ძირითადად მლოცველთა მოთხოვნილების დასაკმაყოფილებლად იყო გამიზნული.

ძალიან ხშირად ერთი ქალაქი ორი ან რამდენიმე ტიპის ნიშნებს აერთიანებდა (თავრიზი, ისფაჰანი, ნიშაბური, ჰამადანი და სხვ.).

ჰამდალაჰ ყაზვინი ჰულაგუილთა სახელმწიფოს ქალაქებს 4 კატეგორიად ჰყოფს: დიდი ქალაქი (شهر عظیم ან شهر بزرگ), საშუალო ქალაქი (شهر وسط), მცირე ქალაქი (شهر کوچک) და ყასაბა (قصبه).

დიდი ქალაქები ჰულაგუილთა სახელმწიფოში იყო თავრიზი, სულთანიე, ისფაჰანი, შირაზი, ნიშაბური, არღებილი, ყაზვინი, ჰამადანი, ქაშანი, იეზლი, სალმასი, ურმია, მარაღა, ამოლი და სხვები.

ჩვენთვის ცნობილი არ არის, თუ რის მიხედვით ახარისხებს ჰამდალაჰ ყაზვინი ქალაქებს, მაგრამ მაინც თამამად შეგვიძლია შევნიშნოთ, რომ დიდი ქალაქების ასეთი რაოდენობა არ შეეფერება ქვეყნის საერთო ეკონომიურ დაქვეითებას და უფრო მეტად მონღოლთა შემოსევების წინარე ხანის მდგომარეობას უნდა ასახავდეს.

საშუალო ქალაქების რიცხვი შედარებით მეტი იყო. ასეთები იყო, ჰამდალაჰ ყაზვინის სიტყვით: ნეჰავენდი, ხოი, სარავი, თუნი, ესფერაინი, სებ-ზევარი, ხაბუშანი, ესფეზარი, ჯანი, ასთარაბადი და სხვ.

მცირე ქალაქების რიცხვი კიდევ უფრო მეტი ყოფილა. შეუძლებელია დადგენა, თუ რა განსხვავებას ხედავს ჰამდალაჰ ყაზვინი شهر کوچک-სა და شهر-ს შორის, მაგრამ, ფაქტიურად მათ შორის არავითარი განსხვავება არ უნდა ყოფილიყო. ასეთი მცირე ქალაქები და შაჰრაქებია: ილაჯი, ასადაბადი, აჰარი, სემენჯანი, თალეყანი, ფარიბაბი, შაბურღანი, ბისტამი, ნეირიზი, სავე და სხვ.

ქალაქებს ილხანთა სახელმწიფოში არავითარი ისეთი მნიშვნელოვანი ცვლილება არ განუცლიათ, რაც მაჩვენებელი იქნებოდა რაიმე მკვეთრი შემობრუნებისა მათ განვითარებაში.

¹ Марко Поло. Путешествие. Перевод И. П. Минаева, Л., 1940, გვ. 23.

ჰულაგუიდან სახელმწიფოს ქალაქებისთვის, ისევე, როგორც წინარე ხანის ქალაქებისთვისაც, დამახასიათებელი იყო მკიდრო კავშირი სოფელთან. უამისოდ არც შეიძლება წარმოვიდგინოთ ისეთი უზარმაზარი ქალაქების არსებობა, რომელთა მოსახლეობის რაოდენობა ხშირად ასეული ათასობით განიზომებოდა. კ. მარქსის ცნობილი დებულება იმის შესახებ, რომ „აზიის ისტორია ქალაქისა და სოფლის დაუნაწევრებელი ერთიანობის ერთგვარი სახეა“¹, გვაძლევს გასაღებს ამ ნოვლენის ასახსენლად. ეს „გიგანტი ქალაქები“ შეიძლება განვიხილოთ „როგორც ხორცმეტი ნამდვილ ეკონომიურ წყობაზე“². ყოველ ქალაქს, როგორც დიდს ისე მცირეს, გარს ერტყა სოფლების გარკვეული რაოდენობა—„რუსთაკი“. რუსთაკი მკიდროდ იყო დაკავშირებული ქალაქთან და მის ორგანულ ნაწილს შეადგენდა.

მაგალითად, ისტაჰანის ირგვლივ 400 სოფელი იყო, რომლებიც 8 ნაპიად იყოფოდნენ და კულტურულ ზოლს ქმნიდნენ ქალაქის გარშემო. ყაზვინის ვილაიეთში 300 სოფელი იყო, ზენჯანს 100 სოფელი ჰქონდა, სავეს—125, ჰამადანს—218 და ა. შ.³.

ამას გარდა, მოქალაქეებსაც ჰქონდათ ბაღები და ვენახები, როგორც ქალაქის გაღავანის გარეთ, ასევე, თვით ქალაქშიც. ჰამდალას ყაზვინი ხშირად გვატყობინებს ამა თუ იმ ქალაქის შესახებ, კარგი ბაღები აქვს, კარგი და ბევრი ხილი იცისო და სხვ. მაგალითად:

„ყაზვინი... ქალაქში ბევრი ბაღია და წელიწადში ერთხელ, წყალდიდობის დროს, რწყავენ. ყურძენი, ნუში და ფსტა ბევრი მოდის. მორწყვის შემდეგანესეს და საზამთროს თესავენ და მეტი მორწყვა აღარც ჰქირდება, ჩინებულ ნაყოფს იძლევა. უმეტეს დროს აქ ხილი და მარცვლეული იაფია“.

„ჰამადანს... ბევრი ბაღი აქვს და ხილი ძალიან იაფია“.

„ქალაქ თავრიზს ბევრი ბაღი აქვს და საჰანდის მთიდან გამომდინარე მეპრან-რუდის წყალი და ცხრაასზე მეტი ქარიზი, რომლებიც მდიდარმა ხალხმა გათხარა და ამ ბაღების მოსარწყავად იხარჯება, მაინც საკმარისი არ არის... ხილი ძალიან კარგი, ბევრი და იაფია“.

„სალმასს... ბევრი ბაღი აქვს, ხილი და ყურძენი კარგი მოდის“.

„ურმიას... მრავალი ბაღი აქვს და ხილიდან ყურძენი, მსხალი და გარგარი განსაკუთრებით კარგია“.

„ნეილანი პატარა ქალაქია და ბევრი ბაღი აქვს. მარცვლეული, ბამბა, ყურძენი და ხილი ბევრი მოდის“⁴, და სხვ.

ამასვე აღნიშნავენ უცხოელი მოგზაურებიც. მარკო პოლო მოგვითხრობს, თავრიზის გარშემო მშენიერი ბაღებია და ბევრია სხვადასხვა გემრიელი ხილიო⁵.

¹ კ. მარქსი. კაპიტალისტური წარმოების წინამორბედი ფორმები, გვ. 20.

² იქვე.

³ ჰამდალას ყაზვინი. ნოზათ აღ-ყოლუბ, გვ. 50, 59, 62, 65, 71, 72 და სხვ.

⁴ იქვე, გვ. 58, 71, 77, 85, 87.

⁵ М а р к о П о л о . Путешествие, გვ. 23.

აღსანიშნავია, რომ ასეთი ნახევრადაგრაარული ხასიათი აღმოსავლეთის, კერძოდ, ირანის, ქალაქებისათვის დამახასიათებელი იყო მომდევნო საუკუნეებშიც¹.

მონღოლთა ბატონობის ხანაში ირანის ქალაქების მოსახლეობის ეთნიკურ შემადგენლობაში არ მომხდარა რამდენადმე მნიშვნელოვანი ცვლილებები.

ცნობილია, რომ მონღოლთა არისტოკრატის დიდი ნაწილი თავიდანვე მტრულად იყო განწყობილი ქალაქებისა და საქალაქო ცხოვრების მიმართ და ერიდებოდა ქალაქებში დასახლებას. ამის გამო ჰულაგუიდთა სახელმწიფოს საქალაქო არისტოკრატის ეთნიკურ შემადგენლობაში წინარე ხანასთან შედარებით მცირე ცვლილებები მოხდა. პროფ. ი. პ. პეტრუშევსკის გამოკვლევით, ქალაქ ყაზვინის 28 წარჩინებული გვარიდან 25 მონღოლთა შემოსევებამდე დიდი ხნით ადრე დასახლდა ამ ქალაქში². ამ გვართა წარმომადგენლები ისევე, როგორც სხვა ქალაქების არისტოკრატია, შედარებით ნაკლებად დაზარალდნენ მონღოლთა შემოსევების შედეგად. მაღალი წრეების წარმომადგენლები ქონებისა და სხვადასხვა პრივილეგიების შენარჩუნების მიზნით საერთოდ ადვილად გადადიოდნენ დამპყრობთა მხარეზე. აღნიშნული 25 გვარიდან, ჰამდალაჰ ყაზვინის ცნობით, 19-ს მონღოლთა ბატონობის ხანაშიც შეუნარჩუნებია ყაზვინში სიმდიდრე და გავლენა, ერთი თავრიზში გადასახლებულა, ოთხი ამოწყდა და მხოლოდ ერთი გაღარიბდა. ამასთან ერთად, ქალაქის არისტოკრატის მონღოლურ ხანაში შეემატა სულ საჩინო ახალი გვარი, რომელთაგან მხოლოდ ერთი ყოფილა ნონღოლური წარმომობისა³. ასეთივე მდგომარეობა უნდა ყოფილიყო სახელმწიფოს სხვა ქალაქებშიც.

პროფ. ი. პ. პეტრუშევსკი აღნიშნავს საქალაქო არისტოკრატის ეთნიკური შემადგენლობის დიდ მდგრადობას, როგორც მონღოლთა შემოსევების წინარე ხანაში, ასევე მის შემდეგაც. ეს არისტოკრატია ძირითადად ირანელებისა და გაირანელებული არაბებისაგან შედგებოდა⁴.

ქალაქის მოსახლეობის დაბალი ფენები, როგორც უკვე ნაჩვენები იყო, გაცილებით უფრო მეტად დაზარალდნენ მონღოლთა შემოსევების დროს. მაგონამ ამას არ უნდა გამოეწვია მოსახლეობის ამ ნაწილის ეთნიკური შემადგენლობის რამდენადმე საგრძნობი ცვლილება. ცნობილია, რომ ირანში მოსული რიგითი მონღოლების დიდ ნაწილს მეურნეობის იმ დარგის სპეციფიკური ხასიათის გამო, რომელსაც ის მისდევდა (მომთაბარე მეჯოგეობა), არ

¹ К л а в и х о. Жизнь и деяния великого Тамерлана. Дневник путешествия во двор Тимура в Самарканде. Перевод и примечания И. П. Срезневского. Сборник Отд. русского языка и словесности АН, т. 28, № 1, СПб, 1881, гл. 87, 163, 165—166, 205; А д а м О л е а р и й. Подробное описание путешествия голштинского посольства в Москву и Персию. М., 1870, гл. 718; Я. Я. Стрейс. Три путешествия, М., 1935, гл. 517.

² И. П. Петрушевский. Городская знать в государстве Хулагуидов, гл. 92.

³ იქვე.

⁴ იქვე, გვ. 95—96, 108.

შეეძლო ქალაქებში დასახლება, რადგან დიდი ჯოგების მოვლა-პატრონობა საძოვართა ხშირ გამოცვლას საკიროებდა. მართალია, ცნობილია მონღოლთა ბინადარ ცხოვრებაზე გადასვლის რამდენიმე ფაქტი¹, მაგრამ ეს ერთეული შემთხვევები ვერ შეცვლიდა ქალაქის მოსახლეობის ეთნიკურ შემადგენლობას (მით უმეტეს, რომ წყაროებში მეტწილად მონღოლთა სოფელ ადგილებში დასახლებაზეა საუბარი). ილხანთა სახელმწიფოს ქალაქების მოსახლეობის დაბალი ფენების შევსება ხდებოდა არა მომთაბარე მონღოლების ბინადარ ცხოვრებაზე გადასვლისა და ქალაქებში დასახლების ხარჯზე, არამედ სოფლის მოსახლეობის ხარჯზე. ამდენად, ჰულაგუიდთა სახელმწიფოს ქალაქის მოსახლეობის დაბალი ფენების ეთნიკური შემადგენლობაც ძირითადად უცვლელი უნდა დარჩენილიყო.

ქალაქის არისტოკრატია მონღოლთა ბატონობის ხანაში შედგებოდა სამოქალაქო მოხელეების, ულემების, სეიდების, დერვიშთა შეიხებისა და მათ შთანამშავლთაგან. ყველა ისინი იმავე დროს მსხვილი მიწათმფლობელებიც იყვნენ და ბევრი მათგანი ვაჭრობასთანაც იყო დაკავშირებული. მონღოლი ილხანები წყალობის თვალით უცქეროდნენ ქალაქის არისტოკრატის, რადგან მისი სახით ხელაღდენს საიმედო თანაშემწეს ქვეშევრდომთა ექსპლოატაციის საქმეში.

ქალაქის მოსახლეობის პრივილეგიებულ ფენას შეადგენდნენ აგრეთვე მსხვილი ვაჭრები, რომელთაც ხანის ოჯახის წევრებსა და სხვა გავლენიან ფეოდალებთან ჰქონდათ კავშირი და დიდი შეღავათებითაც სარგებლობდნენ.

ქალაქის მოსახლეობის უმეტეს ნაწილს შეადგენდნენ ჩაგრული ფენები— ხელოსნები, წვრილი ვაჭრები, ქალაქის ლატაკები, მონები.

ხელოსანთა რიცხვი ქალაქში საგრძნობლად შემცირდა მონღოლთა შემოსევების შედეგად. გადაარჩენილი ხელოსნების დიდი ნაწილი ხანების, უფლისწულთა და სხვა ფეოდალების საკუთრებას შეადგენდა და მოკლებული იყო პირად თავისუფლებას. მაგალითად, მარტო ვერამინში ხელოსანთა სამასი ოჯახი ყოფილა, რომლებიც ილხან არლუნის პირად საკუთრებას შეადგენდნენ. არლუნ-ხანი მათ „თავის ხელოსნებს“ უწოდებდა².

თავისუფალმა ხელოსნებმა ირანში შეინარჩუნეს თავიანთი ხელოსნური გაერთიანებები (უპირატესად სამხრეთ ირანის ქალაქებში). მაგრამ აღებულ ხანაში ამქრებში გაერთიანებული თავისუფალი ხელოსნები ვერ თამაშობდნენ ირანის ქალაქებში რამდენადმე მნიშვნელოვან საზოგადოებრივ და პოლიტიკურ როლს³.

¹ ჰამდალამ ყაზვინი მოგვითხრობს, სეჯასისა და სოჭრავერდის ვილაიეთში ასზე მეტი სოფელია, რომელთა უმეტესობა მონღოლებით არის დასახლებული (ნოზაათ ალ-ყოლუბ, გვ. 64); იმავე ავტორის ცნობით, ქალაქ-ქონანის მიდამოებში 35 სოფელი იყო. მონღოლთა შემოსევების დროს ეს სოფლები დაინგრა, ახლა კი, რაკი მონღოლებითაა დასახლებული და ისინი მიწათმოქმედებას მისდევენ, ამ ადგილს მოლულიე ვწოდებთ (იქვე, გვ. 68).

² რა შ ი დ ე დ-დ ი ნ. კ. ი ა ნ ის გამოც., გვ. 51, 53.

³ И. П. Петрушевский. Городская знать в государстве Хулагуидов, гв. 107.

წერილი ვაქრები უფლებრივად ბევრად არ განსხვავდებოდნენ ხელოს-
ნებისაგან. ისინი ადგილობრივ ბაზარს უწევდნენ მომსახურებას და მათი
კლიენტებიც მხოლოდ ხელოსნები და ქალაქის ლარბები იყვნენ. თავისთავად
ცხადია, რომ ამ ვაქრებს არც დიდი ქონება გააჩნდათ და არც გავლენა.
ხელოსანთა მსგავსად, მათაც ჰქონდათ თავიანთი პროფესიული გაერთიან-
ებები.

ქალაქის მდებარეობს შუა საუკუნეთა ოფიციალური ისტორიოგრაფიის
წარმომადგენლები, ჩვეულებრივ, ნაძირალებს (اشباش و افواج) უწოდებენ. ქა-
ლაქის ლარბები ადგილობრივ და მონღოლ ფეოდალთა მხრით სასტიკ ექს-
პლოატაციას განიცდიდნენ. ამიტომაც, წყაროებში ყველაზე ხშირად მათს
მღელვარებასა და აჯანყებებზეა ცნობები დაცული (სწორედ მათი ასეთი
„მოუსვენრობით“ უნდა აისხნას ის შეურაცხყოფელი სახელი, რასაც ისტო-
რიკოსები მოსახლეობის ამ ფენის აღსანიშნავად ხმარობდნენ). ქალაქის ლა-
რბების ანტიმონღოლურ და ანტიფეოდალურ გამოსვლებში ძალიან ხშირად
ხელოსნებიც მონაწილეობდნენ, რადგან ისინიც მძიმე მდგომარეობაში იმყო-
ვებოდნენ მონღოლთა მიერ შემოღებული აღვირახსნილი ექსპლოატაციის
პირობებში.

ქალაქის მოსახლეობის ყველაზე დაბალ ფენას ილხანთა ირანში შეად-
გენდნენ მონები. საკმაოდ გავრცელებული იყო მონებით ვაქრობაც¹. მონ-
ლოლთა შემოსევებისა და ბატონობის ხანაში მონობა მახლობელი და შუა
აღმოსავლეთის ქვეყნებში მნიშვნელოვნად გაძლიერდა. მონობის მთა-
ვარ წყაროს სამხედრო ტყვე (اسرا) წარმოადგენდა. „ომის დროს [მონ-
ლოლები] ყველა ტყვეს ხოცავენ, თუ ზოგიერთი მათგანის მონად დატოვება
არ მოისურვებს“. — მოგვითხრობს პლანო კარპინი².

მონის სყიდვა მონღოლურ ხანაში საყოველთაოდ ყოფილა გავრცელებული
და, როგორც ჩანს, სრულიადაც არ წარმოადგენდა უჩვეულო მოვლენას ევ-
როპელი მოგზაურებისთვისაც კი. გუილიომ რუბრუკისის ცნობით, აღმოსავ-
ლეთის ქვეყნებში მოგზაურობისას მას თან ახლდა ერთი ახალგაზრდა მონა,
რომელიც შეგროვილი მოწყალეობით ჰყოლია ნაყიდი³. არაბ მოგზაურ იბნ
ბატუტას ნიშაბურში უყიდია მონა, მაგრამ მალე ისევ გაუყიდა⁴. საყურად-
ღებო ცნობა მოეპოვება მონებით ვაქრობის შესახებ ჰამდალაპ ყაზვინისაც.
იგი წერს: „დღე არ გავა, რომ რუმიდან სხვა ვილაიეთებში მონები არ გაი-
ყვანონ. ხოლო [ამ] წიგნის ავტორი ამბობს, ჩვენი ცუდი ცხოვრებისგანაა,
რომ მონები ახლა ირანიდანაც მიჰყავთ რუმისა“⁵.

¹ XI საუკუნის ძეგლში— „ყაბუს-ნამეში“ სპეციალური თავია მიძღვნილი მონის სყიდვი-
სადმი, მაგრამ, დამახასიათებელია, რომ ამ თავში სრულებით არაფერია თქმული მონის შრო-
მის წარმოებაში გამოყენების შესახებ და მხოლოდ საოჯახო მონობაზეა საუბარი (Кабуц-
нама. Перевод, статья и примечания Е. Э. Бертельса, გვ. 92—97).

² პლანო კარპინი. ისტორია მონღოლებისა, გვ. 34.

³ გუილიომ რუბრუკისი. მოგზაურობა აღმოსავლეთის ქვეყნებში, გვ. 16.

⁴ იბნ ბატუტა. მოგზაურობა, ციტ. გამოც., გვ. 177.

⁵ ჰამდალაპ ყაზვინი. ნოზათ აღ-ყოლუბ, გვ. 94.

არც თუ იშვიათად, თვითონ მონღოლებიც ხედებოდნენ მონათა ბაზარზე. რაშიდ ედ-დინი მოგვითხრობს, რომ ჯუჩის, ჩალათაის და უგედეის შთამომავალთა შორის წარმოებული ბრძოლებისა და შეტაკებების დროს ტყვედ ჩაყარდნის მონღოლები მონებად იყიდებოდნენო. ილხანმა ყაზანმა ბრძანა შეესყიდათ ყველა მონა მონღოლი, ვისაც კი მოიყვანდნენ გასასყიდად, და სპეციალური ლაშქარი შეადგინა მათგან. მონღოლი მონებით ვაჭრობა იმდენად გაგრძელებული ყოფილა, რომ მოკლე ხანში ყაზანის რაზმში ათი ათასამდე ემომარი შეგროვდა, რომლებიც ილხანის ინჯუს შეადგენდნენ¹.

მონღოლთა მონობაში ჩაყარდნის მუსლიმანების მდგომარეობის შესახებ საინტერესო ცნობები მოგვრევათ პლანო კარპინისა და რუბრუკის. ეს უკანასკნელი მოგვითხრობს, რომ „მონები მუცელს ივსებენ ქუჭყიანი წყლით და ამით კმაყოფილდებიან. აგრეთვე ისინი იჭერენ თაგვებს“².

ილხანთა ირანის ქალაქებში მონა ხელოსნები დიდ სახელოსნო „ქარხნებში“ მუშაობდნენ, მაგრამ XIV საუკ. დასაწყისისათვის მონობის როლი აქ მნიშვნელოვნად დაეცა³. მონღოლებმა ნახეს, რომ მონის შრომა არ იყო სასარგებლო თავისუფალი ადამიანის შრომასთან შედარებით. ამიტომ ყაზან-ყაენმა „ქარხნებში“ მომუშავე მონა ხელოსნები სპეციალური იარღიყით თავისუფალ ხელოსნებს გაუთანასწორა და ნაქეთობის გარკვეული რაოდენობა შეაწერა⁴. რაშიდ ედ-დინმა კი თავისი მონები მიწაზე დასვა, საწარმოო იარაღები მისცა და ბაღების მოვლა დაავალა⁵. თავისთავად ცხადია, რომ ასეთ „მონებს“ აღარაფერი ჰქონდათ საერთო, ეთქვათ, სახალიფოს დროინდელ მონებთან.

ამგვარად, შეიძლება დავასკვნათ, რომ მონღოლთა ბატონობის ხანაში ირანის ქალაქების მოსახლეობის სოციალურ შემადგენლობაში არ მომხდარა ისეთი რიგის ცვლილებები, რაც მაჩვენებელი იქნებოდა რაიმე გარდატეხისა სოციალურ ურთიერთობათა განვითარებაში.

მონღოლთა შემოსევების ხანაში ქალაქის მმართველობის ორგანიზაციაზე არავინ ზრუნავდა. აღებულ ქალაქებში ჩვეულებრივ ინიშნებოდა სამხედრო გამგებელი — შეჰნე, რომელსაც მცირერიცხოვანი გარნიზონი ემორჩილებოდა.

ჭულაგუიდათა სახელმწიფოში უფრო მოწესრიგებული ჩანს საქალაქო მმართველობა, რაც ძირითადად წინამონღოლური ხანის მმართველობის განმეორებას წარმოადგენს.

სახელმწიფოს სამოქალაქო აღმინისტრაციის სათავეში იდგა პირველი ვეზირი, რომელსაც ემორჩილებოდა ყველა დანარჩენი სამოქალაქო მოხელე.

¹ რაშიდ ედ-დინი. კ. იანის გამოც., ლონდონი, გვ. 311—312.

² გულილიო მ. რუბრუკისი. მოგზაურობა აღმოსავლეთის ქვეყნებში, გვ. 24.

³ И. П. Петрушевский. Хамдаллах Казвини как источник по социально-экономической истории, гл. 916; Феодальное хозяйство Рашид-ад-Дина, гл. 101.

⁴ რაშიდ ედ-დინი. ციტ. გამოც., გვ. 338.

⁵ რაშიდ ედ-დინის წერილები. ციტ. გამოც., გვ. 53; ციტ. ხელნაწერი, ფ. 26 6—27 ა.

ვეზირებად მეტწილად ინიშნებოდნენ ადგილობრივი სამოხელეო არისტოკრატიის წარმომადგენლები, რომლებიც მონღოლთა სახელმწიფო სამსახურში წინაურდებოდნენ და ფაქტიურად განაგებდნენ სახელმწიფოს მთელ სამეურნეო ცხოვრებას.

პირველ ილხანთა დროს ოლქების მმართველებად ინიშნებოდნენ როგორც მონღოლთა სამხედრო-მომთაბარული არისტოკრატიის წარმომადგენლები, ასევე ადგილობრივი ფეოდალური არისტოკრატიის წარმომადგენლებიც. შემდეგში ოლქებისა თუ ქალაქების გამგებლებად — ჰაქიმებად — უპირატესად ადგილობრივი ფეოდალები იყვნენ. თუ ჰაქიმში ძველ დიდგვარიანთა არისტოკრატიის წარმომადგენელი იყო, მას მალიქის წოდებულება ეძლეოდა. ჰაქიმი ხელმძღვანელობდა საგამგებლო ოლქის მთელ სამეურნეო ცხოვრებას. კერძოდ, მის ხელთ იყო მოსახლეობაზე გადასახადთა გაწერა-აკრეფის საქმე. ზოგჯერ ჰაქიმები თვითონვე გვევლინებოდნენ თავიანთი საგამგებლო ოლქების გადასახადთა შემსყიდველებად.

არსებობდა ჰულაგუიდთა სახელმწიფოში მუშრის ინსტიტუტიც. ამ მოხელის უფლება-მოვალეობებში უმნიშვნელო ცვლილება იქნა შეტანილი წინარე ხანასთან შედარებით. სახელმწიფოს მუშრის ევალეობა ფიზიკურად უფრო ხაზინისა და საგანძურთა საქმეებში და ყველაფერი სცოდნოდა, ყველგან ჰყოლოდა მიჩენილი თავისი ნაიბები¹. მუშრისები ინიშნებოდნენ ცალკე ქალაქებსა და ოლქებშიც და სხვა მოხელეთა საქმიანობაზე თვალყურის დევნება და აკრეფილ გადასახადებზე კონტროლის გაწევა ევალეობდათ. ამას გარდა, ქალაქებში იყვნენ საფინანსო უწყების მოხელეები — მუსტოფი, გადასახადთა ამკრეფნი, მუთასარიფი და სხვ. მუთასარიფი ხელმძღვანელობდა ოლქსა თუ ქალაქში გადასახადთა აკრეფის საქმეს და ჰაქიმთან ერთად პასუხისმგებელი იყო სახელმწიფო ხაზინის წინაშე.

გარდა ჩამოთვლილი მოხელეებისა, ილხანთა სახელმწიფოს ქალაქებში არსებობდა შეჰნეს ინსტიტუტიც. ამ მოხელეს ქალაქის სამეურნეო ცხოვრების მნიშვნელოვან მხარეებზე ხელი არ მიუწვდებოდა. მას ქალაქსა და მის ოლქში წესრიგის დაცვა და გარნიზონის უფროსობა ჰქონდა დავალებული. შეჰნეს მნიშვნელოვანი სამხედრო ძალა გააჩნდა და ქალაქის ერთ-ერთ უმაღლეს მოხელედ ითვლებოდა.

შეჰნეს გარდა მონღოლებს ბასკაკის თანამდებობაც შემოუღიათ ირანში. ბასკაკი ის მოხელე იყო, რომელსაც მონღოლები ცალკე ოლქსა თუ ქალაქში დანიშნულ გამგებელს მიუჩენდნენ ხოლმე. ბასკაკი თვალყურს ადევნებდა ადგილობრივ ფეოდალთაგან დანიშნულ ჰაქიმს, რომ მას ზუსტად შეესრულებინა თავისი მოვალეობა და სრულად შეეცანა ხაზინაში აკრეფილი ხარკი და გადასახადი. ჰულაგუიდთა სახელმწიფოში ბასკაკს საკუთარი სამოხელეო ფუნქციები არ გააჩნდა. ის მხოლოდ მიყენებული მოხელე იყო.

ამას გარდა, ყაზან-ყანის მიერ მუსლიმანობის სახელმწიფო რელიგიად გამოცხადებასთან დაკავშირებით გაიზარდა ზოგიერთი თანამდებობის მნიშვნელობა. პირველ რიგში ეს ეხება მუჰთასიბსა და ყადის.

¹ რაშიდ ედ-დინი. კ. იანის გამოც., გვ. 39.

ყადის თანამდებობა მანამდეც არსებობდა, მაგრამ არავითარი წონა არა ჰქონდა მონღოლთა თვალში. ილხან კელიათუს დროს იქამდე მივიდა საქმე, რომ ყადის თანამდებობას იჯარითაც კი იძლეოდნენ. ყაზან-ყაენმა მთელი რიგი პრივილეგიები მიანიჭა ყადის და მისი უფლებებიც გაზარდა, რითაც ხაზი გაუსვა იმ გარემოებას, რომ ამიერიდან სახელმწიფოში გადამწვეტ ძალას და ილხანის დასაყრდენს მუსლიმანი მოსახლეობა შეადგენდა.

ამგვარად, საქალაქო მმართველობას ჰულაგუიდთა სახელმწიფოში არ განუცდია რაიმე არსებითი ცვლილებები. მონღოლებს არც შეეძლოთ ახლებურად მოეწყოთ საქალაქო მმართველობის სისტემა, რადგან არა ჰქონდათ ქალაქების მართვის არავითარი გამოცდილება.

მონღოლ ილხანებს დიდი რაოდენობით სკირდებოდათ სახელოსნო ნაწარმი, ამიტომ ისინი ზრუნავდნენ ხელოსნობის აღდგენაზე. მაგრამ მონღოლებს არ მოუტანიათ არავითარი საკუთარი ტრადიციები მახლობელი და შუა აღმოსავლეთის ქვეყნების სახელოსნო წარმოებაში¹. ყველაფერი, რაც აქ იწარმოებოდა, დაპყრობილი ხალხების, მათი ხელოსნების ხელით კეთდებოდა.

მონღოლთა ბატონობის ხანაში ირანში გაჩნდა დიდი სახელოსნოები— „ქარხნები“, რომლებიც სახელმწიფოს ან ხანების საკუთრებას შეადგენდა. მსგავსი სახელმწიფო სახელოსნოები—თირაზები—ჯერ კიდევ აბასელთა სახალიფოში არსებობდნენ და უპირატესად ძვირფას ქსოვილებს ამზადებდნენ². ასეთივე სახელოსნოები არსებობდა მახლობელი აღმოსავლეთის ქვეყნებში უშუალოდ მონღოლთა შემოსევების წინარე ხანაშიც. მაგრამ შაჰინ სახელმწიფო სახელოსნოებში ფოდალურად დამოკიდებული ხელოსნები მუშაობდნენ. მონღოლებმა, რომელთაც აუარებელი მუქთა მუშახელი ჰყავდათ ტყვე ხელოსნების სახით, დიდი სახელოსნო-ქარხნები მიიჩნიეს მათი ექსპლოატაციის საუკეთესო საშუალებად. ამით აცხსნება ქარხნების დიდი გავრცელება ნონლოლთა ბატონობის ხანაში. უფრო ხშირი იყო ისეთი დარგის ქარხნები, რომელთა ნაწარმზე მონღოლებს დიდი მოთხოვნილება ჰქონდათ. განსაკუთრებით ბევრი იყო იარაღისა და სამხედრო საქურჯლის დამამზადებელი სახელოსნოები, აგრეთვე ტანსაცმლის, ქსოვილებისა და სხვ. ყოფილა ისეთი ქარხნებიც, სადაც მინები ან სარკეები მზადდებოდა³.

გარდა ქარხნებში მომუშავე მონა ხელოსნებისა, მონღოლებს სხვა ხელოსნებიც ჰყავდათ, რომლებიც მათ ინჯუს შეადგენდნენ. ისინი თავიანთი პატრონებისთვის ამზადებდნენ ნაწარმს. ყოველ მათგანს წელიწადში ნაკეთობის გარკვეული რაოდენობა უნდა დაემზადებინა, რაშიც განსაზღვრულ ჯამაგირსა და ულუფას ღებულობდა. მაგრამ ეს ხელოსნები, ისევე როგორც ქარხნებში მომუშავენი, დაინტერესებული არ იყვნენ შრომის ნაყოფიერებით, რადგან ასე თუ ისე მაინც ღებულობდნენ გასამრჯელოსა და სარჩოს.

¹ Б. Д. Греков, А. Ю. Якубовский. Золотая Орда и её падение. стр. 148.

² А. Grohman. Tiraz EI, т. IV, стр. 785—793.

³ А. М. Беленицкий. К вопросу о социальных отношениях в Иране, стр. 123.

ამ მდგომარეობის განმარტებით და დასაბუთებლად ყაზან-ყაენმა ბრძანა, მიუხედავად იმისა, რომ ისინი ჩემი ხელოსნები და მონები არიან, დივანის მიერ გაცემული თანხით დაამზადონ ნაკეთობა და ისევე გაასწორონ ანგარიში, როგორც სხვები ვაქრობენ ბაზარზე თავისი ხარჯით დამზადებული ნაკეთობით¹. ილხანის ბრძანებით ყოველ ქალაქში ერთი დარგის ხელოსნები ერთად შეკრიბეს, საინდო ზედამხედველი მიუჩინეს და ამა თუ იმ იარაღის გარკვეული რაოდენობა შეაწერეს ყოველწლიურად. დამზადებული ნაკეთობის გასამრჯელოდ ზედამხედველი ნაღდ ფულს იღებდა ხაზინაში და ხელოსნებს ურიგებდა². ამ ღონისძიებებმა სათანადო შედეგი გამოიღო და სახელმწიფოსთვის ჩაბარებული იარაღის რაოდენობა ერთხელად გაიზარდა. რამდენიმე წლის შემდეგ მეიარაღე ამირებმა მოახსენეს ილხანს, იმ იარაღის დიდი ნაწილი, რასაც ჩვენი ხელოსნები ამზადებენ, ბაზარზე იშოვება და უფრო ხელსაყრელადაც შეიძლება შოვნაო. თანაც დაატანეს, ბაზარზე ბევრია სხვადასხვანაირი იარაღი, რომელიც იმაზე უკეთესია, ვიდრე ამჟამად ჩვენ ვამზადებთ³. მეიარაღე ამირების წინადადებით ყაზანმა ბრძანა, ამიერიდან სახელმწიფო სახელოსნოებში იარაღი აღარ დაემზადებინათ ლაშქრისთვის, გარდა ზოგიერთი განსაკუთრებული იარაღისა, რომელიც ბაზარზე იშვიათად გამოჰქონდათ.

ამგვარად, XIII საუკუნის დასასრულსა და XIV საუკ. დასაწყისში მონური შრომის როლი ჰულაგუიდთა სახელმწიფოში მნიშვნელოვნად დაეცა. ყაზან-ყაენის იარაღის თანახმად იარაღისა და სამხედრო საქურველის დამამზადებელი მონა ხელოსნები, რომელთა შრომა შედარებით ნაკლებად ნაყოფიერი იყო, თავისუფალ ხელოსნებს გაუთანასწორეს და დამზადებული ნაკეთობის რაოდენობის მიხედვით დაუნიშნეს გასამრჯელო. მალე კი უფრო სასარგებლოდ იქნა ცნობილი, რომ ხელოსნებს ბაზარზე გაეტანათ თავიანთი ნაკეთობა და ყოველ მოლაშქრეს თვითონ შეეძინა იარაღი.

ზემოთ უკვე აღნიშნული იყო, რომ მონლოლთა შემოსევების წინარე ხანაში ხელოსნებს ყველგან ჰქონდათ თავიანთი ამქრული ორგანიზაციები. მონლოლების შემოსევებმა, რასაც თან სდევდა ხელოსანთა მასიური გაჟლეტა და დატყვევება, სერიოზული ზიანი მიაყენა აღმოსავლეთის ქვეყნების ხელოსანთა გაერთიანებებს. ამას გარდა, მონლოლთა ბატონობის ხანაში შემოღებული სისტემა ხელოსანთა ექსპლოატაციისა აგრეთვე დიდად აბრკოლებდა ხელოსნობისა და ხელოსანთა ამქრული ორგანიზაციების განვითარებას. ხელოსანთა ამქრები შედარებით ძლიერი იყო სამხრეთ ირანის ქალაქებში, რომელთაც ნაკლებად განიცადეს მონლოლთა შემოსევების საზინღეზინი.

არაბი მოგზაური იბნ ბატუტა მოგვითხრობს, რომ ქალაქ ისფაჰანში ყოველი დარგის ხელოსნებს თავისი ცალკე კორპორაციები ჰქონდათ. ისინი ერთიმეორეს ეჯიბრებოდნენ სტუმართმოყვარეობაში და ეს შეჯიბრი იქამდე მიდიოდა, რომ ზოგჯერ ხელოსანთა მთელი შემოსავალი სტუმრების გამას-

¹ რა ში დ ე დ - დ ი ნ ი . კ . ი ა ნ ი ს გ ა მ ო ც . , ლ ო ნ დ ო ნ ი , გ ვ . 337.

² ი ქ ვ ე .

³ ი ქ ვ ე , გ ვ . 338.

პინძლებზე იხარჯებოდა¹. ასეთივე ორგანიზაციები ჰქონდათ ხელოსნებს შირაზში და მცირე აზიის ქალაქებშიც².

მონღოლთა ბატონობის ხანაში გაძლიერდა ხელოსანთა კავშირი დერვი-შულ-სუფიურ ორდენებთან. განსაკუთრებული გავლენით სარგებლობდა სუფიური ორდენი სეფევიე. ილხანთა ირანის ქალაქების მთელი რიგი ცნობილი ხელოსნები ამ ორდენის მურიდებად ითვლებოდნენ. ამ ორდენის დამაარსებლისა და შეიხის სეფი ედ-დინ არდებილელის ცხოვრების აღწერილობაში, რომელიც XIV საუკ. მეორე ნახევარშია შედგენილი, შემდეგი სპეციალობის ხელოსნები—ორდენის მურიდები—არიან მოხსენიებული: ბაყალი (بقال)³, ხაბაზი (خباز)⁴, ბაზაზი (بزاز)⁵, ისრების მკეთებელი (تراش)⁶, ქარიზების მთხრელი (كهریز كن)⁷, ოქრომკედელი (زرگر)⁸, ფესაცმლის მკერავეი (موزه دوز)⁹, ღურგალი (نجار)¹⁰, ნავთის გამყიდველთა ამქრის მეთაურის ვაჟიშვილი (سر کوی نفط فروش)¹¹, საპნის გამყიდველი (صابون فروش)¹², მზარეული (طباخ)¹³, დაბალი (دباغ)¹⁴, პალანების მკერავეი (پالان دوز)¹⁵, ზარათი (صراف)¹⁶, ქისების მკერავეი (کيسه دوز)¹⁷, მკედელი (حدا)¹⁸, სარაჯი (سراج)¹⁹, წყლის მზიდავეი (سقا)²⁰, მკეჭრე (كلا دوز)²¹ და სხვ.

შეიხის მურიდებს შორის ბევრი მდიდარი და ცნობილი ხელოსანი და ვაჭარი იყო. ასე მაგალითად, სეფი ედ-დინის ცხოვრების აღწერილობაში დასახელებული არიან ჰაჯი აჰმედ ზარათი, რომელიც არდებილის ერთ-ერთი

¹ იბნ ბატუტა. მოგზაურობა. ციტ. გამოც., გვ. 91.

² იქვე, გვ. 93, 125—127, 131—132.

³ صفوة الصنفى — ლენინგრადის სალტიკოვ-შჩედრინის სახ. საჯარო ბიბლიოთეკის ხელნაწერი. დორნის კატალოგი, № 300, ფ. 26 ი (ფურცლები ნაჩვენებია ზემო პავინაციით).

⁴ იქვე, ფ. 26 ა, 151 ა, 350 გ, 379 ა.

⁵ იქვე, ფ. 124 გ, 331 გ, 368 გ, 392 ა, 426 ა.

⁶ იქვე, ფ. 138 გ.

⁷ იქვე, ფ. 140 ა.

⁸ იქვე, ფ. 147 გ, 331 გ, 346 გ, 371 ა და სხვ.

⁹ იქვე, ფ. 160 გ

¹⁰ იქვე, ფ. 173 ა, 301 გ.

¹¹ იქვე, ფ. 301 ა.

¹² იქვე, ფ. 339 ა, 340 გ, 341 გ.

¹³ იქვე, ფ. 361 ა.

¹⁴ იქვე, ფ. 361 გ.

¹⁵ იქვე, ფ. 363 გ.

¹⁶ იქვე, ფ. 406 ა.

¹⁷ იქვე, ფ. 410 გ.

¹⁸ იქვე, ფ. 117 ა.

¹⁹ იქვე, ფ. 476 ა, 476 გ, 483 გ.

²⁰ იქვე, ფ. 479 ა.

²¹ იქვე, ფ. 486 ა, 514 გ.

ცნობილი პიროვნებათაგანი ყოფილა, ახი ჰაჯი ბაზაზი—არდებელის ცნობილი ბაზაზი¹ და სხვ.

ძირითად ფიგურას ირანის სახელოსნო წარმოებაში წარმოადგენდა ოსტატ-ხელოსანი, რომელსაც ჰქონდა საკუთარი სახელოსნო-დუქანი და ჰყავდა ერთი ან რამდენიმე შეგირდი. ხელოსანთა თითქმის ყველა რესალეში—ე. წ. „წესდებებში“—ოსტატის ერთ-ერთ მოვალეობად შეგირდების სწავლება ჩაწერილი². შეგირდი რომ სწავლას დაამთავრებდა, ხდებოდა მისი ოსტატად კურთხევა. ამის შემდეგ ის ამქარის წევრი ხდებოდა, შეეძლო გაეხსნა საკუთარი სახელოსნო და შეგირდებიც აეყვანა. თუ ახალგაზრდა ხელოსანს არ შეეძლო საკუთარი სახელოსნოს გახსნა, ის განაგრძობდა მუშაობას თავის მასწავლებელთან, მაგრამ არა როგორც ქარვალი, არამედ როგორც დაქირავებული ოსტატი.

მონღოლთა შემოსევებმა და მათმა ბატონობამ დიდი ზიანი მიაყენა ირანის სახელოსნო წარმოებას, მაგრამ ზოგიერთი ქალაქი მაინც განთქმული იყო თავისი ნაწარმით. ცნობილია, მაგალითად, რომ თავრიზში იქსოვებოდა აბრეშუმის და ოქრომკედლი ნაკერი ქსოვილები, ივზღშიც მზადდებოდა ძვირფასი ქსოვილი, რომელიც „ივზღის“ სახელით იყო ცნობილი. ეს საქონელი დიდი რაოდენობით გადიოდა სხვა ქალაქებში გასასყიდად³. ჰამდალამ ყაზვინის ცნობით, ფარსის ქალაქ ქაზერუნში დიდი რაოდენობით ამზადდებდნენ ბამბის ქსოვილს, რომელიც სხვადასხვა ქვეყნებში გაჰქონდათ⁴. განთქმული იყო აგრეთვე ქაზერუნის სელის ნაწარმიც⁵. არაბი მოგზაური იბნ ბატუტა მოგვითხრობს, რომ ნიშაბურში დამზადებული აბრეშუმისა და ხავერდის ტანსაცმელი ინდოეთშიც კი გაჰქონდათ გასასყიდად⁶.

მონღოლთა უზარმაზარი სახელმწიფოს შექმნამ გამოიწვია საქარაენო ვაჭრობის გაცხოველება აღმოსავლეთსა და დასავლეთს შორის. მონღოლი ხანები დაინტერესებული იყვნენ უცხოური ძვირფასი საქონლის მიღებით, ამიტომ ხელს უწყობდნენ საქარაენო ვაჭრობის განვითარებას. მონღოლთა ბატონობის ხანაში საერთაშორისო ვაჭრობა ფართოვდებოდა და სულ ახალსა და ახალ ოლქებს მოიცავდა. ამ ვაჭრობაში მონაწილეობდნენ ერთი მხრით ირანი. ამიერკავკასია, სამხრეთ რუსეთი, შუა აზია, მონღოლეთი და ჩინეთი, ხოლო მეორე მხრით, იტალიის ქალაქების შუამავლობით, ხმელთაშუა ზღვის და შავი ზღვის ქვეყნები, იტალია და დასავლეთი ევროპა⁷.

მონღოლებმა ვერ შესძლეს სირიის დაპყრობა, ამიტომ მათი ბატონობის ხანაში უპირატესობა ჰქონდა ჩრდილოეთის სავაჭრო გზებს. ამ დროს კვლავ ადგილი აქვს შავი ზღვის ვაჭრობის გაცხოველებას, რომელშიც განსაკუთრე-

¹ صفوة الصفي — ციტ. ხელნაწერი, ფ. 406 ა, 124 ბ.

² М. Гаврилов. Рисоля сартовских ремесленников, Ташкент, 1912, გვ. 21, 29, 42, 47.

³ Мирко Поло. Путешествие, გვ. 23, 31.

⁴ ჰამდალამ ყაზვინი. ნოხათ ალ-ყოლუბ, გვ. 126.

⁵ И. И. Петрушевский. Городская жизнь в государстве Хулагуидов, გვ. 87.

⁶ იბნ ბატუტა. მოგზაურობა, ციტ. გამოც., გვ. 177.

⁷ Я. А. Манандян. О торговле и городах Армении, გვ. 285.

ბით აქტივობენ იტალიის ქალაქები—ვენეცია და გენუა. ირანისა და სამხრეთ აზერბაიჯანის ქალაქები აწარმოებდნენ გაცხოველებულ საქარაენო ვაჭრობას: როგორც აღმოსავლეთის ქვეყნებთან და ოქროს ურდოსთან, ასევე დასავლეთ-ევროპასთან. განსაკუთრებით დიდი იყო საქარაენო ვაჭრობაში თავრიზისა და სულთანის მნიშვნელობა. თავრიზიდან დასავლეთ ევროპაში გაჰქონდათ სხვა-დასხვა სახის სანელებლები, ძვირფასი ქვები, აბრეშუმი და მალახარისხოვანი ქსოვლები¹. დასავლეთიდან თავრიზში შემოდოდა ვენეციის, ლომბარდიის, გერმანიისა და ფლანდრიის მუდი, ავრეთვე, ტილო, ბეწვეული, კალა და სხვ.²

მონღოლთა სახელმწიფოებში როგორც საგარეო, ასევე საშინაო ვაჭრობაც დიდად იყო დამოკიდებული მონღოლ მბრძანებლებსა და ფეოდალურ არისტოკრატიაზე. დიდი გავლენით სარგებლობდნენ ვაჭართა წრეში დერვიშულ-სუფიური ორდენების შეიხები. საერო და სასულიერო არისტოკრატია მპიდროდ იყო დაკავშირებული საქარაენო-სატრანზიტო ვაჭრობასთან. მსხვილი საეპრო კომპანიების წევრი ვაჭრები—ორტალები ხშირად ფეოდალური არისტოკრატის წარმომადგენელთა კაპიტალით აწარმოებდნენ ვაჭრობას და გარკვეულ წილს უღებდნენ მათ მოგებაში. ცნობილია აგრეთვე, რომ თვითონ მონღოლი ყენებიც მპიდროდ იყვნენ დაკავშირებული მთელ რიგ მუსლიმანურ საეპრო კომპანიებთან³. ჯუჯენის თხზულებაში მოთხრობილია არა ერთი შემთხვევა იმისა, რომ დიდი ყენი უგედვი ასობით ოქროს ბალიშებს აძლევდა ორტალებს ვაჭრობის საწარმოებლად⁴. ორტალები ფულს იღებდნენ აგრეთვე ფეოდალური არისტოკრატის სხვა წარმომადგენელთაგანაც. სამაგიეროდ კი ძვირფასი საქონელი ჩამოჰქონდათ ინდოეთიდან. ჩინეთიდან და ევროპის ქვეყნებიდან. მაგრამ ზოგჯერ ფეოდალური არისტოკრატის წარმომადგენლები მართო უცხოური საქონლით არ კმაყოფილდებიან და ფულადი მოგებიდანაც გარკვეულ წილს ლებულობენ. მაგალითად, რაშიდ ედ-დინი მოგვითხრობს, ყოველ ხათუნს რამდენიმე ორტალი ჰყავდა. რომელთაც მოგების სახით ფული მოჰქონდათ მათთვისო⁵.

ზოგიერთი ორტალი ვაჭარი, რომელიც საქარაენო ვაჭრობაში ფართო მონაწილეობით იყო გამდიდრებული, თანდათან იძენდა ფეოდალური არისტოკრატისათვის საკირო თვისებებს, ამ არისტოკრატის რიგებში შესვლას ახერხებდა და ზოგჯერ პოლიტიკურ ბატონობასაც კი აღწევდა ქალაქში. საყოველთაოდ ცნობილია ვაჭრობით გამდიდრებული და ფეოდალად ქცეული პირების სახელები, როგორც არიან მაჰმუდ იალავაჩი მადეირანაპარში, თავ ედ-დინ ალი-შაჰი ირანში, სომეხი ვაჭარი უმეკი და სხვები.

მსხვილი საეპრო კომპანიები ან მათი ცალკეული წევრები ხშირად სახელმწიფოსაგან იჯარით იღებდნენ მთელი მხარეების, ოლქების ან ქალაქთა

¹ Марко Поло. Путешествие, გვ. 23.

² И. А. Мавандян. დასახ. ნაშრ., გვ. 300.

³ А. Ю. Якубовский. Восстание Тараши в 1238 г., გვ. 112.

⁴ ჯუჯენი, ტ. I, გვ. 122, 133—134, 138, 144—145; აგრეთვე, რაშიდ ედ-დინი ი. ბლოშეს გამოც., გვ. 65.

⁵ რაშიდ ედ-დინი. კ. იანის გამოც., ლონდონი, გვ. 329.

გადასახადების აკრეფას. გადასახადთა ყოველი შემსყიდველი ცდილობდა ერთი-ორად აენაზღაურებინა ხაზინაში შეტანილი თანხა და რამდენიმეჯერ აგროვებდა ერთსა და იმავე გადასახადს, რითაც დიდად ავიწროებდა მოსახლეობას.

განსაკუთრებით ფართო ხასიათი მიიღო ილხანთა სახელმწიფოში მევახშეობამ, რომელშიც ხშირად ორტალეებიც ღებულობდნენ მონაწილეობას. მევახშეობასთან მჭიდროდ იყვნენ დაკავშირებული მონღოლი დიდებულები, რომელნიც თვითონაც სარგებლობას ნახულობდნენ ამაში. ფულის სესხად აღება და უზომო სარგებლის გადახდა საბოლოოდ წელში წყვეტდა მოსახლეობას. ის სესხის ამღები, რომელსაც არ შეეძლო ვალის გადახდა, ცოლ-შვილიანად მევახშის მონა ხდებოდა¹. ეს კი ხელს უწყობდა ქვეყნის ეკონომიური ცხოვრების კიდევ უფრო დაცემას.

მონღოლთა ბატონობის ხანაში ადგილი ჰქონდა ვაჭრობის გაცხოველებას, მაგრამ ეს ვაჭრობა ძირითადად საქარაენო-სატრანზიტო ხასიათისა იყო. ამ ვაჭრობის შედეგად იზრდებოდა მხოლოდ ის ქალაქები, რომლებიც დიდ სავაჭრო მაგისტრალებზე მდებარეობდნენ. სხვა ქალაქებზე კი საქარაენო ვაჭრობის განვითარება არაერთად გავლენას არ ახდენდა. საქარაენო-სატრანზიტო ვაჭრობა, რომელსაც კავშირი არ ჰქონდა სახელმწიფოს სოფლის მეურნეობასა და საქალაქო ცხოვრებასთან, ვერ აპირობებდა ქვეყნის ეკონომიურ აღმავლობას. ხოლო მონღოლთა მიერ შემოღებული წესი მშრომელი მოსახლეობის ექსპლოატაციისა—მძიმე გადასახადები, ხანებისა და მათ ნათესავთა კუთვნილი დიდი სახელოსნო-ქარხნები და სხვ., ვერ ქმნიდა საჭირო პირობებს საშინაო ვაჭრობის გასავითარებლად.

ირანში ბევრი იყო ისეთი საშუალო და მცირე ქალაქი, რომლებიც საშინაო ვაჭრობისა და ხელოსნობის ცენტრებს წარმოადგენდნენ და მომსახურებას უწევდნენ ახლომახლო ქალაქებისა და სოფლების მოსახლეობას. მაგრამ მონღოლები მხოლოდ საქარაენო ვაჭრობაში მონაწილე მდიდარ ვაჭრებს მფარველობდნენ და სხვადასხვა პრივილეგიებსაც ანიჭებდნენ, წვრილი ვაჭრები კი არავითარი შეღავათებით არ სარგებლობდნენ. სოფლის მეურნეობა დაქვეითებული იყო, სახელოსნო წარმოება დაკნინებული, მოსახლეობა გალატაკებული. ყველაფერი ეს აპირობებდა საქალაქო ცხოვრების დაცემას.

§ 3. ილხანთა ირანი XIV ს-ის პირველ ნახევარში

ილხანთა ირანის ისტორია ორ მთავარ პერიოდად იყოფა. პირველი პერიოდი ქრონოლოგიურად თავსდება 1256—1295 წლებში, მეორე 1295—1335 წლებში.

პირველ პერიოდში ილხანთა ირანისათვის დამახასიათებელი იყო ძლიერი მონღოლური ტრადიციები.

ამ დროს მოხდა მიწების ახალი გადანაწილება-გადაჯგუფება ახლა უკვე მონღოლი ნოინების სასარგებლოდ.

¹ რა ში დ ე დ - დ ი ნ ი . კ . ი ა ნ ი ს გ ა მ ო ც . , ლ ო ნ დ ო ნ ი , გვ . 318 .

მონღოლმა ნოინებმა ხელთ იგდეს თურქ-სელჩუკების დროს გადარჩენილი ირანელი ფეოდალების მიწები. 1256 წელს ჰულაგუ-ყაენმა გაანადგურა ისმაილიტთა რეზიდენცია ალამუთი, ხოლო ისმაილიტები ფიზიკურად გაე-ლიტა. ამას მოჰყვა მიწისმფლობელობის უფლებების ახალი გადაჯგუფება. მონღოლთა ამგვარ ღონისძიებასა შედეგი იყო ირანელი ფეოდალების რი-ცხობრივად კიდევ უფრო შემცირება. ირანელ მიწისმფლობელთა კლასი შე-ზორჩენილ-შემონახული აღმოჩნდა უპირატესად ცენტრალურსა და სამხრეთ ირანში, რომელიც მონღოლთა ტყვევა-ობრებას ფარსის ათაბეგების მარჯვე პოლიტიკის წყალობით გადაურჩა.

1231—1256 წლებში ირანის მოსახლეობას მონღოლთა მთავარი ყაენის მოადგილე მმართველები ძარცვავდნენ, 1256—1295 წლებში ილხანები.

„დივანის“ (სახელმწიფოს) და „ინჯუს“ (ხანის და მისი სახლის წევრე-ბის) მიწების ფონდი ძირითადად კერძო მიწისმფლობელობის ხარჯზე შეიქმნა¹.

XIV ს-ის დამდეგის ისტორიკოსის ვასაფის ცნობების მიხედვით ინჯუს მიწების ზრდა, განსაკუთრებით არლუნ-ხანის დროს, ადგილობრივი ფეოდა-ლების ხარჯზე წარმოებდა².

ჩამორთმეული მიწების ერთი ნაწილი, აღნიშნავს ვასაფი, გადაეცა დი-ვანს, ერთი ნაწილიც დაიტაცეს და დაისაკუთრეს მონღოლმა ნოინებმა და სარდლებმა. მაგრამ ძველ მიწისმფლობელთა მიწების ყველაზე მნიშვნელოვანი ნაწილი ილხანისა და მისი სახლის წევრების საერთო საკუთრებად („ინ-ჯულ“) გადაიქცა. ამ საერთო საკუთრების გარდა ილხანის პირად განკარ-გულებაში იმყოფებოდა აუარებელი მიწები („ინჯუ-ი ხასს“). ინჯუს მიწების ფონდი იზრდებოდა სავაკუფო და საეკლესიო მიწების ხარჯზეც.

ადგილობრივი ფეოდალების ფიზიკურ გაქლექასთან ერთად მონღოლე-ბი საამისოდ ყველა საშუალებას და ღონისძიებას იყენებდნენ (მფლობელობის საბუთთა საექვოდ გამოცხადება, ყალბი საბუთების შედგენა, უზომო გადასა-ხადები. აშკარა ძალაღობა...)³. ამავე საშუალებებს მიმართავდნენ მონღოლთა კარზე აღზევებული ნოხელებიც.

ყველაზე აუტანელ მდგომარეობაში ამ დროს მაინც მძიმედ დახარკული მწარმოებელი კლასი იყო. მონღოლურმა ხარკმა გლეხს მეურნეობის წარმო-ების სტიმული დაუქარგა.

მალი (ხარაჯას ახლანდელი შესატყვისი), ყაფჩერი (საბალახე გამოსა-ლები), სარშომარე (სულადი გადასახადი), ხანეშომარე (საკომლო), ულუფა, სხვადასხვა სამოხელეო გადასახადი (სატარულო, საელჩო...), ყალბი (სა-ლაშქრო გადასახდელი) და საიამე მოვალეობა წელში ზნექდა გლეხობას,

¹ А. М. Беленицкий. К вопросу о социальных отношениях в Иране в хулагуидскую эпоху, гл. 112.

² თარიხი ვასაფ. ბომბეის ლითოგრაფიული გამოცემა. გვ. 230.

³ А. М. Беленицкий. დასახ. ნაშრ., გვ. 112—113.

ყველა ამას ზედ ერთოდა გადასახადების მთელი სერია („იხრიჯათის“—განსხვავების სახელწოდებით)¹, რომელიც უკანასკნელ ლუქმას სტატებდა პირიდან გლეხს და მის ოჯახს.

ვაჭრობასა და ხელოსნობაზე დაწესებული იყო „თამლა“, მაგრამ ყველაზე მძიმე მაინც „თარპი“ იყო. თარპი გულისხმობდა სოფლის მეურნეობის პროდუქტების და ხელოსნური ნაწარმის ფასების ნებისმიერ შემცირებას და შესყიდვას². თარპი აჩანაგებდა გლეხს, ვაჭარს, ხელოსანს.

მოხელეთა ბოროტმოქმედებანი ხალხის აღწერის დავთრების შედგენის დროს, გადასახადების გამოსყიდვის გზით გადასახდელის ერთი-ორად აკრეფა, ერთსა და იმავე სოფელზე რამდენიმე ბარათის უკანონოდ გაცემა, ბარათების განადღების უსამართლო წესები უკიდურესად აუარესებდა გაჭირვებული და გაღატაკებული გლეხობის მდგომარეობას.

გლეხების ცემა, მათი ხის ტოტებზე თავდაყირა დაკიდება, გამოძალვა გადასახადების აკრეფის ჩვეულებრივი საშუალებები იყო.

მომთაბარებების მეზობლობაც და მოძრაობაც გლეხკაცობას ატყდებოდა თავზე. სახნავე-სათეს მიწებზე და ყანებზე ჯოგების გადაყვანის დროს ფუჭდებოდა და ნადგურდებოდა მოსავალი. ხანის მრავალრიცხოვან ჯოგს (ყანაჩი) თუ ამირა-მოხელეების ჯოგებს გზას ვერაფერს დაუჭერდა. დაღუპული ქირახული გადასახადის ოდენობაზე გაველენას არ ახდენდა. გლეხს წელზე ფეხი უნდა დაედგა და გადასახადი მაინც გადაეხადა.

მიწისმოქმედებას და, კერძოდ, გლეხის მეურნეობას ანადგურებდა ნადირობაც (ჯერგა), რომელიც მონღოლების საყვარელი გასართობი იყო. ჯერგაში (ნიშნავს შემოხაზულ წრეში ნადირის შერეკვას) მოქცეული იყო დამუშავებული მიწებიც. ამას გარდა, ჯერგაში იძულებით გამოჰყავდათ გლეხები ტყიდან ნადირის გამოსადევნად და გზების შესაკრაჟად. ეს იწვევდა გლეხების სასოფლო-სამეურნეო სამუშაოებიდან მოცდენას, რაც, ცხადია, გავლენას ახდენდა მოსავალზე.

საიამე მოვალეობა, ელჩების ხშირი მისვლა-მოსვლა, მათი გამასპინძლება, საიამე სადგურებზე ცხენების გამოყვანის ვალდებულება მეურნეობის წარმოებას ათასნაირ დაბრკოლებას უქმნიდა. ამან დააძარცვია გზების გასწვრივ მდებარე სოფლები, დაალარბა ქალაქები.

ყველა ამის შედეგი იყო აუწერელი გაჭირვება, შიმშილი, ეპიდემიები.

აუტანელ მდგომარეობაში ჩაყენებული გლეხი ბობოქრობდა, გარბოდა, ჯანყდებოდა.

თანამედროვე წყაროები (სპარსული, სომხური, ქართული) ერთხმად აღნიშნავენ გლეხთა მასიური აყრა-გაქცევის ფაქტებს. მძარცველურმა სიგადასახადო სისტემამ დასცა სოფლის მეურნეობა. ჯუვეინის სიტყვით, დასახლე-

¹ მონღოლური გადასახადების შესახებ იხ. В. В. Бартольд. Персидская надпись на стене анийской мечети Мануче; А. М. Беленицкий. К вопросу о социальных отношениях в Иране в хулагуидскую эпоху.

² А. А. Али-заде. К истории феодальных отношений в Азербайджане в XIII—XIV вв. (термин „тарх“), ССИА, I, გვ. 112.

პული და დამუშავებული ნიწების დიდი უმეტესობა მკედარ (მაიათ) და დაუ-
ნუშავებელ (ხარაბ) მიწებად იქცა¹.

დაცარიელებული მიწები მძიმე ტვირთად დააწვათ ფეოდალებს. დაუნუ-
შავებელ მიწაზე დაწესებული ხარკის ძლევის შეწყვეტას ფეოდალი (უპირა-
ტესად საშუალო მიწისმფლობელების წრიდან) მხოლოდ მიწის მიტოვებით
ახერხებდა. წყაროები აღნიშნავენ მიწების არაჩვეულებრივ გაიაფებას ილხან-
თა მთელს სახელმწიფოში. შემოსავალი შეამცირა აგრეთვე წარუმატებელმა
ომებმა ოქროს ულუსთან კავკასიაში და ეგვიპტის მამულუკებთან სირიაში.
XIII ს-ის 80-ან წლებში დაიწყო მრავალწლოვანი სამეურნეო კრიზისი.

შექმნილი მდგომარეობიდან გამოსავალს ილხანები ამაოდ ეძებდნენ,
რადგან მონღოლი ნოინების უმრავლესობა დაჟინებით იცავდა რომთაბარულ
ტრადიციებს, ნეურნეობას, დაუშვებლად თვლიდა ქალაქებში ცხოვრებას
(1269 წლის ყურულთაის დადგენილებით), მკვიდრბინადრულ მიწისმოქმედება-
ზე გადასვლას. გლებთა ექსპლოატაცია ფეოდალურ ფორმაში მონღოლი ნოი-
ნების (უმრავლესობის) წინაშე არც იდგა, ვინაიდან მეჯოგური მეურნეობის-
თვის გლეხი საერთოდ საჭირო არ იყო.

მონღოლები მფარველობდნენ მხოლოდ საქარავნო ვაჭრობას. ამიტომ
მონღოლთა ზედაფენის ყველაზე კონსერვატულ მიმართულებას მხარს უჭერ-
დნენ ორტალები (მსოფლიო საქარავნო ვაჭრობის აქტიური მონაწილენი),
გადასახადების შენსუიდელები, „სიმდიდრით აღზევებული“ ფეოდალები, სა-
მოქალაქო ბიუროკრატიის ზოგიერთი წარმომადგენელი—„სიმდიდრის მომხე-
ქელი“ უპრინციპო მოხელის კარგად ცნობილი ფიგურა მონღოლთა ხანის
მედროვეთა წრიდან.

ბასკაკობის პირდაპირა შედეგი იყო სახელმწიფო შემოსავლის მკვეთრი
შემცირება.

ილხანმა ქეილათუმ (1291—1295) სამეურნეო კრიზისიდან თავის დალ-
წევის ღონისძიებად ქალაქის ფულის („ჩაოს“) შემოღება ჩასთვალა.

ქალაქის ფული ხმარებაში იყო ჩინეთში. ქეილათუმ ჩინელების მიბაძ-
ვით შემოიღო „ჩაო“ ილხანთა ირანის სახელმწიფოში.

ქალაქის ფულზე, შუა წრეში, აღნიშნული იყო დინარების რაოდენო-
ბა. ილხანთა ირანში მანამდე მხოლოდ ვერცხლის დინარები იქრებოდა. მე-
ტად იშვიათი ოქროს მონეტების („ბალიშების“) მოქრა განსაკუთრებულ შემ-
თხვევებთან იყო დაკავშირებული (ილხანის ხელდასხმა, დიდმოხელეების და-
ჯილდოვება და სხვ.). ამიერიდან ქალაქის ფული ღირებულებით ვერცხლის
მონეტებს უტოლდებოდა. ქეილათუს ბრძანებით „ჩაო“ ყველას უნდა აეღო,
ვინც უარს იტყოდა სიკვდილით დაისჯებოდა. მაგრამ იძულებამ სრულიად
საწინააღმდეგო შედეგი გამოიღო.

წკრიალა მონეტებიდან ქალაქის ფულზე გადასვლამ ყველაფერი აურ-
დაურია. დაიკეტა ბაზრები, დუქნები. მხოლოდ ზარაფების ამინდი იდგა. ვაჭ-
რები უარს ამბობდნენ მიეღოთ „ჩაო“, სოფლებიდან არავის მოჰქონდა სურ-
სათ-სანოვაგე ქალაქის ბაზრებზე გასასყიდლად. ქალაქებში შიმშილობა დაი-

¹ ჯ. უვეინი, ტ. I, გვ. 118.

წყობა. სპეკულაცია, ქურდობა, ძარცვა, მკვლელობა ჩვეულებრივი მოვლენაა აქო იმდროინდელი თაეროზის ქუჩებში.

„ჩაოს“ შემოღება ილხანთა ირანში მარცხით დანთავრდა. გაძლიერდა საფინანსო ქაოსი. ოქრო მეტისმეტად გაძვირდა, სამაგიეროდ გაიაფებული პიწა ჩალის ფასად იყიდებოდა.

ილხანთა ირანის ეკონომიური კრიზისის პირობებში მონღოლთა ზედა ფენაში თანდათან შემუშავდა მიმართულება, რომელიც მოითხოვდა გადასახადების მოწესრიგებას, დაცემული სოფლის მეურნეობის აღდგენას და გლეხთა რაციონალურ ექსპლოატაციას. ამ მიმართულებას მხარს უჭერდა მუსლიმანური ეკლესია. ძველი ფეოდალური სახლები, სანოქალაქო ბიუროკრატის მნიშვნელოვანი ნაწილი და ვაჭრების უმრავლესობა.

მეორე მიმართულების მისწრაფებათა რეალიზაციისათვის იყო მოწოდებული ყაზან-ყაენის რეფორმები.

ყაზან-ყაენის (1295—1304) ილხანობის დროიდან იწყება ილხანთა ირანის ისტორიის მეორე პერიოდი. ამ პერიოდისათვის დამახასიათებელი იყო მონღოლური ტრადიციების შესუსტება, მონღოლთა შემოსევების წინარე ხანის ეკონომიური და სახელმწიფოებრივი ტრადიციების აღდგენის ცდანი.

1295 წლიდან ილხანი სულთნის წოდებულების მატარებელიცაა. ილხანებმა ხელი აიღეს თვით იმ ფორმალურ დამოკიდებულებაზე, რომლითაც ისინი მხოლოდ გარეგნულად სცნობდნენ მონღოლთა მთავარი ყაენის უზენაესობას.

ისლამის სახელმწიფო რელიგიის უფლებებში აღდგენა ნიშნავდა იზას. რომ ამიერიდან ილხანთა ირანი ყოველგვარ კავშირს წყვეტდა მონღოლთა მთავარ ულუსთან (სახელმწიფოსთან). ისლამის სახელმწიფო რელიგიად გამოცხადებას სხვა მნიშვნელობაც ჰქონდა. ისლამის კვლავ გაბატონება გზას უხსნიდა ირანის იმ ფეოდალურ ძალებს, რომელნიც ირანულ-მუსლიმანური კულტურის განვითარებისათვის იღვწოდნენ. გასაგებია, რომ ყაზან-ყაენის დროს ნაწილობრივ სცნეს ძველი მიწისმფლობელების უფლებები. დამახასიათებელია ისიც, რომ რაშიდ ედ დინი, სახელმწიფოს უპირველესი მოხელე და რეფორმების აქტიური მონაწილე, ყაზან-ყაენს ხოსროს (მეფეს) უწოდებს, ხოლო მის ქვეყანას „ირანის სახელმწიფოს“ („მამალიქ ი ირან“).

ყაზან-ყაენი აშკარად დაკავშირებული ჩანს ირანელი ფეოდალების ზედა ფენასთან. იგი სასტიკად უსწორდება იმათ, ვინც მონღოლური ორგანიზაციის შენარჩუნებას ცდილობს. მისი რეფორმების მთავარი მიზანი იყო განვითარებისათვის საკირო პირობების შექმნა, ცენტრალური ხელისუფლების განმტკიცება-გაძლიერება, სამხედრო-ლენური სისტემის განვითარებით მტკიცე მატერიალური ბაზის შექმნა ილხანთა ირანის სამხედრო ორგანიზაციისათვის.

ყაზან-ყაენის დროს მოწესრიგდა გადასახადები და საგადასახადო სისტემა. დაწინაურდა სოფლის მეურნეობა. განსაკუთრებული ყურადღება მიექცა ქალაქებს, ვაჭრობას, ხელოსნობას.

ოქროს ულუსის მხრით ამიერკავკასიის სავაჭრო გზების (ბარდავი—განჯა—თბილისი—ანისი) დაპყრობის განზრახვამ აიძულა ილხანთა ირანი შორს სამხრე-

თით გადაეტანა დას. ევროპასთან დაკავშირებული სავაჭრო გზები. ამან წამოსწია ქალაქი თავრიზი (ილხანთა ირანის პოლიტიკური ცენტრი) და სამხრეთ აზერბაიჯანის სხვა ქალაქები, სამაგიეროდ დასცა და დაალარება ამიერკავკასიის ქალაქები¹.

ქალაქების მშენებლობა (ახალი ქალაქები—სულთანიე, ლახანიე...), დანგრეული ქალაქების აღდგენა (ნაწილობრივ), ახალი და კეთილმოწყობილი უბნები მსხვილ ქალაქებში, ინტენსიური ვაჭრობა და ხელოსნობა, სოფლის მეურნეობის თვალსაჩინო დაწინაურება, როგორც ვხედავთ, იყო არა მონღოლთა პოლიტიკის, არამედ მეორე (პროგრესული) მიმართულების დროებითი გამარჯვების შედეგი.

ილხანთა ირანის ისტორიის მეორე პერიოდზე მოდის აგრეთვე ისეთი უაღრესად მნიშვნელოვანი მოვლენა თეოდალიზმის განვითარებაში, როგორცაა გლეხთა მიწაზე მიმაგრების ფიქსირება ყაზან-ყაენის 1303 წლის იარლიყით².

რა თქმა უნდა, ყაზან-ყაენი ამით ცხოვრებაში მომხდარ ფაქტს ადასტურებდა, მაგრამ ამ აქტით იგი იმას ავითარებდა, რაც არა მონღოლთა ბატონობის, არამედ ამის წინარე ხანის განვითარების ნაყოფი იყო.

გაქცეული გლეხის ძებნის ხანდაზმულობის ვადად 30 წელი დაწესდა.

გლეხი, ამრიგად, მიწაზე იქნა მიმაგრებული. მაგრამ ამ მიმაგრების მთელი თავისებურება იმაში მდგომარეობდა, რომ ილხანთა ირანში და, საზოგადოდ, აღმოსავლეთის ქვეყნებში გლეხი მიმაგრებული იყო არა უშუალოდ მიწაზე, არამედ ვადასახადზე. აღმოსავლური ექსპლოატაციის წესის თავისებურებაც სწორედ აქედან გამომდინარეობს.

გლეხებთან დამოკიდებულების საკითხი ყაზან-ყაენის წინაშე აქტუალურად იდგა. საკირო იყო ისეთი ღონისძიებების გატარება, რაც გლეხს სოფლის მეურნეობით დაინტერესებდა. ვადასახადების მოწესრიგებას უკავშირებდა ყაზან-ყაენი გლეხთა მასიური აყრა-გაქცევის აღკვეთას, გაქცეული გლეხების სოფლებში უკან დაბრუნებას, სოფლის მეურნეობის აღდგენას.

გაქცეულ გლეხთა ერთი ნაწილი ქმნიდა რაზმებს, რომელთაც ხელოსნებიც უერთდებოდნენ, ბევრი გლეხი იყო შარა-გზებზე მოთარეწე ყაჩაღების ბრბოებში. სოციალურ ნიადაგზე განვითარებული მეკობრეობა თავზარს სცემდა ფეოდალებს. გლეხთა მოძრაობათა ზრდა, მათი აჯანყებებში გადაზრდის შიში იყო ყაზან-ყაენის საგადასახადო რეფორმის ერთი უმთავრესი მიზეზთაგანი.

ყაზან-ყაენის 1303 წლის იარლიყში აღბეჭდილია არა მარტო გლეხთა მიწაზე მიმაგრების წესები, არამედ მონღოლური იკტას თავისებურებანიც.

იკტას ევოლუცია აღებულ ხანაში ადგილობრივი ფეოდალური ძალების გავლენის შედეგი იყო.

¹ И. П. Петрушевский. Хандалах Казвини как источник по социально-экономической истории Восточного Закавказья, гл. 912.

² И. П. Петрушевский. К вопросу о прикреплении крестьян к земле в Иране в эпоху монгольского владычества, Вопросы истории, 1947, № 4, гл. 62.

აღსანიშნავია, რომ გლეხები გარბოდნენ უმთავრესად სახელმწიფო ნიწებიდან, სადაც მიწის მფლობელები და გადასახადთა შემსყიდველები ხაზინიდან მიღებული „ბარათებით“ მოქმედებდნენ. იშვიათი არ იყო ისეთი შენთხვევა, როცა ბარათის მფლობელს მთლად დაცარიელებული სოფელი ხედებოდა და მალის წილი აუქრეფავი რჩებოდა. როგორც აღვნიშნეთ, თითქმის მთლად ცარიელი იყო გზების გასწვრივ მდებარე სოფლები.

XIII ს-ის უკანასკნელი მეოთხედისათვის სოფლის მეურნეობაში შეიქმნა ისეთი მდგომარეობა, რომ დაუმუშავებელი მიწები („ხარაბა“) მეტი იყო, ვიდრე დამუშავებული მიწები. დაუმუშავებელი მიწების ყველაზე დიდი რაოდენობა სახელმწიფო მიწებზე მოდიოდა. სამაგიეროდ, (წყაროების მიხედვით) შედარებით კეთილნაშენი ჩანს კერძო მიწისმფლობელთა მიწები („ნულჯი“). აყრილ-გაქცეული გლეხები სწორედ ასეთ მიწებზე სხდებიან.

XIII—XIV სს. წყაროები ერთხმად აღნიშნავენ შემოსავლის შემცირებას დივანის მიწებიდან, სამაგიეროდ მიუთითებენ „ხასინჯუს“ და კერძო მფლობელთა მიწების ნაშენობას („აბადან“). ამის გამო ბევრგან დაიწყო დივანის „მამულების“ („ანლაქი-დივანი“) გაყიდვა. მიწების ყიდვა-გაყიდვა გახდა მსხვილი მიწისმფლობელობის ერთ-ერთი წყარო.

კონტრასტი სახელმწიფო და კერძო მიწების მდგომარეობას შორის იმდენად დიდი და თვალსაჩინო იყო, რომ ამას აუცილებლივ უნდა გამოეწვია „სამამულო სისტემის“ უპირატესობის შეგნება მონღოლებს შორის.

ყაზან-ყაენამდე ლაშქრის მეომრები (მარდომი ჩერიქ) ხაზინიდან იღებდნენ ბარათებს, რომლითაც მათ გადაკვეთილი ჰქონდათ გარკვეული წილი მიწის შემოსავლიდან. გლეხთა მასიური აყრა-გაქცევის პირობებში ბარათების განაღდება მეომრებისათვის ხშირად ძალიან ძნელი საქმე იყო. ამიტომ ისინი უმჯობესად სთვლიდნენ ნახევარ ფასად გაეყიდათ ბარათები¹. გადასახადების შემსყიდველნი (ბარათებით მოვაკრენი) კალიბრებით იყვნენ მოღებულ სოფლებში. ყაზან-ყაენმა მეომრებისათვის მიცემული ბარათების განაღდება სახელმწიფო ბელეების საშუალებით მოინდომა, მაგრამ ეს ღონისძიება ეფექტური არ აღმოჩნდა. ამის შემდეგ ყაზან-ყაენმა ლაშქრის ხალხისათვის იქტას პირად მფლობელობაში გადაცემა გადასწყვიტა. ამ ღონისძიების მთავარი მიზეზი ის იყო, რომ გამოშვებული ბარათების 20% გაუნაღლებელი რჩებოდა². ამავე დროს, თვითონ მეომრებსაც სურდათ მიწის დასაკუთრება, მიწისმოქმედების უშუალოდ წარმოება³.

იქტა მეომრებს მიწის დამუშავების პირობით ეძლეოდათ. ვინც მიწას არ დაამუშავებდა, მისთვის დაუყონებლივ უნდა ჩამოერთმიათ იქტა და სხვისთვის გადაეცათ.

იქტად მეომრებს ეძლეოდათ სოფლები ამ სოფლებში მცხოვრები გლეხებითურთ. თუ სოფლიდან გლეხი გაიქცეოდა, მისი ძებნა იქტადარს 30 წლის ვანმავლობაში შეეძლო. აკრძალული იყო ერთი სოფლის გლეხების სხვა სოფლებში გადაყვანა. ყაზან-ყაენი მიწისმფლობელებისაგან მოითხოვდა, რომ მათ

¹ A. Lambton. დასახ. ნაშრ., გვ. 89.

² იქვე.

³ იქვე.

არ მიეღოთ აყრილ-გაქცეული გლეხი და უკან დაებრუნებინათ იქ, საიდანაც გლეხი იყო გამოქცეული.

სწორედ აღნიშნული გარემოებანია გათვალისწინებული ყაზან-ყაენის 1303 წლის იარლიყში (მოთავსებულია რაშიდ ედ-დინის „ლაზანის ისტორიაში“).

1303 წლის იარლიყის მიხედვით გარკვეული ოლქი იქტად ეძლეოდა „ათასს“ („ჰაზარე“) მხედარს ე. ი. ზომთაბარეთა იმ ტომობრივ ჯგუფს, რომელსაც უნდა გამოეყვანა 1000 მეომარი ფეოდალურ ლაშქარში („ჩერიქ“). წყალობის იარლიყი გამოწერილი იყო ათასისთავის ანუ ამირას სახელზე. ეს ამირა ერთდროულად ტომის მეთაურიც იყო და სარდალიც. ამირა ასისტავების საშუალებით იქტას ტერიტორიას ანაწილებდა თანამეტომე მეომრებს შორის. ეს უკანასკნელნი კი უკვე დამოუკიდებლად ფლობდნენ იქტას. ამირას უფლება არ ვრცელდებოდა კერძომფლობელთა და სავაქფო მიწებზე (ე. ი. არ ქმნიდა ფეოდალურ სამფლობელოს). იმ შემთხვევაში, თუ მხედარი წესიერად არ ასრულებდა სამსახურს ანდა არ დაამუშავებდა თავის მიწას წასზე მიმაგრებული გლეხებით, მაშინ მას ერთმეოდა იქტას წილი.

გლეხთა მიწაზე მიმაგრების თავისებურება ორგანულ კავშირშია სამხედრო-ლენურ სისტემასთან. ამიტომაც რომ 1303 წლის იარლიყში ერთდროულადაა საუბარი სამხედრო ლენებზე და გლეხთა მიწისმფლობელის პიროვნებაზე მიმაგრების თაობაზე.

მონღოლური იქტას ერთი მთავარი თავისებურებათაგანი იყო საგადასახადო იმუნიტეტი. ახლა იქტას ტერიტორიის შემოსავალზე არავითარი ბარათის გამოწერა არ შეიძლებოდა¹. იქტას მფლობელი მეომრების ერთადერთი მოვალეობა იყო 50 თავრიზული მინის (ალბათ ხორბლის) გადაცემა სახელმწიფო ბელელში².

მიუხედავად ამისა მათი მიწები არ იყო გამოთიშული სახელმწიფო მოხელეების ზედამხედველობისაგან. ამ უკანასკნელთ (ბითიქჩიებს) ჰქონდათ არა მარტო იქტას ტერიტორიაზე შესვლის უფლება, არამედ მოვალენიც იყვნენ ყოველწლიურად მისულიყვნენ იქ და მოეხდინათ რევიზია³. იქტას მფლობელობის წესის დარღვევად ითვლებოდა მიწის დაუმუშავებლობა. მიწაც და გლეხებიც იქტადარებს, როგორც აღვნიშნეთ, მიწის დამუშავების პირობით ეძლეოდათ.

მიწის ფეოდალური დასაკუთრების საერთო ტენდენციის განვითარების შედეგი XIV—XV საუკუნეებში ადმინისტრაციული და სასამართლო იმუნიტეტი იყო. სოიურალისათვის დამახასიათებელი საგადასახადო, ადმინისტრაციული და სასამართლო იმუნიტეტი. მსხვილი მიწისმფლობელობის ნიადაგზე განვითარდა. მაგრამ სოიურალის იქტას შემდგომი განვითარებაა.

მსხვილი მიწისმფლობელობის წყაროებად ჩანს სახელმწიფო და სათემო მიწები. სახელმწიფო მიწებს ჰამდალაჰ ყაზენის ცნობის მიხედვით (XIV ს-ის 30-ანი წლები) დიდმოხელეები ყიდულობენ და ნასყიდს მულქად ხდიან. მო-

¹ A. Lambton. დასახ. ნაშრ., გვ. 90.

² იქვე.

³ И. П. Петрушевский. Очерки по истории феодальных отношений в Азербайджане и Армении в XVI—начале XIX вв., გვ. 157.

ხელე-მეფავსშეებს უვარდებათ ხელთ მძიმედ დახარკული სათემო მიწებიც. მსხვილი მიწისმფლობელია აგრეთვე მუსლიმანური ეკლესია („ვაკფი“). ყაზან-ყაენმა ინჯუს მიწების ერთი ნაწილი ვაკფებად აქცია. ისლამის სახელმწიფო რელიგიის უფლებასა ალდგენის შემდეგ შეწირულებანი მუსლიმანური ეკლესიის სასარგებლოდ განუხრელად იზრდება.

მიწის ფეოდალური საკუთრების პროგრესული ფორმებისათვის ბრძოლის წამომწყები ირანული ელემენტია, მაგრამ ახლა იგი მისაღებია მომთაბარული წარმოშობის მსხვილი მიწისმფლობელებისათვისაც.

ყაზან-ყაენის „რეფორმები“ საზოგადოებრივი და პოლიტიკური წყობილების თითქმის ყველა მხარეს მოიცავდა. ირანული ტრადიციების ალდგენა, რა თქმა უნდა, თავისთავად ითვისისწინებდა დათმობას ირანული ფეოდალური არისტოკრატის მიმართ. „რეფორმები“ მონღოლური ორგანიზაციის გადალახვის საკირო პირობების შექმნას გულისხმობდა. საამისოდ იყო მოწოდებული მიწათმფლობელობის და ნიწათსარგებლობის განვითარებული წესები, გლეხებთან ფეოდალური დამოკიდებულების ფორმები, საგადასახადო სისტემის რეორგანიზაცია, ბასკაქების და ბითიქიების უფლებების შეზღუდვა, სამხედრო-ლენურ სისტემაზე დაფუძნებული სამხედრო ორგანიზაცია, საქალაქო წყობილების მოწესრიგება, ვაქრობა-ხელოსნობის განვითარება, სამონეტო სისტემის (ყაზანური თეთრი) და საზომ-საწყაოების უნიფიკაცია, გზების უშიშროების უზრუნველყოფა საგანგებო მოხელეების (რაჰდარების) საშუალებით. სრულიად გარკვეული მიზნით წარმოებდა დანგრეული ქალაქების ალდგენა და ახალი ქალაქების დაარსება.

ყაზან-ყაენის „რეფორმების“ გატარების აქტიური მონაწილე იყო რაშიდ ელ-დინი. მონღოლი ილხანების კარზე იგი დაახლოებით ისეთსავე როლს ასრულებდა, როგორსაც ბარმაქელი ვეზირები აბასელთა სახალიფოში და ნიზამ ულ-მულქი თურქ-სელჩუკთა სახელმწიფოში.

რაშიდ ელ-დინის კერძო წერილებიდან მკაფიოდ გამოსკვივის ტრადიციული ირანული შეხედულებები, ირანის სახელმწიფოს ალდგენის განზრახვები. სამაგიეროდ ყველაფერი ეს მარჯვედაა შენიღბული მის ოფიციალურ საისტორიო ნაწარმოებში. აღნიშნული გარემოება კარგად მოწმობს თუ რამდენად ძლიერი იყო მონღოლურ-თურქული არისტოკრატია. თვით ყაზან-ყაენის მომხრე მონღოლ-თურქებს აინტერესებდათ არა ირანი, არამედ მუდმივი და მყარი შემოსავალი გლეხთა ფეოდალური ექსპლოატაციის გზით.

ირანელებმა შეძლეს არაბების გაირანელება ირანის ქალაქებში, მაგრამ ვერაფერი მოუხერხეს მონღოლ-თურქებს. აღსანიშნავია, რომ XIV ს-ში ალგილი აქვს მონღოლების თურქებში ასიმილირებას და არა ირანელობაში.

რაშიდ ელ-დინის კერძო წერილებში მსხვილი ფეოდალის აზროვნება დაკავშირებულია ინტენსიური მეურნეობის ალდგენის ინტერესებთან.

რაშიდ ელ-დინს საქმე ჰქონდა საკმაოდ განათლებულ ილხანთან ყაზან-ყაენის სახით.

წყაროების ცნობებით ყაზან-ყაენმა იცოდა არა მარტო აღმოსავლური ენები (მონღოლური, უიღურული, სპარსული, თურქული), არამედ თვით ლათინური ენაც კი (ეს უკანასკნელი საექვოა, მაგრამ თავრიზში მის ღროს

აუარებელი ევროპელი იყო და კათოლიკეთა საეპისკოპოსოც კი არსებობდა). იგი დადებითად განსხვავდებოდა წინამორბედ ილხანთაგან, რომლებიც საშინელი ლოთები და გარყვნილი ადამიანები იყვნენ.

ყაზან ყაენი ეკუთვნოდა იმ მონღოლებს, რომელთაც შეგნებული ჰქონდათ, რომ მონღოლთა სახელის წარხოცვა დაპყრობილ ქვეყნებში გარდაუვალი იყო. ამიტომ განსაკუთრებული ყურადღება მიექცა ისტორიოგრაფიას. საისტორიო ნაწარმოებებში უნდა აღბეჭდილიყო მონღოლთა თავგადასავალი და დაპყრობითი ომების ისტორია. ამით აიხსნება საისტორიო მწერლობის განვითარება ილხანთა ირანში. ჯუვეინი, რაშიდ ედ დინ ფაზლალაჰი, ვასაფი, ჰამდალაჰ ყაზვინი ე. წ. მონღოლური პერიოდის სპარსული ისტორიოგრაფიის ბრწყინვალე წარმომადგენლები არიან. ამ ისტორიოგრაფიის გვირგვინი იყო რაშიდ ედ-დინის „ჯამი' ათ-თავარიხ“ („ისტორიათა კომპენდიუმი“), რომელშიაც მონღოლების გარდა მსოფლიოს ყველა ცნობილი ხალხის ისტორიაა გადმოცემული.

საგარეო პოლიტიკაში ყაზან-ყაენი თავისი წინამორბედი ილხანების პირდაპირი გამგრძელებელი იყო. XIV ს-ის დამდეგს მან რამდენჯერმე გაილაშქრა ეგვიპტის მამულუქთა სახელმწიფოს წინააღმდეგ, შეიჭრა სირიაში, დაიპყრო ქალაქი ალემო, მაგრამ მისმა ლაშქრობამაც მარცხი განიცადა. მოუგვარებელი დარჩა ოქროს ულუსთან მეტოქეობისა და მტრობის საკითხებიც. უშედეგო აღმოჩნდა დასავლეთ ევროპის სახელმწიფოებთან სამხედრო კავშირის შეკვრის ცდა ეგვიპტის წინააღმდეგ.

ყაზან-ყაენის წარუმატებლობა საგარეო ურთიერთობათა ასპარეზზე მნიშვნელოვანწილად შინაგანი ხასიათის წინააღმდეგობებითაც იყო გაპირობებული. მაგალითად, იგი იძულებული იყო სირიიდან სასწრაფოდ უკან გამომობრუნებულიყო, რათა მეტად სერიოზული აჯანყება ჩაექრო. მომთაბარული არისტოკრატის რეაქციული ნაწილი ფარხმალს არ ყრიდა და გადამწყვეტი შეტევისათვის ემზადებოდა. ასეთ ვითარებაში ყაზან ყაენის ღონისძიებათა რეალიზაცია მრავალ დაბრკოლებას აწყდებოდა.

საბოლოო ანგარიშში ყაზან-ყაენის „რეფორმებმა“ მარცხი განიცადა.

ყაზან-ყაენის „რეფორმების“ მარცხი აიხსნება უმთავრესად იმით, რომ მონღოლური ორგანიზაციის მთლიანად გადალახვა შეუძლებელი აღმოჩნდა.

ოლჯეითუს (1304—1317) ილხანობაში ყაზან-ყაენის პოლიტიკის გაგრძელება მედგარ წინააღმდეგობას ხედებოდა სამხედრო-ნომადური არისტოკრატის პირველი მიმართულების წარმომადგენელთა მხრივ.

გაძლიერდა ბრძოლა მომთაბარულ არისტოკრატისა და ადგილობრივ ფეოდალებს შორის. ამ ბრძოლას თან გადაჰყვა რაშიდ ედ-დინი. ილხანთა სახელმწიფოს უპირველესი მოხელე (ყაზან-ყაენის და ოლჯეითუს დროს) ამირ-ჩობანმა დაატუსაღა. 1318 წელს იგი ხმლით შუაზე გაჰკვეთეს. მისი ქონება გამარჯვებული ჩობანის მომხრეებმა დაიტაცეს. მონღოლურ-თურქული არისტოკრატის პირველმა მიმართულებამ კვლავ გადასწონა მეორე მიმართულებას. სახელმწიფოს ილხან აბუ საიდის (1317—1335) მაგიერ ფაქტიურად აღზევებული ამირ-ჩობანი განაგებდა.

თანასწორის აღზევება-განდიდებას ფეოდალები მტრულად შეხედნენ. ილხანთა ირანში დაიწყო მრავალწლოვანი შინაფეოდალური ომი.

1328 წელს ჩობანიდები დამარცხდნენ. ამ წელს ვეზირად გახდა რაშიდ ედ-დინის ვაჟი ლიას ედ-დინი და მამის ქონების დაბრუნებას შეუდგა. მაგრამ წას ახლა ჯალაირები დაუპირისპირდნენ. ბრძოლა მონღოლურ-თურქულ არისტოკრატისა და ირანელ ფეოდალებს შორის ახალი ძალით განახლდა.

მონღოლთა სახელმწიფო თავის დასასრულს უახლოვდებოდა. მისი დაშლამ გარდაუვალი იყო. მსხვილი მიწისმფლობელობა მხოლოდ დამოუკიდებელი ფეოდალური სამთავროების არსებობას უქმნიდა ნიადაგს.

აღსანიშნავია, რომ ილხანთა ირანის დაშლის პერიოდში ქვეყნის გამგებლები იტაცებენ დივანის და ინჯუის მიწებს და მათს საფუძველზე დამოუკიდებელ ფეოდალურ სამფლობელოებს ქმნიან.

ილხანთა ირანის სახელმწიფოს დაშლა მიმდინარეობს გამწვავებული კლასობრივი ბრძოლის პირობებში. სულ უფრო და უფრო მასიური ხდება გლეხთა აჯანყებები. აღსანიშნავია, რომ გლეხთა აჯანყებებში ხელოსნებთან ერთად მონაწილეობენ წვრილი მიწისმფლობელებიც. წვრილი მიწისმფლობელების გლეხთა აჯანყებებში მონაწილეობა უეჭველია აიხსნება იმით, რომ მსხვილი მიწისმფლობელები ხელს სდებენ მათ მიწებს. ამასთან, მართალია, გლეხთა აჯანყებები ძირითადად ანტიფეოდალური ხასიათისა იყო, მაგრამ ერთდროულად ისინი მონღოლთა ბატონობის და მონღოლური წესების წინააღმდეგაც იყო მიმართული.

XIV ს-ის 30-ანი წლებიდან მოკიდებული საკმაოდ ხანგრძლივი პერიოდი (80-ან წლებამდე) ხასიათდება ფეოდალური დაშლილობის შემდგომი ზრდით, ფეოდალური ომებით და გლეხთა და ხელოსანთა მასიური აჯანყებებით (ხორასანში, მაზანდარანში და სხვ.). როგორც აღვნიშნეთ, ხშირად წვრილ მიწისმფლობელებთან კავშირში.

1335 წელს ილხანთა სახელმწიფო დაიშალა. მის ნანგრევებზე წარმოიქმნა ერთიმეორისაგან დამოუკიდებელი პოლიტიკური ერთეულები: ჯალაირების, მუზაფერიდების, ქურთების, სარბადარების.

ჯალაირების სახელმწიფო სამხრეთ აზერბაიჯანში არსებობდა, მუზაფერიდების სამხრეთ-დასავლეთ ირანში, ქურთების სამხრეთ-აღმოსავლეთ ირანში. ირანის ჩრდილო-აღმოსავლეთ რაიონებში ძლიერი იყო სარბადარების გავლენა.

სარბადარების ხელთ იყო ხორასნის და მავერანნაჰრის მთელი რიგი ქალაქები (მერვი, სეზავერი, ნიშაბური, სამარყანდი...).

სოციალურ ნიადაგზე განვითარებული სარბადარების მოძრაობა უალრესად საინტერესოა. სარბადარი სიტყვასიტყვით ნიშნავს „სახრჩობელის ღირსს“, „კარზე ჩამოსაკიდს“ (ჩამოსახრჩობ ადამიანს დასაშინებლად აღმოსავლეთში კარზე ჰკიდებდნენ). ასე უწოდეს თავზარდაცემულმა ფეოდალებმა იმათ, ვინც პოლიტიკური ცხოვრების ზედაპირზე გლეხთა აჯანყებათა ტალღამ წამოსწია.

სარბადართა მოძრაობა უეჭველად პროგრესული იყო¹. მის ერთ-ერთ ამოცანას ქვეყნის მონღოლთა ბატონობის უღლისაგან გათავისუფლება შეადგენდა. მაგრამ ყველაზე მკაფიოდ ამ მოძრაობისათვის მაინც სოციალური მოტივები და მიზნები იყო დამახასიათებელი. იგი უშუალოდაა დაკავშირებული კლასობრივ ბრძოლასთან, რომელიც ზემოთ აღწერილი მოვლენების პირდაპირ შედეგს წარმოადგენდა. მისი გავლენის გამომდინარე ჩანს ჯალაირების თავრიზშიც და მუზაფერიდების შირაზშიც.

სარბადარობას ფართოდ უკერძონებდა მხარს ქალაქების დემოკრატიული ფენები, უპირველეს ყოვლისა ხელოსნები და მოსწავლე ახალგაზრდობა, ქალაქების გარეთ — გლეხობა და საშუალო მიწისმფლობელები².

სარბადარების წინააღმდეგ ბრძოლამ შუააზიელი ფეოდალები თემურ-ლენგის გარშემო დარაზმა. ამ სოციალური მოძრაობის ირანის დასავლეთ რაიონებიდან სამხრეთ რაიონებში გავრცელების შიშმა ირანელი ფეოდალებიც თემურ-ლენგს ამოუყენა გვერდში. მასში მათ თავდაპირველად მტერი კი არ დანახეს, არამედ მშველელი ძალა. ამან თემურ-ლენგს მნიშვნელოვნად გაუადვილა ირანის დაპყრობა.

სარბადარების მოძრაობა მაზანდარანში (1350 წ.), გილანში (1370 წ.), ქერმანში (1373 წ.), სამარყანდში და მდ. ზერაფშანის აუზში მასიური ხასიათის მატარებელი იყო³. ეს მოძრაობა გარეგნულად შიიტურ-სუფიურ სამოსელში იყო გამოხეული. შეიხების ხალიფის და ჰასან ჯურის ქადაგებანი მოუწოდებდა მსმენელებს მონღოლთა ბატონობისა და ადგილობრივი მსხვილი ფეოდალების წინააღმდეგ. ასე წარმოიქმნა დერვიშული ორდენი, რომელიც შეიხების ხალიფის და ჰასან ჯურის თარიკატის სახელითაა ცნობილი. ეს თარიკატი სწრაფად გავრცელდა ვრცელს ტერიტორიაზე და მოიცვა ხელოსნების, ქალაქის ღარიბების და გლეხების ფართო მასები⁴.

ხორასანში, მაზანდარანში, გილანში წარმოიქმნა სარბადარული სახელმწიფოები. მაგრამ ისინი არ წარმოადგენდნენ გლეხთა სახელმწიფოებს. შეტაკებანი სარბადარ მეომრებსა და შეიხ ჯურის დერვიშებს შორის აშკარად მიუთითებს იმ წინააღმდეგობაზე, რომელიც არსებობდა სარბადარულ ზომიერ მიმართულებასა და რიგით მეომრებს შორის. აშკარაა აგრეთვე სარბადარების ზედაფენის კავშირი ადგილობრივ წვრილ მიწისმფლობელებთან. მაგრამ სარბადარული სახელმწიფოება არსებობდნენ იმის გამო, რომ გლეხებს მიენიჭათ მნიშვნელოვანი შედავათები⁵.

სარბადართა მოძრაობა XIV ს-ის მეორე ნახევრის ირანსა და შუა აზიაში, მჭიდროდ დაკავშირებული გლეხთა აჯანყებებთან, აღმოსავლეთში მიმდინარე სოციალური მოძრაობების ერთი შესანიშნავი ფურცელთაგანია.

¹ Л. Строева. Сарбадары Самарканда, Ученые записки ЛГУ, Серия естествоведческих наук, вып. 3, 1949; Н. П. Петрушевский. Движение Сечбедаров в Хорасане, Ученые записки ИВ АН СССР, XIV.

² А. Ю. Якубовский. Тимур (опыт характеристики), Вопросы истории, № 8—9, 1946.

³ Н. П. Петрушевский. დასახ. ნაშრ., გვ. 93.

⁴ იქვე, გვ. 115.

⁵ იქვე, გვ. 159.

V. მახლოვანი აღმოსავლეთი XIV—XVI საუკუნეებში

1. ი რ ა ნ ი

XIV ს-ის მეორე ნახევარში ირანი პოლიტიკურად იყო დაშლილი. ყველაზე მსხვილ პოლიტიკურ ორგანიზმებს, როგორც აღვნიშნეთ, მუზაფერიდების, ჯალაირების, ქურთების და სარბადარების სახელმწიფოები წარმოადგენდნენ. ამას გარდა, ქვეყანა მოფენილი იყო წვრილი ფეოდალური სამფლობელოებით. ამ ფეოდალურ წარმონაქმებს შორის დაუსრულებელი ქიშპი და შულლი არსებობდა. განსაკუთრებით ძლიერი იყო მეტოქეობა მუზაფერიდებსა და ჯალაირებს შორის.

ჯალაირთა სახელმწიფოს მთავარი ქალაქები თავრიზი და ბაღდადი იყო, მუზაფერიდების შირაზი და ისფაჰანი. ქურთების სახელმწიფო ავღანეთის ტერიტორიის ნაწილსაც მოიცავდა. მათი პოლიტიკური ცენტრი ქალაქი ჰერათი იყო.

მუზაფერიდების დინასტია არაბული წარმოშობისა იყო, მაგრამ უკვე კარგა ხნის წინათ გაირანებული. სამხრეთ ირანში ყველაზე ძლიერი იყო ირანული ტრადიციები, რადგან ძირითადად სამხრეთ ირანში აღმოჩნდა შემონახული ირანული არისტოკრატია. მუზაფერიდების კარზე შირაზში მოღვაწეობდა გამოჩენილი ირანელი პოეტი ჰაფეზი. ჯალაირების სახელმწიფოშიც, მომთაბარული წესებისა და ტრადიციების მიუხედავად, ყურადღება ექცეოდა ირანულ პოეზიას და მწერლობას. პოეტებს, მწერლებსა და მეცნიერებს მთარველობდნენ ქურთების სახელმწიფოს მბრძანებლებიც.

ანტიფეოდალური ბრძოლის გაძლიერების მიზეზი XIV ს-ის მეორე ნახევრის ირანში იყო არა მარტო ფეოდალური ექსპლოატაციის გაძლიერება, არამედ ხშირი ფეოდალური შინაომებიც. ეს დაუსრულებელი ომები უპირველეს ყოვლისა მწარმოებელ საზოგადოებას ანადგურებდა და აჩანავებდა გლეხის მეურნეობას. პოლიტიკური დაშლილობა ფართო გასაქანს აძლევდა ფეოდალების თვითნებობას, ირანის პოლიტიკური დაშლილობა და მწვავე კლასობრივი ბრძოლა მარჯვედ გამოიყენა თემურ-ლენგმა და 1380 წელს ირანის დაპყრობას შეუდგა.

§ 1. თემურ-ლენგი

XIV ს-ის უკანასკნელი მეოთხედი და XV ს-ის დამდეგი მახლობელი აღმოსავლეთის ისტორიაში აღინიშნა თემურ-ლენგის გამანადგურებელი ომებით.

გრიგალივით გადაუარა აზიის დიდმა დამპყრობელმა ირანს, ინდოეთს, ამიერკავკასიას, სამხრეთ რუსეთის ველებს, მცირე აზიას, სირიას. მომთაბარეთა ბატონობას ახლაც მხოლოდ ეგვიპტე გადაურჩა, ხოლო ჩინეთის განზრახული დაპყრობა თემურ-ლენგს განუხორციელებელი დარჩა...

თემურ-ლენგის მთავარი პოლიტიკური ამოცანა მონღოლთა იმპერიის აღდგენა იყო. ამდენადვე მის ნათესაურ ურთიერთობას ჩინგიზიდებთან გარკვეული პოლიტიკური მნიშვნელობა ენიჭებოდა. მისი ჩინგიზიდებთან ამ ურთიერთობის აღმნიშვნელი იყო გურჯანის (სიძის) წოდებულება, რომელიც მან ჩინგიზიდი უფლისწული ქალის ცოლად შერთვის შემდეგ მიიღო.

თვითონ იგი ბარლასთა მონღოლურ, მაგრამ უკვე გათურქებულ ტომს ეკუთვნოდა. რა თქმა უნდა, მარიონეტად დასმული ჩინგიზიდი ხანის გაძლიერება „სიძის“ ანგარიშებში სრულიადაც არ შედიოდა.

თემური თავდაპირველად ყაჩაღების ბრბოს მეთაურობდა. ყაჩაღთა ასეთი ბრბოები ძარცვავდნენ სავაჭრო ქარავნებს, თავს ესხმოდნენ ქალაქებს, სოფლებს. მათ იყენებდნენ შუა აზიის ამირებიც დაუსრულებელ შინაფეოდალურ ომებში. სწორედ ამ საშუალებით დაწინაურდა თემური პოლიტიკურ ასპარეზზე.

ერთ-ერთი თარეშის დროს თემური ქუსლში დასკრეს და სამუდამოდ დაკოკლდა. ამიერიდან იგი თემურ-ლენგის სახელით იყო ცნობილი.

მარბიელი ლაშქრის ეს მეთაური დაწინაურება-გაძლიერებისათვის ყველა საშუალებას იყენებდა: ალთქმული ფიცის გატეხვას, ღალატს, ვერავობას, ცბიერებას, მკვლელობას. დროც ამ საშუალებების შესაფერისი იყო.

თემურის პოლიტიკურ ასპარეზზე გამოსვლის პერიოდში მთელს შუა აზიაში ფეოდალური ანარქია სუფევდა. ამირებს შორის მტრობა და შუღლი არ ცხრებოდა. უკიდურეს წერტილს მიაღწია ორ მიმართულებას შორის წარმოებულმა ბრძოლამ მომთაბარული არისტოკრატის წიაღში. გათურქებული ბარლასები, ჯალაირები, სულდუზები და სხვა მონღოლური წარმოშობის ტომები დაეინებით იცავდნენ მომთაბარული ცხოვრების წესებს, მეჯოგურ მეურნეობას, მოითხოვდნენ გლეხთა ველური ექსპლოატაციის შენარჩუნებას.

მეორე მიმართულების მონღოლები პირველი მიმართულების მონღოლებს „ჯეთეს“ („ყაჩაღებს“) უწოდებდნენ. მაგრამ არც უკანასკნელნი რჩებოდნენ ვალში პირველებს და გადაგვარებულებად ნათლავდნენ იმათ, ვინც ბინადარ მოსახლეობაში აღრევას არ ერიდებოდა.

XIII ს-ის მეორე ნახევრიდან ადგილობრივმა ფეოდალურმა სინამდვილემ თანდათან გზა გაიკაფა ჯალატაის ულუსის მონღოლთა შორისაც. აქაც თანდათან იმარჯვებს „სამამულო სისტემის“ უპირატესობის შეგნება. ყალიბდება და ვითარდება „სოიურალის“ ფეოდალური ინსტიტუტი. გლეხებთან დამოკიდებულების ახალი ფორმა მომთაბარეებისაგან მოითხოვდა ახლოს თუ არა. შორს მაინც არ ყოფილიყვნენ სოფლის მეურნეობის რაიონებიდან. გლეხთა ექსპლოატაცია გადასახადთა ამკრეფ მოხელეთა ჩაურევლად საფრთხეს უქმნიდა მომთაბარული ცხოვრების წესებს. ყველა ამას ბრძოლით შეხვდნენ

პირველი მიმართულების მონღოლები. ამ ბრძოლამ ჯალატაის ულუსი ორად გაჰყო: მავერანაჰრად და მოლოლისტანად.

მავერანაჰრში ქებეჯ-ხანი (1318—1326) „რეფორმების“ გატარებას შეუდგა.

ქებეჯ-ხანის დროს შეიცვალა გადასახადების გამოსყიდვის წესი. მის დროსვე გატარდა სამონეტო და ადმინისტრაციული რეფორმა. სამონეტო სისტემის და ზომა-წონის უნიფიკაციის ნიშნად ყაზან-ყენის საამისო ლონისძიებები იყო მიღებული. ქებეჯ-ხანს მხარს უჭერდნენ ქალაქებში გადაარჩენილი ფეოდალები (ნელიქები) და სასულიერო ფეოდალები¹.

ქებეჯ-ხანის პოლიტიკის გამგრძელებელი იყო უკანასკნელი ჩინგიზიდი ხანი ნავერანაჰრში ყაზანი. მან კვლავ მავერანაჰრში გადმოიტანა ქებეჯ-ხანის ძმის თარმარშირინის (1326—1334) მკვლელობის შემდეგ მოლოლისტანში გადატანილი ხანის ურდო.

ყაზან-ხანის (1334—1346) პოლიტიკით უკმაყოფილო მონღოლ-თურქი ამირები ყაზაგანის გარშემო დაირაზმნენ. ისინი მოითხოვდნენ მომთაბარული ცხოვრების წესების დაცვას, 1269 წლის ყურულთაის დადგენილების აღდგენას. ამირ ყაზაგანმა დაამარცხა ყაზან-ხანი და თვითონ ივდო ხელთ ძალაუფლება შუა აზიაში (1346—1358). მან პირველმა შემოიღო მარიონეტად ჩინგიზიდი ხანის დასმის წესი. მანვე გზა გაუხსნა მონღოლურ-თურქული არისტოკრატის იმ ძალებს, რომელთაც მავერანაჰრის ოაზისები მარბიელი ფეოდალური რაზმების სათარეშოდ აქციეს. ამირ ყაზაგანი თავს ესხმოდა აღმოსავლეთ ირანის ქალაქებს, ძარცვავდა მათ და მდიდარ ნადავლს ტომთა ამირებს უნაწილებდა.

1370 წელს, აღნიშნავს ა. იაკუბოვსკი, თემურის წინაშე დადგა საკითხი, თუ ვისი ტრადიციები გაეგრძელებინა—ქებეჯ-ხანის თუ ამირ ყაზაგანისა².

„თემურმა იცოდა,—განაგრძობს ა. იაკუბოვსკი,—რომ საჭირო იყო ნტიციე ხელისუფლების შექმნა, რომელიც შეძლებდა დაუმორჩილებელი და მოუსვენარი მფლობელების ალაგმვას მონღოლ-თურქი ამირების წრიდან. სწორედ ამ მიმართულებით უჭერდნენ მას მხარს ასე ენერგიულად ქალაქების მცხოვრებნი და გლეხობა, აგრეთვე გავლენიანი მუსლიმანური სამღვდლოების წარმომადგენლები“³. ამავე წროს, დაასკვნის ა. იაკუბოვსკი, თემური კარგად ერკვეოდა მავერანაჰრის მფლობელთა უმრავლესობის განწყობილებაში. ის არა ნარტო მშვენივრად ითვალისწინებდა, რამდენად ჰქონდათ გამჯდარი ძვალსა და რბილში მავერანაჰრელ მფლობელებს ნადავლის მიზნით ლაშქრობის წარმატებით განხორციელების სურვილი, არამედ თვითონ მასაც ჰქონდა ამისკენ მიდრეკილება⁴.

ა. იაკუბოვსკი გაზვიადებულად ახასიათებდა როგორც თემურ-ლენგის

¹ А. Ю. Якубовский. Тимур (опыт краткой характеристики), Вопросы истории, № 8—9, 1946, стр. 49—52.

² იქვე, გვ. 60.

³ იქვე.

⁴ იქვე.

პიროვნებას („რთული ფეოდალური სამყაროს წართვის საქმეში“)¹. ისე მისი სახელმწიფოს სოციალურ-ეკონომიურ სტრუქტურას.

ა. იაკუბოვსკის აზრით, თემურ-ლენგის პიროვნებისათვის დამახასიათებელი იყო ღრმა წინააღმდეგობები („Тимур—фигура глухоко противоречиваа“)². ამ შეხედულების შესამაგებლად აღნიშნულია შემდეგი გარემოებანი: დაპყრობილ ქვეყნებს თემურ-ლენგმა მხოლოდ უბედურება და განადგურება მოუტანა; მაგრამ მის მოღვაწეობას შუა აზიაში ახლავს არცთუ მცირე დადებითი ნიშნები ერთის მხრივ ფეოდალურ არეულობათა და ფეოდალური დაშლილობის ლიკვიდაციის საქმეში, ხოლო მეორეს მხრივ გიგანტური სააღმშენებლო სამუშაოების სფეროში³; ქვეყნის ფეოდალური გაერთიანებით და მტკიცე სახელმწიფოებრიობის შექმნით დაინტერესებული იყვნენ თვითონ საზოგადოებაში მომწიფებული ძალები; გაერთიანება სურდათ ვაჭრებს, ხელოსნებს, მუსლიმანურ სამღვდელეობებს, აგრეთვე მიწისმოქმედი მოსახლეობის მასებს⁴. თუმცა ა. იაკუბოვსკის ისიც აქვს აღნიშნული, რომ გაბატონებული კლასის ფეოდალურ ჯგუფებს თემურ-ლენგი სჭირდებოდათ სოციალური მოძრაობების (სარბადარები) და გლეხთა აჯანყებების ჩასაქრობად⁵.

ა. იაკუბოვსკი შეცდომას უშვებდა, როცა აზვიადებდა ფეოდალურ ურთიერთობათა განვითარების დონეს თემურ-ლენგის მოღვაწეობის მეორე პერიოდში (1370—1405). მისი აზრით, თემურ-ლენგი მოქმედებდა ფეოდალურ ურთიერთობათა კლასიკური ფორმების პირობებში და ამ ფორმების აქტიური გამტარებელი იყო⁶. უდიდეს მნიშვნელობას ანიჭებდა იგი ამ მხრივ ისეთი ფეოდალური ინსტიტუტების როლს, როგორიც იყო სოიურლალი და თარხანი⁷. ყველა ამის გამო, მისი აზრით, ფეოდალური ურთიერთობანი XV ს-ის შუა აზიასა და ირანში აღწევენ თავიანთი განვითარების უმაღლეს წერტილს. ამას დაუყოვნებლივ მოსდევს დასკვნა: „Это—расцвет феодального способа производства“⁸.

ამრიგად, გამოდის, რომ თემურ-ლენგის დაპყრობითი ომების ერთი უმთავრესი შედეგატანა იყო ახალი, უმაღლესი საფეხურის შექმნა ფეოდალიზმის განვითარებაში. ამიტომ სავსებით ბუნებრივად გამოიყურება ამ დებულების ავტორის დასკვნა: „В тимуридское время феодализм в Иране и Средней Азии достигает своего высшего расцвета; во всех проявлениях своей общественной, политической и культурной жизни он ближе всего подходит к тем видам феодализма, которые дала история России и Запада“⁹.

¹ А. Ю. Якубовский. *დასახ. ნაშრ.*, გვ. 67.

² იქვე, გვ. 58.

³ იქვე, გვ. 73.

⁴ იქვე.

⁵ იქვე.

⁶ იქვე, გვ. 58.

⁷ А. Ю. Якубовский. *Вопросы периодизации истории Средней Азии в середине века (XI—XV вв.)*, გვ. 43.

⁸ იქვე.

⁹ იქვე.

მაგრამ სოიურღალის და თარხანის ფეოდალური ინსტიტუტები XV ს-ში დამახასიათებელი იყო აგრეთვე შებატკნიან და თეთრბატკნიან თურქმანთათვის, რომელთა სოციალურ-ეკონომიურ წყობას (მომთაბარულ-ტომობრივ ორგანიზაციას) შორეული მსგავსებაც არ ჰქონია არც რუსულ და არც ევროპულ ფეოდალიზმთან.

თემურ-ლენგის განანადგურებელი ომების მძიმე შედეგებმა ფაქტიურად შებოქეს (ზოგან თითქმის მთლიანად მოსპეს) ის ფეოდალური ძალები, რომელნიც იმთავითვე სწორედ ასეთი განვითარებისათვის იბრძოდნენ. მაგრამ სანამ რჩებოდა ფეოდალური მეურნეობა, ეს ძალებიც ცოცხლობდნენ და განვითარების ისევ თავიდან დასაწყებად ლონეს იკრებდნენ.

თვით ბურჟუაზიული ისტორიკოსები გაცემული არიან იმით, რომ თემურ-ლენგის ჩამომავლების (თემურიანების) თაოსნობით გამშვენიერდა ქალაქები, შეიქმნა განვითარებული მწერლობა (ჯამი, ალიშერ ნავოი...), მეცნიერება (ულულ-ბეგი) და შესანიშნავი ხელოვნება, ხუროთმოძღვრება („თემურიანთა სტილით“ ცნობილი). მაგრამ რა აქვთ საერთო თემურიანთა სამფლობელოებს (შუა აზიაში, ირანში, გვიან ინდოეთის „დიდ მოლოლთა“ სახელმწიფოში) თემურ-ლენგის სახელმწიფოსთან, რომლის დაშლამ ხელახლად მისცა ვასაქანი ადგილობრივ ფეოდალურ ძალებს?

თემურ-ლენგი ბევრი რამით მოხლოლების მემკვიდრე იყო. ხოლო თემურ-ლენგის მემკვიდრეებად XV ს-ში თურქმანები იყვნენ.

შებატკნიან თურქმანთა წინააღმდეგ გაერთიანებული ამიერკავკასიის ხალხები შაჰრუხის (1405—1447) მისამართით აღნიშნავდნენ, რომ თუ არ განადგურდნენ თურქმანები, მაშინ არც ვაჭრობა იქნება, არც მიწათმოქმედება და არც გლეხის საქმე მოწესრიგდება. ეტყობა ისინი, გარკვეული თვალსაზრისით, თემურ-ლენგის მემკვიდრედ სთვლიდნენ არა მის შვილს შაჰრუხს, არამედ მომთაბარე ყარა-იუსუფს. საკუთრივ ირანის ფეოდალური საზოგადოების გარკვეული ჯგუფების ყურადღება შაჰრუხს (პერათის ლიტერატურული სკოლის განათლებულ მეცენატს) იმითაც უნდა მიეპყრო, რომ მან აღადგინა ყაზან-ყაენის აგრარული პოლიტიკა.

შემთხვევით არ აიხსნება არც ის, რომ შუა აზიის და ამიერკავკასიის ხალხები იმავე XV ს-ში რუსეთთან ურთიერთობის გაძლიერებას უკავშირებენ ძველი ეკონომიური და კულტურული კავშირების აღდგენას, ნომადური ბარიერების ლიკვიდაციის ამოცანას.

თემურ-ლენგს ბევრი რამით ამსგავსებენ მაჰმუდ ლაზნევის, მაგრამ ასხვავებენ იმით, რომ პირველი დაპყრობილ ქვეყნებში მოტაცებულ სიმდიდრეს იყენებდა შუა აზიის ქალაქების კეთილმოწყობისათვის¹. იმოწმებენ იმას, რომ სამარყანდს მიჰყავდა მას აუარებული ტყვე ხელოსნები, მხატვრები, პოეტები, მეცნიერები. აგებდა სასახლეებს, მეჩეთებს, მედრესეებს, მავზოლეუმებს, ქარვასლებს, ბაზრებს, მდიდრული სახლებით შემკულ ბაღებს. შედარება მთლად მარჯვე არ უნდა იყოს, რადგან მაჰმუდ ლაზნევი თავის დროზე ისევე დაამშვენა ქალაქი ლაზნა, როგორც თემურ-ლენგმა სამარყანდი..

¹ А. Ю. Якубовский. Тимур (опыт краткой характеристики), гл. 72.

ანას გარდა, საწარმოო ძალების უდიდეს ნგრევას დაპყრობილ მეზობელ ქვეყნებში არ შეიძლებოდა გავლენა არ მოეხდინა თვითონ შუა აზიის ეკონომიურ მდგომარეობაზე.

თუ გამოვირცხავთ თემურ-ლენგის „მოღვაწეობის“ ორბუნება ხასიათს, მაშინ უნდა დავუშვათ, რომ იგი მონღოლურ-თურქული არისტოკრატიის სურვილების შესაბამისად მოქმედებდა და სრულიად თანამიმდევრულ პოლიტიკას ახორციელებდა.

XIV ს-ის შუა აზიაშიც, ისევე როგორც ილხანთა ირანში, ბრძოლა ფაქტიურად მიწისმფლობელობისათვის წარმოებდა. მომთაბარულ საზოგადოებას არ შეიძლებოდა დავუშვა მიწათმოქმედების განვითარება, რადგან ეს შეზღუდავდა მეჯოგურ მეურნეობას, რომელსაც მიწის დიდი ფართობები სჭირდებოდა. ამიტომ ჩვენ საქმე გვაქვს არა ერთიმეორის გამომრიცხველი ორი მეურნეობის „კონფლიქტთან“, არამედ მომთაბარე და ბინადარი მოსახლეობის ბრძოლასთან.

თემურ-ლენგი შუა-აზიის „ფეოდალურ გაერთიანებას“ შესძლებდა მხოლოდ იმ შემთხვევაში, თუ შემოსავლის ახალ წყაროებს შეუქმნიდა მომთაბარე ფეოდალებს და, ამასთან ერთად, შეასუსტებდა უკიდურესად გამწვავებულ კლასობრივ ბრძოლას. და აზიის დიდი დამპყრობელიც ნომადური საზოგადოების ნაცად გზას შეუდგა: გაუთავებელ ომებს და დაპყრობილი ხალხების განუკითხავ ძარცვას.

არ შეიძლება ითქვას, რომ ეს უკანასკნელი გარემოება აღნიშნული არ ჰქონდეთ მკვლევრებს. ა. იაკუბოვსკი მიუთითებდა, რომ თემურმა ყველა ფეოდალიზებული ძალები მტკიცე ხელით შებოჭა და თავისი ვასალები წარმართა დაუსრულებელ, მეტწილად მძარცველურ ლაშქრობათაყენ¹. სხვაგან და სხვა დროს ნას აღნიშნული აქვს: თუ თემურ-ლენგის ბრძოლა ოქროს ულუსთან და ხორეზმთან გამოწვეული იყო შუა აზიის ძლიერ სახელმწიფოდ გაერთიანების ინტერესებით, მისი ომები ირანში, ამიერკავკასიაში და უფრო შორეულ ქვეყნებში მძარცველური ხასიათის მატარებელი იყო².

1381 წლიდან მოყოლებული თემურ-ლენგი თითქმის ყოველწლიურად ლაშქარავდა ირანს. იგი აქ აწარმოებდა ხანგრძლივ ომებს: „სამწლიანს“ (1386 წლიდან), „ხუთწლიანს“ (1389 წლიდან), „შვიდწლიანს“ (1398 წლიდან)³. რვაგზის შემოიჭრა იგი ამიერკავკასიის ქვეყნებში, მიწასთან გაასწორა აქაური ქალაქები, სოფლები, სამეურნეო ნაგებობები, მატერიალური კულტურის ძეგლები.

ისმის კითხვა: ვინ და რატომ უწევდა წინააღმდეგობას თემურ-ლენგს? რას იცავდნენ ხალხები იმ ქვეყნებში, სადაც თემურ-ლენგი თავისი ლაშქრით მოქმედებდა? რატომ ვერ შესძლო მან დაპყრობილ ქვეყნების ხალხთა საბოლოო დამორჩილება მიუხედავად იმისა, რომ მის განკარგულებაში იყო კარგად გაწვრთნილი ლაშქარი, რომელმაც ამასთან აღმოსავლეთში პირველად

¹ А. Ю. Якубовский. Тимур (опыт краткой характеристики), стр. 67.

² История Узбекской ССР, т. 1, в. 1, стр. 323.

³ იქვე, გვ. 324.

გამოიყენა ცეცხლის იარაღი (რადანდაზ?) რატომ სჭირდებოდა თემურ-ლენგს ერთსა და იმავე ქვეყანაში ლაშქრობის რამდენჯერომე გამოცემა, როცა ეს ქვეყანა უკვე ცხრაჯერ იყო მის მიერ გაძარცული?

რა თქმა უნდა, დაპყრობილი ხალხები დამპყრობელთა უხეში ძალადობისა და ყაჩაღური ძარცვის გამო ჯანყდებოდნენ. სხვადასხვა ქვეყნებსა და ქალაქებში თემურ-ლენგის ლაშქრის თვითიული ამირა თავისი ნოქრების საშუალებით კრეფდა მოსახლეობაში სიცოცხლისა და ქონების (გაძარცვულის ნარჩენის) გამოსასყიდს, ხარკს და გადასახადს¹. მაგრამ თემურ-ლენგს მხოლოდ ნადავლი არ აინტერესებდა. მას დაპყრობილ ქვეყნებში სხვა მიზანიც ჰქონდა: აქაური მიწების მომთაბარეული ტომების ამირებისათვის განაწილება. ამდენადვე დაპყრობილი ხალხები იცავდნენ იმას (ფეოდალურ მემკვიდრეობას), რასაც თემურ-ლენგი გადაგვარება-მოსპობით ემუქრებოდა.

არ გვგონია, რომ თემურ-ლენგის ამიერკავკასიაში, კერძოდ საქართველოში, ლაშქრობათა მთავარი მიზნები ქართველების თხოთამიშოთან ურთიერთობა² ანდა მხოლოდ ნადავლის მოპოვების სურვილი ყოფილიყო. მის დაპყრობით ომებს არც ა. იაკუბოვსკი უკავშირებს მარტო მდიდრულ ნადავლს. ამ უმთავრესი მიზნის გარდა მას დასახელებული აქვს სავაჭრო ინტერესებიც.

ა. იაკუბოვსკის შეხედულებით: თემურ-ლენგი, რომელსაც კარგად ესმოდა ვაჭრობით სარგებლობის მნიშვნელობა ქალაქების განვითარებისათვის, მიზნად ისახავდა იმ მსოფლიო-სავაჭრო გზებზე გაბატონებას, რომელნიც ოქროს ულუსის ტერიტორიაზე გადიოდნენ და რომლითაც ევროპისა და წინა აზიის ქვეყნები შორეულ აღმოსავლეთს უკავშირდებოდნენ. თემური მიისწრაფოდა დაერღვია ჩრდილოეთის სავაჭრო მაგისტრალი და კვლავ გადაეტანა იგი, შუა აზიის მეშვეობით, ძველ გზაზე, რომელიც აგრე დიდის წარმატებით მოქმედებდა მონღოლთა წინარე ხანაში. ამ მიზნით 1395 წ. მან დაამთავრა ოქროს ულუსის სამხედრო განადგურება და თითქმის სრულიად დაანგრია ოქროს ულუსის ის ქალაქები, რომლებიც დიდ როლს თამაშობდნენ საქარაენო ვაჭრობაში (აზოვი, ასტრახანი და სხვ.)³.

დამოწმებული შეხედულება უპირველეს ყოვლისა იმ შესწორებას საჭიროებს, რომ ამ ძველ გზასთან უშუალოდ იყვნენ დაკავშირებული ამიერკავკასიის სავაჭრო გზები და ქალაქები, სანამ ილხანები სავაჭრო-საქარაენო გზას ამიერკავკასიიდან შორს სამხრეთში გადაიტანდნენ. ძველი დროიდანვე ამიერკავკასიის გზები წარმოადგენდნენ შუა აზიის ბუნებრივ გაგრძელებას დასავლეთთან დასაკავშირებლად. ამიტომ მოსალოდნელი უნდა ყოფილიყო არა ამიერკავკასიის ქვეყნების განადგურება თემურ-ლენგის მიერ, არამედ აქ ძველი სავაჭრო გზების აღდგენა.

¹ История Узбекской ССР, т. I, в. I, гл. 323.

² თემურ-ლენგი საქართველოში ლაშქრობდა ოქროს ულუსის განადგურების გ. ი. 1395 წლის შემდეგაც.

³ История Узбекской ССР, т. I, в. I, гл. 325.

ანის ნიუხედავად ა. იაკუბოვსკის მსჯელობის ზოგიერთი მომენტი უეკველად გასათვალისწინებელია. მომთაბარეები იმთავითვე დაკავშირებული იყვნენ საქარაენო ვაჭრობასთან და დიდ სარგებლობასაც ნახულობდნენ მასში, როგორც ქარაენების მცველები და გამყოლები. თავიანთი განვითარების უფრო ნაგვიანვე საფეხურზე ისინი, როგორც წესი, საქარაენო ვაჭრობას და სატრანზიტო ქალაქებს მფარველობდნენ. ამიტომ შეუთავსდა ასე ადვილად ვაჭარ-ურტალების ინტერესები მონღოლურ ორგანიზაციას. სავაჭრო ინტერესები არ შეიძლება გამოვრიცხოთ თემურ-ლენგის პოლიტიკიდან. მაგრამ მისი მთავარი მიზანი დაპყრობილ ქვეყნებში სულ სხვა იყო.

ა. იაკუბოვსკის ყურადღება არ მიუქცევია იმ მნიშვნელოვანი გარემოებისათვის, რომ თემურ-ლენგის მოქმედებანი დაპყრობილ ქვეყნებში შუა აზიაში დაწყებული ბრძოლის უშუალო გაგრძელებას წარმოადგენდა. თუმც იგი აღნიშნავდა მეტად საყურადღებო ფაქტებს. სახელდობრ იმას, რომ დაპყრობილ ტერიტორიებზე თემურ-ლენგი თავის ვასალებს სოიურღალად ურიგებდა რაიონებს, ოლქებს. თვით მთელ ქვეყნებსაც კი¹. ამით თემურ-ლენგი ფაქტიურად ახალ სამფლობელოებს ქმნიდა, მაგრამ ფეოდალურად მას არასოდეს არ დაუნაწევრებია საკუთრივ შუა აზია². თემურ-ლენგის მიზანი სავსებით ცხადია: შუა აზიის განტვირთვა ცენტრისკენი ნაღებისაგან და მათი მოქმედების გადატანა მეზობელ ქვეყნებში.

თემურ-ლენგი სოიურღალებს ურიგებდა თავის მეომრებს, სარდლებს ე. ი. მომთაბარულ ტომებს და ამ ტომთა ბელადებს. ასე რომ სოიურღალეც ორგანიზაციულად უკავშირდება მიწისმფლობელობის უფლებების ახალ გადანაწილებას-გადაჯგუფებას მახლობელ აღმოსავლეთში.

წინათ სოიურღალით აღინიშნებოდა არა მხოლოდ მიწით, არამედ საერთოდ ყოველგვარი შეწყალება. თემურ-ლენგის დროს კი სოიურღალი სარდლებისათვის ნაწყალობევი მიწების აღმნიშვნელად იქცა³. ამდროინდელი სოიურღალი გულისხმობდა მიწის მემკვიდრეობით მფლობელობასთან ერთად სახელმწიფო გადასახადების (ნაწყალობევი ტერიტორიის სოფლებსა და ქალაქებში) მთლიანად ან ნაწილობრივ აკრეფის უფლებასაც.

ამ შინაარსით სოიურღალი ფართოდ ვრცელდება თემურ-ლენგის დროს. მაგრამ მას არ შეეძლო ფეოდალურ ურთიერთობათა ხასიათის შეცვლა, ტომობრივი ორგანიზაციის დარღვევა. საკმარისია აღინიშნოს, რომ სოიურღალი ვრცელდება საწარმოო ძალების უდიდესი ნგრევის პირობებში.

სამხედრო-ნომადური არისტოკრატის წარმომადგენლები ლებულობდნენ მხოლოდ მიწისმფლობელობის მზამზარეულ ფორმას, რომელიც აღმოსავლური ფეოდალური საზოგადოების განვითარების მოცემულ საფეხურს შეესაბამებოდა.

¹ А. Ю. Якубовский. Тихур (опыт краткой характеристики), гл. 66—67.

² იქვე, გვ. 67.

³ А. М. Веленицкий. К истории феодального землевладения в Средней Азии (институт социал.), Историк-марксист, № 4, 1941, гл. 46.

ამრიგად, თემურ-ლენგს დასაპყრობ ქვეყნებში მხოლოდ ალაფისა და ნადავლისათვის არ შეჰყავდა მონთაბარული ტომები. იგი მათ აქ მიწებს ურიგებდა, მიწისმფლობელებად ხდიდა. ამავე დროს მომთაბარეთა ოჯახებისა და ჯოგებისათვის იალალები და ყიშლალები იყო საქირო. მეჯოგურ მეურნეობას კი არ შეიძლებოდა თავის გვერდით მოეთმინა განვითარებული ფეოდალური მეურნეობა. ამიტომ, უნდა ვიფიქროთ, სწორედ იალალებისათვის და ყიშლალებისათვის ასწორებდა მიწასთან თემურ-ლენგი ხშირ შემთხვევაში სოფლებს, ანგრევდა ქალაქებს, ჟღერდა მოსახლეობას, აუკაცრიელებდა მთელ რაიონებს, ოლქებს. თათართა ურდოები მისი ბრძანებით მსეცურ და ველურ ნგრევას ახორციელებდნენ¹. ეს მონღოლური საშუალებები („მკვლელობის ინსტიტუტი“) ჩვეულებრივ მომთაბარეთა დიდი მასების მოძრაობებთან (ომით გადმოსახლებასთან) იყო დაკავშირებული.

ტრადიციული ცნობა თემურ-ლენგს მიაწერს ყიზილბაშური ტომების ერთი ნაწილის მცირე აზიიდან სამხრეთ აზერბაიჯანში (არდებილის სანახებში) გადმოყვანას ანკარას ბრაილის (1402 წ.) შემდეგ. მომთაბარული ტომები მას საკუთრივ შუა აზიიდანაც უნდა გადმოეყვანა „ახალ საძოვრებზე“. შუა-აზიელ ჯალაირებს, ბარლასებს, ორლათებს და სხვ. ირანის ჩრდილოეთ რაიონებსა და აღმ. ამიერკავკასიაშიაც ხვდებოდათ თანამეტომეები. თემურ-ლენგის წინაშე აქტიურად უნდა დასმულიყო მიწისმფლობელობის საკითხი მის მიერ დაპყრობილ ქვეყნებში.

თემურ-ლენგის ოფიციალურ ისტორიკოსებს (ნიზამ ედ-დინ შამის, შერეფ ედ-დინ იეზდის...) აღწერილი აქვთ თუ როგორ სჩებდნენ მისი მეომრები საქართველოში თუთის ხეებს, ვაზს, კაკალს. მის ურდოებს არ სჭირდებოდათ ფეოდალური მეურნეობა და ამიტომ არც მისი დაცვა-შენარჩუნებით იყვნენ დაინტერესებული. ისინიც, ისევე როგორც ყველა მომთაბარეები, „ადგილობრივ მაღალ ფეოდალური კულტურის მოშლისათვის და მის ადგილზე აღმოსავლურ-ბარბაროსულ-ფეოდალური ურთიერთობის დამყარებისათვის იბრძოდნენ“².

თემურ-ლენგის რვაგზისი შემოსევა ამიერკავკასიაში (1386 — 1403 წწ.) აქაური მიწების მიტაცება-დასაკუთრებას ისახავდა უმთავრეს მიზნად. ამიერკავკასიის ქვეყნებში უპირატესად ქრისტიანი მიწისმფლობელები იყვნენ. ამიტომ ადგილობრივი მიწისმფლობელობის გაუქმების საკითხი ნქიდროდ უკავშირდებოდა მაჰმადიანობის გავრცელებას. „მიწისმფლობელობისათვის მებრძოლ „ველურ“-მომთაბარეებმა მაჰმადიანობა თავის ალმად აღიარეს და „გიაურთა“ (ქრისტიან მიწისმფლობელთა) წინააღმდეგ ბრძოლა „საღმრთო საქმედ“ გამოაცხადეს. თემურლენგი ამ „მაჰმადიანური“ პოლიტიკის თანმიმდევრული გამტარებელი იყო“³. საინტერესოა, რომ სწორედ ამ დროს მაჰმადიანლებიან აზერბაიჯანის უკანასკნელი ქრისტიანი ფეოდალები⁴.

¹ К. Маркс. Хронологические выписки, Архив Маркса и Энгельса, т. IV, гл. 184.

² ნ. ბერძენიშვილი. საქართველოს რუსეთთან შეერთების ისტორიული მნიშვნელობისათვის, მნათობი, № 6, 1954, გვ. 127.

³ იქვე, გვ. 126—127.

⁴ И. П. Петрушевский. Азербайджан в XV веке, ССНА, гл. 186—187.

მაჰმადიანობა თემურ-ლენგს ხელს არ უშლიდა მიწა გამოეცალა ირანელ მიწისმფლობელებისათვის. გარკვეული პოლიტიკური მიზნებისათვის იგი საზოგადოდ მარჯვედ იყენებდა სარწმუნოებრივ მოტივებს. ცნობილია, რომ სირიაში, სადაც შიიტების გავლენა მეტისმეტად სუსტი იყო, თემურ-ლენგი შიიტებს მფარველობდა, ხოლო ხორასანში, რომლის მოსახლეობის უმრავლესობა შიას სარწმუნოებას მისდევდა, სუნიტებს.

თემურ-ლენგის მიერ ქალაქ თბილისში მოწვეულ მუსლიმან სწავლულთა პაექრობას თავმჯდომარეობდა ბედრ ედ-დინ სიმავენა ოლლუ. შემდეგ ბედრ ედ-დინი ოსმალეთში ხელმძღვანელობდა სოციალურ მოძრაობას, რომელიც გლეხთა მრისხანე აჯანყებაში გადაიზარდა (1514—1516 წწ.). ამიტომ გასაოცარი არაა, რომ ხორასანის სარბადარებთან შეგობრული ურთიერთობა აქვს იმას, ვინც საკუთრივ სამარყანდის¹ სარბადარებს სასტიკად გაუსწორდა. ხორასანის სარბადართა სახელმწიფოს უკანასკნელმა მეთაურმა ალი მუაიადნა თავის ნებით და ინიციატივით გადასცა თემურ-ლენგს მიწები და ხელისუფლება². ეტყობა ცბიერი თემურ-ლენგი ირანის ფეოდალური მფლობელების წინააღმდეგ ხორასანის სარბადარების გამოყენებას აპირებდა. ირანელ ფეოდალებს კი, პირიქით, დასაწყისში იგი სწორედ სარბადარების წინააღმდეგ სჭირდებოდათ.

თემურ-ლენგი მფარველობდა აგრეთვე არდებილის შეიხებს (ფეოდალურ მთავრებს), რომელთა შიიტური მიდრეკილებები მისთვის კარგად იყო ცნობილი. მისთვის უცნობი არ უნდა ყოფილიყო არც არდებილის შეიხების გარშემო გაერთიანებულ ძალთა ბრძოლის სოციალური მოტივები.

თემურ-ლენგი, ჩანს, თანაბრად იყენებდა კლასობრივი და პოლიტიკური ხასიათის წინააღმდეგობებს. უნდა ვიფიქროთ, რომ დასაწყისში მის შემოსევებს კლასობრივი თვალსაზრისით უყურებდნენ როგორც ირანის საზოგადოების ექსპლოატირებული ფენები (გლეხები, ხელოსნები, ქალაქის ღარიბები), ისე ფეოდალები. შემდეგ ვითარება მკვეთრად შეიცვალა. თემურ-ლენგის წინააღმდეგ აჯანყებული არიან ხელოსნები, მოქალაქეები (ჰერათში, ისფაჰანში...), ბობოქრობენ გლეხებიც. მაგრამ მათი მოძრაობანი ახალი მიწისმფლობელების წინააღმდეგ იყო მიმართული. ეს კი სრულიადაც არ ეხებოდა ირანელი ფეოდალების კლასობრივ ინტერესებს. პირიქით, მათ თვითონ გააძლიერეს ბრძოლა მიწისმფლობელობისათვის. ყველა ამით აიხსნება, რომ თემურ-ლენგის ლაშქრობანი ირანში გახანგრძლივდა.

მიწისმფლობელობისათვის ბრძოლა წარმოებდა ამიერკავკასიაშიც. დამპყრობელი აქაც მედგარ წინააღმდეგობას წააწყდა. ომი აქაც გახანგრძლივდა. ამიერკავკასიის ხალხთა ბრძოლა ბუნებრივად ეხმაურებოდა მახლობელ აღმოსავლეთში მიმდინარე ბრძოლას, რომელიც თავისი ხასიათით უეჭველად პროგრესული იყო.

ამიერკავკასიის ხალხების წინააღმდეგ ბრძოლაში თემურ-ლენგი ეყრდნობოდა წინათ აქ ჩამოსახლებულ მომთაბარულ ტომებს. ამავე დროს, მის

¹ История Узбекской ССР, т. 1, в. 1, стр. 324.

² იქვე.

ხელთ მაჰმადიანობა ამიერკავკასიის მიწისმფლობელთა წინააღმდეგ ბრძოლის იდეოლოგიად იქცა.

სოიურღალის მფლობელებად თემურ-ლენგის დროს მხედრები იყვნენ. ლაშქარი კი მომთაბარული ტომებისაგან შედგებოდა. ამდენადვე ამ ტომების შემოსვლა აღმოსავლეთ ამიერკავკასიაში ახალ ნიადაგს უქმნიდა ისლამის გავრცელებას.

XIV—XV საუკუნეთა მიჯნაზე ამიერკავკასიის პოლიტიკური ვითარება შეიცვალა. მომთაბარეთა წინააღმდეგ სამასწლოვანი ბრძოლა საქართველოს (კავკასიის) დამარცხებით დამთავრდა: „17 წლის მანძილზე (1386—1403 წწ.) თემურ-ლენგის რვაგზისმა შემოსევამ ამიერკავკასია მძიმედ დააზიანა. თემურთან ომის შედეგად საქართველოს საბოლოოდ ჩამოსცილდა მისი სამხრეთისა და სამხრეთ-აღმოსავლეთი ნაწილები (მომქე სომხეთი), სადაც ადგილობრივ მიწისმფლობელთა კლასი უმთავრესად მონღოლ-თათარ-თურქმან მომთაბარეთა არისტოკრატიაშე შეცვალა“¹.

თემურ-ლენგის დროიდან ნოყონებულის მაჰმადიანობა ამიერკავკასიის ხალხთა გათიშვის საშუალებად ხდებდა. თუმცა ამ მხრივ სასურველ შედეგს დამპყრობლებმა მომდევნო საუკუნეებშიაც ვერ მიაღწიეს. უფრო ძლიერი აღმოჩნდა საერთო ეკონომიური და კულტურული ტრადიციები, რომელთაც ამიერკავკასიის მოქმე ხალხების წინაშე (XVI—XVIII სს.) თანაბრად დააყენეს რუსეთთან ურთიერთობის საკითხი.

თემურ-ლენგის „მაჰმადიანური“ პოლიტიკის (მიწისმფლობელობისათვის ბრძოლის) გამგრძელებლები XV ს-ში თურქმანები იყვნენ, რომელთაც ვანის ტბის მიდამოებიდან და დიარბექრის სანახებიდან ჩრდილოეთით წამოიწიეს და აღმ. ამიერკავკასიის ქვეყნების მთელი რიგი რაიონები თავიანთ იალაღებად და ყიშღაღებად გადააქციეს.

თემურ-ლენგის გაუთავებელი ომების შედეგებმა მძიმე ზიანი მიაყენეს ირანს, ამიერკავკასიას. ამ ომების მთავარი პოლიტიკური შედეგი ის იყო, რომ მათ დასახლებულ ქვეყნებში ნიადაგი მოუმზადეს მომთაბარე თურქმანების ბატონობას.

§ 2. თურქმანები

თემურ-ლენგის სახელმწიფოს დაშლის შემდეგ ხელახლად აღდგა ჯალაირთა სახელმწიფო.

ეგვიპტიდან დაბრუნებულმა სულთან აჰმედ ჯალაირმა (1382—1410) კვლავ დაისაკუთრა თავრიზი. ერთხანს მას მხარს უჭერდა ყარა-ყონღუს (შაუბატკნიანების) გაერთიანებული ტომების ამირა ყარა-იუსუფი (ბაჰარლუს ტომიდან). სულთანიც და ამირაც ერთად იმყოფებოდნენ ეგვიპტის სულთნის ტყვეობაში.

სულთან აჰმედ ჯალაირის სამხედრო ძალა შაუბატკნიანი თურქმანებისაგან შედგებოდა. ამიტომ მისი ხელისუფლება სახელმწიფოში მეტად მერყევი

¹ ნ. ბერძენიშვილი. დასახ. ნაშრ., გვ. 126.

იყო. ხოლო ყარა-იუსუფის თავიდან ჩამოშორების ცდა მისთვის მარცხით დამთავრდა.

1410 წელს ყარა-იუსუფმა დაამარცხა სულთან აჰმედ ჯალაირი. ამ წელს მოისპო ჯალაირების სახელმწიფო. ჯალაირების დინასტია სამხრეთ აზერბაიჯანში ბარანის დინასტიამ შეცვალა.

იმავე 1410 წელს ყარა-იუსუფის მეთაურობით წარმოიქმნა ყარა-ყონღუს ანუ შავბატკნიან თურქმანთა სახელმწიფო, რომელმაც 1467 წლამდე იარსება.

შავბატკნიან თურქმანთა სახელმწიფოში შედიოდა: აზერბაიჯანის დიდი ნაწილი, სომხეთი, ქურთისტანი და არაბეთის ერაყი. ამ სახელმწიფოს სატახტო ქალაქიც თავრიზი იყო.

სამხრეთ აზერბაიჯანში, ყარაბაღში და სომხეთში ყარა-იუსუფი დიდი რაოდენობით ურიგებდა სოიურღალებს მომთაბარულ არისტოკრატებს¹. სომხეთში ადგილობრივი მიწისმფლობელები მომთაბარულმა არისტოკრატებმა შეცვალა. თურქმანებმა საქართველოშიც შემოაღწიეს. სწორედ ამ დროს ჩამოსცილდა საქართველოს შაქის ქვეყანა და უშინავარესი ტაშირიც კი (ლორე), სადაც ქართველი აზნაურობა იძულებული გახდა მიწისმფლობელობა დაეთმო და მამაპაპეულს გასცლოდა².

ყარა იუსუფი პირწავარდნილი მომთაბარე იყო. ასეთივე იყო მისი ვაჟი ისკანდერი (1422—1429 და 1431—1435). მამისა და ძმისაგან ამ მხრივ განსხვავდებოდა ჯაჰანშაჰი (1435—1467), რომელიც ადრევე დაუკავშირდა შაჰ-რუხს და ბინადარ მოსახლეობასთან ურთიერთობაშიც სულ სხვა თვალსაზრისს ადგა. ვიდრე შავბატკნიან თურქმანთა ამირები ადგნენ. მაგრამ ამიერკავკასიის ქვეყნების მიმართ ისიც მომთაბარული პოლიტიკის გამტარებელი იყო.

ამიერკავკასიის გაერთიანებული ძალების დამარცხების შემდეგ ყარა-იუსუფმა ყურადღება თემურიანთა ირანის სამფლობელოებზე გადაიტანა. მისი ომი შაჰრუხთან გარდაუვალი იყო. სააზისოდ იგი საგანგებოდ მოემზადა.

შაჰრუხს მხარს უჭერდნენ: შირვანშაჰი ხალილულაჰ I, შაქის მფლობელი სიდი აჰმედ ორლათი, საქართველოს მეფე ალექსანდრე³. ესენი შავბატკნიანი თურქმანების განადგურებას უკავშირებდნენ თავიანთი ქვეყნების განუთარებას, დოვლათსა და ვაქრობას, მიწათმოქმედებას და გლეხთა რაციონალურ ექსპლოატაციას.

ყარა-იუსუფი შაჰრუხთან ომის დროს მოკვდა 1420 წელს. მისი სიკვდილის შემდეგ შავბატკნიან თურქმანთა სახელმწიფოში მრავალწლოვანი შინაბრძოლა იმდენი ომი დაიწყო. ამ ომიდან გამარჯვებული ჯაჰანშაჰი გამოვიდა. მან შაჰრუხს მორჩილება გამოუცხადა და საურის გადახდა იქისრა (ბონდენირი). შაჰრუხის სიკვდილამდე (1447 წ.) ჯაჰანშაჰი ვასალური მორჩილების გზას არ უხვევდა. ამიტომ ირანის წინააღმდეგ მტრული მოქმედება მას არ შეეძლო.

¹ Переф-намэ, изд. перс. текста В. Вельяминова-Зернова, т. I, СПб, 1860, გვ. 376—378.

² ბ. ბერძენიშვილი, დსახ. ნაშრ., გვ. 126.

³ И. П. Петрушевский, Государства Азербайджана в XV веке, гв. 163.

სამეგიეროდ ჯაჰანშაჰი რამდენჯერმე შენიიქრა საქართველოში. 1440 წელს მან აიღო სამშვილდე, თბილისი, ხოლო მოსახლეობას ხარაჯას გადახდა დააკისრა (თომა მეწოფელი). ჯაჰანშაჰის ამ ლაშქრობაში მონაწილეობდა არდებელის შეიხიცი.

ირანის დაპყრობას ჯაჰანშაჰი შეუდგა მხოლოდ შაჰრუხის სიკვდილის შემდეგ. მან დაიპყრო სპარსეთის ერაყი, ფარსი, ხორასანი, თვით თემურ-იანთა სატახტო ქალაქი ჰერათი (1458 წ.). მაგრამ წარმატებით დაწყებული ომები მას არ შეეძლო ბოლომდე მიეყვანა. აზერბაიჯანში მის წინააღმდეგ აჯანყებამ იფეთქა მისივე შვილის ჰასან ალის მეთაურობით. იგი იძულებული იყო თემურიან აბუ-საიდისათვის დაებრუნებინა მთელი აღმოსავლეთ ირანი. მან შეინარჩუნა მხოლოდ სპარსეთის ერაყი და ფარსი. თუმცე ესეც იმას მოწმობდა, რომ თემურიანებს დღე ელეოდათ ირანში, ხოლო შავბატკნიან თურქმანთა სახელმწიფოს ტერიტორია დიდად იყო გაფართოებული.

1459 წელს ჯაჰანშაჰმა ჩააქრო აჯანყება აზერბაიჯანში. ამის მიუხედავად მას მიენც არ დაურღვევია აბუ-საიდთან დადებული სამშვიდობო ხელშეკრულება. მთავარი ყურადღება მან თავის საშიშარ მეტოქეს მიაპყრო. მისი სამფლობელოს დასაველეთ საზღვრებზე კიდევ უფრო გაძლიერდნენ თეთრ-ბატკნიანი თურქმანები.

აყ-ყოინლუს ანუ თეთრბატკნიან თურქმანთა გაერთიანებული ტომების სათავეში ბაიანდურის ტომი იდგა. ამ ტომს ეკუთვნოდნენ აყ-ყოინლუს დინასტიის წარმომადგენლები: ყარა-იუსუფი, ალი-ბეგი, ჰასან-ბეგი (უზუნ ჰასანი).

შავბატკნიან და თეთრბატკნიან თურქმანებს შორის იმთავითვე მტრული ურთიერთობა არსებობდა. თეთრბატკნიანი თურქმანები თემურ-ლენგს უქერდნენ მხარს, შავბატკნიანები კი, პირიქით, მის წინააღმდეგ იბრძოდნენ. თემურ-ლენგის მიერ დამარცხებული ყარა-იუსუფი ეგვიპტეში გაიქცა, სადაც ეგვიპტის სულთანმა თემურ-ლენგის შიშით იგი სულთან აჰმედ ჯალაირთან ერთად საპყრობილეში გამოჰკეტა.

სანამ ყარა-იუსუფი შორს იყო, თეთრბატკნიანი თურქმანები თავიანთი სამფლობელოს გაფართოებას ცდილობდნენ. მდგომარეობა შეიცვალა მხოლოდ ყარა-იუსუფის ტყვეობიდან დაბრუნების შემდეგ. თეთრბატკნიანი თურქმანების წინააღმდეგ იბრძოდნენ ყარა-იუსუფი, ისკანდერი, ჯაჰანშაჰი.

შავბატკნიან და თეთრბატკნიან თურქმანებს შორის მტრობასა და შუღლს კიდევ უფრო მეტად ამძაფრებდა სარწმუნოებრივი განსხვავება. შავბატკნიანი თურქმანები შიიტები იყვნენ, თეთრბატკნიანი თურქმანები კი სუნიტები.

შავბატკნიანი თურქმანების ყველაზე ძლიერი და საშიშარი მეტოქე უზუნ-ჰასანი (1453—1478) აღმოჩნდა. ანტიოსმალური კოალიციის ჩაშლისა და ტრაპიზონის საკეისროს ოსმალთა მიერ მოსპობის შემდეგ (თეთრბატკნიანი ფადიშაჰები ტრაპიზონის კეისრებთან ნათესაური ურთიერთობით იყვნენ დაკავშირებული) უზუნ-ჰასანმა უმთავრესი ყურადღება შავბატკნიან თურქმანებთან ომს მიაქცია. მან უკვე XV ს-ის 50-ანი წლების განმავლობაში დაიპყრო სომხეთი და ქურთისტანის დიდი ნაწილი. სივასისა და ერზინჯანის დაპყრობის შემდეგ ეს თეთრბატკნიანი თურქმანების ყველაზე დიდი გამარჯვება იყო.

გადამწყვეტი ბრძოლა შავ და თეთრბატნიან თურქმანებს შორის მოხდა 1467 წლის მაისში. ჯაჰანშაჰი სასტიკად დამარცხდა. თვითონ იგი მოკლულ იქნა. მისი მოკვეთილი თავი უზუნ-ჰასანმა აბუ-საიდს გაუგზავნა, ხოლო ჯაჰან-შაჰის ვაჟის მოჰამედის თავი ოსმალთა სულთან მეჰმედ II-ს. ამით იგი გაზარ-ჯვებას აცნობებდა თავის მტრებს, რომლებთანაც ომი აუცილებელი იყო.

თემურიანთათვის იმთავითვე მიუღებელი იყო ძლიერი სახელმწიფო თავიანთი სამფლობელოების მეზობლად, ხოლო ოსმალები ასეთის წარმოქმნას დაუშვებლად თვლიდნენ. ერთიანი სახელმწიფოს არსებობა აღმოსავლეთში ხელს შეუშლიდა მათი შეტევის განვითარებას ევროპის კონტინენტზე. ოსმალ-თათვის უცნობი არ იყო არც უზუნ-ჰასანის მონაწილეობა განზრახულ ანტი-ოსმალურ კოალიციაში და მისი ურთიერთობა ვენეციის რესპუბლიკასთან.

აბუ-საიდმა ომი დაიწყო თეთრბატნიან თურქმანებთან. მაგრამ შირ-ვანშაჰმა ფარუხ-იასარმა (1462—1500) მას მოსალოდნელი დახმარება არ აღმოუჩინა. უზუნ-ჰასანმა აბუ-საიდი ადვილად დაამარცხა (1469 წ.).

აბუ-საიდის დამარცხებამ ოსმალები კიდევ უფრო გაააქტიურა. ისინი შურისგების საბაბით, ჯაჰანშაჰის და აბუ-საიდის მოკვლის გამო, შეუდგნენ უზუნ-ჰასანის წინააღმდეგ მოქმედებას. ნამდვილად ოსმალები შეშფოთებული იყვნენ იმით, რომ უზუნ-ჰასანმა შეიერთა შავბატნიან თურქმანთა ტომები, მათი ქვეყნები და მთლიანად თუ არა ძირითადად მინც ირანი გააერთიანა.

უზუნ-ჰასანმა დიარბექრიდან თავრიზში გადაიტანა თავისი სახელმწიფოს პოლიტიკური ცენტრი.

თეთრბატნიან თურქმანთა სახელმწიფოში შედიოდა: სამხრეთ აზერ-ბაიჯანი (არღებილის ფეოდალური სამთავროს გამოკლებით), ყარაბაღი, სომხეთი, ლურისტანი, ფარსი და ქერმანი. უზუნ-ჰასანმა ვერ წაართვა ხო-რასანი თემურიანებს. გილანი და მაზანდარანი კი შესაერთებელი დარჩა.

უზუნ-ჰასანს ახლო ურთიერთობა (პოლიტიკური, ნათესაური) ჰქონდა შირვანთან და არღებილის ფეოდალურ სამთავროსთან. მეგობრობდა ყარამა-ნის საამიროს (მცირე აზიის სამხრეთ-აღმოსავლეთ ნაწილში) და კვიპროსის ქრისტიანულ სამეფოს, რომელთაც ოსმალეთი მოსპობით ემუქრებოდა. სამა-გიეროდ ძარცვისა და ალაფ-ნადავლის მთავარ ობიექტად საქართველო მიაჩნდა. მას ესმოდა, რომ უამისოდ შეუძლებელი იყო მომთაბარე ამირების მორჩილება. და უზუნ-ჰასანმაც რამდენჯერმე დალაშქრა ჩვენი ქვეყანა.

1473 წლის აგვისტოში თერჯანასთან (მდ. ეფრატის ერთ-ერთი განტო-ტების შენაკადზე) ოსმალებმა სასტიკად დაამარცხეს უზუნ-ჰასანის ლაშქარი. ოსმალეთის ცენტრალიზებული სახელმწიფოს, მისი სამხედრო ორგანიზაციის (ინიჩართა კორპუსის) და ცეცხლის იარაღის უპირატესობა სავსებით აშკარა გახდა თეთრბატნიან თურქმანთა ფეოდალურ ლაშქართან გადამწყვეტ ბრძო-ლაში.

ამის შემდეგ უზუნ-ჰასანს ოსმალეთთან ომი აღარ განუახლებია. სამა-გიეროდ გაძარცვის მიზნით მან რამდენჯერმე დალაშქრა საქართველო. საქარ-თველოს წინააღმდეგ უკანასკნელი ლაშქრობის დროს (1478 წელს) უზუნ-ჰასანი გარდაიცვალა. მარბიელი ლაშქარი საქართველოში შემოჰყავდა მის

ნეპკვიდრე იაკუბსაც (1478—1490), რომლის დროსაც თეთრბატკნიან თურქ-მანთა სახელმწიფო განუხრელი დაქვეითების გზას დაადგა.

შაებატკნიან და თეთრბატკნიან თურქმანთა სახელმწიფოების სოციალურ-ეკონომიური წყობა, ფეოდალური და პოლიტიკური ინსტიტუტები ძირითადად ერთნაირი იყო. ორსავე სახელმწიფოში გაბატონებული ფეოდალური კლასის მთავარსა და წამყვან ჯგუფს წარმოადგენდა სამხედრო-ნომადური არისტოკრატია. დაქვემდებარებულ როლს ასრულებდნენ სამოქალაქო ბიუროკრატის წარმომადგენლები, მელიქები და სასულიერო ფეოდალები.

XV ს-ში სოიურღალი იქცა მიწის ფეოდალური საკუთრების გაბატონებულ ფორმად.

XV ს-ის დამდეგს იქტა ჯერ კიდევ იხსენიება როგორც სამხედრო საქარგავის განსაკუთრებული სახეობის აღმნიშვნელი სახელი, შემდეგ კი თანდათან ჰქრება მისი ხსენება ოფიციალურ დოკუმენტებში.

იქტას ინსტიტუტი XV ს-ში ადვილს უთმობს სოიურღალს. მაგრამ ეს უკანასკნელი წარმოადგენს მონღოლური იქტას შემდგომ განვითარებას.

ი. პეტრუშევსკის XV ს-ის სოიურღალი შედარებული აქვს მონღოლების დროინდელ იქტასთან. ყარა-იუსუფის წყალობის სიგელის (820/1417 წ.) შინაარსის ანალიზის საფუძველზე მას ნაჩვენები აქვს, თუ რა ნიშნებით ემთხვეოდა სოიურღალი მონღოლურ იქტას და რა ნიშნებით განსხვავდებოდა მისგან.

ყარა-იუსუფის საბუთში დახასიათებულ სოიურღალსა და მონღოლურ იქტას შორის, აღნიშნავს ი. პეტრუშევსკი, საერთო ნიშნებია: საგადასახადო იმუნიტეტი და მეპკვიდრობითი მფლობელობის პრინციპი¹. მაგრამ, ამავდროს, სოიურღალის მფლობელი უფრო მეტი უფლებებით სარგებლობდა, ვიდრე იქტას მფლობელი. ამასთან სოიურღალის ტერიტორია შედარებით უფრო ვრცელი იყო (ეს საერთოდ დამახასიათებელი იყო მსხვილი სოიურღალებისათვის). მაგრამ მთავარი განმასხვავებელი ნიშანი მაინც ის იყო, რომ სოიურღალის მფლობელის უფლება ვრცელდებოდა მეზობელი მფლობელების მიწებზეც².

მაგ., ყარა-იუსუფის საბუთში მოხსენებულ ამირა შამს ედ-დინს მეტად ვრცელ ტერიტორიაზე ემორჩილებოდნენ უკლებლივ ყველა ამირა, ფეოდალური მფლობელები, წარჩინებული ადამიანები და სასულიერო პირები³.

ამას გარდა, ამირა შამს ედ-დინი სარგებლობდა არა მარტო საგადასახადო, არამედ აღმინისტრაციული და სასამართლო იმუნიტეტითაც. ცენტრალური ხელისუფლების მოხელეებს უფლება არ ჰქონდათ გარეულიყვნენ სოიურღალის ტერიტორიის მმართველობის საქმეში. სოიურღალის ტერიტორიის რაიათების (გლეხების) და მოსახლეობის სასამართლო საქმეები მხოლოდ ამირა შამს ედ-დინს და მის მოხელეებს უნდა გაერჩიათ⁴.

¹ И. П. Петрушевский. Очерки, гл. 156.

² იქვე, გვ. 157—158.

³ იქვე.

⁴ იქვე.

ამრიგად, XV ს-ის სოიურლალი მონღოლური იქტასაგან განსხვავდებოდა ტერიტორიული სიდიდით (თუმცე ეს, როგორც ზემოთ შევნიშნეთ, მხოლოდ მსხვილი სოიურლალებისათვის იყო დამახასიათებელი), ადმინისტრაციული და სასამართლო იმუნიტეტით. ამ ნიშნებით სოიურლალის ფეოდალური ინსტიტუტი იქცა მიწისმფლობელობის მთავარ ფორმად.

XV ს-ში სოიურლალი გავრცელებული იყო აზერბაიჯანში, სომხეთში, ერაყში, ირანში, შუა აზიაში.

სოიურლალის მფლობელი მხოლოდ სალაშქრო მოვალეობით ან გარკვეული სამსახურით იყო დაკავშირებული ცენტრალურ ხელისუფლებასთან. ასე რომ სოიურლალი მაინც მიწის პირობით მფლობელობას ნიშნავდა (ამით იგი განსხვავდებოდა „მულქისაგან“—მიწის უპირობო მფლობელობისაგან). მაგრამ ის გარემოება, რომ სოიურლალის განახლება ახალი მბრძანებლის მიერ ფორმალური იყო, მოწმობს, თუ რამდენად განამტკიცეს სოიურლალის მფლობელებმა თავიანთი უფლებები, ამით აიხსნება, რომ შუა აღმოსავლეთის ვრცელი ტერიტორია მოფენილი იყო ნახევრად დამოუკიდებელი ფეოდალური სამთავროებით და ფეოდალური დაშლილობა დამახასიათებელი იყო როგორც შავბატკნიანი, ისე თეთრბატკნიანი თურქმანების სახელმწიფოებისათვის.

XV ს-ის ისტორიკოსი, ნიზამ ედ-დინ შამი, აღნიშნავდა: ვისაც ციხე აქვს და ნოქარი ჰყავს თავი სრულიად დამოუკიდებლად უქირავს და არავის ხელისუფლებას არ სცნობსო. ეს სიტყვები ისტორიკოსს უკიდურესი ფეოდალური დაშლილობის საილუსტრაციოდ სჭირდებოდა.

სოიურლალით გათვალისწინებული საგადასახადო, ადმინისტრაციული და სასამართლო იმუნიტეტი აპირობებდა ფეოდალურ დინასტიურ მფლობელობას. ამ დინასტიების უმეტესობას მომთაბარული ტომების ამირები შეადგენდნენ.

ასე მაგ., XIV ს-ის დამლევს და XV ს-ის პირველ მეოთხედში ბარდავის და განჯის სანახები ეკუთვნოდა ყარამანლუს ტომის ამირას იარაჰმედ ყარამანლუს, შემდეგ კი მის შვილებს; არდებილის მიმდგომი ქვეყნების მფლობელი იყო ჯაგირლუს ტომის ამირა ბისტამ ჯაგირლუ, ბოლოს კი არდებილს ფლობდა მისი ძმისწული მოჰამედი. თემურ-ლენგის ლაშქრობათა დროს და, განსაკუთრებით, ყარა-იუსუფის ბატონობის პერიოდში არარატის რაიონი შემოიმტკიცა ამირ-საადმა. შემდეგაც ჩუხურ-საადი (საადის ველი — შემდეგ დროინდელი ერევნის სახანო) საადლუს ამირების ხელთ იყო. სუქმანაბადი (სამხრეთ აზერბაიჯანში) ყარა-იუსუფმა უწყალობა თურქულ ტომს დუმბულის, ადილჯევანი და ალაშქერტი ჭურთხული ფოზუკის ტომის ამირას.

ფეოდალური მომთაბარე მფლობელები ისხდნენ აგრეთვე მულანში, თალიშში, ყარაღალში, ნახჭევანში, ურმიასა და სხვა რაიონებში.

სამხედრო-ნომადური არისტოკრატის წარმომადგენლები განაგრძობდნენ მომთაბარულ ცხოვრებას. ისინი, როგორც წესი, არ ცხოვრობდნენ ნაწყალობევ მიწებზე და არ მისდევდნენ იქ მეთურნობას. ახლაც მიწების დასამუშავებლად გაცემა წარმოებდა იჯარის წესით. მეიჯარე გლეხი ვალდებული იყო მიწისმფლობელისათვის გადაეხადა მოსავლის 1/2-დან დაწყებული 3/5-მდე.

გლეხი დამძინებული იყო 30-მდე გადასახადით. მრავალნაირი იყო გლეხთა ფეოდალური შოვალეობანი და ვალდებულებანი. ამასთან გლეხებს ახდევინებდნენ როგორც „კანონიერ“ („ჰუქმი“), ისე „უკანონო“ („ლეირ-ი ჰუქმი“) გადასახადებს. მაგ., მიწაზე დაწესებულ გადასახად „მალუჯათს“, ჩვეულებრივ, ემატებოდა „ხარაჯი-სალიანი“. ამგვარივე განსხვავება, სხვა გადასახადებთან დაკავშირებით, აღინიშნებოდა არაბ. ტერმინ „თაფაუთ“-ით (სიტყუასიტყვით ნიშნავს „განსხვავებას“). გლეხი იხდიდა სამხედრო, სამოქალაქო და სასულიერო მოხელეების სასარგებლოდ დაწესებულ გადასახადებსაც. ყველაფერი ეს „იხრაჯათის“ (არაბ. ნიშნავს „მრავალს“, „ხარკს“) სახელწოდებით, ზუსტად იყო ფიქსირებული სავალდებულო დავთრებში¹.

გლეხის ფეოდალურ ვალდებულებებში ნაგულისხმევი იყო აგრეთვე „ულუფა“, „ულაღი“ (ტვირთის ზიდვა), „ყუნალღა“ (სამასპინძლო). ამას გარდა, გლეხს ფეოდალისათვის უნდა გაემზადებინა საჩუქარი და მისართმეველი: „ნოვრუხი“, „ფეშქაში“, „სავერი“. შემკრებელობითი ცნების გამომხატველი არაბული „ავარიზათ“ ნიშნავდა სხვადასხვა შემთხვევასთან დაკავშირებულ ასაღებს.

გლეხი ფეოდალს უნდა შეებედროდა სავანგებო საჩუქრით, რომელსაც „სალამათ“ ერქვა, ხოლო მისი წასვლა აღენიშნა „ბაზიღ“-ად (ნიშნავს „უკან დაბრუნებას“) წოდებული ძღვენით.

„ბეგარა“ ახლაც ძირითადად ინარჩუნებდა თავის ოდინდელ შინაარსს, რადგან თურქმან ამირებს არ ჰქონდათ სასაკუთრო მეურნეობანი. ხოლო ადგილობრივი ფეოდალები იშვიათად მისდევდნენ მეურნეობას თავიანთ მიწებზე. ბეგარით გათვალისწინებულ გლეხის იძულებით შრომას იყენებდა სახელმწიფოც და მსხვილი მიწისმფლობელი ფეოდალიც. ბეგარაში არ შედიოდა მხოლოდ ციხისა და სასახლის მუშაობა, სარწყავი არხების შეკეთება, გზების გაყვანა და სხვ. გლეხებს უნდა გამოეყვანათ ურმები („არაბაჯილიქ“), დაეცვათ გზები და ალაყაფები („ყაფუჯულუქ“), მოეხადათ სააღმშენებლო ვალდებულება („აფიჯილიქ“), ყულუხების და ქვეითების სახით მონაწილეობა მიეღოთ ფეოდალურ ლაშქარში („ჩერიქ“).

ბეგარას სრულ ვალტაკებამდე მიჰყავდა გლეხი და ანადგურებდა მის მეურნეობას.

მძინე იყო ვაკობების და, განსაკუთრებით, ხელოსნების მდგომარეობაც. ვაკობა-ხელოსნობაზე დაწესებული იყო გადასახადი „ტამღა“, ვაკრის საქონელზე — „ბაღი“.

ვაკარ-ხელოსანთათვის აუტანელი და გამაჩანაგებელი იყო „თარკ“-ი². თარკი აღნიშნავდა ქალაქისა და სოფლის მცხოვრებლების მიერ ხაზინაში სხვადასხვა საქონლის სავალდებულო ჩაბარებას ხაზინის მიერ დაწესებულ ფასებში. ამავე ტერმინით ნაგულისხმევი იყო ის იძულებითი ვალდებულება,

¹ ამდროინდელი გადასახადების შესახებ იხ. A Soyurghal of Qasim b. Jahagür Aq-Qoyunlu, BSOS, IX, 4, გვ. 943—960; A. Lambton. დასახ. ნაშრ., გვ. 102—103; П. П. Петрушевский. Государства Азербайджана в XV в., გვ. 190—192.

² А. А. Али-заде. К истории феодальных отношений в Азербайджане в XIII—XIV вв. (термин „тарх“), გვ. 109—113.

როცა ვაქრები და ხელოსნები მოვალენი იყვნენ აუცილებლად ეყიდნათ გლეხებში გადასახადების სახით შეკრებილი სურსათი სახაზინო ფასებში, რაც 4—5-ჯერ აღემატებოდა საბაზრო ფასებს¹.

გლეხებთან და ხელოსნებთან ერთად ექსპლოატირებული იყვნენ აგრეთვე მომთაბარეთა დაბალი მასები. მართალია, რაიათებთან შედარებით მათი მდგომარეობა მსუბუქი იყო, მაგრამ ისინიც იხდიდნენ სხვადასხვა გადასახადს და თანდათან ექცეოდნენ ფეოდალურ დამოკიდებულებაში ტომთა ამირების მიმართ. გადასახადისაგან თავისუფალი იყვნენ მხოლოდ პრივილეგირებული თურქმანული ტომები.

სამხედრო-ნომადური არისტოკრატია მტკიცედ იცავდა ტომობრივ ორგანიზაციას, რადგან ერთის მხრივ ეს მას, პატრიარქალურ ურთიერთობათა საფარველს ქვეშ, ღარიბი თანამეტომეების ექსპლოატაციის საშუალებას აძლევდა, მეორე მხრივ კი თვითეული ტომი წარმოადგენდა სამხედრო ორგანიზაციის ბირთვს. ამირებს ტომის მემორები (ნოქრები) მარბიელ რაზმებში და ჩერიკში (ფეოდალურ ლაშქარში) გამოჰყავდათ, ხოლო სახელმწიფო მათ ყაჩაღური დაპყრობითი ომებისათვის იყენებდა.

ღარიბი და ექსპლოატირებული მომთაბარეები გლეხებთან, წვრილ ვაქრებთან და ხელოსნებთან ერთად მონაწილეობდნენ სოციალურ მოძრაობებში. ამირა-აღალარებისაგან განსხვავებით ისინი შიიტობისადმი ამჟღავნებდნენ ნიდრეკილებას.

შიიტობის უკიდურესი მიმართულებანი ამ დროს ფართო გასაქანს პოულობდა მცირე აზიაში, ირანში (ყიზილბაშები) და აზერბაიჯანში (ხურუფიტები). აღსანიშნავია, რომ თუ სოფლის მოსახლეობის დიდს ჯმეტესობას შიიტები შეადგენდნენ, ქალაქებში უპირატესად სუნიტები იყვნენ წარმოდგენილი.

გლეხთა აღვირახსნისი ექსპლოატაცია აღვივებდა და აღრმავებდა ანტი-ფეოდალურ ბრძოლას. XIV ს-ში დაწყებული გლეხთა მოძრაობათა ტალღა XV საუკუნეშიც არ იყო დამცხრალი, ზოგან კი ამ მოძრაობებს გარკვეული წარმატებანი ჰქონდა მოპოვებული (გილან-მაზანდარანში, სადაც სარბადა-რული პოლიტიკური ორგანიზაციის სათავეში სეიდები იდგნენ).

სოფლის მეურნეობის დაცემა XV ს-ის მეორე ნახევარში გლეხთა მდგომარეობის გაუარესების პირდაპირი შედეგი იყო. მდგომარეობის გამოსწორების მიზნით უზუნ-პასანმა ყაზან-ყაენის აგრარული პოლიტიკის აღდგენა სცადა. მისი „კანუნ-ნამე“ გადასახადების მოწესრიგებას ისახავდა მიზნად. მაგრამ ეს მიზანი, სამხედრო-ნომადური არისტოკრატის წინააღმდეგობის წყალობით, მიუღწეველი აღმოჩნდა.

„კანუნ-ნამეს“ გამოცემის შემდეგ გლეხთა მდგომარეობა სრულიადაც არ ჩანს შემსუბუქებული. ამას მოწმობენ XV ს-ის დამლევის დოკუმენტური წყაროები. იაკუბის 1488 წლის წყალობის წიგნში 27 სახელწოდების გადასახადი და ვალდებულებაა ჩამოთვლილი, ხოლო ყასიმ აყ-ყოინლუს 1498 წლით დათარიღებულ სიგელში — 31 გადასახადი².

¹ И. И. Петрушевский. Даваб. ნაშრ., გვ. 192.

² იქვე, გვ. 190—191.

მარცხით დამთავრდა სახელმწიფოს ცენტრალიზაციის პოლიტიკაც.

ფეოდალური მფლობელების გავლენის შესუსტების მიზნით უზუნ-ჰასანი, ჯაჰანშაჰის მსგავსად, ადგილობრივ ფეოდალურ ელემენტს და მუსლიმანურ ეკლესიას ეყრდნობოდა. შით უმეტეს, რომ ყველა ესენი ირანული ტრადიციების მატარებელი იყვნენ და მომთაბარული ტენდენციების გავრცელების წინააღმდეგ მოქმედებდნენ.

მუსლიმანური ეკლესიის, მსხვილი ფეოდალური ორგანიზაციის, განკარგულებაში იყო სავაჭუო მიწები, სარწყავი არხები, აბანოები, ქარვასლები, დუქნები და ბაზრები ქალაქებში. შეწირულებანი, მიწისმოქმედება, ვაჭრობა და მეფავშეობა მისი შემოსავლის მთავარი წყაროები იყო. მუსლიმანური ეკლესია, ნელიქების და სამოქალაქო ბიუროკრატის მსგავსად, დანტერეგებული იყო ცენტრალური ხელისუფლების განმტკიცებით. ამიტომ უზუნ-ჰასანი ხელს უწყობდა სასულიერო ფეოდალების გაძლიერებას. მაგრამ უფრო ძლიერი იყვნენ ამირები, რომელთა წონას სახელმწიფოში მტკიცე საფუძველს უქმნიდა სოიურდალით გათვალისწინებული მფლობელობა. უზუნ-ჰასანის დროს სოიურდლების გაცემა არამცთუ შემცირდა, არამედ კიდევ უფრო გახშირდა. სოიურდლის წყაროდ კი დივანის (სახელმწიფოს) და ფადიშაჰის (ხასე) მიწები იყო.

სახელმწიფოს ცენტრალიზებას, ოსმალური წესების მიხედვით, ცდილობდა აგრეთვე აჰმედ აყ-ყოინლუ (1497 წ.). იგი ეყრდნობოდა მელიქებს. სამოქალაქო ბიუროკრატის და სასულიერო ფეოდალებს. საინტერესოა, რომ აჰმედი ამირების ალაგმვაში ცდილობდა აზერბაიჯანელი და ირანელი გლეხების გამოყენებასაც¹.

აჰმედ აყ-ყოინლუმ სკადა გადასახადების მოწესრიგება „რეფორმების“ გზით, შეამცირა გადასახადების რაოდენობა და დატოვა მხოლოდ ის გადასახადები, რომელთაც ითვალისწინებდა მუსლიმანური სამართალი (შარიათი), ე. ი. „ხარაჯა“ (ახლანდელი „მალუჯათი“), „უშირი“ (ხარაჯას შემცველი გადასახადი ზოგიერთი კატეგორიის მიწებზე), ზაქათი (გადასახადი მესაქონლეობაზე. უძრავ ქონებაზე და ვაჭრობაზე) და ჯიზია (ქრისტიანებზე და ებრაელებზე დაწესებული სულადი გადასახადი)². ამით აჰმედი აუქციებდა მონღოლების წინააღმდეგ ხანაში არსებულ და საკუთრივ მონღოლების დროს შემოღებულ გადასახადებს³. აღნიშნული ღონისძიება ეხმაურებოდა სოციალურ მოძრაობათა იმ იდეას, რომელიც გულისხმობდა მონღოლურ-მომთაბარული სამართლის („იასას“) უარყოფას და აღრინდელი ისლამის ვითომცდა პატრიარქალური წესრიგის აღდგენას⁴.

მაგრამ აჰმედ აყ-ყოინლუ სრულიადაც არ აპირებდა გლეხთა ინტერესების დაცვას. მისი „რეფორმები“ მიმართული იყო გაძლიერებულ-აღზე-ვებული ამირების და არა მთლიანად გაბატონებული ფეოდალური კლასის

¹ И. П. Петрушевский. Внутренняя политика Ахмеда Ак-Койунлу, ССИА, I, გვ. 151.

² И. П. Петрушевский. დასახ. ნაშრ., გვ. 150.

³ იქვე.

⁴ იქვე, გვ. 150—151.

წინააღმდეგ¹. როგორც ჩანს, აჰმედ აყ-ყონღუ დაბალი საზოგადოებრივი ფენების დასაინტერესებლად მიმართავდა ისეთსავე სოციალურ დემაგოგიას, რაც შემდეგ ასე წარმატებით გამოიყენეს სეფიანებმა ყიზილბაშური მოძრაობის გაძლიერების პერიოდში.

ნამდვილად აჰმედი ყაზან-ყაენის აგრარულ პოლიტიკას უჭერდა მხარს. ეტყობა ამან მისცა საბაზი XVI ს-ის ისტორიკოსს ჰასან რუმელუს აღენიშნა, რომ აჰმედი „მზრუნველობით ეპყრობოდა რაიათებს და მის დროს გადასახადთა აღების კარებები დაიხშო“². მანვე, ისტორიკოსის სიტყვით, „შეუმოკლა ხელები“ ამირებს და მოაშორა რაიათებს.

აჰმედი მკაცრად ეკიდებოდა და სასტიკად უსწორდებოდა სამხედრო-ნომადური არისტოკრატის წარმომადგენლებს. მის დროს ბევრი ამირა სიკვდილით იქნა დასჯილი, თუმცა იგი სულ ექვს თვეს იყო ფადიშაჰად.

აჰმედ აყ-ყონღუს მზოლოდ გადასახადების მოწესრიგების საქმისათვის არ მიუქცევია ყურადღება. ამირების დათრგუნვის მიზნით მან გააუქმა სოიურღალების მემკვიდრეობითი მფლობელობის უფლება და უარი თქვა წინანდელი ფადიშაჰების მიერ გაცემული სასოიურღალო ფირმანების განახლებაზე. ამით იგი აპირებდა გადამწყვეტი დარტყმა ეგემებინა სამხედრო-ნომადური არისტოკრატისათვის³. სამხრეთ აზერბაიჯანში მან შეძლო ამირების ალაგმვა; ამ ამოცანის განხორციელება ძნელი აღმოჩნდა ცენტრიდან დაშორებულ ოლქებში—სპარსეთის ერაყში და ფარსში. აქაური ამირები აუჯანყდნენ აჰმედს და ფადიშაჰად შურად იაკუბის ძე გამოაცხადეს. ისფაჰანის მახლობლად აჰმედი დამარცხდა, და დაიღუპა, როგორც ჩანს, საკუთარი ლაშქრის ამირების ლაღატის წყალობით.

XV ს-ის დამლევისათვის თეთრბატკნიან თურქმანთა სახელმწიფო ფაქტიურად დაშლილი იყო. უფლისწულთა შორის გამართულ ბრძოლას მარჯვედ იყენებდა ოსმალეთი, რომელიც ყველაფერს აკეთებდა იმისათვის, რათა არ დაეშვა აღმოსავლეთში გაერთიანებული სახელმწიფოს არსებობა.

თეთრბატკნიან თურქმანთა სახელმწიფოს დასუსტებას, ხოლო შემდეგ მოსპობა-გადაშენებას, ხელი შეუწყო ამირებს შორის გამუდმებით წარმოებულმა შინაფეოდალურმა ომებმა, სამხედრო-ნომადური არისტოკრატის დაპირისპირებამ სხვა ფეოდალური ჯგუფების წინააღმდეგ და დაპყრობილ ხალხთა განმათავისუფლებელმა ბრძოლამ.

თეთრბატკნიან თურქმანთა სახელმწიფოს დაშლა-გადაშენების უმთავრესი მიზეზი იყო გამწვავებული კლასობრივი ბრძოლა, რაც მარჯვედ გამოიყენეს არდებილის ფეოდალურმა შეიხებმა და XVI ს-ის დამდეგს წარმოქმნეს სეფიანთა ანუ ყიზილბაშთა სახელმწიფო.

§ 3. სეფიანთა სახელმწიფო

XVI ს-ის დამდეგს წარმოქმნილი სეფიანთა სახელმწიფოს არსებობა 1722 წლამდე გაგრძელდა.

¹ Н. П. Петрушевский. დასახ. ნაშრ., გვ. 151.

² იქვე.

³ იქვე.

სეფიანთა სახელმწიფოს ისტორია ორ მთავარ პერიოდად იყოფა. პირველი პერიოდი ქრონოლოგიურად 1502—1590 წლებში თავსდება, მეორე კი—1590—1722 წლებში. პირველ პერიოდში ძლიერი იყო ყიზილბაშთა მომთაბარული ტრადიციები, მეორე პერიოდში ერთგვარი გასაქანი მიეცა ირანულ ელემენტს, რომლის დაწინაურება პოლიტიკურ და სამხედრო ასპარეზზე შაჰ-აბასის მოღვაწეობის ხანას განეკუთვნება.

სეფიანთა სახელმწიფოს შექმნაში აქტიურად მონაწილეობდა შვიდი ყიზილბაშური ტომი: უსთაჯლუ, რუმლუ, თექელუ, ზულკადარი, შამლუ, აფშარი, ყაჯარი. სხვადასხვა დროს მცირე აზიიდან და შუა აზიიდან გამოსული ეს ტომები გაერთიანებული იყვნენ არღებილის შეიხების (სეფიანების) გარშემო. სეფიანებმა ყიზილბაშებზე დაყრდნობით მიაღწიეს გამარჯვებას თეთრბატკნიანი თურქმანების წინააღმდეგ ბრძოლაში.

ყიზილბაშები შიიტები იყვნენ. მათი წითელი თავსაბურავი (ყიზილბაში თურქულად წითელთავიანს ნიშნავს) შედგებოდა თორმეტი ნაეკცისაგან, რაც სიმბოლურად თორმეტ იმამს აღნიშნავდა. არღებილის შეიხების ეს მიურიდეები მონაწილეობდნენ არსებული წყობილების და მისი იდეოლოგიური დასაყრდენის—ორთოდოქსალური ისლამის (სუნიტობის) წინააღმდეგ ბრძოლაში. მათ მკიდრო ურთიერთობა ჰქონდათ დამყარებული ოსმალეთის ტერიტორიაზე მცირე აზიაში მოსახლე ყიზილბაშებთან, რომელნიც თავის მხრივ მონაწილეობდნენ ოსმალეთში მიმდინარე გლეხთა აჯანყებებში.

არღებილის შეიხების წინაპარი (XIII—XIV სს. მოღვაწე სეფი ედ-დინი, რომლის სახელიდანაც ნაწარმოებია დინასტიის აღმნიშვნელი სახელი—სეფიანები), სუნიტი იყო, მაგრამ შემდეგ მისმა ჩამომავლებმა შიიტობა სრულიად გარკვეულ პოლიტიკურ მიზნებს დაუკავშირეს.

სეფიანებმა წარმოქმნეს მცირე ფეოდალური სამთავრო (თეოკრატიული-პოლიტიკური ორგანიზაცია), რომელსაც შეიხი (სასულიერო პირი) მეთაურობდა და რომელიც თავდაპირველად არღებილის სანახებს მოიცავდა. XV ს-ის მანძილზე ისინი თანდათან აფართოებენ არღებილის ფეოდალურ სამთავროს მეზობელი ამირების ხარჯზე.

ყიზილბაშები ჯერ კიდევ სეფიანთა სახელმწიფოს წარმოქმნაპდე შეუდგნენ აგრესიული პოლიტიკის განხორციელებას შირვანის და საქართველოს მიმართ. XV ს-ის 90-წლებისათვის არღებილის ფეოდალური სამთავრო უკვე იმდენად ანგარიშგასაწვეი ძალაა, რომ შირვანშაჰები და აყ-ყონლუს ფადი-შაჰები მტრობას შეთანხმებით სცვლიან, რათა საერთო ღონისძიებით შეაჩერონ სეფიანთა შემდგომი გაძლიერება.

თეთრბატკნიანი თურქმანებისათვის არღებილის შეიხების გაძლიერება მიუღებელი იყო იმ მხრივაც, რომ ისინი თავიანთი პოლიტიკური მიზნებისათვის იყენებდნენ გამწვავებულ კლასობრივ ბრძოლას და ფართოდ გაშლილ სოციალურ მოძრაობას.

საქმე ისაა, რომ გლეხთა მდგომარეობის მკვეთრი გაუარესება XV ს-ის უკანასკნელ მეოთხედში ხელსაყრელ ნიადაგს უქმნიდა ყიზილბაშური მოძრაობის გავრცელებას. არღებილის შეიხები საზოგადოების დაბალი ფენების მისწრაფებებს მარჯვედ უხამებდნენ სოციალურ ღემავოგაის. ამით აიხსნება, რომ

ყიზილბაშურ მოძრაობაში მომთაბარეებს გარდა ვხედავთ გლეხებს, ვაქრებს, ხელოსნებს. ამის მიუხედავად, დაუშვებელია ყიზილბაშთა მოძრაობის სახალხო მოძრაობასთან გაიგივება. და ეს იმიტომ, რომ ყიზილბაშთა ზედა ფენისათვის უცხო და მიუღებელი იყო ამ მოძრაობის სოციალური მოტივები. თვითონ არდებილის შეიხები მხოლოდ იმ სოციალური ძალების გამოყენებას ლამობდნენ, რომელთა ბრძოლა ფაქტიურად თეთრბატკნიან თურქმანთა დინასტიის და სახელმწიფოს წინააღმდეგ წარმოებდა.

ეს საკვებით ცხადყო მოვლენების განვითარებამ XV—XVI საუკუნეთა ნიჯნაზე.

ყიზილბაშთა მოძრაობა განმარჯვებით დამთავრდა. ისმაილმა (არდებილის შეიხის ძემ) დაამარცხა თეთრბატკნიანი თურქმანები, აიღო ქალაქი თავრიზი და ირანის გაერთიანებას შეუდგა.

1502 წელს გამარჯვებულმა შაჰ-ისმაილ I-მა (1502—1524) შიიტობა სახელმწიფო რელიგიად გამოაცხადა. მაგრამ ის სასტიკად სდევნიდა არა მარტო სუნიტებს, არამედ შიიტობის უკიდურესი მიმართულების მიმდევრებსაც. რომელთა ბრძოლა აშკარად ანტიფეოდალური ხასიათის მატარებელი იყო. ახლად გაბატონებულ ორთოდოქსალურ ანუ ზომიერ შიიტობას ესენი ისევე ებრძოდნენ, როგორც მანამდე ორთოდოქსალურ ისლამს ებრძოდნენ. და ეს იმ გასაგები გარემოების გამო, რომ ზომიერი შიიტობა ფეოდალთა კლასის ბატონობის იდეოლოგიად იქცა.

სეფიანთა ანუ ყიზილბაშთა სახელმწიფო (1502—1722) თეთრბატკნიან თურქმანთა სახელმწიფოს ნანგრევებზე აღმოცენდა. და, შეიძლება ითქვას, თეთრბატკნიან თურქმანთა სახელმწიფოს პირდაპირ გაგრძელებას წარმოადგენდა. ორსავე სახელმწიფოში ძირითადად ერთნაირი იყო სოციალურ-ეკონომიური ურთიერთობანი, პოლიტიკური ინსტიტუტები, სამხედრო ორგანიზაცია. სეფიანთა სახელმწიფოშიც, XVI საუკუნეში, გაბატონებული იყო სამხედრო-ნომადური არისტოკრატია, ოღონდ იმ განსხვავებით, რომ ახლა აყ-ყოინლუს თურქმანების მაგიერ ყიზილბაში ამირები პირველობდნენ, საკუთრივ ირანელები კი დაპყრობილთა მდგომარეობაში იმყოფებოდნენ.

ამიტომ ყოველგვარ საფუძველსაა მოკლებული ბურჟუაზიულ აღმოსავლეთ-მცოდნეობაში განმტკიცებული შეხედულება, რომლის მიხედვით XVI ს-ის დამდეგს წარმოიქმნება ახალი ირანი. „ახალში“ ნაგულისხმევია არა მარტო სასაზღვრო ირანის ტრადიციების აღდგენა-განახლება, არამედ ირანის ისტორიის ახალი პერიოდის დასაწყისიც. მაგრამ ფეოდალური განვითარების იმ საფეხურის გათვალისწინება, რომელზედაც ირანი XVI ს-ის დამდეგისათვის იმყოფებოდა, ნიადაგს აცლის ამ შეხედულებას.

სეფიანთა სახელმწიფო, რა თქმა უნდა, არ შეიძლება წარმოვიდგინოთ არც ირანის ნაციონალურ სახელმწიფოდ, როგორც ამას ბურჟუაზიული ისტორიკოსები ამტკიცებენ (ვალტერ ჰინცი, ლამბტონი). ირანის ნაციონალური სახელმწიფოს არსებობისათვის არამცთუ XVI ს-ში, არამედ თვით XIX საუკუნეში არ არსებობდა საჭირო პირობები.

ის გარემოება, რომ XVI ს-ის დამდეგს სახელმწიფო რელიგიად ცხადდება შიიტობა, რომელიც იმთავითვე ირანელთა განმათავისუფლებელ ბრძო-

ლას დაუკავშირდა, აიხსნება არა ჰარითული სულის ენერჯის გამოვლინებით- (ფრანც ბაბინგერი) ან ირანული ელემენტის მონაწილეობით, არამედ უმთავრესად სოციალური, ეკონომიური და პოლიტიკური ხასიათის ზიზუებით.

თუ არდებლის შეიხებმა შიიტობა სოციალური და პოლიტიკური რიგის მოვლენებს დაუკავშირეს, შაჰ-ისმაილმა ის მსხვილი მიწისმფლობელობის გასაუქმებლად და მახლობელი აღმოსავლეთის საერთაშორისო ურთიერთობაში დამოუკიდებელი მდგომარეობის მოსაპოვებლად გამოიყენა.

შიიტობა ყიზილბაშებს შესაძლებლობას აძლევდა მოეხდინათ სუნი ზ საერო და სასულიერო ფეოდალების მიწების ექსპროპრიაცია. სეფიანებმა ნოწინააღმდეგე თურქმან ფეოდალებს მიწები ჩამოართვეს და თიულის საფუძველზე ყიზილბაშ ამირებს გადასცეს. ამავე დროს დამარცხებული აყ-ყონ-ლუს თურქმანული ტომების ნამსხვრევები ყიზილბაშურ ტომებს შეუერთეს. ან ლონისძიებებს არ შეიძლებოდა სეფიანი შაჰის გარშემო არ დაერაზმა ყიზილ-ბაში ამირები, რომელთაც აზერბაიჯანსა და ირანში თურქმანი ამირების ადგილი დაიკირეს.

თიული ყიზილბაშში ამირებისათვის მისაღები იყო იმის გამო. რომ ნისი სა-შეულებით წარმოებდა სოიურალების გაუქმება ყიზილბაშების სასარგებლოდ.

შაჰის ხელისუფლებისათვის კი თიულის ფეოდალური ინსტიტუტი მკიდ-როდ იყო დაკავშირებული ცენტრალისტურ პოლიტიკასთან.

თიული პირობით მიწისმფლობელობას გულისხმობდა. თიულდარს (თიულის მფლობელს) მიწა დროებით, გარკვეული სამსახურის სანაცვლოდ ეძლეოდა. ოფიციალური თვალსაზრისით თიულის ნემკვიდრეობით გადაცემა დაუშვებელი იყო. თიულდარი მხოლოდ რენტა-ხარკის მთლიანად ან მხოლოდ ნისი წილის მითვისების უფლებით სარგებლობდა. უშუალოდ მას ხელი არ მიუწვდებოდა არც ნაწყალობევი მიწაზე და არც მიწაზე მსხდარ გლეხებზე. XVI ს-ის ირანში გლეხთა ექსპლოატაცია ძირითადად სახელმწიფოს მეშვეობით წარმოებდა. ამრიგად, სეფიანებმა აღადგინეს მიწისმფლობელობის ის წესი, რომელიც IX—X სს. მახლობელ აღმოსავლეთში ერთხელ უკვე იყო გაბატონებული.

სეფიანთა სახელმწიფოში თიული იქცა მიწისმფლობელობის მთავარ და წამყვან ფორმად.

ყიზილბაშთა გამარჯვებას, როგორც ვნახეთ, თან მოჰყვა მიწების ახალი გადანაწილება, ფეოდალური უფლებების გადაჯგუფება. ყიზილბაშებმა საამისოდ მარჯვედ გამოიყენეს შიიტობა, რადგან სხვანაირად შეუძლებელი იყო სუნიტ მიწისმფლობელთა მიწების ექსპროპრიაცია.

შიიტობას გარკვეული მნიშვნელობა ენიჭებოდა შაჰ-ისმაილის საშინაო და საგარეო პოლიტიკაშიც. შიიტური იდეოლოგიით შესაძლებელი იყო ირანის გაერთიანება, ასევე შაჰინშაჰის წოდებულების აღდგენით სეფიანთა დინასტიის ირანში ბატონობის პრეტენზიის „დასაბუთება“.

ამავე დროს სეფიანთა სახელმწიფო ერთადერთ შიიტურ სახელმწიფოდ ხდებოდა მთელს მახლობელ და შუა აღმოსავლეთში. ამით იგი დასავლეთში ოხმალეთს უპირისპირდებოდა, ხოლო აღმოსავლეთში ოზბეგებს.

აღნიშნული, ცხადია, იმას არ ნიშნავს, რომ სეფიანები მხოლოდ რელიგიურ ფაქტორს ანიჭებდნენ გადაწყვეტ მნიშვნელობას მახლობელი აღმოსავლეთის საერთაშორისო ურთიერთობაში. ისინი მზად იყვნენ სამხედრო კავშირი შეეკრათ ეგვიპტის მამულუკთა სახელმწიფოსთან, უფრო გვიან (1526 წლიდან) დიდ მოლოდინთან ინდოეთში. და ეს იმის გამო, რომ სუნიტურ ეგვიპტის სახელმწიფოს ოსმალეთი დაპყრობით ემუქრებოდა და ამდენადვე, სეფიანთა სახელმწიფოს ბუნებრივ მოკავშირედ ჩანდა, სუნიტი მოლოდინები კი სუნიტ ოზბეგებს ებრძოდნენ.

შაჰ-ისმაილი ცდილობდა კავშირი გაეხატა თვით დას. ევროპასთან, რათა იქაური ქრისტიანი ხელმწიფეები ოსმალეთის წინააღმდეგ ომში მოკავშირედ გაეხადა.

ასევე, ოსმალეთი პირველ ხანებში მხარს უჭერდა შიიტ ყიზილბაშებს მხოლოდ იმის გამო, რომ ისინი თეთრბატკნიან თურქმანთა დამასუსტებელ ძალად მიაჩნდა. სწორედ ეს გახდა სულთან ბაიაზეთ II-ის ტახტიდან გადაყენების მიზეზი (1512 წ.). რადგან 1512 წლისათვის შაჰ-ისმაილმა ირანი ძირითადად გააერთიანა. ოსმალთა ფეოდალები ხონთქარს ბრალს სდებდნენ იმაში, რომ მან ყიზილბაშები წააქეზა და გაათამამა, აყ-ყოინლუს ფაღიშაქებს კი დახმარება არ აღმოუჩინა. ხონთქარის ვარაუდი, რომ ყიზილბაშები და აყ-ყოინლუს თურქმანები ერთმანეთს დაასუსტებდნენ და ამით მხოლოდ ოსმალეები ისარგებლებდნენ, არ გამართლდა. აღმოსავლეთში ერთიანი და თანაც თურქმანებზე უფრო ძლიერი სახელმწიფო შეიქმნა. ამიტომ ირან-ოსმალეთის ონი გარდუვალი იყო.

XVI ს-ის თითქმის მთელ მანძილზე გამუდმებით წარმოებდა ირან-ოსმალეთის ომები, რომელთა ერთ-ერთი მთავარი ასპარეზი ამიერკავკასია იყო.

1555 წელს ქალაქ ამასიაში დაიდო ირან-ოსმალეთის საზავო ხელშეკრულება. ამასიას ზავმა შესწყვიტა ირან-ოსმალეთის ორმოცდაათწლოვანი ომი (1514—1555 წწ.) ამ ზავის ძალით დამპყრობლებმა შუაზე გაიყვეს ამიერკავკასიის ქვეყნები, აგრეთვე ერაყი და ქურთისტანი.

სეფიანთა სახელმწიფოში, როგორც შევნიშნეთ, უცვლელი დარჩა წინარე ხანის სოციალურ-ეკონომიური ურთიერთობანი. სოციალური და ეკონომიური განვითარების პირობები ირანში შეზღუდული იყო.

ვაჭრობის გაცხოველება, ქალაქების განვითარება (უპირატესად აღმ. ამიერკავკასიაში), თავრიზის (სეფიანთა სახელმწიფოს ცენტრის ყაზვინში გადატანამდე) დაწინაურება (თავრიზში XVI ს-ში 300.000 მცხოვრები იყო) შეპირობებული იყო უპირატესად ვოლგა-ასტრახანის სავაჭრო მაგისტრალის გახსნით, რუსეთის სავაჭრო ინტერესებით აღმოსავლეთში.

XVI ს-ის შუა ხანამდე რუსეთის ვაჭრობა ირანთან ებზოლური იყო. ყაზანისა და ასტრახანის თათრული სახანოების გაუქმების შემდეგ რუსეთმა გააცხოველა სავაჭრო ურთიერთობა ირანთან, შუა აზიასთან. აშკარა იყო ამ ურთიერთობის პოლიტიკური მხარეც — ირანი ცდილობდა მოკავშირედ გაეხადა რუსეთი ოსმალეთის წინააღმდეგ.

ვოლგა-ასტრახანის სავაჭრო მაგისტრალთან მკიდროდ იყვნენ დაკავშირებული აზერბაიჯანის და ჩრდილოეთ ირანის ქალაქები: შემახა, არდებილი,

თავრიზი, ყაზვინი, ქაშანი. აქ მოჰქონდათ რუს ვაჭრებს თავიანთი საქონელი. ისინი მიდიოდნენ ცენტრალური და სამხრეთ ირანის ქალაქებშიც. წყაროები აღნიშნავენ რუსი ვაჭრების ყოფნას თვით შორეულ პორტუზში, რომელიც განსაკუთრებულ როლს ასრულებდა ინდოეთის ევროპასთან და მახლობელ აღმოსავლეთთან ვაჭრობაში. 1567 წელს მოსკოველი ვაჭრები დიმიტრი ივაშვილი და თედორე პერშინი ხელმწიფის დავალებით იმყოფებოდნენ პორტუზში¹. ირანის ყურის ეს მდიდარი ქალაქი იმ დროს პორტუგალელების ხელთ იყო. აქ ზღვაში იჭერდნენ ყველაზე მსხვილ მარგალიტს, რომელზედაც ყველგან დიდი მოთხოვნილება იყო.

XVI ს-ის მეორე ნახევარში რუსეთის ვაჭრობა ირანთან და, საზოგადოდ, აღმოსავლეთის ქვეყნებთან უფრო აქტიური და ფართო ხასიათის მატარებელი იყო, ვიდრე დას. ევროპასთან².

რუს ვაჭრებს ირანიდან გამოჰქონდათ: აბრეშუმი, აბრეშუმის ქსოვილები, ხალიჩები, ნახები, ფარდაგები, თვალ-მარგალიტი (იაგუნდი, ლალი. ფირუზი, ვერცხლის და სპილენძის ქურქლეული, სანელებლები. სამაგიეროდ ირანის ქალაქებში შეჰქონდათ: ტყაყეული, ბეწვეული, ხის ქურქლეული, ცეილი, ქონი, თაფლი (უპირატესად ნოღაის ურდოში და შუა აზიის სახანოებში), ლითონის იარაღი (ნაჯახები, დანები, ლურსმნები და სხვ.). ცხენის აკაზ-მულობა (ღვედები), სამხედრო საქურველის ზოგიერთი სახეობა, იშვიათად, აგრეთვე, ცეცხლის იარაღი. ამას გარდა, რუსეთს ირანში შეჰქონდა დას. ევროპიდან მიღებული საქონელი: მაუდი, საწერი ქალაღი, შუშა, ვერცხლის-წყალი, რკინა, კალა, სპილენძი, ტყვია³.

ვოლგა-ასტრახანის სავაჭრო გზის გამოყენებას აღმოსავლეთთან დასაკავშირებლად ცდილობდნენ დას. ევროპის სახელმწიფოებიც. ამ მსრივ რუსეთი ასრულებდა შუამავლის როლს აღმოსავლეთსა და დასავლეთს შორის. XVI ს-ის დამლევაამდე ამ გზაზე ტრანზიტის უფლებით და გარკვეული პრივილეგიებით სარგებლობდნენ ინგლისელი ვაჭრები. ინგლისურმა „მოსკოვის კომპანიაში“ უკვე XVI ს-ის 60-ან წლებში დაამყარა კავშირი აღმ. ამიერკავკასიის და ირანის ქალაქებთან. ვოლგა-ასტრახანის გზის გამოყენებას უფრო გვიან ცდილობდნენ, აგრეთვე. პოლანდიელები, ფრანგები, პოლონელები, გერმანული სამთავროები⁴. ამ გზას მტრულად უყურებდა ოსმალეთი, რომელიც დაჟინებით ცდილობდა მონოპოლიის შენარჩუნებას აღმოსავლეთის დასავლეთთან ვაჭრობაში.

აღმ. ამიერკავკასიის და ირანის ქალაქები დას. ევროპასთან დაკავშირებული იყვნენ აღეპოს საშუალებითაც. ეს ოსმალეთის სახელმწიფოს დიდ შემოსავალს აძლევდა. ამიტომ ირანის მთავრობა სულ იმას ცდილობდა, რათა

¹ М. В. Диев. Торговля русского государства со странами Востока в XVI веке, М., 1956, гл. 28.

² იქვე, გვ. 51—97.

³ იქვე.

⁴ Е. С. Зевакин. Персидский вопрос в русско-европейских отношениях XVII в., Исторические записки, № 8, 1940, гл. 132—162.

ახალი სახმელეთო გზებით დაკავშირებოდა დას. ევროპას და ამით შემოსავლის მნიშვნელოვანი წყარო დაეწევიტა ოსმალეთისათვის.

ვოლგა-ასტრახანის სავაჭრო მაგისტრალის საშუალებით გაცხოველებულმა ვაჭრობამ წამოსწია აღმ. ამიერკავკასიის და ირანის ქალაქები. აღმ. ამიერკავკასიის ქალაქებთან მკიდროდ იყვნენ დაკავშირებული აგრეთვე კახეთის ქალაქები (გრემი, ზაგემი, თელავი), რომელნიც XVI ს-ში განუხრელად ვითარდებოდნენ.

მოუწყობელი გზების და სახიფათო მოგზაურობის მიუხედავად (ყაჩაღთა ბრბოების თავდასხმები და ფეოდალების თვითნებობა) ირანის ვაჭრობა აღწავლობას განიცდიდა. მართალია, ირან-ოსმალეთის ომმა დიდად დააზარალა თავრიზი, მაგრამ სამაგიეროდ წამოიწია ყაზვინმა. XVI ს-ის მეორე ნახევარში სფიანებმა სახელმწიფოს პოლიტიკური ცენტრი ჩრდილოეთიდან ამ ქალაქში გადმოიტანეს.

ირანის სავაჭრო ვაჭრობის მთავარი საგანი აბრეშუმი იყო. ირანული აბრეშუმის 50% გილანში მზადდებოდა. აბრეშუმით ვაჭრობის მონოპოლია ირანის შაჰების ხელთ იყო. ევროპული წყაროები მათ ხშირად „მეფე-ვაჭრებს“ უწოდებდნენ. ირანის შაჰები ცდილობდნენ ხელი დაეღოთ აბრეშუმით მდიდარ ქვეყნებზე. ამიტომ სურდათ მათ გილანის ნახევარად დამოუკიდებელი სამთავროს შემოქციება. ამავე მიზნით ცდილობდნენ ისინი შირვანის მტკიცედ დაპყრობას და კახეთის დამორჩილებას. კახური აბრეშუმი დიდი რაოდენობით გაჰქონდათ უცხო ქვეყნებში. აბრეშუმით ვაჭრობის ბირჟა აღმ. ამიერკავკასიაში იყო ქალაქი ჯულფა, ხოლო მთავარი ცენტრები არემი, შემახა, შაბერანი.

ირანში ვითარდებოდნენ ის ქალაქები, რომლებიც საქარაენო გზების გასწვრივ მდებარეობდნენ. მთავარ სავაჭრო-სატრანზიტო მარშრუტთან (არდებილი — თავრიზი — ყაზვინი — ქაშანი — ისფაჰანი — შირაზი) დაკავშირებული იყვნენ ხელოსნობით და ხელოსნური ნაწარმით განთქმული ქალაქებიც, რადგან ირანის ექსპორტი უმთავრესად ხელოსნური ნაწარმისაგან შედგებოდა.

თავრიზში, ყაზვინში და ქაშანში გაცხოველებული ვაჭრობა წარმოებდა. აქ მრავლად იყვნენ ინდოელი, ბუხარელი, ქართველი, თურქი, რუსი და დას. ევროპელი ვაჭრები¹.

ირანის ვაჭრობა სომეხი ვაჭრების ხელთ იყო. მათი დიდი უნეტესობა ამიერკავკასიის ქალაქებთან იყო დაკავშირებული. ამიტომ ამიერკავკასიელი ვაჭრები ირანული ორიენტაციისანი იყვნენ და ოსმალეთის წინააღმდეგ გამოდირდებოდნენ.

ირანში არსებობდა „წმინდა“ ქალაქებიც (არდებილი, მეშჰედი, ყუმბი), რომლებიც მრავლად იზიდავდნენ შიიტ მლოცველებს. მლოცველთა ქარავენები ერთდროულად ვაჭართა ქარავენბსაც წარმოადგენდნენ და ვაჭრობასაც აწარმოებდნენ.

არსებობდა სახელოსნო ქალაქებიც. ზოგიერთი ქალაქი კერამიკული და

¹ М. В. Фехнер, დასახ. ნაშრ., გვ. 27.

ლითონის ქურკლის დამზადებით იყო განთქმული (ქაშანი), ზოგი საფეიქრო ნაწარმის დამზადებით (ქერმანი, ისფაჰანი), იეზიდი კი საუკეთესო ბავერდით.

მთავარ ქალაქებში არსებობდა შაჰის სახელოსნოები. შაჰის „ქარხნებში“ შაჰზე დამოკიდებული ხელოსნები მუშაობდნენ. ეს ხელოსნები აკმაყოფილებდნენ არა მარტო შაჰის სასახლის და კარის მოთხოვნილებებს, არამედ ექსპორტზედაც მუშაობდნენ. ამას მოწმობენ აბრეშუმის ოქროქსოვილებზე რთული ორნამენტული ნაქარგით შესრულებული სურათები ქრისტიანულ სიუჟეტებზე. 1593 წელს შაჰ-აბასმა რუსეთის ხელმწიფეს გაუგზავნა ისფაჰანის ქარხნებში დამზადებული ოქროქსოვილი, რომელზედაც გამოხატული იყო ღვთისმშობელი ყრმა იესოთი, ხოლო მათს თავზე ანგელოსები ვარსკვლავითურთ¹.

ირანის ქალაქებში მრავლად საქმობდნენ თავისუფალი ხელოსნებიც. ისინი ამქარში ანუ ასნაფში იყენენ გაერთიანებული. ამქარის სათავეში იდგა უსტაბაში. ქარგლის ინსტიტუტი ირანში არ არსებობდა. ოსტატ ხელოსნებს ჰყავდათ შეგირდები. ერთი ხელობის ხელოსნებს ირანის ქალაქებში ქურჩის გარკვეული რიგი ეჭირათ და ცალკე უბნებად იყვნენ დასახლებული.

ვაჭრობა-ხელოსნობის განვითარება ხელს უწყობდა ირანის ეკონომიურ აღმავლობას. მაგრამ ვაჭრობა და ხელოსნობა უპირატესად სატრანზიტო ვაჭრობასთან იყო დაკავშირებული.

განვითარების ერთგვარ შესაძლებლობას იძლეოდა, აგრეთვე, ირან-ოსმალეთის ომის შეწყვეტა, დროებითი შესვენება; შინაფეოდალური და განაბლებული ომები (XVI ს-ის თითქმის მუდმივი მოვლენა) კი ქვეყანას ისევ ძველ მდგომარეობაში აბრუნებდა, გაპარტახებამდე მიჰყავდა სოფლის მეურნეობა, აქვეითებდა ქალაქებს, სცემდა ვაჭრობას და ხელოსნობას.

XVI ს-ში სეთიანთა სახელმწიფოსათვის დამაზასიათებელი იყო ყიზილბაშური ელემენტის განუყოფელი ბატონობა (პოლიტიკურ და სამხედრო ასპარეზზე, მიწისმფლობელობასა და ნადავლის განაწილებაში), მონღოლთა დროიდან დამკვიდრებული გლეხთა და ხელოსანთა ექსპლოატაციის ფორმები.

ახლაც გადასახადები იმავე რაოდენობით და იმავე სახელწოდებებით არსებობდა, როგორც შაებატკნიან და თეთრბატკნიან თურქმანთა სახელმწიფოებში. მაგრამ გადასახადების ოდენობა XVI ს-ის მთელ მანძილზე განუხრელად იზრდებოდა. მაგ., მიწაზე დაწესებული გადასახადი მალუჯათი XVI ს-ის 80-ანი წლებისათვის 5-ჯერ იყო გაზრდილი თავდაპირველ თანხასთან შედარებით². ასევე სხვა გადასახადების „ასლი“ (თავდაპირველი თანხა) განუწყვეტლივ მატულობდა. ისრიჯათი (დამატება), თავაფთი (განსხვავება) არაკანონიერი გადასახადების შემოღება-გაზრდის მარჯვე შესაძლებლობას იძლეოდა.

ამას გარდა, ირან-ოსმალეთის დაუსრულებელი ომები უწინარეს ყოვლისა მწარმოებელ საზოგადოებას ანადგურებდა. საომარ მოქმედებასთან

¹ Н. И. Веселовский. Памятники дипломатических и торговых отношений Московской Руси с Персией, т. I, гл. 195. Удр. М. В. Фехнер. დასახ. ნაშრ., გვ. 73.

² თარიხი-ი ალემ არა-ი აბასი, თეირანის ლითოგრაფიული გამოც., გვ. 485.

ერთად გლეხის მეურნეობას აჩანაგებდა ბეგარა (გლეხების ურმებით გამოყვანა სურსათის და საქურეელის გადასაზიდად, სიბის აგებაში მონაწილეობა, გზებისა და ხიდების შეკეთება და სხვ.). გლეხები თვეობით და ზოგჯერ წლობით იყვნენ მოწყვეტილი თავიანთ ოჯახებსა და მეურნეობას. ამირები, ბეგლარბეგები, ხანები, ალაღარები, მელიქები (ადგილობრივი ფეოდალები), სასულიერო (საღრები, ულემები, დერვიშები, შეიხები, სეიდები და სხვ.) და სახელმწიფო მოხელეები გლეხთა ექსპლოატაციის ყველაზე ველურ ფორმებს იყენებდნენ. მმართველ მოხელეს სეფიანთა სახელმწიფოშიც ხალხი „ოლქის მკამელს“ უწოდებდა.

ფეოდალური ექსპლოატაციის ზრდას გლეხები აჯანყებით პასუხობდნენ. XVI ს-ის 70-ან წლებში გლეხთა აჯანყებები მძვინვარებდა შირვანში, თალიშში, გილანში, ფარსში, ლურისტანში¹. გადასახდელებზე უარის თქმა, გლეხთა აყრა-გაქცევა ახლაც ჩვეულებრივი მოვლენები იყო. მაგრამ გლეხთა აჯანყებები სტიქიური და ლოკალური ხასიათის მატარებელი იყო, თუმცა გლეხთა ერთფეროვნება (რიათობა) ამ აჯანყებებს მასიურ ხასიათს ანიჭებდა. ამავე დროს, ცხადი იყო აჯანყებულთა ცარისტული ტენდენციებიც². ენგელსი მიუთითებდა გლეხთა აჯანყებებზე სპარსეთში და, საზოგადოდ, მუსლიმანურ ქვეყნებში იმის აღსანიშნავად, რომ ეს აჯანყებები თვით გამარჯვების შემთხვევაშიც უცვლელად ტოვებდნენ ძველ ეკონომიურ პირობებს.

მძიმე იყო სეფიანთა სახელმწიფოში წვრილი ვაჭრების და ხელოსნების მდგომარეობაც. XVI ს-ში კვლავ არსებობდა „ქარხნები“, სადაც შაჰზე და ფეოდალებზე დამოკიდებული ხელოსნები მუშაობდნენ. თავისუფალ ხელოსანთა ასნაფები მრავალ შევიწროებას და ძალადობას განიცდიდნენ ყიზილბაშური მომთაბარული არისტოკრატის, სახელმწიფო მოხელეების და სასულიერო ფეოდალების მხრივ.

ვაჭრობასა და ხელოსნობაზე ახლაც ტამლა იყო დაწესებული. ვისაც ქალაქში დუქანი ჰქონდა, ყოველდღიურად იხდიდა ვაჭრობის უფლების გადასახდელს³. სახელოსნოების მფლობელებიც ასევე ყოველდღიურ გამოსაღებს იხდიდნენ⁴. ქალაქში შეტანილი საქონლის თვითეულ საპალნეზე 5%/ს იხდიდნენ, როგორც საქონელიც (ძვირფასი თუ მდარე) არ უნდა ყოფილიყო შიგ პოთავსებული.⁵

ქალაქებში ბევრი დუქანი და სახელოსნო ეკუთვნოდა ვაკფს—მუსლიმანურ რელიგიურ დაწესებულებას და სასულიერო ფეოდალებს. ვაკფის საქონებელი (ბალები, ვენახები, აბანოები, დუქნები, სახელოსნოები, ბაზრები) განსაკუთ-

¹ И. П. Петрушевский. Восстание ремесленников и городской бедноты в Тебризе в 1571—1573 гг., ССИА, 1, გვ. 220.

² И. П. Петрушевский. Народное восстание в Гиляне в 1629 году, Ученые записки ИВ, ტ. 3, გვ. 230.

³ И. П. Петрушевский. Восстание ремесленников и городской бедноты в Тебризе, გვ. 218.

⁴ იქვე.

⁵ იქვე.

რებით დიდი რაოდენობით იყო ქალაქ თავრიზში¹. დუქნების და სახელოსნოების მფლობელები გადასახადს უხდიდნენ არა მარტო სახელმწიფო ხაზინას, არამედ სასულიერო ფეოდალებსაც². ესენი ქალაქის წარჩინებულებთან ერთად (ქალანთრები, დიდი მოხელეები, დიდვაჭრები) მონაწილეობდნენ მედუქნეების, მეწვრილმანეების ექსპლოატაციაში.

ქალაქის ღარიბები და ხელოსნები, ისევე, როგორც წინარე ხანაში, აქტიურად მონაწილეობდნენ სოციალურ მოძრაობაში. ამათ ოფიციალური ისტორიოგრაფიის წარმომადგენლები ახლაც „ნაძირალებს“ („ოვბაშ“) უწოდებდნენ.

1572—1573 წლებში თავრიზში იფეთქა ხელოსნების აჯანყებამ, რომელშიაც ქალაქის ღარიბებიც მონაწილეობდნენ. აჯანყებას მეთაურობდნენ მემაულე, მეწაღე, შარვლების მკერვალის შვილი, მეაქლემე (შოთორ ბან), მემწვანთილე (საბზე ფორუშ)³. აჯანყებამ ისეთი სერიოზული ხასიათი მიიღო და ისე სწრაფად გავრცელდა მთელ ქალაქში, რომ მთელი ძალაუფლება აჯანყებულთა ხელში გადავიდა. შაჰმა დიდი გაჭირვებით ჩააქრო აჯანყება და გამარჯვების შემდეგ სასტიკად გაუსწორდა აჯანყების მონაწილეებს.

უზომო გადასახადები, გლეხთა ექსპლოატაციის „ბარბაროსული“ ფორმები იყო სოფლის მეურნეობის დაქვეითების უმთავრესი მიზეზი სეფიანთა სახელმწიფოში.

დაქვეითების საწინდარს ქმნიდა არა მარტო ყიზილბაშთა უშუალო ბატონობა, არამედ მათი მეზობლობაც. ყიზილბაშთა „ოჯახებმა“ საკმეღად დიქირეს ვრცელი ტერიტორიები, ქვეყანა მათი „ყიშლალებით“ და „იალალებით“ მოიფინა. ამიერკავკასიის ქვეყნებისაკენ ყიზილბაშები მიისწრაფოდნენ აქაური მიწების დატაცებისა და მოსახლეობის ექსპლოატაციისათვის.

ყიზილბაში ამირების შინაფეოდალური ომების ასპარეზად იქცა არა მარტო ირანი, არამედ ამიერკავკასიის დაპყრობილი ნაწილებიც (აზერბაიჯანი, სომხეთი). აღზევებულ-გაძლიერებული ყიზილბაში ამირები ისევე მძლავრობდნენ, როგორც თავის დროზე აყ-ყოინლუს ამირები.

XVI ს-ის ირანის ერთადერთი სამხედრო ძალა (ყორჩის ჯარი) მხოლოდ ყიზილბაშებისაგან შედგებოდა. ეს ჯარი ტომობრივ პრინციპზე იყო შედგენილი. ტომის ამირა-სარდლები თანამეტომე მეომრებს მარჯვედ იყენებდნენ ცენტრალური ხელისუფლების წინააღმდეგ.

XVI ს-ში ხშირად იქმნებოდა ისეთი მომენტები, როდესაც სპარსელი ისტორიკოსების მოწმობით, სეფიანთა მბრძანებელი მხოლოდ სახელითა იყო შაჰი. განსაკუთრებით საშიშარი იყო შაჰის ხელისუფლებისათვის ყიზილბაშთა თვითნებობა ირან-ოსმალეთის ომის პერიოდებში.

1578 წელს ოსმალეთმა დაარღვია ირან-ოსმალეთის 1555 წლის ზავი. ოსმალებმა ისარგებლეს ირანში დაწყებული ფეოდალური შინაომით, რაც

¹ И. П. Петрушевский. Восстание ремесленников и городской бедноты в Тебризе, гл. 219.

² იქვე.

³ იქვე, გვ. 21.

ჩვეულებრივ თან სდევდა ხოლმე შაჰის გარდაცვალებას, და ენერგიულად განაფითარეს შეტევა ირანის წინააღმდეგ. ირან-ოსმალეთის მეორე ომში (1578—1590 წწ.) ყიზილბაში ამირები ისევ თვითნებობდნენ და „შაჰს თავს არ უღებდნენ“, რაც მტერს წარმატების პირობას უქმნიდა. 1583 წელს ყიზილბაშურმა ტომებმა ურთიერთშორის გაინაწილეს სამფლობელოები სახელმწიფოში. უკიდურესად დასუსტებულ ცენტრალურ ხელისუფლებას ღონე არ შესწევდა ოსმალეთის წინააღმდეგ ომში. 1590 წელს ირანი იძულებული იყო ზავი დაედო ოსმალეთთან. ამ ზავის ძალით ირანმა სცნო ოსმალეთის უფლება ამიერკავკასიის ქვეყნებზე.

ყიზილბაში ამირების უფლებებისა და გავლენის შეზღუდვა სცადა შაჰ-აბასმა (1587—1629). მან ირანის პოლიტიკურ და სამხედრო ასპარეზზე წამოსწია ირანული ელემენტი. მის დროს იწყება ირანელობის კონსოლიდაციის, ყიზილბაშთა სახელმწიფოს ირანის სახელმწიფოში თანდათან გადართვის პროცესი. XVI—XVII სს. მიჯნაზე პოლიტიკურ და სამხედრო სარბიელზე დაწინაურდნენ ირანელები.

მაგრამ XVII—XVIII საუკუნეებშიც სეფიანთა სახელმწიფო წარმოდგენდა კონგლომერატს, დროებით სამხედრო-ადმინისტრაციულ გაერთიანებას, სადაც წარმოდგენილი იყვნენ განვითარების სხვადასხვა საფეხურზე მდგარი დაპყრობილი ხალხები.

შაჰ-აბასმა სახელმწიფოს ცენტრი ჩრდილოეთიდან (ყაზვინიდან) სამხრეთში (ისფაჰანში) გადაიტანა. ცენტრალურსა და სამხრეთ ირანში უპირატესად ირანული ელემენტი (ფეოდალები, მიწისმოქმედნი, ვაჭრები, ხელოსნები) იყო წარმოდგენილი. შაჰი მათზე დაყრდნობით აპირებდა ყიზილბაშთა გავლენის შესუსტებას. მანვე საკუთრივ ირანში ყიზილბაშებს დაუპირისპირა კავკასიური ელემენტი (ქართველები, სომხები, ჩერქეზები). მომთაბარული ტრადიციების წინააღმდეგ ბრძოლას უკავშირებდა იგი ყაზან-ყაენის აგრარული პოლიტიკის აღდგენას, სოფლის მეურნეობის დაწინაურებას, ქალაქების, ვაჭრობის და ხელოსნობის განვითარებას. მისი ყურადღების ცენტრში იყო კეთილმოწყობილი გზების, ხიდების, ქარვასლების და სარწყავი არხების მშენებლობა. სამხედრო რეორგანიზაციამ ოდინდელი მნიშვნელობა დაუკარგა ყორჩის ჯარს. ყორჩის ჯარის გვერდით შეიქმნა ყულის ჯარი. ყულარაღასი დაუპირისპირდა ყორჩიბაშს (ყიზილბაშ სარდალს). შეიქმნა აგრეთვე თოფან-გჩიების (მეთოფეების) და თოფჩიების (მეზარბაზნეების) ჯარები. ყველა ამან ირანი მნიშვნელოვნად გააძლიერა და შესაფერისი შედეგიც გამოიღო ირან-ოსმალეთის განახლებულ ომში.

მეტად საინტერესოა შაჰ-აბასის ის პოლიტიკა, რომელიც აღზევებული ფეოდალების დამცრობას და ახალი ელემენტის („ახალი არისტოკრატის“) დაწინაურებას გულისხმობდა. მანვე დიდად გაზარდა ქალაქების გამგებლების (ტარულების) როლი და შემოიღო ქალაქების მმართველობის ახალი გარიგება. ამავე დროს ხელოსანთა ქარხნული ორგანიზაციის მაგიერ ფართო ვასაქანი მიეცა ხელოსანთა ამქრებს, მასვე განზრახული ჰქონდა ბეგლარბეგ-ხანების (პროვინციების გამგებლების) ცენტრალურ ხელისუფლებაზე დამოკიდებული ვეზირებით შეცვლა. ამ განზრახვის განხორციელებას ცდილობდნენ მომდევნო

შაჰები (შაჰ-სეფი, აბას II) ირანის შიდა რაიონებში, სადაც ომი და გარეშე მტრის შემოჭრა მოსალოდნელი არ იყო.

მაგრამ შაჰ-აბასის „რეფორმები“ ხორციელდებოდა მოცემულ სოციალურ-ეკონომიურ ურთიერთობათა პირობებში. ამდენადვე ამ „რეფორმების“ მარცხი გარდაუვალი იყო. ეს ასევე მოხდა.

სეფიანთა ირანიც ისევე იდგა ფეოდალიზმის უმდაბლეს, ბარბაროსულ საფეხურზე, როგორც ოსმალეთი.

2. ოსმალეთი

ოსმალები ისტორიის სარბიელზე XIII ს-ის მეორე ნახევარში გამოჩნდნენ. ისინი შუა აზიიდან იყვნენ გამოსული და ეკუთვნოდნენ თურქული მოდგმის ერთ-ერთ ტომს. მცირე აზიაში ოსმალები მონღოლთა ტალღების მოძალებამ გადმოისროლა, XIII ს-ის მეორე ნახევარში ისინი დამკვიდრდნენ ცირე აზიაში და წარმოქმნეს სახელმწიფო, რომელიც თავდაპირველად მცირე მფეოდალურ სამთავროს წარმოადგენდა.

ოსმალები საზოგადოებრივი და ეკონომიური განვითარების კიდევ უფრო დაბალ საფეხურზე იმყოფებოდნენ, ვიდრე მათი უშუალო წინამორბედები მცირე აზიაში — თურქ-სელჩუკები.

სელჩუკური პერიოდი (XI ს-ის დამლევებიდან XIV ს-ის შუა ხანამდე) წარმოადგენს ადრინდელ სტადიას ოსმალეთის ფეოდალური საზოგადოების განვითარებაში. ამ დროს ჯერ ისევ ძლიერი იყო წინარე ფორმაციების გადანაშთები. ფეოდალური ურთიერთობის სწრაფი განვითარება იწყება XIV ს-ის მეორე ნახევარში. ოსმალური ფეოდალიზმის განვითარებაზე მნიშვნელოვანი გავლენა მოახდინეს ფეოდალურად განვითარებულმა ხალხებმა. რომლებიც დაპყრობითი ომების გზით ოსმალეთის სახელმწიფოს ფარგლებში მოექცნენ.

ფეოდალიზაციის შემდგომი პროცესი ოსმალეთში აღინიშნა გლებთა ომებით (XVI ს-ის პირველი მეოთხედი). გლებთა აჯანყებები მზარდი ფეოდალური ექსპლოატაციის წინააღმდეგ იყო მიმართული. XIV—XVI საუკუნეებში საბოლოოდ ჩამოყალიბდა ოსმალეთის ძლიერი სამხედრო-ფეოდალური სახელმწიფო. ამ სახელმწიფოს არსებობამ მუქარის ქვეშ დააყენა აზიის, აფრიკის და ევროპის მრავალი ქვეყნის დამოუკიდებლობა და თავისუფლება.

§ 1. ოსმალთა სახელმწიფოს წარმოშობა

XIII საუკუნეში, მონღოლთა შემოსევებისა და თურქ-სელჩუკთა სახელმწიფოს დამხობის ხანაში, მცირე აზია მოფენილი იყო ბეილიქებით (ფეოდალური სამთავროებით). მათ შორის ყველაზე სუსტი „ოსმან-ოღლუს“ (ოსმანის შვილების)¹ ბეილიქი იყო. მისი ფუძემდებელი ოსმანი და შემდეგი ორ ხანი ბეგის ტიტულს ატარებდნენ. ეს ბეილიქი თავიდანვე წარმოად-

¹ სამთავროების სახელწოდებად პარალელურად ასეთი ფორმაც იხმარებოდა—Osmanoğulları Beyliği, ან—Kuramanoğulları Beyliği.

გენდა ისეთ ორგანიზაციას, რომელიც მხოლოდ დაპყრობით, ყაჩაღურ ომებს აწარმოებდა. კ. მარქსი წერდა, რომ ოსმალთა ურდოები შეესიენ მცირე აზიას და იქ დააარსეს „ყარაჰისარის ყაჩაღური სახელმწიფო“¹.

XIV საუკუნის განმავლობაში ოსმალეთმა სხვადასხვა საშუალებით (ომი, დაპყრობა-მიტაცება, მოტყუება, მზითვი და სხვ.) შეიერთა ყველა ბეილიქი („ყარამან-ოღლუს“ ბეილიქის გამოკლებით) და სულთან მურად I-ის დროს სამხედრო-ფეოდალურ სახელმწიფოდ ჩამოყალიბდა. მურად I პირველმა მიიღო სულთნის წოდებულება. მის დროს მკაფიოდ გამოკვეთილი სახე მიიღო ოსმალეთის სამხედრო-ფეოდალურმა სახელმწიფომ. თავისი ძლიერების ზენიტს ოსმალეთმა XVI ს-ში მიაღწია, როცა მისი ტერიტორია სამ მატერიკზე (ევროპის, აზიის, აფრიკის) გადაიქიმა. ოსმალეთის ვრცელი სახელმწიფო დაპყრობითი ომების გზით შეიქმნა.

§ 2. ოსმალთა დაპყრობითი ომები XIV—XVI საუკუნეებში

1352 წელს ოსმალები ევროპაში გადავიდნენ. 1365 წელს მათ სახელმწიფოს სატახტო ქალაქად აქციეს აღრიანოპოლი. XIV ს-ის მეორე ნახევარში დაიპყრეს სერბიისა და ბულგარეთის მრავალი ქალაქი.

ამის შემდეგაც საუკუნეების მანძილზე ოსმალები დამპყრობლურ, მძარცველურ ომებს აწარმოებდნენ ბიზანტიის, ბალკანეთის ნახევარკუნძულის, აღმოსავლეთ ევროპის, არაბეთის ქვეყნებისა და ამიერკავკასიის ხალხების წინააღმდეგ. ამ ომების შედეგად ოსმალთა სახელმწიფო უზარმაზარ იმპერიად იქცა.

უკვე სულთან ბაიაზეთ I-ის დროს (1389—1402) ოსმალების მიერ დაპყრობილი ტერიტორია ევროპაში გადაქმნილი იყო ეგეოსის ზღვიდან ღუნაიმდე-კონსტანტინოპოლის დაპყრობა და ბიზანტიის საბოლოო მოსპობა დროებით გადასდო. თემურ-ლენგის შემოსევამ, რომელმაც გაანადგურა ოსმალთა სახელმწიფო, მაგრამ ოსმალებმა დაკარგული პოზიციები უკვე 1422 წელს აღადგინეს. 1453 წლის 29 მაისს ოსმალებმა კონსტანტინოპოლი დაიპყრეს და ბოლო მოუღეს ბიზანტიის იმპერიას.

1461 წელს ოსმალებმა დაიპყრეს ტრაპიზონის იმპერია. 1475 წელს ყირიმის სახანო ვასალად გაიხადეს. 1514—17 წლებში ოსმალებმა დაიპყრეს ქურთისტანი, სირია, პალესტინა და ეგვიპტე.

ამის შემდეგ ოსმალებმა დაპყრობითი ომები ძირითადად დასავლეთისაკენ მიმართეს. დაიპყრეს ბელგრადი (1521), კუნძული როდოსი და დოდეკანესის კუნძულები (1522). 1526 წელს ოსმალებმა მოპაჩთან დაამარცხეს უნგრელები; უნგრეთი ვასალურ დამოკიდებულებაში აღმოჩნდა. 1529 წელს ოსმალებმა პირველად შემოარტყეს ალყა ვენას.

1534 წელს ოსმალებმა დაიპყრეს მესოპოტამია; 1546 წელს—იემენი, შემდეგ—ტრაპოლი (1551). 1555 წელს ოსმალებმა დროებით შეწყვიტეს ირანთან მრავალწლიანი ომი და ყიზილბაშებთან ერთად ამიერკავკასია გაინაწილეს. დაუსრულებელი მტაცებლური ომებით ოსმალებმა საშინლად გააჩანაგეს.

¹ Архив К. Маркса и Ф. Энгельса, т. V, стр. 273.

დაპრობილი ქვეყნები; კ. მარქსი აღნიშნავდა, რომ მოპაჩთან ბრძოლაში ოსმალები კაცობრივებით მძვინვარებდნენ და დახოცეს ან მონებად წაიყვანეს 200.000-მდე უნგრელი, დასწვეს ქალაქები და სოფლები¹. ოსმალო სულთნები დაპრობილ ქვეყნებში ქალაქებიდან ერეკებოდნენ მოსახლეობას და შათი მაგიერ თურქულ ტომებს ასახლებდნენ.

ოსმალო მიერ წარმოებული დაპრობითი ომების წარმატებებს ხელი შეუწყო, უპირველესად ყოვლისა, იმ ხანებში შექმნილმა ოსმალთათვის ხელსაყრელმა ვითარებამ: ბიზანტია დასუსტებული და დაშლილი იყო; არც ბალკანეთში და აღმოსავლეთ ევროპაში, არც მცირე აზიასა და აღმოსავლეთში არ იყო დიდი, პოლიტიკური და სამხედრო თვალსაზრისით ძლიერი, ცენტრალური სახელმწიფო, რომელიც ოსმალთა ჯარების მოგერიებას შეძლებდა. ამას ზედ ერთვოდა ევროპის სახელმწიფოთა შორის არსებული წინააღმდეგობანი, რაც საშუალებას არ იძლეოდა ოსმალეთის წინააღმდეგ მოწყობილი სამხედრო კოალიციების წარმატებისათვის.

ასეთ პირობებში ოსმალთა სახელმწიფოს სამხედრო ორგანიზაციისათვის ძნელი არ იყო ცალ-ცალკე დამარცხებინა აზიისა და ევროპის სუსტი სახელმწიფოები, რომლებიც ფეოდალური შინაომებით იყვნენ ქანცვაწყვეტილნი და არ შეეძლოთ საკმარისი რაოდენობის, კარგად გაწვრთნილი და შეიარაღებული ჯარი გამოეყვანათ მაშინ, როდესაც ოსმალებს ომისათვის ჰქონდათ „მთელი ხალხის შეიარაღება, ყველასათვის სავალდებულო სამხედრო სამსახური“².

პირველ ხანებში დაპრობითი ომების საწარმოებლად ოსმალეთის ძირითადი სამხედრო ძალა იყო ნომადური მასა—აკინჯიები (მოთარეშე რაზმები), რომლებიც „ნიაღვარივით მოედნენ აზიას“³... და მომთაბარე ტომების—იურუქების ცხენოსანი რაზმები. ამათ გარდა მნიშვნელოვან სამხედრო ძალას წარმოადგენდა ანატოლიის ქვეითი ჯარი—*ყაყა* და ცხენოსანი ჯარი—*müsellem*. ამ ორი სახეობის ჯარი დაქირავებული თურქი ახალგაზრდებისაგან შედგებოდა. ომიანობის დროს ისინი ჯამაგირად დღეში ორ ახჩას იღებდნენ. როდესაც ბრძოლები არ იყო, მათთვის მიჩენილ ჩიფთლიქებს (მიწის ნაკვეთებს) გლეხები ამუშავებდნენ. მიწის შემოსავალი მათ რჩებოდათ, რადგან ხაზინისათვის გათვალისწინებულ გადასახადებისაგან ისინი ვათავისუფლებული იყვნენ⁴.

ოსმალთა სამხედრო-ფეოდალური სახელმწიფოს დაპრობითი ომების წარმატების საწინდარი იყო მრავალრიცხოვანი ფეოდალური ლაშქარი—სიფაჰიები (მხედრები), რომლებიც სამხედრო სამსახურის გასამრჯელოდ სამხედრო საკარგავებს ფლობდნენ, და აგრეთვე, რეგულარული, დაქირავებული ჯარი—*kapikulu ocakları*.

დაქირავებული ჯარი შემდეგ სახეობებად იყოფოდა: ქვეითი ჯარი—*yeniçeri* (იანიჩარები:—*yeni*—ახალი, *çeri*—ჯარი); ცხენოსანი ჯარი—*ე.წ.*

¹ Архив К. Маркса и Ф. Энгельса, т. VII, стр. 215.

² იქვე, ტ. VI, გვ. 177.

³ იქვე, ტ. VII, გვ. 178.

⁴ İ. H. Uzunçarşılı, Osmanlı Tarihi, Ankara, 1947, т. I, стр. 252.

ექვემოქმედების პოლიტიკა — სიფაქი; არტილერია — თოფი (მეზარბაზნეები); ჯეზუიტები — საომარი საქურველის, საომარი მასალის მცველები და მომწოდებლები (ესენი ამარაგებდნენ მთელ დაქირავებულ ჯარს ხმლებით, შუბებით, მშვილდ-ნისრით, აბჯრით, ტყვია-წაშლით და სხვა საქურველით); თოფ-არაბაჯი — ჯარის ამ სახეობის მოვალეობა იყო დიდი ყალიბის ზარბაზნების გადატან-გადმოტანა, მათი დადგმა პოზიციებზე.

განსაკუთრებით „მრისხანე ძალას“¹ წარმოადგენდა იანიჩართა კორპუსი, რომელიც XIV საუკუნის შუა წლებში ჩამოყალიბდა. ეს იყო რეგულარული, დიდი ჯამაგირით უზრუნველყოფილი, კარგად გაწვრთნილი და „მუსლიმანური ფანატიზმის სულისკვეთებით აღზრდილი“² ქვეითი ჯარი, რომელიც ბევრად უფრო ბრძოლისუნარიანი იყო, ვიდრე ევროპის სახელმწიფოებში არსებული დაქირავებულ უცხოელთაგან შემდგარი ჯარები.

ოსმალთა არტილერია მეზობელი ქვეყნების არტილერიაზე ბევრად უფრო ძლიერი იყო თავისი სიმრავლითა და მობილურობით. ოსმალთა არტილერიის სიძლიერე განსაკუთრებით გამოჩნდა კონსტანტინოპოლის უკანასკნელი აღყისა და საბოლოოდ დაპყრობის დროს (1453 წ.).

დაქირავებული ჯარის ყველა სახეობის დასაკომპლექტებლად არსებობდა სპეციალური დაწესებულება — ჯემი ოლღანი („უცხოელი ბიჭები“)³. აქ ქრისტიანებისაგან მოტაცებული ბავშვები მოყავდნენ, სამხედრო საქმეს ასწავლდნენ, დაპყრობითი ომებისათვის წვრთნიდნენ და დავაჯვრებულთ დაქირავებული ჯარის სხვადასხვა სახეობებში ანაწილებდნენ.

იანიჩართა კორპუსის შევსება ხდებოდა „დევირმეს“ საშუალებით. დევირმე ითვალისწინებდა ქრისტიანი მოსახლეობიდან ბავშვების სავალდებულო გამოყვანის წესს იანიჩართა ყაზარმებში აღსაზრდელად. სავანგებოდ გაწვრთნილ-დაგეშილი იანიჩარების მეოხებით ოსმალებმა მრავალი ქვეყანა დაიპყრეს.

მძარცველურ ომებში თავისი წვლილი შეიტანა ოსმალთა ძლიერმა სამხედრო-საზღვაო ფლოტმაც.

ოსმალეთმა თავისი ძლიერების ზენიტს სულთან სულეიმან I კანუნის (1520—1566) დროს მიაღწია. ამ სახელმწიფოს ტერიტორია ევროპის, აზიისა და აფრიკის მატერიკებზე იყო გადაჭიმული. მაგრამ სულთან სულეიმან კანუნის გარეგნულად ბრწყინვალე ხანა ფაქტიურად ოსმალეთის ძლიერების დასასრულის დასაწყისს წარმოადგენდა. „XVI საუკუნე იყო გარდატეხის ეპოქა, რომელმაც მოამზადა ოსმალთა იმპერიის დაცემა XVII საუკუნეში“⁴.

სულთან სულეიმან კანუნის დროს ჩაისახა ის მიზეზები, რომლებმაც შეიძლება ოსმალთა სამხედრო-ფეოდალური სახელმწიფოს ძლიერების დაცემა გამოიწვიეს. საინტერესოა და საყურადღებო, რომ ეს შენიშნული აქვს ჯერ კიდევ XVII საუკუნის პირველი ნახევრის მწერალს და სახელმწიფო მოღვაწეს

¹ Архив К. Маркса и Ф. Энгельса, т. VI, 177.

² იქვე.

³ პარალელურად იხმარებოდა ტერმინი — ჯემი ოღანი (უცხოელთა ოჯახი, გაერთიანება, კორპორაცია).

⁴ В. А. Гордлевский. Внутреннее состояние Турции во второй половине XVI века, Труды МИВ, сб. 2, М., 1940, зв. 87.

კოჩი ბეი გორიჯელის, რომელიც თავის „რისალე“-ში (ტრაქტატში) სულეიმან კანუნის სახელმწიფოს ძლიერების აღწერისას წერს: „მაგრამ სახელმწიფოს მომლის გამომწვევი გარემოებანიც მის (სულთან სულეიმან კანუნის—გ. ფ.) დროს წარმოიშვა და, რადგანაც სახელმწიფო საეხებით ძლიერი იყო, ამის ნიშნებს იმ დროს ვერ ამჩნევდნენ; მიოლოდ რამდენიმე წელია, რაც ეს გამოჩნდა“¹.

ოსმალეთის ძლიერების დაცემის პირველი გარეგანი გამოხატულება იყო ესპანელთა და ვენეციელთა მიერ ლეპანტოსთან გამართულ საზღვაო ბრძოლაში (1571) ოსმალთა მრავალრიცხოვანი ფლოტის განადგურება. ოსმალთა ფლოტის ამ კატასტროფამ, რომელიც ევროპელთა თვალწინ მოხდა, უდიდესი შთაბეჭდილება მოახდინა ევროპის ქვეყნებზე; ამან გაფანტა მითი ზღვაზე ოსმალთა უძლიველობის შესახებ. ოსმალეთმა არანაკლებ მძიმე დამარცხება განიცადა ხმელეთზეც, უფრო ადრე—1569 წელს, როდესაც ოსმალთა აგრესიის წინააღმდეგ არუსეთა და ასტრახანის ლაშქრობა ოსმალთა სასტიკი წარცხით დამთავრდა².

კიდევ უფრო ცხადი გახდა ოსმალთა სახელმწიფოს შინაგანი კრიზისი და საშინებრო შესაძლებლობათა შესუსტება ირან-ოსმალეთის მეორე ომის (1578—1590) მსვლელობაში. ნიუხედავად იმისა, რომ ეს ომი ოსმალთა უპირატესობით მიმდინარეობდა და 1590 წელს ირანთან სამშვიდობო ხელშეკრულება ოსმალეთისათვის ხელსაყრელ პირობებში დაიდო, მისი მსვლელობა და საბოლოო შედეგები სრულიადაც არ მოწმობდა სულთნის ოსმალეთის ოდინდელ ძლიერებას.

ოსმალთა სამხედრო ძლიერება უცხად არ დაცემულა. ეს აგრესიული და ყოველმხრივ ჩამორჩენილი სახელმწიფო კიდევ დიდხანს უქმნიდა საფრთხეს აღმოსავლეთის თუ დასავლეთის ქვეყნებს. ოსმალთა საუკუნეებრივ ბატონობას არ შეიძლებოდა არ გაეპირობებინა სამიწათმოქმედო ხალხთა ეკონომიური დაქვეითება, მეურნეობის დაცემა და პოლიტიკური ცხოვრების დაქინება.

ოსმალებს დაპყრობილ ქვეყნებში არ მოუტანიათ არც მოწინავე საწარმოო ურთიერთობანი, არც მოწინავე ტექნიკა და კულტურა. ოსმალთა სახელმწიფო თავიდანვე ჩამოყალიბდა, როგორც ნამდვილად სამხედრო სახელმწიფო³. რადგანაც სახელმწიფო დაპყრობითი ომებით ცხოვრობდა, ოსმალები მთელ თავის ყურადღებას ძლიერად არმიის შექმნას აქცევდნენ. მათ სასტიკი სამხედრო დისციპლინა დაამყარეს მთელ სახელმწიფოში⁴, დაპყრობითი ომებისათვის იყო ორგანიზებული მთელი სახელმწიფო აპარატი.

ოსმალთა ფეოდალურმა სახელმწიფომ მრავალი რამ ისესხა დაპყრობილი ხალხებისაგან, მაგრამ ამასთანავე მათ თავს მოახვია თავისი სპეციფიკური

¹ „...yine ihlali âleme hats olan ahval dahi anlarin zamanında zühür edüp, Devlet kemâli kuvvetle olmağla eseri ol zamanda duyulamayan, bir kaç senedir ki zahir oldu.“ (K o ç ü B o y R i s a l e s i. İstanbul, 1939, გვ. 61).

² ასტრახანის ლაშქრობის შესახებ იხ. П. А. Садинов. Поход татар на турок на Астрахань в 1569 г., Исторические записки, т. 22, АИ СССР, М., 1947; აგრეთვე, Н. А. Смирнов. Россия и Турция в XVI—XVII вв., М., 1946, ტ. I, თავი IV.

³ А р х и в К. Маркса и Ф. Энгельса, ტ. VII, გვ. 187.

⁴ იქვე, გვ. 170.

თვისებები, რის შედეგადაც დაპყრობილი ხალხები ისეთ პირობებში მოექცნენ, რომ დიდად შეიზღუდა განვითარებისათვის საჭირო პირობები¹.

მთელი ამ ხნის განმავლობაში დაპყრობილი ხალხები განუწყვეტელ ბრძოლას აწარმოებდნენ ოსმალთა დამპყრობლების წინააღმდეგ თავისი ეროვნული თავისუფლების, მშობლიური ენისა და კულტურის შენარჩუნებისათვის.

დაპყრობილი ხალხები დაუცხრომლად იბრძოდნენ ოსმალთა ბატონობის წინააღმდეგ. ალბანელი ხალხის გმირი სკანდერბეგი, უნგრელი იანოზ ჰუნიადი და რუმინელი გლეხი დიერდ კარაჩონი თავზარს სცემდნენ ოსმალებს. ოსმალთა ბატონობის წინააღმდეგ შეუპოვარი ბრძოლით დაიმკვიდრეს ვაჟაკობის სახელი ქართველ ხალხში სამცხის ათაბაგმა მანუჩარმა, სიმონ პირველმა და ქართველმა გლეხმა თევდორემ.

ოსმალთა სახელმწიფოს ბუნების დამახასიათებელი იყო ის, რომ მას უომრად არსებობა არ შეეძლო. ომი და ომთან დაკავშირებული ძარცვა-გლეჯა გაბატონებული ფეოდალური კლასის „მეურნეობის“ ერთგვარ დარგს. და მისი შემოსავლის მთავარ წყაროს წარმოადგენდა. ოსმალეთს არაფრის შექმნა არ შეეძლო. ეს ყაჩაღური სახელმწიფო მხოლოდ დაპყრობილი ქვეყნების გამოფიტვით, განადგურებით და დახარკულ ხალხებში აკრეფილი გადასახადებით ცხოვრობდა. შუა საუკუნეების ძირითადი მწარმოებელი კლასის—გლეხობის ყველაზე ველურ ექსპლოატაციას სწორედ ოსმალეთში ვხვდავთ.

ყაჩაღური დაპყრობითი ომების წარმოების და მოსახლეობის ძარცვა-გლეჯის შესაბამისად იყო მოწყობილი ოსმალთა პოლიტიკური და სამხედრო ინსტიტუტები, მათი სახელმწიფო წყობილება და სამხედრო ორგანიზაცია. ოსმალეთისათვის დამახასიათებელი სამხედრო ორგანიზაცია საუკუნეთა მანძილზე ემსახურებოდა განუწყვეტელი დაპყრობითი ომების წარმოებას.

§ 3. ოსმალური ფეოდალური მიწისმფლობელობა

ოსმალეთის სოციალურ-ეკონომიური წყობის, მისი ფეოდალური წყობილების თავისებურებებს ოსმალური მიწისმფლობელობა აპირობებდა.

ოსმალეთში 4 ძირითადი კატეგორიის მიწები იყო:

1) სახელმწიფო მიწები—არზი მემლექეთ (arzi memleket); 2) სასულთნო მიწები ანუ სულთნის ხასი (havassı Hümayun); 3) საეკლესიო მიწები ანუ ვაკფი (vakf); 4) კერძო მიწები—მულქი (mülk). ამათ გარდა არსებობდა სათემო მფლობელობის მიწები და ე. წ. მკვდარი მიწები (arzi mevat), მაგრამ მათი მოხვედრა მიწისმფლობელობის დასახელებულ კატეგორიებში გარკვეულ პირობებზე იყო დამოკიდებული (ფეოდალების მიერ სათემო მიწების დატაცება ან ყამირის გატეხვის და გამოუყენებელი მიწის დამუშავების საშუალებით მიწის „მულქად“ გადაქცევა და სხვ.).

სახელმწიფო მიწები—arzi memleket. ოსმალური მიწისმფლობელობის სისტემაში ეს იყო მთავარი და წამყვანი კატეგორია, რომელიც სამ-

¹ М. В. Левченко. Завоевание турками Константинополя в 1453 г. и исторические последствия этого события, Византийский временник, VII, 1953, гл. 7.

ხედრო-ფეოდალური სისტემის არსს განსაზღვრავდა და „ძირითად მატერიალურ ბაზას წარმოადგენდა სამხედრო-ფეოდალური იერარქიის შესანახად“¹.

ამ მიწების ნაწილი სახელმწიფო ხაზინის განკარგულებაში იყო და მათ არზი მირი (arzi miri) ეწოდებოდა. ამ მიწებზე მსხდომი გლეხები ხაზინას უხდიდნენ გადასახადებს. გლეხების მიერ დამუშავებული მიწები მემკვიდრეობით გადადიოდა ვაჟიშვილებზე და თუ ასეთები არ იყვნენ, — ქალიშვილებზე ან გარდაცვლილის ძმებზე. ასევე კანონით იყო დადგენილი, რომ თუ გლეხი სამი წლის განმავლობაში დაუმუშავებლად დატოვებდა მიწას, მას მიწა ჩამოერთმეოდა და სხვას გადაეცემოდა, რადგანაც ეს მიწები „რიაის საკუთრება არ არის“-ო წერს ავნი ომერ ეფენდი თავის „კანუნ-ნამე“-ში².

სახელმწიფო მიწების ყველაზე დიდი ნაწილი სამხედრო საკარგავების ფონდს წარმოადგენდა. მიწების ერთი ნაწილი, ე. წ. ხასები სამხედრო-ადმინისტრაციული სამსახურის სამაგიეროდ სახელმწიფო მოხელეებს ეძლეოდათ. ვეზირებს ეძლეოდათ havassı vezir || hassı vüzerä; დიდვეზირებს — havassı vüzerâi izam; ბეგლარბეგებს — havassı miri mirân; სანჯაყების ბეგებს — havassı umera³.

ხასების გარდა სახელმწიფო მიწებიდან სამსახურის სანაზღაუროდ აძლევდნენ ე. წ. არფალიკებს (arpalık). არფალიკი ჯამაგირად ეძლეოდათ დეფთერდარებს, დივანის სხვადასხვა მოხელეებს, საზღვრისპირა რაიონების ბეგებს⁴, კაფუჯი ბაშიებს⁵. არფალიკის წლიური შემოსავალი 19999 ახჩას არ უნდა გადაცილებოდა⁶, ე. ი. თიმარის შემოსავლის ტოლი უნდა ყოფილიყო.

სახელმწიფო მიწებში შედიოდა სამხედრო საკარგავები — ე. წ. თიმარები და ზეამეთები, რომლებიც ფეოდალებს სამხედრო სამსახურისათვის ეძლეოდათ.

თიმარი იყო ისეთი სამხედრო ლენი, რომლის წლიური შემოსავალი 20 ათას ახჩას⁷ არ აღემატებოდა. მას კილიჩ⁸ თიმარისაც უწოდებდნენ. „კილიჩ თიმარი ეწოდება სამი ათას ახჩიანს [მიწის შემოსავალს] და აგრეთვე კილიჩ თიმარი ეწოდება იმას, რომელიც 19999 ახჩას აღწევს. შემოსავალი ერთი ახჩათი მეტი თუ არის და ოცი ათასია, ზეამეთი ეწოდება“⁹. თიმარის მფლო-

¹ А. С. Твертjikова. Восстание Кара Языджи — Дели Хасана в Турции М.—Л., 1946, гл. 27.

² „Belleten“, с. XV, s. 59, Ankara, 1951, гл. 385.

³ კოჩი ბეი გზრთიჯული თითო ხასის წლიური შემოსავლის ოდენობას ასე განსაზღვრავს: „ასი ათას (ახჩას) თუ აღწევს, მას ხასი ეწოდება“ (Koçi Bey Risalesi, İstanbul, 1939, გვ. 112).

⁴ ავნი ომერ ეფენდის „კანუნ-ნამე“, „Belleten“, с. XV, s. 59, Ankara, 1951, гл. 388.

⁵ Koçi Bey Risalesi, İstanbul, 1939, гл. 23, 59.

⁶ იქვე, გვ. 23.

⁷ ახჩა — ვერცხლის წვრილი ფული.

⁸ kılıç — ხმალი, ე. ი. თიმარი, რომლიდანაც ერთი მხედარი ფეოდალი გამოდის.

⁹ „Ve „kılıç timarı“ üç bin akça onala (sic) derler. Ta on dokuz bin dokuz yüz doksan dokuza varınca „kılıç timarı“ denür. Bir akça ziyade olup yirini bin olsa „zeamet“ olur“. (Koçi Bey Risalesi, гл. 112).

ბელ ფეოდალებს ეწოდებოდათ „თი მარლი სიფაჰილერ“—*timarlı sipahiler*—, ზოგჯერ—„ერბაბი თიმარ“—*erbâbı timar*.

ზეამეთი ეწოდებოდა ისეთ სამხედრო ლენს, რომლის წლიური შემოსავალი 20 ათასიდან 100 ათას ახჩამდე აღწევდა; მათ კილიჩ ზეამეთსაც უწოდებდნენ¹. ზეამეთის მფლობელ ფეოდალებს ზაიმ (*zaim*) ეწოდებოდათ. ხშირად თიმარებისა და ზეამეთების მფლობელების საერთო სახელად „სიფაჰიები“² იყო გამოყენებული.

კოჩი ბეი გორიჯელის ცნობით 1596 წლამდე თიმარები და ზეამეთები მხოლოდ იმათ ეძლეოდათ, ვინც სალაშქროდ გამოდიოდა. შემდეგ კი თიმარებსა და ზეამეთებს სასახლის მოხელეებს—მუთეფერრიკაებსა და ჩაუშებსაც აძლევდნენ. ამათ „გედიკლი“ (*gedikli*—მუდმივი) ეწოდებოდათ³. თიმარებსა და ზეამეთებს საერთო სახელად დირლიქ-საც (*dirlik*) უწოდებდნენ, რაც საერთოდ ყოველგვარ ჯამაგირსაც ეწოდებოდა. კოჩი ბეი გორიჯელი ასე განმარტავს ამ ტერმინს: „ვიწმეხ იანიჩარობას რომ აძლევ, სამი ახჩა ჯამაგირი დაუნიშნე (დღიურად). ხალხი იმ კაცზე ანობს—„ხონტქრის ჯარისკაცი ვახდა, დირლიქის მფლობელი ვახდაო“—სიფაჰის, მუთეფერრიკას, ჩაუშის თანამდებობაზე, ზეამეთსა და თიმარზე—ყველაზე დირლიქს იტყვიან. ერთი ახჩა თუ ათასი ახჩა ჯამაგირის მქონეთ დირლიქის მფლობელებს უწოდებენ“⁴.

თიმარებისა და ზეამეთების მფლობელები შეადგენდნენ ოსმალთა სახელმწიფოს ფეოდალურ ლაშქარს—სიფაჰიებს. ამ ფეოდალებს თიმარები და ზეამეთები იმ პირობით ეძლეოდათ, რომ მათი შემოსავლის ხარჯზე განსაზღვრული რაოდენობის მხედრები—ჯებელიები (*cebeli*⁵) გამოეყვანათ სალაშქროდ. თიმარის მფლობელს შემოსავლის ყოველ 3 ათას ახჩაზე ერთი შეიარაღებული მხედარი გამოყავდა და ზეამეთის მფლობელს ყოველ 5 ათას ახჩაზე—ერთი მხედარი⁶. თიმარებისა და ზეამეთების მფლობელი სიფაჰიები ვალდებული იყვნენ იქვე ეცხოვრათ, სადაც მათი თიმარები და ზეამეთები იყო; სხვაგან ცხოვრება მათ აკრძალული ჰქონდათ. ამ წესს კოჩი ბეი გორიჯელი იმით ხსნის, რომ თუ ოსმალეთის ტერიტორიაზე სადმე მტერი გამოჩნდებოდა, ან ფეოდალურ ლაშქარს მეზობელ ქვეყანაზე თავდასასხმელად გაიწვევდნენ, ფეოდალურ ლაშქარს სამ დღეში მოესწრო მომზადება⁷. როდესაც ფეოდალური ლაშქარი ომში იყო წასული, ყოველ ათ სიფაჰიდან ერთი თავისი რაზმით ადგილზე რჩებოდა ომში წასულთა მიწებზე წესრიგის დასაცავად და მათი საქმეების მოსავლელად⁸.

¹ *Koçi Bey Risalesi*, გვ. 112.

² სიფაჰი—მხედარი.

³ იქვე, გვ. 90.

⁴ „... bir âdeme yonicerilik verisen üç akça ulufe ederstin. Halk ol âdemo „Hükûkâr kavu oldu. dirlik sahibi oldu“ derler. Eđer sebahilik ve eđer müteferrikalık ve eđer çavuşluk ve eđer zomet ve timar cümlesine „Dirlik“ derler. Bir akça ulufesi ve bir akçası olana „dirlik sahibi“ derler“. (იქვე, გვ. 84).

⁵ ჯავშნანი.

⁶ *Koçi Bey Risalesi*, გვ. 99.

⁷ იქვე, გვ. 25.

⁸ *İ. H. Uzunçarşılı*, დასახ. ნაშრ., გვ. 261.

თიმარებისა და ზეამეთების გაცემა სულთან სულეიმან კანუნიმდე შემდეგი წესით ხდებოდა: თიმარის პრეტენდენტს ორი ზაინი და ათი თიმარიოტი დაუმოწმებდა, რომ იგი შთამომავლობით სიფაჰია და ღირსია ფეოდალურ ლაშქარში იმსახუროს. ამის საფუძველზე ვილაიეთის ბეგლარბეგი სიფაჰის სპეციალურ დავთარში შეიტანდა. ამის შემდეგ კი სულთნის ჰთავრობა წყალობის სიგელს—თეზქერეს გაცემდა¹.

თიმარებზე და ზეამეთებზე მიწერილ გლეხებს სიფაჰიები „თაფუს“ (tapu)² უფლებით აძლევდნენ მიწებს. „თაფუ“ წარმოადგენდა სიფაჰიზე გლეხის ფეოდალური დამოკიდებულების ფორმას³. თაფუს მიხედვით გლეხი ვალდებული იყო მისი მიწის ნაკვეთი დაემუშაებინა და თავისი ფეოდალისათვის განსაზღვრული რაოდენობის გადასახადები მიეცა. თავის მარცხ ფეოდალი, როდესაც „თაფუს“ გაცემდა (ასევე ეწოდებოდა მოწმობას, რომლის ძალითაც გლეხი მიწის ნაკვეთს ფლობდა), მოვალე იყო თვალყური სჭეროდა, რათა გლეხს არ მიეტოვებინა მიწის ნაკვეთი, არ გაქცეულიყო, დაემუშაებელი არ დაეტოვებინა მიწა და გადასახადებიც დროულად გადაეხადა. „თაფუს“ უფლებით გლეხები მემკვიდრეობით ფლობდნენ მიწის ნაკვეთებს, მაგრამ იმ შემთხვევაში, როდესაც გლეხს მემკვიდრე არ რჩებოდა, ფეოდალი მიწის ნაკვეთს სხვას გადასცემდა.

საქირო შემთხვევაში (ომიანობასა თუ აჯანყების ჩაქრობასთან დაკავშირებით) სანჯაყის ბეგს თავისი სანჯაყის თიმარებისა და ზეამეთების მფლობელი ფეოდალები უნდა შეეკრიბა და ამგვარად შემდგარ ფეოდალურ ლაშქარს სათავეში ჩასდგომოდა. სანჯაყში შეგროვილი ლაშქარი ბოლუქებად (ასეულებად) იყოფოდა. ბოლუქს მეთაურობდა ე. წ. სუბაში; ყოველი ათი ბოლუქის მეთაური იყო ალაი-ბეგი⁴. სანჯაყების ლაშქარი თავს იყრიდა ვილაიეთის ბეგლარბეგის სარდლობის ქვეშ. იმ შემთხვევაში, თუ სიფაჰი ლაშქრობაში მონაწილეობას არ მიიღებდა, მას თიმარი ჩამოერთმეოდა. როდესაც ლაშქრობაში გამოუცხადებლობამ ფართო ხასიათი მიიღო, სიფაჰიებს სიკვდილითაც კი სჯიდნენ, როგორც ამას ადგილი ჰქონდა ავსტრიასთან ომში 1596 წელს. სამაგიეროდ, ბრძოლაში თავის გამოჩენისათვის სიფაჰიებს კარგად ასაჩუქრებდნენ; მტრის ერთი მოჭრილი თავისა და ერთი ტყვის⁵ (dil) მოყვანისათვის სიფაჰის თიმარის შემოსავლის ყოველ ათ ანჩაზე ერთი ანჩა ემატებოდა. 10—15 მოჭრილი თავისა და ტყვის მოყვანისათვის თიმარის მფლობელს ზეამეთს აძლევდნენ⁶.

ომის დროს სიფაჰიები მხოლოდ ბრძოლებში იღებდნენ მონაწილეობას. ომთან დაკავშირებული სხვა სამუშაოების შესრულება, როგორც არის: სანგრების თხრა, ზარბაზნების მოვლა და სხვა, მათ ვალდებულებად არ ითვლებოდა⁷.

¹ Koçi Bey Risalesi, გვ. 25.

² tapu—მორჩილება, დაქვემდებარება.

³ А. С. Тверитинова. დასახ. ნაშრ., გვ. 31.

⁴ İ. H. Uzunçarşılı, დასახ. ნაშრ., გვ. 261.

⁵ dil—ენა; სამხედრო ტერმინოლოგიით ნიშნავდა ტყვეს, რომლის დაკითხვაც შეიძლებოდა და ხელტაღ შეესაბამება რუსული „разыск“-ის ამავე მნიშვნელობას.

⁶ Koçi Bey Risalesi, გვ. 25.

⁷ იქვე, გვ. 26.

თიმარები და ზეამეთები მეჯოგე ტომების—იურუქებისა და აკინჯების ბელადებსაც ეძლეოდათ¹. ომის დროს ამათგან 5—6 ათასი მეომარი მორიგეობით გამოდიოდა სალაშქროდ. დანარჩენები ამ მორიგე ლაშქარს ამარაგებდნენ საომარი საქურველითა და სურსათით².

სამხედრო საკარგავების ხარჯზე შენდებოდა ოსმალეთის სამხედრო-სახლგო ფლოტის დიდი ნაწილიც. კ ა ფ უ დ ა ნ-ფ ა შ ა ს (ოსმალეთის სამხედრო-სახლგო ფლოტის მეთაური) ემორჩილებოდა 40—50 ბეგი, რომელთა სამფლობელოებში 3000 თიმარი და ზეამეთი იყო. ბეგებს თავიანთი შემოსავლის ხარჯზე ხომალდები უნდა აეშენებინათ და საზღვაო ბრძოლებში გამოეყვანათ კაფუდანი-ფაშას საერთო სარდლობით. თიმარების მფლობელები თავისი ჯარისკაცებიანად ამ ხომალდების ეკიპაჟებში მსახურობდნენ. თუ თიმარიოტი, ან ზაიმი საზღვაო ბრძოლაში არ გამოვიდოდა, მას თავისი თიმარის (ან ზეამეთის) წლიური შემოსავლის ტოლი ფული უნდა გადაეხადა³.

სახელმწიფო მიწების გაყიდვა, გაბომბვა, ვაკუფად შეწირვა აკრძალული იყო.

ს ა ს უ ლ თ ნ ო მ ი წ ე ბ ი —havassı Hilmayun—სულთნის ხასი ოსმალთა სულთნის პირად განკარგულებაში იყო. ამ მიწების მფლობელი სულთანი სახელმწიფოში უდიდესი ფეოდალი იყო. სულთანს შეეძლო თავისი ხასის გაბომბვა, მუსლიმანური ეკლესიისათვის შეწირვა, მზითვად გაცემა. ამით განსხვავდებოდა სულთნის ხასი სახელმწიფო მიწებისაგან და ამიტომ არაა გამართლებული ზოგიერთი ავტორის მიერ სულთნის ხასის სახელმწიფო მიწების კატეგორიაში შეტანა.

ს ა ე კ ლ ე ს ი ო მ ი წ ე ბ ი — ვ ა კ ფ ი. ვაკფი წარმოადგენდა მუსლიმანური ეკლესიის და სასულიერო ფეოდალების შემოსავლის წყაროს. მუსლიმანური ეკლესიის მიწების ფონდი ძირითადად შედგებოდა სულთნების და ფეოდალების მიერ შეწირული მიწებიდან; მეჩეთის აშენება, სასულიერო სკოლის გახსნა ვაკუფის შეწირვასთან იყო დაკავშირებული.

სახელმწიფო ვაკფისაგან გადასახადს არ იღებდა⁴. ფორმალურად ვაკფის მთელი შემოსავალი მუსლიმანური ეკლესიის სხვადასხვა რელიგიურ ორგანიზაციებსა და საქველმოქმედო დაწესებულებებს ხმარდებოდა. სინამდვილეში ვაკუფი სასულიერო ფეოდალის გამდიდრების საშუალება იყო.

რადგანაც ვაკფზე არც გადასახადები იყო შეწერილი და არც მათი კონფისკაცია შეიძლებოდა, ხშირი იყო მიწების ფიქტიურად შეწირვა ვაკუფად. ასეთ შემთხვევაში მუსლიმანური ეკლესიაც სარგებლობდა და ვაკუფის შემწირველიც. სულთნის დაახლოებული პირები ახერხებდნენ სახელმწიფო მიწების ხელში ჩაგდებას, სწირავდნენ ვაკუფებად და ამის შემდეგაც განაგრძობდნენ შეწირული მიწებით სარგებლობას⁵. ასეთი მიწები რელიგიური

¹ აენი ომერ ეფენდის „კანუნ-ნამე“, „Belleten“, c. XV, s. 59, Ankara, 1951, გვ. 391.

² Koçi Bey Risalesi, გვ. 26.

³ ი ქ ვ მ, გვ. 110.

⁴ ი ქ ვ მ, გვ. 122.

⁵ ი ქ ვ მ, გვ. 55.

დაწესებულებების სრულ მფლობელობაში გადადიოდა იმ შემთხვევაში, თუ ვაკუუმის შემწირველს სიკვდილის შემდეგ მემკვიდრე არ ჩაებოდა. „რამდენი მაპლულიც¹ იქნება, ყველაფერს ვაკუჟად იღებენ“².

მუსლიმანური ეკლესიის ხელში თავს იყრიდა აუარებელი მიწები. სახელმწიფო მიწების ხარჯზე მუსლიმანური ეკლესია თანდათან ქვეყნის უდიდეს ფეოდალურ ორგანიზაციად იქცა. სასულიერო ფეოდალები არანაკლებ სიძნელეებს უქმნიდნენ სულთნის ხელისუფლებას, ვიდრე საერო ფეოდალები. ისინი ერთნაირად იყვნენ დაინტერესებული არა მარტო გლეხების და ხელოსნების ექსპლოატაციით, არამედ ხშირად გაერთიანებული ძალით გამოდიოდნენ ცენტრალური ხელისუფლების წინააღმდეგ.

კერძო მიწები—მულქი (mülk). ამ კატეგორიაში შედიოდა ის მიწები, რომლებსაც უბოძებდა ხოლმე სულთანი ცალკეულ პირებს და, აგრეთვე, ისეთი უპატრონო და გამოუყენებელ-დაუშუშავებელი მიწები, რომელთაც დაამუშავებდა და სახნავ-სათესად ვარგისად გახდიდა ვინმე. კოჩი ბეი გარრიჯელი წერს, რომ დაპყრობითი ომების დროს ბეგები და ბეგლარბეგები სახელმწიფოს ახალ-ახალ ტერიტორიებს მატებდნენ და თავდადებული სამსახურისათვის სულთნები დაპყრობილი ქვეყნებიდან სოფლებსა და სახნავ-სათეს მიწებს მათ სრულ საკუთრებად უბოძებდნენ ხოლმე³. ასევე ავნი ომერ ეფენდის „კანუნ-ნამე“-ში აღნიშნულია, რომ მულქები ეძლეოდათ ბეგებს, ხელისუფალ-მოხელეებს სახელმწიფოს წინაშე დამსახურებისათვის. რაც შესაფერი მოწმობებით—მულქნამეებით ფორმდებოდა⁴. მულქი მემკვიდრეობით გადადიოდა; შეიძლებოდა მისი ყიდვა-გაყიდვა, გასხვისება და ვაკუჟად შეწირვა. კანონის მიხედვით არ შეიძლებოდა ნულქის ჩამორთმევა, ან მემკვიდრეობის უფლებაზე ხელის აღებინება⁵.

მიწისმფლობელობის წესებთან მჭიდროდ იყო დაკავშირებული ოსმალური გადასახადები და საგადასახადო სისტემა.

§ 4. გადასახადები და საგადასახადო სისტემა

ოსმალეთში ოთხი ძირითადი გადასახადი არსებობდა; ამ გადასახადებს ეწოდებოდა „კანონიერი გადასახადები“ (rusuui şer'iye).

1. უშრი (öşür)—მუსლიმანური მოსახლეობის გადასახადი, რომელიც მოსავლის მეათედს ითვალისწინებდა, მაგრამ ხშირად მის ნახევარს შეადგენდა ხოლმე. უშრი სხვადასხვა სახეობისა იყო, მაგ., მოსავლის მეათედ ნაწილს. რომელსაც თიმარის ან ზემეთის მფლობელი იღებდა—öşürü divâni ეწოდებოდა და კერძო მიწებზე აღებულ უშრს კი—öşürü mâlikâne⁶.

¹ მაპლული—ვინმეს სიკვდილის შემდეგ დარჩენილი ქონება, ბეითაჰჯანი.

² „Nekadar mahlul olursa cümlesin vakfa alırlar“. (Koçi Bıy Risalesi. გვ. 123).

³ იქვე, გვ. 55.

⁴ ავნი ოპერ ეფენდის „კანუნ-ნამე“, „Bilâten“, c. XV, s. 59, Ankara, 1951, გვ. 396.

⁵ იქვე.

⁶ იქვე, გვ. 387.

2. ხარაჯა (haraç)—გადასახადი არამუსლიმან მოსახლეობაზე. ხარაჯა ორი სახისა იყო: ხარაჯი მუვაზზე (haraçı muvazza) — მიწის ნაკვეთზე აღებული გადასახადი და ხარაჯი მუქასემე (haraçı mukaseme) — გადასახადი ამ მიწის ნაკვეთის მოსაველზე. ხარაჯი მუვაზზე ჩიფთ აქჩესი (çift akçesi) ან რესმი ჩიფთ (resmi çift) ეწოდებოდა. გლეხის მიერ დამუშავებულ ნაკვეთს ჩიფთლიქი (çiftlik) ეწოდებოდა. მიწის მოსავლიანობის მიხედვით ჩიფთლიქი სხვადასხვა ფართობისა იყო: საუკეთესო მიწა 70—80 დონუმისაგან¹ შედგებოდა, საშუალო მოსავლიანობის მიწა—100 დონუმისაგან და დაბალმოსავლიანი მიწა 130—150 დონუმისაგან². ამიტომ რესმი დონუმ (resmi dönüm), ე. ი. გადასახადი მიწის ნაკვეთზე, რომელიც ხარაჯი მუვაზზე გამოხატავდა, მიწის ხარისხის მიხედვით ეხდევინებოდა გლეხს: საუკეთესო ხარისხის მიწიდან ორ დონუმზე 1 ახჩა, საშუალო ხარისხის მიწაზე სამ დონუმზე 1 ახჩა და დაბალი ხარისხის მიწაზე ხუთ დონუმზე 1 ახჩა³.

ხარაჯი მუქასემე, ისევე, როგორც უმრი მუსლიმანთათვის, მიწის ნაკვეთზე მიღებული მოსავლის „მეათედის“ გადასახადი იყო და გლეხები იხდიდნენ მარცვლეულის, ბამბის, ვენახების, ბაღების, ბოსტნებისა და სხვა მოსავალზე.

3. ჯიზია (cizye) არამუსლიმან მოსახლეობაზე დაწესებული სულადი გადასახადი. კოჩი ბეი გორიჯელი თავის პირველ „რისალეში“ წერს, რომ 1582 წლამდე გლეხები სულზე 40—50 ახჩას იხდიდნენ და ახლა (ე. ი. 1630 წ.) 240 ახჩას ახდევინებენო⁴. როგორც ვხედავთ, ნახევარ საუკუნეში 6-ჯერ გაიზარდა გადასახადი. მეორე „რისალეში“ იგი ტერმინს ჯიზია—ალარ ხმარობს და მის მაგივრად ხარაჯა აქვს მოხსენებული სულზე გადასახადად: „ურწმუნოთაგან თითო სულზე 285 ახჩა აიღება და ამას ხარაჯა (ხაზი ჩვენია—გ. ფ.) ეწოდება. როგორც ხარაჯას ამკრეფი ხარაჯჯიები, ისე ავარიზის ამკრეფი ავარიზჯიები გააფრთხილენ, რომ დავთრებში დაკანონებულზე მეტი არ აიღონ“⁵.

5. ზექათი (zekât) — გადასახადი მუსლიმან მოსახლეობაზე. ზექათს იხდიდნენ ქონების წლიური შემოსავლიდან 1/40 ნაწილის ანგარიშით. ზექათში შემავალი გადასახადებიდან კოჩი ბეი გორიჯელის აღნიშნული აქვს ცხვარზე გადასახადი „რესმი განემ“ (resmi ganem). იგი წერს: „990 (1582) წლამდე ღარიბი რაიასაგან... ორ ცხვარზე ერთი ახჩა რესმი განემი აიღებოდა“⁶.

¹ „დონუმი სიკრძითა და სიგანით 40 ნაბიჯი მიწა“ („გურჯისტანის ვილაიეთის დიდი დავთარი“, II, თბილისი, 1941, გვ. 2).

² Kanun-نامه-и Али Осман (А. М. Валу́йский. Феодальный строй Турции в XV—XVI вв., М., 1939; შრომას დართული აქვს „კანუნ-ნამეს“ რუსული თარგმანი. გვ. 99)

³ იქვე, გვ. 99. ასევე „გურჯისტანის ვილაიეთის დიდი დავთარში“ (გვ. 2), მხოლოდ იქ არ არის მოხსენებული გადასახადი დაბალი ხარისხის მიწაზე.

⁴ Koçi Bey Risalesi, İstanbul, 1939, გვ. 47.

⁵ „Ve Haraç deyü kâfirden bir âdem başına iki yüz seksen beş akça alınur, ana derler. Gerek haraç alan haraççılara, gerek avarız alan avarızçılara kanun defterinden ziyade almasunlar deyü tenbih ola.“ (იქვე, გვ. 112).

⁶ „990 tarihine gelince reaya fikirasından... iki koyundan bir akça resmi ganem alınıp...“ (იქვე, გვ. 47).

ასევე განსაზღვრული ეს გადასახადი „გურჯისტანის ვილაიეთის დიდი დავთარში“¹. 1630 წლისათვის ცხვარზე გადასახადი გაიზარდა და უკვე თითო ცხვარზე 1 ახჩა იყო წლიურად გადასახადი².

ამ გადასახადების გარდა შემუშავდა გადასახადების მთელი სერია, რომელიც დამყარებული იყო ჩვეულებებზე, ტრადიციებზე და სახელად თექალიფი ურფიე მიიღო. მეტწილად ეს იყო ნატურალური გადასახადები, რომელთაც გლეხები ფეოდალს უხდიდნენ, ომების დროს ჯარს ამარაგებდნენ სურსათითა და ფურაჩით; „მთელი მათი თავისებურება იმაში მდგომარეობდა, რომ ზოგჯერ მათ დამოუკიდებლად და უკონტროლოდ შემოიღებდნენ ბოლნე პროვინციების განმგებლები და სხვა სახელმწიფო მოხელეები ადგილობრივი საჰიროებისათვის“³. ასეთ გადასახადთა რიცხვს ეკუთვნოდა ავარიზი (avariz). თუმცა ავარიზი განსაკუთრებულ გადასახადად ითვლებოდა, რომელიც 4—5 წელიწადში ერთხელ უნდა გადაეხადათ გლეხებს, მაგრამ დაპყრობითი ომების წარმოებით და დაქირავებული ჯარის ზრდით განოწვეულმა ხარჯებმა ავარიზი ყოველწლიურ გადასახადად აქციეს⁴.

კოჩი ბეი გორიჯელის მეორე „რისალე“-დანაც ჩანს, რომ ავარიზს კოჩი ბეი ყოველწლიურ გადასახადად თვლის. ერთ ადგილას იგი ამბობს, რომ ავარიზის შემოსავალი სახელმწიფოს წელიწადში 300 იუქ⁵ ახჩას აძლევდაო. ავარიზს კოჩი ბეი ასე განმარტავს: „მუსლიმანები რომ თითო სახლზე სამას ახჩას იხდიან, ამას ავარიზი ეწოდება“⁶. გარდა იმისა, რომ ავარიზი ყოველწლიურ გადასახადად იქცა, მისი ოდენობაც გაიზარდა. სულეიმან კანუნიმ ერთი ლაშქრობისას სულზე 15 ახჩა გადაახდევინა გლეხებს. კოჩი ბეის ცნობით ავარიზი 1582 წელს უკვე 40 ახჩას შეადგენდა⁷ და XVII ს. 30-ან წლებში კი 300 ახჩას⁸. კოჩი ბეის „რისალეებიდან“ ნათლად ჩანს, რომ ავარიზი თანდათანობით ერთ-ერთ მთავარ გადასახადად იქცა. სახელმწიფოში 120 ათასი სახლი (კომლი) იყო, რომელთაც ავარიზი უნდა გადაეხადათ. რადგანაც ამ რიცხვში იყო 20 ათასი გაპარტახებული სახლი, ავარიზი 100 ათასი სახლიდან შემოდიოდა და ყოველწლიურად სამას იუქ ახჩას შეადგენდა⁹. მხოლოდ ეს ცნობაც კი, საიდანაც ჩანს, რომ დავთრებში ჩაწერილი კომლების ერთი მეექვსედი გაპარტახებული იყო, კარგად ახასიათებს ოსმალეთის გლეხობის საშინლად მძიმე მდგომარეობას.

ომიანობის დროს გლეხებს არმია უნდა მოემარაგებინათ საჰირო სურსათითა და ალაფით. ამ ვალდებულებას სურსათი (sürsat) ეწოდებოდა.

¹ „გურჯისტანის ვილაიეთის დიდი დავთარი“, II, თბილისი, 1941, გვ. 2—3.

² Kocı Bey Risalesi, İstanbul, 1939, გვ. 47.

³ A. C. Тверитниова. დასახ. ნაშრ., გვ. 32—33.

⁴ იქვე, გვ. 33.

⁵ yük—„ტვირთი, საპალნე“, შეიცავდა 100.000 ახჩას.

⁶ „Avariz deyil, müslümanlar hane başına üçer yüz akça verirler, ana derler“ (იქვე, გვ. 112).

⁷ იქვე, გვ. 47.

⁸ იქვე, გვ. 112.

⁹ იქვე, გვ. 104.

კოჩი ბეი პირდაპირ ამბობს, რომ „სურსათი“ ლაშქრობის დროს რაიანზეა დაკისრებულიო. გლეხებს ჯარისათვის უნდა ჩაებარებინათ ხორბალი, ქერი. ფქვილი, შება.

ოფიციალურად ისედაც გზრდილ გადასახადებს კიდევ უფრო ზრდიდნენ გადასახადის ამკრეფნი. ოსმალეთში XVII საუკუნის ნახევარში ჯიზიასა და ავიარიზს გლეხები უკვე 700—800 ახჩას რაოდენობით იხდიდნენ. ცხვარზე ერთი ახჩას მაგივრად 7—8 ახჩას ახდევინებდნენ. ანატოლიაში ცხვარზე გადასახადმა 20—30 ახჩასაც კი მიაღწია¹. ყველაფერი ეს გადასახადების ამკრეფთა თვითნებობით ხდებოდა.

კოჩი ბეი გორიჯელის სიტყვით არასოდეს, არც ერთ სახელმწიფოში არ განიცდიდა გლეხობა ისეთ ჩაგვრას, როგორც ოსმალეთის გლეხობა² და ეს მართლაც ასე იყო. განსაკუთრებით სასტიკ ჩაგვრას განიცდიდა დაპყრობილი ქვეყნების გლეხობა ბალკანეთში, საქართველოსა და სომხეთში. ამ ქვეყნებში გლეხთა ექსპლოატაციას სარწმუნოებრივი დევნილობა, ეროვნული ჩაგვრაც თან ერთვოდა, რადგან მათ გაოსმალებას სულთნის მთავრობა დაეინებოთ ცდილობდა.

კოჩი ბეი გორიჯელის მხედველობიდან არ გამორჩენია არც ის გარემოება. რომ ფულის ხარისხის გაფუჭებაც გლეხებს მძიმე ტვირთად აწევბოდა: „ფულის გაფუჭების დაწყების შემდეგ თქვენი ნონა-მორჩილი რაია გალატაკდა“³. წერს ავტორი მეორე „რისალეში“.

ანგვარად, საერო თუ სასულიერო ფეოდალები, სახელმწიფო მოხელეები, დაქირავებული ჯარი, გადასახადის ამკრეფნი, მოხელე-ფეოდალების მრავალი ცხოვრება ამაღა და ყველა მყვლეფელ-ექსპლოატატორი (მათ შორის სოფლებში კალიასავით მოდებული დერევიშები და სოფტები) გლეხობის შესანახი იყვნენ.

ფეოდალების მაღა განუსაზღვრელი იყო. ისინი ათასნაირ და ხშირად უცნაურ გადასახადებს ახდევინებდნენ გლეხებს. თუ გლეხი მარტოხელა იყო, მაგრამ კერა ჰქონდა, მას საკვამლე გამოსაღები უნდა გადაეხადა 3 ახჩა⁴. გლეხს არ შეეძლო თავისუფლად მოეწყო თავისი ოჯახური ცხოვრება⁵. საქორწინო გამოსაღები უნდა გადაეხადა გასათხოვარი ქალის მამას. თუ ქალი ქვრივი იყო და გათხოვებას აპირებდა, მას თვითონ უნდა გადაეხადა საქორწინო გადასახადი ფეოდალისათვის⁶. გლეხებს მრავალნაირი გადასახადი უნდა გადაეხადათ ბაზარზე ნაყიდი თუ გასაყიდი საქონლისათვის⁷, გავრცელებული იყო გადასახადი საძოვრებზე, გადასახადი ცხენებზე.

¹ Koçi Bey Risalesi, İstanbul, 1939, გვ. 47.

² „Velhasıl Şimdiki halde reaya fıkarasına olan zülüm teaddi bir tarihte ve bir iklimde ve bir padişah memleketinde olmamıştır“ (იქვე, გვ. 48).

³ „...Sikke bozulalıdanberu reaya kullarınız fakir olmuştur“ (იქვე, გვ. 119).

⁴ „გურჯისტანის ვილაიეთის დიდი დავთარი“, წიგნი II, თბილისი, 1941, გვ. 2.

⁵ Г. Я. Н. Брагинцов. Крестьянские восстания в Турции в XV—XVI вв., Византийский восточник, VII, 1953, гв. 129.

⁶ „გურჯისტანის ვილაიეთის დიდი დავთარი“, წიგნი II, თბილისი, 1941, გვ. 3.

⁷ იქვე, გვ. 4.

მოხელე-ფეოდალების სამასპინძლო ხალხმა დიშქირასი (კბილზე დაწესებული გადასახადი) უწოდა, რადგან გლეხი ვალდებული იყო გამასპინძლებოდა სოფელში ჩამოსულ ოსმალ მოხელეს და ამას გარდა, გადაეხადა მოხელის კბილის ქირაც, რადგანაც მას გლეხის პურ-მარილის კამაში „კბილი უცვლებოდა“.

მრავალი გადასახადი იყო ისეთი, რაც გათვალისწინებული არ იყო ოსმალურ „კანუნ-ნამეებში“, მაგ., გადასახადი მარცვლეულის შენახვისათვის, გადასახადი მოწმობის გაცემაზე, ბეჭდის დასმისათვის, ზღვისპირა ქალაქში ჩასვლისათვის, ფულის დახურდავებისათვის, საბაეოზე გავლისათვის, დღესასწაულისათვის და სხვა მრავალი გადასახადი, რაც შეიძლებოდა ფეოდალს მოეგონა და მოესურა¹.

ყოველივე ამას ერთვოდა ქრისტიანი გლეხობისათვის დამამცირებელი და შემადრწუნებელი წესი იანიჩართა კორპუსის შევსებისა, რაც ერთგვარ გადასახადს წარმოადგენდა, რომელსაც სულთანს ბავშვებით უხდიდნენ გლეხები. იანიჩართა ჯარი, როგორც ვნახეთ, შევსებას იღებდა ქრისტიანთა ბავშვებისაგან, რომელთაც ძალით სტაცებდნენ მშობლებს. ამ წესის აღმნიშვნელი ტერმინი იყო „დევეშირმე“. კოჩი ბეის სიტყვით „დევეშირმე ხდებოდა მხოლოდ და მხოლოდ ალბანელთა, ბოსნიელთა, ბერძენთა, ბულგართა და სომეხთა შორის. სხვა ხალხისაგან (დევეშირმეს წესით წამოყვანა) აკრძალული იყო“².

ბავშვებს აგროვებდნენ სპეციალური აგენტები—ჩორბაჯიები (çorbacı), რომლებიც იანიჩართა ჯარში უმცროსი რანგის მეთაურები იყვნენ. სულთანის ფირმანით ხელში ისინი იანიჩართა რაზმების თანხლებით დადიოდნენ რუმელიისა და ანატოლიის სოფლებში და ქრისტიანთა ბავშვები სტამბოლში მიჰყავდათ.

ბავშვებს სტამბოლში სპეციალურად აგებულ შენობებში ათავსებდნენ³. აქ მათ სპეციალურად ზრდიდნენ მუსლიმანური ფანატიზმის სულისკვეთებით⁴, მუსლიმანურ კანონებსა და თურქულ ენას ასწავლიდნენ⁵. რამდენიმე წლის შემდეგ მათ იანიჩართა კორპუსში, აგრეთვე, დაქირავებული ჯარის სხვა ნაწილებში აგზავნიდნენ მათი „სურვილისა და მიდრეკილების მიხედვით“⁶.

როდესაც ოსმალეთის გლეხობის მდგომარეობაზე საუბარი, არ შეიძლება გვერდი ავუაროთ მიწების მორწყვის საკითხს. რადგანაც მიწის მორწყვას ოსმალეთში გლეხისათვის დიდი მნიშვნელობა ჰქონდა, ფეოდალები არა მარტო საუკეთესო მიწებს იტაცებდნენ, არამედ ხელში იგდებდნენ წყალსაც. სარწყავი არხები მათ შემოსავლის დამატებით წყაროდ გაიხადეს⁷. ფეოდა-

¹ Г. И. Ибрагимов. დასახ. ნაშრ., გვ. 130.

² „Devşirme dahi Arnavud ve Bosna ve Rum ve Bulgar ve Ermen taifesinden mahsus olup, gayri taifeden olmak memnu idi“ (Koçi Bey Risalesi, İstanbul, 1939, გვ. 28).

³ Koçi Bey Risalesi, İstanbul, 1939, გვ. 28.

⁴ Архив К. Маркса и Ф. Энгельса, т. VI, гв. 177.

⁵ Koçi Bey Risalesi, İstanbul, 1939, გვ. 28.

⁶ იქვე.

⁷ Г. И. Ибрагимов. დასახ. ნაშრ., გვ. 131.

ლები მორწყვის უფლებას იჯარით აძლევდნენ მირაბებს (სარწყავი არხების ზედამხედველები). მირაბები კი შემდეგ ფულს ახდევინებდნენ გლეხებს წყლით სარგებლობისათვის. მაგალითად, კონიაში ორი დონუმი მიწის მორწყვისათვის გლეხებს 4 ახჩას ახდევინებდნენ. თუ ვინმე მეტს გადაიხდიდა, მას ურიგოდ მისცემდნენ წყალს. ამას გარდა, მირაბი ბოსტნის პატრონს აიძულებდა 1/3 მოსავლისა მისთვის დაეთმო.

გარეეკონომიური იძულების ის ფორმები, რომელსაც ოსმალო ფეოდალები იყენებდნენ, მწარმოებელი საზოგადოების მდგომარეობას ყველგან უკიდურესად აუარესებდა. გლეხის მეურნეობის გაჩანაგება ოსმალეთის სახელმწიფოს დაცემის ერთი უმთავრესი მიზეზთაგანი იყო. ოსმალური აგრარული სისტემა, ფეოდალური ექსპლოატაციის ფორმები და გადასახადები გამორიცხავდნენ ეკონომიური განვითარებისათვის საჭირო პირობების შექმნას.

მართალია, ოსმალური აგრარული სისტემა და გადასახადთა სახეობანი ცალკეულ დეტალებში გარკვეულ ნაირსახეობას აძლავებდა სხვადასხვა ოლქში (ბალკანეთი, ანატოლია, არაბული ქვეყნები), თავს იჩენდა ის თავისებურებაც, რომ ოსმალეთის სახელმწიფოში წარმოდგენილი ხალხები საზოგადოებრივი და ეკონომიური განვითარების სხვადასხვა საფეხურზე იმყოფებოდნენ, მაგრამ ამის მიუხედავად ყველგან საერთო იყო ოსმალური ფეოდალიზმისათვის დამახასიათებელი ექსპლოატაციის წესები.

ამ მხრივ უკეთესი მდგომარეობა არც ოსმალეთის ქალაქებში იყო.

§ 5. ქალაქები, ზელოსნობა, ვაჭრობა

ოსმალეთის ქალაქები ბევრი რამით ჰგავდა აღმოსავლეთის ფეოდალურ ქალაქებს, მაგრამ ზოგი ნიშნით განსხვავდებოდა კიდევაც.

ოსმალეთის ორი ძირითადი პროვინციის: ანატოლიის (აზიური ნაწილის) და რუმელიის (ევროპული ნაწილის) ქალაქების გარეგანი სახე ერთნაირი არ იყო. ანატოლიის ქალაქებს ბევრი საერთო ჰქონდა აღმოსავლურ ქალაქებთან, რუმელიის ქალაქებს კი ბიზანტიურ-ევროპულ ქალაქებთან.

ბიზანტიის ფეოდალურმა და პოლიტიკურმა ინსტიტუტებმა საერთოდ გავლენა მოახდინეს ოსმალური ინსტიტუტების ჩამოყალიბებაზე. მაგრამ აზრთა დიდი სხვადასხვაობა არსებობს იმის თაობაზე, თუ რომელი ნაკადის გავლენა იყო უფრო ძლიერი: აღმოსავლური თუ ბიზანტიური. მართებული არაა შეხედულება, რომლის მიხედვით ოსმალურ აგრარულ სისტემასა და საქალაქო წყობილებაში ბიზანტიურის ძლიერი გამოვლინება უნდა დავინახოთ.

აღმოსავლური ინსტიტუტების გავლენა ოსმალო-თურქებს მცირე აზნის თურქ-სელჩუკთა სახელმწიფოდან მოჰყვებოდათ. თურქ-სელჩუკთა სახელმწიფოში კი უფრო მეტად ირანული ტრადიციების გავლენა იყო ძლიერი. ამასთან მუსლიმანურ სარწმუნოებას და მუსლიმანურ სამართალს, რა თქმა უნდა, საქალაქო ცხოვრების თავისებურებებშიც უნდა ეპოვნა თავისი გამოხატულება.

საქალაქო ორგანიზაცია—მისი მმართველობა — თურქ-სელჩუკებს აბასელთა სახელმწიფოდან ჰქონდათ გადმოღებული¹. თურქ-სელჩუკების დროიდან მცირე აზიის ქალაქებისათვის დამახასიათებელი ხდება კათედრალური მეჩეთი, აბანოები, ბაზრები ქალაქის ცენტრში—აღმოსავლური ქალაქებისათვის ჩვეულებრივი ანსამბლი.

ქალაქის ირგვლივ შემოვლებულ კედელს რამდენიმე კარი ჰქონდა. თურქ-სელჩუკების მუდმივი თარეშის პირობებში ყველა კარი ღამ-ღამობით იკეტებოდა. კედელი შემოვლებული ჰქონდა აგრეთვე თვითეულ უბანს, ხოლო არამუსლიმანები ცალკე ცხოვრობდნენ².

მცირე აზიის ქალაქებში მოსახლეობის უმეტესობას ქრისტიანები (ბერძნები, სომხები, ლაზები) შეადგენდნენ. ვაჭრებიც და ხელოსნებიც უპირატესად ესენი იყვნენ. ხელოსნის აღსანიშნავად თურქების მიერ გამოყენებული არაბულ-სპარსული ტერმინები (არბაბ, ჰონარმანდ) იმაზე უნდა მიუთითებდეს, რომ ხელოსნობის განვითარება ნაგვიანევი მოვლენა იყო მცირე აზიის თურქებში³. თურქი ხელოსანი ოსტატობით დიდად ჩამოუვარდებოდა მკვიდრ ხელოსანს. ჯელალ ედ-დინ რუმი (XIII საუკუნე) აღნიშნავდა, რომ ბაღის კედლების ასაგებად სჯობს ბერძენი ოსტატების დაქირაება, რადგან თურქები საზოგადოდ მხოლოდ იქ ვარგანან, სადაც დანგრევაა საქიროო⁴.

მცირე აზიის ქალაქებში თურქები ბერძნების, სომხების და ლაზების გავლენაში იმყოფებოდნენ. მაგრამ ამ უკანასკნელთა ინდომატრობა მეტად მძიმე იყო. მცირე აზია თურქ-სელჩუკებისათვის მთავარი დარ ულ-ჰარბი (ომის ქვეყანა) იყო. ამიტომ აქაურ მკვიდრ-ბინადარ მოსახლეობას ისინი ისე უყურებდნენ, როგორც მახვილით დაპყრობილ ხალხს. დაპყრობილთა ექსპლოატაცია, რა თქმა უნდა, ამ თვალსაზრისის შესაბამისად წარმოებდა.

თურქ-სელჩუკთა ძირითადმა მასამ მომთაბარული ცხოვრების წესები შეინარჩუნა. დამახასიათებელია, რომ XII ს-ის კონიაში თურქები ჯერ ისევ კარვებში ცხოვრობდნენ⁵. მცირე აზიის თურქობაში თანდათან გაიკაფა გზა ირანული წარმოშობის ცივილიზაციამ.

ყველა ამის მიუხედავად როგორც თურქ-სელჩუკთა სახელმწიფოს ქალაქებში (კონია, სივასი, კაისერი და სხვ.), ისე ოსმალეთის სახელმწიფოს ქალაქებში მოსახლეობის ეთნიკური შემადგენლობა ძირითადად უცვლელი დარჩა. ნაგვიანვე ხანაშიც ქალაქების მოსახლეობის უმეტესობას ქრისტიანი ვაჭარ-ხელოსნები შეადგენდნენ.

თურქ-სელჩუკთა ბატონობის ხანაში აღმოსავლეთის ქალაქებისათვის დამახასიათებელი სოციალური სტრუქტურა მკაფიო გამოხატულებას პოულობს ქალაქების გარეგან სახეში. ვაჭრების და წარჩინებული მოქალაქეების სახლები ხელოსნების სახლებზე უფრო მაღალი იყო, ამირების სახლები

¹ В. А. Гордлевский. Государство Сельджукидов Малой Азии, М. — Л., 1941, გვ. 124.

² В. А. Гордлевский. დასახ. ნაშრ., გვ. 125.

³ იქვე, გვ. 102.

⁴ იქვე, გვ. 103.

⁵ იქვე, გვ. 121.

ვაკრების სახლებს დაპყრობდნენ, ხოლო სულთნისა და მთავრების (ბეგების) სასახლეების გუმბათები ყველა სხვაზე ასჯერ მაღალი და მდიდარი იყო¹. ასეთივე იყო ქალაქის სოციალური სტრუქტურა და გარეგანი სახე ოსმან-ოღლუს ბეილიქში.

ოსმან-ოღლუს ბეილიქის პოლიტიკური ცენტრი ქალაქი ესქი-შეჰირი იყო. მეტოქე ბეილიქების მოსპობა-გაუქმების შედეგად ოსმალებმა ხელთ იგდეს მცირე აზიის სხვა ქალაქები. მაგრამ მათი მთავარი დარ ულ-ჰარბი ბალკანეთის ნახევარკუნძული და აღმოსავლეთ ევროპა იყო. ოსმალების დასავლეთის მიმართულებით შეტევის განვითარების შესაბამისად ოსმალეთის სახელმწიფოს ფარგლებში შემოვიდა რუმელიის (ევროპული ნაწილის) ქალაქები, რომელნიც როგორც წარმოშობით, ისე განვითარებით მნიშვნელოვნად განსხვავდებოდნენ აღმოსავლური ქალაქებისაგან.

ორხან-ბეის დროს ოსმალებმა სახელმწიფოს პოლიტიკური ცენტრი ესქი-შეჰირიდან ბურსაში გადაიტანეს (1326 წ.). სულთან მურად I-ის დროს პოლიტიკურმა ცენტრმა ედირნეში (ადრიანოპოლში) გადაინაცვლა (1365 წ.). 1453 წელს სახელმწიფოს სატახტო ქალაქად სტამბოლი (კონსტანტინოპოლი) გახდა.

რუმელიის ქალაქებში ვავრცელდა ოსმალური ხელოვნური და ვაჭრული ორგანიზაციები („ასნაფები“), რელიგიური და პოლიტიკური დაწესებულებები, შეიქმნა იანიჩართა „ოჯახები“ ყაზარმები, აშენდა მეჩეთები, ანდა ეკლესიები მეჩეთებად გადაკეთდა, მოეწყო ქარვასლები, ბაზრები, მაგრამ ბიზანტიური ქალაქების და ხელოსნობის დამახასიათებელი ნიშნები თავისებურად შეერწყო აღმოსავლეთიდან მომდინარე საქალაქო ცხოვრების გავლენას.

XVI ს-ის პირველ მეოთხედში ოსმალეთის სახელმწიფოში აღმოჩნდა არაბული ქალაქები: ალემო, დამასკო, კაირო, რომელთაც დამახასიათებელი თავისებურებანი არც ოსმალთა ბატონობის ხანაში დაუკარგავთ. იგივე უნდა ვთქვათ ოსმალეთის ვასალური ქვეყნების (ყირიმის სახანოს და ღუნაის სამთავროების) ქალაქებზე, აგრეთვე სამხრეთ საქართველოს ქალაქებზე, რომელთა ვაჭრობა და ხელოსნობა თანდათან ოსმალურ ყაიდაზე მოეწყო.

ასევე ერაყის, სეფიანთა ირანის და ოსმალეთის საცილობელი ქვეყნის, ქალაქებმა და, უწინარეს ყოვლისა, ბაღდადმა არაბულ-ირანულ ტრადიციებთან დაკავშირებული თავისებურებანი შეინარჩუნეს; ნეჯაფი და ქერბალა კი ახლაც შიიტური სამყაროს წმინდა ქალაქებს წარმოადგენდნენ.

აღნიშნული გარემოებანი აუცილებლივ გასათვალისწინებელია ოსმალეთის ქალაქების და საქალაქო ცხოვრების დასახასიათებლად.

ქალაქების და საქალაქო ცხოვრების განვითარებით ოსმალები დაინტერესებული არ იყვნენ. ამიტომ XIV—XVI საუკუნეებში ქალაქების სოციალური სტრუქტურა და გარეგანი სახე ხელუხლებელი დარჩა. ოსმალების თვალში ქალაქების მცხოვრებლები ისეთივე რაიები იყვნენ, როგორც სოფლის

¹ В. А. Гордлевский и. დასახ. ნაშრ., გვ. 127.

მცხოვრებლები. ქალაქის და სოფლის მოსახლეობის ექსპლოატაცია გადასახადების საშუალებით წარმოებდა.

ოსმალეთშიც, წინარე ხანის მსგავსად, ქალაქი დაყოფილი იყო ცალკე უბნებად. ერთი უბანი მეორე უბნისაგან კედლით იყო გამოყოფილი. ყველა უბანს ჰქონდა საკუთარი მეჩეთი, აბანო, ბაზარი და კარი¹. ქალაქის ცენტრის წარმოადგენდა მოედანი, სადაც აღმართული იყო მმართველის და დიდაკცების სასახლეები, კათედრალური მეჩეთი, ქარავასლები, არსებობდა საერთო აბანოები და მთავარი ბაზარი. ისევე როგორც თურქ-სელჩუკების დროს, მონეტები სხვადასხვა ქალაქებში იჭრებოდა. ყველა მსხვილ ქალაქს საკუთარი ზარაფხანა ჰქონდა.

ქალაქებს გარს ერტყა ბოსტნები, ბაღები, ველები, საძოვრები, სახანავსათესი მიწები. ხელოსნები ხშირად მიწისმოქმედებასაც მისდევდნენ. მაგრამ მათთვის მიწა წარმოების მთავარი საშუალება არ იყო. ასევე სოფლად მიწისმოქმედება ხშირად შერწყმული იყო შინამრეწველობასთან². ამასთან ქალაქების ირგვლივ მდებარე სოფლების გლეხები სოფლის მეურნეობის პროდუქტებით ვაჭრობდნენ ქალაქის ბაზრებში.

აღმოსავლეთის სხვა ქვეყნების მსგავსად ოსმალეთშიც არსებობდა ე. წ. გიგანტი ქალაქები, რომელთა მოსახლეობის რაოდენობა ხშირად 100.000 აღემატებოდა. მაგ., სტამბოლში 700.000 მცხოვრები იყო, ალექოში 150.000, ბაღდადში და დამასკოში 100.000³.

ნატურალური მეურნეობის ბატონობის პირობებში დიდი ქალაქების არსებობა შეპირობებული იყო იმით, რომ ქალაქი მკაფიოდ არ იყო გაძიჯნული სოფლისაგან. ამ მხრივ თითქმის ერთადერთი გამონაკლისი სტამბოლი იყო. თუმცა მისი მრავალრიცხოვანი მცხოვრებლებიც ირგვლივ მდებარე სოფლებზე იყვნენ დამოკიდებული⁴. ამას გარდა, მოსახლეობა ჩვეულებრივ იზრდებოდა იმ ქალაქებში, რომელნიც სავაჭრო-სატრანზიტო გზების გასწვრივ მდებარეობდნენ.

შინაგანი ვაჭრობის განუვითარებლობის პირობებში მხოლოდ საგარეო ვაჭრობასთან უშუალოდ დაკავშირებული ქალაქები იზრდებოდნენ და ვითარდებოდნენ.

1453 წლის შემდეგ სტამბოლმა დაკარგა თავისი ოდინდელი სავაჭრო მნიშვნელობა, როგორც დასავლეთის აღმოსავლეთთან დამაკავშირებელმა „ოქროს ხიდმა“. შავი ზღვის „თურქეთის ტბად“ გადაქცევამ დააყრუა მისი

¹ H. A. R. Gibb and Harold Bowen, *Islamic Society and the West*, ტ. I, 1951, გვ. 279.

² В. С. Гурбузова. Евлня Челеби о селенных хозяйствах XVII в. Труды отдела истории и искусства Эрмитажа, III, гв. 317.

³ აღრიცხული არ იყვნენ ქალები და ბავშვები. ასე რომ ქალაქების მოსახლეობის ფაქტიური რაოდენობა გაცილებით დიდი იყო. სტამბოლის 700.000 მცხოვრებიდან XVII ს-ის კირველ ნახევარში ხელოსნობას ქალაქში და სოფლის მეურნეობას გარშემო მდებარე სოფლებში მისდევდა 460.000 კაცი. დანარჩენს შეადგენდნენ ვაჭრები, სასულიერონი, მოხელეები, მდივან-მწერლები, ეკიმები, მასწავლებლები, დიდაკცების ამაღა, ჯარი, ქალაქის დეკლასირებული ელემენტები და სხვ.

⁴ В. С. Гурбузова. დასახ. ნაშრ., გვ. 317.

სანაპიროების ქალაქები. სამაგიეროდ ხმელთაშუა ზღვის აუზის გამოთიშვამ შავი ზღვის ქვეყნებიდან განაპირობა არაბული ქალაქების დაწინაურება. საზოგადოდ კი კონსტანტინოპოლის დაცემის პირდაპირი შედეგი იყო ვაქრობის ცენტრების გადანაცვლება ჩრდილოეთის ქვეყნებში.

XVI—XVII სს. დამსკოს და კაიროს საშუალებით წარმოებდა ვაქრობა ევროპასა, აზიასა და აფრიკას შორის. მაგრამ განსაკუთრებული მნიშვნელობა მაინც ალექსოს მიენიჭა.

ალმ. ამიერკავკასიის ქალაქები, თავრიზი და ირანის ყურის ნავსადგურები ალექსოს საშუალებით ვაქრობდნენ დას. ევროპასთან. ბაღდადის სავაჭრო გზის კარიბჭე ალექსო იყო. ეს გზა წარმოადგენდა მთავარ არხს სპარსეთთან და სპარსეთის ყურესთან სავაჭრო ურთიერთობისათვის¹. ალექსოთი იყო ამ დროს ერთმანეთთან დაკავშირებული ევროპა, სპარსეთი და ინდოეთი.

ოსმალეთი დაფინებით ცდილობდა სავაჭრო-სატრანზიტო გზის მარშრუტების (თავრიზი—ალექსო და ირანის ყურე—ალექსო) თავისი კონტროლისათვის დაქვემდებარებას. სწორედ ამიტომ ირან-ოსმალეთის დაუსრულებელი ომების ასპარეზი სამხრეთში ერაყ-ლურისტანი იყო, ხოლო ჩრდილოეთში ამიერკავკასიის ქვეყნები. ოსმალეთი მტრულად შეხვდა ყაზანისა და ასტრახანის თათრული სახანოების გაუქმებას, რადგან რუსეთის გაბატონებამ ვოლგის აუზში დას. ევროპას ახალი სავაჭრო მარშრუტის გამოყენების შესაძლებლობა მისცა.

ოსმალეთის საბაეოები დიდს შემოსავალს ღებულობდნენ ირანული ნედლი აბრეშუმისა და, რომელიც ალექსოს საშუალებით დიდი რაოდენობით გაჰქონდათ დას. ევროპაში. ოსმალეთი ეკვის თვალთ უყურებდა და წინააღმდეგობასაც უწევდა. ირანის მხრივ ახალი გზების ძიებას, აგრეთვე ირანის შესაძლებელ გაბატონებას ბაღდადის გზაზე. ამიტომ ირან-ოსმალეთის ასწლოვან ომში (XVI—XVII სს.) ბაღდადის დაპყრობა-შემომტკიცებას გადაწყვეტი მნიშვნელობა ენიჭებოდა. ასევე განსაკუთრებული მნიშვნელობა ჰქონდა ოსმალეთისათვის აბრეშუმით მდიდარი შირვანის დაპყრობას, რის საწინდარს იგი ამიერკავკასიაში განუყოფელ ბატონობაში ხედავდა. ამ საკითხის ოსმალეთის სასარგებლოდ გადაჭრასთან იყო დაკავშირებული აგრეთვე ვოლგა-ასტრახანის გზის გადაკეტვა. თუ ეს ასე მოხდებოდა, მაშინ აღმოსავლური და ევროპული საქონელი მთლიანად ბაღდად-ალექსოს გზაზე იქნებოდა გადატანილი.

ოსმალეთში ვაქრობა დაკავშირებული არ იყო წარმოებასთან. საგარეო ვაქრობა ემსახურებოდა მხოლოდ ფეოდალების მოთხოვნილებების დაკმაყოფილებას. XVIII ს-ის ერთი ევროპელი დამკვირვებლის მოსწრებული შენიშვნით „მდიდარი და ძლიერი ოჯახების ბრწყინვალე ფუფუნება უზრუნველყოფილი იყო საგარეო ვაქრობის საშუალებით“ („Le luxe des familles riches et puissantes est entretenu par le commerce étranger“)². საგარეო ვაქრობის მთავარი საგანი იყო: ძვირფასი ქსოვილები, ხალიჩები, აბრეშუმი, ოქროს და ვერცხლის ნივთები, მარგალიტი, შაქარი, ზაფრანა, თამბაქო, ხმელი ხილი.

¹ Gibb and Bowen, დასახ. ნაშრ., გვ. 305.

² იქვე.

ღვინოები, ყავა, ტყეები (ალეპოში იყო კავკასიელი ტყეების მთავარი ბაზარი)¹. ევროპიდან აღმოსავლეთში შემოჰქონდათ: ვენეციური შუშა, სარკეები. სამართებლები, მძივები, ხავერდი, ლითონის ნივთები, ოქრონაკერი ტანსაცმელი, თოფები და თოფის წამალი, ნელსაცხებლები.

საგარეო ვაჭრობისათვის იყო განკუთვნილი უპირატესად ხელოსნური ნაწარმი. ზოგიერთი ქალაქის ხელოსნები მხოლოდ საგარეო ექსპორტისათვის მუშაობდნენ.

სამაგიეროდ ნეტისმეტად შეზღუდული იყო შინაგანი ვაჭრობა. თვითული რაიონის საშინაო ვაჭრობა წარმოებდა უმთავრესად ყოველკვირეული ბაზრობის საშუალებით ყოველ ქალაქსა და აგროკულტურის ცენტრში². ბაზრობაზე ვაჭრობას მარტივი გაცვლის ხასიათი ჰქონდა. ამა თუ იმ რაიონის ნაჭარბი პროდუქტი იცვლებოდა ქალაქის ნაწარმზე³. ქალაქების მცხოვრებლები ხელოსნური ნაწარმის მხოლოდ მომხმარებლები იყვნენ. მოსახლეობის საერთო სილატაყე და ცხოვრების საარსებო პირობების მეტად დაბალი დონე არ იძლეოდა ვაჭრობისა და ხელოსნური პროდუქციის გაფართოების შესაძლებლობას⁴.

შინაგანი ბაზრის წარმოქმნა-განვითარებას გამორიცხავდა სუსტი ეკონომიური კავშირები ცალკეულ რაიონებსა და ქალაქებს შორის. საშინაო ვაჭრობის განვითარების დამაბრკოლებელი ფაქტორები იყო აგრეთვე განუვითარებელი კომუნიკაციები და ტრანსპორტი⁵ (არც ირანში და არც ოსმალეთში არ არსებობდა ბორბლიანი ტრანსპორტი). გზაზე ვაჭრებს და მგზავრებს სისტემატურად ესზმოდნენ თავს ყაჩაღების ბრბოები. ვაჭრები ერთ ადგილზე დიდხანს იყვნენ გაჩერებული იმის მოლოდინში, რომ შემდგარიყო რაც შეიძლება მრავალრიცხოვანი ქარავანი. შედარებით მოვლილი და დაცული იყო მთავარი სავაჭრო-სატრანზიტო გზა. მასზე მოწყობილი იყო გზის მცველთა სადგურები. მაგრამ გზის მცველები ხშირად მგზავრებისათვის ფულის გამორთმევის მეტს სხვას არაფერს აკეთებდნენ⁶. საშინაო ვაჭრობის განვითარებას აბრკოლებდა აგრეთვე ხშირი ფეოდალური შინაომები, ბეგლარბეგების და ფაშების ძალადობა.

ოსმალეთში დაცული არ იყო ვაჭრის პიროვნება და მისი საკუთრება— ძირითადი პირობა ბურჟუაზიული შექმნისა⁷.

გამდიდრებული ვაჭრის ქონებას ხარბი თვალთ უყურებდნენ სულთანი და ფაშები. ოსმალეთის რომელიმე ქალაქში გარდაცვლილი უცხოელი ვაჭრის ქონებას სულთნის მოხელეები ითვისებდნენ (ბეითალმანი). მაგრამ ყველაზე მძიმე მანც წვრილი ვაჭრების და ხელოსნების მდგომარეობა იყო.

გარკვეული პრივილეგიებით სარგებლობდნენ მხოლოდ დიდვაჭრები,

¹ Gibb and Bowen, დასახ. ნაშრ., გვ. 304.

² იქვე, გვ. 299—300.

³ იქვე.

⁴ იქვე, გვ. 300.

⁵ იქვე.

⁶ იქვე.

⁷ K. Маркс и Ф. Энгельс. Соч., ტ. XVI, ნაწ. 2, გვ. 22.

აგრეთვე ევროპელი ნეგოციანტები, რომელთა სიცოცხლისა და ქონების უშიშროება კაპიტულაციებით (სულთნის ფირმანებით) იყო დაცული.

დიდაქრები საგარეო ვაჭრობის სარბიელზე მოღვაწეობდნენ. ბალდადის გზა სომეხი ვაჭრების ხელთ იყო, სირია-ევგვიპტის გზა—არაბი ვაჭრების ხელთ. უცხო ეროვნების ვაჭრები (სომეხები, ბერძნები, სირიელები) დაინტერესებული არ იყვნენ შინაგანი ბაზრის განვითარებით, საქიროდ არ სთვლიდნენ ვაჭრობაში მოგებული ფულის წარმოებაში გაშვებას.

ყველა ამის გამო ქალაქებს ოსმალეთში არ შეიძლებოდა შეესრულებინათ ის როლი, რაც მათ შეასრულეს დას. ევროპასა და რუსეთში. ოსმალეთისათვის, ისევე როგორც აღმოსავლეთის სხვა ქვეყნებისათვის, დამახასიათებელი იყო ქალაქების სრულიად გარკვეული ტიპები: ქალაქი—სამხედრო ბანაკები, ფაშების და სანჯაყბეგების რეზიდენციები, ციხე-ქალაქები (დიზლარციხისთავებით სათავეში), სავაჭრო ტრანზიტთან დაკავშირებული ქალაქები და საგარეო ვაჭრობის ნიადაგზე განვითარებული სახელოსნო ცენტრები, რომლებიც ცნობილი იყვნენ როგორც გარკვეული ხელოსნური ნაწარმის დამამზადებელი ქალაქები (ანკარა, ედირნე, ბურსა, სმირნა, კუთაჰია). არსებობდა აგრეთვე განსაკუთრებული მნიშვნელობის „წმინდა“ ქალაქები (მექა, ნეჯფი, ქერბალა, კაზიმეინი). ამ ქალაქების, აგრეთვე, დიდრონ და მცირე ქალაქებში მუსლიმან მქადაგებელთა საფლავების სავალდებულო მოლოცვის წესი ვაჭრობასთანაც იყო დაკავშირებული. მოლოცველთა ქარავნები სავაჭრო მიზნითაც მიემართებოდნენ რელიგიური ცენტრებისაკენ და იქიდან ნავაჭრი საქონლით დატვირთულნი უკანვე ბრუნდებოდნენ.

XIX საუკუნემდე ოსმალეთში საქალაქო ადმინისტრაცია არ არსებობდა. ქალაქებს განაგებდნენ სულთნის კარისა და სასახლის მოხელეები, აგრეთვე ბეგლარბეგ-ფაშები და სანჯაყბეგები, კადიები და იანიჩარ-ალასები (სუბაშები). სამართალი და სამართლის წარმოება კადიების ხელთ იყო. სხვა მოხელეთა საქმიანობა კი ქალაქებში უმთავრესად მეთვალყურეობას ითვალისწინებდა.

დიდევზირს (ვეზირი აზამს, ულუ ვეზირს), რომელსაც სახელმწიფოებრივი ცხოვრების ყველა სფეროზე მიუწვდებოდა ხელი, იანიჩარ-ალასთან ერთად უნდა შემოეველო ბაზრები, რათა სავაჭროებსა და ღუქნებში შეემოწმებინა საწონები, საზომები, საწყაოები¹.

დიდევზირის დასახედავი იყო აგრეთვე სახელმწიფო ქარხნები, რომლის ხელოსნები სულთნის სასახლეს ემსახურებოდნენ.

სტამბოლში მოქმედებდნენ სასახლის გარეთული მოხელეები (ემინები), რომელთა შორის მთავარი იყო ქალაქის ემინი („შეპირ ემინი“²). მისი საკითხავი იყო სასახლის ხარჯების რეგისტრაცია, სახლების ზედამხედველობა და წყლით მომარაგების საქმე. მის ხელქვეით მოხელეებს შორის აღსანიშნავია მთავარი ხუროთმოძღვარი („მომარბაში“) და წყლის ზედამხედველი („სუ ნაზირი“)³. ზარაფხანას განაგებდა ზარაფხანის ემინი („ზარბხანე ემინი“)⁴.

¹ Gibb and Bowen, გვ. 287.

² ი ქ ვ ე, გვ. 84.

³ ი ქ ვ ე, გვ. 85.

⁴ ი ქ ვ ე.

ვაჭრობისა და ხელოსნობის მეთვალყურეობა მუჰთესიბის (არაბ. მუჰთასიბ; ხელთ იყო. მუჰთესიბი საპოლიციო სამსახურს ასრულებდა. მას ექვემდებარებოდა ქოლ ოლღანებისაგან შენდგარი რაზმი, რომელშიაც 30 მკველი შედიოდა¹.

მუჰთესიბი (მის აღსანიშნავად ხშირად იმთასიბ აღასი იხმარებოდა) მნიშვნელოვნად განსხვავდებოდა ადრინდელი მუჰთასიბისაგან, რომელსაც სახალიფოს ქალაქებში უმთავრესად მუსლიმანთა მორალის დაცვა ევალებოდა. მუჰთესიბის უფლება-მოვალეობა და მოღვაწეობის სარბიელი ოსმალეთის ქალაქებში შედარებით ვრცელი იყო. საზომ-საწონების კონტროლთან ერთად მას უნდა აეკრიფა გადასახადები ვაჭართა და ხელოსანთა ასნაფებში, თვალყური ედევნებინა მათი საქმიანობისათვის. მუჰთესიბს და ქოლ ოლღანებს ჯამაგირით გათვალისწინებულ თანხას უხდიდნენ სახელოსნოების და დუქნების პატრონები².

ქალაქებში ერთგვარ ადმინისტრაციულ ერთეულებს წარმოადგენდნენ სხვადასხვა საქმიანობის და ხელობის ადამიანთა გაერთიანებები, რომლებსაც ცალკე უხნები ჰქონდათ დაკავებული. ასეთ გაერთიანებას ასნაფი (თურქ. „ესნაფ“) ერქვა³.

თვითეული ასნაფის სათავეში იდგა შეიხი ანუ კაჰია (ქეთხუდა). აღსანიშნავია, რომ XVII ს-ის შგორე ნახევრამდე ერთსა და იმავე ასნაფში გაერთიანებული იყვნენ როგორც მუსლიმანები, ისე არამუსლიმანები.

ასნაფებში გაერთიანებული იყვნენ: ვაჭრები, მდივან-მწერლები. ექიმები, მასწავლებლები, მოსწავლეები, მუსიკოსები, მხატვრები, ხელზე მოსამსახურეები, წყლის მზიდავები, ჯამბაზები და სხვა⁴. ასნაფებში გაერთიანებული იყვნენ ის გლეხებიც, რომლებიც ქალაქების გარშემო ცხოვრობდნენ და ხორბლით, ქერით, ფეტვით ვაჭრობდნენ⁵. არსებობდა აგრეთვე მათხოვრების. მეძავე ქალების, ჯიბგირების, ქურდების და სხვა მისთანების ასნაფები⁶, რომელთა კაჰიას, რა თქმა უნდა სახელმწიფო არ სცნობდა. მაგრამ ასეთი ასნაფები სახელმწიფო მოხელეებს უხდიდნენ გადასახადებს, ზოგიერთ მათგანს კი საკუთარი „წმინდანი“ (ფირი) ჰყავდა. ამათგან მოხელეებს დიდი შემოსავალი ჰქონდათ. ამიტომ ისინი მფარველობდნენ კიდევაც მათ, გადასახადების გაუქმების შემთხვევაში კი „ზარალის“ ანაზღაურებას მოითხოვდნენ⁷.

¹ ი ქვე, გვ. 286.

² ი ქვე, გვ. 292.

³ ლიტერატურა ოსმალური ასნაფების შესახებ იხ. F. Babinger. Der Islam, ZDMG-ტ. 76, გვ. 135.

⁴ Gibb and Bowen, დასახ. ნაშრ., გვ. 277; B. C. Farukova. დასახ. ნაშრ., გვ. 318.

⁵ ი ქვე.

⁶ ბოროტმოქმედთა ასნაფები სახალიფოს დროიდან არსებობდა აღმოსავლეთში. იხ. H. Throning. Beiträge zur Kenntnis des islamischen Vereinswesens auf Grund von Bast Madad et-Taufiq. Türkische Bibliothek, Bd. XVI, Berlin, 1913, გვ. 211 და Kremer. Kulturgeschichte, II, გვ. 187.

⁷ Gibb and Bowen, დასახ. ნაშრ., გვ. 290, შენ. 3.

ყველა ასნაფის საქმიანობა სახელმწიფო რეგლამენტაციით იყო მოწეს-
რიგებული.

ასნაფების საქმიანობას სახელმწიფო კადიების საშუალებით აწესრიგებდა.
კადის წარმომადგენლებს ქალაქის სხვადასხვა უბანში მეთვალყურეობა უნდა
გაეწიათ ფასებისა და ზომა-წონისათვის. ამის პასუხისმგებელი კადი იყო¹.
მაგრამ მეთვალყურეობა, როგორც აღვნიშნეთ, ევალებოდათ აგრეთვე დიდ-
ვეხირს, იანიჩარების ალას, მუჰთესიბს².

მთავრობასთან ურთიერთობას შეიხი ანუ კაჰია ახორციელებდა. კაჰია
იყო გადასახადების აკრეფის პასუხისმგებელი³. თუ ასნაფში არამუსლიმანე-
ბიც იყვნენ. მაშინ კაჰია აგროვებდა ჯიზიასაც (სულად გადასახადს)⁴.

თვითეული ასნაფის შეიხი იყო ადმინისტრატორიც და მსაჯულიც. მისი
საკითხავი იყო ასნაფის შინაგანი საქმეების მოწესრიგება, ასნაფის წევრთა
შორის დავის მოგვარება, წესრიგის დაცვა, დამნაშავეთა დასჯა⁵, ხელოსნურ
წარმოებასთან ერთად ზნეობისა და რელიგიური წესების ასრულებისათვის
თვალყურის დევნება⁶.

ასნაფის წესი და რიგი, მის წევრთა უფლება-მოვალეობანი, ინვენსტი-
ტურა და სხვ. აღბეჭდილი იყო „ფუთუეთ-ნამეში“ (საწესდებო სიგელში),
რომელიც ოსმალეთში თურქ-სელჩუკთა სახელმწიფოდან მომდინარეობდა⁷.

ოსმალური ასნაფების ორგანიზაციულ აღნაგობას ბევრი მსგავსება აქვს
აღმოსავლეთის ვაქართა და ხელოსანთა გაერთიანებებთან (არაბ. „სინფ“),
მაგრამ საკუთრივ ხელოსნური ასნაფი. ოსმალეთში რაინდულ-დერვიშული
ორგანიზაციის „ახის“ საფუძველზე განვითარდა.

მონღოლთა ბატონობის ხანაში, როცა „ახის“ გავლენა განსაკუთრებით
გაძლიერდა და მან ბრძოლა გამოუცხადა მიწისმფლობელ არისტოკრატისა,
(სასულიერო და საერო ფეოდალებს), მას მხარი დაუჭირეს ხელოსნებმა⁸.
ახის და ფეოდალებს შორის XIV ს-ში წარმოებული ბრძოლა ოსმალთა სულთ-
ნებმა შეაჩერეს. „ახი“ გაანადგურა ოსმალეთში გაბატონებულმა ფეოდალურმა
კლასმა, თუმც ნაწილობრივ იგი სახელმწიფო აპარატში გაითქვიფა⁹. ამავე
დროს, „ახი“ ხელოსნურ გაერთიანებაში (ასნაფში) გადაიზარდა.

ხელოსნური ასნაფის დაარსება მიეწერება ახი ევრანს, რომელიც
XIII ს-ში მოღვაწეობდა¹⁰.

¹ Gibb and Bowen, დასახ. ნაშრ., გვ. 287.

² იქვე.

³ იქვე, გვ. 278.

⁴ იქვე, გვ. 278, შენ. 2.

⁵ იქვე.

⁶ В. С. Гарбузова. დასახ. ნაშრ., გვ. 318.

⁷ Н. Throning. დასახ. ნაშრ., გვ. 217.

⁸ В. А. Гордлевский: Государство Сельджукидов Малой Азии, გვ. 110.

⁹ იქვე.

¹⁰ В. А. Гордлевский. Дервиши Ахи Эврана и дехи Турции, Известия АН СССР, 1928.

ოსმალეთიდან ასნაფი გავრცელდა ყირიმში¹, ბალკანეთის ნააქვარკუნ-ძულზე², არაბულ ქვეყნებში³.

ოსმალური ასნაფები (სტამბოლის მაგალითზე) აღწერილი აქვს XVII ს-ის ოსმალ ისტორიკოსს ევლია ჩელების. მისი „სეაჰათ ნაჰესი“ („მოგზაურობათა წიგნი“) შეიცავს სტამბოლის ასნაფების, მათი ფირების, წვერთა რაოდენობის, წეს-ჩვეულებების, შეგირდ-ქარაგლების ოსტატად ხელდასხმის—ლოცვისა და სარტყლის შემორტყმის („დესტურდუასი“, „ფეშთემალ კუშათ-მა“) — ცერემონიალის აღწერას⁴. აღწერა მას სულთან მურად IV-ის დავალებით შეუსრულებია. მას, სხვათა შორის, აღწერილი აქვს სტამბოლის 600 ასნაფის საზეიმო მსვლელობა, რომელიც სამ დღე-ღამეს გაგრძელდა სულთნის სასახლის წინ⁵.

ევლია ჩელები, როგორც ჩანს, წარმოშობით ასნაფთა წრეს ეკუთვნოდა და, რამდენადმე მაინც, მისი იდეოლოგიის მატარებელი იყო⁶. ყოველ შემთხვევაში, არც ერთი სხვა ოსმალ ისტორიკოსი, გარდა ევლია ჩელებისა, არ დაინტერესებულა ხელოსნური ასნაფების დაწვრილებითი აღწერით.

ევლია ჩელების სიტყვით, სტამბოლში, ისევე, როგორც საზოგადოდ ოსმალეთში, ხელოსნებად უპირატესად არათურქები იყვნენ: სომხები, ბერძნები, ქართველები, ებრაელები, ალბანელები, საარსელები⁷. თურქი ოსტატები ევლია ჩელების აღწერილობაში მეტად იშვიათად არიან მოხსენებული⁸. ყველაზე დახელოვნებული ოსტატები, როგორც წესი, არათურქები იყვნენ. ევლია ჩელები არა ერთგან ამბობს, რომ თურქები ხელოსნობას სწავლობდნენ სხვადასხვა ოსტატებთან, რომელთაც თავიანთი ხელოვნება თურქ შეგირდებს გადასცეს⁹.

ოსმალეთის ასნაფებისათვის, ისევე, როგორც საზოგადოდ ხელოსანთა ამქრებისათვის აღმოსავლეთში, დამახასიათებელი იყო მკაფიოდ გამოხატული რელიგიური მხარე მის ორგანიზაციულ აღნაგობაში.

თვითეულ ასნაფს ჰყავდა საკუთარი მფარველი წმინდანი (ფირი), რომელიც ხშირად ამა თუ იმ ხელობის ასნაფის დამაარსებლად ითვლებოდა. ზოგიერთ ასნაფს რამდენიმე ფირი ჰყავდა. ფირებად იყვნენ როგორც ბიბლიის პერსონაჟები, ისე მოჰამედის პირველი მიმდევრები, მუსლიმანთა წმინდანები, დერვიშები. ასნაფებს ჰქონდათ საკუთარი დროშები, რომლებიც

¹ В. А. Гордлевский. Организация цехов в Крыму, Труды Этнографико-археологического музея МГУ, XV, М., 1928.

² Н. Державин. Следы древнегрузинских цеховых организаций по данным современной этнографии, Язык и литература, т. I, 1926, гл. 283.

³ Gibb and Bowen, გვ. 276—278.

⁴ В. А. Гордлевский. Из жизни цехов в Турции, Записки коллегии востоковедов, т. II, гл. 235, 239.

⁵ В. С. Гарбузова. დასახ. ნაშრ., გვ. 314.

⁶ იქვე.

⁷ იქვე, გვ. 316.

⁸ იქვე.

⁹ იქვე.

რელიგიური დღესასწაულების, საზეიმო მსვლელობების ან საერთო სუფრაზე შეხვედრის დროს გამოჰქონდათ ხოლმე.

თვითელი ხელობის ასნაფს გარკვეული ქუჩის რიგი ან ქალაქის უბანი ჰქონდა დაკავებული.

ერთიანი ან მახლობელი ხელობის ასნაფები ერთიანდებოდნენ ბოლუქებში („ბოლუქ“). ევლია ჩელების დროს სტამბოლში იყო 48 ასეთი ბოლუქი, რომელიც ათასზე მეტს ასნაფს აერთიანებდა¹.

ასნაფის 'შემადგენლობაში იყო: ოსტატი (უსტა), ქარგალი (კალფა). შეგირდი (ჩირაქ).

ასნაფი თავის წრიდან ირჩევდა შეიხს. რომელიც ნაყიბის და ჩაუშის საშუალებით განაგებდა ასნაფის საქმეებს². ასნაფის უხუცესთა საბჭო („იხთიარი“) რაბდენინე ან ყველა ოსტატისაგან შედგებოდა³. ოსტატები მარჯვედ იყენებდნენ ასნაფის რთულ იერარქიას იმისათვის, რომ გასაქანი მხოლოდ საკუთარი შეილებსა და ნათესავებისათვის მიეცათ. სავალდებულო გამასპინძლება და ძღვენი აძნელებდა შეგირდის ქარგლობაში გადასვლას, ქარგლის ოსტატად გახდომას.

შეგირდს უნდა შეესწავლა არა მარტო ხელობა, არამედ აგრეთვე „ფუთუჟ-ნაწეთი“ გათვალისწინებული ყველა წესი. ისე ოსტატად ვერავინ გახდებოდა.

ქარგლის ოსტატად ხელდასხმას და ახალი ოსტატისათვის სარტყლის (ფეშთემალ) შემორტყმის ცერემონიალი („შედ ბალამიკ“) გარკვეულ სასყიდელთან იყო დაკავშირებული. მას თურქულად „ფეშთემალიქ“ ერქვა.

სახელოსნოს („ქარხანე“) ან სავაქროს („დუქან“) გახსნის უფლებას ეწოდებოდა „უსტალიქ“ (XVIII ს-ის დამდეგიდან — „გედიქ“). ეს უფლება მემკვიდრეობით გადადიოდა ან იყიდებოდა. მაგრამ „უსტალიქი“ ვაქარს თუ ხელოსანს ხდიდა არა სახელოსნოს ან დუქანის მესაკუთრედ, არამედ მფლობელად. სახელოსნოები და დუქნები გარკვეული პირის მფლობელობაში იყო ყოველწლიური გადასახდელის პირობით⁴.

ახალი უსტალიქი ხელოსანს შეეწლო მიეღო მხოლოდ ხაზინაში გარკვეული თანხის შეტანის შემდეგ, იმის დადასტურებით რომ მას ჰქონდა საჭირო იარაღები არჩეული ხელობისათვის⁵.

უსტალიქი ანუ გედიქი ორნაირი იყო: 1. როცა ხელოსანს ნებას რთავდნენ სადაც სურდა იქ შესდგომოდა ხელოსნობას („ჰავაი გედიქ“) და 2. როდესაც მისთვის მტკიცედ იყო განსაზღვრული ხელოსნობის ადგილი („მუსტაქარ“). პირველი ნეტად იშვიათი იყო და, თანაც, რაც დრო გადიოდა მით

¹ B. C. Γαρτζοβα. დასახ. ნაშრ., გვ. 318.

² XVIII ს-ში შეიხის ფუნქციები კაჰიას (ქეთხუდას) ხელთ იყო, ხოლო ჩაუში იგიობაშა შესცვალა. Gibb and Bowen, დასახ. ნაშრ., გვ. 284, შენ. 7.

³ იქვე, გვ. 284.

⁴ Gibb and Bowen, დასახ. ნაშრ., გვ. 282.

⁵ იქვე.

უფრო მცირდებოდა, რადგან სახელმწიფო იმით იყო დაინტერესებული, რომ კონტროლის ქვეშ ჰყოლოდა ერთ უბანში თავმოყრილი ხელოსნები¹.

ასნაფის ხელოსნების ინიციატივა მეტისმეტად იყო შეზღუდული. არავის არ შეეძლო გაეყიდა რამე სახელმწიფოს მიერ დაწესებული ნიხრის („ნერკ“) ზევით. შეუზღუდველი იყო მხოლოდ ნიხრის ქვევით გაყიდვის უფლება. ამას გარდა, არც ხელოსანს და არც ვაჭარს არაფრის გაყიდვა არ შეეილო ასნაფის გარეშე².

ასნაფის გარეშე არავის არ შეეძლო ევაჭრა ან ხელოსნობით ეცხოვრა. ასნაფიდან განდევნილს ეწოდებოდა იოლსუზი (უგზოუკვლო)³. ასნაფიდან მოკვეთილი ადამიანის ეს სახელი კარგად მიუთითებს თუ როგორ ზღუდავდა ვაჭრისა და ხელოსნის ინიციატივას ამქრული ორგანიზაცია ოსმალეთში.

ოსმალური ფეოდალური წყობილება სოფლად და ხელოსნური ორგანიზაციები ქალაქებში გამოირიცხავდა განვითარებისათვის საჭირო პირობებს. განვითარებულ საგარეო ვაჭრობას არ შეიძლებოდა წარმოექმნა ერთიანი შინაგანი ბაზარი, ხოლო ვაჭრობა-მევახშეობის გზით მიღებული ფულადი კაპიტალი გადაზრდილიყო სამრეწველო კაპიტალში. კ. მარქსი შენიშნავდა: „აზიური ფორმების არსებობისას მევახშეობას შეიძლება ადგილი ქონდეს ძალიან დიდხანს ისე, რომ მან სხვა არა გამოიწვიოს რა, გარდა ეკონომიური დაცემის და პოლიტიკური გათახსირებისა“⁴.

საგარეო ვაჭრობამ იმთავითვე კოლონიური ხასიათი მიიღო. საამისო პირობებს ქმნიდა უმთავრესად ძვირფასეულით ვაჭრობა, აღმოსავლური საქონლის დაბალ ფასებში შესყიდვა, გზებზე ვაჭრობა-მოგზაურობის საშიშროება, უცხო ეროვნების ვაჭართა ფენის არსებობა, კაპიტულაციები, რომელთაც მნიშვნელოვანწილად მოუწინააღმდეგებდა ნიადაგი ოსმალეთის კოლონიურ დაკაბალებას.

ვაჭრობისა და ხელოსნობის განვითარებას უღიდეს დაბრკოლებას უქმნიდა „ბარბაროსული ფეოდალიზმი“, ექსპლოატაციის ბასკაკური წესის ბატონობა, ფეოდალთა ძალადობა და თვითნებობა.

ხელოსნები აქტიურად მონაწილეობდნენ სოციალურ მოძრაობებში, რომელნიც აშკარად ანტიფეოდალური ხასიათის მატარებელი იყვნენ. დამახასიათებელია, რომ ხელოსანთა რელიგიური წარმოდგენები აშკარად შიიტობისადმი ამკლავებდნენ მიდრეკილებას. ამით ისინი, ისევე როგორც გლეხთა მოძრაობების მონაწილენი, უპირისპირდებოდნენ არსებული წყობილების იდეოლოგიურ დასაყრდენ სუნას სარწმუნოებას, გაბატონებული კლასის გაბატონებულ რელიგიას.

სოციალური მოძრაობანი ოსმალეთში განუხრელად ვითარდება XV—XVI საუკუნეებში. მასში აქტიურად მონაწილეობენ ქალაქებიც. მაგრამ ქალაქებში არ არსებობდა ის საზოგადოებრივი ფენი, რომელიც დაინტერესებული

¹ Gibb and Bowen, დასახ. ნაშრ., გვ. 282.

² ი ქვე.

³ ი ქვე, გვ. 288, შენ. 6.

⁴ კ. მარქსი. კაპიტალი, ტ. III, ნაწ. 2, გვ. 128.

იქნებოდა ძველი ეკონომიური პირობების შეცვლით და ახალ (ბურჟუაზიულ) საზოგადოებრივ ურთიერთობათა განვითარებით.

სოციალურ მოძრაობებზე გარკვეულ გავლენას ახდენდნენ დერვიშული ორდენები, რომელნიც თანდათან სულთნის ხელისუფლებას დაუკავშირდნენ და თავიანთ გავლენას იყენებდნენ იმისათვის, რომ არ დაეშვათ სოციალური მოძრაობების ანტიფეოდალური ხასიათის გაძლიერება.

§ 6. სოციალური მოძრაობები ოსმალეთში

ოსმალთა სახელმწიფოს არსებობის თითქმის მთელ მანძილზე განუწყვეტელი აჯანყებები იყო ქვეყნის ხან ერთ, ხან მეორე კუთხეში. ძალიან ხშირად ეს აჯანყებები ერთ ძლიერ აჯანყებად მოედებოდა ხოლმე მთელ სახელმწიფოს. კლასობრივი ბრძოლის ეს აქტიური ფორმა—აჯანყებები მიმართული იყო სასტიკი ფეოდალური ექსპლოატაციის წინააღმდეგ და მკაფიოდ გამოხატულ ანტიფეოდალურ ხასიათს იღებდა, თუმცა თითქმის ყოველთვის რელიგიურ სამოსელში იყო გახვეული¹.

გლებთა აჯანყებების პირველი დიდი ციკლი 1415—1420 წლებზე მოდის. ეს აჯანყებები შეიხ ბედრ-ედ-დინ სიმავის სახელთანაა დაკავშირებული, რადგანაც იგი ამ აჯანყებათა იდეური ხელმძღვანელი იყო და ერთ მათგანს უშუალოდაც მეთაურობდა.

ამ აჯანყებათაგან ყველაზე ძლიერი იყო ბედრ-ედ-დინ სიმავის მოწაფის ბურჟულუჯე მუსტაფას (დედე-სულთანი) აჯანყება, რომელმაც მთელი სამხრეთ-დასავლეთი ანატოლია მოიცვა. აჯანყებაში მონაწილეობას იღებდნენ როგორც თურქები, ასევე ბერძნები და ებრაელები. მხოლოდ ძალების დიდი დაძაბვით მოახერხა სულთნის მთავრობამ 1416 წელს ამ აჯანყების სისხლში ჩახშობა.

მეორე აჯანყება მოხდა იმავე ბედრ-ედ-დინ სიმავის მოწაფის თორლაქქემალის მეთაურობით. ეს აჯანყებაც დიდი სისასტიკით ჩააქრეს სულთნის ჯარებმა.

მესამე აჯანყებას, რომელიც ვლაჰეთში მოეწყო. თვით ბედრ-ედ-დინ სიმავე ხელმძღვანელობდა. ეს აჯანყება 1420 წელს ჩააქრეს და ბედრ-ედ-დინი სიკვდილით დასაჯეს. მიუხედავად იმისა, რომ გლებთა აჯანყებები თითქმის ერთსა და იმავე დროს მოხდა, ისინი მაინც იზოლირებული იყვნენ ერთმანეთისაგან. მათ თავის დროზე არ დაუპირეს მხარი მეზობელი ვილაიეთების გლებებმა.

ეს აჯანყებები გამოწვეული იყო გლებთა სასტიკი ფეოდალური ექსპლოატაციით, და თუმცა ისინი რელიგიურ საბურველში იყვნენ გამოხვეულნი, აშკარად ანტიფეოდალური ხასიათისანი იყვნენ. ისინი მიმართული იყვნენ ქვეყნის ფეოდალიზაციის წინააღმდეგ. აჯანყებული გლებები მოითხოვდნენ თემური მიწისმფლობელობის აღდგენას, ფეოდალების მიწებისა და ქონების გლებებს შორის გაყოფას.

¹ В. А. Гордлевский. Внутреннее состояние Турции во второй половине XVI века, Труды ИВ, сб. 2, 1940, стр. 90.

გლებთა ძლიერი აჯანყებები დაიწყო XVI საუკუნეში. ამათგან აღსანიშნავია 1511—1512 წლებში აჯანყება შაჰ-ყულისა. აჯანყების მეთაურს ოსმალებმა მეტსახელად შაი თან-ყული უწოდეს.

გლებთა ძლიერი აჯანყება მოხდა სელიმ I-ის დროს (1512--1520). ეს აჯანყება იმითაა აღსანიშნავი, რომ მას ხელმძღვანელობდა გლები სახელად ნურალი. აჯანყებაში აქტიური მონაწილეობა მიიღეს ლაზმა გლებებმაც. ხშირად ანტიფეოდალური აჯანყება ანტიოსმალურ ელფერს იღებდა, ოსმალთა დამპყრობლების წინააღმდეგ განმათავისუფლებელი მოძრაობის ხასიათსაც ატარებდა; და ეს იმის გამო, რომ მწარმოებელი საზოგადოების დიდს უმეტესობას ოსმალეთში დამპყრობილი მოსახლეობა შეადგენდა.

ნურალის აჯანყებას უშუალოდ მოჰყვა 1519 წელს გლებთა აჯანყება შეიხ ჯელალის მეთაურობით. აჯანყებამ მოიცვა თოქათისა და ყარაჰისარის რაიონები. აღსანიშნავია, რომ აჯანყების მონაწილეებს ჯელალებს უწოდებდნენ. ჯელალები შემდეგ აჯანყებულთა საერთო სახელად იქცა.

სულთან სულიმან კანუნის დროს გლებთა აჯანყებები განუხრელად იზრდებოდა. განუწყვეტელმა ომებმა გლების მეურნეობა გააჩანაგა; „გლებობაში მთავრობა ხელავს მხოლოდ გადასახადების გადამხდელს; მან გლები ფეოდალს მიანდო და ჰგონია, რომ სუნიტობის მლიარებელ მოსახლეობას ყველაფერი რიგზე აქვს“¹. სინამდვილეში კი, ფეოდალები განუკითხავად პარპაშობდნენ და გლებობას აიძულებდნენ მორჩილად ეზიდათ გადასახადების მძიმე ტვირთი. მოთმინების ფიალა ივსებოდა და გლებობაც ხმას იმალებდა. ამ შემთხვევაშიც გლებობას სათავეში უდგებოდნენ დერვიშთა შეიხები. მათ იცოდნენ, როგორ უნდა მიემხროთ გლებობა. ისინი თავს აცხადებდნენ მოციქულად, რომელსაც ქვეყნად სამართლიანობის დამყარება სურდა. გლებობაც მათ მიჰყვებოდა, აჯანყებას იწყებდა, რადგანაც „მოციქული“ მათ მიწის მიცემას პირდებოდა; ამგვარად, შეიხები კარგად სარგებლობდნენ გლებობის განწყობილებით².

1526 წელს მალათიას რაიონში დაიწყო გლებთა აჯანყება, რომელსაც ხელმძღვანელობდა კალენდერ-შაჰი, ბექთაშვიების შიიტური სექტის დამმარსებელი ჰაჯი-ბექთაშის საგვარეულოს წევრი. ისიც ფეოდალური ჩაგვრის წინააღმდეგ გამოდიოდა სექტანტური მოძღვრების დროში და თავს მოციქულად აცხადებდა³.

აჯანყებაში მონაწილეობა მიიღეს თურქებმა, აზერბაიჯანელებმა, თურქმანებმა, ქურთებმა. მართალია, კალენდერ-შაჰს პირადი ინტერესები ამოძრავებდა—იგი აღმოსავლეთ ანატოლიაში გაბატონებას აპირებდა, მაგრამ აჯანყების მონაწილეები ფეოდალური ექსპლოატაციის წინააღმდეგ იბრძოდნენ. გლებობა მიწის დარიგებასა და მძიმე გადასახადების შემცირებას მოითხოვდა; მეჯოგე ქურთები და თურქმანები—იმ საძოვრების დაბრუნებას, რომლებიც

¹ В. А. Гордлевский. Дахав, № 91.

² იქვე, გვ. 109.

³ Г. И. Ибрагимов. Крестьянские восстания в Турции в XV—XVI вв., Византийский временник, VII, 1953, гв. 143.

სულთანმა თავის მოხელეებს დაურია¹. ეს აჯანყებაც სასტიკად ჩააქრო სულთანმა. მაგრამ გლებთა აჯანყებები ამით არ შეწყდა. 1573 წელს მცირე აზიაში დიდმა აჯანყებამ იფეთქა შამს-ედ-დინის მეთაურობით. XVI ს-ის დამლევს კვლავ გაძლიერდა გლებთა აჯანყებები, რომელთაც ძლიერად შეარყიეს ოსმალეთის სახელმწიფოს საფუძვლები.

ქვეყნის პოლიტიკური კრიზისის, სოციალური ბრძოლისა და კლასობრივი წინააღმდეგობების მკაფიო გამოხატულება იყო ყარა იაზიჯისა და შემდეგ მისი ძმის, დელი ჰასანის აჯანყება, რომელშიც მონაწილეობა მიიღეს გლებებმა, წვრილმა და საშუალო ფეოდალებმა, „ფირარი“-ებმა, მეჯოგე ტომებმა. აჯანყებულთა ძირითადი მასა გლებობა იყო, რომელიც გაზრდილი გადასახადების, ფეოდალური ექსპლოატაციისა და სულთნის მოხელეთა თვითნებობის წინააღმდეგ იბრძოდა. განუწყვეტელმა ომებმა და მასთან დაკავშირებულმა სახელმწიფო ვალდებულებებმა (გლებები თავიანთი ურმებით გამოაქვდათ ლაშქრისათვის სურსათ-სანოვავის მისაწოდებლად, გზების გასაყვანად, ან შესაკეთებლად, ციხე-სიმაგრეების გამაგრებისათვის საჭირო სამუშაოების შესასრულებლად და სხვ.), მიწისმფლობელთა ძალადობამ, გადასახადებისა და ფეოდალურ ვალდებულებათა ზრდამ, რაც უშუალოდ იყო დაკავშირებული ომებიდან შემოსავლის შემცირებასთან, სრულს გაჩანაგებამდე მიიყვანა გლებს მეურნეობა. ყველა ამან გლებობის მნიშვნელოვანი ნაწილი დარაზმა არსებული წყობილების წინააღმდეგ; გლებთა აჯანყებამ, განსაკუთრებით მისი მსვლელობის პირველ პერიოდში, ანტიფეოდალური ხასიათი მიიღო.

სიფაპიებიც გარკვეული მიზეზების გამო მონაწილეობდნენ აჯანყებაში. სიფაპიები იბრძოდნენ სამხედრო ლენების შენარჩუნებისა და ამასთან დაკავშირებული პრივილეგიებისათვის, სულთნის მთავრობის, სახელმწიფოს დიდ-მოხელეების და მსხვილი ფეოდალების წინააღმდეგ. „ფირარი“-ებს აჯანყებაში მონაწილეობის გარდა სხვა გამოსავალი არ ჰქონდათ. „1596 წელს გამოქვეყნებულმა ბრძანებამ, რომ ფრონტიდან გაქცეულები ყველანი სიკვდილით უნდა დაესაჯათ შეპყრობის ადგილზე, დეზერტირები ავტომატურად ჩააყენა სულთნის მოწინააღმდეგეთა ბანაკში; ისინი ყარა იაზიჯის აჯანყებას შეუერთდნენ და მის სამხედრო დასაყრდენად იქცნენ“².

მეჯოგე ტომები, თავის მხრივ, იბრძოდნენ სულთნის მთავრობის იმ ღონისძიებათა წინააღმდეგ, რომელნიც მიზნად ისახავდნენ მათს დამორჩილებას და ფეოდალური ექსპლოატაციისადმი დაქვემდებარებას. მათზე გადასახადების გაწერა ახლა ჩვეულებრივი ხდებდა. ამას კი ვერ ურიგდებოდნენ პატრიარქალური წყობის ტრადიციებთან ჯერ კიდევ მკიდროდ დაკავშირებული ტომები. ტომობრივი ორგანიზაცია მათ ძალას აძლევდა და უპირატესობას ანიჭებდა მიწათმოქმედ გლებობასთან შედარებით. ისინი სასწრაფოდ

¹ Г. И. Ибрагимов. Крестьянские восстания в Турции в XV—XVI вв., Византийский восток, VII, 1953, стр. 144.

² А. С. Тверитинова. Восстание Кара Языджи—Дели Хасана в Турции М.—Л., 1946, стр. 64.

აიყრებოდნენ ხოლმე და სხვა საძოვრებზე მიდიოდნენ. საძოვრების საკითხი მათთვის დიდ როლს თამაშობდა და ამ ნიადაგზე მომთაბარე მეჯოგეებსა და სულთნის მთავრობას შორის ხშირი იყო შეჯახებანი¹.

აჯანყებაში ზოგიერთი მსხვილი ფეოდალის მონაწილეობა, გვაქვს საფუძველი ვიფიქროთ, აიხსნება ჯერ ერთი აჯანყების ანტიფეოდალური ხასიათის შესუსტების სურვილით, რაც მათ ნაწილობრივ შეძლეს კიდევ, ხოლო მეორე მხრივ აჯანყების თავიანთ სასარგებლოდ გამოყენებას ისინი აპირებდნენ სულთნის ხელისუფლების შესუსტებისათვის და განკერძოებისათვის წარმოებული ბრძოლის წარმატების უზრუნველსაყოფად.

მართალია, ყარა იაზიჯი—დელი ჰასანის აჯანყება გლეხთა აჯანყება იყო, როგორც მონაწილეთა ძირითადი მასის შემადგენლობით, ისე აჯანყების წინაშე მდგარი ამოცანების მიხედვით, მაგრამ იგი ვიწრო კლასობრივი ინტერესებისათვის გამოიყენეს აჯანყების სათავეში მდგარმა წვრილმა ფეოდალებმა და მხედრებმა².

გლეხობას ისედაც არ შეეძლო აჯანყების წარმატებით დამთავრება. გლეხთა ეს აჯანყებაც სტიქიური და ლოკალური ხასიათის მატარებელი იყო. ხსენებულ აჯანყებაში გლეხობამ ისიც კი ვერ შეძლო, რომ საკუთარი წილიდან გამოეყო ნამდვილი გლეხთა ბელადები, სწორედ მაშინ, როდესაც აჯანყებამ კულმინაციურ წერტილს მიაღწია და ფართოდ გავრცელდა, როდესაც აჯანყებულთა ხელში აღმოჩნდა თითქმის მთელი ანატოლია, აჯანყების სათავეში მდგარმა დელი ჰასანმა თავის თანამოაზრეებთან ერთად ხალხის ინტერესები გაყიდა, მთავრობის მხარეზე გადავიდა და აჯანყება უხელმძღვანელოდ დატოვა³.

გლეხთა ამ გრანდიოზულ აჯანყებას (1599—1603), რომელიც ლოგიკური დასასრული იყო XVI სუკუნეში მთელი ქვეყნის მომცველი მღელვარებებისა⁴, უკვალოდ არ ჩაუვლია მან მნიშვნელოვნად შეარყია სულთნის ხელისუფლება და ოსმალთა სახელმწიფოს საფუძვლები.

ოსმალეთის გლეხთა აჯანყებები მარცხდებოდა, მაგრამ რადგანაც აჯანყებების გამომწვევი მიზეზები ისევ არსებობდა, ამიტომ ამის შემდეგაც არაერთხელ აეარდნილა გლეხთა აჯანყებების ცეცხლი ქვეყნის სხვადასხვა კუთხეში. ამათგან ყველაზე ძლიერი იყო კალენდერ-ოღლუს (1606) და ჯანფოღად-ოღლუს (1607) აჯანყებები.

გლეხები იყენებდნენ კლასობრივი ბრძოლის პასიურ ფორმასაც—აყრა-გაქცევას. საამისო ცნობები კოჩი ბეის ორსავე „რისალე“-შიც მოიპოვება.

გლეხთა პასიური აყრა-გაქცევა განსაკუთრებით გახშირდა იმ დროს, როდესაც ოსმალთა სახელმწიფო დაცემის გზას დაადგა. გლეხები აიყრებოდნენ ხოლმე თავის მიწებიდან და გარბოდნენ, თუმცა ეს მძიმე ტვირთად

¹ В. А. Гордлевский. *დასახ. ნაშრ.*, გვ. 93.

² А. С. Тверитинова. *Восстание Кара Лянджи—Дели Хасана в Турции*, გვ. 78.

³ იქვე.

⁴ В. А. Гордлевский. *Внутреннее состояние Турции во второй половине XVI века*, Труды ИИВ, 1940, сб. 2, გვ. 89.

აწვებოდა დარჩენილებს, რადგანაც გაქცეულთა გადასახადები მათ უნდა გადაეხადათ. ამის შესახებ კოჩი ბეი წერს: „გლენებმა თავისი სოფლები დატოვეს და გაიქცნენ. მაგალითად, ერთ სოფელში ათი სახლი იწერებოდა შემდეგ გლენები გაიქცნენ და ერთი სახლი დარჩა. ავარიზის ამკრეფი რომ მოდის, ამ სოფელში ათი სახლი არის ჩაწერილი (ანბობს) და ათი სახლის ავარიზს იღებს“¹.

აუტანელი ფეოდალური ექსპლოატაცია გლენების აყრა-გაქცევას ახშირებდა. გლენები გარბოდნენ უკეთესი ცხოვრების საძებნელად, მაგრამ ყველგან სასტიკი ჩაგვრა ხდებოდათ. იშვიათი შემთხვევა არ იყო გაპარტახებული და გაუკაცრილებული სოფლები: „მრავალი სოფელი ჩაგვრელთა შევიწროებისაგან გაპარტახდა და გაუკაცურდა, მათი მოსახლეობა გაიფანტა, გაიქცა და მათ არც სახელი დარჩა და არც ნიშანი“², წერს ოსმალეთის ძლიერების დაცემით შემოთავებული კოჩი ბეი გორრიჯელი.

გლენთა აყრა-გაქცევა რომ ფეოდალური ექსპლოატაციით იყო გამოწვეული ამას თვით იმდროინდელი პოლიტიკური მოღვაწეებიც ამჩნევდნენ და ეს ამბავი უფრო დამაჯერებლად ასაბუთებს გლენების მძიმე მდგომარეობის არსებობას. კოჩი ბეი გორრიჯელი გამოთქვამს შეხედულებას (ისე, რომ არსად არ სცილდება და არ ღალატობს ფეოდალურ თვალსაზრისს), რომ გლენთა მდგომარეობის გაუმჯობესების შედეგად უზრუნველყოფილი იქნეს სახელმწიფო შემოსავლის ძველ დონეზე შენარჩუნება. ერთი სიტყვით, გლენი უნდა დაუბრუნდეს დაცარილებულ სოფელს და გადასახადების ნორმალური აკრეფის პირობებში, გაიზარდოს სახელმწიფოს შემოსავალი. ეს, მისი აზრით, აღკვეთს გლენთა აყრა-გაქცევას.

ოსმალური სამართალი გაქცეული გლენის ძებნას დიდ ვადას უდებდა. გაქცეული გლენი, სადაც კი იპოვნიდნენ, მოხელე-ფეოდალისათვის „საქმელად“ მიცემულ სოფელში უნდა დაებრუნებინათ. გლენი მტკიცედ იყო მიჯაჭვული მიწაზე. გადასახადის გადამხდელ გლენს გადასახადის გადახდამდე და, ფაქტიურად, შემდეგაც ადგილის გამოცვლის უფლება არ ჰქონდა. მაგრამ მძიმე ფეოდალურ ექსპლოატაციას უკიდურესობამდე მიყვანილი გლენი აჯანყებით ან აყრა-გაქცევით პასუხობდა. აჯანყებები და გლენის მიწიდან გაქცევა გახშირდა სწორედ XVII საუკუნეში, როდესაც ფეოდალური ექსპლოატაცია უზომოდ გაიზარდა.

§ 7. ოსმალეთი XVI—XVII საუკუნეთა მიჯნაზე

XVI ს-ის უკანასკნელ მეოთხედში ოსმალეთის სამხედრო-ფეოდალური სახელმწიფო დაქვეითების გზას დაადგა. ოსმალეთის სამხედრო ძლიერების დასუსტება გაპირობებული იყო სამხედრო-ლენური სისტემის კრიზისით.

¹ „...reaya küylerin bırakup kaçmışlardır. Meselâ bir köy on hane tahrir olmuştur, sonra reaya kaçup bir hane kalmıştır. Avarızcı vardıkda bu köyden on hane yazılmıştır deyil on hanenin avarızın alır“ (Köçi Bey Risalesi, İstanbul, 1939, გვ. 96).

² „...nice karye teuddü zalemeden harab ve yebab ve ahâlisi perişan ve girizan olup, namü nişanları kalmamıştır“ (იქვე, გვ. 54).

ოსმალეთის სამხედრო ძლიერების შესუსტება, რაც გამორიცხავდა ახალი ქვეყნების დაპყრობას და, ამასთან, გაპირობებული იყო შინაგანი და საგარეო ფაქტორებით, არ შეიძლებოდა უშუალოდ არ შეხებოდა სამხედრო-ლენურ სისტემას და თავის მხრივ არ გაეძლიერებინა მისი კრიზისი. სამხედრო-ლენური სისტემის კრიზისი წარმოადგენს გასაღებს ოსმალეთის დაცემა-დაქვეითების მიზეზების გასაგებად. თავისთავად ცხადია, რომ დამლისა და რღვევის პროცესი ოსმალთა სახელმწიფოში იმ მომენტში უნდა დაწყებულიყო. როდესაც სულთანსა და მის ფეოდალებს დაპყრობა-მიტაცება აგრე აღვილად აღარ შეეძლოთ, ხოლო როდესაც დასაპყრობი აღარაფერია, მაშინ საჭიროა წარმოების დაწყება¹. ოსმალეთში კი წარმოებისათვის საჭირო პირობა არ არსებობდა².

სამხედრო-ლენური სისტემა, რომელიც ოსმალეთის სამხედრო ძლიერების საფუძველი იყო, თანდათან კარგავდა თავის მნიშვნელობას. წინათ მკაცრად იცავდნენ სამხედრო საკარგავების ფლობის მემკვიდრეობით უფლებას. სამხედრო საკარგავები—თიმარები და ზემეთები მამიდან შვილზე გადადიოდა და ისიც იმ შემთხვევაში, როდესაც შვილი სამხედრო სამსახურისათვის გამო-სადეგი იყო. თიმარებსა და ზემეთებს ფლობდნენ მხოლოდ სამხედრო ფეო-დალები. XVI საუკუნის მეორე ნახევრიდან კი თიმარები და ზემეთები ქრთამების, ნაცნობობისა და ინტრიგების საშუალებით ხელში უფარდებოდათ ახლად დაწინაურებულ და გაფეოდალებულ პირებს. სხვადასხვა საშუალებით სულთნის კარზე ახლად აღზვევული პირები მიწის ფლობასთან დაკავშირ-ებულ სამხედრო ვალდებულებას აღარ ასრულებდნენ, სამაგიეროდ ამ მიწების შემოსავალს პირადი მოთხოვნილებებისათვის იყენებდნენ. მიწების დატაცება-ში მათ არც პროვინციის გაძლიერებული ფეოდალები—ბეგლარბეგები და სანჯაყბეგები ჩამოუვარდებოდნენ. „ზეამეთები და თიმარები დიდმოხელეებმა შთანთქეს“³—წერს წვრილ და საშუალო ფეოდალთა იდეოლოგი კოჩი ბეი გარაიჯელი თავის ტრაქტატში. დიდმოხელეები თავისი მსახურებისა და ხშირად მონების სახელზეც კი აფორმებდნენ სამხედრო საკარგავებს, შემოსავალს კი თვითონ ითვისებდნენ. კოჩი ბეი გარაიჯელის ცნობით ბევრ დიდმოხელეს 30—50 თიმარი ჰქონდა მიტაცებული⁴. ასეთი თიმარებიდან კი, ბუნებრივია, ფეო-დალური ლაშქრის გამომყვანი არავინ იყო. ამას გარდა, სახელმწიფო მიწების ფონდიდან ბევრი მიწა საეკპრო-სავახშო კაპიტალის ხელში გადადიოდა⁵.

სამხედრო საკარგავების დატაცებას ხელს უწყობდა სულთან სულეიმან I კანუნის 1530 წლის ბრძანებით შემოღებული ახალი წესი. თუ წინათ სამხედრო ლენებს ვილაიეთების განმგებლები ურიგებდნენ მათი საგანგებოების და ამღე-ნად, მათთვის კარგად ცნობილ ფეოდალებს, რომელთაც სამხედრო სამსახური

¹ Архип К. Маркса и Ф. Энгельса, кн. I, 1930, гл. 248.

² კ. მარქსი. კაპიტალი, ტ. III, ნაწ. II, 1934, გვ. 128.

³ Koçi Bey Risalesi. İstanbul, 1939, გვ. 38.

⁴ იქვე, გვ. 39.

⁵ А. С. Тверитникова. დასახ. ნაშრ., გვ. 27.

შეეძლოთ, ახალი წესის მიხედვით სამხედრო ლენებს მხოლოდ სულთნის მთავრობა არიებდა. სახელმწიფოს ცენტრალიზაციისათვის გამიზნულმა ახალმა კანონმა შემდეგში უარყოფითი შედეგი გამოიღო. სასახლესთან დაკავშირებულ პირებს გაუადვილდათ სამხედრო ლენების ხელში ჩაგდება. სულთნის მთავრობის ასეთმა პოლიტიკამ დიდი უკმაყოფილება გამოიწვია პროვინციის ფეოდალებს შორის. განსაკუთრებით უკმაყოფილონი იყვნენ საშუალო და წვრილი ფეოდალები, რომლებიც კარგადნენ სამხედრო ლენებს და მსხვილი ფეოდალების ხელყოფისაგან შევიწროებული იყვნენ. სიფაპიები თავს ვალდებულად აღარ თვლიდნენ სალაშქროდ წასასვლელად; ომში მონაწილეობის მისაღებად ხშირად არც ისინი გამოდიოდნენ. ამიტომ ძალზე შემცირდა ფეოდალური ლაშქრის რიცხვი. 1630 წლისათვის მთელ სახელმწიფოში მხოლოდ შვიდი-რვა ათასი სიფაპი თუ გამოდიოდა ომში მონაწილეობის მისაღებად¹.

ამგვარად, უკვე სულთან სულეიმან I-ის დროს ხდება მიწების ერთგვარი გადანაწილება, რაც განსაკუთრებით გაძლიერდა XVI ს-ის უკანასკნელ მეოთხედში და რამაც თავისი პირდაპირი გამოვლინება ჰპოვა XVI—XVII სს. მიჯნაზე მომხდარ მოვლენებში.

მსხვილი ფეოდალები დაუსჯელად იტაცებდნენ საშუალო და წვრილი ფეოდალების მიწებს. ოსმალეთის ფეოდალური კლასის ყველაზე მრავალრიცხოვან ფენას კი სწორედ სიფაპიები—საშუალო და წვრილი ფეოდალები წარმოადგენდნენ. სიფაპი, რომელიც თავის დროზე ცენტრალური ხელისუფლების დასაყრდენი იყო, ახლა ოპოზიციაში უდგება სულთნის ხელისუფლებას.

სიფაპიები დაინტერესებული აღარ იყვნენ სამხედრო სამსახურით. ისინი უხალისოდ იღებდნენ ომში მონაწილეობას. მათ მასიურად იწყეს სამხედრო სამსახურისათვის თავის არიდება, რადგანაც ომში მონაწილეობა ძველებურად სასარგებლო აღარ იყო. ფეოდალური ლაშქრის შემცირების გამო სულთნის მთავრობა იძულებულია გაზარდოს დაქირავებული ჯარის რიცხვი. დაქირავებული ჯარის შენახვა კი მთლიანად სახელმწიფო ხაზინას დაეკისრა. მაგრამ სულთნის ხაზინა ცარიელი იყო. ჩვეულებრივ მოვლენად იქცა ჯარისათვის ჯამაგირის დაგვიანება. სულთნის მთავრობა ამოდ ცდილობდა ფინანსური კრიზისიდან თავის დაღწევას; უზომოდ ზრდიდა გადასახადებს, სისტემატურად მიმართავდა გადასახადების აკრეფის იჯარით გაცემას, მაგრამ სახელმწიფოს შემოსავალი სასახლისა და დაქირავებული ჯარის შენახვა-საც ვერ ასდიოდა. სულთანი მიმართავდა უხარისხო ფულის მოპოვის ხერხსაც, მაგრამ ეს დროებითი საშუალება კიდევ უფრო აძლიერებდა ფინანსურ ქაოსს. სულთანი ხსნასა და გამოსავალს ისევ დაპყრობითი ომების განგრძობაში ეძებდა, მაგრამ უმნიშვნელო წარმატებებით და ფაქტიურად უშედეგოდ წარმოებული ომები კიდევ უფრო ართულებდა და დაძაბულს ხდიდა ოსმალეთის ისედაც გართულებულ საშინაო და საგარეო პირობებს. გაქიანურებული-

¹ Koçi Bey Risalesi, İstanbul, 1939, გვ. 39.

ომებით, ცუდი კვებითა და ჯამაგირის დაგვიანებით უკმაყოფილო ჯარისკაცები მასიურად გარბოდნენ ბრძოლის ველიდან.

ყოველივე ამან ძალიან გაზარდა ე. წ. „ფირარი“-ების (firari — გაქცეული¹) რიცხვი. „ფირარი“-ები ეწოდებოდათ იმ მეომრებს, რომლებიც ბრძოლის ველიდან გარბოდნენ, ან საერთოდ არ ცხადდებოდნენ სალაშქროდ. მათს ერთ ნაწილს ის ყოფილი სიფაპიები შეადგენდნენ, რომლებსაც სამხედრო საკარგავები ჩამოერთვათ ომში მონაწილეობაზე უარისათვის; მეორე ნაწილი კი რეგულარული ჯარის დეზერტირებისაგან შედგებოდა. „ფირარი“-ების მოქმედება ერთგვარ პროტესტს წარმოადგენდა სულთნის მთავრობის წინააღმდეგ და მნიშვნელოვან სიძნელეებს უქმნიდა სახელმწიფოს.

დეზერტირობამ განსაკუთრებით ფართო ხასიათი მიიღო ავსტრიასთან ომის დროს 1593—1606 წლებში. 1596 წელს კერებზეშთან სისხლისმღვრელი ბრძოლის შემდეგ შემოწმებამ გამოარკვია, რომ თიბარებისა და ზეამეთების 30 ათასმა მფლობელმა აარიდა თავი ბრძოლას. გამოიკა სულთნის ბრძანება, რომლის მიხედვითაც ყველას უნდა ჩამორთმეოდა სამხედრო საკარგავები და სიკვდილით დასჯილიყვნენ. „ფირარი“-ებს აღარ გააჩნდათ მიწები, საარსებო საშუალება, მათ სიკვდილით დასჯა ემუქრებოდა და ამიტომ სულთნის მთავრობის მოწინააღმდეგეთა შორის ისინი ყველაზე ძლიერ ძალად იქცნენ. ანატოლიაში მათ გარშემო იკრიბებოდნენ სულთნის მთავრობით უკმაყოფილო ელემენტები².

XVI—XVII საუკუნეთა მიჯნაზე პოლიტიკური და ეკონომიური კრიზისი ოსმალეთში კიდევ უფრო მწვევალება. ამ დროს მეტისმეტად რთულდება ოსმალეთის საშინაო და საგარეო მდგომარეობაც; გამწვევდა სოციალური წინააღმდეგობანი, კიდევ უფრო დაძაბული გახდა შინაკლასობრივი და კლასობრივი ბრძოლა.

ოსმალთა სახელმწიფოს დაცემის პროცესს კიდევ უფრო აძლიერებდა აღზევებული ფეოდალების დამოკიდებულება ცენტრალური ხელისუფლებისადმი. სწორედ ამ ხანებში განსაკუთრებით გაძლიერდა მსხვილი ფეოდალების მიდრეკილება განკერძოებისადმი. ფეოდალთა სეპარატიზმის გაძლიერებას ხელს უწყობდა სულთნის ხელისუფლების შესუსტება, სახელმწიფოში შემავალი ქვეყნების სოციალური, ეკონომიური და კულტურული სხვადასხვაობა. XVII საუკუნის დასაწყისისათვის ისე შესუსტდა სულთნის ხელისუფლება, რომ ამ გარემოებას ყურადღება მიაქცია იმდროინდელმა მოღვაწემ კოჩი ბეი გორიჯელმა: ჯარი „სალაშქროდ მიდის, როცა მოესურვება, მორჩილება არ აქვთ, ხელისუფლების შიში და რიდი არ აქვთ“³. ცენტრალურ ხელისუფლებას ძველებურად აღარ მიუწვდებოდა ხელი პროვინციებზე. მთავრობა კარგად ვერ ერკვეოდა სახელმწიფოს სხვადასხვა მხარეში არსებული საქმეების ვითარებაში და ერთიმეორის საწინააღმდეგო ბრძანებებს აგზავ-

¹ შდრ. გურული—ფირალი.

² A. C. Тверитинова. დასახ. ნაშრ., გვ. 53.

³ „...istedikleri zaman ıfere giderler, itaat yok, tarafı saltanattan havfü bahşyet yok“ (დასახ. ნაშრ., გვ. 46).

ნიდა. ამიტომაც სულთნის ბრძანებებს არაფრად აგდებდნენ. „წინათ, რომელიმე მხარეში მალალი მთავრობის ბრწყინვალე ბრძანება რომ მოვიდოდა, იმ მხარის სოფლებში და ქალაქებში აურხაური ატყდებოდა და დიდსა თუ პატარას შიში და მოკრძალება მოიცავდა; ფადიშაჰის ფირმანი მოსულაო, ამბობდნენ და ყურს მიუშვერდნენ. ეხლა კი ბრძანებები და ბერათები რა საქმესაც არ უნდა ეხებოდეს—უქმია. ერთიმეორეს საწინააღმდეგო მისი უდიდებულესობის ბერათები და დადგენილებანი წელიწადში ათასი იწერება“¹. ამიტომ სულთნის ბრძანებებს, აღნიშნავს კოჩი ბეი, აღარავინ ენდობოდა და არც ასრულებდა.

სულთანი და დიდგვზირი სათამაშოდ იქცნენ კარის დიდმოხელეთა და სასახლის კარისკაცთა ხელში, რომლებიც ოსმალთა სახელმწიფოს ფაქტიური განმგებლები იყვნენ. სასახლეში არსებული მსხვილი ფეოდალების დაჯგუფებანი საკუთარი ინტერესებისათვის იყენებდნენ იანიჩარებისა და სიფაპიების მღელვარებებს. რეგულარული ჯარისა და განსაკუთრებით იანიჩარების დამორჩილება სულ უფრო უქირდა სულთანს. ყოველი სულთნის ტახტზე ასვლისას იანიჩარები სულ უფრო მეტ საჩუქარს მოითხოვდნენ. მათ ნება-სურვილზე იყო დამოკიდებული ჯარის მეთაურების, სახელმწიფო მოხელეების დანიშვნა და თვით სულთნის ტახტზე ასვლაც კი. მსხვილ ფეოდალებსა და მემამობე იანიჩარებს თავიანთი ნება-სურვილის მიხედვით აჰყავდათ ხოლმე ტახტზე მათთვის სასურველი სულთნები და ასევე ადვილად აგდებდნენ ტახტიდან არასასურველ სულთნებს. მთელი რიგი საბეგლარბეგობები ფაქტიურად სულთანს აღარ ემორჩილებოდნენ; ყოველ შემთხვევაში მხოლოდ ფორმალურად სცნობდნენ განკარგობული ბეგლარბეგობი სულთნის უზენაესობას. აღზევებული ფეოდალები დაინტერესებული აღარ იყვნენ სულთნის ხელისუფლების გაძლიერებით და მათი სეპარატიზმი კიდევ უფრო ასუსტებდა სახელმწიფოს.

საამისო კარგი მაგალითია ყარა იაზიჯი—დელი ჰასანის აჯანყება (1599—1603). ყარა იაზიჯი—დელი ჰასანის აჯანყებაში უშუალო მონაწილეობას იღებდა ამისინის ყოფილი ბეგლარბეგი ჰუსეინ ფაშა. აჯანყებულებს ეხმარებოდნენ ამისინის ბეგი იბრაჰიმი, სივასის ბეგლარბეგი ჩერქეს მაჰმუდ ფაშა და სხვები. სახელმწიფოს განაპირა რაიონებში და თვით მცირე აზიაშიც მორჩილებიდან გამოდიოდნენ ვილაიეთების ბეგლარბეგობი, სანჯაყბეგობი, სარდლები. მათი სეპარატიზმი პირველ ყოვლისა იმაში გამოიხატებოდა, რომ ზოგი სხვადასხვა გარემოებათა მომიზეზებით დედაქალაქში არ გზავნიდა აკრეფილ გადასახადებს, ზოგიც საერთოდ არ ცნობდა ცენტრალურ ხელისუფლებას; ასე იქცეოდნენ ერზერუმის და ყარაამანიის ფაშები.

პროფ. ნ. ა. სპირნოვის მოყავს რუსეთის ელჩების ცნობა, საიდანაც ჩანს, რომ XVI საუკუნის დამლევს ყარაამანიაში იჯდა სკრივან-ფაშა, რომელსაც ემორჩილებოდნენ და გადასახადებს უგზავნიდნენ თითქმის მთელი ანატო-

¹ „Mukaddoma bir diyara tarafı saltanatı Aliyyeden bir emri Şerif varıd olsa ol diyarin kura ve kasabatına velvele ve sağırü kebirine havfı heybet ünşup fermanı padişahi varıd olmuş deyü herkes kulak tutardı. Şimdi her hususa müteaddid evamir ve berevat rayegan' olup, birbirine muhalif yılda bin beratı Hümayun ve mukarrername yazılıp...“ (K o ç i B e y R i s a l e s i, გვ. 39).

ლის ბეგლარბეგები¹. დიდი ფეოდალები სასახლის კარზეც თვითნებობდნენ; გაიხრწნა სახელმწიფო აპარატი, სულთნის მოხელეთა მექრთამეობამ, თვითნებობამ და სასახლის კარის ინტრიგებმა უკიდურეს წერტილს მიაღწია.

იანიჩართა თვითნებობას საზღვარი არ ჰქონდა. მათ შორის დისციპლინა ისე დაეცა, რომ ხშირად ომში წასვლის პირობად ისინი ჯამაგირის მომატებას წოითხოვდნენ ხოლმე. მრავალი წარჩინებული იანიჩარი დიდ სახელმწიფო მოხელეებს ემსახურებოდა და ჯამაგირს კი ხაზინიდან იღებდა. კოჩი ბეი გრორიჯელის სიტყვით სწორედ ესენი იყვნენ არეულობათა და აჯანყებების მომწყობნი². აღარ იყო დაცული ძველი წესი, რომლის მიხედვითაც იანიჩარებს სტამბოლში, ედირნესა და ბურსაში, ან ამ ქალაქების სანახებში უნდა ეცხოვრათ. ისინი მთელ ქვეყანას მოედევნენ და დაიწყეს სიფაჰიების მიწების დატაცება³. ამით ისინი ფეოდალურ ლაშქარსაც ასუსტებდნენ და თვითონაც გაფეოდალებულ მასად იქცეოდნენ, მხოლოდ იმ განსხვავებით, რომ სალაშქროდ გამოსვლას თავის მოვალეობად არ სთვლიდნენ. XVI საუკუნის მეორე ნახევრიდან დაიწყო და XVII საუკუნეში ფართოდ გავრცელდა იანიჩართა მიერ გადასახადების ამკრეფთა მოვალეობის შესრულება⁴, რადგან გადასახადების აკრეფა ომში მონაწილეობასთან შედარებით ხელსაყრელი იყო. ისინი განუკითხავად პარაზობდნენ სოფლებში და ძარცვავდნენ გლეხებს. მრავალი ჯანღონით სავსე იანიჩარი ქრთამების საშუალებით ახერხებდა ინვალიდთა კატეგორიაში მოხვედრას და გადიდებულ ჯამაგირს იღებდა ხოლმე.

ასეთი იანიჩარები, რომლებიც „ინვალიდობისათვის“ ომში მონაწილეობას არ იღებდნენ, 10.000 კაცი იყო⁵ XVII საუკუნის 30-ან წლებში. იანიჩართა მეთაურები დისციპლინას აღარ იცავდნენ. ისინი გარდაცვლილი იანიჩარების ჯამაგირს თვითონ იღებდნენ, ან სხვადასხვა პირებზე ჰყიდდნენ ჯამაგირის მიღების უფლებას. „ხუთი-ექვსი ათასი კაცია, რომლებიც მათი ხელქვეითების სახელით ჯამაგირს იღებენ. არავინ კითხულობს და იძიებს ვინ ხარ, საიდან მოსულხარ?“⁶ წერს კოჩი ბეი. იანიჩართა მეთაურების ადგილების დასაკავებლად ქრთამების მიცემა გახშირდა და ამან მეთაურების გაუთავებელი გადაადგილება გამოიწვია⁷.

ასეთი ჯარი, რა თქმა უნდა, სულთნისათვის საიმედო დასაყრდენი ვერ იქნებოდა, ვერც საკუთარ ქვეყანაში „წესრიგის აღსადგენად“ და ვერც მეზობელ ქვეყნებთან ომებში, რადგანაც იანიჩარები თვითონ იყვნენ ასალაგმავი. სულთანის უძლური იყო იანიჩარების წინაშე; მას აღარ შეეძლო ძველებურად დაეპირისპირებინა მათთვის სიფაჰიები, რადგანაც აღარც სიფაჰიები იყვნენ სულთნის

¹ П. А. Смирнов. Россия и Турция в XVI—XVII вв., т. I, 1946, стр. 156.

² K o ç i B e y R i s a l e s i, İstanbul, 1939, стр. 31.

³ იქვე, 83-42.

⁴ იქვე, 83-43.

⁵ იქვე, 83-45.

⁶ „Beş altı bin âdem vardır ki, il esamisi ile ulûfe alırlar. Sorar, izler yok. Son mesin, nereden geldin? der yok“ (იქვე, 83-42).

⁷ იქვე, 83-45.

ერთგულები. შეუძლებელი იყო იანიჩართა კორპუსის რეორგანიზაცია; იანიჩარები არ თმობდნენ ტრადიციულ სამხედრო ორგანიზაციას. მაგალითად, როგორც კი დააპირა ოსმან II-მ (1618—1622) იანიჩართა კორპუსის რეორგანიზაცია, რათა იგი უფრო ბრძოლისუნარიანი გაეხადა, იანიჩარები დაუყონებლივ აჯანყდნენ; მათ მხარი დაუჭირა ფეოდალურმა რეაქციამ და დიდვზირი და სულთანი დახოცეს.

ოსმალეთის საშინაო მდგომარეობის გართულებას აღებულ ხანაში თან სდევს საგარეო მდგომარეობის გართულებაც. ოსმალეთის შთავარი მეტოქე ქვეყნები ძლიერდებოდნენ და ბურჟუაზიული განვითარების გზაზე იდგნენ. ევროპაში წარმოიქმნა ნაციონალური და ცენტრალიზებული სახელმწიფოები. ევროპის დაწინაურებული ხალხები ერებად ყალიბდებოდნენ. წინ მიდიოდა ევროპის სამხედრო ტექნიკაც. ოსმალეთი კი წარმოადგენდა კონგლომერატს, ქვეყანას, სადაც თურქები მხოლოდ ოკუპანტები იყვნენ. დაპყრობილი ხალხები ბრძოლას განაგრძობდნენ დაკარგული დამოუკიდებლობის აღსადგენად და ოსმალთა ბატონობის მძიმე უღლის გადასაგდებად. მარცხით დამთავრდა აგრეთვე ოსმალთა ასიმილაციურების ცდა—დაპყრობილი ხალხების გათურქება-გაოსმალეობა.

ოსმალეთი იძულებული იყო სათანადო ანგარიში გაეწია, აგრეთვე ახალი ფაქტორისათვის, რომელმაც XVI—XVII სს. მიჯნაზე არსებითად შეცვალა ძალთა თანაფარდობა მახლობელი აღმოსავლეთის საერთაშორისო ურთიერთობაში. ეს ფაქტორი იყო რუსეთის აქტიური გამოსვლა კავკასიისა და მახლობელი აღმოსავლეთის პოლიტიკის ასპარეზზე.

XVI ს-ის 80-ან წლებში ჩრდილოეთ კავკასიაში აქტიურ მოქმედებას იწყებს რუსეთი, რომელიც XVI—XVII საუკუნეების განმავლობაში ოსმალეთის შემოსევების წინააღმდეგ იბრძოდა. ეს ბრძოლა „რუსეთის ხალხისათვის მონღოლთა შემოსევის წინააღმდეგ ტრადიციული ბრძოლის გაგრძელებას წარმოადგენდა“¹. ირან-ოსმალეთის ომმა (1578—1590) რუსეთს ბიძგი მისცა. აქტიურად ჩარეულიყო მთელი კავკასიის საქმეებში. თუმცა ჩრდილოეთ კავკასიაში რუსეთის მოქმედება მიმართული იყო როგორც ოსმალეთის, ისე ირანის წინააღმდეგ, მაინც ოსმალეთის პოზიციები უფრო მეტად სუსტდებოდა. 1604 წელს რუსეთის დიდი ჯარი საშამხლოს შეესია, აიღო ტარკი და დაამარცხა ყუმუხები. „ირან-ოსმალეთის ომისას რუსეთის ეს აქტიური გამოსვლა უდიდესი მნიშვნელობის მოვლენა იყო. ამიერიდან ამიერკავკასიის ასპარეზზე ორი კი არა, სამი დიდი ძალა ექიშება ერთიმეორეს. ამიერკავკასიის ქრისტიან ხალხთათვის რუსეთი ამიერიდან მართლაც „უფრო ახლოს იყო“, ვიდრე სტამბოლი ან ყაზვინი“...²

¹ Н. А. Смирнов. დასახ. ნაშრ., გვ. 15.

² ნ. ბერძენიშვილი. რუსეთ-საქართველოს ურთიერთობის ისტორიიდან XVI—XVII საუკუნეთა მიჯნაზე, „მასალები საქართველოს და კავკასიის ისტორიისათვის“, ...ნაკვეთი I. 1944, გვ. 125.

ამიერიდან ამიერკავკასიის ხალხები რუსეთის დახმარებით კიდევ უფრო აძლიერებენ ბრძოლას ოსმალეთის და „ოსმალობის“ წინააღმდეგ. რუსეთმა უკვე იმ დროს მწარე დამარცხებანი აგემა აგრესიულ ოსმალეთს. თუმცა დიდი მასშტაბის ომებში რუსეთ-ოსმალეთის წინააღმდეგობანი მხოლოდ XVII საუკუნის მიწურულისა და XVIII საუკუნის დამდეგისათვის გადაიზარდა, მახლობელ აღმოსავლეთის საერთაშორისო ურთიერთობის ასპარეზზე რუსეთის გამოსვლამ დიდად გაუადვილა ბალკანეთისა და ამიერკავკასიის ქვეყნებს ოსმალეთის წინააღმდეგ განმათავისუფლებელი ბრძოლის წარმოება.

VI. ამიერკავკასიის ქვეყნები და მახლობელი აღმოსავლეთი

1. საბატონო და მახლობელი აღმოსავლეთი XIII—XVI საუკუნეებში

XIII საუკუნე წარმოადგენს მნიშვნელოვან ტეხილს კავკასიის და მახლობელი აღმოსავლეთის ხალხთა ისტორიაში.

მონღოლებმა შეწყვიტეს აღმოსავლეთის სამიწათმოქმედო კულტურის ხალხთა ფეოდალიზმის ნორმალური განვითარება. მონღოლთა ბატონობის შედეგად განმტკიცდა ნახევრადპატრიარქალური-ნახევრადფეოდალური წყობა აღმოსავლეთის კულტურულ ქვეყნებში.

მონღოლები ამ მხრივ თურქ-სელჩუკების მიერ დაწყებული საქმის გამგრძელებლები იყვნენ, ხოლო მონღოლების პოლიტიკის გამგრძელებლები—თურქმანები, ყიზილბაშები, ოსმალები...

ნომადური გადმოსახლების პირობებში სულ ერთიანად იცვლებოდა კულტურული ქვეყნების პოლიტიკური რუკა, ხოლო მეურნეობაში აგრძელებული იქნა ადგილის პირველყოფილი საძოვრები იქერდა.

ამიერკავკასიის და მახლობელი აღმოსავლეთის მიწებისათვის თურქ-სელჩუკების დროს (XI—XII სს.) დაწყებული ბრძოლის პროცესი ძლიერდება XIII—XIV საუკუნეებში (მონღოლ-თათართა ბატონობის ხანა), გადამწყვეტ წარმატებას აღწევს XV საუკუნეში (შაგბატქიან და თეთრბატქიან თუთქმანთა დროს), საბოლოოდ კი მთავრდება XVI საუკუნეში—ყიზილბაშ-ოსმალების აგრესიული ომების ხანაში.

XVI—XVIII სს. საქართველო გარემოცული იყო ისეთი სახელმწიფოებით, რომელნიც „ფეოდალური განვითარების უმდაბლეს, ბარბაროსულ საფეხურზე იმყოფებოდნენ“.

მახლობელი აღმოსავლეთის ქვეყნებთან საქართველოს უხსოვარ დროიდან ჰქონდა ურთიერთობა. ამასთან აღმოსავლურ სახელმწიფოთა მფლობელობა იშვიათი მოვლენა არ იყო ქართველი ხალხის ისტორიულ ცხოვრებაში. მაგრამ ისეთ არახელსაყრელ გარემოცვაში, როგორშიც ჩვენი ქვეყანა XVI ს-ში აღმოჩნდა, მანამდე არასოდეს ყოფილა.

ადრეფეოდალურ ხანაში საქართველოს მეზობლები, თითქმის უკლებლივ, სამიწათმოქმედო კულტურის ხალხები იყვნენ. XVI—XVIII საუკუნეებში კი აღმოსავლეთის ქვეყნების დიდი უმეტესობისათვის დამახასიათებელი იყო ექსტენსიური მეჯოგური მეურნეობა, რომელიც საუკუნეთა სიგრძეზე ყოველგვარი არსებითი ხასიათის ცვლილების გარეშე, ხელუხლებლად ტო-

ვებდა ნახევრადპარტიკულურ-ნახევრადფეოდალურ წყობას, ზოგან კი საგვარეულო ყოფაცხოვრებას¹.

განსხვავება, საგარეო პირობების თვალსაზრისით, ადრეფეოდალურ და გვიანფეოდალურ ხანას შორის სავსებით აშკარაა.

ფეოდალიზმის გარიერაზე საქართველოს საქმე აქვს სასანური ირანთან და ბიზანტიასთან. ორთავე სახელმწიფო აგრესიულად იყო განწყობილი საქართველოს მიმართ. მძიმე იყო მათი ხარკიც (თვითონ სიტყვა „ხარკი“ (საშ. სპ. „ხარაგ“) სასანური ირანის ბატონობის დროიდან ძველდრება ქართულში). მაგრამ ამ კულტურულად და ეკონომიურად დაწინაურებულ სახელმწიფოებთან შორეული მსგავსებაც არა აქვთ ყიზილბაშთა ირანის და ოსმალ-თურქების სახელმწიფოებს.

ენგელსი სასანური ირანის პოლიტიკურ ორგანიზაციას „სპარსეთის მონარქიის მოწყვსივრებულ სახელმწიფოს“ უწოდებდა². მარქსი ირონიულად „ბატკნების“ სახელით იხსენიებს XV ს-ის თურქულ-თურქმანულ პოლიტიკურ წარმონაქმებს მახლობელ აღმოსავლეთში.

სასანური ირანისათვის, სადაც ფეოდალური ურთიერთობა IV საუკუნეში ისახება და გამოკვეთილ სახეს VI საუკუნისათვის იღებს, ძირითადად სამიწათმოქმედო კულტურა იყო დამახასიათებელი. განვითარებული იყო ვაჭრობა-ხელოსნობაც. თანდათან ყალიბდება მიწის ფეოდალური საკუთრება. საწარმოო ძალების განვითარება ვეღარ უთავსდება ძველ წარმოების ურთიერთობას და ქვეყანა ფეოდალიზაციის გზას ადგება.

დიდად იყო განვითარებული კულტურისა და მეურნეობის მხრივ საქართველოს მეორე მეზობელიც — ბიზანტია.

აკად. ნ. ბერძენიშვილი სავსებით მართებულად შენიშნავს, რომ ამგვარ კულტურულ ხალხთა მოსახლეობის გავრცელების „ტენდენცია ხორციელდება კულტურული საზოგადოებისათვის ასატან ფორმებში. ურთიერთის მეზობელ ხალხებს შორის ამ ნიადაგზე მეტოქეობა, რაც ხშირად ომსაც-კი იწვევს, რომელსაც, შესაძლებელია, მოსაზღვრე ტერიტორიის დაპყრობა-წიადგუჯავს კი მოჰყავს ხოლმე, სრულყოფილ ნორმალურია: ის კატასტროფის არ მოასწავებს... მაინც და მაინც მეზობლობის ეს ფორმებიც ასე თუ ისე შეხამებულია იმ კულტურულ მეურნეობასთან, ამ მეზობლებს რომ გააჩნიათ“³.

¹ აღსანიშნავია, რომ თუ ადრეფეოდალურ ხანაში აღმოსავლური ენებიდან ქართულში შემოდის და მკვიდრდება უპირატესად საადგილმამულო ურთიერთობასთან დაკავშირებული ტერმინები (მაგ., საშუალო სარასულიდან: ხო და ბუნო, პარტახტი, ქარდაგი, ბეჯარა, მუჯირი და სხვ., რომელთა ტერმინოლოგიური მნიშვნელობა თანდათან ქართული ფეოდალური ურთიერთობით გაპირობებული შინაარსით შეიცვალა), სამაგიეროდ გვიანფეოდალურ ხანაში ქართულ ენაში შემოიხიზნა უპირატესად მეჯოგურ მეურნეობასთან დაკავშირებული მონოლოურ-თურქული ტერმინები (მაგ., ყაფჩერი, იათალი, შიშლიგი, ჩობანბეგი და სხვ.). დამახასიათებელია, რომ ეს ტერმინები დამოწმებულია კახურ და ქვემო ქართლის საბუთებში. მათ გავრცელება პოვეს საქართველოს სწორედ იმ კუთხეებში, სადაც ინტენსიურად წარმოებდა თურქულ-თურქმანული ტომების ჩამოსხრომა-ჩამოსახლება.

² K. Маркс и Ф. Энгельс. Соч., т. XXI, გვ. 494.
³ ნ. ბერძენიშვილი. ძველი თბილისის ტოპონიმიკიდან (აგარანი), გვ. 40.

კულტურით და მეურნეობით დაწინაურებული იყვნენ საქართველოს უშუალო მეზობლებიც: სომხეთი და ალბანეთი. ამიერკავკასიის ეს კულტურული ქვეყნებიც ფეოდალიზაციის გზაზე იდგნენ. მათი განვითარება ვერ შეაჩერეს ირან-ზიზანტიის გამანადგურებელმა ომებმა. თავისუფლებისა და დამოუკიდებლობისათვის საერთო ბრძოლაში გამოიქვედა განვითარებისათვის საჭირო პირობები. ამიერკავკასიის ქვეყნებში ვითარდება მიწისმოქმედება, ქალაქები (ფეოდალური), ვაჭრობა, ხელოსნობა.

არაბთა ბატონობამ უდიდესი დაბრკოლებები შეუქმნა მახლობელი აღმოსავლეთის ხალხთა შემდგომ განვითარებას, მაგრამ იმ დროს განვითარებულმა ნაკლებ განვითარებულს მაინც სძლია. დამპყრობელთა ერთი ნაწილი უფრო მაღალ და განვითარებულ სამეურნეო და სოციალურ ურთიერთობათა გავლენაში მოექცა. უმეტესობა (უპირატესად ჩრდილოეთის არაბები, ბედუინები) დიდხანს შერჩა მომთაბარულ ცხოვრებას და მეჯოგურ მეურნეობას ოოგორც დაპყრობილ, ისე განსაკუთრებით საკუთრივ არაბულ ქვეყნებში.

აღმოსავლეთის ისტორიული განვითარების თავისებურებათა შესწავლისას კ. მარქსი მიუთითებდა აღმოსავლეთის ყველა ხალხისათვის დამახასიათებელი მკვიდრბინადრული და მომთაბარული ცხოვრების თანაფარდობის ფაქტზე. კ. მარქსი აღნიშნავს: „ყველა აღმოსავლურ ტომში ისტორიის დასაწყისიდანვე ვამჩნევთ საერთო თანაფარდობას ამ ტომების ერთი ნაწილის მკვიდრბინადრობასა და მეორე ნაწილის მიერ განგრძობილ მომთაბარეობას შორის“¹.

აღნიშნული გარემოება განსაკუთრებით დამახასიათებელი ხდება აღმოსავლეთისათვის უფრო გვიან, როცა XI საუკუნიდან მოყოლებული მომთაბარეთა ტალღა ტალღას მოსდევს და ცენტრალური აზიიდან დაწყებული თანდათან ვრცელდება დასავლეთის მიმართულებით (შუა აზია, ირანი, კავკასია, მცირე აზია...).

ადრევეოდალურ ხანაში კულტურული ხალხების ენერგია ჯერ კიდევ არ იყო იმდენად შესუსტებული, რომ ვერ დაემსხვრიათ მათთვის შეუფერებელი და ქვეყნის წინსვლის შემაფერხებელი ორგანიზაცია.

ენობილია, სასანურ ირანში დაწყებული ფეოდალიზაციის პროცესი გაგრძელდა არაბთა სახალიფოში. აბასელთა სახალიფოს სახელმწიფო წყობილება, რომელიც IX — X საუკუნეებში დამოუკიდებელი ფეოდალური წარმონაქმნების ნიმუშად იქცა, ფაქტიურად წარმოადგენდა სასანური ირანის სახელმწიფოებრიობის ერთგვარ გაგრძელებას, ოღონდ, რა თქმა უნდა, უფრო ვრცელს ტერიტორიაზე და უფრო რთულს სოციალურ-ეკონომიურ პირობებში.

დაპყრობილმა კულტურულმა ხალხებმა სულ სხვა მიმართულება მისცეს სახალიფოს სამეურნეო და კულტურულ განვითარებას. მათ გავლენა მოახდინეს თვით ისლამზე. VIII ს-ის შუა ხანაში არაბთა სარწმუნოება მსოფლიო

¹ კ. მარქსი, ფ. ენგელსი. წერილები „კაპიტალის“ შესახებ, გვ. 47.

რელიგიად იქცა, ხოლო სპარსელებმა ისლამი გაასპარსულეს (შიას სარწმუნოება). „არაბული კულტურა“ დაპყრობილ ხალხთა კულტურული ძალების აქტიური მონაწილეობით ვითარდებოდა. პოლიტიკურ ასპარეზზე პირველობდნენ უპირატესად შუააზიელი და ირანელი ფეოდალები, რომელთაც აბასელთა დინასტიის გამარჯვება და ბატონობა მოუპოვეს.

აბასელთა ბატონობის ხანა ესაა შემდგომი ფეოდალიზაციის ხანა; ფეოდალური ურთიერთობის, მიწის ფეოდალური საკუთრების ახალი ფორმის („იქტა“) და ფეოდალური ინსტიტუტების ჩამოყალიბება-განმტკიცების ხანა. ყველაფერი ეს მიმდინარეობდა მწვავე კლასობრივი ბრძოლის პირობებში (აბასელთა დროს განსაკუთრებით ხშირდება გლეხთა აჯანყებანი, რაც ფეოდალური ექსპლოატაციის გაძლიერების პირდაპირ შედეგს წარმოადგენდა). ამას ზედ ერთოდა არაბთა ბატონობის წინააღმდეგ განმათავისუფლებელი ბრძოლის გაძლიერება. არაბთა წინააღმდეგ ბრძოლა სხვადასხვა ქვეყანაში სხვადასხვა ფორმით და იდეოლოგიით წარმოებდა.

არაბთა ერთიანი სახელმწიფოს ფეოდალური დაშლა მიმდინარეობდა სახალიფოს როგორც დასავლეთ, ისე აღმოსავლეთ ნაწილებში. განსაკუთრებით ძლიერი იყო ეს პროცესი იქ, სადაც ეკონომიური აღმავლობა-დაწინაურება არაბთა ადმინისტრაციულ ერთეულებში წარმოდგენილ ხალხებს შეკავშირება-გაერთიანების პირობას უქმნიდა. ეკონომიური აუცილებლობით გამოწვეულ გაერთიანებას არ შეიძლებოდა არ შეექმნა ქვეყნის წინსვლის საწინდარი, საწარმოო ძალების სწრაფი განვითარება.

ამრიგად, სახალიფოს ფეოდალური დაშლა წარმოადგენდა პროგრესულ მოვლენას. და ეს არა მარტო პოლიტიკური თვალსაზრისით, რამდენადაც ეს დაშლა არაბთა ბატონობის აღსასრულს მოასწავებდა, არამედ ეკონომიური თვალსაზრისითაც.

საერთო ეკონომიური და კულტურული აღმავლობა დამახასიათებელი იყო შუა აზიისათვის (მავერანანაპრი), ირანისათვის, სომხეთისათვის, აზერბაიჯანისათვის, საქართველოსათვის, წინა აზიის კულტურული ქვეყნებისათვის. სამართლიანად შენიშნავს აკად. ნ. ბერძენიშვილი „მაინც, რა ძლიერი აღმავლობის ეპოქა იყო არაბთა ერთიანი სახელმწიფოს ფეოდალური დაშლისა და საქართველოს პოლიტიკური გაერთიანების ხანა! არაბთა ერთიანი სახელმწიფოს ფეოდალური დაშლა ეს იყო დაპყრობილ კულტურულ ხალხთა გამარჯვება, იმდროინდელი საზოგადოებრივი ვითარებისათვის შეუფერებელს და ამდენადვე ქვეყნის წინსვლის შემაფერებელ ორგანიზაციის დამსხვრევა და კულტურულ ხალხთა შემოქმედებითი ძალების განთავისუფლება. ამავე დროს ეს იყო ხანა ნორმალური საერთაშორისო ურთიერთობისა ახლოაღმოსავლეთში. „ნორმალურში“ აქ იგულისხმება მეტ-ნაკლებად თანაბარი სიმადლის კულტურათა მქონე ხალხთა ურთიერთობა“¹.

¹ ნ. ბერძენიშვილი. დასახ. ნაშრ., გვ. 40.

ნორმალური საერთაშორისო ურთიერთობა კვლავ დაიბრუნა XI საუკუნეში, როცა ნახლობელი აღმოსავლეთის და ამიერკავკასიის კულტურულ ქვეყნებში თურქ-სელჩუკები შემოიჭრნენ.

მაგრამ XI საუკუნე დაუსრულებელი ძნელებდობის მხოლოდ დასაწყისია ნახლობელი აღმოსავლეთის და კავკასიის ხალხთა ისტორიაში.

ამიერიდან ნორმალუბის მეზობლობა გაქრობით ემუქრება მიწისმოქმედ ხალხებს: „სამიწათმოქმედო კულტურის ხალხთა ისტორიაში განსაკუთრებით მძიმეა ე. წ. „გადმოსახლების ხანა“, უკეთ, გადმოსახლების ნორმალური სახეობა... სულ სხვა მნიშვნელობისაა ნორმალთა მეზობლობა მიწისმოქმედ საზოგადოებასთან. აქ მუდმივი ომია და კატასტროფის საფრთხე. *modus vivendi* აქ არ ხერხდება. ან ერთი უნდა გაქრეს, ან მეორე...“¹ მიწისმოქმედ ხალხთა ბრძოლა ნორმალბთან განვითარებისათვის ბრძოლაა. ნორმალბის ბრძოლა კულტურულ ხალხთა მიწებისათვის, წარმატების შემთხვევაში, რეგრესს და საზოგადოებრივი განვითარების შეფერხება-შეჩერებას ნიშნავს.

ამ დაძაბულსა და შეურიგებელს ბრძოლაში დროებით წარმატებას აღწევს მხოლოდ საქართველო, რომლის პოლიტიკური მოღვაწეები ცდილობენ კავკასიის გაერთიანებას „თურქთა საფრთხის“ წინააღმდეგ. მაგრამ საამისოდ წარმოებული ბრძოლა განსაკუთრებით რთულდება XV — XVI საუკუნეებში, როცა საბოლოოდ შეიკრა საქართველოს გარემოცვის რკალი და, ამდენადვე, მარცხით დამთავრდა კავკასიის გაერთიანების დიდი პოლიტიკური ამოცანა.

XI საუკუნიდან მოყოლებული ცენტრალური აზიიდან განუწყვეტლივ, მრავალი საუკუნის სიგრძეზე, მოედინებიან ნორმალბის სულ ახალი და ახალი ტალღები. თურქ-სელჩუკები, მონღოლები, თემურ-ლენგის ურდოები, თურქმანები, ოსმალები, ყიზილბაშები... გადაგვარება-მოსპობით ემუქრებიან ბინადარ მოსახლეობას, რომლის შემცირება (უპირატესად ფიზიკური საშუალებებით და აყრა-გადასახლებით) ნორმალური ელემენტის გაზრდის მიზნით ხდება; ინტენსიურ მეურნეობას სცვლის ექსტენსიური მეურნეობა, ეცემა მიწისმოქმედება, ქალაქები და საქალაქო ცხოვრება.

მონღოლთა ბატონობის ეკონომიური შედეგი იყო სოფლის მეურნეობის არაჩვეულებრივი დაქვეითება. XIII—XIV საუკუნეებში მკვეთრად შემცირდა აგრიკულტურის ფართობი, მოიშალა სარწყავი არხები, ერთ წერტილზე გაიყინა სოფლის მეურნეობა, გლეხმა მეურნეობის განვითარების სტიმული დაკარგა.

ასეთ ვითარებაში ფართო გასაქანი მიეცა გლეხთა ველურ ექსპლოატაციას. ნაგვიანვეი შუა საუკუნეების აღმოსავლეთში გლეხის გაჩანაგება-გალატაქება და მისი მეურნეობის განადგურება იყო მუსლიმანური სახელმწიფოების (ყიზილბაშთა ირანის, ოსმალეთის) დაქვეითება-ჩამორჩენილობის უმთავრესი მიზეზი.

¹ ნ. ბერძენიშვილი ნ. დასახ. ნაშრ., გვ. 40.

XIII საუკუნიდან დაწყებული საქართველოშიც ჩვეულებრივი მოვლენები იყო მომთაბარული ტომების ჩამოსხდომა (მდ. მტკვრის, იორის, ხრამის და დებედას ხეობებში), აგრეთვე ტურის რაიონების, განვითარებული მელორაციით, პირველყოფილ საძოვრებად გადაქცევა, მიწისმოქმედი მოსახლეობის მწირ და მიუვალ მთებში შეხიზვნა, ქალაქების დაღარიბება, ვაჭრობისა და ხელოსნობის დაცემა¹.

ეკონომიური ომი (თემურ-ლენგის და შაჰ-აბასის ღონისძიებები საქართველოში) გამოუსწორებლად ანადგურებდა ინტენსიური მეურნეობის დარგებს (იჩეხებოდა კაკლის ხეები, ვაზი, თუთის ხეები (მეაბრეშუმეობის საფუძველი), ინგრეოდა სამეურნეო ნაგებობები, არხები...). ამავ მიმართულებით მოქმედებდა მოსახლეობის დატყვევება, ათასობით ტყვის გაყვანა ირანსა და ოსმალეთში.

ყვიზილბაშობისა და ოსმალობის გამოვლინება იყო ტყვის-სყიდვა და „ლეკიანობა“, რომელთაც გამანადგურებელ ომებზე უფრო მძიმედ დააზარალებს საქართველოს მოსახლეობა. ტყვის-სყიდვაც და „ლეკიანობაც“ ორგანულად დაუკავშირდა შინაკლასობრივი ბრძოლის ყველაზე მახინჯ ფორმებს ფეოდალურ საქართველოში.

ყველა ამასთან ერთად ქართველი გლეხკაცობის ისედაც აუტანელ მდგომარეობას კიდევ უფრო ამძიმებდა სათათრო ხარკი (თითქმის მუდმივი მოვლენა შუა საუკუნეების საქართველოში). სახელმწიფო, სამოხელეო, საბატონო, საეკლესიო გადასახადები და სათათრო ხარკი, ყველა ერთად აღებული, აჩანაგებდა ქართველ გლეხს, მის თვალში მეურნეობის წარმოება აზრს ჰკარგავდა, გლეხი ხიზნობა-მოვანობის გზას დაადგა.

ასეთ ვითარებაში ბატონყმობას, ფეოდალური ეკონომიკის განვითარების ნაყოფს, არ შეიძლებოდა არ მიეღო მახინჯი ფორმა, არ შეიძლებოდა შეექმნა პირობები განვითარების გვიანფეოდალურ ხანაში გადასასვლელად. და თუ აღმოსავლეთ ამიერკავკასიასა და მახლობელ აღმოსავლეთში მივიღეთ ნახევრადბატონიარქალური-ნახევრადფეოდალური წყობის ბატონობა, საქართველოში ბატონყმობის ეკონომიური ფუნქციები ისეთნაირად გადაგვარდა, რომ სამეურნეო განვითარების შეფერხების პირობად იქცა. საქართველო პოლიტიკურად სწორედ ასეთმა ბატონყმობამ დაშალა (XV საუკუნეში) და არა იმ ბატონყმობამ, რომელიც საქართველოს ეკონომიური აღმავლობის შესაბამისი იყო XII — XIII საუკუნეებში.

ერთსა და იმავე ფორმებში განვითარებული ისტორიული მოვლენები (ომები და შემოსევები, მომთაბარეთა გაუთავებელი რბევა-თარეში, მოსახლეობის გაწყვეტა, მშვიდობიანი ცხოვრებისა და შრომის პირობების მოშლა, სოფლის მეურნეობის გაპარტახება, ვაჭრობა-ხელოსნობის შემცირება, ქალაქების დაცემა, ფეოდალური ექსპლოატაციის გაძლიერება) ერთნაირ მდგომარეობას ქმნიან საქართველოში და მის მეზობელ ქვეყნებში.

¹ Н. Бердаишвили. Очерк из истории феодальных отношений в Грузии (XIII—XVI вв.), Тбилиси, 1938, зз. 10—11.

ამ თვალსაზრისით „გვიანფეოდალური ხანა“ როგორც ფეოდალური საქართველოს, ისე ფეოდალური მახლობელი აღმოსავლეთის მიმართ მხოლოდ პირობითი მნიშვნელობით შეიძლება გამოვიყენოთ, და ეს მიუხედავად იმისა, რომ ფეოდალიზაციის პროცესი დასახლებულ ქვეყნებში დამთავრებულია. ამის შემდეგ ცხადია, საქმე უნდა გვექონდეს ძველ ურთიერთობათა დაშლასთან და ახალის განვითარებასთან, მაგრამ ფაქტიურად ვიღებთ (საუკუნეთა სიგრძეზე) ფეოდალურ ურთიერთობათა კონსერვაციას, უკიდურესად ჩამორჩენილ ფეოდალურ ეკონომიკას, რომლის საფუძველზეც წარმოიშვება კიდევ უფრო ჩამორჩენილი პოლიტიკური წყობილება (სახანოები ირანში, სანჯაყები ოსმალეთში, სათავადოები საქართველოში).

ცნობილია: სოციალური განვითარების თვალსაზრისით XIII საუკუნეში საქართველო აღწევს ფეოდალურ ურთიერთობათა ისეთ საფეხურს, როცა „ამის შემდგომი განვითარება ამ ურთიერთობის დაშლის ტენდენციების ზრდის ნიშნის ქვეშ, ახალი (ბურჟუაზიული) ურთიერთობის ჩასახვის ნიშნის ქვეშ შეიძლება და მხოლოდ“¹. გვიანფეოდალური ხანა ამ მომენტიდან უნდა დაწყებულიყო, მაგრამ ეს ასე არ მოხდა და ის, რასაც გვიანფეოდალური ხანა გულისხმობს, სოციალური და ეკონომიური განვითარების თვალსაზრისით, არც ჩანს გვიანდელი შუა საუკუნეების საქართველოში.

საქართველო მტრული ბარბაროსული ქვეყნებით გარემოცული აღმოჩნდა. „მართალია, საქართველო გადაურჩა მტერთა მიერ უშუალო დაპყრობას, მან შეინარჩუნა თავისი სოციალ-ეკონომიური (პროგრესული) წყობა, სამაგიეროდ, ქვეყნის შიგნით თავი იჩინა სოციალ-ეკონომიური განვითარების შეფერხების მძიმე შედეგებმა. სოციალურად ზრდა-დასრულებული ქართული ფეოდალური საზოგადოება დაიჩინა. მას განვითარებისათვის საჭირო პირობები მეტისმეტად შეეზღუდა“². ამის შედეგია განვითარების შეფერხება, შედგომა, ხოლო შემდეგ ეკონომიური რეგრესია.

ქართული წარმოება-მეურნეობა, მართალია ახლაც განსხვავდება აღმოსავლური წარმოება-მეურნეობისაგან, ქართული საგადასახადო სისტემა ც აღმოსავლურთან შედარებით პროგრესულია, მაგრამ ქართული ფეოდალური საზოგადოების მდგომარეობა აღმოსავლურს იმით უახლოვდება, რომ სერიოზულად შეფერხებულია შრომის პირობების, თვით საწარმოო საშუალებების რეპროდუქცია და, მეტნაკლებად, წარმოების გაფართოების შესაძლებლობა.

მაგრამ ნაგვიანვე შუა საუკუნეებში საქართველოს ჩამორჩენილობის ერთი უმთავრესი მიზეზთაგანი იყო მომთაბარეების მეზობლობა, მათი განუწყვეტელი რბევა-თარეში (ამის თანმხლები მოვლენებით: ტყვევნა, ტყვის-

¹ ნ. ბერძენიშვილი. საქართველოს რუსეთთან შეერთების ისტორიული მნიშვნელობისათვის, გვ. 125. ხაზი ავტორისა.

² ნ. ბერძენიშვილი. დასახ. ნაშრ., გვ. 127.

სყიდვა, „ლეკიანობა“), საქართველოს ისეთი სახელმწიფოებით გარემოცვა, სადაც საწარმოო ძალების განვითარება მეტისმეტად იყო შეზღუდული.

ყუზილბაშთა ირანის და ოსმალეთის ბატონობამ ხელოვნურად გაახანგრძლივა განვითარებული ფეოდალიზმის პერიოდი მახლობელ და შუა აღმოსავლეთში.

ყუზილბაშთა ირანში თუ ოსმალეთის სამხედრო-ფეოდალურ სახელმწიფოში ჩამორჩენილ ეკონომიურ ურთიერთობათა ბაზისს არ შეიძლებოდა წარმოეშვა ახალი, პროგრესული კლასი, რომელიც ძველი საზოგადოებრივი ურთიერთობის და ფეოდალური ეკონომიკის რღვევის საფუძველზე ქვეყანას განვითარების ახალ გზაზე გამოიყვანდა.

ახალი და მოწინავე ელემენტი (ქალაქებში), თუკი იგი წარმოიშობოდა ეკონომიური აღმავლობის პერიოდში, ჩანასახის ფორმას ვერ ცილდებოდა, რადგან მისი განვითარებისათვის საჭირო პირობა არ არსებობდა. სასაქონლო წარმოებას, რომელიც მომსახურებას უწევდა აღმოსავლურ ფეოდალიზმს, არ წარმოუშვია კაპიტალისტური წარმოებისათვის საჭირო ზოგიერთი პირობაც კი.

სასაქონლო წარმოების ეკონომიური ფუნქცია შეზღუდული იყო მეურნეობის არქაული ფორმებით. მარქსი მიუთითებდა, რომ ოსმალეთი შეუთავსებელი იყო კაპიტალისტურ წყობასთან XIX საუკუნეშიც კი.

ოსმალეთში, აღნიშნავდა ენგელსი, შეძენილი ზედმეტი ღირებულება დაცული არ იყო სატრაპებისა და ფაშების ხელისაგან¹. მოხელეს (ფაშას) ენგელსი თვლიდა ექსპლოატაციის მთავარი აღმოსავლური ფორმის განმხორციელებლად: „Сатрап — иначе паша — олихетворяет собой главную восточную форму эксплоатации“². ასევე იქცეოდნენ აღმოსავლეთის სხვა ქვეყნების მოხელე-ფეოდალები.

მოხელე აღმოსავლეთში მწარმოებელი საზოგადოების ნამდვილი „მკამელი“ იყო. დაცული არ იყო არც ვაქრის პიროვნება და მისი საკუთრება — ძირითადი პირობა ბურჟუაზიული შექმნისა³. ძალადობა ხელოსნების მიმართ ჩვეულებრივი მოვლენა იყო. ხელოსნები ყუზილბაშთა სახელმწიფოში, ისევე როგორც აღრე ილხანთა ირანში, XVII საუკუნემდე მიმაგრებული იყვნენ დაზგებზე („შაჰის ქარხნები“).

ქალაქების ზრდა და ფართოდ გაჩაღებული ვაქრობა-ხელოსნობა XIV ს-ის მახლობელ აღმოსავლეთში ანდა XVI ს-ის დამლევის და XVII ს-ის პირველი მეოთხედის ირანში შეპირობებული იყო დროებით მოკმედი ფაქტორებით (სავაქრო-სატრანზიტო გზების გადანაცვლებით) და არა შესაფერისი ეკონომიური პირობებით. აღმოსავლური ქალაქი ინარჩუნებდა ფეოდალურ ხასიათს და გასაქმანს არ აძლევდა ახალ სოციალურ ძალებს. აქაური ქალაქების ვაქრული კაპიტალის დასახასიათებლად ზედგამოჭრილია მარქსის სიტყვები, რომ „ვაქრული კაპიტალის დამოუკიდებელი განვითარება შებრუნებულ შეფარდებაშია საზოგადოების საერთო ეკონომიურ განვითარებასთან“⁴.

¹ К. Маркс и Ф. Энгельс. Соч., т. XVI, № 2, стр. 22.

² იქვე, ტ. XXVII, გვ. 234.

³ იქვე, ტ. XVI, № 2, გვ. 22.

⁴ კ. მარქსი. კაპიტალი, ტ. III, ნაწ. 1, გვ. 285.

ექსტენსიური ხასიათის მატარებელი იყო მიწის ექსპლოატაცია. განსაკუთრებით ითქმის ეს ყიზილბაშთა სახელმწიფოზე, სადაც მეცხვარეობა და, საზოგადოდ, მეჯოგეობა, წარმოადგენდა წარმოების დამოუკიდებელ დარგს და, ამდენადვე, მიწის მეტნაკლებად საერთო ექსპლოატაციის პირობებში, ექსპლოატაცია თავიდანვე ექსტენსიურ ხასიათს ატარებდა.

ფეოდალური ექსპლოატაცია აღმოსავლეთში ბასკაკური, მძარცველური ხასიათის მატარებელი იყო. ყოველივე და ყველაფერი „ბარბაროსული ფეოდალიზმის“ საგადასახადო სისტემას ექვემდებარებოდა. და როცა, მაგალითად, სტამბოლის მეჩეთებში იანიჩრები საგადასახადო დავთრებით ვაჭრობდნენ¹, ადგილი წარმოსადგენია მწარმოებელი საზოგადოების მდგომარეობა იქ, სადაც ეს დავთრები გადასახადების ასაკრეფად მიჰქონდათ.

მარქსი ოსმალეთის იმპერიის გამძლეობის საიდუმლოებას ნახულობდა იმაში, რომ აქ დაუსრულებლივ, ბუნების მოვლენების მსგავსად, ერთსა და იმავე ფორმებში ვლინდებოდა და მეორდებოდა აღწარმოება და ხელუხლებლად ტოვებდა ძველ წარმოებით ურთიერთობას². მარქსის ეს დებულება შეიძლება თამამად მიეუყენოთ ფეოდალური აღმოსავლეთის უკლებლივ ყველა ქვეყანას.

მარეგოლუციონერებელი როლი არ შეიძლებოდა შეესრულებინა არც აღმოსავლეთში განვითარებულ მეევანშეობას. მეევანშეობის აზიურ ფორმებთან დაკავშირებით მარქსი წერს: „ყოველი წინაკაპიტალისტური წარმოების არსებობის დროს მეევანშე რეგოლუციურ როლს ასრულებს მხოლოდ იმდენად, რამდენადაც იგი არღვევს და სპობს საკუთრების ფორმებს, რომელთა მტკიცე საფუძველზე და ერთსა და იმავე ფორმაში დამყარებულია ქვეყნის პოლიტიკური წყობილება. აზიური ფორმების არსებობისას მეევანშეობას შეიძლება ადგილი ქონდეს ძალიან დიდხანს ისე, რომ მან სხვა არა გამოიწვიოს რა გარდა ეკონომიური დაცემის და პოლიტიკური გათახსირებისა. მხოლოდ იქ და მაშინ, სადაც და როდესაც კაპიტალისტური წარმოების წესის დანარჩენი პირობები მოიპოვება, მეევანშე წარმოადგენს ახალი წარმოების წესის ერთ-ერთ საშუალებას მით, რომ იგი ერთი მხრივ ანადგურებს ფეოდალებს და წვრილ მწარმოებლებს და მეორეს მხრივ, ცენტრალიზაციას აძლევს შრომის პირობებს და აქცევს მას კაპიტალად“³.

აღმოსავლეთში მიმდინარე დიდი სოციალური მოძრაობანი და გლენტა აჯანყებები ხელს უწყობდნენ მეურნეობის პროგრესული ფორმებისათვის ბრძოლას, მაგრამ ხელუხლებლად ტოვებდნენ წინანდელ ეკონომიურ პირობებს. ენგელსი საგანგებოდ აღნიშნავდა, თუ როგორ და რითი მთავრდებოდა

¹ Смирнов. Кучубей Гомурджинский и другие османские писатели о при-
знах упадка Турции, СПб. 1873, зб. 141; ნაიშას ისტორიაშიც აღნიშნულია: „სიფაშთა
ნაწილებს ჯიზის დავთრები გადასცეს, [რომლებიც] მათ გაჰყიდეს სულთან მეჰმედის [მე-
ჩეთში]“.

² კ. მარქსი. კაპიტალი, ტ. I, გვ. 311.

³ იქვე, ტ. III, ნაწ. 2, გვ. 128.

აჯანყებები სპარსეთსა და სხვა მაჰმადიანურ ქვეყნებში¹. მისი სიტყვით, რელიგიურ სამოსელში გამოხვეული ეს მოძრაობანი გამომდინარეობდნენ ეკონომიური მიზეზებიდან, მაგრამ თვით გამარჯვების შემთხვევაში ხელუხლებლად ტოვებდნენ ძველს ეკონომიურ პირობებს. ამგვარად, ყველაფერი ძველებურად რჩებოდა და შეტაკებანი პერიოდულ ხასიათს იღებდნენ². ენგელსი მუსლიმანური აღმოსავლეთის მოძრაობებს უპირისპირებდა „ქრისტიანული დასავლეთის სახალხო აჯანყებებს“ რეფორმაციის პერიოდში და მიუთითებდა, რომ დასავლეთში „პირიქით, რელიგიური სამოსელი მხოლოდ დროშას წარმოადგენს და ჰფარავს თავდასხმას მოძველებულ ეკონომიურ წყობილებას: ეს უკანასკნელი, ბოლოს და ბოლოს, ინგრევა, მას სცვლის ახალი წყობალება, ქვეყანა წინ მიდის“³.

საწარმოო ძალთა სუსტი განვითარება იწვევდა ეკონომიურ ურთიერთობათა უცვლელობას აღმოსავლეთში, აბრკოლებდა საზოგადოებრივ განვითარებას, ნეურნეობის უფრო მაღალ სტადიაზე და პოლიტიკური წყობილების განვითარებულ ფორმებზე გადასვლას. ამიტომ არ შეიძლება აბსოლუტუნიზმი დაინახოთ, მაგალითად, შაჰ-აბასის ირანში. აქ უნდა გავიხსენოთ მარქსის ნათქვამი, რომ ესპანეთის აბსოლუტუნიზმი გადაგვარდა ოსმალეთის ტიპის დესპოტიკაში⁴. მარქსს ამით ცხადია იმის თქმა სურდა, რომ ოსმალეთის სამხედრო-ფეოდალური სახელმწიფო შეუთავსებელი იყო აბსოლუტუნიზმთან.

ოსმალეთი კი შედარებით უფრო ცენტრალიზებული იყო ვიდრე ყიზილბაშური ირანის სახელმწიფო.

ამასთან ოსმალთა ბატონობის ხანაში თავისებურად იყო შერწყმული აღმოსავლური ბარბაროსობა დასავლურ ცივილიზაციასთან. მარქსი აღნიშნავს: „...восточное варварство и западная цивилизация при господстве турок так тесно переплелись между собою, что этот центр теократической империи стал настоящей преградой для распространения европейского прогресса“⁵. ოსმალეთი, მარქსის განსაზღვრით, იღგა ფეოდალიზმის უმდაბლეს, ბარბაროსულ საფეხურზე⁶.

საქართველოს ისეთი სახელმწიფოებით გარემოცვას, როგორსაც ყიზილბაშური ირანი და სულთნის ოსმალეთი წარმოადგენდნენ, არ შეიძლებოდა უარყოფითი გავლენა არ მოეხდინა ქვეყნის ეკონომიურ მდგომარეობაზე. ეს თავისთავად გამომდინარეობდა აღმოსავლეთის ჩამორჩენილი სახელმწიფოების ეკონომიური ცხოვრების თავისებურებიდან. და ქართველი ხალხის

¹ ფ. ენგელსი, ადრინდელი ქრისტიანობის ისტორიისათვის, თბილისი, 1955, გვ. 19, შენ. 1.

² იქვე.

³ იქვე.

⁴ К. Маркс и Ф. Энгельс. Соч., т. X, гл. 722.

⁵ იქვე, გვ. 222.

⁶ იქვე, ტ. IX, გვ. 374.

ბრძოლის წარმატებაც და ქვეყნის განვითარებაც ამ გარემოცვის გარღვევაზე იყო დამოკიდებული.

მეორე მხრივ ყიზილბაშების და ოსმალების აგრესიული პოლიტიკის რეაქციული როლი საქართველოს მიმართ იმაში მდგომარეობდა, რომ აგრესორები დაეინებით ცდილობდნენ აქ მათთვის დამახასიათებელი სოციალურ-პოლიტიკური სისტემის შენობას და საქართველოს გურჯისტანის ვილეთად გადაქცევას. საამისოდ გადამწყვეტი მნიშვნელობა ენიჭებოდა ქართული ფეოდალური მიწისმფლობელობის გაუქმებას და მომთაბარეების ჩამოსახლებას.

მკიდრო კავშირი ამ ორ ისტორიულ მოვლენას შორის უდიდეს დაბრკოლებებს უქმნიდა ქართული ფეოდალური საზოგადოების წინსვლას, მის განვითარებას.

აგრესორები შეგნებულად ზრდიდნენ მომთაბარულ ელემენტს სამიწათმოქმედო ქვეყანაში, რადგან ეს მათი პოლიტიკური წარმატების საწინდარი იყო. „მომთაბარული გადმოსახლება“ საქართველოში სრულიად გარკვეული მიზნით წარმოებდა. მომთაბარეების ჩამოსახლობა აგრიკულტურის რაიონებში ანადგურებდა განვითარებულ ფეოდალურ მეურნეობას და გადაჰყავდა იგი ექსტენსიური მეურნეობის ჩამორჩენილ და მარტივ ფორმებზე. საქართველო ისეთივე საფრთხის წინაშე იდგა, როგორშიაც აღმოჩნდა აღმ. ამიერკავკასია (აზერბაიჯანი, სომხეთი) და შუა აზია, სადაც მომთაბარეები თანდათან გავრცელდნენ და მკვეთრად დაუპირისპირდნენ მიწისმოქმედ მოსახლეობას.

აზერბაიჯანის და შუა აზიის ხალხები იმთავითვე დაკავშირებული იყვნენ სამიწათმოქმედო მეურნეობასთან, მაგრამ ისტორიული განვითარების სრულიად გარკვეულ პერიოდში, მომთაბარეთა ბატონობამ და მეჯოგური მეურნეობის განმტკიცებამ გააპირობა მათი საუკუნეობრივი ჩამორჩენილობა. მნიშვნელოვნად შეკვეცილი მიწათმოქმედების გვერდით ექსტენსიური მესაქონლეობის, როგორც წარმოების დამოუკიდებელი დარგის, გაბატონებამ გამოიწვია ის, რომ ამ ქვეყნების საკმაოდ განვითარებული ფეოდალური ურთიერთობა ასცდა ნორმალური განვითარების გზას და მან ნახევრადპატრიარქალური-ნახევრადფეოდალური ყოფაცხოვრების პირველყოფილი ფორმების გამოხატულება მიიღო.

მართალია, საქართველოში ელის (თურქულ-თურქმანული მომთაბარული ტომების) დასახლება ისეთი მასშტაბებით არ მომხდარა (ამას თავისი ახსნა მოეპოვება), როგორც აღმ. ამიერკავკასიასა და აღმოსავლეთის ქვეყნებში, მაგრამ მომთაბარეთა გადმოსახლების მუდმივი საფრთხე XIX საუკუნემდე არსებობდა.

XI საუკუნიდან მოკიდებული ქართველი ხალხი მომთაბარეების წინააღმდეგ სამკვდრო-სასიცოცხლო ბრძოლას აწარმოებდა. ასევე დაუტყობლად იბრძოდნენ ამიერკავკასიის მოძმე ხალხები (სომხები, აზერბაიჯანელები). ამ ბრძოლას ბუნებრივად ეხმაურებოდა და მხარს უჭერდა აღმოსავლეთის კულტურული (მიწისმოქმედი) ხალხების მრავალსაუკუნოვანი ბრძოლა იმავე.

მომთაბარეების წინააღმდეგ, რის განაც მომთაბარე ხალხებს ყველგან ერთ-
დროულად და სწრაფად გავრცელების შესაძლებლობა არ ჰქონდათ.

აღმოსავლეთ ამიერკავკასიის ქვეყნები მუდამ პირველნი ხედებოდნენ
ხოლმე მოზღვავებულ მომთაბარულ ტომებს და ხალხებს. სწორედ ამიტომ სა-
ქართველოსათვის განსაკუთრებული მნიშვნელობა ჰქონდა ამიერკავკასიის გაერ-
თიანებას, საქართველოს შორეული მისასვლელების გადაკეტვას სამხრეთ-
აღმოსავლეთში. ეს დიდი პოლიტიკური წამოწყება დღის წესრიგიდან არ
მოხსნილა XII — XV საუკუნეების მანძილზე. მხოლოდ XVI ს-ში განიცადა
მარცხი ამიერკავკასიის პოლიტიკური გაერთიანების ამოცანამ.

სანამ აღმ. ამიერკავკასიის დაპყრობა-დამორჩილების გახანგრძლივე-
ბული პროცესი გრძელდებოდა, დამპყრობლებს საქართველოში წარმატება
არ შეეძლოთ. განვითარებისათვის საჭირო პირობების უზრუნველყოფისათ-
ვის საერთო ბრძოლამ დიდი ხნით დააყოვნა აღმოსავლეთ ამიერკავკასიაში
მომთაბარეების განმტკიცება, მიწისმფლობელობის ახალი წესების შესაბამი-
სად მამამდიანობის გავრცელება.

სომხეთსა და აზერბაიჯანში XIII—XV სს. მიმდინარე პროცესი, აღმო-
სავლური მიწისმფლობელობის შემოღება-განმტკიცების ხაზით, მხოლოდ XVI
საუკუნისათვის მთავრდება აღმოსავლურ მიწისმფლობელობასთან სრული
დაშვავებით. ამ დროისათვის უკვე ყველა საჭირო პირობა არსებობდა
აღმოსავლეთ ამიერკავკასიის პოლიტიკური ორგანიზაციისათვის ყიზილბაშურ
საფუძველზე.

დამახასიათებელია, რომ იქ, სადაც ქართველები პირველად შეხვდნენ
მოზღვავებულ მტრის ძალებს (ოსმალებს), აღმოსავლეთ ამიერკავკასიის ანა-
ლოგიური მდგომარეობა მივიღეთ: ცელილებები საადგილმამულო ურთიერთო-
ბაში და გამამამდიანება, რასაც თან გადაჰყვება ადგილობრივ ნიდაგზე განვი-
თარებული პოლიტიკური ორგანიზაცია—ათაბაგის სამთავრო. მაგრამ სამაგი-
ეროდ ქართველი ხალხის ბრძოლა ამ მიმართულებით ოსმალებს აღმოსავლეთ
ამიერკავკასიაში გაბატონების შესაძლებლობას არ აძლევდა.

აღმოსავლეთ ამიერკავკასიის სამხედრო-პოლიტიკური ორგანიზაცია
XVI ს-ის 40-ან წლებში ყიზილბაშებს საშუალებას აძლევდა დაეწყოთ თანა-
მიმდევრული ბრძოლა ქართული მიწების მიტაცებისათვის.

XVI ს-ში ამიერკავკასიის მნიშვნელოვან ნაწილში ყიზილბაშები და
ოსმალები ამთავრებენ თურქ-სელჩუკების, მონღოლების და თურქმანების
მიერ დაწყებულ საქმეს — აღმოსავლური მიწისმფლობელობის საფუძველზე
ამიერკავკასიის ქვეყნების პოლიტიკურ ორგანიზაციას.

ამრიგად, საქართველოს მახლობლად, მის სამხრეთ-აღმოსავლეთით და
სამხრეთ-დასავლეთით, შუა და მახლობელი აღმოსავლეთის გრცელ ტერიტო-
რიაზე, საბოლოოდ გაბატონდა ნომადური ელემენტი მისთვის დამახასიათე-
ბელი ექსტენსიური მეურნეობით.

ყიზილბაშთა მიერ აღმ. ამიერკავკასიის პოლიტიკურ-ადმინისტრაციული
ორგანიზაცია XVI ს-ის 40-ან წლებში¹ ფეოდალურ საქართველოს ისეთივე

¹ Н. Бердаєнши вилн. Очерк..., გვ. 40.

მარცხი იყო, როგორც იყო საქართველოს სამხრეთ ნაწილში (არტანუჯ-შავშეთში) ოსმალების მიერ სანჯაყების შემოღება იმავე საუკუნის 50-ან წლებში.

ამიერიდან მთელს ამიერკავკასიაში საქართველო ერთადერთი ქვეყანა იყო, სადაც არც „ყიზილბაშობა“ იყო, არც „ოსმალობა“.

აღმოსავლეთ ამიერკავკასიაში ყველაფერი ყიზილბაშურ ყაიდაზე მოეწყო. აქ საბოლოოდ გაბატონდა აღმოსავლური მიწისმფლობელობა, აღმოსავლური ფეოდალური ინსტიტუტები, აღმოსავლური პოლიტიკური ორგანიზაცია. დამოუკიდებელი ან ნახევრად დამოუკიდებელი მმართველები (ადგილობრივი დინასტიები) ირანის შაჰის მოხელეებმა (ბეგლარბეგებმა, ხანებმა) შეცვალეს, ხოლო წამყვანი ადგილი ქვეყნის პოლიტიკურ ცხოვრებაში ყიზილბაშურმა სამხედრო-ნომადურმა არისტოკრატამ დაიკირა.

ადგილობრივი ფეოდალების დიდი ნაწილი დამპყრობლებთან ომში გაწყდა, ზოგი სხვა ქვეყნებში გაიქცა, ზოგიც იძულებული იყო გამუსლიმანების და გაყიზილბაშების პირობით შერიგებოდა დამპყრობლებს. ადგილობრივმა ფეოდალებმა აღმოსავლური მიწისმფლობელობის საფუძველზე შეინარჩუნეს თავიანთი მიწები. ფეოდალი აქაც მიწას გაჰყვა ისევე, როგორც მიწას გაჰყვა ქართველი ფეოდალი გაოსმალებულ სამცხე-საათაბაგოში.

ამრიგად, თუ საქართველოში კლასობრივი ბატონობის პოლიტიკური ორგანიზაციის დაცვით ქართველი ფეოდალები იყვნენ დაინტერესებული, აღმ. ამიერკავკასიის ქვეყნებში მომთაბარული არისტოკრატია იყო დაინტერესებული მისთვის დამახასიათებელი მიწისმფლობელობის, ექსპლოატაციის წესების და კლასობრივი ბატონობის პოლიტიკური ორგანიზაციის (სახანოს) განმტკიცებით.

მაგრამ ჯერი ახლა ქართული მიწების დაპყრობაზე იყო მიმდგარი. საამისო ხელსაყრელ პირობას, დამპყრობლების თვალსაზრისით, აღმ. ამიერკავკასიაში შექმნილი პოლიტიკური ვითარება ქმნიდა. XVI ს-ში ყიზილბაშები და ოსმალები დაეინებით ცდილობენ ქართული მიწისმფლობელობის გაუქმებას, რადგან ეს იყო საქართველოს ინკორპორაციის მთავარი საწინდარი.

1555 წლის ზავით ირანმა და ოსმალეთმა ამიერკავკასიის ქვეყნები შუა გაიყვეს. შუაზე გაგლეჯილი აღმოჩნდა საქართველოც. ოსმალები დასავლეთ საქართველოს ეკიდებოდნენ, ყიზილბაშები აღმოსავლეთ საქართველოს.

ახლა ქართველ ხალხს შეუდარებლად უფრო მძიმე პირობებში უხდებოდა ბრძოლა, ვიდრე მანამდე. მაგრამ 1555 წლის ირან-ოსმალეთის ზავს დაემთხვა ისეთი განსაკუთრებული მნიშვნელობის მოვლენა, როგორც იყო ყაზანის და ასტრახანის თათრული სახანოების გაუქმება. ამით ჩრდილო-აღმოსავლეთით მოირღვა ნომადური კედელი¹. ამიერკავკასიის მეზობელი ხდებოდა ცენტრალიზებული, მრავალეროვანი რუსეთის სახელმწიფო.

¹ Н. Бердаенишвили. Очерк..., гл. 21—22, 30.

რუსეთის გამოსვლამ კავკასიის და მახლობელი აღმოსავლეთის საერთა-შორისო ურთიერთობის ასპარეზზე ამიერკავკასიის ხალხთა ბრძოლას სრულიად ახალი ისტორიული პერსპექტივა დაუსახა.

ქართველი ხალხი ბრძოლას, ახალს ვითარებაშიც, უდიდეს სამსახურს უწევდნენ ამიერკავკასიის მოძმე ხალხები იმიტო, რომ დამპყრობელთა წინააღმდეგ ბრძოლას არასოდეს არ სწყვეტდნენ. ისინი ბრძოლას განაგრძობდნენ XVI — XVIII საუკუნეებში¹. ამასთან ეს ბრძოლა თანდათან ვითარდება და ძლიერდება ისეთ ისტორიულ პირობებში, როცა რუსეთი სულ უფრო და უფრო უახლოვდება ამიერკავკასიას და, რაც დრო გადის, მით უფრო მყარი საფუძველი ექმნება ამიერკავკასიის ხალხთა განმათავისუფლებელ ბრძოლას.

ამიერკავკასიის და მახლობელი აღმოსავლეთის კულტურულ ხალხებს მომთაბარებებთან ბრძოლის მრავალსაუკუნოვანი გამოცდილება ჰქონდათ. საწარმოო ძალების განვითარების მოთხოვნილებათა მქონე ხალხების გავლენის და მოქმედების შედეგი იყო ფეოდალიზაციის ყოველი ახალი საფეხური მომთაბარებთა ბატონობის პირობებში. ადგილობრივი ფეოდალური ძალების გავლენით იყო გაპირობებული ადრეფეოდალური და განვითარებული ფეოდალიზმის ხანაც. მაგრამ განვითარების გვიანფეოდალური საფეხურის მიღწევა გაცილებით უფრო ძნელი აღმოჩნდა ყიზილბაშთა და ოსმალთა სახელმწიფოებში. ყიზილბაშების და ოსმალების რეაქციული როლი დამპყრობილი კულტურული ხალხების მიმართ სწორედ იმაში მდგომარეობდა, რომ მათი ბატონობა ჩამორჩენილობის გადალახვის შესაძლებლობას არ იძლეოდა.

მხოლოდ ხანმოკლე შესვენების პერიოდებში (როცა არც ომები იყო და არც ყაჩაღური თავდასხმები) ვხედავთ ეკონომიურ დაწინაურებას და კულტურულ აღორძინებას XVI — XVII სს. ამიერკავკასიაში და ბალკანეთის ქვეყნებში.

ყველა ამის გამო ვასაგებია, თუ რატომ ასრულებდა მუდამ რუსეთი პროგრესულ როლს აღმოსავლეთის მიმართ (ენგელსი).

ამიერკავკასიის ხალხთა განმათავისუფლებელი ბრძოლის მონაწილენი XVI საუკუნიდან მოკიდებული რუსეთის აღმოსავლეთში წარმატებას უკავშირებენ. განვითარებისათვის საკირო პირობების უზრუნველყოფას.

2. ამიერკავკასიის ძველნები და სოფიანთა სახელმწიფო

(შაჰ-თამაზ I-ის „თეხმეჩას“ მიხედვით)

„თეხმეჩე“ ანუ „შაჰ-თამაზის მიერ ოსმალეთის ელჩებთან წარმოებული საუბრის ჩანაწერი“ შეიცავს ირან-ოსმალეთის ომების აღწერას XVI ს-ის პირველ ნახევარში.

¹ И. Т. А р у т ю н я к. Борьба армянского и азербайджанского народов за присоединение к России в 20-х годах XVIII века. Ученые записки ИВ АН СССР, т. III, 1951; მისივე, Освободительное движение армянского народа в первой четверти XVIII века, М., 1954.

ირან-ოსმალეთის ე. წ. პირველი ომი XVI ს-ის მეორე ათეულში დაიწყო (1514 წ.) და მხოლოდ 1555 წელს დამთავრდა. რადგან ირან-ოსმალეთის ამ ორმოცწლოვანი ომის ასპარეზს ძირითადად ამიერკავკასიის ქვეყნები წარმოადგენდნენ, სავსებით ბუნებრივია, რომ „თეზქერეში“ სათანადოდ ასახულიყო ამიერკავკასიის საერთო პოლიტიკური მდგომარეობა აღებული ხანაში.

ირანიც და ოსმალეთიც დაეინებით ცდილობდნენ ამიერკავკასიის ქვეყნების დაპყრობას. დამპყრობლები ომის შედეგებს უკავშირებდნენ ამ მიზნის განხორციელებას. ამდენად, შაჰ-თამაზ I-ის „თეზქერე“ წარმოადგენს დოკუმენტურ წყაროს ირან-ოსმალეთის აგრესიული პოლიტიკის საჩვენებლად საზოგადოდ ამიერკავკასიის ქვეყნების და, კერძოდ, საქართველოს მიმართ. ირანის აგრესიული ზრახვები კარგად გამოსკვივის შაჰ თამაზ I-ის გარეგნულად დინჯი, აუჩქარებელი და, ამავე დროს, მარჯვედ შენიღბულ თხრობიდან.

ოსმალე ელჩებს შაჰ-თამაზი შეხვდა 1562 წელს ირან-ოსმალეთის ურთიერთობის მეტად კრიტიკულ მომენტში, როცა სულთანი მოითხოვდა ირანში გაქცეული უფლისწული ბაიაზეთის გაცემას. ელჩებთან საუბარში შაჰი გამოთქვამდა ირანულ თვალსაზრისს ირან-ოსმალეთის პირველი ომის მსვლელობასა და შედეგებზე. ამრიგად, „თეზქერე“ წარმოადგენს შაჰის სიტყვის ჩანაწერს, ოქმს, რომელიც უპირისპირად ფრთხილსა და კრიტიკულ დამოკიდებულებას საქიროებს. შაჰი ყველანაირად ცდილობს საქმე ისე წარმოადგინოს თითქოს ირან-ოსმალეთის ომები აღმოცენებული იყო არა სერიოზულ წინააღმდეგობებზე, არამედ გამოწვეული იყო სულთნისა და შაჰის მოხელეთა ბოროტგანზრახულობით.

შაჰ-თამაზ I-ის „თეზქერე“ ამიერკავკასიის ქვეყნების ისტორიის ერთ-ერთი მნიშვნელოვანი წყაროა.

„თეზქერეში“ თანამიმდევრულადაა აღწერილი ირან-ოსმალეთის პირველი ომის (1514 — 1555 წწ.) მსვლელობასთან დაკავშირებული მოვლენები, რომელთა დიდი უმეტესობა ორგანულად უკავშირდება ამიერკავკასიის ქვეყნებს.

ირან-ოსმალეთის ომების მსვლელობა და შედეგები სცვლიდა ძალთა განწყობილებას მახლობელ აღმოსავლეთში, რომლის გამოვლინება მყისვე თვალსაჩინო ხდებოდა ამიერკავკასიაში, განსაკუთრებით მის აღმოსავლეთ ნაწილში. აგრესიული სახელწიფოები (ყიზილბაშთა ირანი, ოსმალეთი) მახლობელი აღმოსავლეთის საერთაშორისო პოლიტიკური ვითარების მიხედვით „აწყვრივდნენ“ თავიანთ დამოკიდებულებას ამიერკავკასიის ქვეყნებთან. ამას სათანადო ანგარიშს უწევდნენ ამიერკავკასიაშიც, როცა აქაური ქვეყნები, ორ აგრესორს არჩევანს იძულებულნი, „უმცირესი ბოროტების“ გათვალისწინების შესაფერისად მოქმედებდნენ. ცხადია, შაჰ-თამაზ I არ შეიძლებოდა არ შეხებოდა მახლობელი აღმოსავლეთის საერთაშორისო ვითარებას, როცა ხონთქრის ელჩებთან გამართულ საუბარში ირან-ოსმალეთის ორმოცწლოვან ურთიერთობას აჯამებდა. საამისო ცნობები საკმაოდ კარგად არის ასახული „თეზქერეში“.

„თეზქერეს“ შინაარსი შესაძლებლობას გვაძლევს გავითვალისწინოთ ყიზილბაშთა ირანის და ხონთქრის ოსმალეთის შინაგანი ვითარება. ყველაზე უხვი ცნობები საანისოდ საკუთრივ ირანის შესახებ მოგვეპოვება. და ის გარემოება, რომ ამგვარ ცნობებს თვითონ ირანის შაჰი ვეაწვდის, დოკუმენტურად ცხადპყოფს, თუ რამდენად ჩამორჩენილი იყო ყიზილბაშთა ირანი, რომელიც ოსმალეთის მსგავსად, ფეოდალიზმის უნდაბლეს, ბარბაროსულ საფეხურზე იდგა.

შაჰ-თამაზ I საკმაოდ ვრცელ ადგილს უთმობს თავის „თეზქერეში“ ყიზილბაშური ტომების ურთიერთდამოკიდებულებას, ნათ მტრობასა და შუღლს. ყველაფრიდან ჩანს, რომ მის დროსაც, ისევე როგორც მისი წინამორბედის შაჰ-ისმაილ I-ის დროს, ირანში გაბატონებული იყო ყიზილბაშური სამხედრო-ნომადური არისტოკრატია. „თეზქერეში“ დამოწმებული ცნობები, ისევე როგორც სხვა სპარსული წყაროებიდან ცნობილი ფაქტები, ერთხელ კიდევ აბათილებენ ბურჟუაზიული ორიენტალისტების იმ მტკიცებას, რომლის მიხედვით თითქოს სეფიანთა სახელმწიფოს წარმოქმნა „არიული სულის ენერჯიის გამოვლინებას წარმოადგენდა“¹. XVI ს. დამდეგს არ წარმოქმნილა არც „ირანის ნაციონალური სახელმწიფო“, როგორც ეს არა ერთხელ აღუნიშნავს გერმანელ ირანისტ ვალტერ ჰინცს², რადგან საამისო პირობები არც იმ დროს და არც მომდევნო საუკუნეების ირანში არ არსებობდა. წინააღმდეგ ბურჟუაზიული ორიენტალისტების მტკიცებისა, სეფიანთა სახელმწიფოს წარმოქმნაში მონაწილეობა მიიღო არა ირანულმა ელემენტმა (ფრანც ბაბინგერის „არიელებმა“), არამედ თურქულ-თურქმანული წარმოშობის ყიზილბაშურმა ელემენტმა, რომლის გავლენა სახელმწიფოში მკვეთრად არის ხაზგასმული შაჰ-თამაზ I-ის „თეზქერეში“.

ჩვენთვის ახლა კარგადაა ცნობილი, რომ სეფიანთა სახელმწიფო XVI ს-ის დამდეგს წარმოიქმნა ყიზილბაშური მოძრაობის შედეგად.

ყიზილბაშური მოძრაობა, მისი განვითარების ადრინდელ საფეხურზე, მასიური სოციალური მოძრაობა იყო. ამ მოძრაობაში ყიზილბაშ ტომთა სამხედრო-არისტოკრატიასა და რიგით ნომადებთან ერთად, „მონაწილეობდნენ ვაჭრები, ხელოსნები, გლეხები, ღერვიშები და სხვები“³. ყიზილბაშური მოძრაობის იდეოლოგიურ გარსს ისლამის შიიტური მიმართულება წარმოადგენდა. შიიტობა არსებული წყობილებისადმი ოპოზიციურად განწყობილი

¹ F. Babinger. Marino Sanuto's Tagebücher als Quellen zur Geschichte der Safawyya. A Volume of oriental studies presented to Edward G. Brown. Cambridge, 1922.

² W. Hinz. Irans Aufstieg zum National Staat in XVI Jahrhundert, Leipzig, 1936. ამ თეორიების კრიტიკა იხ. პროფესორ ი. პ. ბეტრუშევსკის შრომებში: Азербайджан в XVI—XVII веках, сб. ССНА, I, Баку, 1949, და — Очерки по истории феодальных отношений в Азербайджане и Армении в XVI—начале XIX вв.

³ И. П. Петрушевский. Азербайджан в XVI—XVII веках, стр. 228.

და ფეოდალური ექსპლოატაციით უკმაყოფილო ნასების რევოლუციური და-საყრდენი იყო. ისლამის შიიტური მიმართულების დროშის ქვეშ გაერთიანებული რიგითი ნომადები, ვაქრები, ხელოსნები და გლეხები გამარჯვების შემდეგ თავიანთი მდგომარეობის გაუმჯობესებას ვარაუდობდნენ.

ამრიგად, ყიზილბაშური მოძრაობაც თავისი ფორმით და შინაარსით არაფრით არ განსხვავდებოდა შუა საუკუნეების მახლობელი აღმოსავლეთის ისტორიიდან ცნობილი სოციალური მოძრაობებიდან, რომლებიც, თავის მხრივ, გარეგნულად რელიგიურ სამოსელში იყვნენ გამოხვეული. შიიტობა (განსაკუთრებით მისი უკიდურესი მიმართულებანი) მუდამ მჭიდროდ იყო დაკავშირებული სოციალურ მოძრაობებთან, რადგან იგი მკვეთრად უპირის-პირდებოდა ორთოდოქსალურ ისლამს — სუნიტობას, რომელიც გაბატონებული ფეოდალური კლასის იდეოლოგიურ დასაყრდენს წარმოადგენდა. სახელმწიფოსა და გაბატონებული რელიგიის წარმომადგენლების მიერ დევნილი შიიტებისადმი სიმპათია მუდამ ძლიერი იყო ექსპლოატირებულ, შევიწროებულ და ათასგვარი გადასახადებით დახარკულ საზოგადოებრივ ფენებში. მაგრამ რელიგიურ გამოხატულებას არ შეიძლებოდა მიეჩქმალა სოციალური მოძრაობის გამომწვევი პოლიტიკური და ეკონომიური მიზეზები. ფრ. ენგელსი აღნიშნავდა: „ეს აჯანყებები, ისე როგორც ყველა მასობრივი მოძრაობა შუა საუკუნეებში, მუდამ რელიგიურ ნიღაბს ატარებდა... მაგრამ რელიგიური ეგზალტაციის საფარქვეშ ყოველთვის მეტად ხელშესახები ამქვეყნიური ინტერესები იმალებოდა“¹.

გარეგნულად რელიგიურ სამოსელში გამოხვეულ ყიზილბაშურ მოძრაობასაც კვეთავდა და აღრმავებდა XV ს-ის დაშლევინათვის დამახასიათებელი სოციალურ-ეკონომიური პირობები. XV — XVI საუკუნეთა მიჯნაზე თეთრბატკნიან თურქმანთა სახელმწიფოში სოციალურმა წინააღმდეგობებმა უკიდურეს წერტილს მიაღწია, გაძლიერდა შინაკლასობრივი ბრძოლა თურქმან ფეოდალებს შორის, გაძლიერდა გლეხთა ექსპლოატაცია, გამწვავდა კლასობრივი ბრძოლა. ყველა ამან თავისი გამოხატულება ჰპოვა ყიზილბაშურ მოძრაობაში. არდებილის შეიხებმა სეფიანთა საგვარეულოდან და მათთან დაკავშირებულმა ყიზილბაშურმა სამხედრო-ნომადურმა არისტოკრატამ სცადეს და შესძლეს კიდევ ამ მოძრაობის თავიანთი პოლიტიკური და ეკონომიური ინტერესების საარგებლოდ გამოყენება. ისინი საამისოდ მიმართავდნენ სოციალურ დემაგოგიას და საზოგადოების დაბალ სოციალურ ფენებს მოუწოდებდნენ მჩაგვრელი თეთრბატკნიან თურქმანთა დინასტიის წინააღმდეგ ბრძოლისაკენ. მაგრამ გამარჯვების შემდეგ მათ სწრაფად ზურგი უჩვენეს იმათ, ვინც აქტიურად მონაწილეობდა აყ-ყონილუს დინასტიის დამხობაში იმის იმედით, რომ მათი მდგომარეობა გაუმჯობესდებოდა. ფრ. ენგელსი ირანსაც ასახელებს იმ ქვეყნებს შორის, სადაც სოციალური ბრძოლები ჩვეულებრივ ამგვარად მთავრდებოდა: „ასეთივე ან თითქმის ასევე იყო საქმის ვითარება სპარსეთსა და სხვა მაჰმადიანურ ქვეყნებში მომხდარ აჯანყებათა დროს. ყოველივე ეს

¹ ფ. ენგელსი. ადრინდელი ქრისტიანობის ისტორიისათვის, გვ. 19—20.

რელიგიურ სანოსელში გამოხეული, ეკონომიური მიზეზებიდან გამომდინარე მოძრაობა იყო; მაგრამ გამარჯვების შენახვისთვის იგი ხელუხლებლად ტოვებს წინანდელ ეკონომიურ პირობებს. ამრიგად ყველაფერი ძველებურად რჩება და შეტაკებანი პერიოდულ ხასიათს იღებენ¹.

მართლაც ყიზილბაშთა გამარჯვებით არაფერი შეცვლილა გარდა იმისა, რომ სახელმწიფოს მმართველობა ერთი გაბატონებული ჯგუფის ხელიდან. მეორე გაბატონებული ჯგუფის ხელში გადავიდა.

მართალია, მოძრაობაში მონაწილეობას იღებდნენ მოსახლეობის სულ სხვადასხვა ფენები, მაგრამ ხელმძღვანელ როლს ყიზილბაშური სამხედრო არისტოკრატია თამაშობდა. გამარჯვების შემდეგ სანხედრო-ნომადურმა არისტოკრატამ ამ მოძრაობაში მონაწილე დაბალ სოციალურ ფენებს ზურგი შეაქცია. რიგითი ნომადები, ვაჭრები, ხელოსნები და გლეხები ამ მოძრაობის მხოლოდ დროებითი თანამგზავრნი აღმოჩნდნენ „და მათი იმედები თავიანთი მდგომარეობის სერიოზული გაუმჯობესების შესახებ ყიზილბაშთა გამარჯვების შემდეგ არ გამართლდა“². ხელმძღვანელი და წამყვანი პოსტი სეფიანთა სახელმწიფოში დაიკავა სამხედრო-ნომადურმა არისტოკრატამ, რომლის გავლენა XVI ს-ის მიწის სივრცეზე სულ უფრო და უფრო იზრდებოდა, ვიდრე შაჰ-აბას I ყიზილბაში ამირების გავლენის შეზღუდვა-შესუსტებას შეეცდებოდა. XVI ს-ში „მხოლოდ მათი რიგებიდან ინიშნებოდნენ ჯარის სარდლები, ოლქთა გამგებენი და სამეფო კარის მაღალი თანამდებობის პირნი“³.

შაჰ-თამაზ I-ის „თეზქერე“ იმის უტყუარ მოწმობას წარმოადგენს, რომ ყიზილბაშთა სახელმწიფოშიც ძირითადად ხელუხლებელი დარჩა თეთრბატკნიან თურქმანთა სახელმწიფოსათვის დამახასიათებელი სოციალურ-ეკონომიური წყობა, სახელმწიფო წყობილება, ფეოდალური ინსტიტუტები, ექსპლოატაციის ფორმები. გლეხთა მდგომარეობა აქ ოდნავაც არ გაუმჯობესებულა. პირიქით, ირან-ოსმალეთის გაუთავებელი ომების პერიოდში გლეხთა მდგომარეობა უფრო გაუარესდა.

ამრიგად, ყიზილბაშთა სახელმწიფო წარმოადგენდა თეთრბატკნიან თურქმანთა სახელმწიფოს პირდაპირ გავრცელებას. იმ გარემოებას, რომ აქ არ შეცვლილა ეკონომიური პირობები, არ შეიძლებოდა მოესპო სოციალურ მოძრაობათა გამომწვევი მიზეზები. მართლაც, XVI ს-ში აღვილი ჰქონდა გლეხების და ხელოსნების სერიოზულ გამოსვლებს⁴.

შაჰ-თამაზ I-ის, „თეზქერეში“ კარგადაა გადმოცემული აღზევებული ყიზილბაში ამირების მოქმედება, მათი მკვიდრო კავშირი საკუთარ ტომებთან, რაც ცხადად მიუთითებს გვაროვნული ყოფაცხოვრების გადმონაშთებზე ყიზილბაშურ ტომებში. ძველში დასახელებულია ყველაზე გავლენიანი და ძლი-

¹ ფ. ენგელსი. დასახ. ნაშრ., გვ. 19, შენ. 1.

² И. П. Петрушевский. Азербайджан в XVI—XVII веках, гл. 228.

³ И. П. Петрушевский. Очерки, гл. 69.

⁴ И. П. Петрушевский. Восстание ремесленников и городской бедноты в Тегризе в 1571—1573 гг., гл. 214—225.

ერი ყიზილბაშური ტომები, რომელნიც ერთმანეთს პირველობასა და უპირატესობას ეცილებოდნენ. საინტერესო ცნობები მოიპოვება აქ „ლალას“ (უფლისწულის გამაზრდელის) ინსტიტუტზე, რაც ცალკეულ ყიზილბაშურ ტომებს შესაძლებლობას აძლევდა დარაზმულიყენენ მის ტომში გაზრდილი უფლისწულის გარშემო. „თეზქერედან“ ვგებულობთ, რომ XVI ს-ის გარკვეულ პერიოდში წამყვანი იყო „ვექილის“ თანამდებობა, რომელიც, როგორც წესი, ამა თუ იმ ყიზილბაშ ამირას ხელთ იყო და არა „ვეზირის“ (სამოქალაქო ბიუროკრატიის წარმომადგენლის), რომელიც მხოლოდ შაჰ-აბასმა დააწინაურა ყიზილბაშში ამირების შეზღუდვის მიზნით.

„თეზქერეში“ მკვეთრადლა წარმოჩენილი ყიზილბაშთათვის დამახასიათებელი მეჯვოვური მეურნეობის წესები, ყოფაცხოვრება. ხშირად დასახელებული „ყიშლალი“ და „იალალი“ მოწმობს, რომ ყიზილბაშური ტომები თავიანთ ჯოგებთან ერთად მოძრაობდნენ ირანის ტერიტორიაზე და აღმ. ამიერკავკასიის იმ ნაწილებში, სადაც მათ თავიანთი მდგომარეობის განმტკიცება შესძლეს.

ყიზილბაშთა სახელმწიფო თავისი ბუნებით და ხასიათით წარმოადგენდა ნომადური ტიპის სახელმწიფოს, რომლის შემოსავლის წყაროებს შეადგენდა ომი და გლეხთა აღვირახსნილი ექსპლოატაცია. მიწისმოქმედი ირანელები (აგრეთვე ირანელი მოქალაქეები, ხელოსნები) ყიზილბაშების მიერ ისევე იყენენ დაპყრობილი, როგორც მანამდე თეთრბატკნიან თურქმანებს ჰყავდათ დაპყრობილი. გაბატონებული ფეოდალური კლასის მთავარსა და ყველაზე პრივილეგირებულ ჯგუფს წარმოადგენდა ყიზილბაშური სამხედრო-ნომადური არისტოკრატია, რომელსაც მდგომარეობით ვერ გაუტოლდებოდნენ ირანული წარმოშობის ფეოდალური ჯგუფები (ძველი ირანული ფეოდალური სახლების ჩამომავალი მელიქები, სასულიერო ფეოდალები, სამოქალაქო ბიუროკრატიის წარმომადგენლები). ცნობილი ფაქტია, რომ შაჰ-აბასამდე ირანელს ირანში არ შეეძლო მხედარი ყოფილიყო და იარაღი აესხა. დამახასიათებელია, რომ „თეზქერე“ ირანის მოსახლეობას ორ მთავარ ჯგუფად ჰყოფს: „მოლაშქრეებად და რაიათებად“¹.

ყიზილბაშური სამხედრო-ნომადური არისტოკრატია, რომელიც საკიროდ არ სთვლიდა მეურნეობის წარმოებას და მხოლოდ ომსა და ძარცვა-გლეჯაზე ექირა თვალი, ყოველნაირად აბრკოლებდა საწარმოო ძალების განვითარებას. სამხედრო-ნომადური არისტოკრატიის ბატონობა მხოლოდ ქვეყნის ჩამორჩენილობას აპირობებდა.

ყიზილბაშებს არ შეიძლებოდა უარყოფითი გავლენა არ მოეხდინათ იმ ქვეყნების განვითარებაზე, სადაც ისინი გაბატონებას ახერხებდნენ. მომთაბარე-მეჯოვე ყიზილბაშები, ისევე როგორც ოსმალები, თავიანთი ბატონო-

¹ „თეზქერე“. ლენინგრადის საჯარო ბიბლიოთეკის ხელნაწერი, დორნის კატალოგი № 302. გვ. 108.

ბით ამიერკავკასიის ქვეყნებში მხოლოდ მეურნეობის დაქვეითების პირობებს ქმნიდნენ.

სამხედრო-ნომადური არისტოკრატიის გავლენა განპირობებული იყო იმითაც, რომ შაჰის მთავარ დასაყრდენ ძალას წარმოადგენდა ფეოდალური ლაშქარი, რომლის მოლაშქრებელ მხოლოდ მომთაბარე ტომებიდან გამო-სული ყორჩიები იყვნენ. ტომის ბელადები — ამირები — შაჰისათვის გაწეული სამხედრო სამსახურისათვის ცენტრალური ხელისუფლებისაგან იღებდნენ მიწებს მასზე მსხდარი გლეხებითურთ. სამხედრო-ნომადური არისტოკრატიის წარმომადგენლები მსხვილი მიწათმფლობელებიც იყვნენ.

მიწისმფლობელობა მათ შესაძლებლობას აძლევდა ეწარმოებინათ გლებთა აღვირახსნილი ექსპლოატაცია. მიწის ფეოდალური საკუთრების გაბატონებულ ფორმას ამ დროს წარმოადგენდა „თიული“, რომელიც სამსახურის სანაცვლოდ ეძლეოდათ ყიზილბაშ ამირებს. ყიზილბაშ ფეოდალებს შორის დაუსრულებელი ქიშიბი არსებობდა მიწისმფლობელობისათვის, მათი ტერმინოლოგიის მიხედვით „ოჯახისათვის“, რომელიც მთელი ტომის საქმელს წარმოადგენდა და გლახთა უსაზღვრო ექსპლოატაციით საზრდოობდა. ყიზილბაში ფეოდალები ერთმანეთს ებრძოდნენ თანამდებობებისათვის, რადგან თანამდებობებთან მკიდროდ იყო დაკავშირებული მიწისმფლობელობა. მიწისმფლობელობა განსაზღვრავდა ყიზილბაში ამირების დამოკიდებულებას ცენტრალურ ხელისუფლებასთან. „ეს ამირები შაჰის ხელისუფლების ერთგული რჩებოდნენ იმდენად, რამდენადაც შაჰისაგან იღებდნენ სახელმწიფო საბატო და შემოსავლიან თანამდებობებსა და მიწებს“¹. ყიზილბაშ მომთაბარე ტომთა შორის ყველაზე გავლენიანი ტომები იყო: შამლუ, რუმლუ, თექელუ, უსთაჯლუ, ყაჯარი, ავშარი და ზულყადარი. შაჰ-ისმაილმა სწორედ ამ ტომთა დახმარებით მიაღწია გადამწყვეტ გამარჯვებას თეთრბატკნიან თურქმანთა სახელმწიფოზე და საფუძველი ჩაუყარა ყიზილბაშთა ანუ სეფიანთა სახელმწიფოს XVI ს-ის დამდეგს.

აღზეებული ყიზილბაში ამირები სეფიანთა სახელმწიფოს არსებობის პირველი დღეებიდანვე ცდილობდნენ მოეპოვებინათ პირველობა და უპირატესობა შაჰის კარზე. მათმა ასეთმა მისწრაფებამ განსაკუთრებით იჩინა თავი შაჰ-თამაზ I-ის დროს.

„თეხქერეს“ სათანადო ცნობები შესაძლებლობას გვაძლევს გავითვალისწინოთ ყიზილბაშთა სახელმწიფოს სოციალურ-ეკონომიური სურათი, თვალი გავადევნოთ ყიზილბაში ამირების ურთიერთშორის წარმოებულ ბრძოლას თიულებისა და უპირატესობისათვის სახელმწიფოში.

1534 წელს ოსმალებმა განაახლა ომი ყიზილბაშთა სახელმწიფოს წინააღმდეგ. განახლებული ომის მომენტებს შაჰ-თამაზი უკავშირებს ულამათექელუს, აგრეთვე ალყას-მირზას აჯანყებებს და ოსმალო სარდლის ისკანდერ-ფაშას მტრულ მოქმედებას „გურჯისტანში“.

¹ И. П. Петрушевский. Очерки, гл. 106.

„თეზქერეში“ დაცული ცნობების ისტორიულ-კრიტიკული ანალიზი შესაძლებლობას გვაძლევს აღვადგინოთ ამიერკავკასიის ქვეყნების (აზერბაიჯანის (შირვანის, შაჰის), სომხეთის, საქართველოს (სამეფო-სამთავროების) არა ერთი საყურადღებო მომენტი, — დაკავშირებული ოსმალეთის იმპერიის აგრესიასთან, მათს ბატონობასთან ანდა მათთან ურთიერთობის თავისებურებასთან.

„თეზქერეში“ განსაკუთრებით უხვი და საყურადღებო ცნობები მოგვეპოვება იმ საკითხის შესასწავლად, თუ როდის და როგორ იქმნება პირობები ნახევრადბატონიარქალური-ნახევრადფეოდალური წყობისათვის აღმოსავლეთ ამიერკავკასიაში. ფეოდალური განვითარების უმდაბლეს საფეხურზე მდგარმა დამპყრობლებმა აღმოსავლეთ ამიერკავკასიაში შემოიღეს (აქაური მიწების დატაცების ხარჯზე) მათთვის დამახასიათებელი მიწისმფლობელობის წესები, გააბატონეს ფეოდალური ექსპლოატაციის აღმოსავლური ფორმები.

ამიერკავკასიის კულტურული (მიწისმოქმედი) ხალხებისათვის მიუღებელი „ყიზილბაშობა“ (ყიზილბაშური სოციალურ-პოლიტიკური წყობილება) და „ოსმალბა“ (ოსმალური სოციალურ-პოლიტიკური წყობილება) აპირობებდა ამ ხალხთა ეკონომიურ დაქვეითებას და, ამდენადვე, გარდაუვალ დაბრკოლებას უქმნიდა მათ პოლიტიკურ და კულტურულ განვითარებას, მათს მომავალს. ამის შეგნება ძლიერი იყო ამიერკავკასიის ხალხთა შორის უკვე XV ს-ში (შავბატანიან და თეთრბატანიან თურქმანთა ბატონობის ხანაში). განსაკუთრებით გაძლიერდა ეს შეგნება XVI საუკუნეში — ირან-ოსმალეთის აგრესიის შავბენელ ხანაში. სწორედ ამიტომ ამიერკავკასიის ხალხები თანაბრად იყვნენ დაინტერესებული რუსეთთან ურთიერთობის დამყარებით და ამ ურთიერთობის განვითარებით.

„თეზქერეში“ დაცული სათანადო ცნობების ანალიზი გვაძლევს მასალას ამიერკავკასიის ხალხთა იმ პოლიტიკური განწყობილების გასაგებად, რომელიც უშუალოდ უკავშირდება რუსეთთან ურთიერთობის საკითხს. შემთხვევით არ აიხსნება, რომ ეს საკითხი აქტუალურად დაისვა სწორედ XVI საუკუნეში, როცა „ოსმალბამ“ თუ „ყიზილბაშობამ“ არა ერთი პოლიტიკური ერთეული გააქრო ამიერკავკასიაში. შაჰ-თამაზ I-ის ცნობები, საიდანაც ჩანს თუ როგორ დიდ ზიანს აყენებდა ირან-ოსმალეთის ომები ამიერკავკასიის ქვეყნებს და აქაურ ბინადარ მიწისმოქმედ მოსახლეობას, საუკეთესო მასალაა ზემოაღნიშნული საკითხის შესასწავლად.

ამავე დროს, მუდამ გათვალისწინებული უნდა გვექონდეს, რომ ამ ცნობებს გვაწვდის არა აღწერილი მოვლენების უბრალო თანადამხდლური და თვითმხილველი, არამედ თვითონ ყიზილბაშური აგრესიის განმახორციელებელი, ამიერკავკასიის ქვეყნების გამანადგურებელ ღონისძიებათა გამტარებელი ირანის შაჰი. ამ ცნობებს იგი იძლევა ოსმალთა ელჩებთან ოფიციალურ საუბარში და სრულიად გარკვეული მიზნით, მაგრამ ისტორიული სურათის აღსადგენად საინტერესოა, როცა შაჰი ასახელებს დანგრეულ ქალაქებს და გადაშენებულ სოფლებს, რომელთა დიდი უმეტესობა თითქმის უკლებლივ ამიერკავკასიის ტერიტორიაზე მოდის.

ამიერკავკასიის ხალხთა ისტორიაში XVI საუკუნე განსაკუთრებულ-
ძნელბედობის ხანაა. ყიზილბაშები და ოსმალები დაეინებით ცდილობენ ამი-
ერკავკასიის ქვეყნების დაპყრობას. ისინი XVI საუკუნის დამდეგიდანვე
ახორციელებენ აგრესიულ პოლიტიკას ამიერკავკასიის ქვეყნების მიმართ.
მათი მიზანია: მოუხპონ ამიერკავკასიის ქვეყნებს და ხალხებს დამოუკიდე-
ბელი სახელმწიფოებრივი არსებობა, გადააქციონ ამიერკავკასიის ქვეყნები
ირანის თუ ოსმალეთის პროვინციებად.

ოსმალები, ისევე როგორც ყიზილბაშები, დაეინებით ცდილობდნენ ამიერ-
კავკასიის ქვეყნებში გაბატონებას. საქმე ისაა, რომ ამიერკავკასია მეტად
ხელსაყრელ პოზიციას წარმოადგენდა „ირანთან ომის დროს, რომელსაც
ოსმალეთი ამ მეზობლის დაპყრობის მიზნით აწარმოებდა“¹. ამას გარდა,
ოსმალეთი დაინტერესებული იყო აღმ. ამიერკავკასიის, განსაკუთრებით
აბრეშუმით მდიდარი შირვანის დაპყრობით და იმ სავაჭრო-სატრანზი-
ტო გზის ხელში ჩაგდებათ, რომლითაც დას. ევროპას მახლობელი და შუა
აღმოსავლეთის ქვეყნები უკავშირდებოდა. ოსმალეთის ასეთ ზღვრადე-
ბას წინ ეღობებოდა სეფიანთა ირანი, რომელიც თავის მხრივ პრეტენზიას
აცხადებდა ამიერკავკასიის ქვეყნებზე. სწორედ ამან მისცა დასაბამი იმ გაუ-
თავებელ ომებს, რომლებიც XVI საუკუნის დასაწყისშივე გაჩაღდა ირანსა და
ოსმალეთს შორის და ამ საუკუნის თითქმის მთელ სიგრძეზე წარმოებდა.
ეს აგრესიული ომები გარეგნულად რელიგიურ საბურველში იყო გამოხვეული,
მაგრამ რელიგიური მოტივები ამ ომების მხოლოდ იდეოლოგიური დასა-
ყრდენი იყო. სინამდვილეში „ეს ომები წარმოებდა არაბული ერაყის ხელში
ჩასაგდებად, ქურთისტანისა და უმთავრესად ამიერკავკასიის ხელში ჩასაგ-
დებად, მდიდარი ნედლეულისა და წიაღისეულის დასამატრონებლად, აგ-
რეთვე იმ უმნიშვნელოვანეს სავაჭრო გზებზე კონტროლის დასამყარებლად,
რომლებიც აზერბაიჯანისა და ამიერკავკასიის ტერიტორიაზე გადადიოდა
და ევროპასა და აზიის აკავშირებდა“².

ირანთან ომის დროს ოსმალეთისათვის ამიერკავკასიის ხელში ჩაგდებას
ის მნიშვნელობაც ჰქონდა, რომ „კასპიის ზღვის სანაპიროების დაუფლების
შემთხვევაში, ოსმალეთს შეეძლო მდგომარეობა შეემსუბუქებინა და ურთი-
ერთობა განემტკიცებინა შუა აზიის ოზბეგთა სახანოებთან, რომლებიც
XVI ს-ში განუწყვეტლივ ეოჩებოდნენ ყიზილბაშთა სახელმწიფოს“³.

ოზბეგები ოსმალების ბუნებრივ მოკავშირეებს წარმოადგენდნენ ყიზილ-
ბაშების წინააღმდეგ ომში. საქმე ისაა, რომ ოზბეგები აღმოსავლეთიდან
უტევდნენ ხოლმე ირანს სწორედ იმ დროს, როცა ოსმალები ირანის წინა-
აღმდეგ მოქმედებდნენ. ოზბეგები, რომლებიც ხორასანისათვის იბრძოდნენ,
ოსმალებთან მოკავშირეობითაც ცდილობდნენ ყიზილბაშების დასუსტებას

¹ 5. ბერძენიშვილი, ი. ჯავახიშვილი, ს. ჯანაშია. საქართველოს ისტორია, გვ. 300.

² М. С. Иванов. Очерк истории Ирана, 1952, гв. 60—61.

³ И. П. Петрушевский. Азербайджан в XVI—XVII веках, гв. 262.

ბორასანში. ამ კავშირის განმტკიცებას ოსმალეთი უკავშირებდა რელიგიურ ფაქტორს, ერთმორწმუნეობას (ოზბეგები ოსმალების მსგავსად სუნიტები იყვნენ).

ამიერკავკასიის ქვეყნების დაპყრობას ოსმალეთი სრულიად გარკვეული მიზნით ცდილობდა. „ამიერკავკასიისა და კასპიისზღვისპირა სანაპიროს ხელში ჩაგდებას ოსმალებისათვის უდიდესი მნიშვნელობა ჰქონდა ადგილობრივი სიმდიდრის — ბაქოს ნავთისა და მარილის, შირვანისა და გილანის აბრეშუმის, მატყლის, სპილენძისა და ვერცხლის ხელში ჩაგდების თვალსაზრისითაც“¹. დამპყრობელი ყიზილბაშების და ოსმალების წინააღმდეგ შეუპოვრად იბრძოდნენ როგორც ამიერკავკასიის ქრისტიანული ქვეყნები (სომხეთი, საქართველო), ისე მუსლიმანური ქვეყნები (შირვანი, შაქი...). ამიერკავკასიაში „ურწმუნოთა“ წინააღმდეგ ბრძოლას ლოზუნგს, რასაც თანაბრად იყენებდნენ ოსმალებიც და ყიზილბაშებიც, არ შეიძლებოდა მიეჩქმალა დამპყრობელთა ნამდვილი განზრახვები ამიერკავკასიის ქვეყნების მიმართ.

XVI საუკუნისათვის ამიერკავკასიის ქვეყნები ეკონომიური განვითარებით და პოლიტიკური მდგომარეობით ერთმანეთისაგან მნიშვნელოვნად განსხვავდებოდნენ.

ამ დროისათვის აზერბაიჯანი არ წარმოადგენდა ერთ მთლიან სახელმწიფოს. მის სამხრეთ ნაწილში (სამხრეთ აზერბაიჯანი ქ. თავრიზითურთ) გაბატონებული იყვნენ მომთაბარე ყიზილბაში ტომები, ხოლო ჩრდილო აზერბაიჯანში შაქი და შირვანი ჯერ კიდევ ინარჩუნებდნენ პოლიტიკურ დამოუკიდებლობას. მათი დამოკიდებულება ყიზილბაშთა სახელმწიფოსთან, XVI ს-ის გარკვეულ პერიოდამდე, ვასალიტეტზე იყო დაფუძნებული. შაქიც და შირვანიც XVI საუკუნის დასაწყისისათვის ეკონომიურად დაწინაურებულ ფეოდალურ ერთეულებს წარმოადგენდნენ. ამ ფეოდალური ქვეყნების ეკონომიური დაწინაურება განპირობებული იყო იმით, რომ იქ ძველთაგანვე მისდევდნენ კულტურულ მეურნეობას და აბრეშუმის დიდი რაოდენობით წარმოებას, რაც უცხოეთთან ვაჭრობის მთავარ სავანს წარმოადგენდა.

1444 წლიდან მოყოლებული, ვიდრე 1551 წლამდე, ე. ი. სანამ შაქი დაკარგავდა დამოუკიდებლობას და მას სეფიანთა სახელმწიფო შეაერთებდა, იქ მმართველობას ახორციელებდა ყარა ქეშიზ-ოღლის დინასტია; შირვანს კი (1538 წლამდე) შირვანშაჰების დერბენდული დინასტია განაგებდა. ეს დინასტია აქ 1382 წლიდან ბატონობდა და ენერგიულად იბრძოდა შირვანის დამოუკიდებლობისათვის.

XVI ს-ის პირველ ნახევარში შირვანი და შაქი არა ერთხელ გაერთიანებულა ყიზილბაშთა აგრესიის წინააღმდეგ. როდესაც ყიზილბაშებმა ინახდინეს შირვანის ინკორპორაცია (1538), შირვანელთა დასახმარებლად დაუყოვნებლივ გამოვიდა შაქის მმართველი დერვიშ მოჰამედხანი. მას კარგად ესმოდა, რომ შირვანის დაპყრობით ყიზილბაშები

¹ И. И. Петрушевский. Азербайджан в XVI—XVII веках, гл. 262.

არ დაკმაყოფილდებოდნენ და დღის წესრიგში ახლა შაქის დაპყრობას და-
აყენებდნენ. აკად. ივ. ჯავახიშვილს აღნიშნული აქვს, თუ როგორ გა-
აძნელა ქართველი ხალხის ბრძოლა ყიზილბაში დამპყრობლების წინააღმდეგ
შირვანის და შაქის ინკოპორაციამ¹. ამ მოვლენის შეჯახებისას აკად.
ნ. ბერძენიშვილი შენიშნავს, რომ შაქ-თამაზ I-ს აღმ. ამიერკავკასიის სამ-
ხედრო-პოლიტიკური ორგანიზაცია ახალ საფუძველზე საქართველოს წინა-
აღმდეგ აქტიური მოქმედებისათვის სჭირდებოდა².

ყიზილბაშთა სახელმწიფო განსაკუთრებით დაინტერესებული იყო აბრე-
შუმით მდიდარი შირვანის დაპყრობით. შაქიც და შირვანიც ძველთაგანვე
განთქმული იყვნენ თავიანთი აბრეშუმით, რომელიც უმთავრესად უცხო
სახელმწიფოებში გაჰქონდათ. ცნობილია რომ ვეროპის სახელმწიფოები დი-
დად იყვნენ დაინტერესებული კასპიისზღვისპირა ქვეყნებთან აბრეშუმით
ვაჭრობით. გილანის აბრეშუმთან ერთად დიდი მოთხოვნილება იყო შაქისა
და შირვანის აბრეშუმზე. ვეროპის სახელმწიფოებისათვის ამ ქვეყნებთან
აბრეშუმით ვაჭრობის მნიშვნელობის წარმოსადგენად საკმარისია აღინიშნოს,
რომ ჯერ კიდევ მე-12 საუკუნეში გენუელებმა გილანის აბრეშუმის გატანის
მიზნით გადაიტანეს თავიანთი გემები შავი ზღვიდან კასპიის ზღვაში, რაც
ერთადერთი მაგალითია ისტორიაში³.

ვეროპელებს კასპიისზღვისპირა ქვეყნებში შეჰქონდათ თავიანთი საქო-
ნელი, რასაც ადგილობრივ აბრეშუმზე ცვლიდნენ.

შემახა, ბაქო, განჯა და დარუბანდი აბრეშუმით ვაჭრობის ცენტრებს წარ-
მოადგენდნენ. დასახელებული ქალაქები, ვეროპელი მოგზაურების ცნობებით,
განვითარებულ და კეთილმოწყობილ ქალაქებს წარმოადგენდნენ. ამას მოწ-
მობენ აქ აშენებული სასახლეები და აზერბაიჯანული ხელოვნების სხვა ნიმუ-
შები. წყაროების მიხედვით, განვითარებული ჩანს ხელოსნობაც. შირვან-
შაქთა აღმშენებლობითი საქმიანობის საილუსტრაციოდ შეიძლება დავასახე-
ლოთ თუნდაც ის ციხე-გალავანი, რომელიც ქ. ბაქოს ჰქონდა შემოვლებული
ან ქალწულის კოშკი და შირვანშაქთა სასახლე, რომელიც ჯერ კიდევ XV
საუკუნეში იქნა აგებული შირვანშაქ ხალილულაჰ I-ის (1417 — 1462) ზეობის
წლებში.

XV ს-ში შირვანი წარმოადგენდა ეკონომიურად დაწინაურებულ ქვე-
ყანას. ამას აღნიშნავს არა მარტო აზერბაიჯანელი მწერალი აბდურაშიდ
ბაქუევი, არამედ ერთხმად აღნიშნავენ თანამედროვე ვეროპელი მწერლები,
ელჩები და მოგზაურები: შილტბერგერი, ბარბარო, კონტარინი, ანჯოლელო.

¹ ივ. ჯავახიშვილი. ქართველი ერის ისტორია, წიგნი მეოთხე, თბილისი, 1948.

² Н. Бердзенишвили. Очерк из истории развития феодальных отношений в Грузии (XIII—XVI вв.), გვ. 40.

³ ვ. ვ. ბარტოლდი. აზერბაიჯანის ისტორიის მოკლე მიმოხილვა, ტფილისი, 1935, გვ. 15.

დასახელებულ მწერალთა ცნობებმა პროფ. ი. პეტრუშევსკის საფუძველი მისცა აღენიშნა, რომ „XV საუკუნე იყო შირვანის ეკონომიური აღმავლობის პერიოდი. სოფლის მეურნეობის ეს აყვავება ევროპელი მოგზაურების ყურადღებას იპყრობდა“¹. გლეხთა ექსპლოატაცია აქ შედარებით მსუბუქი იყო². განვითარებულ შირვანს გადაგვარებით ემუქრებოდნენ ნომადი დამპყრობლები. ამიტომ იყო, რომ უკვე 1566 წელს შირვანი, კავშირს ამყარებს რუსეთთან. ამ კავშირს XVI—XVIII სს. ავითარებენ აზერბაიჯანელი მოღვაწეები.

შაჰისა და შირვანის პოლიტიკური მდგომარეობა განსაკუთრებით გაუარესდა XV—XVI სს. მიჯნაზე, როდესაც ყიზილბაშური შოძრაობის განმარჯვების შედეგად საფუძველი ჩაეყარა სეფიანთა სახელმწიფოს. თუ შირვანშაჰ ხალილულაჰს (1417 — 1462) ურთიერთობა ჰქონდა თემურიანთა სუსტ სახელმწიფოსთან, სამაგიეროდ შირვანშაჰ ფაროხ იასარს (1462 — 1500) რამდენჯერმე მოუხდა შეტაკება არღებლის შეიხთა ფეოდალურ სამთავროსთან, რომლის სათავეში სეფიანთა საგვარეულო იდგა. არღებლიელი შეიხები—ჯუნეიდი და ჰაიდარი შირვანშაჰებთან ომში დაიღუპნენ, მაგრამ შეიხისმთავრობა შეძლო შირვანშაჰის დამარცხება და შირვანის ტერიტორიის დროებით დაკავება. ისმთავრობა, მართალია, დაიპყრო შირვანის მთავარი ციხე-ქალაქები (ბაქო, გულისტანი, შემახა და სხვ.), მაგრამ შირვანს ამით პოლიტიკური დამოუკიდებლობა მაინც არ დაუკარგავს. 1502 წ. შირვანში განმტკიცდა შეიხ-შაჰი ანუ შეიხ-იბრაჰიმი (1502—1524). ეს შირვანშაჰი ყიზილბაში შაჰის ვასალად ითვლებოდა და მარჯვედ იყენებდა ყიზილბაშთა შორის არსებულ წინააღმდეგობებს შირვანის დამოუკიდებლობის შესანარჩუნებლად. მისი სიკვდილის შემდეგ შირვანში დაიწყო ბრძოლა ტახტის მამდიებელთა შორის. ამ ბრძოლამ და შინაურმა აშლილობამ შირვანი დიდად დაასუსტა, რამაც შესაძლებლობა მისცა შაჰ-თამაზ I-ს მოეხდინა ამ ქვეყნის ინკორპორაცია 1538 წელს, რასაც 1551 წელს შაჰის დაპყრობაც მოჰყვა.

XVI საუკუნისათვის ყველაზე მძიმე სომხეთის მდგომარეობა იყო.

XVI ს-ში სომხეთი გადაიქცა სხვადასხვა მომთაბარე ტომების ბრძოლის ასპარეზად. შავბატკნიანი და თეთრბატკნიანი თურქმენების ბატონობის ხანაში სომხეთს სტოვებენ მიწისმოქმედნი, ვაჭრები, ხელოსნები. მათმა ერთმა ნაწილმა თავშესაფარი საქართველოში ჰპოვა. XV — XVI სს. მიჯნაზე თურქმენები ყიზილბაშებმა შესცვალეს. ყიზილბაშთა დროს უკიდურესად გაღატაკდა სომხეთის ძირითადი მწარმოებელი კლასი — გლეხობა. „სომეხ გლეხთა მდგომარეობა არსებითად არაფრით არ განსხვავდებოდა უფლებო მონისაგან, მას თითქმის ყოველ წლიურად გამოუჩნდებოდა ხოლმე ახალი ბატონი, რომელიც ართმევდა უკანასკნელ ლუკმას და აიძულებდა შეესრულებინა უმძიმესი სამუშაოები“³.

¹ И. П. Петрушевский. Государства Азербайджана в XVI в., гл. 182.

² იქვე.

³ История армянского народа, часть I, Ереван; 1951, гл. 203.

XVI ს-ის დასაწყისისათვის არც საქართველო წარმოადგენდა ერთ პოლიან სახელმწიფოს. იგი დაყოფილი იყო ცალკე სამეფო-სამთავროებად (ქართლი, კახეთი, იმერეთი, სამცხე-საათაბაგო და გურისა და ოდიშის სამთავროები). ეკონომიური განვითარების მხრივ საქართველოს სხვადასხვა ნაწილებიც განსხვავდებოდნენ ერთმანეთისაგან, „საქართველოს ყველა ნაწილებთან შედარებით XVI საუკუნეში ყველაზე უკეთეს პირობებში კახეთი იმყოფებოდა. შუასაუკუნეობრივი მეურნეობის განვითარებისათვის კახეთის ბუნებრივი პირობები საუკეთესო იყო. აღმ. ამიერკავკასიაზე გამავალ საქარავენო-სავაჭრო გზებზე სიხლოვეთაც XVI ს-ის კახეთი ხელსაყრელად გამოიჩინებოდა საქართველოს სხვა ნაწილებისაგან“¹.

სამაგიეროდ აღებულ ხანაში ქართლის მდგომარეობა მეტად მძიმე იყო. „კახეთისაგან განსხვავებით XVI ს-ის ქართლი განიციდის შემდგომ დაქვეითებას“². თუ კახეთი თავისი მოქნილი დიპლომატიის წყალობით ირან-ოსმალეთის ომების მსვლელობაში მშვიდობიანი ცხოვრების შესაძლებლობას ინარჩუნებს, ქართლში სრულიად საწინააღმდეგო ვითარებას ვხედავთ.

XVI საუკუნის დასაწყისიდანვე ირან-ოსმალეთის ომების ერთ-ერთი ასპარეზი იყო ქართლი, რომელიც დამპყრობლების წინააღმდეგ თავისი დაუცხრომელი ბრძოლით საქართველოს სხვა ნაწილებს მდგომარეობას უმსუბუქებდა. „XVI ს-ში ქართლის ისტორია — ესაა ორმოცდაათამდე ომი, რის შედეგადაც ამ ქვეყნის მოსახლეობის მწარმოებელი კლასი ერთიორად შემცირდა“³.

ქართლის დაპყრობას ყიზილბაშები დაეინებით. ცდილობდნენ, რადგან მისი დაპყრობა მათ გზას გაუხსნიდა სამცხე-საათაბაგოსაკენ და, ამავე დროს, ქართლის დაპყრობის შემთხვევაში, კახეთის წინააღმდეგ აქტიური შეტევითი პოლიტიკის შესაძლებლობა მიეცემოდათ. მაგრამ ქართლი შეუპოვრად იბრძოდა აგრესორთა წინააღმდეგ.

კიდევ უფრო მძიმე იყო სამხრეთ საქართველოს მდგომარეობა. მისი მდგომარეობა ძალზე გაუარესდა მას შემდეგ, რაც ამიერკავკასიაში პირველობისათვის ერთმანეთს შეეჯახა ირანი და ოსმალეთი. სამხრეთ საქართველო განუწყვეტელი ომის ასპარეზს წარმოადგენდა. მოზღვავებული მტრის წინააღმდეგ ქართველ მეფე-მთავრებთან გაერთიანებას ათაბაგები შეგნებულად ერიდებოდნენ, რადგან ქართლის და იმერეთის მეფეები არ სცნობდნენ ათაბაგის დამოუკიდებელ არსებობას და ცდილობდნენ თავიანთი ძალა-უფლებისათვის დაემორჩილებინათ იგი. სამცხე-საათაბაგოს ვარეშე მტერთან ბრძოლაში არც გეოგრაფიული მდგომარეობა უწყობდა ხელს, რადგან „დასავლეთიდან მას ოსმალეთი მოსდგომოდა, ხოლო სამხრეთიდან და სამხრეთ-

¹ Н. Бердзенишвили. Очерк, гл. 27.

² იქვე, გვ. 39.

³ იქვე.

აღმოსავლეთიდან ირანის ყაენის სამფლობელო ეკრა. სუსტ მებობელს ორივე მტერი ჩასანთქავად უყურებდა¹.

სამცხე-საათაბაგო თავისი სტრატეგიული მდებარეობის წყალობით ოსმალებისათვის, ირანში შესაქრელად და, პირუკუ, ირანისათვის ოსმალეთში შესაქრელად მარჯვე პლაცდარმს წარმოადგენდა. ირანიც და ოსმალეთიც, სწორედ ამიტომ, ცდილობდნენ მის ხელში ჩაგდებას, რათა ხელსაყრელი პლაცდარმი მოწინააღმდეგე მხარის წინააღმდეგ ომში მარჯვედ გამოეყენებინათ.

ათაბაგებს კარგად ესმოდათ ოსმალეთისა და სეფიანების განზრახვების აზრი სამცხის მიმართ. მათთვის ცხადი იყო ამ მეტოქე სახელმწიფოთა წინააღმდეგობების მიზნებიც. ამიტომ ისინი ცდილობდნენ რიგრიგობით, ხან ერთისა და ხან მეორისადმი მიმზრობით, შეენარჩუნებინათ დამოუკიდებელი პოლიტიკური არსებობა, გამოეყენებინათ თავიანთ სასარგებლოდ მათი შეურიგებელი წინააღმდეგობანი. ორ მოქიშპე მტერს შორის მერყეობისა და ქანაობის პოლიტიკა დიდად ვნებდა სამცხე-საათაბაგოს, რადგან „ხან ირანი სწამებდა ათაბაგს ორგულობას, ხან — ოსმალეთი დარიგრიგობით არბევდნენ გზადაბნეული ფეოდალის ქვეყანას“².

არა ნაკლებ მძიმე მდგომარეობაში იმყოფებოდა დასავლეთ საქართველო, მაგრამ შაჰ-თამაზ I-ის „თეზქერე“ თითქმის არაფითარ ცნობებს არ გვაწვდის დასავლეთ საქართველოს შესახებ.

ბრძოლა ოსმალეთსა და ირანს შორის ამიერკავკასიის ქვეყნებში გაბატონებისათვის XVI საუკუნის მეორე ათეულში დაიწყო. 1514 წელს ჩალირანთან ყიზილბაშებმა მძიმე მარცხი განიცადეს. 1515 წელს ირანსა და ოსმალეთს შორის ზავი დაიდო. ამ ზავის პირობების თანახმად ოსმალეთმა მიიღო სომხეთის დასავლეთი ნაწილი და მესოპოტამიის ჩრდ. ნაწილი ქ. მოსულამდე. სომხეთის დანარჩენი ნაწილი, აზერბაიჯანი, ქურთისტანი და არაბული ერაყი ქ. ბაღდადითურთ ყიზილბაშებს დარჩათ³. 1515 წლის ზავმა, რა თქმა უნდა, საბოლოოდ ვერ გადასჭრა ირან-ოსმალეთის წინააღმდეგობანი და ომი ამ ორ მტაცებელს შორის კვლავ განახლდა XVI საუკუნის 30-ან წლებში.

„თეზქერეში“, როგორც ირან-ოსმალეთის პირველი ომის ამსახველდოკუმენტურ წყაროში მეტნაკლებად არის ასახული ამიერკავკასიის ქვეყნების მდგომარეობა, როგორც ირან-ოსმალეთის ომების ერთ-ერთი მთავარი ასპარეზისა.

ა. „თეზქერეს“ ცნობები აზერბაიჯანის შესახებ

შაჰ-თამაზ I-ის „თეზქერე“ ყველაზე უხვ ცნობებს, ამიერკავკასიის ქვეყნებიდან, აზერბაიჯანის შესახებ გვაწვდის. ეს გასაგებიცაა, რადგან ყიზილბაშური ტომების მოძრაობა ძირითადად აზერბაიჯანის ტერიტორიაზე

¹ ნ. ბერძენიშვილი, ი. ჯავახიშვილი, ს. ჯანაშია. საქართველოს ისტორია, გვ. 318—319.

² იქვე.

³ И. П. Петрушевский. Азербайджан в XVI—XVII веках, гв. 241.

წარმოებდა, ხოლო ამ მოძრაობის გამარჯვების შედეგად წარმოქმნილი სეფიანთა სახელმწიფოს პოლიტიკური ცენტრი კარგა ხანს ქალაქ თავრიზში იყო.

ამას გარდა, ის ფეოდალური შფოთი, რომელსაც ადგილი ჰქონდა შაჰ-თამაზ I-ის ტახტზე ასვლის დროს ყიზილბაშ ამირებს შორის, აზერბაიჯანსაც შეეხო. ამავე დროს ამიერკავკასიის სხვა ქვეყნებთან ერთად, აზერბაიჯანიც ირან-ოსმალეთის გაუთავებელი ომების ასპარეზს წარმოადგენდა.

ძეგლის მიხედვით აშკარად ჩანს, რომ XVI ს-ის 30-ანი წლისათვის აზერბაიჯანის ტერიტორიაზე (შაქისა და შირვანის გამოკლებით) მტკიცედ აქვთ მოკიდებული ფეხი მომთაბარე ყიზილბაშ ტომებს და დაჟინებით ცდილობენ, რათა თავიანთი ბატონობა არა მარტო აზერბაიჯანზე, არამედ აღმ. ამიერკავკასიის მთელს ტერიტორიაზეც გაავრცელონ. შირვანის მტკიცე დაპყრობა-შემომტკიცების საწინდრად ყიზილბაშებს საქართველოს (ოსმალეთის მოსაზღვრის და „სანაპირო ქვეყნის“) დაპყრობა მიაჩნდათ. ამ პოლიტიკას ისინი თანამიმდევრულად ახორციელებდნენ, ვიდრე ქართლის მედგარ წინააღმდეგობას წააწყდებოდნენ (ასე რომ ქართლის ბრძოლას დიდი მნიშვნელობა ენიჭებოდა ამიერკავკასიის მასშტაბით და დაპყრობილი შირვანელების არა ერთ აჯანყებას ხელს დიდად უწყობდა). ერთი სიტყვით, ყიზილბაშთა ნომადური ტალღა თანდათან ზოიწყვედა სამხრეთ-აღმოსავლეთიდან და ჩრდილო-დასავლეთის მიმართულებით ვრცელდებოდა.

XVI ს-ის 30-ანი წლებისათვის აზერბაიჯანს განაგებს თექვსმეტს ყიზილბაშური ტომის წარმომადგენელი ულამა-ბეგი, რომელიც შაჰ-ისმაილის დროს, იასაული ყოფილა, შემდეგ ეშვიკლასი გამხდარა, ხოლო შაჰ-თამაზს მისთვის ამირას წოდებულება მიუნიჭებია და აზერბაიჯანის ამირთა-ამირად დაუნიშნავს. აზერბაიჯანის გამგებელ მოხელეს ნიშნავს ცენტრალური ხელისუფლება, რომელსაც იგი ემორჩილება და ასრულებს მის განკარგულებას¹. აზერბაიჯანში თექვსმეტს ტომი დიდი გავლენით სარგებლობდა. „თეზქერეში“ ყველაზე უხვი ცნობები სწორედ თექვსმეტს ყიზილბაშური ტომის შესახებ მოიპოვება.

აზერბაიჯანის ტერიტორიაზე გაბატონებული არიან სხვა ყიზილბაშური ტომებიც. თუ აზერბაიჯანის ამირთა-ამირა ულამა-ბეგი თექველუ იყო, არღებილის გამგებელი (ჰაქიმი) არის ვინმე ბადანჯან-სულთან რუმლუ, რომელსაც შაჰი „თეზქერეში“ იხსენიებს ყიზილბაშ ამირებს შორის ამტყდარ შინაფეოდალურ ომთან დაკავშირებით. ჰერათში მყოფ შაჰს მოახსენებენ: „აზერბაიჯანიდან ამბავი მოვიდა, რომ უსთაჯლუს ამირები რეშთიდან არღებილს ჩავიდნენ, სადაც ბადანჯან-სულთან რუმლუ იყო ჰაქიმიადო“².

აზერბაიჯანის ტერიტორიაზე XVI საუკუნეში ყიზილბაშ ტომების გაბატონების ფაქტები აღნიშნულია სხვა წყაროებშიც³.

¹ Dio Denkwürdigkeiten des Schah Tahmasp I, ZDMG, Bd, 44, 1590, გვ. 587.

² იქვე, გვ. 581.

³ ჰასან-რუმლუს, შერაფ-ხან ბითლისელის, ისკანდერ-მუნშის და სხვათა თხზულებანი.

ახერხებიანს დიდ ზიანს აყენებდა ყიზილბაშ ამირათა შორის ამტყდარი ქიშპი და ბრძოლა. შინაფეოდალური ომი საერთოდ არა ნაკლებ ზიანს აყენებს ქვეყანას, ვიდრე ირან-ოსმალეთის ომი. მოსახლეობის (ვაჭრების, ხელოსნების, გლეხების) განუკითხავი ძარცვა-გლეჯა ორივე შემთხვევაში ჩვეულებრივი მოვლენა იყო.

ულამა თექელუს გამოსვლა ცენტრალური ხელისუფლების წინააღმდეგ იმ შინაფეოდალური ომის ერთი ნაწილი იყო, რომელსაც ერთ დროს ადგილი ჰქონდა სეფიანთა სახელმწიფოში. ყიზილბაშ ამირათა შინაფეოდალური ომი ვავლენას ახდენდა იმ ქვეყნების ნორმალურ ცხოვრებაზე, რომლის ტერიტორიაზეც ეს ბრძოლა ხდებოდა. აჯანყებული ფეოდალები ძარცვავდნენ არა მარტო შაჰის და მისი „ურდოს ხალხის“ ქონებას, არამედ უფრო მეტად ადგილობრივ მოსახლეობას, მოქალაქეებს, ხელოსნებს. ასე, მაგალითად, პირველი გამოსვლის დროს ულამა, თექელუმ თავრიზი გაძარცვა. ამის გამო „თეხქერეში“ ნათქვამია: „ულამა თავრიზს მივიდა, ტარულას შეპყრობა განიზრახა, თავრიზში დატოვებული შაჰის პირად ბედაურებს დაეპატრონა და შაჰის პირადი მონა ქალები, ოქრომკედით შეპარგვლებს ზელობის სასწავლად რომ ჰყავდათ მიბარებული, წაართვა და თავის მოლაზრეებს დაურიგა. შაჰის პირადი კანშული კარავი თავისთვის დაიდგა, თავრიზში დატოვებული ურდოს ხალხის ქონება გაძარცვა“¹. ასევე მომდევნო წელს შაჰს, ჰერათში, მოახსენებენ, რომ: „ულამა თავრიზს მოვიდა და ყიზილბაშთა მთელი ოჯახ-ხიზნები დაატყვევა“².

ულამა თექელუს შემდეგი თავდასხმა თავრიზზე, რაც ძეგლის მიხედვით „ნუსლიმანთა ქონებისა და პატრიის, ესოდენ უსამართლო სისხლის ღვრისა, ძარცვისა და რბევის მიზეზი გახდა“³, აშკარად მოწმობს ყიზილბაშ ამირას მძალციველურ თარეშს მდიდარი და მკიდროდ დასახლებული ქალაქის — თავრიზის — წინააღმდეგ, სადაც ულამამ „ტყვევნა, გარყვნილება და მსგავსი თავაშვებულება და უხნეობა ჩაიდინა“⁴. დამოწმებული ცნობებიდან კარგად ჩანს, რომ რბევა-ძარცვის ობიექტი უპირატესად თავრიზის მოსახლეობაა.

ზემოთ მოტანილი ცნობებიდან ისიც ირკვევა, რომ ქ. თავრიზის სახელოსნოებში გამოყენებულია ხელოსანი მონის შრომა. დამოწმებულ ცნობაში ნაგულისხმევია შაჰის „ქარხნები“ (სამეურნეო-სახელოსნო დაწესებულებები), რომელთა სათავეს თათართა ბატონობის ხანაში ვხედავთ (XIII ს-ის 40-ანი წლები). ულამა-ბეგი „ქარხნებს“ ძარცვავს. მაგრამ უკეთესი დღე არც ვაჭრებს უნდა დასდგომოდათ. ყიზილბაშთა სახელმწიფოში, ისევე როგორც ოსმალეთის სამხედრო-ფეოდალურ სახელმწიფოში, ვაჭრის პიროვ-

¹ „თეხქერე“. ციტ. ხელნაწერი, გვ. 6. აქ ლაპარაკია „ქარხნის“ გაძარცვაზე, სადაც ჩვეულებრივ შაჰზე დამოკიდებული ხელოსნები მუშაობდნენ.

² იქვე.

³ იქვე, გვ. 21.

⁴ იქვე.

ნება დაცული არ იყო სატრაპების და ხანების (ოსმალეთში ფაშების) ხელყოფისაგან¹.

მაგრამ მართო თავრიზი როდი ზარალდებოდა ყიზილბაშთა შინაფეოდალური ბრძოლისა და ირან-ოსმალეთის ომების შედეგად. ანალოგიურ მდგომარეობაში იმყოფებოდა ყველა ის ქალაქი და დასახლებული პუნქტი, რომელიც ფეოდალური ურთიერთთავდასხმებისა და ირან-ოსმალეთის ომების ასპარეზს წარმოადგენდა.

„თეზქერეს“ მიხედვით ირან-ოსმალეთის ომების ასპარეზია ბაიბურთი, არზრუმი, ბასიანი, ოლთისი, არტანუჯი, არქეში, ხნუსი, ადელჯუვაზი, ვანი, ზოი, სოუჯბულაღი, მარაღა, ვოსტანი, ზენჯანი, აბპარი, ხლათი, მუში, ნახქევანი და სხვა ქალაქები. დასახლებული ქალაქები კარგად მიუთითებენ, თუ როგორ ვრცელს ტერიტორიაზე მიმდინარეობდა ირან-ოსმალეთის ომები. ამ ტერიტორიაზე ყიზილბაშები ოსმალთა ჯარების შესაჩერებლად სპობდნენ ნათესებს, ანადგურებდნენ სურსათს; ყველგან მოთხრილი იყო ციხეები. სოფლები დაცარიელებულ-გადამწვარი, ხოლო ქალაქები დანგრეული.

ყიზილბაშთა მიერ გადაბუგვა-გაუქაცრიელების პოლიტიკა ხორციელდებოდა აზერბაიჯანის და სომხეთის ტერიტორიაზეც. ყიზილბაშები ხონთქრის თითქმის ყოველი შემოსევის დროს აპარტახებდნენ ყველა იმ ქვეყანას, რომელიც ომის უშუალო ან შესაძლო ასპარეზს წარმოადგენდა. ოსმალთა სამხედრო უპირატესობა (ცეცხლის რარაღი, იანიჩართა რეგულარული ჯარი) ყიზილბაშებს აიძულებდა ყველაფერი მოესპოთ იმ გზებზე, სადაც ოსმალთა ჯარებს უნდა გაეცლოთ. პირადად შაჰს, გარდა გაუდაბურებული ზოლის შექმნისა, ყველა სხვა საშუალება არაეფექტურად და, კიდევ მეტი, „სისულელედ და უსარგებლოდ“ მიაჩნდა, რადგან მისი თქმით, „ომი თამაშია“ და „კაცმა ყველა ღონე უნდა იხმაროს, რომ მოწინააღმდეგესა სძლიოსო“².

აი შაჰის ტიპიური მსჯელობა გაუდაბურების პოლიტიკასთან დაკავშირებით: „მეტი საშუალება არ არსებობს გარდა იმისა, რომ სადაც კი ხონთქრის ოლქას ხელში მოვიგდებთ, გავაპარტახოთ, მათი მოსავალი გადაეწვათ, ვითარეშოთ და ვარბიოთ; ერთ დღეს ერთ ადგილზე არ გვაჩერდეთ და ის ქვეყნები ისე გავაუდაბუროთ და გავავერანოთ, რომ ათი დღის სავალზე სიცოცხლის ნიშან-წყალი არ ეტყობოდეს, რათა მათი [ოსმალების] მიმოსვლა აღიკვეთოს“³.

¹ К. Маркс и Ф. Энгельс. Соч., т. XVI, 6аф. II, стр. 22.

² Saif-ul-Daulah, Matlu'ul-Shams, Tebran, 1885, т. II, стр. 156.

³ علاج سواى این ندارم که تا هر کجا که از الکای خواندگار است که دست رس ماباشد خراب کرده و محصولات ایشان را سوزانده تاخت و غارت کنیم و یکرور دریکجا توقف ننمائیم و آن سرحد را تمام چول و ویران کنیم که مطلق آبادانى دهروزه راه نباشد تا آمد و شد ایشان بر طرف خود.

შაჰს-საესებით უქერდნენ მხარს ამგვარი ღონისძიებების გატარებაში ყიზილბაშთა სამხედრო-ნომადური არისტოკრატიის წარმომადგენლები: „ეს რჩევა ყველამ მართებულად მიიჩნია და მოიწონეს“¹, — შენიშნავს იქვე შაჰ-თამაში. მაგრამ მარტო ხონთქრის უშუალო სამფლობელოებში როდი იქმნებოდა გაუდაბურებული ზოლი. უფრო მეტად ამ მხრივ ირბეოდა და ნადგურდებოდა ირან-ოსმალეთის საცილობელი ქვეყნები. გაუდაბურებული ზოლი, ძეგლის მიხედვით, უპირატესად ვრცელდებოდა სომხეთის, საქართველოს და აზერბაიჯანის ტერიტორიაზე, რადგან ეს ქვეყნები წარმოდგენდნენ ირან-ოსმალეთის ომების უმთავრეს ასპარეზს.

თუ რა სდევდა გაუდაბურებული ზოლის შექმნას, ეს არა ერთგან არის აღნიშნული „თეხქერეში“: „ამირები და ლაშქარი, — აუღელვებლად მოგვითხრობს შაჰი, — მოსდგნენ და ხონთქრის ლაშქრის წინ ყოველი მხარიდან ხალხის აყრიდა და სახლების ნგრევით ზენჯანამდე მივიდნენ“². თუ გავითვალისწინებთ ზენჯანის გეოგრაფიულ მდებარეობას, კერძოდ იმას, რომ იგი აზერბაიჯანის თითქმის უკიდურეს სამხრეთში მდებარეობს, მაშინ საესებით ნათელი იქნება, რომ ასეთი ნგრევა-გაპარტახება და მოსახლეობის აყრა-გადასახლება თითქმის მთელს აზერბაიჯანს განუტლიდა.

ანალოგიურ ცნობებს გვაწვდიან სპარსულენოვანი ისტორიკოსები: ჰასან რუმლუ, შერეფ-ხან ბითლისელი და ისკანდერ მუნში.

ისკანდერ მუნშის მოთხრობილი აქვს, რომ ოსმალთა ერთ-ერთი შემოსევის დროს: „მალაღდგილოვანმა შაჰმა გამოცდილი ხალხი გაგზავნა, რომლებმაც მოწინააღმდეგეთა გზა თავრიზიდან მოკიდებული რუმის საზღვრამდე ცეცხლს მისცეს და ხორბლისა და ბალახის ნატამალი არ დასტოვეს. თავრიზში ქები და წყაროები ისე ამოაგესეს, რომ დასალევი წყალიც კი აღარ იშოვებოდა“³.

ყველა ზემოთ აღნიშნულთან ერთად გასათვალისწინებელია ის ზიანიც, რაც გამოწვეული იყო ამიერკავკასიის ქვეყნების ტერიტორიაზე ოსმალთა ჯარის მოძრაობისა და ლაშქრობის შედეგად.

საქმე ისაა, რომ ოსმალთა ჯარის მოძრაობა ამიერკავკასიის ქვეყნების ტერიტორიაზე არანაკლებ ნგრევა-გაპარტახებას იწვევდა, ვიდრე ყიზილბაშთა გაუდაბურების პოლიტიკასთან დაკავშირებული ღონისძიებების განხორციელება. „თეხქერეში“ არაერთი ცნობა გვხვდება იმის შესახებ, თუ როგორ ანადგურებდა ხონთქრის ლაშქარი ოსმალთა მიერ დაკავებულ ოლქებსა და ქვეყნებს. მაგრამ ამიერკავკასიის ქვეყნებისადმი და, კერძოდ, აზერბაიჯანისადმი ოსმალთა მიერ მიყენებულ მატერიალური ზარალი შეიძლება თვით შაჰის სიტყვებით გამოვხატოთ. შაჰი ამბობს: „როცა კი ისინი

¹ همگی برین تدبیر صلاح دیدند و پسندیدند Sani-ul-Daulah, Matla'ul-Shams, Ծ. II, გვ. 196.

² امرًا و لشکری بیش لشکر خواندکار را گرفته مردم را بهر جانب. «თეხქერე». Ծ. II, Գ. 597.

³ ისკანდერ მუნში. თარიხ-ი ალემ არაი აბასი, გვ. 92.

(ურუმები) თავს დაგვესხმოდნენ, მათ ჩვენი ქონება ყოველთვის, პალაოდ მიაჩნდათ ხოლმეო¹. შაჰი, რა თქმა უნდა, აქ იმ ქონებაზე ლაპარაკობს, რომელსაც ნადავლისა და ალაფის სახით ოსმალები იტაცებდნენ ამიერკავკასიის ქვეყნებში. მაგრამ აქ საშოვრისათვის და ნადავლ-ალაფისათვის მოდიოდნენ როგორც ოსმალები, ისე ყიზილბაშები.

შაჰ-თამაზ I-ის „თეზქერე“ ცნობებს იძლევა არა მარტო სამხრეთ აზერბაიჯანის, არამედ ჩრდილო აზერბაიჯანის შესახებაც.

როგორც ცნობილია ყიზილბაშებმა აზერბაიჯანის იმ ნაწილის ინკორპორაციაც მოახდინეს, რომელიც ჯერ კიდევ XVI ს-ის 40-ან წლებისათვის დამოუკიდებელი პოლიტიკური მდგომარეობით სარგებლობდა შირვანისა და შაჰის სახით, მაგრამ ძეგლში საგანგებოდ არ არის აღნიშნული ამ ფეოდალური სამთავროების დაპყრობა-დამორჩილების ფაქტი.

ის გარემოება, რომ შაჰ-თამაზი დუმილით უვლის გვერდს შირვანის დაპყრობას, შემთხვევით არ აიხსნება. საამისო ფაქტების, და საერთოდ შირვანის ინკორპორაციის, აღნიშვნა სასურველი არ იყო ოსმალო ელჩებთან საუბარში, რადგან შირვანის ოსმალეთისაგან დაცვა აქტუალურად იღვა XVI ს-ის 60-ან წლებშიც (ოსმალეთმა, როგორც ცნობილია, XVI ს-ის 80-ან წლებში ერთხელ კიდევ სცადა შირვანის დაპყრობა და ამ მხრივ დროებით წარმატებას მიაღწია კიდევაც). აბრეშუმით მდიდარი შირვანი იმთავითვე საცილობელი საგანი იყო ირან-ოსმალეთის ურთიერთობაში.

ამას გარდა, ყიზილბაშთა სახელმწიფო არ სცნობდა შირვანის პოლიტიკურ დამოუკიდებლობას და მასთან ურთიერთობას (1502 -- 1538 წწ.) ვასალიტეტისა და მეზარკეობის საფუძველზე ითმენდა მანამ, სანამ მისი ინკორპორაციისათვის მარჯვე დრო დაუდგებოდა. შაჰ-თამაზი შეგნებულად სდუმს 1538 წელს მომხდარი აქტის გამო. მაგრამ ამ დუმილში, ცხადია, მხოლოდ ის იგულისხმება, რომ შირვანი ყიზილბაშთა უბრალო პროვინციაა და ყიზილბაშთა სახელმწიფოს შემადგენელი, მისი განუყოფელი ნაწილი. ამდენადვე, რაც ყიზილბაშებისა იყო, იმაზე საუბარი საჭირო არც იყო ოსმალებთან. გასაგებია, შირვანის დაპყრობას ოსმალებიც ცდილობდნენ და ამით, ასე გამოპყავთ შაჰის კარზე, შაჰის სამფლობელოს ექიდებოდნენ. შაჰი არ აღნიშნავს შირვანის დაპყრობის ფაქტს სრულიად გარკვეული მიზნით. მას არ სურს ყიზილბაშები დამპყრობლებად გამოიყვანოს და ამით ოსმალეთთან ურთიერთობაში თავისი „უფლება“ შირვანზე ექვს ქვეშ დააყენოს.

მაგრამ „თეზქერედან“ მაინც გამოსკვივის როგორც ყიზილბაშების შირვანის წინააღმდეგ აგრესიული პოლიტიკის, ისე შირვანის დაპყრობის ფაქტები. ამ მხრივ არაპირდაპირ ჩვენებას წარმოადგენს შაჰის მიერ შირვანის ბეგლარბეგის დასახელება. ერთის შეხედვით და თავისთავად ეს შაჰის შეხედულებას, მის თვალსაზრისს უკერს მხარს, რადგან ბეგლარბეგი პროვინციის გამგებელია. მაგრამ ბეგლარბეგი (შაჰის მოხელე) სრულიად

¹ „თეზქერე“. ციტ. ხელნაწერი, გვ. 89.

გარკვეულ დროს ჩნდება შირვანში. და უნდა თუ არ უნდა სწორედ ამას აღინიშნავს შაჰ-თამაზი თავის „თეზქერეში“.

საქმე ისაა, რომ 1538 წელს შირვანშაჰს (დინასტიურ მმართველს) ბეგლარბეგი (შაჰის მოხელე) სცვლის და სწორედ ამ დროს ხდება შირვანი ყიზილბაშთა პროვინციად, რასაც შირვანელებმა მალე აჯანყებით უპასუხეს. საინტერესოა და საყურადღებო, რომ ეს აჯანყება აღწერილია კიდევ შაჰ-თამაზ I-ის „თეზქერეში“, ოღონდ ალყას-მირზას აჯანყებასთან დაკავშირებით.

ბეგლარბეგი ხანთახანს ეწოდებოდა სეფიანთა ირანში. ამრიგად შირვანშაჰის ქვეყანა სახანოდ არის ქცეული, სადაც ბეგლარბეგს ემორჩილებიან ხანები, სულთნები, ბეგები. შირვანის ადმინისტრაციული დანაწევრება ამიერიდან ყიზილბაშურ ყაიდაზეა მოწყობილი. მაგრამ ამ პოლიტიკური ორგანიზაციის საფუძველს წარმოადგენს ის, რომ ყიზილბაშები ინაწილებენ დერბენდული დინასტიის სახლის, აგრეთვე ბევრი ადგილობრივი ფეოდალის მიწებს, დიდი რაოდენობით ასახლებენ ყიზილბაშურ ტომებს და აზერბაიჯანის მიწებისათვის ბრძოლის წინარე საუკუნეებში დაწყებულ პროცესს მომთაბარეების სასარგებლოდ ამთავრებენ.

შირვანისა და შაჰის დაპყრობა ყიზილბაშთა სახელმწიფოს აგრესიული პოლიტიკის მკაფიო გამოვლინებას წარმოადგენს.

ცნობები შირვანის შესახებ ძეგლში გვხვდება შაჰის ძმის ალყას-მირზასთან დაკავშირებით, რომელიც „თეზქერეს“ მხიხედვით შირვანის ბეგლარბეგია.

„თეზქერედან“ არ ჩანს თუ როდის ან როგორ გახდა ალყასი შირვანის ნმართველად. მაგრამ იმის საჩვენებლად, რომ შირვანი XVI ს-ის 40-ანი წლებისათვის ცალკე დამოუკიდებელ სამთავროს აღარ წარმოადგენს და რომ იგი ყიზილბაშთა სახელმწიფოს ერთ-ერთი შემადგენელი ნაწილია, საკმარისია თუნდაც ის ფაქტი, რომ მას, როგორც ზემოთაც მივუთითეთ, ყიზილბაში მოხელე (ბეგლარბეგი) განაგებს.

ძეგლის მიხედვით შირვანის ბეგლარბეგი ალყას-მირზა ამჟღავნებს სეფიანთა სახელმწიფოსაგან შირვანის ცალკე გამოყოფისა და დამოუკიდებლობის მოპოვების ტენდენციებს, მიუხედავად იმისა, რომ როგორც შაჰი აცხადებს: „იცოდა, რომ ჩემი ჯარი და შეძლება მისას ოცჯერ აღემატებოდა“¹. როგორც ჩანს, შაჰმა ადრევე შეიტყო ალყასის ასეთი მიდრეკილება და, ამიტომ, საგანგებოდ აფრთხილებდა მას, რომ ხელი აეღო ასეთ გადაწყვეტილებაზე. ალყასი მაინც არ შეუშინდა შაჰის მუქარას და „ხოტბაში თავისი თავი მოახსენებინა და ფულიც თავისი სახელით მოკრა“², რაც იმას ნიშნავდა, რომ მან შირვანი დამოუკიდებლად გამოაცხადა, ხოლო თავისი თავი კი შირვანის მბრძანებლად.

¹ „თეზქერეს“ ლენინგრადის საჯარო ბიბლიოთეკის ხელნაწერი, დორნის კატალოგი № 302, გვ. 60.

² იქვე, გვ. 61.

ბაში ორიათას ხუთასი ყორჩით შაქის დასაქერად გაეგზავნეთ¹. ამ ცნობას ძეგლში თარიღი არ ახლავს, მაგრამ ჩვენთვის ცნობილია, რომ ყიზილბაშებმა შაქი 1551 წელს დაიპყრეს. ისე რომ 1551 წლისათვის შირვანში კვლავ არეულობა ყოფილა და შირვანი ისევე დასაპყრობი ყოფილა, როგორც მისი მეზობელი შაქი.

აქვე უნდა შევნიშნოთ, რომ შაქის შესახებ „თეზქერეში“ სხვა ცნობები აღარ გვხვდება, მაგრამ მის წინააღმდეგ ყიზილბაშთა აგრესიის ფაქტი ჩვენს მიერ მოტანილ ცნობიდანაც საესებით ნათლად გამოსკვივის.

შირვანი „თეზქერეში“ საქართველოსთან დაკავშირებითაც არის მოხსენებული. შაჰი შენიშნავს, რომ „გადავწყვიტეთ საქართველოსაკენ გაგველაშქრა და შირვანშაჰის ქვეყანა დავევრებია, რადგან ურჯულო გიაურები არიანო“². ამ ცნობასაც არ ახლავს თარიღი, მაგრამ ძეგლის მიხედვით ეს ხდება ოსმალთა მე-3 და მე-4 ლაშქრობებს შორის. ე. ი. დაახლოებით 1553 წლის ახლო ხანში³. ეს ცნობა საყურადღებოა ორის მხრით. ჯერ ერთი, ცნობის მიხედვით, ყიზილბაშთა ლაშქრობას შირვანის წინააღმდეგ მძარცველური ხასიათი აქვს, რადგან ყიზილბაშები შირვანში რბევა-თარეშისათვის მიემართებიან. მეორეს მხრივ, რა შუაშია შირვანის მიმართ სიტყვების „ურჯულო გიაურების“ ხმარება? შირვანელები ხომ ქრისტიანებ არა ყოფილან, რომლებსაც მუსლიმანები ჩვეულებრივ გიაურებს უწოდებდნენ ხოლმე? რა თქმა უნდა არა. მაგრამ საქმე ისაა, რომ შირვანში ძლიერი იყო ისლამის რელიგიის იმ მიმდინარეობის გავლენა, რომელიც სუნიტობის სახელითაა ცნობილი, ხოლო სუნიტობა შიიტი ყიზილბაშებისათვის ისევე მიუღებელი იყო, როგორც ქრისტიანობა.

ოსმალეთის ორიენტაციას ადგენენ უპირატესად შირვანელი ფეოდალები, რომლებიც შირვანშაჰების დერბენდული დინასტიის აღდგენას უჭერდნენ მხარს. მაგრამ დამოუკიდებელი შირვანი ოსმალეთისთვისაც მიუღებელი იყო. ოსმალეთმა არ შეუსრულა დაპირება შირვანშაჰის ნაშეირებს, როცა XVI ს-ის უკანასკნელ მეოთხედში ამიერკავკასიაში გაბატონდა.

ბ. „თეზქერეს“ ცნობები სომხეთის შესახებ

შაჰ-თამაზ I-ის „თეზქერე“ უხვ ცნობებს გვაწვდის XVI ს-ის სომხეთის შესახებ.

ძეგლის მიხედვით სომხეთის ტერიტორია წარმოადგენს ჯერ ყიზილბაშანიერთა შინაფეოდალური ომის, ხოლო შემდეგ ირან-ოსმალეთის გაუთავე-

¹ اسمعیل میرزا را بشیروان فرستادم که آنجا متصرف شود و قورچی باشی را „თეზქერეს“ რა با هزار و پانصد نفر قورچی فرستادم که شکی را بگیر. ლენინგრადის საჯარო ბიბლიოთეკის ხელნაწერი..., გვ. 94.

² قرار دادم که بجانب گرجستان روم و السکای شیروان شاه که کافر حربی اند غارت کنیم. Die Denkwürdigkeiten des Shah Tahmasp I, გვ. 640.

³ წყაროში ნათქვამი „შირვანშაჰის ქვეყანა“ თარიღის გადაწყვეტის შესაძლებლობას იმ მხრივ იძლევა, რომ შირვანი 1538 წლამდე ითვლებოდა და იწოდებოდა „შირვანშაჰის ქვეყნად“.

პელი ომების ასპარეზს, რის შედეგადაც სომხეთმა, ამიერკავკასიის ქვეყნებიდან, ყველაზე მეტი ვნება და ზიანი განიცადა.

„თეზქერეს“ მიხედვით სომხეთის ერთი ნაწილი მიტაცებული აქვთ ოსმალებს (ე. წ. დასავლეთი სომხეთი), ხოლო სომხეთის მეორე ნაწილში— აღმოსავლეთ სომხეთში, რომელიც სპარსულ საისტორიო ძეგლებში, ისევე როგორც „თეზქერეში“, იხსენიება ჩუხურ-საადის (چخور سعد) სახელით, ფეხმოდგმული და გაბატონებული არიან მომთაბარე ყიზილბაში ტომები.

XVI ს.ს 30-ანი წლებისათვის ჩუხურ-საადის ოლქს ყიზილბაში მოხელე განაგებს. ასეთად XVI საუკუნის 30-ანი წლებისათვის ძეგლი ასახელებს დიე-სულთან რუმელუს. „თეზქერეს“ ერთ-ერთ ნუსხაში აღნიშნულია, რომ ჩუხურ-საადს „დიე-სულთან რუმელუს შურდო იდგა და სახლობდა“¹. აქ სიტყვა შურდო შეიძლება გავიგოთ, როგორც კარი, ლაშქარი, ტომი. ასე, მაგალითად, შაჰი თავის კარს და ლაშქარსაც კი შურდოს უწოდებს. ამ შემთხვევაშიაც შურდო ნიშნავს როგორც კარს, ისე ლაშქარს და ტომსაც. საქმე ისაა, რომ დიე-სულთან რუმელუს, როგორც ექვილს, ე. ო. სახელმწიფოს უპირველეს მოხელეს, კარიც უნდა ჰქონოდა და ლაშქარიც უნდა ჰყოლოდა, რადგან საერთოდ, ტომობრივ პრინციპზე შედგენილი ყიზილბაშთა ლაშქარი, სწორედ ცალკეული ტომების წარჩინებულთა განკარგულებაში მყოფი რაზმებისაგან შედგებოდა. რაც წევნება კარს, საჯამგეო ოლქებში დანიშნული მოხელეები ყოველთვის წაჰს ბაძავდნენ და ცდილობდნენ თავიანთი კარი შაჰის კარის მსგავსად მოეწყოთ. მაგრამ ჩუხურ-საადში რუმელუს ყიზილბაშური ტომიც უნდა ყოფილიყო დასახლებული, რაზეც მიუთითებს სიტყვა سکن — საცხოვრებელი, სადგომი.

ერთი სიტყვით, ჩანს: სომხეთში რუმელუს ტომის ყიზილბაშები პირველობენ.

მაგრამ დიე-სულთან რუმელუს გვერდით ძეგლში მოხსენებულია ჯუჰე-სულთან თექელუსი, რომელიც პირველ ხანებში მის მოკავშირედ გამოდიოდა ქოფექ-სულთანის წინააღმდეგ ბრძოლაში. დიე-სულთანი და ჯუჰე-სულთანი გაერთიანებული ძალებით შეებრძოლენ ქოფექ-სულთანს ნახქევანთან და დაამარცხეს იგი: „დიე-სულთანმა და ჯუჰე-სულთანმა ეს ამბავი (ქოფექ-სულთანის გამოლაშქრება—კ. ტ.) რომ შეიტყვეს, მათ რამაზნის ოცდაცხრას, პარასკევ დღეს, ნახქვენის არფაჩაისთან დახვდნენ და შეებრძოლენ. უსთაჯლუს (ტომი) დამარცხდა და ქოფექ-სულთანი მოიკლა“². ეს ცნობა, გარდა იმისა, რომ კარგად ასახავს ყიზილბაში ტომების ურთიერთ ბრძოლას სომხეთის ტერიტორიაზე, იმითაცაა საყურადღებო, რომ დიე-სულთანის გვერდით მოხსენებულია მისი მოკავშირე ჯუჰე-სულთან თექელუსი, რომელიც თავისი ტომით იბრძვის უსთაჯლუს ტომის წინააღმდეგ.

¹ چخور سعد که اردوی دیو سلطان در آنجا مسکن و مقام داشت. „თეზქერეს“ მითითებული გამოცემა, გვ. 581.

² ი. ქვე.

ამრიგად ირკვევა, რომ სომხეთში პირველობა და უპირატესობა (ცხადია, მკიდროდ დაკავშირებული ქომხური მიწების მფლობელობასთან) საცილობელი გამხდარა რუმელუს, თექელუს და უსთაჯლუს ყიზილბაშურ ტომებს შორის. ამით ვარდა, „თეზქერეში“ დასახელებულია ყარამანლუს ყიზილბაშური ტომიც. იქ ნათქვამია, რომ: „მოჰამედ-ბეგი ბაჰრამ-ბეგ ყარამანლუს შვილი შეიპყრეს და სიკვდილით დასაჯეს“¹. ჩუხურ-საადის (ერევნის) ოლქში ყიზილბაშ ამირებს შორის გამართულ ბრძოლებში მონაწილეობას იღებენ რუმელუს, თექელუს, უსთაჯლუს და ყარამანლუს ყიზილბაშური ტომები.

XVI საუკუნეში სომხეთის პოლიტიკური ორგანიზაცია ცივილიზაციური ყაიდაზე მოეწყო (თუმცა საამისო წინადაგი XV ს-ში თურქმანებმა მოამხადეს). ამ პოლიტიკური ორგანიზაციის საფუძველი იყო ყიზილბაშთათვის დამახასიათებელი სოციალურ-ეკონომიური წყობა. სომხეთში, ისევე როგორც აზერბაიჯანში, გაბატონდა ყიზილბაშური ფეოდალური ინსტიტუტები, გლეხთა ექსპლოატაციის აღმოსავლური წესები და საგადასახადო სისტემა, რომლის მიხედვით „რენტა და გადასახადი ერთმანეთს თანაემთხვევა“².

„თეზქერეში“ სომხეთი იხსენიება როგორც ყიზილბაშთა უბრალო პროვინცია ჩუხურ-საადის სახელწოდებით. მას განაგებს ჰაქიმი. ჰაქიმად „თეზქერე“ ასახელებს შაჰ-ყული სულთანს³.

ირან-ოსმალეთის გაუთავებელი ომების ასპარეზს, ამიერკავკასიის სხვა ქვეყნებთან ერთად, წარმოდგენდა სომხეთის ტერიტორიაც. მაგრამ ამიერკავკასიის არც ერთ ქვეყანას, როგორც ზემოთ მივუთითეთ, არ განუტოდა (სომხეთთან შედარებით), ისეთი დიდი ზიანი, როგორც განიცადა ქვეყანამ, რომელსაც ძველი დროიდან მოყოლებული პირველს სწვდებოდა ხოლმე ნომადების მრისხანე და წამლეკავი ტალღა. ეს უპირველეს ყოვლისა, აიხსნება სომხეთის გეოგრაფიული მდებარეობით. ასე იყო XVI საუკუნეშიც.

„თეზქერედან“ ირკვევა, რომ XVI საუკუნის პირველ ნახევარში ოსმალო-თურქების თითქმის ყოველი ლაშქრობა ირანის წინააღმდეგ, პირდაპირ თუ არაპირდაპირ ეხებოდა სომხეთის ტერიტორიას და, უმეტეს შემთხვევაში, იქვე ხორციელდებოდა გაუღაბურებისა და გაუკაცრიელების ღონისძიებები. ხონთქრის ლაშქარი ყიზილბაშთა სამფლობელოებში თითქმის ყოველთვის არზრუმის მხრიდან შემოდიოდა, ხოლო საომარი ოპერაციებისა და გაუღაბურებული ზოლის განხორციელების ასპარეზი იყო იგივე არზრუმში, ხნუსში, არქეში, ადილჯუფაზში, ხლათში, მუში, ნახჭევანი, ჩუხურ-საადი და სხვა. ასე, მაგალითად, პირველი ლაშქრობის დროს (1532) ხონთქრის ლაშქარმა არზრუმზე გადმოვლით ხლათამდე მიალწია, ხლათიდან ხონთქარი სასწრაფოდ სტამბოლს გაბრუნდა, ლაშქარი კი იქ დასტოვა. შაჰი ანას გამო ამბობს: „ჩვენი ორი ჯაშუში მოვიდა და ამბავი მოიტანეს:— დი-

¹ „თეზქერეს“ მითითებული გამოცემა, გვ. 581.

² კ. შარქსი. კაპიტალი, ტ. 111, ნაწ. 2, გვ. 309—310.

³ „თეზქერეს“ ლენინგრადის საჯარო ბიბლიოთეკის ხელნაწერი..., გვ. 103.

დებულმა ხონთქარმა არტილერია, ალალი და იარაღი ხლათში დასტოვა და (თვითონ კი) სასწრაფოდ სტამბოლისაკენ გაემართა¹.

ხონთქარმა ჯარის მეთაურობა იბრაჰიმ-ფაშას მიანდო. როდესაც შაჰი კვლავ იხსენიებს სომხეთის ტერიტორიაზე ოსმალთა ლაშქრის მოძრაობას, აღნიშნავს, რომ „ადელჯუფავასა და არქეშის შორის (ლაშქრის გავლის შედეგად ამდგარი) მტვერი მოსჩანდაო“, ხოლო „ვინც ეს მტვერი დაინახა ვარაუდით თქვა, რომ ოცდაათათასზე ნაკლები (ოღენობის ლაშქარი) არ იქნებოდა“². ე. ი. ოსმალთა ლაშქარს ხონთქარის უკან დაბრუნების შემდეგ სამხედრო ოპერაციები არ შეუჩერებია და კვლავ აგრძელებს მას. შაჰიც სწორედ ამას აღნიშნავს. „ყოველგვარ ექვს გარეშეა, რომ ხონთქარის ლაშქარია, რომელიც იბრაჰიმ-ფაშასა და ულამას მოუყვანია და ბაჰრამ-მირზაზე თავდასასხმელად მიდიან“³. ყიზილბაშთა ლაშქარი, რომელსაც ბაჰრამ-მირზა სარდლობდა სომხეთის ტერიტორიაზე არქეშის მიდამოებში უნდა მდგარიყო, რადგან შაჰი იქვე დასძენს: „კაცი გავგზავნეთ, რომ თურქმანი ყორჩები ვოსტანიდან გამობრუნებულყვნენ, ლაშქარი შეგვეცხო და ბაჰრამ-მირზას მისაშველებლად არქეშისაკენ წავსულიყავით“⁴. შაჰი კვლავ ვოსტანში იმყოფებოდა, როდესაც შეიტყო ბაჰრამ-მირზას ოსმალეთთან შებრძოლების ამბავი, მათი დამარცხება და არქეშის ყოველგვარი წინააღმდეგობის გარეშე დაკავება. შაჰი სიხარულით შენიშნავს: „არქეში ყოველგვარი წინააღმდეგობის გარეშე ჩვენს მფლობელობაში მოექცაო“⁵. ამ ცნობიდან გარკვევით ჩანს, რომ არქეში ხელიდან ხელში გადასულა. იგი ჯერ ყიზილბაშებს სჭერიათ, შემდეგ ოსმალებს და მერე კვლავ ყიზილბაშებს.

ირანის წინააღმდეგ მეორე ლაშქრობის დროს (1534 წ.) ოსმალები კვლავ იყენებენ იმ გზას, რომელიც ამიერკავკასიის ქვეყნებზე გადმოდიოდა. ხონთქარის ლაშქრისათვის სივასი, ბაიბურთი და არზრუში წარმოადგენენ იმ პუნქტებს, სადაც ხდება ოსმალთა ჯარის კონცენტრაცია, წესრიგში მოყვანა და შორეული ლაშქრობისათვის სამზადისი, საამისო არაერთი ცნობა გვხვდება „თეზქერეში“. ხონთქარის მეორე ლაშქრობის შესახებ შაჰი „თეზქერეში“ აცხადებს: „ჯაშუშები მოვიდნენ და ამბავი მოიტანეს, რომ დიდებული ხონთქარი სივასს მოვიდა და აქლემების ცხიმით გასაძოხად სამ კვირას იქ დადგებაო“⁶. ეს ცნობა საყურადღებოა ერთი იმით, რომ ხონთქარი მეორე ლაშქრობის დროს კვლავ იყენებს იმ გზას, რომელიც ამიერკავკასიის ქვეყნებზე გადმოდის, ე. ი. მოემართება სივასის მხრიდან და, მეორე მხრივ, იმით, რომ ხანგრძლივი მგზავრობის შემდეგ ხონთქარი სივასში აპირებს შესვენებას და ჯარის წესრიგში მოყვანას. მართალია აქ უბრალოდაა

¹ Die Denkwürdigkeiten des Shah Tahmasp I, 608.

² იქვე, 609.

³ იქვე.

⁴ იქვე, 610.

⁵ იქვე, 611.

⁶ Sani-ul-Daulah, Matla'ul-Shams, გვ. 192.

ნათქვამი, რომ ეს სამი კვირა ოსმალებმა აქლემების ცხიმით გასაპოხავად უნდა გამოიყენონ, მაგრამ აქლემების ცხიმით გაპოხვაში ჩვენ სწორედ შორეული ლაშქრობისა და ხანგრძლივი ომებისათვის სამზადისი უნდა ვიგულისხმოთ.

საინტერესოა სხვა მნიშვნელოვანი გარემოებაც. სახელდობრ, ის, რომ როდესაც ხონთქარი ამიერკავკასიის ქვეყნებზე გამავალი გზით ეშვადება ყიზილბაშთა სამფლობელოებში შესაქრელად, ყიზილბაშები იქვე, ამიერკავკასიის ქვეყნების ტერიტორიაზე ახორციელებენ საწინააღმდეგო ღონისძიებებს, რათა ოსმალთა ეს მორიგი ლაშქრობაც უშედეგოდ დასრულდეს. შაჰი შენიშნავს: ხონთქარი სივას რომ მოვიდა „მე ყველა კუთხის ქედხედები და რაიები დავიბარე და გამოფუცხადე: თუ თქვენს ხორბალს ჩვენს (ლაშქარს) არ შევაქმევთ, მასინ დიდებული ხონთქარს ლაშქარი გადასკამს. უმჯობესია, ჩვენ მოვიხმაროთ, ხოლო რის შექმასაც ვერ შევძლებთ, დავწვით!“ შაჰი მართლაც ასე მოიქცა. იგი იქვე აცხადებს— „ხორბალი დავწვით და მიწისქვეშა წყლის არხები დავაქციეთ“ ლაპარაკია ყიზილბაშთა მიერ გაუკაცრიელებულ-გაუდაბურებული ზოლის შექმნის შესახებ. ყიზილბაშები ანადგურებენ საირიგაციო ქსელსაც, რომ ოსმალებმა არ აღადგინონ მეურნეობა მათ მიერ დაკავებულ ტერიტორიაზე და მათ აქ რაიათების (გლეხების) გამოყენების შესაძლებლობა მოუსპონ. სარწყავი არხების მოშლა, ცხადია, სწრაფად ვერ აღადგენდა მიწისმოქმედებას და ოსმალებს ახალ მოსავალს ვერ მისცემდა. შაჰი იქვე კმაყოფილებით შენიშნავს, რომ „იმ მიდამოს ხორბალი (ჩვენს ლაშქარს) შევაკამეთ და დავწვით, ხოლო წყლის არხები კი (მიწით) ამოვაფუცხოთ“¹.

ყიზილბაშები სომხეთის ტერიტორიაზე მთელის სისასტიკით ახორციელებდნენ გაუდაბურების და გაუკაცრიელების პოლიტიკას ოსმალთა რიგით მესამე (1548) შემოსევის დროსაც, რომელიც კვლავ ამიერკავკასიის ქვეყნების ტერიტორიაზე მიმდინარეობდა. ამჯერად გაუდაბურებული ზოლის შექმნა სამხრეთ საქართველოსაც შეეხო. ოსმალთა მესამე შემოსევისთან დაკავშირებით „თეზქერეში“ ნათქვამია: „ხნუსი და ბასიანი გადავწვით, ოსმალთა ლაშქარში შიმშილობა ჩამოვარდა და უკან გაბრუნდნენ“². სხვათა შორის, ამ ცნობიდან ისიც ჩანს, რომ ოსმალებს საკვები და ფურაჟი ლაშქრობის დროს თან არ მოჰქონდათ და იგი დაპყრობილ ქვეყნებში უნდა ეშოვნათ, წინააღმდეგ შემთხვევაში მათი მსვლელობის შესაჩერებლად გაუდაბურებული ზოლის შექმნა არცთუ ისე ეფექტიური. საშუალება იქნებოდა.

ძეგლში მოხსენებული „ხორბალი და მოსავალი“ მიუთითებს იმაზე, რომ სომხეთის ტერიტორიაზე, ნომადური ელემენტის დამკვიდრების მიუხედავად, მეჯოგური მეურნეობის პარალელურად არსებობს კულტურული მეურნეობის მწარმოებელი მოსახლეობაც. ბინადარი მოსახლეობა თავის

¹ Die Denkwürdigkeiten des Shah Tahmasp I, გვ. 620.

² Sani-ul-Daulah, Matla'ul—Shams, გვ. 196.

მეურნეობაში იყენებს ხელოვნურ მორწყვას, რაზედაც მიუთითებს იქვე მოხსენებული წყლის არხები. ყიზილბაშებს კი, როგორც მომთაბარე-მეჯოგეებს, საძოვრები უფრო აინტერესებდათ, ვიდრე კულტურული მეურნეობის მწარმოებელი მოსახლეობის სახნავ-სათესი მიწები. სწორედ ამიტომ იყო, რომ ისინი გულგრილად და გულდამშვიდებით აძლევდნენ ცეცხლს ყველაფერს, რაც კი ინტენსიურ მეურნეობასთან იყო დაკავშირებული.

ყიზილბაშები წვედნენ და ანადგურებდნენ ყანებსა და ბაღებს, მიწასთან ასწორებდნენ დასახლებულ ადგილებს, სოფლებში ანგრევდნენ გლეხების სახლ-კარს, მუსრს ავლებდნენ ადგილობრივ მოსახლეობას. ამასთან მასიურად წარმოებდა სომეხ გლეხთა აყრა-გადასახლება, რადგან ეს ღონისძიება მჭიდროდ იყო დაკავშირებული გაუქმების პოლიტიკასთან. ყიზილბაშები ასე ექცეოდნენ სომხეთის ქალაქებსა და სოფლებს არა მარტო პირადად ხონთქრის გამოლაშქრების დროს, არამედ ხონთქრის მოხელეთა მძარცველური თარეშის დროსაც. ასე, მაგალითად, როდესაც შაჰმა შეიტყო, რომ ხონთქარი ულამაზებდა და როსტომ-ფაშას უბრძანა: „ვიდრე თოვლი მოვა ერზინჯანში იღვეთ, მერე კი აზერბაიჯანში იყილშალეთო“¹, მან მყისვე თავის ჩვეულ ხერხს მიმართა: „ალი სულთან თალი-ოღლი ორი ათასი კაციც გაეზავნე, რომ ხლათი და მუში გადაეწვათ“² — იქვე შენიშნავს შაჰი. მაგრამ როცა შაჰმა შეიტყო, რომ როსტომ-ფაშა და ულამაზებგი თერჯანიდან ბაიბურთს წაეიდნენ, მან არც თერჯანი და ბაიბურთი დაინდო; „ებრძანე რომ ბაიბურთისა და თერჯანის მთელი ოლქები გადაეწვათ და გაეპარტახებინათ. დაევაღე, რომ სადაც კი მიზგითი შეხვდებოდათ იქ ლაშქრის ერთ-ერთი თავკაცი წასულიყო და დამდგარიყო, რათა მიზგითს არავინ შეხებოდა, ხოლო გარდა მიზგითებისა მთელი შენობები გადაეწვათ“³. გადამწვარ-გადაბუჯულ შენობებში, რა თქმა უნდა, იგულისხმება ადგილობრივი მოსახლეობის სახლ-კარი და აელა-დიდება, ისევე როგორც მოსავლის გადაწვასა და წყალში გადაყრაში ნაგულისხმევია ადგილობრივი მოსახლეობის მეურნეობის განადგურება.

„თეხქერეში“ მოიპოვება საინტერესო ცნობა იმის შესახებ, თუ როგორ სტოვებდა ადგილობრივი მოსახლეობა თავის მიწა-წყალს და გარბოდა უცხო მხარეში. შაჰი მოგვითხრობს: „რამაზნის თვეში, როდესაც მდინარეში თევზს ვიჭერდი, დავინახე რომ ოციოდე ქვეითი მოდიოდა. მალმსრბოლი გავაგზავნე, რათა შეეტყო თუ რა ხალხი იყო. თქვეს, რომ ჩვენ ხნუსელები ვართ, ოსმალებმა დაგვარბიეს და იქ რომ დავრჩენილიყავით უთუოდ შიმშილით ამოვწყდებოდით, ავიყარეთ და ახლა დიარბექირს მივდივართო“⁴.

ეს შეტად საყურადღებო ცნობა მიუთითებს იმაზე, რომ ხნუსის მიდამოები გაპარტახებული ყოფილა ირან-ოსმალეთის ომების შედეგად. ამიტომ

¹ „თეხქერეს“ მითითებული გამოცემა, გვ. 196.

² იქვე.

³ იქვე.

⁴ იქვე, გვ. 197.

კულტურული მეურნეობის წარმოება აღარ შეიძლება. ადგილობრივი მოსახლეობა დამპყრობელთა ძალადობის გამო სტოვებს მამაპაპეულ ადგილებს. მაგრამ მიუხედავად იმისა, რომ მათი განცხადების თანახმად, ისინი ოსმალებმა დაარბიეს, მაინც ოსმალთა სამფლობელოებში მიდიან. ეს გარემოება საფუძველს გვაძლევს აღვნიშნოთ, რომ მათი დარბევა და აკლება შაჰი განგებ მიაწერა ოსმალებს. სინამდვილეში კი ისინი ყიზილბაშთა გაუდაბურების პოლიტიკის მსხვერპლნი ხდებიან, სტოვებენ თავიანთ ქვეყანას და მიდიან იქ, სადაც ყიზილბაშთა გაუდაბურების პოლიტიკა არ ხორციელდება.

ნათქვამი, რა თქმა უნდა, იმას სრულიადაც არ ნიშნავს, რომ თითქოს ოსმალები უფრო ღმობიერად ეპყრობოდნენ მწარმოებელ მოსახლეობას. საქმე ისაა, რომ ოსმალეთის სამხედრო უპირატესობა და შეუდარებლად უკეთესი შეიარაღება (კეცხლის იარაღი, ზარბაზნები) ეგრე რიგად არ საკიროებდა გაუდაბურებული ზოლის შექმნას. ირანი თავს სწორედ იმით იცავდა, რომ ოსმალეთის აშკარა სამხედრო უპირატესობას და უკეთეს შეიარაღებას გაუდაბურებულ ზოლს უპირისპირებდა. ამიტომ ირან-ოსმალეთის საზავო ხელშეკრულებებში, ირანის მოთხოვნით, გათვალისწინებული იყო ხოლმე სანაპირო ციხე-სიმაგრეების მოთხრა. ირანს ციხეების დაცვა არ შეეძლო, ოსმალეთს კი მათი აღება ადვილად შეეძლო თავისი ზარბაზნებით.

ამიერკავკასიის ქვეყნების ტერიტორიაზე გაუდაბურებული ზოლის შექმნის ყიზილბაშთა გეგმებში არა მარტო ამიერკავკასიის ქვეყნების ის ნაწილები შედიოდა, რომლებსაც ყიზილბაშები თავიანთ სამფლობელოებად სთვლიდნენ, არამედ ის ნაწილებიც, რომლებიც ოსმალთა სამფლობელოებად ითვლებოდა. შაჰი აცხადებს: „ისმაილ-მირზა შევიდა ათასი კაცით ყარსის ციხეზე გავგზავნეთ, რომ წასულიყო და ყარსის მოსახლეობა ამოეწვიტა, დაერბია და იქიდან (ამავე მიზნით) არზრუმს წასულიყო“¹. შაჰი აქვე კმაყოფილებით შენიშნავს: „ამირებმა არზრუმში მოითარეშეს - და ჩემთან მოვიდნენო“².

„თეზქერეში“ მოტანილია ცნობები იმის შესახებაც, თუ როგორ ხასიათს ატარებდა ყიზილბაშთა რბევა-თარეში. ერთ ადგილას შაჰი ამბობს: „ერზინჯანიდან ავიყარეთ და ბაიბურთს მივედით. ბაიბურთში მოლაშქრეებს სომეხ ბავშვთა ერთი წყება დაეტყვევებინათ. ვბრძანე, რომ ყველანი ბამბაში გაეხვიათ და კალათებში ჩაესვათ. [შემდეგ] აბდალაჰ-ხანს მივეცი რომ ციხის ძირას მიეყვანა და [იქ] დაეტოვებია“³. ხსენებული სომეხი ბავშვები ძუძუ-

¹ اسمعیل میرزا رابا هفت هزار کس بر سر قلعه قارص فرستادیم که برود و مردم قارص را بقتل و غارت رسانیده از آنجا متوجه ارضروم شود. Die Denkwürdigkeiten des Shah Tahmasp I, gg. 624—625.

² امرای حوالی ارضروم را تاخت کرده نزد من آمدند.

³ „თეზქერეს“ ლენინგრადის საჯარო ბიბლიოთეკის ხელნაწერი, gg. 92—93.

მწოვარა ბავშვები არიან, რადგან შაპის თქმით საჭირო გამხდარა მათი ბამბაში შეხვევა და კალათებში ჩასმა. ექვს გარეშეა ისიც, რომ ამ ბავშვების მშობლები ცოცხალის. თავით არ დასთმობდნენ თავიანთ ჩვილ შეილებს. უნდა ვიფიქროთ, რომ მათი მშობლები ყიზილბაშებმა დახოცეს. ასეთი ამბები ყიზილბაშებმა არა მარტო ბაიბურთში მოიმოქმედეს, არამედ სხვაგანაც. ბაიბურთის ამბების მოყოლის შემდეგ შაპი განაგრძობს: „იქიდან ათანგს მივდივით. მოლაშქრეებს ბავშვები იქაც დაეტყუებებიათ. როდესაც მე ეს შევიტყვე ისინიც იმგვარადვე ციხის ძირას გავატანე და ჩუხურ-საადისაკენ წავედი“¹. „თეზქერეში“ შემდეგ აღარაფერია ნათქვამი იმის შესახებ, თუ რა მოჰყვა ყიზილბაშთა მოძრაობას ჩუხურ-საადისაკენ (ერევნისაკენ), მაგრამ უტყველია, რომ ახლაც ყიზილბაშთა ლაშქარი თავის გზაზე ყველაფერს წვადა და ანადგურებდა. ეს იყო ჩვეულებრივი ღონისძიება ყიზილბაშთა ჯარის უკან დახევის დროს.

სომხეთის ტერიტორიას, ისევე როგორც ამიერკავკასიის სხვა ქვეყნების ტერიტორიას, უღმობლად ანადგურებდნენ ოსმალებიც. ოსმალთა ლაშქრობის შედეგად სომხეთისათვის მიყენებულ ზიანზე წარმოდგენა რომ ვიქონიოთ, საკმარისია გავიხსენოთ ოსმალთა თუნდაც ერთ-ერთი შემოსევის შედეგები. 1554 წელს ოსმალთა შემოსევის გამო თურქი ისტორიკოსი იბრაჰიმ ფეჩევი აღნიშნავს, ოსმალთა ლაშქარი შირაკში რომ შევიდა: „ანადგურებდა და სპობდა აყვავებულ სოფლებს. აქედან ლაშქარი დაიძრა ერევნისაკენ; ყველაფერი დასწვეს და ფეხქვეშ გასთელეს. 23-ე დღეს ოსმალებმა გადალახეს ცნობილი მდინარე არპაჩაი და ამ ოლქში ყველაფერი დაიტაცეს და გაანადგურეს... 25-ე დღეს ჯარი შევიდა სპარსთა სახელმწიფოში თავისი მთებითა და მდიდარი ბაღებით განთქმულ ქვეყანაში, რომელსაც ყარაბაღი ეწოდებოდა... ნათელი დღე უკუნ დამდე იქნა შეცვლილი. 27-ე დღეს მივალწიეთ ნახჭევანის დაბლობს. ძლევაშისილი ლაშქარისაგან ისე იყვნენ თავზარდაცემულნი, რომ ყველა ქალაქი და სოფელი, სახლები და ქოხები გაუკაცრიელდა, ბუსა და ყორნის სადგომად გადაიქცა, რომელთა ხილვისას კაცს თავზარი დაეცემოდა. ნადავლს მოწყურებულმა მეომრებმა თავიანთ გზაზე ისე გულმოდგინედ გაძარცვეს ყველა სოფელი, დასახლებული ადგილები და სადგომები, რომ მათი კვალიც კი აღარ დარჩა. სულთნის ლაშქარს ამდენი სიმდიდრის გაძარცვა არცერთი ლაშქრობის დროს არ მოსწრებია. თითოეულ თურქულ სამხედრო კარავში ჰყავდათ არა ნაკლები სამი ტყვისა, ბევრ კარავში ხუთი, ათი ტყვე და უფრო მეტიც კი იყო“².

ირან-ოსმალეთის ომების შედეგად ამიერკავკასიის ქვეყნებში მოსახლეობის ხოცვა-ჟლეტამ, რბევა-თარეშმა და აყრა-გადასახლებამ ისეთ მასშტაბს მიაღწია, რომ აღნიშნული გარემოება ამ ორ მეომარ სახელმწიფოს შორის

¹ „თეზქერეს“ მითითებული ხელნაწერი, გვ. 93.

² იბრაჰიმ ფეჩევის ეს ცნობა მოგვყავს — „История армянского народа“-ს მიხედვით. იხ. გვ. 215.

ყიზილბაშები საქართველოს დაპყრობა-დამორჩილებას თავიანთ „უფლებად“ სთვლიდნენ. „გურჯისტანის საკითხი“ განსაკუთრებით მწვავედ იდგა ირან-ოსმალეთის ურთიერთობაში. ამიტომ ირანსა და ოსმალეთს შორის ომის შეწყვეტა იმაზეც იყო დამოკიდებული, თუ როგორ შეთანხმდებოდნენ აგრესორები საქართველოს საკითხში.

1555 წლის ზავით, როგორც ცნობილია, ირანმა და ოსმალეთმა საქართველო ურთიერთშორის გაინაწილეს. მაგრამ განაწილებული ქვეყნის ნაწილი ჯერ ისევ დასაპყრობი იყო. 1555 წლის ზავის რეალიზაციის აბრკოლებდა ქართველი ხალხის შეუდრეკელი ბრძოლა დამპყრობლების წინააღმდეგ. ყიზილბაშები, თავის მხრივ, დაჟინებით ცდილობდნენ აღმ. საქართველოში თავიანთი ბატონობის უზრუნველყოფას და მისი გაყიზილბაშების მიზნით საქირო ღონისძიებებს სახავენენ კიდევც.

„თეზქერეში“ ვხვდებით ცნობებს იმის შესახებ, თუ როგორ ცდილობენ ყიზილბაშები ფეხი მოიდგან და გაბატონდნენ აღმ. საქართველოში. ამის მისაღწევად სხვადასხვა ღონისძიებებთან ერთად, ერთ-ერთ საშუალებად საქართველოში ყიზილბაში მომთაბარე ტომების ჩამოსახლება იყო მიჩნეული. „თეზქერედან“ ირკვევა, რომ ასეთ ცდას ყიზილბაშების მხრივ უკვე XVI საუკუნეში ჰქონდა ადგილი.

„თეზქერეში“ მოხსენებულია ხურჩინლუს (خورچینلو) ყიზილბაშური ტომი, რომლის ერთი ნაწილი ყარაბაღში, ხოლო მეორე ნაწილი საქართველოში ჩამოუსახლებიათ. არზრუმის ფაშა ისკანდერთან დაკავშირებით ნათქვამია, რომ იგი თავს დაესხა და დაამარცხა „ყარაბაღისა და საქართველოს ხურჩინლუები, რომლებიც ცოტა ხნის წინათ ორ ელად წავიდნენო“¹. ხურჩინლუს ყიზილბაშური ტომი ორ ნაწილად გაყოფილა, შაჰს ერთი ნაწილისათვის ყარაბაღში, ხოლო მეორე ნაწილისათვის საქართველოში ჩამოსახლება უბრძანებია. ძნელი სათქმელია, თუ რა ბედი ეწია ამ ტომს, მაგრამ ხელთა გვაქვს საყურადღებო ფაქტი დამოწმებული ისეთ დოკუმენტურ წყაროში, რომლის ავტორი თვითონ შაჰ-თამაზია.

ამრიგად ცხადი ხდება, რომ უკვე XVI საუკუნეში, შაჰ-აბასანდე კარგა ხნით აღრე, ყიზილბაშური ტომები ცდილობენ ჩამოსახლდნენ საქართველოში. მაგრამ ყიზილბაშთა სახელმწიფო იმ დროს იმდენად ძლიერი არ იყო, რომ ეს ღონისძიება ისეთივე ფორმებით და მასშტაბით განეხორციელებინა, როგორც ამას ახორციელებდა ყიზილბაშური პოლიტიკის ყველაზე თანამიმდევრული გამტარებელი შაჰ-აბას I.

პოლიტიკურად დანაწევრებული საქართველოსათვის ძნელი იყო გამკლავებოდა ყიზილბაშთა აგრესიას. საქართველოში ოსმალებს ირანელები ცვლიდნენ, ხოლო ირანელებს კვლავ ოსმალები. საქართველოს პოლიტიკის მესვეურნი სხვადასხვა ხერხებითა და საშუალებებით იცავდნენ თავს ამ ორი

¹ „თეზქერეს“ ავად. ს. ნ. ჯანაშიას სახელობის საქართველოს სახელმწიფო მუზეუმის ხელნაწერი, გვ. 8.

დამპყრობელისაგან. კახეთის, სამცხე-საათაბაგოს და ქართლის პოლიტიკა დიდად განსხვავდებოდა ერთმანეთისაგან ირანთან და ოსმალეთთან ურთიერთობის თვალსაზრისით აღებულ ხანაში. ეს ჩანს საქართველოს სხვადასხვა ნაწილების (კახეთის, სამცხე-საათაბაგოს, ქართლის) შესახებ „თეზქერედან“ მოტანილი ცნობების ანალიზიდანაც.

„თეზქერეში“ ცნობები პირველად კახეთის შესახებ გვხვდება. კახეთი ძეგლის მიხედვით იწოდება „ლეონის გურჯისტანად“ ანუ ლეონის საქართველოდ (گرجستان لوند). შაჰს, ჩანს, მკიდრო ურთიერთობა აქვს ლევან კახთა მეფესთან (1520 — 1574).

ლევან კახთა მეფე ნაკლებად იყო დინტერესებული საქართველოს სხვა ნაწილების ზედით და უმთავრესად თავის ვიწრო. კუთხურ, ინტერესებს ემსახურებოდა. იგი ცდილობდა თავისი ქვეყნისათვის (კახეთისათვის) აეშორებინა ის ნგრევა-აოხრება, რომელიც თან სდევდა ირან-ოსმალეთის ომს, და დიპლომატიური მანევრირების საშუალებით მშვიდობიანი ურთიერთობა ჰქონოდა როგორც ირანთან, ისე ოსმალეთთან. საკირო შემთხვევაში, როდესაც მის ქვეყანას უშუალოდ ემუქრებოდა ომი, იგი მორჩილების აღიარებასაც არ თაკილობდა და დამპყრობელის წინაშე ვასალური მოვალეობის შესრულებას კისრულობდა. სწორედ ირანისადმი ვასალურ დამოკიდებულებას ნიუთითებს ის, რომ შაჰ-თამაზი „თეზქერეში“ ლევან კახთა მეფეს ხანის ტიტულით იხსენიებს. ამით ირანის მბრძანებელი ხაზს უსვამს, რომ ლევან კახთა მეფე არა მარტო ირანის ხელდებული მეფეა, არამედ უფრო მეტიც — იგი ირანის შაჰის ერთ-ერთი მოხელეა.

მაგრამ ლევან კახთა მეფეს, ჩანს, შაჰი მაინც არ ენდობოდა. ერთ ადგილას იგი ამბობს: „ლევანს ზოგი რამ უმსგავსო საქციელი ჩაედინა და იგი უნდა დამეტუქსაო“¹. ერთგულების საწინდრად შაჰს ლევან კახთა მეფის ვაჟი ჰყავდა ძძველად. ძეგლში მოხსენებულია ლევან კახთა მეფის ვაჟი, რომელიც თან ახლდა შაჰ-თამაზ I-ს ომებსა და ლაშქრობებში. როდესაც შაჰი აგრძელებს თხრობას ოსმალთა მე-3 ლაშქრობის შესახებ, შენიშნავს: „ლევან გურჯს ამბავი მისელოდა, რომ ხონთქარი მოვიდა, შაჰის ჯარის ერთი ნაწილი დაამარცხა და შეაეიწროვა, ხოლო მისი (ლევან კახთა მეფის) შვილი, რომელიც ომში ჩვენ გვახლდა, ბრძოლის დროს ხელში დააშავესო“². კახელი უფლისწულის შაჰ-თამაზ I-ის კარზე ყოფნა ქართული წყაროებითაც დასტურდება. ვახუშტი ბაგრატიონის ისტორიაში ნათქვამია, რომ ლეონ

¹ از لوند بعضی اداهای ناخوش سرزده بود خواستم اورا گوشمالی
Leut-Colonel D. C. Phillott, Memoirs, 83. 160. د هم.

² خبر بلوند خان گرجی رفته بور که خواند کار آمده بعضی
لشکر شاه را شکسته وزبون کرده و دست پسر او را که در جنگ همراه ما بود
در جنگ انداخته اند. 160. 83.

მეფემ: „წარავლინა ძე თვისი იესე წინაშე ყენისა ძღუნით და ტყვითა ქალ-
ყრმიითა და აუწყა თავისი არა რისა შეცოდება“¹.

მაგრამ ვახუშტის ეს ცნობა მოგვიანო, კერძოდ, 1558 წლის ამ-
ბებს შეეხება, ხოლო „თებქერეს“ ცნობა 1548 წლის ახლო ხანს განე-
კუთვნება. უფლისწულის სახელი „თებქერეში“ აღნიშნული არაა არც შემ-
დეგ როცა შაჰი კვლავ აგრძელებს თხრობას ლევან კახთა მეფის შესახებ,
რომელსაც, მისი თქმით, თავის ვაჟის ამბავი რომ შეეტყო „შემფოთებულს
ერთი კაცისათვის წერილი მიეცა და თავის ვაჟთან მისი ვეჟილი ხოჯა-თაჯი
გამოეგზავნა, რომ ასეთი და ასეთი ამბავი მოვიდა და მღვთმარობის ნამ-
დვილი არსი დაწვრილებით დასწერეთ და გამომიგზავნეთ“².

დამოწმებულ ცნობაში მეტად საყურადღებოა ლევან კახთა მეფის ვეჟი-
ლის ვინმე ხოჯა-თაჯის ვინაობა. ხოჯა შუა საუკუნეების აღმოსავლეთში
მდიდარი და გავლენიანი ვაჭრის სონონიმი იყო. კახთა მეფის „ხოჯები“
(ვაჭრები) დასახელებულია ისკანდერ მუნშის თხზულებაშიც.

„თებქერეს“ ცნობების მიხედვით კახეთის მეფე ლევანი შაჰის „ყმაა“-
შაჰს შეუძღრა მისი დატუქსვა (گوشمالی نادا). ყმის (ვასალის) მოვალეობაში
შედის „პატრონისათვის“ (ამ შემთხვევაში შაჰისათვის) ძღვენის გამზადება
და მის მხარეზე ჯარის გამოყვანა. პატრონი კი მოვალე იყო, რომ თავისი
ყმა (ვასალი) სხვა უცხო დამპყრობელისაგან დაეცვა³.

„თებქერეში“ კახელების ჯარი არ იხსენიება, მაგრამ კახთა მეფის შვი-
ლის ომში შაჰის მხარეზე მონაწილეობა „ყმის“ მოვალეობის შესრულების
მაჩვენებელი იყო.

XVI ს-ის შუაწლებისათვის, როგორც ვხედავთ, ირანსა და კახეთს
შორის მყარდება ურთიერთობის ის პოლიტიკური ფორმა, რომლის დარ-
ღვევას შესაძლებელ შემთხვევაში კახთა მეფეები მოუძამ ცდილობდნენ. ყი-
ზილბაშები კახელებისთვისაც აგრესორები იყვნენ. კახთა მეფის ლევანის
მოციქულები ინგლისელ ჯენკინსონს ეუბნებოდნენ, რომ მათი ქვეყანა თანაბ-
რად იყო შეწუხებული ოსმალებისა და სპარსელებისაგან⁴.

მაგრამ თუ ყიზილბაშური აგრესიის შესაჩერებლად კახეთისთვის მისა-
ღები იყო ურთიერთობის შემუშავებული პოლიტიკური ფორმა, სამაგიეროდ
იმავე ყიზილბაშური აგრესიის წინააღმდეგ, ხელსაყრელი საერთაშორისო
ურთიერთობის პირობებში, კახეთი უკავშირდება იმას, ვინც მას აგრესორთა

¹ იხ. ვახუშტი. საქართველოს ცხოვრება 1469—1800-მდე. მეორე გამოცემა ხ. კიკი-
ნაძისაგან, ტფილისი, 1913, გვ. 165.

² تزرلی درحالش افتاده کتابتی شخص داده نزد پسرش خواجه تاج
وکیل خود فرستاده که این نوع اخبار رسید کیفیت احوالرا کما هو
حقه نوشته ار سال دارند. Sani-ul-Daulah, Matla'ul-Shams, გვ. 20ა.

³ კახეთ-ირანის ურთიერთობის შესახებ XVI ს-ში იხ. ნ. ბერძენიშვილის, — „რუსეთ-
საქართველოს ურთიერთობის ისტორიიდან XVI — XVII საუკუნეთა მიჯნაზე“, მასალები საქ.
და კავ. ისტორიისათვის, 1944, ნ. 1, გვ. 22.

⁴ England's Quest of Eastern Trade by William Foster, London. 1933, გვ. 29.

წინააღმდეგ ბრძოლაში დამხმარე ძალად მიაჩნია. ცნობილია, რომ ლევან კახთა მეფემ პირველმა გააბა კავშირი ჩრდილოეთიდან მომავალ ახალ ძალასთან — რუსეთთან, რაც 1564 წელს კახეთის ციხეებში რუსი მეციხოვნეების ჩაყენებით დამთავრდა¹.

საზოგადოდ, ლევან კახთა მეფის პოლიტიკური განწყობილების დასახასიათებლად მნიშვნელობა აქვს შაჰ-თამაზის ნათქვამს რომ მას „ზოგი რამ უმსგავსო საქციელი ჩაედინა და იგი უნდა დამეტუქსაო“. ცხადია „უმსგავსო საქციელი“ შაჰისათვის არის ის, რაც მისთვის მოსაწონი და მისაღები არაა. ოსმალთა ელჩებთან ლევან კახთა მეფის „უმსგავსო საქციელის“ აღნიშვნა რაღაცნაირად უნდა იყოს დაკავშირებული მის ოსმალეთთან ურთიერთობასთანაც. ყოველ შემთხვევაში, ცნობილია, რომ შაჰ-თამაზს ლევან კახთა მეფის „ერთგულების“ არცთუ ისე სწამდა და სწორედ მისი მოთხოვნით ლევან კახთა მეფე იძულებული იყო კახეთიდან რუსი მეციხოვნეები დაეთხოვნა.

„თეზქერეში“ საინტერესო ცნობები გვხვდება სამხრეთ საქართველოს შესახებაც. ძველში სამხრეთ საქართველო მოხსენებულია როგორც ყვარყვარეს ქვეყანა (قراقرة), ხოლო ცალკეული გეოგრაფიული პუნქტები თავიანთი ქართული სახელწოდებებით, მაგ., — ساس باديანი, ოლთისი — اولى, არტანუჯი — اردان و ا. შ.

ძველში დაცული ცნობების მიხედვით, სამხრეთ საქართველოს დიდი ნგრევა-გაპარტახება განუცდია ირან-ოსმალეთის პირველი ომის (1514 — 1555) დროს.

სამხრეთ საქართველოს, როგორც სანაპირო ქვეყანას, სომხეთის ტერიტორიასთან ერთად, ოსმალები გზად იყენებდნენ ირანის წინააღმდეგ ლაშქრობის დროს. მაგრამ „თეზქერედან“ ჩვენ ისიც ვიცით, თუ რა საშუალებებს მიმართავდნენ ყიზილბაშები ოსმალთა შემოსევების დროს. სომხეთის ტერიტორიასთან დაკავშირებით იქ არაერთხელაა მოხსენებული სამხრეთ საქართველოს ცალკეული ოლქებიც, რომლებიც ირან-ოსმალეთის ომების ასპარეზს წარმოადგენდნენ. გადაწვა-გაუღებურებასთან ერთად ყიზილბაშები სამხედრო ოპერაციებშიც აწარმოებდნენ სამხრეთ საქართველოს ტერიტორიაზე. როდესაც ისკანდერ-ფაშამ შაჰს შემოუთვალა, რომ „მე გურჯისტანის არტანუჯის ციხეს შემოვადექი და შაჰი ჩემზე თავდასასხმელად თუ წამოვა უომრად არ გავეცლებიო“², ყიზილბაშებმა მის წინააღმდეგ საქმალდ დიდი რაოდენობის ჯარი გაგზავნეს, რომელმაც რბევა-თარეშით მოიარა სამხრეთ საქართველოს ტერიტორია და იქ ოსმალთა ერთი რაზმიც დაამარცხა. საზოგადოდ, სამცხე-საათაბაგოს განსაკუთრებული მნიშვნელობა ენიჭებოდა ირან-ოსმალეთის კიშკში. ოსმალეთისათვის ეს იყო კარიბჭე, სადაც ბატონობა მას

¹ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, გვ. 313.

² „თეზქერეს“ ლენინგრადის საჯარო ბიბლიოთეკის ხელნაწერი, გვ. 102.

საშუალებას მისცემდა უმოკლესი გზით შეეყვანა თავისი ჯარები აღმ. ანტიკავკასიაში და ჩრდილოეთ ირანში, ირანისათვის კი სამხრეთ საქართველოში ბატონობა ნიშნავდა მარჯვე პოზიციას ოსმალეთთან ომში. ამიტომ ფიქრობს ისკანდერ-ფაშა, რომ მის მიერ არტანუჯის დაპყრობა უომრად არ გათავდებოდა.

ძეგლის მიხედვით, სამხრეთ საქართველოს ტერიტორიაზე ზშირად ნემოდინ და ხანგრძლივი დროით ჩერდებიან ყიზილბაშები. „თებქერეს“ არა ერთხელ მოუწოდებს შაჰი თავის წარჩინებულებს: „ყვარყვარეს ქვეყანაში დავდგეთ, ვიდრე ცხენები მოსუქდებიან“ ან „ყვარყვარეს ქვეყანაში წავიდეთ. რათა ცხენები მოსუქდნენ“ და ა. შ. ერთ ადგილას შაჰი იმასაც აცხადებს, რომ „ერთი თვის განმავლობაში შეშადის და ყვარყვარეს ქვეყნებში ვიდრე ერთი, ვიდრე რამაზნის დღესასწაული დასრულდებოდაო“¹. ყიზილბაშთა ჯარის ამა თუ იმ ქვეყანაში ჩადგომის შედეგები ახლა ჩვენთვის გარგადაა ცნობილი.

„თებქერეს“ მიხედვით სამხრეთ საქართველოს ციხეებში ზოგან ყიზილბაში მეციხოვნეები მდგარან, ზოგან ოსმალები. ამრიგად, სამცხე-საათაბაგოს ერთი ნაწილი ოსმალებს, ხოლო მეორე ნაწილი ყიზილბაშებს სუერიათ. ასეთ ვითარებაში, როგორც ძეგლიდან ვტყობილობთ, ათაბაგს სამცხიდან ოსმალთა განსადევნად ყიზილბაშები მოუპატიებია. ცნობილია, რომ სანციხის ათაბაგებს გულზე არც ირანის შაჰი ეხატათ და არც ოსმალეთის ხონთქარი, მაგრამ მათი არჩევანი უფრო ირანისაკენ იხრებოდა. ეს გასაგებია, რადგან XVI საუკუნეში ირანი და ოსმალეთი სანციხის მიმართ სულ სხვადასხვა, ერთმანეთისაგან განსხვავებულ, პოლიტიკას ატარებდნენ. ყიზილბაშები სამცხის სრულ ინკორპორაციას მიზნად არ ისახავდნენ, ოსმალები კი სწორედ ამ მიზნით იპყრობდნენ სამცხეს. ამესხეთის მიმართ თურქეთი სრულიად განსხვავებულ პოლიტიკას ადგა, ვიდრე საქართველოს სხვა ნაწილების მიმართ. მესხეთში იგი ხარკითა და ათაბაგების ვასალური დამოკიდებულებით არ კმაყოფილდებოდა (ასეთ წარმატებას მან ჯერ კიდევ XV ს-ის 70-ან წლებში მიიღწია) და XVI ს-ის პირველსავე ნახევრიდან ახორციელებდა ამ მხარის სრული ინკორპორაციის პოლიტიკას². „თებქერედან“ ჩანს, და საფუძველი გვაქვს ვერწმუნოთ მის ცნობებს, რომ ათაბაგი შაჰთან შეთანხმებით მოქმედებს. თუმცა საანისო ცნობების ანალიზისას გასათვალისწინებელია ის გარემოებაც, რომ ოსმალო ელჩებთან საუბარში შაჰ-თამაზი შეგნებულად და სრულიად გარკვეული მოსაზრებით აღნიშნავს ირანის „უფლებას“ სამცხე-საათაბაგოზე, რომლის მმართველი ათაბაგი შაჰს მფარველობას სთხოვდა და „ერთგულუბნასაც“ უმტკიცებდა.

„თებქერეს“ მიხედვით, მას შემდეგ რაც ყიზილბაშებმა სამხრეთ საქართველოს ტერიტორიაზე ერთი თვე დაჰყვეს, რამაზნის მიწურულს, მათთან

¹ تا مدت يك ماه در الكاى شوستاد و الكاى قدبت گرجي وقرقره
„თებქერეს“ ს. ხ. ჯანაშვიას სახელობის საქართველოს სახელმწიფო მუზეუმის ზელ-
ნაწერი, გვ. 9.

² Н. Бердзенишвили. Очерк..., гв. 31—32.

მოსულა იესე ხანის მსახური ვინმე აზარბარი, რომლისთვისაც „ბესბათს დაე-
ბარებინა აიაზ-ფაშა ოლთის ციხეში მარტო დგას, ხონთქარი კი არზრუმ-
ში არისო“¹, და მოუწოდებია, რომ ოსმალები ოლთისიდან განდევნეთო.

ყიზილბაშებმა ოლთისის ციხეზე ლაშქარი გაგზავნეს: „ჩვენც ფორგუნ
(پرگن) ციხის სანახებიდან შაპ-ყული ხალიფა მეჭრდარი, მოჰამედ-ბეგ მოესა-
ლი. აღჰამ-ბეგ რუპლუ. ალფ-ბეგ საადლუ და თარხან-ბეგი; სხვა ამირებთან
ერთად (ოლთისზე) გაეგზავნეთ. ყვარყვარე გურჯის შვილი, და ასევე გურ-
ჯები მათ ჩარხებდალ გაჰყვენ და ხუთი ათასი კაცით აიაზ-ფაშაზე თავდასა-
ხნელად გაემართნენ“²; „თეზქერეს“ ამ ცნობიდან ჩანს, რომ ათაბაგის შვილი,
რონლის სახელსაც შაჰი არ ასახელებს, მსგავსად ლევან კახთა მეფის შვილი-
სა. მიველად ჰყოლია შაჰ-თამაზს და მას თანა ხლებია. ათაბაგის შვილის მო-
ნაწილეობა ყიზილბაშთა ამ ლაშქრობაში ცხადად უჩვენებს ათაბაგის ორიენ-
ტაციის აზრსა და მიზანს აღებულ ხანაში.

ოლთისის ციხეზე ყიზილბაშთა გალაშქრების დროს მათ მიერ შეპყრო-
ბილი ხონთქრის მოხელის სენან-ბეგის ჩვენებით: „მთელი ლაშქარი, გარდა
ხონთქრისა. ოლთისს მოვიდა და ხონთქარიც უკან მოჰყვებოა“. ამ ცნობიდან
აშკარაა, რომ ამჯერად სამხრეთ საქართველო ხონთქრის ცალკეული მოხე-
ლეების მცირე მასშტაბის შემოსევას კი არ განიცდის, როგორც იყო ის-
კანდერ-ფაშას ან აიაზ-ფაშას შემოსევა, არამედ ოსმალთა მთელი ლაშქრის
შემოსევას. რომელსაც თვითონ ხონთქარი ხელმძღვანელობს. „თეზქერეს“ მი-
ხედვით, აღწერილი ამბები ხდება ხონთქრის მე-4 ლაშქრობის დროს ირანის
წინააღმდეგ. ე. ი. დაახლოებით 1554 წლის ახლო ხანში. შაჰი თავის „თეზ-
ქერეში“ ისეთნაირად აღწერს ამ ამბებს, რომ აშკარაა ცდილობს მკაფიოდ
უჩვენოს. თუ როდის და რა პირობებში გახდა „შესაძლებელი საზავო მოლა-
პარაკება. რაც 1555 წლის საზავო ხელშეკრულებით დამთავრდა. სამცხისა და
ქართლის შესახები ცნობები შაჰ-თამაზ 1-ის „თეზქერეში“ სწორედ ამ მიზნი-
თაა მოტანილი. ყველაფერი ეს ადვილად გასაგებია, რადგან საქართველოს
საკითხში შეთანხმება ომის შეწყვეტის და ზავის დადების ერთ-ერთი მთავარი
პირობა იყო. როგორც ირანის, ისე ოსმალეთის მთავრობის თვალსაზრისით.

სამხრეთ საქართველოს ის შინაფეოდალური და დინასტიური ბრძოლაც
შეხებია. რომელიც სულთან სულეიმანის ვაჟებთან სელიმთან და ბაიაზეთთან
იყო დაკავშირებული. ამ ორი ოსმალთა უფლისწულის პირველი შეტაკება,
რომელიც იკონიაში მოხდა, სელიმის გამარჯვებით დასრულდა. უფლისწული
ბაიაზეთი გამოიქცა და ბასიანში დადგა, საიდანაც მოლაპარაკება გააბა ირა-
ნის შაჰთან. შაჰი შენიშნავს, კაცმა, რომელიც ბაიაზეთისაგან შუამავლად მო-
ვიდა შემდეგი განაცხადა: „სულთან ბაიაზეთი ბასიანს მოვიდა, ხოლო მე

¹ ბესბათი დაახლოებით მოურავს უდრის.

² „თეზქერეს“ ლენინგრადის საჯარო ბიბლიოთეკის ხელნაწერი, გვ. 122.

³ لشکر می سوی خواندگار بالطی آمده اند و خواندگار نیز
از عقب میا بد.

გამომავაგზავნა (შესატყობად) შაჰთან რომ მივიდე მთარველობას გაპიწეეს თუ არაო¹. რამდენიმე დღის შემდეგ კი „ამბავი მოვიდა. რომ ნუჰ-ფაშა სულთან ბაიაზეთს თავს დაესხა, იბრძოლეს და ბაიაზეთი დამარცხდა. რის შემდეგ ჩუხურ-საადში შაჰ-ყული სულთანთან მივიდაო“².

შაჰ-თამაზ I-ის „თეზქერეში“ ქართლის შესახებ შედარებით უფრო ნაკლები ცნობები გვხვდება, ვიდრე კახეთისა და სამხრეთ საქართველოს შესახებ. ეს. ალბათ, აიხსნება ქართლის ირანთან დამოკიდებულების თავისებურებით. ქართლი, როგორც ცნობილია, ყველაზე უფრო თავგამოდებით ებრძოდა როგორც ყიზილბაშებს, ისე ოსმალებს. ქართლის მეფე ლუარსაბ I (1534-1558), რომელიც „საქართველოს ეროვნული დამოუკიდებლობისათვის თავდადებული ბრძოლის დროშად იქცა ირან-ოსმალეთის მოძალადეობის შევბენლ ხანაში“³ არცერთ დამპყრობელს ნებით თავს არ უდებდა. იგივე შაჰ-თამაზ I ბევრს ეცადა ხელთ ეგდო ლუარსაბ მეფე. მაგრამ ყველა მისი ცდა ამაო იყო. ვახუშტის სიტყვით „ამისთვის მტრობდა უფროს ლუარსაბს ყენი. რამეთუ არა მორჩილ ექმნა დღეთა მისთა არცა ყენსა და არცა ხონთქარსა, რათა არა სხუანი მისნი ამძლავროს და დაატყვევინოს ქრისტე“⁴. ხოლო „უკეთეს მორჩილ მათდა ქმნილ იყო საეპქველ-იყო, რამეთუ მრავალ-გზის დიდნი ძღვენი და მაგრებანი შესძინა ქვეყანათა სიშანითა თვისითა“⁵. ასეთ ვითარებაში შაჰ-თამაზისათვის ძალზე უხერხული და უსიამოვნო უნდა ყოფილიყო ოსმალ ელჩებთან ქართლისა და მისი გმირი მეფის ლუარსაბ I-ის შესახებ ლაპარაკი. საქმე ისაა, რომ ლუარსაბის თავდადებული ბრძოლის გახსენებას ბუნებრივად უნდა მოჰყოლოდა ის დასკვნაც, რომ 1555 წლის ზაფხუთ ირანისადმი მიკუთვნებული ქვეყანა არავითარ შემთხვევაში არ სცნობდა ბატონად ყიზილბაშებს და მისი დამორჩილება იარაღის ძალით იყო საჭირო. შაჰი საერთოდ ერიდებოდა ოსმალ ელჩების წინაშე იმის აღნიშვნას, რომ ამიერკავკასიის ხალხებს ცოცხალის თავით არ სურდათ ყიზილბაშთა უღელქვეშ ყოფნა და რომ ისინი განაგრძობდნენ ბრძოლას ყიზილბაშთა ბატონობისაგან თავის დასაღწევად. პირიქით, შაჰი ცდილობდა საქმე ისე წარმოედგინა თითქოს ამიერკავკასიის ხალხები არავითარ წინააღმდეგობას არ უწყედნენ ყიზილბაშებს.

შაჰ-თამაზი „თეზქერეში“ გაკვრით იხსენიებს საქართველოს წინააღმდეგ მისი რიგით მე-4 ლაშქრობის დროს ქართლის აოხრების ამბავს. შაჰი რატომღაც არც ამ ლაშქრობის მიზეზს ასახელებს და არც მის მსვლელობას. იგი უბრალოდ, ვითომდა სხვათაშორის, შენიშნავს, რომ „ლუარსაბ ხანის გურჯისტანზე გავილაშქრეთ, იქაურ ციხეთა და სიღნაღთა უმრავლესობა

¹ „თეზქერეს“ მითითებული ხელნაწერი, გვ. 129.

² იქვე, გვ. 130.

³ ნ. ბერძენიშვილი, ი. ჯავახიშვილი, ს. ჯანაშია. საქართველოს ისტორია, გვ. 300.

⁴ ვახუშტი. საქართველოს ცხოვრება 1469—1800-მდე, მეორე გამოცემა ზ. ჭიჭინაძისაგან, ტფილისი, 1913, გვ. 38.

⁵ იქვე.

დალეწეთ. ოცდაათი ათასი ტყვე წამოვიყვანეთ და იქიდან ყარაბაღს მივე-
დით“¹. „თეზქერეს“ ეს ცნობა ქართლის შესახებ მეტად საინტერესოა და
მრავალმხრივ საყურადღებო. ჯერ ერთი, შაჰი მეფე ლუარსაბს, მსგავსად
ლევან კახთა მეფისა, ხანის ტიტულით იხსენიებს, რაც ირანის მთავრობის
გარკვეულ თვალსაზრისთან არის დაკავშირებული, მაგრამ რომლის რეალიზა-
ცია ჯერ კიდევ არ არის მომხდარი. მეორე მხრივ საკუთრივ შაჰის სიტყვე-
ბიდან მკაფიოდ გამოსკვივის, თუ როგორ წინააღმდეგობას წააწყდა ყიზილ-
ბაშთა ჯარი ქართლში, სადაც მათ აუარებელი ციხე და სიღნაღი დაულე-
წიათ.

„თეზქერედან“ მოტანილი ცნობიდან ირკვევა, რომ ყიზილბაშებმა მი-
წასთან გაასწორეს ქართლის ქვეყანა, მოთხარეს და დალეწეს ციხეები, მუს-
რი ფაავლეს მოსახლეობას, გაძარცვეს ქვეყანა და წაიყვანეს მრავალი ტყვე.
საინტერესოა, რომ საამისო ცნობას გვაწვდის თვითონ ირანის შაჰი თამაზ I.

ყიზილბაშების ზიერ ქართლის აოხრებას ძეგლში თარიღი არ ახლავს,
მაგრამ ამის დადგენა ადვილი საქმეა. ცნობილია: შაჰი საქართველოდან ყა-
რაბაღს რომ მივიდა. იქიდან დაზავების თაობაზე ხონთქარს ელჩები გაუგზავ-
ნა. რის შედეგე ჩქარა ზავიც დაიდო. შაჰი იქვე კმაყოფილებით შენიშნავს:
„მადლობა ღმერთს ზავი დაიდო“². აქ ლაპარაკია ირანსა და ოსმალეთს
შორის 1555 წ. ქალაქ ამასიაში დადებულ ზავზე. რაჟი მას წინ უსწრებდა
ქართლის აოხრება. უნდა ვიფიქროთ, რომ შაჰ-თამაზის ეს ლაშქრობა ან
1554 წელს მოხდა, ანდა 1555 წლის დასაწყისში.

1555 წლის ირან-ოსმალეთის ზავის პირობებით ირანმა და ოსმალეთმა
შუა გაიყვეს ამიერკავკასია. „თურქეთთან ამასიაში დადებული ზავის თანა-
ხმად (1555), ყიზილბაშთა სახელმწიფომ დაჰკარგა სამხ. სომხეთი (ვანის ტბის
აუზი) მაგრამ შეინარჩუნა ჩრდ. სომხეთი, აღმ. საქართველო და მთელი აზერ-
ბაიჯანი“³.

ზავის ძალით საქართველო ორად იქნა განაწილებული ირანსა და ოს-
მალეთს შორის. „ქართლი, კახეთი და სამცხე-საათაბაგო ირანმა ირგუნა, ხო-
ლო იმერეთის სამეფო გურიისა და ოდიშის სამთავროებით—ოსმალეთმა“⁴.

მაგრამ ამიერკავკასიის ქვეყნები არ შერიგებიან არც ყიზილბაშთა ირა-
ნის, არც ოსმალეთის ბატონობას. კავკასიის და მახლობელი აღმოსავლეთის
საერთაშორისო ასპარეზზე რუსეთის გამორჩენაში ამიერკავკასიის ხალხებმა ის
ძალა დაინახეს, რომლის აქტიურმა ბრძოლამ აღმოსავლეთის აგრესორების
წინააღმდეგ რეალურად დასაბა ამიერკავკასიის ირანისა და ოსმალეთის ბა-
ტონობისაგან გამოსხნა-განთავისუფლების გზა.

متوجه گرجستان لرصا خان شديد اكثر قلاع و سقاقات آنجارا
توجه. فتح نموده موازی سی هزار اسیر گرفتیم و از آنجا بجانب قرا باغ آمدیم.
„თეზ-
ქერეს“ მითითებული ხელნაწერი, გვ. 126.

² იქვე, გვ. 127.

³ И. И. Петрушевский. Азербайджан в XVI—XVII веках, гв. 268.

⁴ ნ. ბერძენიშვილი, ი. ჯავახიშვილი, ს. ჯანაშია. საქართველოს ის-
ტორია, გვ. 306.

3. ირან-ოსმალეთის 1639 წლის ზავი და საქართველო

ირან-ოსმალეთის 1639 წლის ხელშეკრულებაში. როგორც მისი ისტორიულ-კრიტიკული ანალიზი გვიჩვენებს, მნიშვნელოვანი ადგილი ეჭირა „გურჯისტანის საკითხსაც“. ეს „საკითხი“ XVI ს-ის დამდეგიდანვე განსაკუთრებულ ადგილს იკავებს ირან-ოსმალეთის ურთიერთობაში. მისი ასწლოვანი განვითარება 1639 წლის აგრესიულ ხელშეკრულებით გათვალისწინებულ პირობებით დასრულდა.

1629 წლის ხელშეკრულება ფაქტიურად წარმოადგენს 1555 წელს ქ. ანასიაში დადებული ირან-ოსმალეთის საზავო ხელშეკრულების ერთგვარ ვარიანტს, რომელიც მოცემული ისტორიული ვითარებისა და პირობების მიხედვით იყო შენუშავებული.

დამახასიათებელია, რომ 1555 წელს შემუშავებული დიპლომატიური ფორმულა (ირანი სცნობს ოსმალეთის „უფლებას“ დას. საქართველოზე, ხოლო ოსმალეთი სცნობს ირანის „უფლებას“ აღმ. საქართველოზე) ირან-ოსმალეთის შეთანხმების (ე. ი. ომის შეწყვეტის) მთავარ პირობად ითვლებოდა XVI—XVII საუკუნეებში შესაძლებელ შემთხვევაში, მოპირდაპირე მხარე ან მთლიანად უარყოფდა მას და განაწილებულ „უფლებას“ აერთიანებდა (1590 წლის საზავო ხელშეკრულება), ანდა (იმის მიხედვით, თუ როგორი იყო ძალთა განწყობილება მახლობელ აღმოსავლეთში) შესაფერისი კორექტივი შეჰქონდა მასში (1619 წ. და 1639 წ. ხელშეკრულებები).

ამრიგად, ირან-ოსმალეთის აგრესიულ პოლიტიკას მოწმობენ არა მართო მათი გაუთავებელი ომები საქართველოს ტერიტორიაზე, დაპყრობა-მიტაცებას რომ ისახავდნენ მიზნად, არამედ საზავო ხელშეკრულებებიც, რომელთა მიხედვით გაუღუნის სფეროებად განაწილებულ საქართველოს საწინდარი უნდა შეექმნა მათი პოლიტიკური ბატონობისათვის.

დამპყრობელი ყიზილბაშები და ოსმალები ყველაფერს აკეთებდნენ იმისათვის, რათა არ დაეშვათ საქართველოს პოლიტიკური გაერთიანება, რაც, ცხადია, დასაპყრობ-მისატაცებელ ქვეყანას აგრესიულ მუსლიმანური სახელმწიფოების წინააღმდეგ დარაზმავდა. საამისო ღონისძიებანი მკვეთრად არის აღბეჭდილი 1555 წლის ირან-ოსმალეთის საზავო ხელშეკრულებაში, რომლის დარღვევა, როგორც წესი, ირან-ოსმალეთის მრავალწლოვან ომებს იწვევდა.

1555 წლის ზავი საფუძველს უქმნიდა ირან-ოსმალეთის აგრესიული პოლიტიკის წარმატებას საქართველოში. თუ როდის, რა პირობებში და როგორ ცდილობდნენ აგრესორები ამასიაში დასახული გეგმის განხორციელებას, ამას გვიჩვენებს ამასიის ზავის დიპლომატიური ფორმულის განვითარება, რაც, თავის მხრივ, მკვიდროდა დაკავშირებული ირანსა და ოსმალეთს შორის სხვადასხვა დროს დადებულ საზავო ხელშეკრულებებთან.

ირან-ოსმალეთის მიერ საქართველოს დაპყრობის მიზნით შემუშავებული ამასიის პოლიტიკური შეთანხმების საბოლოო შედეგები აისახა 1639 წლის

საზავო ხელშეკრულებაში, სადაც უკვე მოცემულია აგრესიის შედეგების გაფორმება.

1555 წლის ზავმა სერიოზულად გაართულა საქართველოს საგარეო და საშინაო მდგომარეობა.

ამ შეთანხმების ძირითადი პირობის მიხედვით ირანი და ოსმალეთი ერთმანეთთან სწყვეტდნენ ომს და პირობას ჰკრავდნენ, რომ ამიერიდან მთელი ძალებით შეუტევდნენ საქართველოს მხოლოდ გარკვეულ ნაწილებს: ირანს მხოლოდ აღმ. საქართველოზე უნდა ეწარმოებინა შეტევა, ოსმალეთს კი დას. საქართველოზე; ორივე მხარე ვალდებულია კისრულობდა, რომ არ ჩაეროდა საქართველოს მეორე ნაწილის საქმეებში და იქ ხელს არ შეუშლიდა მოპირდაპირე მხარის „უფლების“ რეალიზაციას. „თურქეთსა და ირანს შორის დადებულ ზავს,—წერს პროფ. ნ. ბერძენიშვილი.—საქართველოსათვის ჰქონდა განსაკუთრებული პოლიტიკური მნიშვნელობა. ის გარკვეულად ეწინააღმდეგებოდა საქართველოს გაერთიანებას. ამის შემდეგ ყოველი მისი ნაწილის ბრძოლა დამპყრობელთან მიმდინარეობს შეუდარებლად მძიმე პირობებში. მანამ, ვიდრე თურქეთი და ირანი იცავდნენ 1553 წლის¹ საზავო ხელშეკრულების პირობებს, დამოუკიდებლობისათვის მებრძოლ ქართულ სამეფოებს არ უნდა ჰქონებოდათ დახმარების იმედი ამ მოქიპვე სახელმწიფოებისაგან; ისინი მთლიანად დამოკიდებული რჩებოდნენ საკუთარ სუსტ ძალებზე. ვასაგებია, რომ თურქეთისა და ირანის მიერ ქართული სამეფოების და სამთავროების დაპყრობა, უფრო წარმატებით მიმდინარეობს 1553 წლის შემდეგ“².

ირან-ოსმალეთის 1555 წლის ზავი აღრმავებდა საქართველოს ფეოდალურ დაშლილობას, რაც ქვეყნის დამორჩილების გადამწყვეტ პირობას წარმოადგენდა. ამიერიდან ირანი და ოსმალეთი ეპვიტ უყურებდნენ დას. და აღმ. საქართველოს ცეფე-მთავრების კავშირ-ურთიერთობას და მას განიხილავდნენ როგორც მოპირდაპირე მხარის ვასალების „მტრულ მოქმედებას“.

ირან-ოსმალეთის 1555 წლის ზავმა სათანადო გამოხმაურება ჰპოვა ფეოდალურ საქართველოში. „ამ გაყოფას (1555 წლის ზავს—ვ. ჩ.),—წერს გორგიჯანიძე,—სრულ საქართველოს ბატონები დასჯერდეს. მაგრამ მეფე ლუარსაბ არ სჯეროდა და კიდევ თავილობდა, ამისთვის უფრო ურჩობდა და აქეთ ირანის თემსა და იქით ურუმის ქვეყანას არბევდეს“³. ქვეყნის შინაგანმა დამრღვევმა ძალებმა („სრულ საქართველოს ბატონები“) ოსმალეთისა და ირანის შეთანხმებაში დაინახეს თავდაცვის საშუალება იმ ძალისაგან, რომელიც საქართველოს გაერთიანების იდეას არ ეხსნებოდა (საამისოდ შეუფერებელი საშინაო და საგარეო პირობების მიუხედავად). ხოლო ქართლის მეფემ (საქართველოს გაერთიანების პრეტენდენტმა) „ითაკილა“ ირან-ოსმალეთის შეთანხმება. გარეშე მტრების ეს შეთანხმება აძლიერებდა ქვეყნის დამრღვევ ძალებს და, ამდენად, ქართლის მეფეს ხელს უშლიდა საქართველოს გაერთიანების საქმეში.

¹ უნდა იყოს 1555 წელი.

² Н. Бердзенишвили. Очерк..., გვ. 26—27.

³ ფ. გორგიჯანიძის ისტორია, გვ. 7.

ირან-ოსმალეთის 1555 წლის ზავმა ყველაზე მძიმე მდგომარეობა შექმნა სამცხე-საათაბაგოში. აგრესორებმა შუაზე გაიყვეს საქართველოს ეს მხარე, ნესხეთის დიდი ნაწილი (აღმოსავლეთი) ირანს ერგო, მისი დასავლეთი კი — ოსმალეთს.

საკითხის ასეთი გადაწყვეტა გამოწვეული იყო სამცხე-საათაბაგოს განსაკუთრებული სტრატეგიული მნიშვნელობით.

1555 წლის ზავი არ დარღვეულა 1578 წლამდე. ამ ხნის განმავლობაში ორივე მხარე ფორმალურად იცავდა ნაქისრ ვალდებულებებს. ქართველ ხალხს არახელსაყრელ საერთაშორისო პირობებში უზღებოდა ბრძოლა დამპყრობლების წინააღმდეგ. განსაკუთრებით მძიმე მდგომარეობაში აღმოჩნდა ქართლის სამეფო, რომლის დაპყრობა ირანის მიერ 1555 წლის ზავით იყო გათვალისწინებული.

ქართლის მეფისათვის ცხადი იყო, რომ საქართველოს ბრძოლა ყიზილბაშური ირანის წინააღმდეგ მნიშვნელოვნად შემსუბუქდებოდა, თუ ოსმალეთსა და ირანს შორის კვლავ მკვეთრი დაპირისპირება მოხდებოდა. ირან-ოსმალეთის დაპირისპირების მიზნით სიმონ მეფემ (1558—1600) გადადგა სათანადო დიპლომატიური ნაბიჯი. მან ოსმალეთის ამხედრება სცადა იმ დროს, როდესაც ირანისა და ოსმალეთის ურთიერთობაში ადგილი ჰქონდა ერთგვარ გართულებას.

1559 წლის ზაფხულში სულთან სულეიმან კანუნის (1520—1566) აუჯანყდა უფლისწული ბაიაზეთი, მაგრამ მემამბოხე დამარცხდა და იმავე წლის შემოდგომაზე ირანის შაჰთან გაიქცა 12000 კაცით. სხვა შემთხვევაში ოსმალეთი ამას ომის საბაზად გამოიყენებდა, მაგრამ ამჯერად შეგნებულად მოერიდა ომს ირანთან, ვინაიდან დაძაბული ურთიერთობა ჰქონდა ავსტრიასთან. გარდა ამისა ირანის საშინაო მდგომარეობაც შედარებით მტკიცე იყო იმ მომენტში. ამ გარემოებას კი დიდი მნიშვნელობა ჰქონდა ოსმალეთის წარმატება-წარუმატებლობისათვის მახლობელ აღმოსავლეთსა და ამიერკავკასიაში.

ირან-ოსმალეთის ურთიერთობის აღნიშნული გართულების დროს სიმონ მეფეს ელჩი გაუგზავნია სულთანთან. ამის შესახებ ცნობას ვხვდებით ჰამერის ოსმალეთის ისტორიაში. მისი შინაარსი ასეთია: „...საქართველოს მეფემ (prince) შაჰის (წინააღმდეგ) საჩიველად ოსმალეთის კარზე მიავლინა თავისი დეფთერდარი აბდულ ალაში; (მან) წინადადება მისცა სულთანს, რომ საქართველოს ააჯანყებდა სპარსეთის ბატონობის წინააღმდეგ და მიიღებდა ოსმალეთის მფარველობას, რაზეც მიიღო ასეთი პასუხი: „მიუხედავად იმისა, რომ შაჰმა ზავი მოიპოვა თერთმეტ წლიანი ომის შემდეგ, შაჰანშაჰი¹ მაინც მზად არის წამოვიდეს შენს დასახმარებლად და ტანჯვა შეგიცვალოს ბედნიერებად“².

¹ შაჰანშაჰი აქ სულთანს ნიშნავს.

² Hammer. Histoire de l'Empire Ottoman, VI, Paris, 1837, 134; ამ ცნობიდან მართალია არ ჩანს თუ რომელმა ქართველმა მეფემ ვაგზავნა ელჩი სულთანთან. მაგრამ სიმონის გარდა იმ დროს არავინ დაუკავშირდებოდა სულთანს. ასეთი დასკვნის უფლებას გვაძლევს საქართველოს მაშინდელი პოლიტიკური მდგომარეობის გათვალისწინება. სულთანთან

სულთნის მიერ საქართველოს მეფისათვის მიცემულ პასუხიდან ჩანს, რომ სულთანი სიმონს დახმარების იმედს აძლევდა, რათა წაეჭეზებინა იგი ირანის წინააღმდეგ საბრძოლველად. ეს ხდებოდა იმ დროს, როდესაც თვითონ იგი შაჰთან დიპლომატიური მოლაპარაკების გზით აგვარებდა სადავო საკითხს (ბაიაზეთის თაობაზე) და ირანთან ომის განახლებას არ ფიქრობდა. ასეთი პოლიტიკით ოსმალეთი ვარაუდობდა, რომ გააძლიერებდა ბრძოლას ქართლსა და ირანს შორის და დაასუსტებდა ორივეს. ამას კი ოსმალეთისათვის დიდი მნიშვნელობა ჰქონდა მომავალ ომში, რომელსაც ის ამიერკავკასიის დაპყრობის მიზნით ამზადებდა.

ოსმალეთის საომარი სამზადისი მარტო ამით არ ამოიწურებოდა. იმ დროს სულთანი მოკავშირეებს ეძებდა ირანის აღმოსავლეთით მდებარე ქვეყნებშიც. საინტერესოა სულთნის წერილი, რომელიც მან 1559 წელს გაუგზავნა ოზბეგთა ხანს. ამ წერილში ის პირდაპირ გამოთქვამს თავის სურვილს—განაახლოს ომი ირანის წინააღმდეგ. „ამ ამჟამად გვირგვინოსანმა სპარსმა, სულელმა შაჰმა,—წერდა სულთანი,—მას შემდეგ, რაც არაერთხელ დაიმცირა თავი, ელზობა გამომიგზავნა და უმორჩილესად მთხოვა ზავი, რომელიც ვუბოძე ცოტა ხნით¹, როგორც წყალობა. შემდეგ მან შეიჯარა (ჩენი) დამნაშავე შვილი ბაიაზეთი და ეს ზავი დაარღვია ისე სულმდაბლად, რომ (მისი) კვალი შუბლზე ატყვია. გადაწყვიტე აღარ ვირწმუნო მისი სიტყვები და კვლავ ვეცადო მის მოსპობას“².

ამ ცნობიდან ნათელია, რომ ოსმალეთის სულთანი დროებით ზავად სთვლიდა ირან-ოსმალეთის 1555 წლის ხელშეკრულებას. ამასთან ირანის შაჰის მიერ ბაიაზეთის შეფარება სულთანს მიაჩნდა ზავის ფორმალურ დარღვევად. მაგრამ იმ მომენტში ოსმალეთმა, ზემოთ აღნიშნული მიზეზების გამო, ვერ დაიწყო ომი.

ოსმალეთისაგან განსხვავებით ირანი ცდილობდა 1555 წლის ზავის შენარჩუნებას. ეს ზავი მას შესაძლებლობას აძლევდა მთელი ძალით ეწარმოებინა ბრძოლა ქართლის დაუმორჩილებელი სამეფოს წინააღმდეგ. 1567 წელს ოსმალეთსა და ირანს შორის, შაჰ-თამაზის ინიციატივით, განახლდა 1555 წ. ზავი³.

ქართლის სამეფო კვლავინდებურად საკუთარი ძალით განაგრძობდა მძიმე ბრძოლას ყიზილბაშების წინააღმდეგ. 1569 წ. ირანმა შეძლო სიმონ მეფის დამარცხება და თავისი მოხელის, პირველი მაჰმადიანი ხანის (დაუთ-

ელის არ გაგზავნიდნენ დასავლეთ საქართველოს მეფე-მთავრები. ისინი ვერ მოუწოდებდნენ ოსმალეთს „სპარსეთის ბატონობის“ წინააღმდეგ იმითომ, რომ დასავლეთ საქართველო ზავის ძალით ზონთქრის ქვეყნად ითვლებოდა. სულთანთან, ცხადია ვერც ათაბაგი გაგზავნიდა ელჩს. ნაკლებ საფიქრებელია, რომ ელჩი გაეგზავნოს კახეთის მეფეს, რომელსაც ვასალური ურთიერთობა ჰქონდა შაჰთან. მხოლოდ ქართლი აწარმოებდა მძიმე ომს ირანთან და, ცხადია, ყველაზე მეტად მისთვის იყო საჭირო ოსმალეთის ამხედრება ირანის წინააღმდეგ. მ. ბროსე აგრეთვე ფიქრობს, რომ ელჩი გაგზავნილი იყო სიმონ მეფის მიერ (Brosset. Addition, V, გვ. 453, წმენ. 1).

¹ ხაზგასმა ჩენია,—გ. ჩ.

² Hammer. დასახ. ნაშრ., გვ. 113.

³ ი ქვე. გვ. 326.

ხანი) დასმა თბილისსა და სომხით-საბარათიანოში. აღმოსავლეთ საქართველოში ირანის გაძლიერება აშკარა იყო. ოსმალეთში, სადაც 1555 წლის ზავის მიუხედავად, ხელს არ იღებდნენ აღმოსავლეთ საქართველოს და მთელი ამიერკავკასიის დაპყრობაზე, უკმაყოფილოდ უყურებდნენ როგორც ირანის „უფლებების“ რეალიზაციას ქართლში, ისე ახალი ძალის (რუსეთის) გამოჩენას კავკასიაში. ასტრახანის ლაშქრობით (1569 წ.) ოსმალეთმა, მართალია, ვერ შეძლო რუსეთის უკუგდება კავკასია-კასპიის ზღვისპირეთიდან, მაგრამ ამ მარცხის შემდეგაც ის გამალებით ემზადებოდა კავკასიის დასაპყრობად.

ოსმალეთის დიდი შეტევა ამიერკავკასიაზე დაიწყო 1578 წელს. ამ ხანებში ირანში შინაფეოდალური ომები წარმოებდა, რის შედეგად სეფიანთა სახელმწიფო ფაქტიურად დანაწილებული აღმოჩნდა ყიზილბაშ ამირებს შორის. ოსმალეთმა ირანის საშინაო მდგომარეობის გართულებას დაუკავშირა ახალი ომის წარმატება. თავისი აგრესიული ზრახვების განსახორციელებლად ოსმალეთი ცდილობდა ირანის მოწინააღმდეგეთა დარაზმვას ამიერკავკასიის ქვეყნებში. სულთანის დაკარგული ტახტის დაბრუნებას ჰპირდებოდა შირვან-შაჰების დინასტიის ნაშიერს. ამავე დროს ოსმალეთმა „საგანგებო წიგნებით“ მიმართა საქართველოს მეფე-მთავრებს (გურიელს, დადიანს, იმერეთის მეფეს, კახეთის მეფეს და, ცოტა უფრო გვიან, ათაბაგ მანუჩარსა და დაუთ-ხანს) და სცადა მათი ამხედრება ირანის წინააღმდეგ¹.

1578 წ. 9 აგვისტოს ოსმალეთის ლაშქარმა დაამარცხა ირანელები ჩილდირის ტბასთან და სამცხე-საათაბაგოს შეესია. თავადურმა საქართველომ, რომელსაც ძალების გაერთიანების უნარი არ შესწევდა, მტერს დასაპყრობად დაანება ქვეყნის ეს ნაწილი. თვითონ მესხი ფეოდალებიც ვერ დაირაზმნენ და თავიანთი მოქმედებით ხელი შეუწყვეს მტრის წარმატებას. ზოგი მათგანი აშკარად გადავიდა ოსმალთა მხარეზე და მათ უბრძოლველად გადასცა ციხე-სიმაგრეები. ასე მოიქცა, მაგალითად, „ამილახორი შუილი ქოიარ“, რომელიც მიეგება „არტანს და ორი ციხე მან შესძღვნა ლალაფაშასა“².

მესხეთში მოპოვებულმა სწრაფმა წარმატებამ ლალა-ფაშას შიდა ქართლში შეჭრის შესაძლებლობა მისცა. ორი კვირის შემდეგ მტერმა აიღო თბილისი (24 აგვისტოს)³ და გზა განაგრძო აღმოსავლეთისაკენ. ოსმალეთის ლაშქარი უშუალოდ მიადგა კახეთს. კახეთის მეფე ალექსანდრემ (1574—1605) სულთანს სარკი აღუთქვა. მუსტაფა ლალა-ფაშა საქართველოდან შირვანში გაიქრა და მის დაპყრობას შეუდგა. ხოლო ოსმალთა სხვა ლაშქარი შირვანში შეიქრა ჩრდ. კავკასიიდან (დარუბანდის გზით). ირან-ოსმალეთის ომი გაგრძელდა 1590 წლამდე. ამ ხნის განმავლობაში ოსმალებმა შეძლეს ირანელთა განდევნა ამიერკავკასიიდან და სამხრეთ აზერბაიჯანიდან. 1590 წელს ირანსა და ოსმალეთს შორის დაიდო ზავი, რომლის მიხედვით ირანმა ხელი აიღო მთელ ამიერკავკასიაზე.

¹ Hammer. დასახ. ნაშრ., VII, გვ. 76—85.

² სამი ისტორიული ქრონიკა, ვ. თაყაიშვილის გამოც., გვ. 99; შდრ. ვახუშტი ბატონიშვილი. საქართველოს ცხოვრება, კიკინაძის გამოც., 1913, გვ. 251.

³ ფიჩვეის ისტორია, (თურქ. ენ.), სტამბოლი 1283 ჰიჯ. ტ. II, გვ. 42—43.

1590 წელს ოსმალეთმა უარყო ის „უფლება“, რომელიც მან ირანს გაუ-
ნაწილა ამასიაში 1555 წელს. ეს იყო ოსმალეთის ცალმხრივი აგრესიული
აქტი საქართველოსა და მთელი ამიერკავკასიის მიმართ. 1590 წლის ზავით
შაჰ-აბასი (1587—1629) ფორმალურად აღიარებდა ოსმალეთის განუყოფელ
ბატონობას ირანის „ტრადიციულ“ საყმო ქვეყნებზე ამიერკავკასიაში.

ოსმალეთი, ჯერ კიდევ ირანთან დაზავებამდე, სადაც ეს შესაძლებელი
იყო, დაინგნით ცდილობდა საკუთარი სოციალ-პოლიტიკური სისტემის შე-
მოდგებას. დაპყრობილი ქვეყნებიდან ჩამოყალიბდა ვანისა და თავრიზის ვი-
ლაიეთი—ოსმალეთის სახელმწიფოს კიდევ ერთი ადმინისტრაციული ერთეუ-
ლი, რომელიც შედგა აქამდე სეფიანთა სახელმწიფოში შემაჯავლი აზერბაიჯა-
ნისა და აღმოსავლეთ სომხეთისაგან.

ოსმალეთის ადმინისტრაციული სისტემა დამყარდა შირვანშიც, სადაც
დამპყრობელმა, დაპირების მიუხედავად არ დაუშვა ადგილობრივი დინასტიის
დაბრუნება ხელისუფლების სათავეში.

მოდალდისაგან თავის დაცვისა და წინააღმდეგობის გაწევის მეტი უნარი
აღმოაჩნდა ქართლის სამეფოს. აქ „ოსმალთბის“ შემოღების ცდა ქართველი
ხალხის ისეთ ძლიერ წინააღმდეგობას წააწყდა, რომ ქართლის ციხეებში შე-
ყენებულ მტრის გარნიზონებს ქვეყნის დამორჩილების ღონე არ ეყოთ და
იძულებული იყვნენ ხელი აეღოთ მის სწრაფ გაოსმალეებაზე.

ქართლის ბრძოლას დიდი მნიშვნელობა ჰქონდა კახეთისათვისაც. ვიდ-
რე ეს ბრძოლა წარმოებდა, ოსმალეთს არ შეეძლო კახეთის დაპყრობა. „მაგ-
რამ უეჭველი იყო, რომ ოსმალეთი, როგორც კი მოიცილიდა (ე. ი. როგორც
კი ქართლის წინააღმდეგობას საბოლოოდ გასტეხდა), კახეთის მოხარკეობას
ალარ დასჯერდებოდა და ამ ქვეყნის დაპყრობას შეეცდებოდა“¹.

ასეთ ვითარებაში, 1587 წ. 28 სექტემბერს კახეთის მეფე რუსეთის ოფი-
ციალური ხელდებული გახდა².

კახეთის შესვლას რუსეთის მფარველობაში თავისებური მნიშვნელობა
ჰქონდა კახეთ-ირანის ურთიერთობის თვალსაზრისითაც. რუსეთ-კახეთის და-
კავშირება ნიშნავდა კახეთსა და ირანს შორის მანამდე არსებული პოლიტი-
კური ურთიერთობის ფორმალურ დარღვევას.³

ოსმალეთის აგრესიის შედეგები ყველაზე მძიმე სამცხე-საათაბაგოსათვის
აღმოაჩნდა. ოსმალეთმა აქ შესძლო ის, რაც ვერ მოახერხა საქართველოს სხვა
ნაწილებში. დამპყრობელი დაუყოვნებლივ შეუდგა ქვეყნის სოციალ-პოლიტი-
კური სისტემის რეორგანიზაციას. ქართველ ფეოდალთა მიწები ჩარიცხული
იქნა ოსმალეთის სახელმწიფო მიწების ფონდში. ოსმალური წესის თანახმად
მიწები სულთნისაგან პირობით მფლობელობაში უნდა მიეღოთ ოსმალთ
მხედრებსა და მოხელეებს. „ქართველი თავადისა თუ აზნაურის წინაშე მთე-
ლი სიმწვავეით დადგა საკითხი: ან მაჰმადიანობის მიღება, ოსმალთა სამხედრო

¹ ნ. ბერძენიშვილი. რუსეთ-საქართველოს ურთიერთობის ისტორიიდან, გვ. 11-

² იქვე, გვ. 21.

³ იქვე, გვ. 23.

სამსახურში შესვლა და მიწის მფლობელობის შენარჩუნება (ახალი წესით), ან ამ მფლობელობის დაკარგვა, ქართველი ფეოდალები ან გამოიქცნენ ან გამაჰადიანდნენ¹,

მიწისმფლობელობის ოსმალური წესის და ოსმალურ საგადასახადო სისტემის შემოღებასთან ერთად დამპყრობელი ახლებურად სვამდა სამცხე-საათაბაგოს პოლიტიკური ორგანიზაციის საკითხსაც. ოსმალებმა სამცხე-საათაბაგოს ფეოდალური სამთავრო თავიანთი სახელმწიფოს ადმინისტრაციულ ერთეულად, „გურჯისტანის ვილაიეთად“ გამოაცხადეს და დაანაწილეს ის რვა სანჯაყად ანუ ლივად.

ოსმალეთის გაბატონებამ ამიერკავკასიის ქვეყნებში XVI ს-ის ბოლოს გამოიწვია მწარმოებელი კლასის მაქსიმალური ექსპლოატაციის ზრდა და ამ ქვეყნების სამეურნეო-ეკონომიური მდგომარეობის გაუარესება. ხალხის ფართო მასებზე რომ არათერა ვთქვათ, ოსმალეთის გაბატონებით უქმყოფილო დარჩა ადგილობრივი გაბატონებული კლასის დიდი უმრავლესობაც. ოსმალთა ბატონობამ დააძძიმა არა მარტო გლეხების, ვაჭრების და ხელოსნების მდგომარეობა, არამედ მისი სუსხი საერო და სასულიერო ფეოდალებსაც მისწვდა.

ამიერკავკასიაში ანტიოსმალური განწყობილების ზრდას ფხიზლად ადევნებდა თვალს შაჰ-აბასი, რომელიც დიდის გულმოდგინებით ემზადებოდა 1590 წლის საზავო ხელშეკრულების პირობების დასარღვევად.

შაჰ-აბასის რეფორმებმა, XVI—XVII საუკუნეთა მიჯნაზე რომ განხორციელდა², ეკონომიურად წამოსწია ირანი და მნიშვნელოვნად შეუწყო ხელი მის მომავალ სამხედრო-პოლიტიკურ წარმატებებს. ამასთან ირანის გაძლიერებას ქრონოლოგიურად დაემთხვა ოსმალეთის საშინაო და საგარეო მდგომარეობის გართულება, რაც ძირითადად სამხედრო-ლენური სისტემის კრიზისის დაწყებით იყო შეპირობებული.

1602 წლის მიწურულს ირანმა ომი განაახლა ოსმალეთთან. ამ ომში შაჰ-აბასი თავის მთავარ საგარეო-პოლიტიკურ ამოცანად სთვლიდა 1555 წ. ხელშეკრულების განახლებას, ამიერკავკასიაში სეფიანთა სახელმწიფოს „პროვინციების“ უკან დაბრუნებასა და აღმ. საქართველოზე ირანის „უფლების“ აღდგენას.

ოსმალეთთან ომში შაჰ-აბასმა სერიოზულ წარმატებებს მიაღწია. ვინაიდან ამ დროს ანატოლიაში გლესთა დიდი ანტიფეოდალური აჯანყება მძვინვარებდა³, ოსმალეთმა ქმედითი დახმარება ვერ გაუწია ამიერკავკასიის ქალაქებში ჩაყენებულ თავის გარნიზონებს. შაჰ-აბასმა დაამარცხა ოსმალთა

¹ საქართველოს ისტორია, ს. ჯანაშიას რედ., გვ. 324.

² შაჰ-აბასის „რეფორმების“ შესახებ იხ. Pietro della Vallé. Voyages, IV livre, Paris, 1745, გვ. 95—106; Bellan. Chah-Abbas I, sa vie, son histoire. Paris, 1932, გვ. 111—113; ნ. ბერძენიშვილი. რუსეთ-საქართველოს ურთიერთობის ისტორიიდან, გვ. 111—113. И. П. Петрушевский. Очерки по истории феодальных отношений в Азербайджане и Армении в XVI—начале XIX вв., ЛГУ, 1949, გვ. 89—144.

³ А. С. Тверитниова. Восстание Кара Языджи—Дели Хасана в Турции.

მეციხოვნე ჯარები და 1602—1607 წწ. მათგან გასწმინდა აზერბაიჯანი, აღმ. სომხეთი, შირვანი; 1606 წ. მას დანებდნენ აგრეთვე ლორეს, დმანისსა და თბილისში შეყენებული ოსმალნი. გამარჯვებული შაჰი ოსმალეთისაგან მოითხოვდა ამასიის 1555 წ. დიპლომატიური ფორმულის განახლებას, რომელიც აღმ. და დას. საქართველოზე ირანისა და ოსმალეთის „უფლებათა“ ორმხრივ აღიარებას ემყარებოდა.

მაგრამ ოსმალეთი ვერ ურიგდებოდა შექმნილ მდგომარეობას. 1606 წ. ის დაეზავა აესტრიას და მთელი ყურადღება აღმოსავლეთში გადმოიტანა. ოსმალეთი 1590 წლის ზავის აღდგენას ლამობდა, ხოლო ირანი მასთან შეთანხმების მთავარ პირობად კვლავ 1555 წლის ხელშეკრულების განახლებას სთვლიდა. 1610 წ. შაჰ-აბასმა ამასიის შეთანხმებაზე ოსმალეთის დაყოლიების მიზნით ახალი მომენტი შეიტანა საზავო მოლაპარაკებაში: ის ყოველწლიურად 200 სპალზე აბრეშუმს აღუთქვამდა ოსმალეთს, თუ ეს უკანასკნელი 1555 წლის ზავის პირობებზე დათანხმდებოდა. ბოლოს ოსმალეთი, რომელმაც ვერ შეძლო მეტოქის დამარცხება, იძულებული გახდა მიეღო შაჰის წინადადება. 1613 წ. ირანსა და ოსმალეთს შორის განახლდა 1555 წ. საზავო ხელშეკრულების პირობები¹. ოსმალეთი ირანის შაჰის სამფლობელოებად სცნობდა ქართლს, კახეთსა და აღმოსავლეთ მესხეთს. ირან-ოსმალეთის ძალთა წონასწორობის პირობებში ოსმალეთის მიერ ირანის „უფლებების“ აღიარება აღმ. საქართველოზე მათ შორის დაზავების პირობას წარმოადგენდა.

ირან-ოსმალეთის ახალი ზავის ირანის სასარგებლოდ გამოყენებას შაჰ-აბასი დაუყოვნებლივ შეუდგა. შაჰი ჩქარობდა. რუსეთის ახალი გამოსვლის შესაძლებლობა კავკასიის და მახლობელი აღმოსავლეთის საერთაშორისო ასპარეზზე მას სწრაფ მოქმედებას უკარნახებდა. რუსეთთან საქართველოს ურთიერთობის აღდგენა-განახლების აღკვეთას შაჰ-აბასი უკავშირებდა აღმ. საქართველოს პოლიტიკური რეორგანიზაციის საკითხს. შაჰს საკმარისად არ

¹ ნიმაზ ისტორია, (თურქ. ენაზე), ტ. II, სტამბოლი, 1281 ჰიჯ. გვ. 113; შდრ. Hammer, VIII, გვ. 190, Noradounghian, Recueil d'actes internationaux de l'Empire Ottoman, Paris, 1897, 46. სპეციალურ ლიტერატურაში ამ ზავის თაობადად (სპარსული წყაროების მიხედვით) მიღებულია 1612 წელიც. იხ. Bellan. Chah-Ahbas I, sa vie son histoire, გვ. 221; საქართველოს ისტორია, ს. ჯანაშიას რედ., გვ. 328. იხ. აგრეთვე პროფ. პეტრუშევსკის დასახელებული ნაშრომი, გვ. 279, პეტრუშევსკი შეცდომით წერს, რომ ეს ზავი დაიდო აზერბაიჯანში, სერაფის ველზე (იქვე). მ. ს. ივანოვი ირან-ოსმალეთის დაზავების ადგილად სწორედ ასახელებს სტამბოლს, ხოლო თარიღად—1613 წ. მაგრამ ის უშვებს შეცდომას, როდესაც ზავის პირობებს ეხება. ივანოვი წერს: „В течение нескольких лет вранские войска заняли Азербайджан, Армению, Восточную Грузию, Курдистан, Лурдистан, а также Багдад, Мосул и Днарбекир. Священные для шиитов Кербела и Неджеф также попали в руки Ирана. После долгих переговоров в 1613 г. в Стамбуле был заключен мир, по которому Иран сохранил все свои завоевания“ (М. С. Иванов. Очерк истории Ирана, გვ. 66). სინამდვილეში შაჰ-აბასის ლაშქარს ამ დროს ფეხი არ შეუდგამს ბაღდადას, მოსულსა და დიარბექირში; შაჰს არ დაუკავებია არც კერბელა და ნეჯეფი. ამ ადგილებში, როგორც ქვემოთ ვნახავთ, საომარი მოქმედება წარმოებდა უფრო გვიან, 1613 წლის შემდეგ.

მიიჩნდა ქართლისა და კახეთის სამეფოების ვასალური დამოკიდებულება ირანთან. მისთვის ცხადი იყო, რომ „საქართველოს ქრისტიან მმართველებს (მეფეები, მთავრები) თავისი ქვეყნები ერანის განუყოფელ ნაწილად სრულიადაც არ მიაჩნდათ და თავიანთ თავს უფლებამოსილად სთვლიდნენ შესაფერის პირობებში ამ ზოძაღადეს ჩამოშორებოდნენ და, თუ ამას საქართველოს ინტერესები მოითხოვდა, ერანის მტრის მსარეზედაც კი დამდგარიყვნენ“¹. ამიერკავკასიაში ირანის განუყოფელი ბატონობისათვის შაჰ-აბასი აუცილებლად სთვლიდა ქართული ქრისტიანული სამეფოების ლიკვიდაციას და მათს შერწყმას სეფიანთა სახელმწიფოს შემადგენლობაში. მაგრამ — ეს კარგად ესმოდა შაჰს — „გურჯისტანის“ საკითხის სასურველად გადაწყვეტა მოითხოვდა რუსეთის განდევნას ამიერკავკასიიდან და ოსმალეთის დამარცხებას იმავე ამიერკავკასიაში.

შაჰმა იცოდა, რომ ქართული სამეფოების ლიკვიდაციის ცდა სათანადო გამომხატვრებას გამოიწვევდა ოსმალეთში. მაგრამ საამისოდ მრავალი წლის სამზადისის შემდეგ მას იმედი ჰქონდა, რომ სწრაფად გასტეხდა ქართველი ხალხის წინააღმდეგობას და მომხდარი ფაქტის წინაშე დააყენებდა ირანის მეტოქესაც. ამას გარდა, შაჰს მოსყიდული ჰყავდა ოსმალეთის დიდგვზირი ნასუჰ-ფაშა, რომელსაც სულთნის კარზე უნდა გაექარწყლებინა ირანის აქციის გავლენა.

1614 წ. დამდეგს შაჰ-აბასი შემოესია აღმ. საქართველოს და თავისი გეგმის განხორციელებას შეუდგა. ქართველი ხალხი ჩაება ხანგრძლივ ბრძოლაში ვერაგი და ძლიერი მტრის წინააღმდეგ, რომელიც მას ფიზიკური მოსწონებით ემუქრებოდა.

1613 წ. ზაფხულსა და ოსმალეთის სახელმწიფო მოხელეების მოქრთამევადამობირების მიუხედავად შაჰმა ვერ აიციდინა ოსმალეთის ჩარევა აღმ. საქართველოს საქმეებში. ოსმალეთი ხელს არ იღებდა აღმ. საქართველოსა და ამიერკავკასიის დაპყრობის განზრახვაზე. ოსმალეთში ესმოდათ. რომ ირანის შესაძლო წარმატება ქართლ-კახეთში ოსმალეთის აგრესიული გეგმების ჩაშლას უდრიდა. თუ შაჰ-აბასი თავის მიზნებს განახორციელებდა, მაშინ აღმ. საქართველოს მხრიდან ოსმალეთს უშუალოდ გაუმეზობლდებოდა ირანის ადმინისტრაციულ ერთეულად გადაქცეული „გურჯისტანის“ სახანო და სეფიანთა სახელმწიფოს პოლიტიკური საზღვრები დას. საქართველომდე გადაიწვედა. და, თუ ეს ასე მოხდებოდა, ირანსა და ოსმალეთს შორის გაქრებოდა ისეთი ქვეყანა, რომელიც, მართალია, არც ოსმალეთის ბატონობას ითმენდა. მაგრამ (თუ საქართველოს ინტერესები ამას მოითხოვდა) შეიძლებოდა მისი „მოკავშირე“ გამხდარიყო ირანის წინააღმდეგ ომში. ოსმალეთი, თუ თვითონ ვერ შეძლებდა საქართველოს დაპყრობას. იმის მომხრე იყო. რომ ის ვერც ირანს დაეპყრა. „გურჯისტანის“ სახანოს ნაცვლად მისთვის გაცილებით ხელსაყრელი იყო ფეოდალური საქართველოს მეზობლობა. ასეთ ქვეყანას. მისი აზრით, ის უფრო ადვილად გადააქცევდა „გურჯისტანის“ ვილაიეთად.

¹ ნ. ბერძენიშვილი. რუსეთ-საქართველოს ურთიერთობის ისტორიიდან. გვ. 115.

ოსმალეთის ასეთი განწყობილება ქართველებს ირანისადმი მისი დაპირისპირების შესაძლებლობას აძლევდა. ქართლ-კახეთის მეფეებმა: ლუარსაბმა და თეიმურაზმა, რომლებიც შაჰ-აბასის შემოსევის შემდეგ დას. საქართველოში იყვნენ შეხიზნული, ოსმალეთის სულთანს შეატყობინეს საქართველოში შექმნილი ვითარება, რის შესახებ დიდგვზირი ნასუჰ-ფაშა მას არასწორ ინფორმაციას აწვდიდა.

1614 წ. 17 ოქტომბერს დიდგვზირი ნასუჰ-ფაშას სტამბოლში თავი მოჰკვეთეს¹. ოსმალეთში ირანის წინააღმდეგ ომის განახლება გადაწყდა. ამჯერადაც ოსმალეთის მიზანი საქართველოს დაპყრობა და მეტოქე ირანის დამარცხება იყო, მაგრამ ის სარგებლობდა შექმნილი ვითარებით და თავის აგრესიას საქართველოს მიმართ ყიზილბაშებისაგან მისი „დაცვის“ განზრახვით ჰფარავდა².

1616 წ. როდესაც შაჰ-აბასი ცეცხლითა და მახვილით კახეთს აოხრებდა. ოსმალეთის დიდგვზირმა მეჰმედ-ფაშამ ლაშქრობა დაიწყო, ყიზილბაშებს ზურგი მოუჭრა და ნააჩვანამდე მიაღწია. მაგრამ ოსმალეთის სარდლობამ ვერ გამოიყენა ხელსაყრელი ვითარება. ერეენის, ნახჩავნისა და სხვა ქალაქების ციხეებში გამაგრებულმა ირანელმა მეთოფეებმა წარმატებით მოიგერიეს იანიჩრების ყველა შემოტევა, ხოლო მოახლოებულმა ზამთარმა და შიმშილმა ოსმალთ ომის გაგრძელების ხალისი დაუქარგა. მძიმე მდგომარეობაში ჩავარდნილი დიდგვზირი შაჰს ნოურგდა და 1616 წ. მასთან შეთანხმებით განაახლა 1613 წლის ზავის პირობები³. ამან შაჰს საშუალება მისცა კვლავ გაეგზავნა ისა-ხან ყორჩაბაში კაიეთის „საქმეების მოსაგვარებლად“.

მაგრამ ოსმალეთის სულთანმა აჰმედ I (1603—1617) არ დაამტკიცა მეჰმედ-ფაშას მიერ შაჰთან დადებული ზავი⁴. ვეზირი სულთანმა თანამდებობიდან გადააყენა. 1618 წელს ოსმალეთის ააალმა დიდგვზირმა, ხალილ-ფაშამ, დიდა ლაშქრით შეუტია სეფიანთა სახელმწიფოს მეტად მნიშვნელოვან ოლქს, სამხრეთ აზერბაიჯანს. ოსმალთ სერასქერს (მთავარსარდალი) სახელმწიფო დივანისაგან დავალებული ჰქონდა დაექცია ქ. არღებილი (სეფიანთა დინასტიის საძვლე) და გამარჯვებით დაემთავრებინა ომი. დიდგვზირს ევალეზოდა აგრეთვე საქართველოსაკენ გაჭრა, თბილისის დაკავება და თეიმურაზის აღდგენა ტახტზე⁵. მაგრამ ოსმალთა ეს ლაშქრობაც, რიცხობრივი უპირატესობის მიუხედავად, წარმატებით ვერ დასრულდა.

¹ ამბის თანამედროვე იტალიელი დამკვირვებლის ოტავიო საპინენას ცნობით სულთანის დას შეუტყვია ირანთან ნასუჰ-ფაშას „ვერაგული მიმოწერის“ („Correspondance perfide“) აშხაფი. Hammer. VIII. გვ. 211, შენ.

² ოფიციალური ოსმალთ ემთაღმწერელი მუსტაფა ნაიმა (გარდ. 1716 წ.) წერს, რომ ოსმალეთმა 1617 წ. ლაშქარი გაგზავნა „...საქართველოს დასაცავად ყიზილბაშთა ბოროტი განზრახვისაგან“ (ნაიმა, ტ. II, გვ. 15!). საერთოდ ყველა ლაშქრობას, რომელიც ამიერკავკასიის დაპყრობის მიზნით ეწყობოდა, ოსმალეთში უწოდებდნენ ირანის შაჰის წინააღმდეგ ხატარებულ ლაშქრობას. ოსმალეთის ოფიციალური ისტორიოგრაფიის ეს ტენდენციური თვალსაზრისი უკრიტიკოდ შეითვისეს ოსმალეთის ისტორიის ბურჟუაზიულმა მკვლევრებმაც.

³ ნაიმას ისტორია, ტ. II, გვ. 143.

⁴ ნაიმას ისტორია, ტ. II, გვ. 144.

⁵ Della Vallé. დასახ. ნაშრ., IV, გვ. 131—132.

მარცხის მიუხედავად საზავო მოლაპარაკებების დროს, ოსმალეთის სარდ-
ლობამ მოითხოვა 1590 წლის ზავის პირობების აღდგენა. ასეთი იყო ოსმა-
ლეთის აგრესიული მიზნები. მაგრამ ასეთ მოთხოვნის შესრულებას გამო-
რიცხავდა ოსმალთა ჯარის წარუმატებლობა. ეს კარგად ესმოდა დიდუფიჩი-
საც, რომელმაც სწრაფად შეცვალა თავისი მოთხოვნა, შაჰს ქრთამის მიღე-
ბით აღვილად მოურიგდა და სულთნის დაუქითხავად ზავი დასდო ირან-
თან¹.

ირან-ოსმალეთის 1618 წლის ზავი დაიდო სერათის ველზე² (აზერბაი-
ჯანში). ამ ზავით განახლდა სტამბოლის 1613 წლის ზავის პირობები, ე. ი.
ფაქტიურად აღდგენილ იქნა 1555 წლის ზავის პირობები. მთელი აღმ. აზი-
ერკავკასია და აგრეთვე კახეთი, ქართლი და სამცხე-საათაბაგოს აღმ. ნა-
წილი ირანის სამფლობელოდ ცხადდებოდა. ამრიგად, ოსმალეთმა ირანს ვერც
ახლა ააღებინა ხელი ქართლზე; კახეთზე და, რაც მთავარია. სამცხე-საათა-
ბაგოს აღმ. ნაწილზე. შაჰმა კარგად იცოდა, რომ სულთანი არ გაიზიარებ-
და ზავის ასეთ პირობებს. მართლაც სულთანმა თავის უკმაყოფილება გამოს-
თქვა იმით, რომ ლაშქრობიდან დაბრუნებული ხალილ-ფაშა გადააყენა დიდ-
უფიჩის თანამდებობიდან³. ასეთ ვითარებაში შაჰმა გადასწყვიტა ელჩი გაეგ-
ზაენა სტამბოლში, რათა სულთანთანაც შეეთანხმებინა ზავის პირობები. შაჰის
ელჩი სტამბოლს ჩავიდა 1619 წლის 16 აპრილს⁴. ირან-ოსმალეთს შორის
საომარი მოქმედება შეწყდა, მაგრამ გრძელდებოდა დიპლომატიური ბრძოლა.

ოსმალეთის მთავრობა ამ მოლაპარაკებების დროს მთავარ ყურადღებას
აქცევდა სამცხე-საათაბაგოს.

ირანი და ოსმალეთი შეთანხმდნენ, რომ მათ შორის განახლებულიყო
1555 წლის ზავი („განსვენებულ სულთან სულეიმანის დროინდელი ზავი“⁵),
ოღონდ ნასში მნიშვნელოვანი შესწორების შეტანით: ირანი ოსმალეთს
უთმობდა მთელ სამცხე-საათაბაგოს („ახალციხის ვილა-
ლეთს“), ხოლო ოსმალეთი ახალციხის სანაცვლოდ ირანს
უთმობდა დერნესა და დერთენგის სანჯაყებს, რომელე-
ბაც მდებარეობდნენ „ბაღდადის საზღვრებზე“⁶.

1619 წლის ზავი იყო ირან-ოსმალეთის ახალი გარიგება საქართველოს
დანაწილების თაობაზე. ეს ზავი ნიღაბს ხდის ოსმალეთის აგრესიულ პოლი-
ტიკას, რომელსაც ის ფარავდა საქართველოსათვის დახმარების აღმოჩენის
საბაბით. 1619 წლის ზავი გვიჩვენებს, თუ როგორი მიზნები ჰქონდა ოსმა-
ლეთს, როდესაც ის საქართველოს „დასაცავად“ მოდიოდა.

ამრიგად, XVII ს-ის დასაწყისში ოსმალეთი ცდილობდა 1590 წლის ზავის
პირობების აღდგენას, ირანი კი 1555 წ. ხელშეკრულების პირობების შენარ-

¹ Della Vallé. დასახ. ნაშრ., IV, გვ. 158.

² ნაიმას ისტორია, ტ. II, გვ. 168—169.

³ იქვე.

⁴ იქვე, გვ. 172.

⁵ იქვე.

⁶ იქვე; შდრ. Hammer. დასახ. ნაშრ., VIII, გვ. 250.

ჩუნებას. ირანმა რამდენჯერმე აიძულა კიდევ ოსმალეთი ეცნო ეს პირობები. (1613, 1616, 1618 წწ.). მაგრამ 1619 წელს ის (თუ არ ჩავთვლით 1590 წლის ზავს, რომლითაც ირანმა ხელი აიღო აღმ. ამიერკავკასიაზე) იძულებული იყო პირველად დაეთმო ოსმალეთისათვის მთელი სამცხე-საათაბაგო, თუმცა ოსმალეთმაც, თავის მხრივ, „ახალციხის ვილაეთის“ მაგიერ ორი სანჯაყი დაუთმო ირანს. ეს გარემოება მოწმობს, რომ ოსმალეთი განსაკუთრებულ ყურადღებას სამცხე-საათაბაგოს დაპყრობას აქცევდა.

მაგრამ მოვლენათა განვითარებამ ცხადყო, რომ შაჰ-აბასი 1619 წელსაც ისევე „სთმობდა“, როგორც 1590 წელს. მას ოსმალეთთან ზავი იმისათვის სჭირდებოდა, რომ სამხრეთ ირანში მეტად მნიშვნელოვანი პოლიტიკური და ეკონომიური საქმეები მოეგვარებინა (პორმუხის, ყანდაპარის დაპყრობა, ბენდერ-ბუშირის დაარსება). ამას გარდა შაჰმა იცოდა, რომ დასუსტებული ოსმალეთი იმ დროს სამცხე-საათაბაგოს ვერ გამოიყენებდა ქართლში შესაჭრელად. მოვლენათა განვითარებამ დაადასტურა შაჰ-აბასის დიპლომატიური ნაბიჯის სისწორე.

* * *

ირან-ოსმალეთის 1619 წლის ზავი არ დარღვეულა 1623 წლამდე. ამ პერიოდში ოსმალეთი და ირანი შეკავშირებული იყვნენ საქართველოს წინააღმდეგ და აგრძელებდნენ აგრესიას გაულენის სფეროებად გათიშული ნაწილების მიმართ. მაგრამ იმავე დროს ორთავე დამპყრობლის ყურადღება მიპყრობილი იყო საქართველოსაგან დაშორებული ქვეყნებისკენაც.

ირან-ოსმალეთის ომების დროს მეტად გააქტიურდნენ ყაზახები რომლებიც ოსმალეთის მხრივ სისტემატიურ აგრესიას განიციდდნენ. 1616-17 წწ. მათ დაარბიეს სინოპი, სანსუნი, ტრაპიზონი¹. იმავე დროს ანტიოსმალური კოალიციის შექმნის შესახებ მათთან მოლაპარაკებას აწარმოებდა შაჰ-აბასი. კოალიციაში განზრახული იყო პოლონეთისა და დასავლეთ საქართველოს მეფე-მთავრების ჩაბმაც. იმერეთის მეფე მხარს უჭერდა ანტიოსმალური კოალიციის აღნიშნულ პროექტს და ხელსაც უწყობდა მის განხორციელებას. მის სამეფოს ყაზახები ოსმალეთზე თავდასხმების პლაცდარმად იყენებდნენ და აქედან უკავშირდებოდნენ ირანის შაჰსა და მის მოხელეს ქართლში, ბაგრატი-მირზას².

ოსმალეთში იცოდნენ ირანის, დასავლეთ საქართველოს, ყაზახებისა და პოლონეთის ურთიერთობის შესახებ. ამიტომ, როგორც კი ირანს დაეზავა, ოსმალეთმა პოლონეთს შეუტია.

ოსმალეთმა პოლონეთთან ომში წარმატებას ვერ მიაღწია. 1622 წლის დასაწყისში სულთანი ოსმან II (1618—1622) და იანიჩრები ფრონტიდან დამარცხებულნი დაბრუნდნენ. საგარეო ომში განცილიმა მარცხმა გააღრმავა ოსმალეთის საშინაო კრიზისი. ნადავლის გარეშე დარჩენილი იანიჩრები მკვეთრად დაუპირისპირდნენ ხონთქარს, რომელმაც თავის მხრივ მათი ფიზიკური მოსპობით სცადა ოსმალეთის ამ რევულუარული ჯარისაგან თავის დაცვა.

¹ Н. А. Смирнов. Россия и Турция в XVI—XVII вв., Ученые записки МГУ, вып. 94, т. II, 1946, гл. 7.

² Della Vallée. დასახ. ნაშრ., livre III, გვ. 265—268.

მაგრამ სულთანმა იანიჩრების წინააღმდეგ საჭირო დასაყრდენი ვერ გამოა-
ხა. დასაყრდენი ევროპის სახელმწიფოებისაგან განსხვავებით. სადაც ფეოდა-
ლური საზოგადოების წიაღში ახალი სოციალური ძალის, ბურჟუაზიის, გაჩენამ
სამეფო ხელისუფლებას ფეოდალთა კლასზე უპირობო დამოკიდებულებისაგან
განთავისუფლების საშუალება ზისცა, ოსმალეთში სულთნის ხელისუფლებას
არ ჰქონდა ასეთი სოციალური დასაყრდენი და ის მთლიანად დამოკიდებუ-
ლი რჩებოდა საზოგადოების ძველ ძალებზე. იანიჩრებთან დაკავშირებული
საერო და სასულიერო ფეოდალთა ჯგუფები ვერ ითმენდნენ რაიმე სიახლეს
სახელმწიფოში და ცენტრალური ხელისუფლების მხრივ უზენიშენლო რეფორ-
მების ჩატარების ყოველ ცდას დაუყოვნებლივ ფუშავდნენ.

ოსმან II-მ ვერ მოახერხა იანიჩრების ალაგმვა. სახელმწიფოს დიდძოხე-
ლეთა გავლენიანი დასის მხარდაჭერით ჯარმა ის ტახტიდან ჩამოაგდო და
მოკლა (1622 წ. მაისი). ამბოხებულებმა იპოვნეს სასახლეში გამოწყვედუ-
ლი უფლისწული, სულელი მუსტაფა, და ის ტახტზე აიყვანეს. მადლიერმა
„მბრძანებელმა“ გამარჯვებულებს სტამბოლის მოსახლეობაში გადასახადების
აკრეფის უფლება უწყალობა, რაც იანიჩრებმა იმავე დღეს დიდ ფასად გაპ-
ყიდეს სულთან მეჰმედის მეჩეთში. მათვე (სულთნის „თანხმობით“) დანიშ-
ნეს დიდფეზიჩი, დამოუკიდებელი მოხელეები და ახალ მთავრობას „ძველი წე-
სების“ ურყევად დაცვა უბრძანეს.

სტამბოლში იანიჩრების განუკითხავი ბატონობა დაიწყო. მალე, 1623 წ.
ზაფხულში, მოხელეთა ერთმა ჯგუფმა, იანიჩრებთან შეთანხმებით, მუსტაფა
ტახტიდან გადააყენა და გაამეფა მცირეწლოვანი მურად IV (1623-1640).
მაგრამ სულთნის შეცვლით მდგომარეობა არ გამოსწორებულა. ოსმალეთის
სატახტო ქალაქში პოლიტიკური ანარქია კვლავ გრძელდებოდა.

სტამბოლში მომხდარმა ამბებმა, რაც ცენტრალური ხელისუფლების
უმწიფობას მოწმობდა, თვითნებობის მეტი შესაძლებლობა მისცა პროვინციულ
მოხელეებს. მთავრობისაგან ვადამდგარი ფაშების რიცხვმა ერთბაშად იმატა.

განსაკუთრებით სერიოზული იყო არზრუმის ბეგლარბეგის აბაზა-ფაშას
განდგომა. 1622 წ. შემოდგომაზე აბაზა-ფაშამ გამოაცხადა, რომ ის არ სცნობს
იმ მთავრობას, რომელმაც იანიჩრებთან ერთად კანონიერი სულთანი ოსმან II
მოჰკლა. ამბოხებულმა მოხელემ ოსმანის მკვლელობაზე შურისძიება ოფიცია-
ლურად თავს იღვა. ასეთი მოტივით მთავრობისაგან განდგომა საზოგადოების
თვის ლეგიტიმური მოძრაობის ბასიათს იძენდა და მოხერხებულად ჰფა-
რავდა ოსმალე მოხელის ნამდვილ განზრახვას—დამოუკიდებლობისადმი მისწ-
რაფებას. 1623 წ. ზაფხულზე „შურისმგებელი“ ფაშა არზრუმიდან დასაყ-
რდეთისაკენ დაიძრა და სადაც შეძლო იანიჩრები გაწყვიტა. აბაზა-ფაშამ თითქ-
მის მთელი ანატოლია (არზრუმიდან ბოსფორამდე) თავის კონტროლს დაუ-
ქვემდებარა.

ასეთი იყო ოსმალეთის საშინაო ვითარება 1619 წ. ზავის შემდეგ. ცხა-
დია, რომ მას არ შეეძლო ირანს შესდევბოდა ქართლსა და კახეთს. ოსმალე-
თის ამოცანა ამ დროს სამცხე-საათაბაგოს შემომტკიცება იყო. მაგრამ მისი
შესრულებაც საეკვო გახდა აბაზა-ფაშას განდგომისა და ანატოლიაში მისი
გაბატონების გამო.

1619 წ. ზავმა შაჰ-აბასს სეფიანთა სახელმწიფოს დიდმნიშვნელოვანი საკითხების გადაწყვეტის საშუალება მისცა. 1622 წ. ინგლისის ფლოტის დახმარებით მან პორტუგალიელებს წაართვა კუნძული ჰორმუზი¹, რომელიც მათ ეკავათ 1515 წლიდან. ვიდრე ჰორმუზს უცხოელები ჰფლობდნენ, ირანს არ შეეძლო დიდი საოკეანო გზით დასავლეთ ევროპასთან დაკავშირება. ირანის საექსპორტო საქონელი (აბრეშუმი) ევროპაში რუმის (ოსმალეთი) გზით გადიოდა. ამას გამო შაჰის სავაჭრო ინტერესები ოსმალეთის მთავრობის საბაჟო პოლიტიკაზე რჩებოდა დამოკიდებული. ჰორმუზის ფლობა და საოკეანო გზის ათვისება, როგორც შაჰ-აბასი ვარაუდობდა, ირანს გაანთავისუფლებდა ოსმალეთის ბაეებისაგან.

1623 წ. შაჰ-აბასმა სასტიკად დაამარცხა ოსმალეთის მოკავშირე ოზბეგები, ხოლო დიდ მოლოლებს ყანდაარი წაართვა. სპარსეთის ყურიდან პორტუგალიელების გაძევებას, ოზბეგთა და დიდ მოლოლთა დამარცხებას შაჰ-აბასისათვის ის მნიშვნელობა ჰქონდა, რომ მას ახლა მთელი ყურადღება შეეძლო მიექცო ამიერკავკასიისათვის. და შაჰ-აბასიც, რომელიც მუდამ მოთმინებით უცდიდა მარჯვე მომენტს, „გურჯისტანის საკითხის“ ირანის სასარგებლოდ გადაწყვეტას ენერგიულად შეუდგა.

ახალი ომი დაიწყო ირანისათვის ხელსაყრელ ვითარებაში.

1623 წლის მაისში, ქ. ბაღდადი ოსმალთა მოხელე ბექირმა იგდო ხელთ. ოსმალეთის მთავრობას მან ბაღდადის ფაშად დამტკიცება მოსთხოვა, მთავრობამ უარყო უზურბატორის მოთხოვნა, ბაღდადის ფაშობა სხვას მისცა და დიარბექირის ბეგლარბეგს ჰაფიზ-ფაშას უბრძანა შესულიყო ბაღდადში და დაესაჯა თავგასული მოხელე. ბექირს გაუძნელდა თავის დაცვა და დახმარება ირანის შაჰს სთხოვა. შაჰ-აბასმა იცოდა, რომ ბექირისათვის დახმარების აღმოჩენა ოსმალეთთან ზავის დარღვევას ნიშნავდა. მაგრამ ის ახლა ანგარიშს უწევდა ოსმალეთის საშინაო ვითარებას. შაჰმა გადაწყვიტა ხელიდან არ გაეშვა ხელსაყრელი შემთხვევა, რათა დაეკავებინა ბაღდადი, შუამდინარეთის უმნიშვნელოვანესი სავაჭრო-საქარავენო პუნქტი. შაჰის ჯარებმა დაიწყეს ქალაქის გარემოცვა². ბრძოლა გაგრძელდა რამდენიმე თვე. 1623 წლის მიწურულს ირანელებმა ქალაქი დაიკავეს.

¹ Bayani. Les relations de l'Iran avec l'Europe occidentale à l'époque Safavide, Paris, 1937, გვ. 75—91.

² ბაღდადასათვის წარმოებული ბრძოლა დეტალურად აქვთ აღწერილი ოსმალთა ისტორიკოსებს. ისინი ერთმანდალს გვაუწყებენ, რომ ამ ბრძოლას ხელმძღვანელობდა ყარჩიხა-ხანი. მაგ., ნაიმა, როდესაც გვაუწყებს გარემოცულთა მდგომარეობას ბაღდადში, წერს: «(ქალაქიდან) გავიდა რამდენიმე კაცი და წერილით მივიდა ყარჩიხა-ხანთან; წერილი წასაკითხად გადასცეს კათიბს». بر قاج آملر جيقوب نامه ايله قارچغای خانه. (ნაიმა ისტორია, II, გვ. 282.). ეს ცნობები არ ეთანხმება იმ ქართულ წყაროებს, რომელთა მიხედვით ყარჩიხა-ხანი სააკაძის მიერ მოკლული იქნა 1623 წ. იხ. თ. ჟორდანიძე. ქრონიკები, წიგ. II, ტფ., 1897, გვ. 445, შდრ. ვახუშტი ბატონიშვილი. საქართველოს ცხოვრება, ხ. კიკინაძის გამოც., 1913, გვ. 63; შდრ. აგრეთვე, საქართველოს ისტორია, ს. ჯანაშიას რედ., თბ., 1946, გვ. 341.

XVI საუკუნის დასაწყისში, შაჰ-ისმაილის დროს. ოსმალეთმა ერაყი წაართვა ყიზილბაშებს XVI საუკუნის 30-ან წლებში.

ახლა, ამ ქვეყნების გარდა, ირანს დაკავებული ჰქონდა კუნძული ჰორ-მუნიცი, რომელსაც, შაჰის აზრით, ირანისათვის უნდა გაეადვილებინა დას. ევროპასთან დაკავშირება. ამასთან საგარეო პირობებიც მეტად ხელსაყრელი იყო ირანისათვის (ოსმალეთის საშინაო კრიზისი). საერთოდ 1624 წელს, ისე ჩანდა, ყიზილბაშური ირანი ძლიერების ზენიტზე იმყოფებოდა. და შაჰმაც ხელის ერთი დაკვირვით სცადა „გურჯისტანის საკითხის“ ირანის სასარგებლოდ გადაწყვეტა.

მაგრამ შაჰის პოლიტიკამ კიდევ უფრო გააძლიერა ანტიირანული მოძრაობა საქართველოში. ოსმალთა და ირანელ ისტორიკოსთა ცნობებიდან ჩანს, რომ საქართველოში სახალხო აჯანყება მწიფდებოდა. ამას გრძნობდნენ შაჰის მაჰმადიანი მოხელეებიც, რომლებიც ქვეყანას განაგებდნენ. ნაიმას ცნობით ფეიქარ-ხანი საგონებელში ჩაუვდია ქართველების აქტიურ მოქმედებას. „ფეიქარ-სულთანი,—წერს ნაიმა,—ქართველების სიმრავლემ შეაფიქრინა, (მან) შაჰს შეუთვალა: ქართველები ისევ გამრავლდნენ, აჯანყება მოსალოდნელია; ამჟამად ისინი ათიათას ხმალს ითვლიან; ქართველები დაირაზნდნენ. როგორი იქნება შენი ბრძანება“¹. მეორე ცნობა, რომელიც ისკანდერ მუნშს ეკუთვნის, აგრეთვე, მოწმობს, რომ „კახეთის საქმეები ვერ მიდიოდა შაჰისათვის სასურველად“². „...ამ წლის (1623—ვ. ჩ.) განმავლობაში,—წერს ისკანდერ მუნში,—ფეიქარ ხანის ხალხისაგან მიღებული იქნა ცნობები, რომლებიც შაჰის ერთგულმა ქართველებმაც დაადასტურეს, იმის შესახებ, რომ ადგილობრივ (კახეთის—ვ. ჩ.) არისტოკრატისა და მეომრებს საიდუმლო კავშირი ჰქონდათ თეიმურაზთან და არსებობდა იმის საშიშროება, რომ აიყოლებდნენ ხალხს და გამოიწვევდნენ მღელვარებას“³.

ასეთი ცნობები მისდიოდა შაჰს, როდესაც ის ბაღდადსა და მთელ ერაყს იპყრობდა 1623—1624 წლებში. მდგომარეობა სერიოზული იყო: ირანის სანაიდრო ძალების დიდი ნაწილი დაკავებული იყო ერაყში და ასეთ პირობებში ქართველების აჯანყებას (რაც მეტად მოსალოდნელი ჩანდა) შეიძლებოდა დიდი წარმატება ჰქონოდა, ეს კი კითხვის ქვეშ დააყენებდა ირანის ბატონობას ამიერკავკასიის სხვა ქვეყნებშიც, რომლებიც უთუოდ ისარგებლებდნენ შაჰის მდგომარეობის გართულებით და ეცდებოდნენ ყიზილბაშური ირანისაგან განთავისუფლებას. შაჰ-აბასმა გადასწყვიტა მიეღო საგანგებო ღონისძიება. მან შესწყვიტა ლაშქრობა ერაყში და 1624 წლის 6 ივლისს ისპაჰანს დაბრუნდა⁴. ის იქ დიდხანს არ დარჩენილა. იმავე წელს შაჰი მიზანდა-

¹ پیکر سلطان کورجیلرک کثرتندن اندیشیه دوشوب شاهه خبر کوندروب¹
کورجیلرینه جوغالدی شاید خروج ایلهالر حالا موجود اولان اون بیک قلبچه
ندر جمع اولشدر امرک ندر (ნაიმას ისტორია, ტ. II, გვ. 350).

² საქართველოს ისტორია, ს. ჯანაშიას რედ., თბილისი, 1946, გვ. 338.

³ Brosset. Addition V, p. 48.

⁴ Bellan. Chah-Ahbas I, p. 270.

რანს ავიდა, საიდანაც დაუკავშირდა სულთნის წინააღმდეგ აჯანყებულ აბაზა-ფაშას.

აბაზა-ფაშას განდგომა საფუძვლიან შეშფოთებას იწვევდა ოსმალეთში, ვინაიდან სტამბოლს მოესპო სამცხე-საათაბაგოსთან დაკავშირების შესაძლებლობა. აბაზას მოქმედებამ ხელი შეუწყო შაჰს დაეკავებინა ახალციხე 1624 წელს. ამიტომ აბაზას დამარცხება და შესწივთში მდგომარეობის გამოწვევა ოსმალეთის უმნიშვნელოვანეს პოლიტიკურ ამოცანად იქცა. აბაზას განდგომით გამოწვეული შიში მოჩანს ოსმალეთის ოფიციალური ჟამთააღმწერლის, ნაიმას, სიტყვებში: „აბაზა-ფაშამ, — წერს ნაიმა, — ის ხალხი (იანიჩრები — ე. წ.), როგორც უზურპატორები, მურაცხმყოფელები და მეამბოხენი, არ დაინდო და მათ მუსრი გააგლო. რადგან ადგილობრივი იანიჩრები მოსპობილი იქნენ, მათი რაზმებისაგან დაიწალა არზრუმის ციხე; ეიალეთის სატახტო (ქალაქის) გარდა 70-მდე იანიჩარი დაბოცილი იქნა ახალციხის ციხეშიც და მათგან დაცარიელდა საქართველოს საზღვრები“¹.

ოსმალეთის მთავრობას განსაკუთრებული ღონისძიება სჭირებოდა აბაზას დასამორჩილებლად, რათა აღედგინა თავისი „უფლებები“ სამცხე-საათაბაგოში. მაგრამ შეუძლებელი იყო სტამბოლიდან ამბოხებული იანიჩრების გაყვანა და მათი ჩაბმა აბაზას წინააღმდეგ ბრძოლაში. იანიჩრები თავს გაცილებით კარგად გრძნობდნენ სატახტო ქალაქში, სადაც ფაქტიური ბატონპატრონები იყვნენ. აბაზა-ფაშამ წერილი გაუგზავნა იანიჩრებს და შეუთვალა, რომ მათი მთლიანად მოსპობა სურს². აბაზას წერილი თავის სასარგებლოდ გამოიყენა მთავრობამ და იანიჩრები დაიყოლია აბაზას წინააღმდეგ სალაშქროდ.

მთავრობის ჯარებს აბაზასთან ბრძოლა ჰქონდათ იმავე წლის ზაფხულში, ანატოლიაში. აბაზა დამარცხდა, მაგრამ ბრძოლაზე ხელი არ აიღო. 1624 წლის დამლევს აბაზა-ფაშა დაუკავშირდა შაჰ-აბასს, რომელიც მახანდარანს იღვა. ამ დროს შაჰი ჯარების გამოგზავნას აპირებდა საქართველოში და ცდილობდა წინასწარი ზომები მიეღო ოსმალეთის შესაძლო შემოტევის აღსაკვეთად. აბაზასთან შეთანამებით მან ააობრა ვანის მხარე, საიდანაც მოსალოდნელი იყო ოსმალთა ლაშქრობა. შაჰის მდგომარეობა მტკიცე იყო იმითაც, რომ 1624 წლის გაზაფხულიდან მის ხელთ იყო აიალციხე. ამით ის ოსმალეთს უკეტავდა მთავარ გზას, რომელიც აღმოსავლეთ საქართველოსკენ მოდიოდა.

1625 წლის დასაწყისში შაჰმა საქართველოში გამოგზავნა დიდი ლაშქარი, რომელსაც მეთაურობდა ყარჩაბა-ხანი. ყარჩაბა-ხანს სისრულეში უნდა

بازہ پاشا اول مقولہ تسلط اوزرہ شتم و غوغا ایدنلری امان ورمیوب
قتل و صل ایدوب بولدیغی یکجری بی تیروب اول طائفہدن قاعہ ارضرومی تغلیہ
ایلدی اندن تحت ایدالتندہ اولان بقاعدن اخسختندہ بولنان نوبتجی
یتمش قدر کمسندہ لی دخی قتل ایدوب اول سمتلری و حدود کورجستانی
انلردن تھی قیلدی (ნაიმას ისტორია, ტ. II, გვ. 299).

² აბაზას წერილი მოთავსებულია ნაიმას ისტორიაში (ტ. II, გვ. 314—315); მისი თარგმანი მოტანილი აქვს ჰამერს (Hammer, t. IX, გვ. 39—41).

მოყვანა შაჰის გეგმა, რომელიც ქართველი ხალხის ფიზიკურ მოსპობას ითვალისწინებდა.

მაგრამ შაჰმა ვერც ახლა შეისრულა განაზრახი. ქართველმა ხალხმა, გ. სააკაძის მეთაურობით, 1625 წ. 7 აპრილს გაანადგურა ირანის ლაშქარი და სანშობლო იხსნა სასიკვდილო საფრთხისაგან¹. ნაიმას ცნობით ირანის 30 000-ანი ლაშქრიდან გადაარჩა მხოლოდ 3 000 კაცი². გ. სააკაძემ ირანის მთელ ამიერკავკასიაში ყიზილბაშების დამარცხების გეგმა დააწყო და ამ საქმეში ოსმალეთის გამოყენება სცადა, რისთვისაც ელჩები გაუგზავნა ოსმალეთის დიდგვზირს, ჰაფიზ-ფაშას, რომელიც ამ დროს დიარბექირთან იდგა. იბრაჰიმ ფეჩევის ცნობით სააკაძის ელჩები დიდგვზირთან ჩასულან 1625 წ. 3 ივლისს (პიჯრის 1034 წ. 27 რამაზანი)³. მათ თან ჩაიტანეს ყიზილბაშთა

¹ ვახუშტი ბატონიშვილის ისტორიაში მარტყოფის ბრძოლის თარიღად მითითებულია 1623 წ. ქრისტანული წელთაღრიცხვით (ვახ. ბატონიშვილი. საქართველოს ცხოვრება, გვ. 63), მაგრამ იქვე აღნიშნულია, რომ ყიზილბაშების გაწყვეტა მოხდა „თათრულსა ჩლდ“, ე. ი. მუსლიმური წელთაღრიცხვის 1034 წელს, რაც შეადგენს პერიოდს 1624 წლ. 14 ოქტომბრიდან 1625 წლის 3 ოქტომბრამდე. ამას გარდა 1623 წ., როგორც მარტყოფის ბრძოლის თარიღს, არღვევს ვახუშტის „მიერ მოთხრობილი ამბების ქრონოლოგიური თანმიმდევრობა. ვახუშტი ამბობს, რომ ყარჩიზა-ხანისა და სააკაძის საქართველოში გამოგზავნამდე შაჰმა სააკაძე „იახლა ბლდადს და ყანდაარს“ („საქართველოს ცხოვრება“, გვ. 63). როგორც ვიცით, ბლდადის ბრძოლა მხოლოდ 1623 წ. ბოლოს დასრულდა, ხოლო 1624 წ. გახაფხულზე ყიზილბაშებმა მოსული და მარდნი დაიკავეს. ამ ლაშქრობას ხელმძღვანელობდა ყარჩიზა-ხანი, რომელიც, თუ მარტყოფის ბრძოლის თარიღად 1623 წ. მივიღებთ, სააკაძის მიერ უკვე მოკლული უნდა ყოფილიყო საქართველოში. სომეხი ისტორიკოსის, ზაქარია სარკავაჯის მიერ შედგენილ „ჟამთა-აღწერილობაში“ საქართველოში ყიზილბაშების გაწყვეტა 1624-25 წწ. ამბებშია მოთხრობილი (B. Rosset. Collection d'histories armeniens, II, S-pt., 1876, გვ. 21). სეფიანთა დინასტიის ოფიციალური ისტორიკოსისა და ამბის თანამედროვის, ისკანდერ მენშის, ისტორიაში მარტყოფის ბრძოლის თარიღად აგრეთვე 1034 (1624—25) წელია დასახელებული (ისკ. მენშის ისტორიის ლითოგრაფიული გამოცემა, თეირანი, 1314, გვ. 721). „პარიზის ქრონიკა“ მარტყოფის ბრძოლის თარიღად სდებს 1626 წლის 25 მარტს ძველი სტილით (პარიზის ქრონიკა, პი ე ნ ა ძ ის გამოც., თბილისი, 1903, გვ. 48). 1626 წ. სწორი არ არის, ვინაიდან ის სრულებით არ ეთანხმება იმ მოვლენების ქრონოლოგიურ თანმიმდევრობას, რომლებიც მკოდროდ იყო დაკავშირებული მარტყოფის ბრძოლასთან. რაც შეეხება ამ ბრძოლის დღეს, 25 მარტს, იგი ერთი წლით უკან უნდა იქნას გადაწეული: რადგან ყიზილბაშები 1625 წლის დასაწყისში მოვიდნენ, ხოლო სააკაძის ელჩები ოსმალეთში იმავე წლის ზაფხულში ჩავიდნენ ყარჩიზა-ხანის მოკრპილი თავით, ამიტომ, ცხადია რომ ყიზილბაშების განადგურება 1625 წლის დამდეგსა და ზაფხულს შორის უნდა მომხდარიყო. საამისოდ პარიზის ქრონიკაში აღნიშნული 25 მარტის ახ. სტ. 7 აპრილი, მეტად საგულანხმო თარიღი ჩანს. მარტყოფისა და მარაბდის ბრძოლების თარიღების შესახებ საკუთარი დაკვირვება აქვს აგრეთვე მ. სვანიძეს (იხ. მარტყოფის და მარაბდის ბრძოლების თარიღის საკითხისათვის, საქართველოს სსრ მეცნიერებათა აკადემიის ასპირანტთა და ახალგაზრდა მეცნიერ მუშაკთა IV კონფ. თეხისები, 1953, გვ. 56).

² ნაიმას ისტორია, ტ. 346.

³ ფეჩევის ისტორია, ტ. II, გვ. 303. დოც. ს. ჯიქია, რომელმაც ფეჩევის ისტორიის ეს ადგილი თარგმნა, შენიშვნაში აღნიშნავს, რომ 1034 წლ. 27 რამაზანი უდრის 1624 წ. 3 ივლისს (ენიქის მოამბე, ტ. V—VI, 1940, გვ. 384—85). ნამდვილად კი 1034 წლის რამაზანი არის 1625 წლის 3 ივლისი. ნაიმა გვაუწყებს ქართველი ელჩების ჩასვლის განსხვავებულ თარიღს,—1034 წლის 21 რამაზანს ე. ი. 1625 წ. 27 ივნისს (ნაიმას ისტორია, ტ. II, გვ. 347). პროფ. ე. კაკაბაძეს, რომელმაც ნაიმას ისტორიის ამ ადგილის ქართული თარგმანით ისარგებლა, შეეძლო ით გადმოაქვს ეს თარიღი, როგორც 1624 წლის 8 ივლისი (მნათობი, № 5,

მოჭრილი თავები, მათი დროშები და იარაღი. ნაიმა იუწყება, რომ ყიზილ-ბაშთა თავები სტამბოლში გაგზავნეს და სულთნის სასახლეში მიიტანეს 1035 წ. მუჰარემის თვეში¹, რაც შეადგენს პერიოდს 1625 წლის 3 ოქტომბრიდან 1626 წლის 2 ნოემბრამდე.

შაჰ-აბასმა მაზანდარანს შეიტყო საქართველოში თავის ლაშქრის განადგურების ამბავი, მდგომარეობის გამოსწორების მიზნით მან სასწრაფოდ გამოგზავნა ახალი ლაშქარი ისა-ხან ყორჩიბაშის სარდლობით. შაჰმა საქართველოსკენ გალაშქრება უბრძანა აგრეთვე ერეენის ხანს ამირგუნას და აზერბაიჯანის ხანს შაჰ-ბანდას. თვითონ შაჰი კი დასავლეთისაკენ გაემართა, რათა გამაგრებოდა დიდევზირ ჰაფიზ-ფაშას, თუ ის ირანისაკენ დაიძრებოდა დიარბექირის მხრიდან.

ყიზილბაშთა ახალი ლაშქარი ქართველებს შეხვდა მარაბდასთან 1625 წლის 1 ივლისს (1034—25 რამაზანი)². ამ ბრძოლაში ქართველები დამარცხდნენ, მაგრამ მტერმა უფრო დიდი ზარალი განიცადა (მოკლული იქნა 14 000 ყიზილბაში)³. მარაბდასთან პიროსის გამარჯვების მოპოვების შემდეგ მტერმა ფეხი ვერ მოიკიდა ქართლში. ქართველმა ხალხმა სააკაძის ხელმძღვანელობით მტერს თავს მოახვია ძლიერი პარტიზანული ომი, რის შედეგად დამპყრობელი იძულებული გახდა დაეტოვებინა საქართველოს ტერიტორია. შაჰ-აბასმა ვერ შეძლო იმ მდგომარეობის აღდგენა, რომელიც ირანს ჰქონდა მარტყოფის ბრძოლამდე. პირიქით, მარაბდის შემდეგ მდგომარეობა უფრო გაუარესდა. ამის შემდეგ შაჰი უნდა დარწმუნებულიყო, რომ ქართველმა ხალხმა საბოლოოდ ჩაშალა მისი გეგმები.

1942, გვ. 126). აღნიშნულ თარიღებთან დაკავშირებით საკიროდ მიგვაჩნია შემდეგი ფაქტის გათვალისწინებაც. ოსმალეთის დიდგვირი, რომელთანაც ქართველი ელჩები ჩავიდნენ, იყო ჰაფიზ-ფაშა. ის ამ თანანდებობაზე დაინიშნა 1034 წლის რაბი-ულ-ველის თვეში (محمد رحمانی, 11, 11).

რაც მოიცავს პერიოდს 1624 წლის 12 დეკემბრიდან 1615 წლის 11 იანვრამდე. ნაიმას ისტორიიდან ცნობილია, რომ ჰაფიზ-ფაშა დიდგვირად დაინიშნა ჩერქეზ-მეჰმედ-ფაშას სიკედლის შემდეგ, რაც მოხდა 1034 წლის 18 რაბი-ულ-ველს (1624 წლ. 29 დეკემბერი). ჩერქეზ-მეჰმედ-ფაშა 1624 წლის ზაფხულში აბახა-ფაშას ებრძოდა ანატოლიაში, ხოლო იმავე წლის ბოლოს მან მიაღწია თოკათს, სადაც გარდაიცვალა. 1624 წ. დიარბექირთან ოსმალეთის დიდგვირი არ მდგარა და მასთან ქართველი ელჩები ვერ ჩავიდოდნენ. ჩერქეზ-მეჰმედ-ფაშას შემდეგ დიდგვირად დაინიშნა ჰაფიზ-ფაშა, რომელსაც ვეზირის ბეჰედის სტამბოლიდან გაუგზავნეს 1625 წლის დასაწყისში (ნაიმას ისტორია, II, გვ. 343).

¹ ნაიმას ისტორია, II, გვ. 356; ნაიმას ეთანხმება ამბის თანამედროვე იტალიელის, ვენეციის რესპუბლიკის სტამბოლში მყოფი პოლიტიკური აგენტის, რელაციის, რომელშიც ნათქვამია: „წარჩინებული ქართველი სტამბოლს (Porta) ჩავიდა ბრძოლაში დახოცილი სპარსელების 6000 თავით, რომლებიც დროშებთან და იარაღთან ერთად დივანს მიართვა...“ 19 ოქტ. 1625, ვენეც. მოხს. არქ. I, „Un Giorgiano principale giunse alla Porta con 6000 teste persiane occise ne conflitto portata in Divano con bandiere e arnesi.“ 19 ott. 1625, Rel. ven. Archivos I (H a m m e r. დასახ. ნაშრ., IX, გვ. 61, 56).

² ისკანდერ მუნშის დასახელებული ისტორია, გვ. 722; შდრ. B e l l a n. დასახ. ნაშრ., გვ. 273, ვახუშტი ბატონიშვილი მარაბდის ბრძოლის ორ, განსხვავებულ, თარიღს სდებს. ვახუშტით ეს ბრძოლა მოხდა ქრისტ. წ. ა. 1624 წელს, ხოლო „თათრულსა ჩლდ“ („საქართველოს ცხოვრება“, გვ. 64), ე. ი. ჰიჯრის 1034 წელს, რომელსაც ისკანდერ მუნშიც ასახელებს.

³ ე ნ ა ტ ა შ ვ ი ლ ი ბ ე რ ი. ახალი ქართლის ცხოვრება, გვ. 155.

საქართველოში ირანის ლაშქრის განადგურებამ დიდი გავლენა მოახდინა მახლობელი აღმოსავლეთის საერთაშორისო მდგომარეობაზე. ამიერიდან აშკარად რთულდება ირანის მდგომარეობა, რომელსაც, ოსმალეთთან შედარებით უკეთესი საგარეო-პოლიტიკური პირობები ჰქონდა 1623—1624 წლებში.

1624 წლის მეორე ნახევარში, როდესაც შაჰ-აბასმა (საქართველოს საქმეების მოწესრიგების მიზნით) მთელი ერაყი დააცარიელა თავისი ჯარებისაგან, ოსმალეთმა მცირე ძალებით ერაყი (ბაღდადის გარდა) ისევ დაიკავა¹. ახალმა ვითარებამ გავლენა მოახდინა აბაზა-ფაშაზეც; ის განუდგა შაჰს (როგორც დამარცხებულს) და თავი გამოაცხადა სულთნის ერთგულად². ამას კი დიდი მნიშვნელობა ჰქონდა ოსმალეთისათვის. მას საშუალება მიეცა მიახლოებოდა სამცხეს, რომელიც ირანელებმა დაიკავეს 1624 წელს. მართლაც, აბაზას წყალობით ოსმალებმა შეძლეს ახალციხის დაკავება. „ერთ-ერთი მისი (სულთნის—ვ. ჩ.) მოხელე მურთუზ-ფაშა, რომელიც ყარაჯა არტანის განაგებდა, დაიძრა ახალციხისაკენ; საღიმ ხან შამს-ელ-დინლუმ, რომელიც იმ ადგილის სარდალი იყო, იგრძნო, რომ განცალკევებული რჩებოდა ომით მოცულ ქვეყანაში და ისა-ხან ყორჩიბაშს შეუერთდა“³.

ამრიგად, შაჰმა დაკარგა ახალციხეც. ამ დროს მას აუჯანყდა აგრეთვე ქურთისტანი. ამას გარდა, 1625 წლის შემოდგომის დასაწყისში დიდგვირიი ჰაფიზ-ფაშა დიარბექირიდან დაიძრა ბაღდადის ასაღებად და 1625 წლის ნოემბერში ქალაქს მიაღწა⁴.

ირანის ჯარების განადგურებამ საქართველოში სულ აუწყწა საქმეები შაჰ-აბასს ახლო აღმოსავლეთში. მაგრამ მარტყოფისა და მარაბდის ბრძოლების ნთავარი შედეგი ის იყო, რომ ქართველმა ხალხმა საკუთარი ძალებით სასიკვდილო ლახუარი ჩასცა შაჰის განზრახვას. ქართველმა ხალხმა დააცვა თავისი დამოუკიდებლობა. კახეთიდან განდევნილი იქნა მაჰმადიანი ხანი, ხოლო თეიმურაზმა კახეთის ტახტი დაიბრუნა⁵.

საერთაშორისო მდგომარეობამ, 1625 წლის ახლო ხანში რომ შეიქმნა მახლობელ აღმოსავლეთსა და ამიერკავკასიაში, ოსმალეთს თავის აგრესიული ზრახვების განხორციელების შესაძლებლობა მისცა. ამ წელს მან დაიკავა სამცხე-საათაბაგოს აღმოსავლეთი ნაწილი (ახალციხის ჩათვლით). ეს, რა თქმა უნდა, ოსმალეთის მიერ საქართველოს ამ ტერიტორიის დაკავების პირველი შემთხვევა არ იყო, მაგრამ ოსმალეთის აგრესიულ აქტს ამჯერად თან ახლდა სხვა შედეგებიც. XVII საუკუნის მეორე მეოთხედის დამდეგს ოსმა-

¹ ნაიმას ისტორია, ტ. II, გვ. 344—345.

² Bellan. დასახ. ნაშრ., გვ. 274.

³ იქვე.

⁴ ფეხვის ისტორია, ტ. II, გვ. 406—407.

⁵ თუ რამდენად უკრიტიკოდ ვკიდებიან ბურჟუაზიული მკვლევრები თურქულ-საპარსულ წყაროებში დაცულ ცნობებს და ამბინჯებენ საქართველოს ისტორიის მნიშვნელოვან ფაქტებს, მოწობს ბელანის შეხედულება, რომ თეიმურაზი შაჰის დამარცხების შედეგ ტახტზე ავიდა თითქოს არა ქართველი ხალხის გამარჯვების წყალობით, არამედ ოსმალთა დახმარებით („Tahmouraz remontaît sur le trône du kakhet avec la protection ottomane“, Bellan. დასახ. ნაშრ., 273).

ლეთმა სამცხე-საათაბაგოში მოსპო ათაბაგობა და გიორგი ქვეყანა გადააქცია თავის ადმინისტრაციულ პროვინციად — ახალციხის საფაშოდ.

ამიერიდან ახალციხის საფაშო წარმოადგენდა ოსმალეთის დასაყრდენს ქართული სამეფო სამთავროების წინააღმდეგ ბრძოლაში. ამასთან, იგი მჭიდროდ იყო დაკავშირებული ოსმალთა ბატონობის ისეთ შედეგებთან, როგორც იყო ტყვის სყიდვა დასავლეთ საქართველოში და „ლეკიანობა“ (მთიელი ფეოდალების—ოსმალთა ხონთქრების აგენტების რბევა-თარეში) აღმოსავლეთ საქართველოში.

* * *

მალე შაჰ-აბასმა კიდევ ერთხელ შეძლო მესხეთიდან ოსმალეთის განდევნა. 1627 წ. ყიზილბაშებმა, ისევე აბაზა-ფაშას დახმარებით, ახალციხე აიღეს და შაჰ-აბასმა ოსმალეთს შესთავაზა 1555 წ. ზავის პირობების განახლება. მაგრამ ირან-ოსმალეთის საზავო მოლაპარაკება უშედეგოდ დამთავრდა¹. ოსმალეთი ხელს არ იღებდა სამცხეზე, თუმცა ძლიერ უჭირდა მისი მტკიცედ დაუფლება. შაჰთან საზავო მოლაპარაკების ჩაშლისთანავე ოსმალეთმა კავშირი შესთავაზა თეიმურაზს და მისი დახმარებით სცადა საქართველოს სხვა მეფე-მთავრების ამხედრება ირანის წინააღმდეგ².

მაგრამ ირან-ოსმალეთის ომს, რომელიც აღარ შეწყვეტილა 1623 წლის შემდეგ, თავის სასარგებლოდ იყენებდა თეიმურაზი. მარტყოფისა და მარაბდის შემდეგ მას სცნობდა როგორც ირანი, ისე ოსმალეთი. ირანმა აღიარა თავისი მარცხი და თეიმურაზი ქრისტიან მეფედ იცნო იმ ქვეყანაში, სადაც ვერ შეძლო მაჰმადიანი ხანების დამკვიდრება. აღსანიშნავია, რომ ირანის მთავრობა თეიმურაზთან მოლაპარაკებას აწარმოებდა სიმონ-ხანის გვერდის ავლით, თბილისში მდგარი ყიზილბაშ მეციხოვნეთა უფროსის, დაუთ-ხანის მეშვეობით...³ სიმონ-ხანი 1629 წლამდე მხოლოდ სომხით-საბარათიანოს გამგებლად რჩებოდა. ირანი ახლა იმას ცდილობდა, რომ თეიმურაზი ლოიალურ ვასალად მიიღო და დაეხმარებოდა. მაგრამ თეიმურაზი მიზნად ისახავდა საქართველოს-თავის სრული დამოუკიდებლობის მოპოვებას.

¹ ნაიმას ისტორია, ტ. II, გვ. 412; Rieaut. Histoire des trois empereurs des Turcs, Paris, 1683, გვ. 27; სავსებით აშკარაა, რომ ირანსა და ოსმალეთს შორის 1627 წ. ზავი არ დადებულა. მართალი არ არის ვენატაშვილი ბერი, რომელიც დაახლოებით ამ პერიოდის შესახებ ამბობს: „ხონთქარი მაშინ ყენის გარიგებული იყო...“ (გენატაშვილი ბერი. ახალი ქართლის ცხოვრება, გვ. 162). ნ. ბურჩენიშვილსაც აღნიშნული აქვს: „1627 წელს ირანსა და ოსმალეთს შორის ზავი დაიდო და აღმ. საქართველო ისევ ირანის სამფლობელოდ იქნა ცნობილი“ (საქართველოს ისტორია, ს. ჯანაშიას რედ., თბ., 1946, გვ. 345). სინამდვილეში ირანი და ოსმალეთი 1627 წ. ზავზე ვერ შეთანხმდნენ. ოსმალეთი აღმოსავლეთ საქართველოს მხოლოდ იმ შემთხვევაში იცნობდა ირანის სამფლობელოდ, თუ უკანასკნელი ახალციხეს დასთმობდა და ხელს აიღებდა მთელ მესხეთზე.

² ნაიმას ისტორია, ტ. II, გვ. 412.

³ Brosset. Addition V, გვ. 287.

თეიმურაზი ირანთან ვასალური დამოკიდებულების აღდგენის შემდეგაც არ სწყვეტდა ოსმალეთთან ურთიერთობას. მისი ელჩი სტამბოლში იყო 1626 წელს¹; ოსმალეთმა, თავის მხრივ, 1627 წელს მას მოუწოდა, შემოეკრიბა „საქართველოს მბრძანებლები“ და გაელაშქრა ირანის წინააღმდეგ. თეიმურაზი კი საქართველოს ინტერესებისათვის იყენებდა ირანისა და ოსმალეთის ქიშკს. იმავე დროს ის ცდილობდა დაეკავშირებოდა ქრისტიანულ რუსეთს, რომელთან კავშირს შეეძლო მხოლოდ საქართველოს ხსნა „თურქობისაგან“². თეიმურაზის საშინაო პოლიტიკა მიმართული იყო ქართლისა და კახეთის სამეფოების გაერთიანებისაკენ. ის ებრძოდა ქართლის თავადებს, რომლებიც კიდევ უფრო გაძლიერებულყვნენ და „უფლობდნენ ქართლში“³. მან დაიმოყვრა ზურაბ ერისთავი, რომელსაც თეიმურაზის „ყმობა ემძიმებოდა და თვითონ აპირებდა ხელმწიფობას“⁴. ვიდრე ამ საშიშ ყმისაგან თავს დაიბნინდა, თეიმურაზს განზრახული ჰქონდა პატივმოყვარე თავადის გამოყენება სიმონ-ხანის წინააღმდეგ.

1629 წელს შესაფერი დრო დადგა. შაჰ-აბასი გარდაიცვალა და ირანში დინასტიური ომი იყო მოსალოდნელი. გარდა ამისა დასავლეთიდან ოსმალეთი აპირებდა ირანში შეჭრას. „თეიმურაზ მეფემ მტერს მარჯვე დრო შეურჩია, ზურაბ ერისთავის დახმარებით სიმონ ხანი დალუპა და ქართლი ჰოლიანად დაიპყრო“⁵. ამის შემდეგ თეიმურაზმა მოაკვლევინა არაგვის ერისთავიც.

სომხით-საბარათიანოს დაპყრობით და სიმონ-ხანის მოკვლით ქართველმა ხალხმა მოსპო ყიზილბაშური ირანის ხელისუფლების ნაშთი საქართველოში. ეს იყო ქართველი ხალხის დიდი გამარჯვება. ყიზილბაშურმა ირანმა, რომელიც ქართლისა და კახეთის ქრისტიანულ, ვასალურ სამეფოებსაც ვერ ითმენდა, ახლა იძულებული იყო ქართლ-კახეთის მეფედ ეცნო ქრისტიანი თეიმურაზი. ისკანდერ მუნშის სიტყვით, შაჰმა თეიმურაზი ქართლის მეფედ სცნო იმის გამო, რომ ქართლის ბაგრატიონებში ქრისტიანი შემკვიდრე ბატონიშვილი არ ჩანდა, ხალხი კი მეფედ ქრისტიანს მოითხოვდა.

¹ შ. თამარაშვილი. ისტორია კათალიკობისა ქართველთა შორის, თბილისი, 1902, გვ. 99.

² ცოტა უფრო გვიან თეიმურაზი წერდა რუსეთის მეფეს: „И того ради подобает православным царем и государем быти в великой любви и дружбе, чтобы иметь помощь и силу. И когда услышат народы турецкие и цари, что христианские цари имеют меж себя великую любовь и объединение и они тогда учнут себе иметь великой страхи и боязнь...“ (М. Полное в кт о в. Материалы по истории грузинско-русских взаимоотношений 1615—1640, Тбилиси, 1937, стр. 111).

³ თავადებმა „მაშინ განმგეთ ქართლისა დაადგინეს დავით მეფის ძმის შვილისშვილი ქაიხოსრო, მუხრანბატონი, და არც განმგეობითა ემორჩილებოდნენ მათ, არამედ თავის თავად უფლობდნენ ქართლის თავადნი“. (ბერი ეგნატაშვილი. ახალი ქართლის ცხოვრება, გვ. 154).

⁴ საქართველოს ისტორია, ს. ჯანაშიას რედ., თბ., 1946, გვ. 346.

⁵ იქვე.

თეიმურაზმა ამ წარმატებას იმიტაც მიაღწია, რომ მარჯვედ გამოიყენა საერთაშორისო მდგომარეობა მახლობელ აღმოსავლეთში, — ირან-ოსმალეთის ომი. ირანს ახლა ოსმალეთის შეტევა უნდა მოეგერიებინა.

1629 წ. ირანმა თავიდან აიცილია დინასტიური ომი, რომელიც ჩვეულებრივი მოვლენა იყო შაჰის სიკვდილის შემდეგ. ამ საქმეში თავი გამოიჩინა ისფაჰანის ტარულამ, ხოსრო-მირზამ, რომელიც დაუთ-ხანის შვილი და ქართლში მოკლული სიმონ-ხანის ბიძა იყო. მან შაჰ-აბასის სიკვდილის შემდეგ ტახტზე აიყვანა მისი შვილიშვილი შაჰ-სეფი (1629—1642). ირანის ახალი შაჰი მცირეწლოვანი იყო და გარკვეული დროის მანძილზე „ერანის საქმე როსტომ (იგივე ხოსრო-მირზა—გ. ჩ.) მეფეს ეკითხებოდა“¹. შაჰის ერთგული მოხელე ირანის ყულარ-ალასად დაინიშნა და მისი მეცადინეობით ირანი შედარებით მომზადებული შეხვდა ოსმალეთის ლაშქრობას.

ირანის წინააღმდეგ ლაშქრობის დაწყება ოსმალეთმა შაჰ-აბასის სიკვდილს დაუკავშირა. დიდგზირი ხუსრეე-ფაშა სტამბოლიდან გავიდა 1629 წ. მაისში². მაგრამ ოსმალეთის ლაშქარმა სწრაფად ვერ შეძლო ირანის საზღვრებთან მისვლა. დიდგზირს საკუთარ ქვეყანაშიც ომით დასჭირდა გავლა. ხუსრეე-ფაშა წარმატებით შეება ანატოლიის თურქმანულ ტომებს, დაამარცხა ისინი და წაართვა მათ ათი ათასი ცხვარი, დიდძალი ცხენი, აქლემი და სხვა საქონელი³.

ოსმალეთის ლაშქარმა, რომელსაც ბრძოლით დასჭირდა ირანის საზღვრებამდე მისვლა, იმ წელს ველარ მოახერხა ირანში შეჭრა. ზამთრის დასაწყისისთვის მან მხოლოდ ქურთისტანს მიაღწია. ხუსრეე-ფაშამ იქ გადასწყვიტა ზამთრის გატარება. ადგილობრივი ამირების უმრავლესობამ, ოსმალეთის ლაშქრის მოახლოების გამო, თავი გამოაცხადა სულთნის „ერთგულად“ და ოსმალთა სერასქერს ეახლა.

დიდგზირმა მათთან ერთად დააწყო მომავალი გაზაფხულისათვის ირანზე გალაშქრების გეგმა. გაზაფხულისათვის ლაშქრობის სწრაფად დაწყება აუცილებელი იყო: დიარბექირსა, მარდინსა და მოსულში დაბანაკებულ ჯარს საქმელი შემოაკლდა, ჯამაგირის ვაცემის დროს სიფაჰიებმა მოკლეს თავიანთი მულაზიმ-ბაში. ხუსრეე-ფაშა ლაშქარს გაჭირვებით აკავებდა და მათ დროდადრო ანატოლიის სხვადასხვა რაიონებში გზავნიდა სათარეშოდ. 1630 წლის გაზაფხულზე ოსმალეთის ლაშქარმა გაილაშქრა შეპარიზორ-ჰამადანის მიმართულებით, ირანელები რამდენჯერმე დამარცხდნენ. ოსმალეებმა დაიკავეს პა-

¹ გოზგიჯანოძის ისტორია, ს. კ ა კ ა ბ ა ძ ი ს გამოცემა, თბ., 1926, გვ. 30.

² ნაიშას ისტორია, ტ. II, გვ. 447; ხუსრეე-ფაშამ ამ ლაშქრობის დროს სიკვდილით დასაჯა გიორგი სააკაძე, რომელიც იმ დროს ყარაღანის ბეგლარბეგი იყო (ნაიშას ისტორია, ტ. III, გვ. 8). რ ი კ ო ტ ი უხვმ შეცდომას უშვებს, როდესაც სააკაძის დაღუპვის ამბავს ვადმოგვეცემს. მას ჰგონია, რომ სააკაძე, იყო ირანის შაჰის მომხრე ქართველთა სარდალი. „Le grand vizir fit un carnage des Géorgiens qui étaient dans les intérêts du Roi de Perse; prit leur Général Moroc, à qui il fit couper la tête“. (R i c a u t. დასაბ. ნაშრ., გვ. 28).

³ ნაიშას ისტორია, ტ. III, გვ. 8.

მადანი და ყაზვინისკენ გაიქრნენ. მაგრამ მიმართულება შესცვალეს და გაბრუნდნენ სამხრეთ დასავლეთისაკენ. დიდვეზირი. 1630 წლის სექტემბერში უკვე ბალდადთან იყო. მთელი სივრცე: ჰამადანი—კასრ-ი შირინი—ბალდადი გაპარტახებული იქნა.

ბალდადის კედლებთან გადამწყვეტი იერიში დაიწყო 1630 წ. 9 ნოემბერს. იანიჩრებმა და სიფაჰიებმა ძლიერ შეავიწროვეს ირანელები, მაგრამ ქალაქის აღება ვერ შეძლეს. წარუმატებლობა იმანაც გამოიწვია, რომ ბრძოლის დროს ზოგიერთი იანიჩარი ხმას ავრცელებდა: თუ ბალდადს ავიღებთ, სულთანს ჩვენ აღარ დავკირღებთ და დავგზოცავენო. ასეთი განწყობილების ჯარით ხუსრევ-ფაშამ ვერ შეძლო ბალდადის დაკავება და უკან დახევა გადაწყვიტა.

1630 წლის დეკემბერში ლაშქარი უკვე მოსულში იყო. აქ დიდვეზირმა გაიგო, რომ ქურთისტანის ამირები, ოსმალეთის ლაშქრის დამარცხების გამო, ისევ შაჰის „ერთგულნი“ გამხდარიყვნენ. მაგრამ მას არ შეეძლო მათი დასჯა. დამარცხებულმა ხუსრევ-ფაშამ სულთანს მოსთხოვა მიეცა მისთვის ყირიმის სახანოს ლაშქარი, რათა მომავალ გაზაფხულზე განეახლებინა ლაშქრობა ირანის წინააღმდეგ.

ამ მარცხის მიუხედავად ლაშქრობის მოშლას არც სულთანი ფიქრობდა. მალე სტამბოლიდან ლაშქარს გაუგზავნეს ორასი იუქი ახჩა¹; გარდა ამისა ყირიმის ხანს დაავალეს, რომ მომავალ გაზაფხულზე ყირიმის ლაშქრით გადმოსულიყო ანატოლიაში².

1631 წლის გაზაფხული და ზაფხული დიდვეზირმა ყირიმის სახანოს ლაშქრის ლოდინში გაატარა. ამ ხნის განმავლობაში ჯარმა შთანთქა ის ფუღი, რომელიც სატახტოდან მისდიოდა და, ამას გარდა, ძლიერ დააზარალა მოსულისა და მარდინის რაიონები. იანიჩრები და სიფაჰიები უკმაყოფილო იყვნენ იმით, რომ ხუსრევ-ფაშამ 1631 წელს ხელიდან გაუშვა ლაშქრობის საუკეთესო დრო, გაზაფხულ-ზაფხული. სექტემბრის თვეში ისინი აუმბობდნენ დიდვეზირს³ და მოითხოვეს, რომ ლაშქრობა მომავალი წლის გაზაფხულამდე გადადებულიყო. ხუსრევ-ფაშამ შეასრულა მათი სურვილი და ზამთრის გასატარებლად ჯარები დიარბექირისკენ დასძრა. დიარბექირისაკენ მიმავალ ლაშქარს გზაზე შეხვდა ყირიმის ხანის მხედრობა, რომელიც ამ დროს (1631 წ. ბოლო) გადმოყვანათ აზიაში. „[ყირიმელმა თათრებმა],—წერს ნაიმა,— ალღუმი გამართეს მინდორზე. ქათბი ჩელები ფეზლექეში ამბობს, რომ [მათმა] ასეულმა, რომელიც შიშველ-ტიტველი იყო, საქონელის ჯოგით, ჯგუფ-ჯგუფად გაიარა. ისინი არ იცავენდნენ სამხედრო წესრიგს; ვერც იმას გაიგებდით, თუ ვინ იყო მათ შორის დიდებული, მდაბიო ან ჩაუში, აწეწილ-დაწე-

¹ ნაიმა ისტორია, ტ. III, გვ. 66.

² იქვე.

³ იქვე, გვ. 75.

წილებმა ჩაიარეს. ისინი იმას [ფიქრობდნენ], რომ სადმე ეზოვნათ ნადავლი და დაერბათ რომელიმე მოშენებული ქვეყანა¹.

დიდვეზირისთვის ცხადი იყო, რომ თავის დამშვეულ ჯარებთან ერთად დაბანაკებული ყირიმელი თათრები დიდ სიძნელეებს შექმნიდნენ ანატოლიაში. ამიტომ ხუსრევ-ფაშამ ყირიმელი თათრები არზრუმში გაგზავნა დასაბანაკებლად, ხოლო ოსმალეთის ჯარები დიარბექირის, დამასკოსა და სხვა ყიშღალეებზე დაფანტა². ამ გზით დიდვეზირი თავს იზღვევდა ლაშქრის ამბოხებისაგან. მაგრამ მოლაშქრეთა დაქსაქსვა გამორიცხავდა მის სწრაფად შეკრებასა და ლაშქრობის დაწყებას მომავალი, 1632 წლის, გაზაფხულზე.

ოსმალეთს წარმატებით საგარეო ომის გეგმა ჩაეშალა. ეს კი საშინაო ხასიათის სიძნელეების ზრდას იწვევდა. 1631 წლის ნოემბერში უქმყოფილო სულთანმა ხუსრევ-ფაშა გადააყენა და ოსმალეთის პირველ ვეზირად ისევ შაფიზ-ფაშა დანიშნა³.

ხუსრევ-ფაშას გადაყენება ჯარებმა ხელზე დაიხვიეს და ამბოხდნენ დიდვეზირის რეაბილიტაციის საბაბით. დიარბექირში ჯარმა მთელი სალარო მოითხოვა დეფთერდარისაგან. უღონო მოხელემ პოსტი მიატოვა და თავს გაქცევით უშველა. ჯარი ქალაქის ბაზრებს დაერია და რბევას შეუდგა⁴. ჯარის მოქმედება აჩქარებდა სხვადასხვა სოციალური ფენების უქმყოფილების ზრდას. მდგომარეობა ისევე სერიოზული იყო, როგორც XVII საუკუნის დამდეგს, ყარა იაზიჯის აჯანყების დროს.

სულთანმა სატახტო ქალაქში გაიწვია ჯარები. 1631 წლის ბოლოს დივანმა წერილით შეუთვალა კაფი კულის ; (ჩეგულარულ) ლაშქარს დაბრუნებულიყო სტამბოლში⁵. ჯარიც გაემართა იქ, საიდანაც ის სამი წლის წინ, 1629 წლის დასაწყისში, გაიყვანეს ბაღდადის ასაღებად.

ჯარები ქალაქისაკენ გაემართნენ იმ განზრახვით, რომ იქ ეზოვნათ ის, რაც ვერ მოიპოვეს საგარეო ომში. მათ მოლოდინში „შიში გამეფდა ქალაქში და (სულთნის) სასახლეში“⁶. საზოგადოებრივი ადგილები: დუქნები, ყავახანები დაიხურა; მოსახლეობა სახლებში ჩაიკეტა. თითქოს უცხო სახელმწიფოს ლაშქარი უახლოვდებოდა ოსმალეთის სატახტო ქალაქს!

1632 წლის თებერვლის დასაწყისში იანიჩრები სულთნის სასახლეში შეიკრნენ და მოითხოვეს, რომ მათთვის გადაეცათ დიდვეზირი, მუფთი, სახელმწიფოს დივანის ყველა წევრი და სულთანთან დაახლოებული დიდმოხე-

صحراة الای کوستردیلر کاتب چلبی فنلکده دیر که بر بلوک عبالی کبلی چلاق¹
طائفه حیوانات سورسی کبی کوره کوره کیدر لر آلایرتند نه ترتیب صفوف و
ه اعالی و ادانی مراسمی و نه جاوشلری و اریر اکنده چکیلوب کیدر لر
... (ნაიმას ისტორია, III, გვ. 76).

² იქვე.

³ იქვე, გვ. 79.

⁴ იქვე, გვ. 81.

⁵ იქვე, გვ. 83.

⁶ La torreur régna dans la ville et dans le serâi (H a m m e r. IX, გვ. 169).

ლებები (اركان دولت), სულ 17 კაცი¹. მურად IV იძულებული იყო მოეყვანინებინა და მათთვის გადაეცა სკუტარში დამალული დიდვეზირი. ამბოხებულებმა დიდვეზირი აჩეხეს სულთნისა და დივანის წევრების თვალწინ². ზოგი დიდმოხელე ქალაქიდან გაიქცა, ზოგს კი სიკვდილი ვერ ასცდა. მურად IV გადასწყვიტა მოეკლა ხუსრევ-ფაშა, რომელიც ანატოლიიდან ხელმძღვანელობდა ამბოხებას. მალე ეს განზრახვა სისრულეში იქნა მოყვანილი. მაგრამ ამან კიდევ უფრო გაამწვავა მდგომარეობა. რეჯევ-ფაშამ, რომელიც ამ დროს დიდვეზირი გახდა, წააქეზა ხუსრევის სიკვდილით „შეწუხებული“ ჯარები უფრო გაბედულად ემოქმედნათ. ამაში იგულისხმებოდა მურად IV ტახტიდან ჩამოგდება. ასეთ ვითარებაში ამბოხებულებმა მოითხოვეს, რომ მათთვის ეჩვენებინათ სულთნის ოთხი ძმა, რომლებიც სასახლეში ჰყავდათ დამწყვდეული. თუ ისინი მოკლული აღმოჩნდებოდნენ, მაშინ მურად IV დინასტიის ერთადერთ წარმომადგენლად დარჩებოდა, რაც, კანონის მიხედვით, მას სრულიად დაიცავდა. იანიჩრებს თავიანთი მოთხოვნით სურდათ დარწმუნებულიყვნენ: მოუსპო თუ არა მათ მურადმა მოქმედების თავისუფლება. მაგრამ სულთანმა ვერ გაბედა იმ კანონის გამოყენება, რომელიც მას უფლისწულების დახოცვის უფლებას ანიჭებდა. მურადმა ამჯობინა ლოიალობა დაემტკიცებინა იანიჩრებისათვის. მისი ოთხივე ძმა აივანზე გამოიყვანეს და უჩვენეს ამბოხებულებს.

რეგულარული ჯარი სატახტო ქალაქის ბატონ-პატრონი გახდა. ვიდრე სტამბოლში ჯარისკაცების თვითნებობა გრძელდებოდა, ხოლო ცენტრალური ხელისუფლება მდგომარეობის გამოსწორებას ცდილობდა, ირანს საშუალება მიეცა გაეძლიერებინა აგრესია აღმ. საქართველოს წინააღმდეგ.

* * *

დიდი დაპყრობითი ომების ციკლი ოსმალეთმა XVI საუკუნის ბოლოს დაამთავრა. მრავალი ცდის მიუხედავად XVII ს. პირველ და მეორე მეოთხედში მან ვერ შეძლო ამიერკავკასიის ქვეყნების ხელახლა დაპყრობა და 1590 წლის ზავის პირობების განახლება. ამ პერიოდში ოსმალეთმა რამდენჯერმე დაიკავა ახალციხე, მაგრამ სამცხე-საათაბაგოს მთელი ტერიტორიის შენარჩუნება მაინც ვერ შეძლო. შეუძლებელი აღმოჩნდა აგრეთვე ბალდაღის უკან დაბრუნება. იქიდან ირანელთა განდევნის ყველა ცდა უშედეგოდ მთავრდებოდა. ბალდაღთან 1630 წელს განცდილი მარცხის შემდეგ ოსმალეთის ლაშქარი დეზორგანიზებული დაბრუნდა და ანატოლიას მოედო.

ირან-ოსმალეთის მრავალწლოვანი ომების შედეგად განადგურდა სოფლები, ქალაქები, უკიდურესად გაუარესდა მწარმოებელი საზოგადოების მდგომარეობა.

ოსმალო ფეოდალები ერთნაირად ანადგურებდნენ საკუთარ და დაპყრობილ ქვეყნებს. მათი თარეშის გამო გაპარტახდა მრავალი მხარე. XVII ს-ის ინგლისელი რეზიდენტი რიკოტი, ოსმალეთის შესახებ ამბობდა: „...ეს იმპერია,

¹ ნაიმას ისტორია, ტ. III, გვ. 87.

² იქვე, გვ. 89—90.

რამდენადაც დიდი არ უნდა იყოს, მინც ზოგიერთ ადგილას დაუსახლებელია; სოფლები მიტოვებულია (ხალხის მიერ); ისეთი სასიამოვნო და ნაყოფიერი პროვინციები როგორც არის ტამპე ან თესალია წარმოადგენენ გაუდაბურებულსა და დაუმუშავებელს. ასეთი ვავერანება წარმოადგენს ბეგლარბეგებისა და ფაშების ტირანიისა და უსასრულო სისარბის შედეგს. ისინი, როდესაც საგამებლო ადგილების დასაკაეებლად მიდიან ან იქიდან ბრუნდებიან, თავიანთი რაზმების საშუალებით შეურაცხყოფენ და ძალადობას იჩენენ მოსახლეობის მიმართ. ისინი (ხალხს) უყურებენ როგორც მტერს და თავი ჰკონიათ დაპყრობილ ქვეყანაში¹.

ქვეყანაში შექმნილმა კატასტროფულმა ვითარებამ გაბატონებული კლასის წარმომადგენლები აიძულა გამოსავალი ეპოვნათ. მაგრამ მათ არ შეეძლოთ რაიმე ახალი საშუალების გამოჩახვა. ამჯერადაც მდგომარეობიდან გამოსავალი უნდა ყოფილიყო ან ახალი დაპყრობითი ომის გაჩაღება ან უშუალო მწარმოებელთა ექსპლოატაციის კიდევ უფრო გაზრდა. მაგრამ, როგორც კოჩი ბეი აღნიშნავს, უშუალო მწარმოებელი უკიდურეს მდგომარეობამდე იყო მიყვანილი. ამიტომ ოსმალთა ფეოდალების წინაშე გარდუვალი აუცილებლობით დაისვა საგარეო ომის ჩატარების საკითხი. ოსმალეთის მთელი ისტორია გვიჩვენებს, რომ აღმოსავლეთის სახელმწიფოებისათვის დამახასიათებელი სამი უწყებებიდან² იქ განვითარებული იყო მხოლოდ ორი: საფინანსო ანუ საკუთარი ხალხის ძარცვისა და სამხედრო ანუ გარეშე ქვეყნების რბევის უწყება. ოსმალეთში სუსტად მოქმედებდა მესამე—საზოგადოებრივ სამუშაოთა უწყება.

კოჩი ბეიმ მოითხოვს მიწით შეწყალებული საშუალო ფეოდალების—სიფაჰიების—მდგომარეობის გაუმჯობესებას. ეს უნდა მომხდარიყო მათი საკარგავების მოწესრიგების გზით. ამის შემდეგ, მისი აზრით, შესაძლებელი გახდებოდა ურწმუნოების წინააღმდეგ ლაშქრობის დაწყება. „ოღონდ,—წერდა კოჩი-ბეი,—დიდი და პატარა საკარგავები წინანდებურად წესრიგში იქნას მოყვანილი, ხოლო ჯამაგირზე მყოფ ჯარისკაცთა (რაოდენობა) შეძლებისდაგვარად შემცირდეს; (მაშინ) მალალი (ალაჰის) ნებით წესრიგი აღსდგება სახელმწიფოში, უმაღლესი ხელისუფლება უწინდელ ბრწყინვალეობას მოიპოვებს, ისლამის მახვილი ძლევა მოსილი გახდება და სარწმუნოების მტრები დამორჩილებული იქნებიან“³.

აღებულ ხანაშიც აგრესიის მიმართულებად ოსმალეთში უწინდებურად დასახული იყო ამიერკავკასიის ქვეყნები. საინტერესოა, რომ კოჩი ბეი გარბიერი სულთნის წინაშე სვამდა სწორედ ამიერკავკასიისა და ერაყის კვლავ დაპყრობის საკითხს, რაზეც, მისი აზრით, დამოკიდებული იყო სულთნის ხაზინის მდგომარეობა. ამ ქვეყანაში სულთანს ჰქონდა დიდი ხასები, რომელთა დაკარგვამ გამოიწვია მისი შემოსავლის შემცირება. კოჩი ბეი შეაგონებდა მურად IV-ს: „მისი უდიდებულესობის ხასების მდგომარეობაც კი აირდა ირია; მინდვრები და სოფლები საქართველოს, განჯის,

¹ Ricaut. L'état présent de L'Empire Ottoman, p. 404.

² К. Марке и Ф. Ингельс. Соч., т. XXI, гл. 494.

³ Смирнов. Кучи-бей., гл. 149.

ერევნის და ბაღდადის ფარგლებში, რომლებიც 484 იუქი ახჩის შემოსავალს იძლეოდნენ, მოექცნენ სარწმუნოების მტრის (შაჰის—ვ. ჩ.) ხელში¹.

მურად IV საქმიანობა 1632 წლის გაზაფხულიდან გვაფიქრებინებს, რომ მან შეისმინა კოჩი ბეის რჩევა. სულთანი შეუდგა დიდი დაპყრობითი ომის მომზადებას. ამ საქმეში მას ბევრი მომხრე ჰყავდა. მურადი იზიარებდა ამიერკავკასიის დაპყრობის აბაზა-ფაშასეულ პროექტს, რომლის მიხედვით ოსმალეთს ირანის წინააღმდეგ (ამიერკავკასიის დასაპყრობად) უნდა გაელაშკრაოროი მიმართულებით: ჩრდილოეთის (დარუბანდ-შირვანი) და არზრუმის მხრიდან².

მურადს იმედი ჰქონდა, რომ შესძლებდა წესრიგის აღდგენას ჯარებში და სახელმწიფოში. 1632 წლის მისში ის პირადად გავიდა ამბოხებულ ჯარში. მურადმა მოინდო ვეტერანი ჯარისკაცები, რომლებმაც ყურანზე დაიფიცეს, რომ ხელს აიღებდნენ ანარქიის დროს მიტაცებულ თანამდებობებზე, რომლებიც მათი შემოსავლის ძირითად წყაროს წარმოადგენდა³ (როდესაც გარეშე ქვეყნების ძარცვა წყდებოდა, სტამბოლში დარჩენილი ჯარისკაცები ითვისებდნენ სხვადასხვა შემოსავლიან თანამდებობებს). შედგენილი იქნა ოქმი, რომლის ხელმოწერის ცერემონიას ესწრებოდნენ სულთანი, დიდევიზირი, დანარჩენი ვეზირები, მუფთი და ჯარისკაცები. ეს უკანასკნელნი პირობას სდებდნენ, რომ დაიცავდნენ საზოგადოებრივ წესრიგს. ამის შემდეგ მურადი შეუდგა ჯარის წმენდას ურჩი ელემენტებისაგან. ის პირადად დადიოდა ქალაქის ქუჩებში და ჰფანტავდა ამბოხებულთა ბრბოებს. სულთანი ეყრდნობოდა ჯარის ერთ ნაწილს, რომელიც მას მიენდო და აგრეთვე ბოსტანჯიებს⁴, რომლებიც მუდამ თან ახლდნენ. ყოველ ღამე ზღვაში ჰყრიდნენ დახოცილ მემბოხეებს. როგორც ჰამერი ამბობს, თოკი და ხმალი დღედაღამ მუშაობდა ოსმალთა სახელმწიფოში.

მურადმა გამოსცა ბრძანება საზოგადოებრივი ადგილების (ყავასანები, ჩაიხანები) დახურვის შესახებ⁵. მთავრობას ეშინოდა იანიჩრებისა და მათ თანაგამზრახთა ერთად შეკრებისა. ამავე მიზნით აიკრძალა თამბაქოს წვეცა⁶, ესეც, მთავრობის აზრით, ხელს უწყობდა ადამიანთა ერთად შეკრებას. წესრიგის აღდგენა მურადს დიდხანს გაუგრძელდა.

საგარეო ომისათვის ოსმალეთის სამზადისი დააჩქარა ცნობამ იმის შესა-

¹ Смирнов. Кучи-бей..., გვ. 142.

² Hammer. დასახ. ნაშრ., ტ. IX, გვ. 248—249.

³ იქვე, გვ. 184—185.

⁴ ბოსტანჯი (بوستانجي) ნიშნავს მებაღეს. ბოსტანჯიები ერქვა სულთნის სასახლის-

ბაღის მცველებს. მაგრამ მათი მოვალეობა და უფლება უფრო ფართო სარბიელზე ვრცელდებოდა. ისინი შეადგენდნენ დამოუკიდებელ სამხედრო ნაწილს, რომელსაც ვეალებოდა შავი ზღვის სანაპიროს დაცვა სტამბოლიდან ვიდრე ვარნამდე. ისინი ასრულებდნენ აგრეთვე სულთნის სპეციალურ დავალებებს: რეგულარული ჯარის ძალადობით შევიწროებული სულთნები მიმართავდნენ ბოსტანჯიების ნაწილს და ცდილობდნენ მათ დაპირისპირებას იანიჩრების წინააღმდეგ.

⁵ Hammer. t. IX, p. 208.

⁶ იქვე, გვ. 209.

ხებ, რომ ყიზილბაშებში აღმ. საქართველოში შევიდნენ და თეიმურაზი განდევნეს იქიდან. ეს ამბავი ნაიმას მოთხრობილი აქვს 1042 (1632 წლის 19 ივლისი—1633 წლის 8 ივლისი) წლის ამბებში: „ამ წელს,—წერს ნაიმა,— ირანის შაჰმა ლაშქარი გაგზავნა საქართველოში. თეიმურაზმა მას წინააღმდეგობა ვერ გაუწია და სხვა მხარეს გადახვეწა. წითელთაეიანთა ლაშქარმა მთელი საქართველო დაიკავა; მოსახლეობა დამორჩილდა. სტამბოლში ცნობა მოვიდა, რომ ამის შემდეგ (ყიზილბაშთა ლაშქარი) დაბრუნდა თავრიზისაკენ და ემზადება ვანზე სალაშქროდ“¹.

საქართველოში ირანელების შეჭრამ დააჩქარა ოსმალეთის აგრესია ამიერკავკასიის მიმართულებით. ცხადი იყო, რომ მეორე აგრესორი, ირანი, სარგებლობდა ოსმალეთის სიძნელეებით. მიუხედავად იმისა, რომ სამზადისი დამთავრებული არ ჰქონდა, მურადმა 1633 წლის ოქტომბერში ლაშქარი სტამბოლიდან სკუტარში გადაიყვანა².

საქართველოს და ამიერკავკასიის წინააღმდეგ ამხედრებულ ოსმალეთის თავის სასარგებლოდ გამოყენებას აპირებდა თეიმურაზი. მან სულთანს გაუგზავნა ელჩი, დაუთხანა³, რომელიც სკუტარში გადმოსულ დიდგვირთან მივიდა 1633 წ. ოქტომბერში⁴.

ახლაც, 1633 წელს, ოსმალეთი ჩქარობდა მხოლოდ იმიტომ, რომ ირანი მას ეცილებოდა, და არა იმის გამო, რომ თეიმურაზი მისგან დახმარებას ითხოვდა. ამას ისიც მოწმობს, რომ ოსმალეთის ლაშქარი დაიძრა მანამ, ვიდრე თეიმურაზის ელჩი სტამბოლში ჩავიდოდა.

მაგრამ ეს ლაშქრობა მეტად ნაადრევი გამოდგა. მურადმა, რომელიც მცირე აზიაში იმყოფებოდა, ვალიდესაგან⁵ ცნობა მიიღო, რომ მის წინააღმდეგ შეთქმულება მზადდებოდა. მურადი სასწრაფოდ გადავიდა სტამბოლში და მოაკვლევინა მუფთი⁶, რომელიც შეთქმულების მოთავე აღმოჩნდა. რაც შეეხება სკუტარში გადასულ დიდგვირს, მან ლაშქარი ატარა მხოლოდ ალექსანდრე და იქ დაიხამთრა⁷.

بوسالده شاه عجم كورجستان اوزرينه عسكر كوندروب و اردقه¹
 طهمورث مقاومت ايده ميوب بر طرفه چكلى كتدى لشكر سرخ سر عموم
 اوزره كورجستانه مستولى اولوب خلقى اطاعت ايتديلر بعده دونوب تبريزده درنگ
 ايدوب وان اوزرينه كل مك تدار كنده اولدوغى در دولته عرض اولنداده
 (ნაიმას ისტორია, ტ. III, გვ. 146). თეიმურაზი რუსეთის მეფისადმი გაგზავნილ წერილში წერს, რომ ირანელები საქართველოს შემოესივნენ ზამთარში („В те поры прешя было зимнее“. М. Полиевктов. Материалы..., გვ. 116). ნაიმას მიხედვით შემოსევა მომხდარა 1632 წლის 19 ივლისის შემდეგ, ვინაიდან 1042 წელი ამ დღეს დაიწყო. ამ ორი ცნობის შედარებით ჩანს, რომ ირანელების შემოსევა უნდა მომხდარიყო 1632 წლის მიწურულს ან 1633 წლის დასაწყისში, ე. ი. 1632—33 წლების ზამთარში.

² ნაიმას ისტორია, ტ. III, გვ. 174—175.

³ М. Полиевктов. Материалы..., გვ. 116.

⁴ ნაიმას ისტორია, ტ. III, გვ. 175.

⁵ ასე ეწოდებოდა სულთნის დედას ოსმალეთში.

⁶ ნაიმას ისტორია, ტ. III, გვ. 191—196.

⁷ იქვე, გვ. 180—181.

1634 წლის 2 ივნისს (1043 წლის 5 ზილყიჯე) მიღებული იქნა მეტად სერიოზული შინაარსის ცნობა, რომელიც საქართველოს ეხებოდა. ეს იყო ქართლის მეფის, როსტომ-ხანის და დადიანის შეხვედრის ამბავი. ნაიმა მოგვითხრობს, რომ როსტომ-ხანმა (ხოსრო-მირზა) ცოლად შეირთო დადიანის ქალიშვილი¹; რომ თეიმურაზი იმერეთიდანაც გადაიხვეწა, ხოლო ხოსრო-მირზა, დადიანისა და გურიელის დახმარებით, 30000 ყიზილბაშით აპირებს შავი ზღვის ნაპირზე გაქრას, გონიოს და ტირებოლუს მიმართულებით².

ნაიმას ცნობიდან ირკვევა, რომ ქართლის მეფისა და სამეგრელოს მთავრის დამოყვრება ოსმალეთში მიაჩნდათ მის წინააღმდეგ მიმართულ პოლიტიკურ აქტად. ანგარიშგასაწევი იყო აგრეთვე ყაზახების გააქტიურება შავ ზღვაზე. აღნიშნული ფაქტები სტამბოლში ანტიოსმალური კოალიციის შექმნის ექვემდებარებულა. მართალია, ირანის უახლოესი მიზანი ამ დროს იყო არა შავ ზღვაზე გაქრა (თუმცა ასეთი განზრახვაც არ ჩანდა გამორიცხული), არამედ დადიანისათვის იმერეთის სამეფოს წინააღმდეგ დახმარების გაწევა³, მაგრამ კაკას ხიდთან შემდგარი პაემანი ოსმალეთში გაიგეს შაჰის ჩარევად დას. საქართველოს („სულთნის სამფლობელოს“) საქმეებში.

მაგრამ 1634 წლის მეორე ნახევარში ოსმალეთი იძულებული იყო (აღმ. ევროპის ამბებისა და ალეპოში ჯარების ამბოხების გამო) სანაპირო ფაშებისათვის მიენდო „აზრუუმის მხარის დაცვა“⁴. აღმოსავლეთში დიდი ლაშქრობისათვის ოსმალეთმა მხოლოდ 1635 წ. მოიცალა.

1635 წლის დამდეგისათვის მურად IV-ს დამთავრებული ჰქონია საომარი სამზადისი. ოსმალეთის ჯარები სტამბოლიდან დაიძრნენ 1635 წლის 21 თებერვალს (1044 წ. 4 რამაზანი)⁵. ლაშქრობის მიზანი გარკვეული იყო: „(მურადი) პირადად გაუძღვა დიდ ლაშქარს, რათა ის ეე დაეკავებინა კავკასია, აღმოსავლეთის ვილაიეთები და ერაყი, რომლებიც ირანის ხელში იყო გადასული“⁶. ააღაც ოსმალეთის მიზანი იყო 1590 წლის ზავის აღდგენა.

აღმოსავლეთის ქვეყნების დასაპყრობად მიმავალი სულთანი და ლაშქარი საზეიმო ვითარებაში გააცილა სტამბოლის მთელმა მოსახლეობამ. მურადს ლაშქრობაში თან მიჰყავდა სახელმწიფოს მთელი დივანი⁷. ოსმალეთში სახელმწიფოს ორგანიზატორული როლი, განსაკუთრებით თავს იჩენდა საგარეო დაპყრობითი ომების მომზადებისა და ჩატარების საქმეში. ამ დროს იზრდებოდა სულთნის ავტორიტეტი საზოგადოებაში.

¹ ნაიმას ისტორია, ტ. III, გვ. 217. ნაიმა შეეცდომით აახელებს დადიანის დას მარიამს.

² იქვე.

³ იხ. გრიგოლია. ილორის წმ. გიორგის ხატის წარწერა, ენიშის მოამბე, ტ. XIII, 1942, გვ. 154.

⁴ ნაიმას ისტორია, ტ. III, გვ. 217.

⁵ იქვე, გვ. 237.

⁶ „... İranlılar eline geçen Kafkasya ve Şark vilayetlerinin ve Irakın istirdadına, ihtiyük bir ordu başında bizzat yürüdü“ (Tarih, III, İstanbul, 1932, გვ. 129).

⁷ ნაიმას ისტორია, ტ. III, გვ. 237.

მურადმა მთელი ანატოლია გაიარა დაახლოებით ხუთ თვეში. ის მტკიცე ხელით სჯიდა ოდნავ წესრიგის დარღვევას ჯარისკაცების მხრივ. ჩვეულებისამებრ მას ყველა ქალაქში უხდებოდა გამდგარი მოხელეების ან მუდამ დაუმორჩილებელი თურქმანული ტომების მეთაურთა სიკვდილით დასჯა¹.

1635 წლის ივლისის დასაწყისში ოსმალეთის მთელი ფეოდალური ლაშქარი და რეგულარული ჯარი არზრუმთან იყო. XVI საუკუნის უკანასკნელი მეოთხედის შემდეგ საქართველოს საზღვრებთან აღარ ყოფილა ოსმალეთის ესოდენ მრავალრიცხოვანი და ორგანიზებული ლაშქარი.

აქ ყველა ჯარისკაცმა საჩუქარი მიიღო². არზრუმიდან მურადი გაემართა ყარსისაკენ, სადაც მივიდა 1635 წლის 17/VII (1 სათარი—1045)³. ყარსთან მურადს შეუერთდა ჩილდირის ბეგლარბეგი საფარ-ფაშა, რომელმაც მონაწილეობა მიიღო ერევნის ბრძოლაში⁴. აქვე ოსმალეთის სულთანს „ნიერთვა გურიის ქვეყნების საჩუქრები და ხარაჯა“⁵.

ერევნისათვის ბრძოლა, რომელსაც მურადი პირადად ხელმძღვანელობდა⁶, დაიწყო ივლისის მიწურულს. ერთი კვირის შემდეგ ქალაქის დამცველთა წინააღმდეგობა გატეხილი იქნა და 1635 წლის 8 აგვისტოს ერევანი ოსმალთ დანებდა⁷. ერევნის აღებამ და იქ შექმნილმა ნადავლმა დიდი ავტორიტეტი მოუპოვა მურადს. ის ლაშქარს მოაგონებდა მეჭმედ ფათიჰს, სელიმ იაფუხსა და სულეიმან კანუნის, რომლებიც ცნობილი იყვნენ, როგორც დიდი დამპყრობელი სულთნები.

მურადმა სათანადოდ გამოიყენა თავისი მდგომარეობა. მან სტამბოლს შეატყობინა ერევნის აღების ამბავი და საიდუმლოდ ბრძანა, რომ იქ...დაებოცათ მისი ძმები⁸. სულთნები უფლისწულების დახოცვის უფლებას იყენებდნენ მაშინ, როდესაც მტკიცე მდგომარეობა ჰქონდათ.

ერევნის დაკავების შემდეგ მურადი ანისისაკენ გაემართა, აიღო ის და აზერბაიჯანში შევიდა. მთელი მხარე, სადაც ოსმალეთის ლაშქარმა გაიარა ნაცარტუტად იქცა. ამ ლაშქრობის დროს ოსმალთა ფეოდალთა ბარბაროსობამ ყოველგვარ მოლოდინს გადააჭარბა. ოსმალები თავრიზში სამი დღე გაჩერდნენ, დააქციეს მთელი ქალაქი და დიდი ალაფით უკან გაბრუნდნენ⁹. ოსმალეთის ლაშქარმა ისე დაარბია სომხეთი და აზერბაიჯანი, რომ იქ

¹ ნაიმას ისტორია, ტ. III, გვ. 237—252.

² იქვე.

³ იქვე, გვ. 253.

⁴ იქვე, გვ. 255.

⁵ იქვე, გვ. 253.

⁶ თეიმურაზი რუსეთის მეფისადმი გაგზავნილ წერილში ამბობს, რომ 80 წელია, რაც სულთანს პირადად აღარ ულაშქრნია ყიზილბაშის წინააღმდეგ („...а тому уж столько 80 лет, что салтан ва Кизилбашин не хаживал“, М. Полневков, გვ. 109), მართლაც უკანასკნელად აღმოსავლეთში სულეიმან კანუნიმ ილაშქრა 1554 წელს. 1555 წელს ირან-ოსმალეთს შორის ხავი დაიდო. ამის შემდეგ 1635 წლამდე, ე. ი. 80 წლის განმავლობაში, სულთნებს ლაშქრობაში მონაწილეობა არ მიუღიათ.

⁷ ნაიმას ისტორია, ტ. III, გვ. 260.

⁸ იქვე, გვ. 283—284.

⁹ ფეჩვის ისტორია, ტ. II, გვ. 439.

დიდხანს გაჩერება შეუძლებელი იყო. იმავე დროს ახლოვდებოდა ზამთარი, რაც კიდევ უფრო აძნელებდა აობრებული ქვეყნის შენარჩუნებას. ოსმალები დიდი ნადავლით გავიდნენ აზერბაიჯანიდან და გაბრუნდნენ ერევნისაკენ.

ამ ლაშქრობის დროს მურადმა გადასწყვიტა სამცხის საკითხიც. ერევნის აღების შემდეგ (1635 წ. 8/VIII), ვიდრე თავრიზისკენ გაემართებოდა, მან ჯარის ერთი ნაწილი გამოჰყო ახალციხეზე სალაშქროდ. ამის შესახებ ფეჩევი წერს: „მას შემდეგ, რაც ერევნის ციხე მომარაგებული იქნა, ხოლო ახალციხისაკენ წასასვლელად დანიშნულ ლაშქარს მიეცა ყოველივე რაც საჭიროა, ბედნიერება მოსიღმა (სულთანმა) სასწრაფოდ ინება თავრიზისაკენ გალაშქრება“¹.

როგორც ვხედავთ, ახალციხისაკენ ლაშქრის გაგზავნა მოხდა თავრიზისაკენ გალაშქრებამდე².

ახალციხის დაპყრობა ევალეზოდა ვეზირ ქენან-ფაშას. ოსმალთა მიერ ახალციხის აღების შესახებ ცნობები მოკოვებოდა ფეჩევისაც და ნაიშასაც.

ნაიშას ცნობაში ნათქვამია: „ერევნის ლაშქრობიდან დაბრუნებისას ვეზირ ქენან-ფაშას მიეცა თოთხმეტი ჩორბაჯი (იანიჩართა ოფიცრებია—გ. ჩ.), რამდენიმე ბეგლარბეგი და მოლაშქრეთაგან ერთი ბოლუქი. ერევანში სამი ოთხი დღის ყოფნის შემდეგ დაინიშნენ ახალციხის დასაპყრობად. ისინი გაემართნენ იქით და ოცდასამდღიანი გარემოცვის შემდეგ (ახალციხეში) მყოფ ყიზილბაშებს შენდობა აღუთქვეს და ციხე აიღეს. (ახალციხის) მხარეებში კიდევ ხუთი ექვსი პატარა ციხე დაიმორჩილეს, ლაშქარი ჩააყენეს და აზნაქიმში მის ფადინაჰურ უდიდებულესობას შეხვდნენ“³.

საქართველოს, სომეხთა და აზერბაიჯანში ლაშქრობის შემდეგ მურადი დიარბექირისაკენ გაემართა, ხოლო იქიდან კი სტამბოლისაკენ. როდესაც სატასტროსკენ ბრუნდებოდა, სომხეთის ტერიტორიაზე, ქენან-ფაშასაგან მას მიუვიდა ცნობა ახალციხის დაპყრობის შესახებ.

¹ ფეჩევის ისტორია, ტ. II, გვ. 439.

² დოც. ს. ჯიქია, რომელზეც თარგმანა ფეჩევის ისტორიის ის ადგილი, სადაც ლაპარაკია ახალციხის აღებაზე, შენიშვნაში წერს: „ზემოთ მოთხრობილია ერევნის, თავრიზისა და ანის დაპყრობათა შესახებ, რომელიც 1044 წელს ხდება. ეს ცნობაც (ახალციხის აღების შესახებ—გ. ჩ.) ამ თარიღს მოსდევს ჩვენი წყლთაღრიცხვით — 1634 წ. (ენიშის მოამბე, ტ. V—VI, 1942, გვ. 339) ფეჩევის ცნობიდან, როგორც ვნახეთ, ჩანს, რომ ეს ამბავი ანისა და თავრიზის აღებამდე მოხდა. გარდა ამისა, ეს ამბავი ხდება არა 1634, არამედ 1635 წლის შემოდგომაზე, ოქტომბრის თვეში. 1634 წელს მურადს არც ულაშქრნია აღმოსავლეთში. ის სტამბოლიდან გამოვიდა 1044 წლის 1 რამაზანს (1635 წლის 18/III)—ფეჩევის მიხედვით (იხ. ტ. II, გვ. 430). ნაიშას მიხედვით კი—1044 წლის 4 რამაზანს (1635 წ. 21/III) იხ. ნაიშა, III, გვ. 237.“

³ سفر رواندن عودت اولندقده وزير كنعان پاشايه اون درت
چورباچي و برقاچ بکريکي و صنوف عسکردن بر بلوک قوشلوب روانده اوچ
درت کون اوتراقدنصکره آخسه فتحنه مأمور اولمشیدی اول دخی واروب
یکرمی اوچ کون محاصره دن صکره ایچنده اولان قزلباشلره امان ووروب
قلعه یی الدیلر اطرافنده بش التی پاره خرده قلعه لر دخی تسخیر
اولندقدنصکره عسکر قویوب دونوب از نکمیده پادشاه خضرترینه یتشوب
(ნაიშას ისტორია, ტ. III, გვ. 283).

ირან-ოსმალეთის ომმა, რომელიც ახალი ძალით განახლდა 1635 წელს, როგორც ვნახეთ, მოიცვა საქართველოს, სომხეთის, აზერბაიჯანის და ქურთისტანის ტერიტორია.

ამრიგად, ახლაც ირან-ოსმალეთის ომის ასპარეზს წირითადად ამიერკავკასიის ქვეყნები წარმოადგენდნენ. ეს ომიც, ისევე როგორც ირან-ოსმალეთის წინა ომები, სპობდა და ანადგურებდა სამიწათმოქმედო მეურნეობას, ნატარტუტად აქცევდა სოფლებსა და ქალაქებს, ფიზიკური მოსპობით ემუქრებოდა ამიერკავკასიის ხალხებს, რომლებიც მეტად მძიმე პირობებში კვლავინდებურად განაგრძობდნენ თავისუფლებისა და დამოუკიდებლობისათვის ბრძოლას. მათთვის თანაბრად მიუღებელი იყო ირანიც და ოსმალეთიც. აღსანიშნავია, რომ სწორედ ამ დროს ქართველებმა, თეიმურაზ მეფის მეთაურობით, სცადეს რუსეთთან კიდევ უფრო დაახლოება¹ და მისი დახმარებით მახლობელი აღმოსავლეთის აგრესიული სახელმწიფოების წინააღმდეგ ბრძოლის გაძლიერება.

ირან-ოსმალეთის ამ ომშიც ორივე აგრესორი: ირანი და ოსმალეთი ერთმანეთს უპირატესად ამიერკავკასიის ქვეყნებს ეცილებოდნენ. თვითელი მათგანი ცდილობდა სომხეთის, აზერბაიჯანის და საქართველოს მტკიცედ დაპყრობას. მაგრამ წარმატებით ამის განხორციელებას დამპყრობლები ვერ ახერხებდნენ, რაც უპირველეს ყოვლისა, დამადურთა მედგარი წინააღმდეგობით აიხსნება. ამიტომ თვითელი მათგანი ცდილობდა აქ ყველაფერი მოესპო და გაენადგურებინა, მიწასთან გაესწორებინა სოფლები, დაექცია ციხეები და ქალაქები, აეყარა მოსახლეობა. ქვეყნების გაუჟაცრიელების პოლიტიკას ოსმალეთი განსაკუთრებული მონდომებით ამორციელებდა 1635 წლის ლაშქრობის დროს.

ამ ველურ ღონისძიებას ჩვეულებრივ ორივე აგრესორი ნიპართავდა ხოლმე. ამ საშუალებების მიზანი იყო ერთის მხრივ ადგილობრივი ხალხების წინააღმდეგობის გატეხვა, ხოლო მეორეს მხრივ ის, რომ ერთიმეორესთვის მოესპოთ ამ ქვეყნებში მტკიცედ ფეხის მოკიდების შესაძლებლობა. განსაკუთრებით გამანადგურებელი იყო ის ღონისძიებანი, რომლებსაც ოსმალეთი მიმართავდა 1635 წელს. ამ ომის უშუალო შედეგი იყო ამიერკავკასიის ქვეყნების მწარმოებელი კლასის მკვეთრად შემცირება, ირანის და ოსმალეთის მონათა ბაზრების ქართველი, აზერბაიჯანელი და სომეხი ტყვეებით გაკსება, მეურნეობის შემდგომი დაქვეითება-დაცემა.

ირანი ვერ ურიგდებოდა აბალციხისა და ერევნის დაკარგვას. ერევნის აღებით ოსმალეთი მას გზას უჭრიდა ამიერკავკასიის დანარჩენი ქვეყნებსაკენ, ხოლო ახალციხე (ამას კარგად ითვალისწინებდა ირანის ნთავრობა) გზას უხსნიდა ოსმალეთს დანარჩენი ქართული სამეფო-სამთავროებმამაკენ, რომელთა დაპყრობა-დამორჩილებას, როგორც ვნახეთ, თვითონ ირანი დაჟინებით ცდილობდა.

¹ М. Поляевков. Материалы. 83. 108—120

შაჰ-სეფი ყველაფერს აკეთებდა იმისათვის, რათა უკან დაებრუნებინა ოსმალთა მიერ ამიერკავკასიაში დაპყრობილი ქალაქები. შაჰმა შემოიყარა ირანის ლაშქარი და სცადა ერევნის აღება. იმავე დროს, ის ომში მონაწილეობას მოითხოვდა დანოკიდებული ქვეყნებისაგან, მათ შორის ქართლისაგანაც. მაგრამ ქართლის ვალი, როსტომი, ცოცხალ ძალას ვერ გაუგზავნიდა ირანს, რადგან ოსმალეთს ახალციხიდან შეეძლო შიდა ქართლში შემოქრა და თბილისისათვის უშუალო საფრთხის შექმნა. როგორც ჩანს, როსტომმაც გაითვალისწინა ეს გარემოება, ამიტომ ყიზილბაშებს (ერევნის ალყისათვის) თბილისიდან გაუგზავნეს მხოლოდ ორი ზარბაზანი¹.

გარდა ამისა, შაჰ-სეფი ფიქრობდა სამცხის უკან დაბრუნებასაც. ამ საქმეში კი განსაკუთრებული მნიშვნელობა ენიჭებოდა ქართლს, რომლის ლაშქარს ყველაზე ადვილად შეეძლო ახალციხის მიმართულებით გაჭრა.

1636 წლის გაზაფხულზე შაჰ-სეფიმ იერიში მიიტანა და აიღო ერევანი². ხოლო როსტომ-ხანმა სამცხისაკენ გაილაშქრა³. მაგრამ ვერ შეხსლო ახალციხის დაკავება. ეს იყო სამხედრო ძალით ახალციხის დაბრუნების უკანასკნელი ცდა. ამის შემდეგ ოსმალეთში სათანადო ღონისძიება იქნა მიღებული სამცხის შემოსამტკიცებლად. 1636 წლის ზაფხულში ოსმალებმა შეაკეთეს ახალციხის ციხე და შიგ ჩააყენეს დამატებითი ლაშქარი.

დასუსტებულ ირანს აღარ შეეძლო სამცხის უკან დაბრუნება, ხოლო ოსმალეთს — ერევნის კვლავ დაკავება და სამცხიდან შიდა ქართლში გაჭრა. ასეთ ვითარებაში შაჰმა სცადა დაკავშირებოდა ათაბეგების სახლის იმ წევრებს, რომლებიც უკმაყოფილონ იყვნენ ოსმალთა რენეგატი მოხელის, საფარ-ფაშას, პოლიტიკით და ბრძოლას განაგრძობდნენ დამპყრობელის წინააღმდეგ. სწორედ ამ დროს ირანის შაჰმა გადასწყვიტა თავის ვაჟზე დაქორწინებინა ათაბაგის ასული ელენე, რომელიც გაქცეული იყო სამცხიდან და თავს აფარებდა გურიის მალაქია კათალიკოზთან⁴. ათაბაგის ოჯახის დამოყვრებას ირანის შაჰის კართან მხარს უჭერდა დადიანი, რომლის დახმარებით შაჰმა შესძლო ელენეს წაყვანა საქართველოდან და მისი დაქორწინება თავის ვაჟზე. მაგრამ ამ პოლიტიკურ ქორწინებას არ მოჰყოლია სასურველი შედეგები. სამცხე ისევ ოსმალთა მფლობელობაში დარჩა.

1638 წლის გაზაფხულზე მურადი ბაღდადისაკენ გაემართა. მან იცოდა, რომ ირანი ისარგებლებდა ოსმალეთის ლაშქრის გრავში წასვლით და შეეცდებოდა სამცხის დაკავებას. ამიტომ სულთანმა დროზე დაიჭირა თადარიგი, რათა მომზადებული შეხვედროდა შაჰის შესაძლო შეტევას ახალციხისაკენ. მან ერაყს სალაშქროდ არ წაიყვანა საქართველოსა და სომხეთის სანაპირო საფარვების ფეოდალური ლაშქარი. პირიქით, მურადმა გადაღიერა ისინი იმით, რომ აქ დასტოვა ყირიმის სახანოს ლაშქრის მნიშვნელოვანი ნაწილი, რომელიც ამ დროს გადმოიყვანეს ანატოლიაში; ვეზირი ქენან-ფაშა,

¹ ნაიშის ისტორია, ტ. III, გვ. 280.

² იქვე, გვ. 282—283.

³ გორგიჯანიძის ისტორია, გვ. 37.

⁴ მ. თამარაშვილი. ისტორია კათოლიკეების ქართველთა შორის, გვ. 161—162.

რომელმაც სამცხე დაიკავა 1635 წელს, არზრუმის ბეგლარბეგად დაინიშნა; მას, „ახალციხის მმართველ“ საფარ-ფაშასთან ერთად, ევალებოდა „მტრის ქვეყნების“¹ განუწყვეტელი რბევა.

ოსმალთა ფაშებმა შესარულეს მათზე დაკისრებული ამოცანა. 1638 წლის ზაფხულში ისინი შეიჭრნენ სომხეთში, სადაც დაამარცხეს ერეგნის ყიზილბაში გამგებელი ქელბ ალი-ხანი. ყიზილბაშთა მოკრიბილი თავები და ტყვეები ფაშებმა გაუგზავნეს მურადს,² რომელიც ბაღდადს უახლოვდებოდა.

ამრიგად, ამიერკავკასიის ქვეყნების რბევა, რომელიც 1635 წელს ახალი ძალით დაიწყო, გრძელდებოდა 1638 წელსაც. ოსმალეთი ასეთსავე მარბიელ ლაშქარს უსევდა ქურთისტანს. ამ ხანებში ოსმალებმა დაარბიეს ქ. შუპრიზორი³. ეს იყო ზემოთ დახასიათებული პოლიტიკის გატარება ცხოვრებაში, რომლის მიზანი იყო ქვეყნების გაუქაცრიელება, რათა მოპირდაპირე მხარეს (ამ შემთხვევაში ირანს) იქ ფეხი ვერ მოგვიდებინა.

1638 წლის 13 ნოემბერს (1048 წლის 8 რეჯები) ოსმალეთის ლაშქარი ბაღდადს მიაღწა. მთელი მანძილი—სტამბოლიდან ვიდრე ბაღდადამდე მან გაიარა 197 დღეში, ისე რომ დაიბანაკა 66-ჯერ. ახლა ირან-ოსმალეთის ომი გაჩაღდა მთელ სივრცეზე—კავკასიიდან ბაღდადამდე.

ბაღდადისათვის ბრძოლა მეტად სასტიკ ხასიათს ატარებდა. ეს იყო ოსმალეთისა და სეფიანთა ირანის უკანასკნელი დიდი შეტაკება. საუკუნოვანი ომებით სისხლისაგან დაკლილმა ორმა მოძალადემ უკანასკნელად ბაღდადის კედლებზე გამოსცადა დასუსტებული ძალები. ბრძოლაში უშუალოდ (რიგითი ჯარისკაცის ტანსაცმელში) მონაწილეობდა მურადი, რომელიც თავის წინაპრების წაბაძვით ფიქრობდა, რომ ოსმალეთს დაუბრუნებდა ოდინდელ „ბრწყინვალე ხანას“. დიდი ბრძოლების შემდეგ, რომელთა მსველელობაში მოკლული იქნა ოსმალეთის დიდგვირი, ბაღდადი აღებული იქნა (1638 წლის დეკემბერი)⁴.

ამის შემდეგ მურადი სტამბოლისაკენ გაბრუნდა, ხოლო ახალ დიდგვირს, მუსტაფა-ფაშას, დაავალა დაეკავებინა ის ტერიტორიაც, რომელიც ოსმალეთმა ირანს დაუთმო 1619 წლის ზავით.

1619 წელს, როგორც ვნახეთ, ოსმალეთმა ირანს გადასცა ღერნეს და ღერთენგის სანჯაყები (ბაღდადის მხარეში) იმისათვის, რომ ირანს დაეთმო სამცხე. ახლა, როცა სამცხე დაკავებული იყო, ოსმალეთი ფიქრობდა სხვა მხარეების უკან დაბრუნებასაც. როგორც ვხედავთ, ოსმალეთი 1619 წელს ისევე „სთმობდა“ ღერნესა და ღერთენგის სანჯაყებს, როგორც ირანი—სამცხეს.

ირან-ოსმალეთის ასწლოვანი ომების შედეგი იყო მეზობელი ქვეყნების (ომების ასპარეზის), პირველ რიგში ამიერკავკასიის, მიწისმოქმედი მეურნეობის განადგურება. რაც ღრო გადიოდა, დამპყრობელთა მიერ განადგურებუ-

¹ მ. თამარაშვილი. ისტორია კათოლიკობისა ქართველთა შორის, გვ. 362.

² იქვე.

³ იქვე.

⁴ იქვე, გვ. 371.

ლი ქვეყნები სულ უფრო ნაკლებ შემოსავალს იძლეოდნენ, ხოლო ზოგიერთი მათგანის გაპარტახებამ ისეთ მასშტაბებს მიაღწია, რომ თვითონ დამპყრობლებიც უარს ამბობდნენ იქ გაჩერებაზე. თანამედროვე იტალიელი დამკვირვებლის ქვემოთ მოტანილი ცნობიდან ჩანს, რომ ოსმალთა ფეოდალები უარს ამბობდნენ მიეღოთ ირანის საზღვრებთან მდებარე მიწები, რადგან ისინი სავსებით გამოუსადეგარი იყვნენ მეურნეობისათვის. იტალიელი დამკვირვებელი შემდეგს გვაუწყებს: „შეიძლება დანამდვილებით ითქვას, რომ სპარსეთის საზღვრები სულთნისათვის არის ის, რაც ფლანდრია—ესპანეთის მეფისათვის, ხოლო კრეტა—ვენეციელებისათვის. იქ ღიღია ხარჯები, შემოსავალი კი—მცირე. ამ პირობებში თურქებს დაემართათ ის, რაც არ შემთხვევით სხვა დაპყრობითი [ომის] დროს. შეუძლებელი აღმოჩნდა [მიწაზე] თიშარის მფლობელებისა და ვასალების დამკვიდრება, რომლებსაც ქვეყნის დასაცავად უნდა გამოეყვანათ ჯარის ნაწილები და შეეგროვებინათ ლაშქარი სულთნის არმიისათვის. ქვეყანა გაუკატრივდა, აღამიანთა უდიდესი ნაწილი ტყეებში გაიქცა, ხოლო დანარჩენმა [ნაწილმა] თავი შეაფარა სპარსეთის მეფის ქალაქებს. თურქმა მხედრებმა არ ინდომეს/ მიეღოთ თიშარები, რომლებიც მათ ვერ მოუტანდა სარგებლობას. ისინი იქ ვერ იშოვნდნენ პროდუქტს, რათა გაეზარდათ იმდენი ცხენი, რომ მათგან არნიის ცხენოსანი ჯარის რიცხვის გასადიდებლად მიეწოდებინათ განსაზღვრული რაოდენობა, რაც დაწესებული იყო ყველა ახალი თიშარის მფლობელისათვის. დაპყრობილი ქვეყნები არ იძლეოდნენ არაფერს ვადასახადებს; ამიტომ, მურადი იძულებული იყო თავისი ხაზინიდან ეძლია ჯამაგირი მრავალრიცხოვანი გარნიზონებისათვის, რომელთა შენახვა საჭირო იყო დაპყრობილ ქვეყანაში, ძლიერი და საშიში სარწმუნოების მტრის საზღვრებზე“¹.

1635 წელს გაჩაღებულმა ომმა ოსმალთა ფეოდალებს ვერ მოუტანა დიდი სარგებლობა. მათ ვერ დაიპყრეს (გარდა სამცხისა) ამიერკავკასიის ქვეყნები, რომელთა ძარცვას, მათი აზრით, უნდა გამოეწორობინა ოსმალეთის გაბატონებული კლასის ეკონომიური მდგომარეობა: ამ ომმა, შენიშნავს ლავალე, მურადს მოუპოვა დიდი სახელი, სარგებლობა კი უმნიშვნელო². ხაზინის მდგომარეობა არც ამ ომის შემდეგ გამოსწორებულა. სულთანის იძულებული იყო რეგულარული ჯარი ჩაეყენებინა სანაპირო ადგილებში, სადაც არ ჩერდებოდნენ ოსმალთა ფეოდალები, რომელთა არსებობა დამოკიდებული იყო დაპყრობილი ქვეყნის უშუალო მწარმოებელთა ექსპლოატაციაზე. ფეოდალების (სიფაჰიების) მაგიერ ჩაყენებული რეგულარული ჯარის გარნიზონები კი, როგორც დამოწმებულ ცნობაში ვნახეთ, სახელმწიფო ხაზინას უნდა შეენახა. მაშასადამე, ამ ომმა, რომელზეც მურად IV დიდ იმედებს ამყარებდა, ვერ გამოიყვანა ოსმალეთის გაბატონებული კლასის ჩიხიდან და ვერ აანაზღაურა გაწეული ხარჯები. პირიქით, ომმა კიდევ უფრო გაზარდა ხაზინის გასავალი. ოსმალეთის გაბატონებული კლასი ისევ თავისი ქვეყნის განადგურებულ სოფლის მეურნეობაზე და ადრე დაპყრობილ ქვეყნებზე რჩე-

¹ Lavallée. Histoire de la Turquie, I, livre III, Leipzig 1859, გვ. 65.

² იქვე.

ბოდა დამოკიდებული. ოსმალეთის სამაედრო-ლენური სისტემის კრიზისი ამის შემდეგ კიდევ უფრო ღრმავდება. ოსმალეთი საბოლოოდ დაადგა დაცემა-დაქვეითების გზას.

ომმა მძიმე მდგომარეობა შეუქმნა აგრეთვე სეფიანთა სახელმწიფოს, რომლის დაქვეითების ნიშნებმა თავი იჩინა ჯერ კიდევ შაჰ-აბას I-ის სი-ცოცხლეში. შაჰ-სეფი, ისევე როგორც მურად IV, მზად იყო ზავი დაედო. მეომარ მხარეთა მოლაპარაკების საფუძველი გახდა ის, რომ ოსმალეთი უარს ამბობდა ერევანზე, ხოლო ირანი სამცხესა და ბაღდაღზე. ეს პირობა ახლა საესებით შეესაბამებოდა ფაქტიურ მდგომარეობას.

საზავო მოლაპარაკების დროს, რომელიც ლუარისტანში წარმოებდა, შაჰის წარმომადგენელმა მეჰმედ-ყულიმ მოითხოვა, რომ ყარსი ან ირანს გადასცემოდა ან გაუკაცრიელებულიყო, როგორც ამას ითვალისწინებდა „სულთან სულეიმანის დროს“ დაზღებული ზავი¹ (ე. ი. 1555 წლის ზავი), მაგრამ ოსმალეთმა უარყო ირანის შაჰის პრეტენზია და არ დასთმო ყარსი, რომელიც თავის ადმინისტრაციულ ერთეულად ჰქონდა გადაქცეული. ამის შემდეგ შაჰმა დიდფეზირ მუსტაფა-ფაშასთან მოლაპარაკება დაავალა ახალ ელჩს, სარუ-ხანს.

ოსმალეთის დიდფეზირი და შაჰის ელჩი ერთმანეთს შეხედნენ 1639 წლის 14 მაისს (1049—11 მუჰარემი)². მათი მოლაპარაკება, დამთავრდა 17 მაისს (14 მუჰარემი). ამ დღეს, ნაშუადღევს ოთხ საათზე, დათქმული იქნა ირან-ოსმალეთის საზავო ხელშეკრულების ძირითადი პირობები (عہد نامہ 1639)³.

მოლაპარაკება მიმდინარეობდა სოფ. ზოჰაბში, კასრა-ი შირინის მახლობლად. ამიტომ ირან-ოსმალეთის 1639 წლის საზავო ხელშეკრულებას უწოდებენ ზოჰაბის ზავს⁴. ლიტერატურაში მას ეწოდება კასრა-ი შირინის საზავო ხელშეკრულებაც⁵. მ. ივანოვი ირან-ოსმალეთის 1639 წლის ზავის დადების ადგილად რატომღაც ასახელებს კონსტანტინოპოლს⁶. უნდა აღვნიშნოთ, რომ ამ პუნქტზე არ მიუთითებს არც ერთი დოკუმენტური და ნარატიული წყარო.

1639 წლის ზავით დასრულდა ომები, რომლებსაც ირანი და ოსმალეთი აწარმოებდნენ XVI—XVII საუკუნეებში. ამ ომების დროს ორივე სახელმწიფო მიზნად ისახავდა მეზობელი ქვეყნების დაპყრობას. ზოჰაბის ზავი შეეხო ყველა ქვეყანას, რომლებიც ამ ომების ასპარეზს წარმოადგენდნენ.

1639 წლის ზავმა საზღვარი გააელო იმ ქვეყნებზე, რომლებიც ამ დროს დაპყრობილი იყო ირანისა და ოსმალეთის მიერ. ხოლო ის ქვეყნები, რომლებიც ისევ დასაპყრობი რჩებოდა, გაელენის სფეროებად განაწილდა.

¹ ი ქ ვ ე, გვ. 395.

² ი ქ ვ ე, გვ. 429.

³ ი ქ ვ ე, გვ. 430.

⁴ В. М я н о р с к и й. Древности Маку, Восточный сборник, II, Издательство общества Русских ориенталистов, 1916. გვ. 61.

⁵ Tarih, c. III, İstanbul, 116—119, 1933, შდრ. А. Ф. М и л л е р. Краткая история Турции, гв. 268.

⁶ М. С И в а н о в. Очерк истории Ирана, гв. 76.

დაპყრობილ ქვეყნებში ირან-ოსმალეთის საზღვარს. შემდეგ პუნქტებზე უნდა გაეგლო: „ბაღდადისა და აზერბაიჯანის ქვეყნებში,—ნათქვამია ხელშეკრულებაში,—ჯესანედ და ბაღდად წოდებული ადგილები განეკუთვნის ჩვენს უაგუსტოეს მხარეს (იგულისხმება სულთანი—ვ. ჩ.); რაც შეეხება მიღწევის დაბასა და დერთენგს, რომელთა საზღვრად წესდება სერმილად სახელდებული ადგილის მიჯნა, [ისინი] მათ შორის მდებარე ველებითურთ ჩვენი იყოს; მასთან მდებარე მთა მეორე მხარეს დარჩეს, ხოლო დერნე და დერთენგი საზღვრად დაწესდეს და ჩვენ მხარეს მიეკუთვნოს. ჯაკის ტომებიდან: ზიად-დინის და პარუნის ტომები ჩვენი პატიოსანი მხარისა იყოს; ბირეს და ზარდულისა—მეორე მხარეს განეკუთვნოს; მთაზე მდებარე ზინჯირის ციხე მოთხრილი იქნას. ხსენებული ციხის დასავლეთით მდებარე სოფლები ჩვენს უდიდებულესობას დარჩეს, აღმოსავლეთით მდებარე სოფლები კი—მეორე მხარეს. შეპრიზორის მახლობლად ზალიმის ციხის ზემოთ მდებარე მთის ის მიდამოები, რომლებიც ამ ციხეს გადმოჰყურებენ, დაკავებული იქნას ჩვენი უდიდებულესობის მიერ. ორმანის ციხე მისთვის დაქვემდებარებული სოფლებით მეორე მხარეს დარჩეს. შეპრიზორისათვის ჯილანი [და] ქედუქი მიჯნად დაწესდეს, ხოლო კიზილჯა მისთვის დაქვემდებარებული [ადგილებით] ჩვენ უაგუსტოეს მხარეზე იქნას მიწერილი. მეპრიზანი მისთვის დაქვემდებარებული (ადგილებით) მეორე მხარეს დარჩეს“¹.

ხელშეკრულებიდან მოტანილი ადგილი ეხება ირან-ოსმალეთს შორის იმ მიწების დანაწილებას, რომლებიც მდებარეობს „ბაღდადისა და აზერბაიჯანის მხარეებში“. აღსანიშნავია, რომ ზოპაბის ზავით, როგორც მოტანილი ადგილიდან ვნახეთ, ოსმალეთმა დაიბრუნა დერნე და დერთენგი, რომლებსაც ირანი ფლობდა 1619 წლიდან.

მაგრამ 1639 წლის ხელშეკრულება მხოლოდ ბაღდადისა და აზერბაიჯანის ქვეყნების დანაწილებას როდი ითვალისწინებდა. მასში გადაწყვეტილი იყო ოსმალეთის მიერ უფრო ადრე დაპყრობილი ქვეყნების საკითხიც. ეს აშკარაა ხელშეკრულების შემდეგი ადგილიდან: „ახალციხის, ყარსის, ვანის, შეპრიზორის, ბასრას და სხვა საზღვრების შიგნით არსებულ ციხეები, მხარეები, სანახები, მიწები, მინდვრები, უდაბნოები, გორაკები და მთები შეუვალი და დაუღალაშქრავი იყოს მეორე მხრიდან“².

ამრიგად, ირანს ხელი უნდა აეღო ოსმალეთის მიერ დაპყრობილ ქვეყნებზე. ზოპაბის ზავით ოსმალეთი ისაკუთრებდა მთელ დაპყრობილ ტერიტორიას სამცხიდან ვიდრე სპარსეთის ყურმდე. ამასვე ადასტურებს ნაიმას ისტორიაში დაცული ხელშეკრულების ვარიანტის სათანადო ადგილი, სადაც ნათქვამია: „შაჰის მხრიდან აბსოლუტურად არ უნდა იქნას ხელყოფილი და დაღალაშქრული ახალციხის, ყარსის, ვანის,

¹ ۳۱۰ ص ۲۴ ج 'استانبول' معاهدات 'مجموعه معاهدات'

² იქვე, გვ. 311.

შეპრიზორის, ბაღდადის, ბასრას და სხვა (საზღვრების) შიგნით არსებული ციხეები, მხარეები, სანახები, მიწები, მთები და გორაკები“¹.

ირანელი ისტორიკოსი, ჰეკმათი, რომელიც სარგებლობს ხელშეკრულების სპარსული ტექსტით, წერს: „ამ ხელშეკრულების მიხედვით ოსმალეთს დარჩა შემდეგი ქალაქები (აგრეთვე მათდამი დაქვემდებარებული ადგილები): ჩრდილოეთიდან სამხრეთისაკენ: „ახალციხე, ყარსი, ვანი, შეპრიზორი, ბაღდადი და ბასრა“².

როგორც ვხედავთ, 1639 წლის ხელშეკრულებით გაფორმებულია ირან-ოსმალეთის აგრესიის შედეგები საქართველოს, სომხეთის, აზერბაიჯანის, ქურთისტანისა და ერაყის მიმართ.

ახლა, როდესაც ჩვენთვის ცნობილია ირან-ოსმალეთის აგრესიის ნამდვილი შედეგები, რაც ასახულია 1639 წლის ზავში, შეუძლებელია გავიზაროთ ხელშეკრულების ის ანალიზი, რომელსაც ვხედგებით საბჭოურ ისტორიულ ლიტერატურაში.

ა. მილერის მიხედვით 1639 წლის ზავი ესაა „Каср-и Ширинский договор между Турцией и Ираном об определении границ в районе Азербайджана и Багдада (Багдад и Басра остались за Турцией)“³ მილერის მიხედვით ოსმალეთს მხოლოდ ბაღდადი და ბასრა დარჩა. ავტორისათვის, როგორც ჩანს, უცნობია 1639 წლის ხელშეკრულების ის პუნქტები, რომელთა მიხედვით ირანმა და ოსმალეთმა ერთმანეთში დაინაწილეს ამიერკავკასიის ქვეყნები და ქურთისტანი.

მ. ივანოვი უფრო ვრცლად გადმოსცემს ხელშეკრულების შინაარსს, მაგრამ ვერც ის იძლევა ამ შეთანხმების დამაკმაყოფილებელ ანალიზს. ავტორი წერს: „По Константинопольскому мирному договору, подписанному в 1639 г., Ереван и Азербайджан закреплялись Ираном, но Арабский Ирак с Багдадом так и остались в составе Турецкой империи. Таким образом, в 1639 г. шахский Иран и султанская Турция поделили между собой Армению. Иран захватил северо-восточную (так называемую восточную) Армению, а Турция — юго-западную часть её, обычно называемую Западной Арменией. Азербайджан также был захвачен Ираном“⁴.

اسخه و قارص و وان و شهرزور و بغداد و بصره نك سائر لری .
داخنده اولان قلاع و بقاع و نواحی و اراضی و جبال و تلاله شاه جانبندن
مداخله قطعا دخل و تعرض اولنمیه (ნაიშას ისტორია, ტ. III, გვ. 430).

² Aux termes de ce traité l'Empire Ottoman est en possession des villes suivantes (ainsi que de leur dependances): du Nord au Sud: „Akhsindja, Quars, Van, Chahri-zeur, Bagdad et Bassora“ (M a h a m m a d — A l i H e k m a t. Essai sur l'histoire des relations politiques irano-ottomanes de 1722 à 1747. Paris, 1937).

³ А. Ф. М и л л е р. Краткая история Турции, гл. 268.

⁴ М. С. И в а н о в. Очерк истории Ирана, гл. 76.

ავტორის მიხედვით ირანმა და ოსმალეთმა გაინაწილეს მხოლოდ. ერაყი, სომხეთი და აზერბაიჯანი.

ხელშეკრულების ასეთსავე არადამაკმაყოფილებელ კვალიფიკაციას ვხვდებით საზღვარგარეთული აღმოსავლეთის ქვეყნების ახალი ისტორიის სახელმძღვანელოში, რომელშიც ნათქვამია შემდეგი: „На западе длительные персидско-турецкие войны окончились миром 1639 г., оставившим за Персией Ереван и Азербайджан, а за султанской Турцией — Западную Армению, Багдад, Басру и Ирак“¹.

აქაც არათერია ნათქვამი იმის შესახებ, რომ ოსმალეთმა 1639 წელს დიპლომატიური გზით გაათორმა მთელი სამცხე-საათაბაგოს მიტაცება.

ეს საკითხი (სამცხე-საათაბაგოს დაპყრობა ოსმალეთის მიერ) უყურადღებოდ აქვს დატოვებული აგრეთვე ი. პეტრუშევსკის, რომელიც ასე ვაღმოსცემს 1639 წლის ხელშეკრულების შინაარსს: „По договору 1639 г. были вновь подтверждены границы, установленные севским договором 1612 г.“².

პეტრუშევსკის აზრით, 1639 წლის ზავმა ძალაში დასტოვა ის საზღვრები, რომლებიც დადგენილი იყო 1612 (=1555) წელს. გამოდის, რომ 1639 წლის ზავში ასახული არ ყოფილა საქართველოს ტერიტორიის დაპყრობა ოსმალეთის მიერ. ეს კი, როგორც ხელშეკრულებიდან ვიცით, სრულებით არ შეეფერება სინამდვილეს.

ზემოთ აღნიშნული ავტორები, როგორცა ჩანს, არ იცნობენ ხელშეკრულების ტექსტს და არც ნაიშანს ისტორიაში დატულ მის ვარიანტს. ამიტომ ისინი იძლევიან ამ აგრესიული ხელშეკრულების ისეთ კვალიფიკაციას, რაც მეტად არასრულად ხსნის მის შინაარსს. ყველა ავტორისათვის საერთო ის არის, რომ ისინი სრულებით არ იცნობენ ხელშეკრულების იმ პუნქტს, რომელიც ეხებოდა საქართველოს. მით უმეტეს, რომ „საქართველოს საკითხი“ ამ ხელშეკრულებაში არის მთავარი საკითხი. ეს არის ირან-ოსმალეთის პირველი საზავო ხელშეკრულება, რომელშიც ასახულია ოსმალეთის აგრესიის შედეგი საქართველოს მიმართ—მის მიერ სამცხე-საათაბაგოს დაპყრობა.

1639 წლის ზავი სწორედ სამცხე-საათაბაგოს შესახებ იმ პუნქტით განსხვავდება 1555 წლის ზავისაგან, რომელიც შუაზე, ვაგლენის სფეროებზე დაჰყოფდა მთელ საქართველოს და ცალკე სამცხე-საათაბაგოსაც. 1555—1639 წლებში ოსმალეთმა შესძლო მთელი სამცხე-საათაბაგოს დაპყრობა. ხოლო ირანმა 1639 წლის ზავით ხელი აიღო საქართველოს ამ სამთავროზე, რომელსაც ის თავის „ტრადიციულ“ სამფლობელოდ სთვლიდა.

საინტერესოა, რომ XVIII საუკუნის ქართველ ისტორიკოსს ვახუშტი ბატონიშვილს სწორად აქვს გაგებული ირან-ოსმალეთის 1639 წლის საზავო ხელშეკრულების მნიშვნელობა საქართველოსათვის. ისტორიკოსი ამბობს: „ხოლო მოვიდა ხონთქარი მურად და აღილო ერევანი ქს. ჩქლვ, ქრ. ტკდ, უკუნ

¹ Новая история стран зарубежного Востока, т. I, МГУ, 1952, гл. 78.

² И. П. Петрушевский. Азербайджан в XVI—XVII веках. Сборник..., гл. 279.

იქცა და წარვიდა: ზენდგომად ზავ-ჰყვეს მურად ხონთქარმან და შაჰ-სეფიმ დაშთა ხონთქარსა იმერეთი, საათაბაგო და ქურთისტანის ნაყევარი. ხოლო ყვენს დაშთა ერევანი, ქართლი, კახეთი და ქურთისტანის ნახე-ვარი“¹.

ცხადია, რომ ვახუშტი ლაპარაკობს 1639 წლის ზავის შესახებ. მისი სიტყვით სულთანმა და შაჰმა „ზავ-ჰყვეს“ მურადის მიერ ერევნის აღების შემდეგ, ე. ი. 1635 წლის შემდეგ. ავტორი ეხება ირან-ოსმალეთის მიერ და-ნაწილებულ ქვეყნებს და აღნიშნავს, რომ იმერეთი და საათაბაგო ხონთქარს ერგო. რაც სინამდვილეს შეეფერება. აღსანიშნავია, რომ ის, ქართული ქვეყნების გარდა, იხსენიებს სხვა ქვეყნებსაც, რომლებიც აგრეთვე ოსმალეთმა და ირანმა გაიყვეს. ვახუშტი სწორად შენიშნავს, რომ „ყვენს დაშთა ერევანი“, რომ შუაზე იქნა გაყოფილი ქურთისტანი. მართლაც, როგორც ვნახეთ, ოსმა-ლეთმა და ირანმა დაინაწილეს ქურთისტანი. მათ საზღვარს (ხელშეკრულების ტექსტის მიხედვით) უნდა გაეგლო ქ. შეპრიზორის დასავლეთით.

ვახუშტი ბაგრატიონს ზედმიწევნით აქვს გაგებული და შეფასებული ირან ოსმალეთის 1639 წლის ზავის საერთო შედეგები ნათი მეზობელი ქვეყნე-ბისათვის².

* * *

1639 წლის ზავში აისახა საქართველოს წინააღმდეგ მიმართული ოსმა-ლო და ყიზილბაში დამპყრობლების ასწლოვანი აგრესიის შედეგები. ოსმა-ლეთმა და ირანმა მხოლოდ ნაწილობრივ განახორციელეს საქართველოს დაპყრობა-დამორჩილების ის განზრახვა, რასაც გულისხმობდა ამასიის 1555 წლის საზავო ხელშეკრულება. ამ პერიოდში ოსმალეთმა შეძლო ფეოდალური საქართველოს ერთი პოლიტიკური ერთეულის, სამცხე-საათაბაგოს, დაპყრობა-ინკორპორაცია. ეს ფაქტი გაფორმებული იქნა 1639 წლის ზავით, რომლის მი-ხედვით ოსმალეთმა საბოლოოდ ააღებინა ხელი ირანს საქართველოს ამ ნა-წილზე. სამცხე-საათაბაგო ოსმალეთმა საბოლოოდ მოგლიჯა საქართველოს და XVII საუკუნის მეორე მეოთხედში ის აქცია თავის ადმინისტრაციულ ერთეულად. ამიერიდან დამპყრობელი განსაკუთრებულ მნიშვნელობას ანიჭებ-და ოსმალურ ყაიდაზე ორგანიზებულ ქართულ ქვეყანას. ახალციხის საფაშო იქცა საქართველოს წინააღმდეგ მიმართული ოსმალეთის აგრესიული პოლიტი-კის ინსტრუმენტად.

¹ ვახუშტი ბატონიშვილი. საქართველოს ცხოვრება, ტომი V, გვ. 72.

² პროფ. ვ. მინორსკი აღმოსავლური და ქართული წყაროების მიხედვით შეისწავლა სხვადასხვა საკითხები ირან-საქართველოს და ოსმალეთ-საქართველოს ურთიერთობის ისტო-რიიდან. კერძოდ, 1639 წლის ზავზე მის სწორ დაკვირვებას მოწმობს ის, რომ 1639 წლის ზავის შესასწავლად ერთ-ერთ წყაროდ ასახელებს ვახუშტის ისტორიის ზემოთ მოტანილ ადგილს (იხ. Enzyk lopaedie des Islam. Band IV, Leipzig, 1934, გვ. 822). მინორსკი ვახუშტის ისტორიას იცნობს ბროსესელის ფრანგული თარგმანით (Brosset. Histoire de la Géorgie, II, partie, გვ. 48.). ვახუშტის გარდა, 1639 წლის ზავის მეორე წყაროდ მინორსკი ასახელებს ნაიშას ისტორიას. იგი რაფერს ამბობს მხოლოდ ხელშეკრულების ტექსტის თურქული და სპარსული კუბლიკაციების შესახებ.

ოსმალეთი მთელ საქართველოს უპირებდა „გურჯისტანის“ ვილაიეთად გადაქცევას: ირანი კი მიზნად ისახავდა აღმოსავლეთ საქართველოს ინკორპორაციას, მის გადაქცევას მაჰმადიანურ სახანოდ. მაგრამ ეს მიზნები განუხორციელებელი დარჩა ორივე აგრესორს. ოსმალეთმა და ირანმა ვერ შესძლეს საქართველოს მთლიანად დაპყრობა.

საქართველოს სამეფო-სამთავროები ირან-ოსმალეთის 1639 წ. ხელშეკრულებით კვლავ გავლენის სფეროებად იქნენ განაწილებული.

ირან-ოსმალეთის 1639 წ. საზავო ხელშეკრულება აკანონებდა საქართველოს პოლიტიკურ დაშლილობას. ეს გარეშე მტრებს უადვილებდა ქართველი ხალხის წინააღმდეგ ბრძოლას. ირანი და ოსმალეთი დას. და აღმ. საქართველოს თავიანთ სამფლობელოებად სთვლიდნენ და ხელს უშლიდნენ ლიხთიმერეთისა და ლიხთიმერეთის მეფე-მთავართა, დაახლოებას. დას. და აღმ. საქართველოს პოლიტიკურ ურთიერთობას ირანი და ოსმალეთი უყურებდნენ როგორც მოპირდაპირე მხარის ყმების ჩარევას თავიანთი სამფლობელოს საშინაო საქმეებში და ამას 1639 წლის ზავის დარღვევად სთვლიდნენ. ამას მოწმობს შემდეგი ფაქტი. XVII ს-ის 60-ან წლებში ქართლის მეფემ, ვახტანგ V, იმერეთის ფეოდალთა ერთი ჯგუფის დახმარებით იმერეთის ტახტზე აიყვანა თავისი შვილი არჩილი. სულთანმა ვახტანგ V-ის მოქმედება შეაფასა ირანის აგრესიად თავის სამფლობელოს მიმართ. მან იმერეთში სალაშქროდ გაგზავნა ახალციხის, ყარსისა და არზრუმის ფაშები¹, რომლებსაც იქ სულთნის „უფლებმა“ უნდა აღედგინათ. ამას გარდა ოსმალეთის მთავრობამ ელჩი მიავლინა ისფაჰანს და, ზავის დარღვევის გამო, პროტესტი განუცხადა ირანის შაჰს. ამ უკანასკნელმა „...ბრძანა, რომ შაჰნავაზ-ხანმა (ვახტანგ V—გ. ჩ.) ხელი აიღოს ხსენებულ „ოლქზე“ და არჩილ-ხანი იმ ხალხთან ერთად, რომელიც იქ (იმერეთში—გ. ჩ.) ჰყავს დატოვებული, უკან გამოიწვიოს, და რადგანაც ის ქვეყანა ოსმალეთის დიდებული ხელმწიფის ხელქვეითი (არის) და ზავი და კეთილსათნობება ამ ორ მხარეს (ე. ი. ირანსა და ოსმალეთს) შორის მტკიცეა, ამიტომ გაუშვას ისინი და როგორც უნდათ ისე მოიქცენო. შაჰნავაზ ხანი ბრძანების შესაბამისად მოიქცა, ...“² ამრიგად, ოსმალეთმა, 1639 წ. ზავის პირობების გამოყენებით, არ დაუშვა ქართლის პოლიტიკური გავლენის გავრცელება დასავლეთ საქართველოზე.

ირან-ოსმალეთის 1639 წლის ზავი არ დარღვეულა 1723 წლამდე. XVIII ს-ის 20-ან წლებში ოსმალეთმა კიდევ ერთხელ სცადა საქართველოს გაერთიანება (მისი „გურჯისტანის ვილაიეთად“ გადაქცევა) და აღმოსავლეთ საქართველოდან ირანის განდევნა. მაგრამ ნადირ-შაჰმა კვლავ აღადგინა ირანის „უფლება“ აღმოსავლეთ საქართველოზე და 1746 წელს ისევ განახლდა 1639 წლის ხელშეკრულება.

¹ Brosset. Addition XI, გვ. 346.

² მოჰამედ თაჰერის ცნობები საქართველოს შესახებ. ტექსტი, თარგმანი და შენიშვნები გ. ფუთურჩიძისა, მასალები საქართველოსა და კავკასიის ისტორიისათვის, ნაკვ. 30, თბილისი, 1954, გვ. 403.

ამრიგად, ირან-ოსმალეთის შეთანხმება ყოველთვის საქართველოს გავლენის სფეროებად განაწილების პირობით ხერხდებოდა. 1639 წლის ხელშეკრულება ხელოვნურად აუარესებდა ქვეყნის საშინაო მდგომარეობას და აბრკოლებდა ქართველი ხალხის განვითარებას. ვიდრე ირან-ოსმალეთის შეთანხმება ძალაში რჩებოდა, საქართველოს პოლიტიკური გაერთიანება გამორიცხული იყო.

საქართველოს პროგრესულ ძალებს შინაგანი, ფეოდალური რეაქციის დამარცხება და მტრული მაჰმადიანური გარემოცვის გარღვევა მხოლოდ რუსეთის დახმარებით შეეძლო. საქართველოს რუსეთთან შეერთებით ოსმალეთისა და ირანის გავლენის სფეროებად განაწილებული საქართველო პოლიტიკურად გაერთიანდა და სამეურნეო-კულტურული განვითარების გზას დაადგა. რუსეთის დახმარებით ქართველი ხალხი ოსმალეთის მიერ 1639 წლის ხელშეკრულების „ძალით“ მიტაცებული სამცხე-საათაბაგოს „გამოხსნას“ შეუდგა.

1555 წლის ზავმა და მისმა საბოლოო ვარიანტმა 1639 წლის ხელშეკრულებამ მხოლოდ საქართველოს რუსეთთან შეერთების შემდეგ დაკარგა ძალა.

4. ფეოდალური ხაჰართავალოს საზოგადოებრივი კლასები და კლასობრივი ბრძოლა ირანის და ოსმალეთის ბატონობის პერიოდში

საქართველოს მტრული სახელმწიფოებით (ირანი, ოსმალეთი) გარემოცვა მკვეთრ გამოვლინებას პოულობდა შინაკლასობრივი და კლასობრივი ბრძოლის ხასიათსა და ფორმებში.

მტრულ გარემოცვას და მის უშუალო გამოვლინებას (უცხო ძალის მფლობელობა-ბატონობას) კლასობრივი თვალსაზრისით აფასებდა სხვადასხვა საზოგადოებრივი ფენი (ფეოდალები, ვაჭრები, ხელოსნები, გლეხები). თვითეული მათგანი არ ერიდებოდა „უცხო ძალის“ მოწვევას ან მასთან კავშირს, როცა საქმე საკუთარი კლასობრივი ინტერესების დაცვას და უზრუნველყოფას ეხებოდა¹.

კლასობრივი თვალსაზრისითვე ფასდებოდა პოლიტიკური ორიენტაციების საკითხი XVI—XVIII სს. საქართველოში.

ქართული ფეოდალური საზოგადოების პროგრესულ ნაწილს გეზი რუსეთთან ურთიერთობაზე ჰქონდა აღებული, რეაქციულს—ირანსა და ოსმალეთზე. რუსეთთან ურთიერთობის გაძლიერებას უჭერდა მხარს ყველა, ვინც კი დაინტერესებული იყო ქვეყნის პოლიტიკური გაერთიანებით, მისი ეკონომიური და კულტურული დაწინაურებით, ფეოდალური შინაომების, „ტყვის სყიდვის“ და „ლეკიანობის“ ლიკვიდაციით.

ირანს ან ოსმალეთს მხარს უჭერდა ყველა, ვისთვისაც მიუღებელი იყო ქვეყნის პოლიტიკური გაერთიანება, რასაც არ შეიძლებოდა დღის წესრიგში

¹ კლასობრივი და შინაკლასობრივი ბრძოლის გამოვლინება საქართველოს საგარეო-პოლიტიკურ ურთიერთობაში შესწავლილი აქვს ნ. ბერძენიშვილს. იხ. აკად. ივ. ჯავახიშვილის სახ. ისტორიის ინსტიტუტის შრომები, I. 1955, გვ. 155—186.

არ დაეყენებინა სამეფო-სამთავროების და სათავადოების სისტემის არსებობის საკითხი.

1555 წლის ირან-ოსმალეთის ზავმა დააქანონა საქართველოს პოლიტიკური დაშლილობა. მისი დარღვევა ამიერიდან გადაულახველ წინააღმდეგობას აწყდებოდა. ანდენადვე ირანიც და ოსმალეთიც სათავადოების სისტემის და თავადების ბუნებრივ მოკავშირედ გამოდიოდა.

შემთხვევით არ აიხსნება, რომ „ამ გაყოფას (ლაპარაკია ამასიის ზავის შედეგებზე, — ვ. გ.) სრულ საქართველოს ბატონები დასჯერდეს“¹. 1555 წლის ირან-ოსმალეთის ზავი აძლიერებდა და აღრნავებდა საქართველოს პოლიტიკურ დაშლილობას. იგი ფაქტიურად აქანონებდა საქართველოს პოლიტიკური დაშლილობის უკვე მომხდარ ფაქტს. ამიტომ მეფე-მთავრები „დასჯერდეს“ ამ გაყოფას. მაგრამ „მეფე ლუარსაბ არ სჯერიყო და კიდევ თავილობდა“. ბრძოლას ირანის წინააღმდეგ განაგრძობდა ქართლი, რომელიც ქვეყნის პოლიტიკური გაერთიანების ამოცანას თავის ტრადიციულ უფლებად სთვლიდა.

საინტერესოა, რომ სპარსოფილური განწყობილების ისტორიკოსი ფარსადან გორგიჯანიძე აღნიშნავს, თუ რა უწყობდა ხელს ირანის ან ოსმალეთის წარმატებას საქართველოში. მისი სიტყვით, „საქართველო თავად ცოტა იყო და შერბე მრავლად გაყოფილი და ერთმანეთის ურჩინი და ქიშპნი მტერნი, ერთმანეთისა მარბევარი და მაწყინარი“². ფეოდალური შინაომებით მარჯვედსარგებლობდა გარეშე მტერი: „ამისათვის იქით ურუშნი არბევდეს და აქეთ ყიზილბაშნი და ამისთანას ორს დიდს ჯელმწიფებს შვაში ბევრს ეცადნეს, აქეთ იქნიეს ჯმალი და იქით და მრავალი ნაენებიც ქნეს, მაგრამ არ იქნა დავერც რას თავს გაუვიდნეს. ჯონთქარმან და ყანემან საქართველო შვა გაიყვეს“³.

ასეთ ვითარებაში „უცხო ძალის“ მოწვევა (დასახმარებლად ან წასთან კავშირი) გარკვეულ პოლიტიკურ მიზნებთან და ფეოდალურ-კლასობრივ ინტერესებთან იყო დაკავშირებული.

ამიერიდან ქართული ფეოდალური საზოგადოება ორ ფრთად იყო გაყოფილი: ერთი ნაწილი (პროგრესული) რუსეთთან ურთიერთობას უკავშირებდა ქვეყნის გამოსნა-განთავისუფლების საქმეს და მის მომავალს, მეორე ირან-ოსმალეთის დახმარებით ფეოდალური დაქსაქსულობის შენარჩუნებას.

როგორც ირანში, ისე ოსმალეთში სათანადო ანგარიშს უწყვედნენ და სათანადოდ აფასებდნენ ახალი ფაქტორის (რუსეთის) გამოჩენას კავკასიის და მახლობელი აღმოსავლეთის საერთაშორისო ურთიერთობის ასპარეზზე. ისინი ექვით და შემფოთებით აღეგნებდნენ თვალს ქართველების ურთიერთობას რუსეთთან. მათ კარგად ესმოდათ, თუ რას უქადა და მათს პოლიტიკურ განზრახვებს საქართველოს მიმართ რუსული ორიენტაციის გაძლიერება.

ამ მხრივ მეტად დამახასიათებელია სიტყვები, რომელთაც ფარსადან გორგიჯანიძე გიორგი სააკაძეს ათქმევინებს. ფარსადანის სიტყვით, „კიდევ

¹ ფარსადან გორგიჯანიძის ისტორია, საისტორიო მოამბე, II, 1925, გვ. 215.

² იქვე.

³ იქვე.

მოურავს ყენისათვის მოეხსენებინა: რადგან კახთ ბატონი თეიმურაზ ჩამოიყვანესო, ქართველნიც ეცდებიანო, რომ რუსები მოიყენნო და ხომალდი გამოუძახონო და მეფე ლეარსაბ ზღვით წაიყვანონო¹“. სულერთია სთქვა თუ არა ეს სიტყვები გიორგი სააკაძემ, მთავარი ისაა, რომ XVII ს-ის ქართველებს კარგად ესმით, რომ რუსეთი ის ძალაა, რომელიც ქართველებმა შეიძლება „მოიყენონ“ ირანის წინააღმდეგ. მაგრამ, ცხადია, იფულისხმება, რომ ირანის „მოყენება“ შეეძლოთ, რუსეთის ორიენტაციის მოწინააღმდეგე ქართველებსაც. მით უმეტეს, რომ იმ დროს ირანი და ოსმალეთი გაცილებით ახლოს იყო, ვიდრე რუსეთი.

მსხვილი მიწისმფლობელები (საფეოდალოების „ნახევარ-ხელმწიფეები“) „უცხო ძალას“ მეფის ხელისუფლების წინააღმდეგ იყენებდნენ განსაკუთრებით იმ მომენტში, როცა მეფის ხელისუფლება თავადების უფლებების შეზღუდვას ცდილობდა. მხოლოდ მისი უმნიშვნელო ნაწილი უქერდა მხარს მეფის ხელისუფლების პროგრესულ ღონისძიებებს (ბრძოლა „ტყვის სყიდვის“ წინააღმდეგ, „ბატონყმობის რიგის“ დაცვა, ურთიერთობის გაძლიერება რუსეთთან და სხვ.). მეფის ხელისუფლების მომხრე იყო ეკლესია.

საქართველოს პოლიტიკური დაშლილობის შესაბამისად მიმდინარეობდა ეკლესიის ორგანიზაციული დაშლაც. საქართველოში ორი საკათალიკოსო არსებობდა. მცხეთის საკათალიკოსოს მოქმედების არეალმ. საქართველოში შემოიღარგლა. მაგრამ აქაც მის განუყოფელ ბატონობას ემუქრებოდა სეპარატისტული განწყობილებანი. ცენტრმსრბოლი ძალები იმთავითვე ცდილობდნენ მცხეთის საკათალიკოსოსაგან ჩამოშორებას (ალავერდელის დაპირისპირება მცხეთისადმი, შაწყვერელისათვის დამოუკიდებელი პდგომაჩრობის შექმნის ცდა სამცხე საათაბაგოში...). სამისო ღონისძიებების რეალიზაციას უნდა გამოეწვია არა მარტო მცხეთის საკათალიკოსოს დასუსტება, არამედ აუარებელი ყმა-მამულის მფლობელობის დაქარგვაც. ამავე დროს გახშირდა ფეოდალების მიერ ეკლესიისათვის შეწირული მამულების „გამოწირვა“. ყველა ამასთან ერთად „ყოზილბაშობის“ ან „ოსმალობის“ საფრთხე უპირველეს ყოვლისა საეკლესიო-სამონასტრო მფლობელობას ემუქრებოდა მოსპობით. სამცხე-სათაბაგოს მაგალითი, სადაც ეკლესია-მონასტრებმა ეთლიანად დაქარგეს ღიღძალი ყმა-მამულები და საქონებელი, ეკლესიას უქარახებდა გაეჩალებინა ანტიმპაპადიანური პროპაგანდა და გვერდში ამოსდგომოდა მეფის ხელისუფლებას „ქართველობისათვის“ ბრძოლაში.

XVI—XVIII სს. მეფის ხელისუფლების დასაყრდენი სოციალური ბაზა მეტიმეტად იყო შეზღუდული.

მეფის ხელისუფლება ყრდნობოდა სამეფო აზნაურებს, მაგრამ აზნაურების დიდი ნაწილი თავადებს ემორჩილებოდა. იქ სადაც თავადის აზნაური არ იყო (XVI ს-ის კახეთში) შედარებით მტკიცე იყო მეფის ხელისუფლება. აზნაურები შეადგენდნენ საშუალო და წვრილ მიწისმფლობელთა შრავლ-რიცხოვად ფენს XVI—XVIII სს. საქართველოში. მაგრამ ისინი კუთვნილების მიხედვით იყვნენ განაწილებული (სამეფო, ეკლესია-მონასტრების და საბატონო აზნაურები). ამიტომ მათი გაერთიანება და საერთო ბრძოლა მსხვილ მიწისმფლობელთა ძალადობის წინააღმდეგ შეუძლებელი იყო.

¹ ფარსადან გორგიჯანიის ისტორია, გვ. 230.

აზნაურები უფლებრივადაც და ეკონომიურადაც მეტად მძიმე მდგომარეობაში იმყოფებოდნენ. აზნაურთა „გალარიბება“ წყაროების მიხედვით ჩვეულებრივი მოვლენაა. რაც დრო გადიოდა, აზნაურის უფლებრივი მდგომარეობა მით უფრო იზღუდებოდა, წესად შემოდიოდა აზნაურებზე უღების დადება¹. ეს აზნაურს იძულებდა გაეზარდა რენტა, რაც შედეგად აზნაური-საგან ყმა-გლეხის წასვლას იწვევდა.

მსხვილი მიწისმფლობელების ძალადობა სხვადასხვა ფორმით პოულობდა თავის გამოხატულებას აზნაურებთან დამოკიდებულებაში. თავადი ზოგჯერ არც აზნაურის გაყიდვას ერიდებოდა. ასე მაგ., ფარსადან ციციშვილმა მამულისა და ყმის გამოსაღებში ყოზილბაშებს მისცა აზნაური ლომი გვარამაძე და მისი ძმა ბექანი². ჩვეულებრივი მოვლენა იყო თავადების მტრობა-ქიშპის დროს ერთმანეთის აზნაურების და ყმა-გლეხების დარბევა. უფლებრივად და ეკონომიურად შევიწროებული აზნაური მეფეს ჩივილით მიმართავდა. თუ მეფეს ძალა ჰქონდა თავადს აზნაურიშვილის გალარიბების ნებას არ აძლევდა³. ჩივილთან ერთად აზნაურები ბრძოლის სხვა ფორმასაც იყენებდნენ. ცალკეული სათავადოს აზნაურები ერთიანდებოდნენ⁴ და გაერთიანებული ძალით ებრძოდნენ აღვირახსნილ თავადს. ამას გარდა, აზნაური „თავადის წინააღმდეგ მოწყობილ გლეხთა აჯანყებებით სარგებლობდა და ცდილობდა ეს აჯანყება თავის სასარგებლოდ გამოეყენებინა“⁵. გლეხთა მოძრაობებს თავადის წინააღმდეგ (თავაშეგებული თავადების დახოცვა, სახლ-კარის დაწვა, გაქცევა, კოლექტიური გამოსვლები) ხშირად აზნაურები ედგნენ სათავეში⁶.

დ. გვრიტიშვილს მოაქვს მეტად საინტერესო საბუთები, საიდანაც ჩანს თუ რატომ ერთიანდებოდნენ აზნაურები თავადის წინააღმდეგ და რატომ სდებდნენ ძმობა-ერთობის პირობებს. 1796 წელს საამილახოროს აზნაურებმა პირი შეკრეს იმის თაობაზე, რომ „... ვიყენეთ ერთიმეორის კაი მდომნი და, რომელიც უფლისწულებისაგან უსამართლოთ ცემა, ქრილობა, აკლება და შვილების ნოახლეთ წართმევა გვეკირებია, ამაგებს ნულარ ვიყაბულებთ. თუ რომელიც ჩვენში ან გაილახოს, ან დაიქრას, ან დაირბეს, ერთიანთ ერთმანეთთან დაეიბარნეთ, ბატონთანაც საჩივარი ერთი იყოს და ჩვენს ბატონს ამილახორთანაცა და ლაპარაკიც ერთი იყოს. სადაც აზნაურიშვილი სოფელში იდგეს და უფლისწულმა იქ უსამართლო მოინდომოს, აზნაურიშვილმან გლეხს კაცს უქონაგოს და გლეხმა აზნაურიშვილსა და ერთიმეორეზედ ვინც შორს იდგეს, კიდევ [ერ]თი მეორეს მივეშველნეთ“⁷.

განსაკუთრებით მძიმდებოდა აზნაურთა მდგომარეობა „ყოზილბაშობისა“ და „ოსმალობის“ დროს. გალარიბებული აზნაური თათრის გამოსაღებებს ვერ აუდიდოდა, კიდევ უფრო ღარიბდებოდა, ხელიდან ეცლებოდა ისედაც შეპყრობილი ყმა-გლეხი. „ყოზილბაშობა“-„ოსმალობის“ დროს გლეხები უპირვე-

¹ დ. გ ვ რ ი ტ ი შ ვ ი ლ ი. ფეოდალური საქართველოს სოციალური ისტორიიდან, თბ., 1955, გვ. 250.

² ი ქ ვ ე. გვ. 247.

³ ი ქ ვ ე. გვ. 245.

⁴ ი ქ ვ ე.

⁵ ი ქ ვ ე. გვ. 231.

⁶ ი ქ ვ ე. გვ. 246.

ლეს ყოვლისა ეკონომიურად შევიწროებული აზნაურების მამულებიდან გარ-
ბოდნენ. გასაგებია, რომ აზნაურები აქტიურად იბრძოდნენ ყოილბაშების და-
ოსმალების წინააღმდეგ.

აზნაურები დაინტერესებული იყვნენ მეფის ხელისუფლების განმტკიცე-
ბით. მეფის გაძლიერებას უკავშირებდნენ ისინი თავიანთი უფლებრივი და.
ქონებრივი მდგომარეობის გაუმჯობესებას. შემთხვევით არ აიხსნება თავადის
აზნაურების სამეფო აზნაურობაში გადასვლის ტენდენციის გაძლიერება
XVII—XVIII საუკუნეებში. ამავე დროს, აზნაურები უაღრესად იყვნენ დაინ-
ტერესებული რუსეთთან ურთიერთობით, რადგან რუსეთის დანშარებას უკავ-
შირებდნენ ისინი მშვიდობიანი ცხოვრების პირობების უზრუნველყოფას, და-
უსრულებელი ფეოდალური შინაომების აღკვეთას და წარმატებით ბრძოლას
ყოილბაშების და ოსმალების წინააღმდეგ.

რა თქმა უნდა, ყოილბაშებთან ან ოსმალებთან დამოკიდებულებას აზ-
ნაურებიც კლასობრივი თვალსაზრისით აფასებდნენ. ცნობილია, რომ XVII
ს-ის დამდეგს ბევრი აზნაურიშვილი აღმოჩნდა ირანში „გასაქეთებლად“ და-
შაჰის „წყალობის“ მოსაპოვებლად. მაგრამ როდესაც „ყოილბაშობის“ სა-
ქართველოში შემოღებას შაჰ-აბასი ენერგიულად შეუდგა, აზნაურები აქტიუ-
რად ჩაებნენ ქვეყნის გაყოილბაშების წინააღმდეგ ბრძოლაში.

კლასობრივი თვალსაზრისით აფასებდნენ საქართველოში განვითარებულ
მოვლენებს ვაქრებიც, სრულიად გარკვეული პოზიცია ეკავათ მათ ირანის მი-
მართ.

ქართული ქალაქების ვაქრები მუდამ ირანული ორიენტაციისანი იყვნენ.
ისინი მკიდროდ იყვნენ დაკავშირებული ირანის საერთაშორისო ვაქრობასთან.
ამიტომ მზარს უტერდნენ ირანს და მოქმედებდნენ ოსმალეთის წინააღმდეგ.
ამგვარადვე იქცეოდნენ სომეხი ვაქრები აღმ. ამიერკავკასიაში. არაქელ თავრი-
ზელს აღნიშნული აქვს, თუ რატომ იყო სასურველი ირანული ორიენტაცია მი-
უხედავად ირანელთა ძალადობისა. თვითონ იგი შაჰ-აბასს უარყოფითად უყუ-
რებდა, მაგრამ პირადად ირანული ორიენტაციის თვალსაზრისზე იღდა¹.

ქართულ ქალაქებში ვაქრების უმეტესობა ეროვნებით სომეხი იყო (მცირე
რაოდენობით იყვნენ ებრაელი ვაქრებიც ქართლის, კახეთის და იმერეთის ქა-
ლაქებში). სომეხი ვაქრების ხელთ იყო მთლიანად ირანის ვაქრობა. ისინი გა-
ბატონებული იყვნენ თავრიზ-ალეპოს გზაზე, რომლითაც აღმ. ამიერკავკასიის
ქალაქები ალექსო უკავშირდებოდნენ, ხოლო ალექსო საშუალებით დას. ევრო-
პას. ბატონობდნენ ისინი აგრეთვე ბაღდად-ალექსო გზაზე—ირანის დას. ევრო-
პასთან ვაქრობის მთავარ მაგისტრალზე.

თბილისის და სხვა ქალაქების ვაქრებს უშუალო ურთიერთობა ჰქონდათ
აღმ. ამიერკავკასიის და ირანის ქალაქებთან, ირანის საშუალებით აქტიურად
მონაწილეობდნენ მსოფლიო ვაქრობაში. ამიტომ მათთვის მნიშვნელობა ჰქონ-
და არა ირანის პოლიტიკურ ძალაუფლებას, არამედ ირანის მეშვეობით აღმო-

¹ Livre d'histoire par le vartabed Arakel de Tauris. Collection d'histoires Arme-
niens, traduits par M. Brosset, I, p. 287—288, 294.

სავლეთის და დასავლეთის ქვეყნებთან ვაჭრობას. ამით იყო შეპირობებული მათი ირანული ორიენტაცია აღმ. ამიერკავკასიაში, საქართველოში¹.

დიდ ვაჭართა სპარსოფილურ განწყობილებას სხვა ფაქტორიც აძლიერებდა. ქართველი ფეოდალების ძალადობისაგან დაცვას, ვაჭრობა-აღებშიცემის ნორმალურად განვითარებას, ისინი მაჰმადიანი მეფის გაძლიერებას უკავშირებდნენ, რამდენადაც ასეთ ნეფეს, გასაგებ გარემოებათა გამო, ზურგს ირანის მთავრობა უმაგრებდა. ქართველი ფეოდალებისათვის კი მეფის გაძლიერება მიუღებელი იყო. მაჰმადიანი მეფის პოლიტიკა მკვეთრად აძლიერებდა მათს ანტიირანულ განწყობილებას. ამ ნიადაგზე სრულიად გარკვეულ გამოხატულებას პოულობდა კლასობრივი ბრძოლა ქალაქებში ფეოდალებსა და ვაჭარ-მოქალაქეებს შორის.

სპარსოფილი და მოქალაქეთა წრიდან გამოსული ისტორიკოსი ფარსადან გორგიჯანიძე არა ერთგან აღნიშნავს მოქალაქეთა (ქალაქის ზედაფენის) ირანის სასარგებლო განწყობილებას 1614—1625 წლებში, როდესაც საქართველოში შაჰ-აბასი მოქმედებდა². სპარსოფილურ და ანტიირანულ დაჯგუფებათა ბრძოლას უკავშირებს იგი აგრეთვე ბაინდურ თუმანიშვილთან დაკავშირებულ ინციდენტს, რომელიც ლუარსაბ ბატონიშვილის მკვლელობას მოჰყვა³. დამახასიათებელია ისიც, რომ როსტომ-ხანი აშკარად ბაინდურ თუმანიშვილის მხარეზე იყო.

მოქალაქეები მხარს უჭერდნენ როსტომ-ხანს, ხოლო ეს უკანასკნელი თავადების წინააღმდეგ ბრძოლაში ეყრდნობოდა მოქალაქეებს. ისფაჰანის ტარულად ნამყოფი როსტომი საერთოდ ახლოს იდგა ვაჭრებთან: ევროპული წყაროებიდან ვიცით, რომ კრიტიკულ მომენტში (შაჰ-აბასის გარდაცვალებისთან დაკავშირებული არეულობის დროს) ხაზინის დასაცავად მან გამოიყენა არა ყულის ჯარი, არამედ ვაჭარ-ხელოსნებისაგან შემდგარი რაზმი.

თბილისის მოქალაქეების კლასობრივი თვალსაზრისისათვის მეტად დამახასიათებელია ის, რომ ისინი ხშირად იმოწმებდნენ შაჰ-აბასის მიერ ნაბოძებ წესდებას, რომლითაც მოქალაქეების უფლებრივი მდგომარეობა იყო უზრუნველყოფილი.

მსხვილი ვაჭრები ირანის მთავრობის და მაჰმადიანი მეფის საშუალებით ცდილობდნენ თავიანთი კლასობრივი ინტერესების უზრუნველყოფას. წვრილი ვაჭრები და ხელოსნები ძალადობას განიცდიდნენ ქალაქის ზედაფენის მხრივ.

¹ აღნიშნული, რა თქმა უნდა, იმას სრულიადაც არ ნიშნავს, რომ სომეხი ვაჭრები არ განიცდიდნენ ირანელთა ძალადობას (გავიხსენოთ ჯულფის სომეხ ვაჭარ-ხელოსნების აყრა და ირანს გადასახლება) და არ ებრძოდნენ ამ ძალადობას. XVII ს-ის დამდეგისათვის სომხურ საზოგადოებაში მკაფიოდ გამოიკვეთა სასულიერო და საერო ფეოდალებისაგან და ვაჭრებისაგან შემდგარი პროგრესული ნაწილი, რომელმაც ამოცანად ქვეყნის განთავისუფლება დაისახა. П. Т. А р у т к и н и. Освободительное движение армянского народа в первой четверти XVIII века, М., 1954, გვ. 118—120.

² ფარსადან გორგიჯანიძის ისტორია, გვ. 233—234.

³ ქართველი ფეოდალების ერთი ნაწილი ბაინდურ თუმანიშვილს სდებდა ბრალს ლუარსაბის დაღუპვას. ფარსადან გორგიჯანიძის თხრობიდან გამკვირვალედ მოჩანს ამ კონფლიქტის კლასობრივი ხასიათი: ფარსადან გორგიჯანიძის ისტორია, გვ. 264—265.

ამათ (ხშირ შეზღუდვებში მეფე-დედოფლის და ფეოდალების ყმებს) საქუთარი ბატონები მფრველობდნენ, მაგრამ მათთვის ძნელი იყო მეტოქეობა გაეწიათ მსხვილი ვაჭრებისათვის, რომელნიც მრავალნაირად იყვნენ დაკავშირებული მახლობელი და შუა აღმოსავლეთის ვაჭრობასთან. ამასთან დიდვაჭრები გაერთიანებული ჩანან ამხანაგობებში, რომელთაც ურტალის მსგავსი ფუნქციები უნდა ჰქონოდათ XVII—XVIII სს. საქართველოში. ისინი მხოლოდ „ოსმალობის“ დროს გამოდიოდნენ უცხო ძალის მფლობელობის წინააღმდეგ და მხოლოდ ამ შეზღუდვებში უჭერდნენ მხარს დამპყრობელთა წინააღმდეგ ბრძოლას.

საქართველოს მტრული სახელმწიფოებით გარემოცვის პოლიტიკური და ეკონომიური შედეგები ყველაზე მძიმე მდგომარეობაში მწარმოებელ საზოგადოებას აყენებდა. „ყიზილბაშობა“-„ოსპალობის“ დროს კი ქართველ გლეხს ერთდროულად ორი ექსპლოატატორი უჩნდებოდა: ადგილობრივი ფეოდალი და უცხო მოხელე.

სათათრო გამოსაღები, მრავალრიცხოვან ადგილობრივ გადასახადებთან და ვალდებულებებთან ერთად, მძიმე ტვირთად აწევბოდა მხრებზე ქართველ გლეხობას.

სათათრო გამოსაღები კი თითქმის მუდმივი მოვლენა იყო ნაგვიანევი შუა საუკუნეების ნანძილზე.

ამას გარდა, მონღოლთა დროიდან მოყოლებული მეტად ძლიერი იყო სათათრო გამოსაღების სახელმწიფო ან ფეოდალურ გადასახადად გადაქცევის ტენდენცია. ქართველი ფეოდალები ცდილობდნენ სათათრო გამოსაღების დანიშნულების თუ მნიშვნელობის შეცვლის გზით გაეძლიერებინათ გლეხთა ფეოდალური ექსპლოატაცია. ამის ნაგალითია მალი, ყალანი, ტამლა, ულაყი (საიამე) და სხვ., რომლებიც დროთა განმავლობაში ქართულ ფეოდალურ გადასახადთა და ვალდებულებათა რიგში მოთავსდნენ.

ამრიგად, იმ პერიოდშიც, როცა „მტერი განდევნილი და უკუქცეული იყო“ გლეხის მდგომარეობა ოდნავადაც არ უმჯობესდებოდა. ოფიციალურად ამოკვეთილი მალი ან საურთი ახალი შინაარსით ივსებოდა და გლეხთა ექსპლოატაციისათვის გამოიყენებოდა.

ქართველი გლეხობაც, რა თქმა უნდა, კლასობრივი თვალსაზრისით აფასებდა პოლიტიკურ მოვლენებს (ამის ყველაზე მკაფიო ნიმუშია ბატლწყობის უღელში ახლად შებმული გლეხობის დამოკიდებულება მონღოლთა შემოსევისადმი). კლასობრივი თვალსაზრისითვე ფასდებოდა „ლეკიანობა“ (გლეხების გაქცევა ლეკთა უბატონო თემებში), ყიზილბაშებთან და ოსმალებთან დამოკიდებულების საკითხი¹.

მძიმე ექსპლოატირებული გლეხი ადვილად შეიძლებოდა მიმხრობოდა გარეშე მტერს, აუ მასში მისი მჩაგვრელი ფეოდალების დამასუსტებელ ძალას დაინახავდა. მით უმეტეს, რომ პირველ ხანებში დამპყრობლები მიმართავდნენ სოციალურ დემაგოგიას. სეფიანთა შაჰები ადგილობრივ მმართველებს და მფლობელებს, რომელთა დამორჩილებასაც ისინი ცდილობდნენ, დემაგოგიურად გლეხთა მჩაგვრელებს, მტარვალეებს და მოძალადეებს უწოდებდ-

¹ ნ. ბერძენიშვილი. XVIII საუკუნის საქართველოს ისტორიიდან, მასალები საქ. და კავკასიის ისტორიისათვის, 1944, ნაკვ. I.

ნენ¹. ასეთსავე ხერხს მიმართავდა ირანი (და ოსმალეთიც) საქართველოში. მაგრამ ყიზილბაშების და ოსმალების შემოსევებისა და რბევა-თარეშის შედეგები უპირველეს ყოვლისა გლეხთა მდგომარეობას აუარესებდა. ამიტომ დამპყრობელთა წინააღმდეგ ყველაზე აქტიურად ქართველი გლეხები იბრძოდნენ.

ყიზილბაშობა - ოსმალბობის უშუალო გამოვლინებანი: „ტყვის-სყიდვა“, „ლეკიანობა“, დატყვევება და აყრა-გადასახლება, მძიმე სათათრო გამოსაღები და ხარკი უკიდურესად აუარესებდა გლეხთა ისედაც მძიმე მდგომარეობას. ცნობილია, რომ შაჰ-აბასის აგრესიის შედეგად ყველაზე მძიმედ კახეთის და ქართლის გლეხობა დაზარალდა.

ისკანდერ მუნშის მიერ დაწვრილებით აღწერილი ქართველი ხალხის შედგარი და შეუპოვარი ბრძოლის ეპიზოდები ყიზილბაშების წინააღმდეგ ფაქტიურად გლეხთა ბრძოლასთანაა დაკავშირებული. მაშინ როდესაც იმავე ისკანდერ მუნშის სიტყვით შაჰ-აბასს წრავლად ჰყავდა აგენტები კახელ გლეხობაში.

განსაკუთრებით უარესდებოდა გლეხთა მდგომარეობა „ყიზილბაშობის“ და „ოსმალბობის“ დროს. სათათრო ხარკის მაგიერ გლეხებს ახლა „სათრის გადასახადების“ გადახდა ევალებოდათ. ამით ქართველი გლეხის სოციალური და ეკონომიური მდგომარეობა უახლოვდებოდა „რაიათის“ მდგომარეობას.

დამახასიათებელია, რომ სიტყვა „რაიათი“ ქართველი გლეხის აღსანიშნავად სწორედ „ყიზილბაშობა“- „ოსმალბობის“ დროს ჩნდება (XVIII ს-ის მეორე მეოთხედში) და კვლავ ჰქრება „ქართველობის“ აღდგენის პერიოდში. ამასთან „რაიათი“ დამოწმებულია ქართულ საბუთებში, რომლებიც შაჰ-აბასის ხანების ან ქართველი მეფეების მიერაა გაცემული.

ასე მაგ., ქართლის ხანის ვაჰიდარბეგის ბრძანებაში გლეხების მაგიერ დასახელებულია რაიათნი: „აწ გიბრძანებთ, ყულარის ქეთხუდებო და რაიათნი²“. შეიძლება გვეფიქრა, რომ აქ „რაიათნი“ მწიგნობრული ტერმინის მნიშვნელობითაა ნახმარი, რაკი საბუთი ხანის სამდივანმწიგნობროდნაა გამოსული. მაგრამ „რაიათნი“ გლეხის სინონიმური მნიშვნელობით იხმარება აგრეთვე თეიმურაზ II-ის 1742 წ. დათარიღებულ ბრძანებაშიც.

ცნობილია, რომ „ყიზილბაშობა“ (განსაკუთრებით საგადასახადო სფეროში) 1749 წლამდე გაგრძელდა. ამიტომ ვითარებას არ სცვლიდა ის, რომ ქართლში მეფედ თეიმურაზ II იჯდა, ხოლო კახეთში ერეკლე II. ამიტომ 1735—1749 წწ. საბუთებში „ყიზილბაშობის“ ამსახველი არა ერთი ცნობა მოიპოვება.

თეიმურაზ II-ის 1742 წ. ბრძანებაში ნათქვამია: „ქ. ჩვენი ბრძანება არის, სულ ერთობით საამილახვრო აზნაურო, გლეხო და რაიათო...“. შემდეგ ლაპარაკია ამირინდო ამილახვრიშვილისათვის, წესისამებრ, ამილახვრობის მიცემაზე და იმაზე, რომ „ამ ახლო ხანს ველმწიფის რაყამსაც მოუტა-

¹ ჰაბიბ ას-სიარ, III, გვ. 85.

² საქ. ს.ი ძვ. II, გვ. 380.

ნინებთ. ზემო ქართლის საბატონოს კაცის შვილნო, აზნაურო და რაიათნო, ვითაც სხვას ამილახურის მორჩილნი იყავით, ზემო ქართლის ამილახრობა ამას უბოძეთ¹.

XVIII ს-ის მეორე მეოთხედის სხვა საბუთებიც, რომლებშიაც გლეხის მაგიერ რაიათია დასახელებული, არა ერთი კიდევ შეიძლება მოგვეტანა, მაგრამ ვფიქრობთ საამისოდ დასახელებული მაგალითებიც საკმარისია.

აღებული ხანის ქართულ ფეოდალურ სინამდვილეში „რაიათი“ შემთხვევით არ უნდა გაჩენილიყო. ამ დროს ქართველი გლეხის გადასახადები და ვალდებულებანი დაემსგავსა რაიათის გადასახადებსა და ვალდებულებებს. „ოსმალობა“-„უიზილბაშობის“ დროს გაჩნდა: მირი, ბაპრა, ისფენჯი, სალიანი, სურსათი, მალუჯათი და სხვ. გაჩნდნენ მუბაშირები, რომლებიც ქართველ გლეხებში აღმოსავლური საგადასახადო სისტემის მიხედვით კრებდნენ გადასახადებს.

რაიათი, უეჭველია, ნახმარია იმის გამო, რომ გლეხები დაკავშირებული აღმოჩნდნენ აღმოსავლურ საგადასახადო სისტენასთან, უკეთ მიმავრებული იქნენ გადასახადებზე, და არა გლეხის ქართველ ფეოდალზე დამოკიდებულების ხასიათის შეცვლის გამო. ფეოდალური ექსპლოატაციის ქართული ფორმები (გადასახადები და ვალდებულებანი) ამ დროსაც შენარჩუნებული იყო და ადგილობრივი ფეოდალები ახლაც მონაწილეობდნენ გლეხთა ორმაგ ექსპლოატაციაში².

„უიზილბაშობა“-„ოსმალობამ“ შევეთრად გააუარესა ქართველ გლეხთა მდგომარეობა. „თათრის ხარაჯობამ“ უკიდურესად გაამწვავა კლასობრივი ბრძოლა. ქართველი გლეხები ებრძოდნენ „თათრის მფლობელობას“, რომელთანაც უშუალოდ იყო დაკავშირებული „თათრის ხარაჯობა“. საამისოდ ისინი იყენებდნენ როგორც კლასობრივი ბრძოლის აქტიურ (მონაწილეობა ანტიოსმალურ ან ანტიირანულ აჯანყებებში), ისე პასიურ ფორმებს (აყრა-გაქცევა).

მეტად გამჟღავნებელია აღბეჭდილი ქართველი გლეხების კლასობრივი ბრძოლა „გურჯისტანის ვილაიეთის დიდ დავთარში“.

„დავარის“ მიხედვით მთელი რიგი სოფლები „ცარიელია რეიასაგან“³ ე. ი., აყრილ-გაქცეული გლეხებისაგან. „დავარის“ ნაგვიანე ჩანაწერებშიც (XVIII ს-ის მეორე ნახევარი) ლაქარაკია „გადახვეწილთა, დაკარგულთა. მოძებნილთა, გაქცეულთა“ შესახებ⁴. ყველაფერი ეს დოკუმენტურად მოწმობს გლეხთა ბრძოლას ოსმალების წინააღმდეგ XVI ს-ის დამლევიდან XIX საუკუნემდე.

¹ სა კ. სიძე, III, გვ. 458.

² უიზილბაშური „არბაბობა“ ნიშნავდა იმას, რომ ირანის მთავრობა სცნობდა ქართველი ფეოდალების საკუთრებას მათს მიწებზე. ამ თვალსაზრისით ქართველი ფეოდალების მამულები ითვლებოდა „არბაბად“ ანუ „მულქად“. მაგრამ იმდენად, რამდენადაც მულქსაც დაედებოდა მალუჯათი, ირანის შაჰი ნომინალურად ყველა მიწის უზენაეს მესაკუთრედ გამოდიოდა.

³ გურჯისტანის ვილაიეთის დიდი დავთარი, წ. II, გვ. 36, 37, 81, 83, 85, 97, 98, 107, 109, 111, 115, 126 და შემდეგ.

⁴ ი. კ. ვე. თურქული ტექსტი, გვ. 262, ქართული თარგმანი, გვ. 258.

საინტერესოა, რომ გლეხთა „დაფანტვა“ დაკავშირებული ჩანს ბეგრის აღმოსავლურ სახეობასთან. ამ შემთხვევაში გარბიან იმ სოფლის გლეხები, რომელთაც ზიდების შეკეთება ევალებათ. ასე დაიფანტნენ, მაგალითად, სოფ. ყუთარ-მელიქის გლეხები. „დაეთრის“ მიხედვით მათ დაკისრებული ჰქონიათ ზიდების შეკეთება ხსენებული სოფლიდან არტაანამდე. გაქცეული გლეხების უკან დაბრუნების პირობად მოხელეები აუცილებლად სთვლიან მათს სხვადასხვა გადასახადებისაგან გათავისუფლებას და მხოლოდ ზიდების მოვლა-შეკეთების დაკისრებას¹. ოსმალთა მოხელეების ამგვარი მზრუნველობის მიზეზი იქვეა განმარტებული: „ვინაიდან ზემოხსენებული სოფელი (ყუთარ-მელიქი, — ვ. გ.) არზრუმის, არტაანისა და ახალციხის გზებზე მდებარეობს და ვინაიდან (მას) გამგელელ-გამომგელელთა განუწყვეტელი მგზავრობისა და დაბანაკებისაგან მოსვენება არა აქვს, მისმა მცხოვრებლებმა ამის გამო დაფანტვა იწყეს და (სოფელი) ლამის გაპარტახდეს“². აღწერილი სურათი ზედმიწევნით მოგვაგონებს გზების გასწვრივ მდებარე სოფლების მდგომარეობას მონღოლთა ბატონობის ხანაში.

გლეხთა კლასობრივი ბრძოლის პასიური ფორმის (აყრა-გაქცევა) გამო მრავლად მოიპოვება ცნობები XVIII ს-ის ქართულ დოკუმენტურ წყაროებში.

XVIII ს-ის დამდეგის ერთ საბუთში ნათქვამია: „მე ხეჩუას-შვილმა გიორგიმ, ჩემ[მა] ძმამ ზურაბამ ჩვენის ორის შვილით არუთინათი და ავთანდილათი და ჩემის ცოლით და ორის ქალითა ოცდარვა წელიწადი ჯავახეთს ვიყავით, თათრის ქელისაგან და ხარაჯისაგან ძალა დაგვემართა. მოვედით ერთობილათ, დაგვექირა და მოგყიდეთ ჩვენი თავი“³. საბუთის მიმცემი, რომელიც „თათრის ხარაჯობას“ გამოექცა, ძმითა და ცოლშვილით წასყიდობის წესით თბილისელ მოქალაქეს ყმად უხდება.

1749 წ. კათალიკოსი ანტონ I კახეთში აყრილსა და უკან დაბრუნებულ გლეხს ასე მიმართავს: „ოსმალისა და ყიზილბაშის გამოსადებისაგან ველად დამდგარიყავ, აყრილიყავ და კახეთს ჩიზნათ გასულყავ“⁴.

1749 წ. ახლო ხანში სხვა ფეოდალებიც ცდილობდნენ აყრილი და დაფანტული გლეხების უკან დაბრუნებას. ისინი თეიმურაზ II-ს საამისო ოქმის წყალობას სთხოვენ, მეფეც „ურრუმობას აქეთ გამოსული“ გლეხების უკან მიცემას მოითხოვს ფეოდალებისაგან⁵.

„ოსმალობა“-„ყიზილბაშობის“ დროს გლეხთა აყრა-გაქცევამ მასიური ხასიათი მიიღო. ქართველი ფეოდალები ამ მოვლენას ოსმალთა ან ყიზილბაშის მოხელეების საშუალებით ებრძოდნენ, მათი შემწევობით ცდილობდნენ აყრილ-გაქცეული გლეხების უკან დაბრუნებას.

¹ გურჯისტანის ვილაიეთის დიდი დაეთარი, თურქ. ტექსტი, გვ. 286, 453, ქართ. თარგმანი, გვ. 280, 442—443.

² იქვე, თურქ. ტექსტი, გვ. 453, ქართ. თარგმანი, გვ. 442—443.

³ დოკუმენტები საქართველოს სოციალური ურთიერთობის ისტორიიდან, I, გვ. 117.

⁴ დოკუმენტები..., I, გვ. 117.

⁵ იქვე, გვ. 109.

ისაყ-ფაშის 1732—1735 წწ. დათარიღებულ ბრძანებაში ნათქვამია: „ქ. ვეზირი ისპ[ა]ყ-ფაშა ვიკიდრებ. ჩვენს მაგიერად ამილახვარს გივს ასე უნებთ: მერმე ამ თუმანიშვილის გლები საღაც იყოს აყრილი კაცი, თქვენ კაცი გაგზავნეთ, მუბაშირად აღუყარეთ და ისევე თავის მამულში მოაყვანიდეთ. ნურა კაცი თავის მემკვიდრე გლებს ნუ დაუპერენ, თვარემ პასუხს ვერ მოგვეცემენ, ისევე თავის სამკვიდრო მამულში კნას (sic) და თესონ, სხვაგან რატომ ან კენენ ან დგანან“¹.

იმავე წლებით დათარიღებულ მეორე ბრძანებაში კვითხულობთ: „ქ. ვეზირი ისპ(ა)ყ-ფაშა ვიკიდრებ. ჩვენს მაგიერად მუხრანის ბატონის შვილს მამულას ასე უნებთ: მერმე შენის აზნაურიშვილის რატისშვილის სოფელი ხანდაკი და ან სხვა სოფელი აყრილი იყოს, ვისცა მამულში იყოს, ყველა მოაგროვე და ნურავის გაცარცვინებ (sic) და, საღაც შენ გინდოდეს, იქ დააყენე. თუ წართვა ვინმე, მწვედ გარდავახდევინებ“².

ქართველი ფეოდალების ინტერესებს უზრუნველყოფდნენ ყიზილბაში მოხელეებიც. სამისო ცნობები მოგვეპოვება სპარსულ დოკუმენტურ წყაროებში.

სეფი-ხანის 1737 წ. ბრძანებაში ნათქვამია: „კათალიკოსის სოფლებისა და მხარეების გაფანტული გლებები და გურგენისა და სოლომონ მღივნის ზელქვეითნი, რომელ კუთხეშიც იყონ, შეკრიბონ და დაამკვიდრონ თავიანთ საცხოვრებელ ადგილებზე, რათა მიყონ ხელი თავის ჩვეულ საქმიანობას. ქართლისა და კახეთის თავადებმა და აზნაურებმა, ზემო-ქართლის, სომხეთის, საბარათიანოს და დანარჩენ საქართველოს მიწა-წყლის ქართველებმა წინააღმდეგობა არ გასწიონ მიმოფანტული გლებების თავიანთ ადგილ-მამულისაკენ დაბრუნებაში, რომ ხელი მოჰკიდონ თავის ხენა-თესვით საქმიანობას“³.

ნადირ-შაჰის 1744—1745 წწ. განაჩენით დადგენილია, „რომ მონამორჩილთა კუთვნილი სოფლებიდან გაფანტულები, რომელ კუთხეშიც კი აღმოჩნდებიან, თავმოყრილ და დაბინავებულ იქნენ თავიანთ სამკვიდრო სოფლებში, რათა თავიანთ გლებურ საქმიანობაში გართული გახდნენ მიზეზი სახელმწიფოს დოვლათიანობის გამრავლებისა და გაზრდისა“⁴.

მუბაშირ-დავთარდრები აღმოსავლური წესით მოითხოვდნენ ყმა-მამულის გამოსაღებს. მოქმედებაში იყო ხალხის აღწერის დავთარი, რომელშიაც ყვე-

¹ საქ. სიძვ. III, გვ. 418—419.

² იქვე, გვ. 49.

³ საქართველოს მუხეუმის სპარსული ფირმანები და ჰოქმები, გვ. 66, იხ. აგრეთვე, გვ. 82—84.

⁴ იქვე, გვ. 86. საინტერესოა სპარსულ საბუთებში დამოწმებული ტერმინები: „დაფანტული“ („მოთფარაკე“) და „შეკრება-შეგროვება“ (ჯამა აფრი, შდრ. XVIII ს-ის სპარსული საბუთების „ქუჩიდან“). ამავე დროს აღნიშნულია, რომ „დაფანტული“ გლებები თავიანთ თუდაპირველ ადგილზე უნდა დააბრუნონ. ამ ტერმინებს მნიშვნელობა აქვთ გლეხთა მიწაზე მიმავრების საკითხის გამოსარკვევად აღმ. ამიერკავკასიაში.

ლა სოფელი იყო აღწერილ-აღნუსხული¹. ვისაც უქირდა და გადასახადებს ვერ იხდრდა, მას მუბაშირები იჭერდნენ და ყიდდნენ, ზოგი კი მამულის გაყიდვით ან დაგირავებით აღწევდა თავს მუბაშირებს.

1730 წ. გირავენობის წიგნში ვკითხულობთ: „ქ. ესე წიგნი და პირი მოგეცით მე, შენმა ბიძაშვილმა მამუქამა და ჩემმა ძმამ თამაზამა შენ, ჩემს ბიძაშვილს შურვანსა, ძმასა შენსა ბაქას, ლუარსაბსა და რევაზსა, ასრე რომე მირის თეთრი დამედგა თვრამერტი თუმიანი, დამიჭირეს მუბაშირებმა, ვერსითილაჯი ვერ (ვქენი)²“. საბუთის მიმცემი თავის ბიძაშვილებს სოფელს უგირავებს მირის თეთრის გასასტუმრებლად.

1749 წ. საბუთში ოსმალბოის დროინდელი ვითარებაა გახსენებული: „ასე რომე არეშიანთ ზალისშვილი სოლალა თავიანთ სოფლის მირისათენ (sic) დაეჭირათ თათრებს და ჰყიდდნენ, არავინ პატრონი არ გამოუჩნდა, თვითან თავისთავი მე მომყიდა, ფასი თავიანთ მირში მისცა“³.

ყიზილბაში და ოსმალ მოხელეები ფეოდალებისაგან თხოულობდნენ გადასახადებს, ფეოდალები ყმა-გლეხებისაგან. ზოგი მამულს ჩალის ფასად ჰყიდდა, ზოგი ყმა-გლეხებს, რათა როგორმე თათრის გადასახადი გადაეხადა. ამას უნდა დაესძინოთ ისიც, რომ „ოსმალბოის“ დაუყოვნებლივ „ყიზილბაშობა“ მოჰყვა. ოსმალური „მირი“ ყიზილბაშურმა „მალუჯათმა“ შეცვალა.

გლეხის მეურნეობა ამდენ გადასახადს ვერ უძლებდა, თანაც გლეხებს უნდა გამოეყვანათ ურმები სამხედრო ტვირთის და სურსათის გადასახადად, რაც მათს მეურნეობიდან მოცდენას იწვევდა. „ყიზილბაშობის“ დროს კიდევ უფრო გახშირდა გლეხთა აყრა-გაქცევა.

გლეხთა აყრა-გაქცევას მასიური მოვლენა იყო „ულუსობის“, „ოსმალბობის“ და „ყიზილბაშობის“ დროს. ეს კი იწვევდა სოფლის მეურნეობის დაქვეითებას, მის გაპარტახებას. მეურნეობის წარმოება აზრს კარგავდა. განუხრელად მატულობდა გადასახადები. ამიტომ „თათრის მფლობელობა“ საქართველოში მიუღებელი იყო როგორც მფლობელებისათვის, ისე მწარმოებლებისათვის.

აყრილ-გაქცეული გლეხი „ლონიერი და შეძლებული“ ფეოდალის მიწა-წყლისაყენ გარბოდა. გლეხი ჯდებოდა იმ ფეოდალის მიწაზე, სადაც მას საგლეხო მეურნეობის წარმოების შესაძლებლობა ჰქონდა.

აყრილ-გაქცეული გლეხების „ლონიერობა“ და „გამართული“ მამულებისაყენ დადგენილი ფაქტია. ამით აიხსნება გლეხთა მოძრაობა დასავლეთიდან აღმოსავლეთის მიმართულებით—მდიდარი და დაწინაურებული კახეთისაკენ.

აღსანიშნავია, რომ კახეთში მოდიოდნენ და სხდებოდნენ აზერბაიჯანელი და ყარაბაღელი გლეხებიც. ისინი „ოსმალურ ხარაჯობას“ გაურბოდნენ.

¹ ოსმალ ვეზირი ისაყ-ფაშა ყაფლანიშვილს ელიზბარს და ვახტანგს ატყობინებს: „მერმე საბარათიშვილოში რომ ოთხი მირის სოფლები გიბოძეთ, რაც იმ სოფლებს დაეთარში მირი ეწეროს, ის მირი ჩვენს მაჰმად-ბეგს მი[ც]ხარე, რომე საბარათაშვილოს სოფლები იმას ხელა დაეთარადრისაგან და სოფლები ოთხიგ“. ს. ა. ს. ი. ძვ. II, გვ. 366.

² ს. ა. ს. ი. ძვ. II, გვ. 353.

³ ს. ა. ს. ი. ძვ. I, გვ. 140—141.

საამისო ცნობები მოტანილია ისკანდერ მუნშის¹ საისტორიო თხზულებაში „გამოქცეული რაიათების“ ირანში გადასახლებასთან დაკავშირებით. ეს ცნობები ი. პეტრუშევსკიმ, როგორც ვნახეთ, გამოიყენა გლენთა მიწაზე მიმაგრების და ბატონყმური მდგომარეობის საბუთად XVI—XVII სს. აღმ. აზიერკავკასიაში. ამხელად ჩვენ გვინტერესებს მხოლოდ რაიათების კახეთის მიწებზე დასახლების ფაქტი.

ისკანდერ მუნში ამბობს: „ენიადან აშლილობის უამს (იგულისხმება ოსმალთმფლობელობა—ვ. გ.) შირვანისა და ყარაბაღის ბეგრი რაიათი წავიდა გურჯისტანის კახეთში (გურჯისტან-ი კახეთ) და იქ დასახლდა, გამოქვეყნდა უმაღლესი ბრძანება, რომ რადგანაც ეს ადამიანები (ტექსტში „ბრბო“) გურჯისტანის მკვიდრი რაიათები არ არიან, ყველა ისინი—ებრაელები, მუსლიმანები და სომხები—გამოვიდნენ იქიდან და გაემართონ სამოთხის მსგავსს მაზანდარისსაკენ“¹.

აზერბაიჯანელი და სომეხი გლეხები „თათრის ხარაჯობას“ ისევე ებრძოდნენ, როგორც ქართველი გლეხები. მაგრამ აზერბაიჯანელი და სომეხი გლეხები უკვე რაიათებდ (გადასახადებზე მიმაგრებულ გლეხებდ) იყვნენ გადაქცეული, ქართველი გლეხი კი XVI საუკუნიდან რაიათად გადაქცევის შუქარის ქვეშ იმყოფებოდა. ქართველ გლეხს ორ სურდა რაიათად გადაქცევა ისევე, როგორც ეს ორ სურდა მის ექსპლოატატორ ქართველ ფეოდალს.

„თათრის მფლობელობა“ და „თათრის ხარაჯობა“ ქართული ფეოდალური საზოგადოების ყველა ფენისათვის მიუღებელი იყო.

„თათრის მფლობელობის“ დროს ქართველი ფეოდალი იძულებული იყო წილი დაედო ირანის ან ოსმალეთის ხაზინისათვის. ამავე დროს, გადასახადებით დამძიმებული გლეხი სტოვებდა მეურნეობას და გარბოდა. მაგრამ მთავარი ის იყო, რომ „თათრის მფლობელობა“ ქართველი ფეოდალის მამულებს ყიზილბაშური ან ოსმალური მიწისმფლობელობის წესებს უქვემდებარებდა.

ქართველი გლეხისათვის „თათრის მფლობელობა“ მიუღებელი იყო იმის გამო, რომ იგი ორმაგი ექსპლოატაციის მსხვერპლი ხდებოდა, თანაც „თათრის ხარაჯობას“ ახალი გადასახადები შემოჰქონდა.

ქართული ფეოდალური საზოგადოების გაერთიანება ადვილად ხერხდებოდა, როდესაც საქმე „თათრის მფლობელობის“ წინააღმდეგ ბრძოლას ეხებოდა. „თათრის მფლობელობის“ შემოღების ცდებს ანდა „თათრის მფლობელობის“ დამყარებას ჩვეულებრივ თან სდევდა აჯანყებები (შაჰ-აბასის წინააღმდეგ XVII ს-ის პირველ მეოთხედში, ნადირ-შაჰის წინააღმდეგ XVIII ს-ის მეორე ნეოთხედში). ასეთ ვითარებაში დამპყრობელს უძნელდებოდა კვლავინდებურად გამოეყენებინა თავის სასარგებლოდ ფეოდალურ საქართველოს სოციალური სტრუქტურა, შინაკლასობრივი და კლასობრივი ბრძოლა.

ასეთი ვითარება შეიქმნა კერძოდ XVII ს-ის პირველ მეოთხედში, როცა ახალი ძალით განახლდა ქართული მიწების მიტაცებისათვის ბრძოლა და ირანმა მტკიცედ გადაწყვიტა საქართველოს მაჰმადიანურ სახანოდ გადაქცევა.

¹ თარინ-ი აღმ არა. გვ. 622.

შაჰ-აბასი (1587—1629) ირავალი წლის განმავლობაში ემზადებოდა საქართველოს დასაპყრობად. „გურჯისტანის საკითხი“ ერთნაირი სიმწვავეთ იდგა ირანის წინაშე როგორც რუსეთთან, ისე ოსმალეთთან ურთიერთობაში. შაჰი ყველაფერს აკეთებდა იმისათვის, რომ არ დაეშვა საქართველოს ურთიერთობის გაღრმავება-გაძლიერება რუსეთთან. ამიტომ, მისი აზრით, საქართველოს დაპყრობა აუცილებელი იყო. შაჰს ესმოდა, რომ საქართველოს ურთიერთობა განამტკიცებდა იმ ძალებს, რომლებიც ქვეყნის პოლიტიკურ გაერთიანებას ცდილობდნენ.

შაჰ-აბასი შესანიშნავად ერკვეოდა ქართული ფეოდალური საზოგადოების წინააღმდეგობებსა და ძალთა განწყობილებას. მის აგენტებს კავშირი ჰქონდათ მეფე-მთავრებთან, თავადებთან, აზნაურებთან, ვაქრებთან, გლეხებთან.

შაჰ-აბასი მარჯვედ იყენებდა ფეოდალურ საქართველოს სოციალურ სტრუქტურას, ქართულ ფეოდალურ საზოგადოებაში მიმდინარე შინაკლასობრივ და კლასობრივ ბრძოლას, რათა ადვილად დაეპყრო ფეოდალურად დაშლილი ქვეყანა.

საამისოდ შაჰ-აბასი მიმართავდა სხვადასხვა საშუალებას ქართული ფეოდალური საზოგადოების სხვადასხვა ფენის მისამხრობად, ირანის მხარეზე გადასაყვანად, ირანის სამსახურში გამოსაყენებლად. ამ მხრივ ერთი უმთავრესი საშუალებათაგანი იყო ქართველების დაწინაურება ირანის პოლიტიკურ და სამხედრო სარბიელზე.

ვინც კი საქართველოში რითიმე უკმაყოფილო იყო ირანში ეძებდა სამართალს, მეტოქე-მოწინააღმდეგის წახდენის, გაკეთება-გამდიდრებას, სახელის მოხვეჭას. შაჰ-აბასი ყველას პატივით იღებდა, ჯამაგირს უჭენდა, თიულებს ურიგებდა, „წყალობასა“ და სახელს არ აკლებდა. მათგან იგი მხოლოდ გამაჰმადიანებას მოითხოვდა.

ჯავახიშვილებთან დავის დროს გიორგი სააკაძე სასამართლოში აღნიშნავდა: „ბევრი საბატოსი კაცისშვილი სხვაც წავიდა ბედნიერის ყეენთანა, დღესაც სრულ საბატოსი ქართველთ კაცის შვილებიც იქ არიან“¹. ვისაც დაწინაურება-წარმატება სურდა ირანში მიდიოდა, ყულის ჯარში შედიოდა. მაგრამ ყულის ჯარში შესაყვანად შაჰი მუქარ-იძულებასაც მიმართავდა.

შაჰ-აბასმა სწრაფად გაავსო ქართველი მეომრებით ყულის ჯარი, ყულარალასადაც მუდამ ქართველი იყო. მანვე ირანის მთავარი ქალაქების (ისფაჰანი, ყაზვინი...) ტარულებად ქართველები დანიშნა. ამ დროიდან ისფაჰანის ტარულად ყოველთვის ქართველი იყო. ქართველებივე იყვნენ უფლისწულის აღმზრდელად („ლალად“), ამირსპასალარებად, მდივანბეგებად, სოჰბათიასულებად. პროვინციების უმეტესობაში ბეგლარბეგ-ხანებად გამაჰმადიანებულ-გასპარსელებული ქართველები ისხდნენ.

ამგვარი პოლიტიკით შაჰ-აბასი ორ მიზანს ისახავდა: ქართულ-კავკასიური ელემენტის (ე. წ. „ახალი არისტოკრატიის“) დაწინაურებით იგი საკუთრივ ირანში ყიზილბაშური მომთაბარული არისტოკრატიის დასუსტებას ლაშობდა, ხოლო საქართველოში ფეოდალური შუღლის გაღვივებას, განხეთქილების გაღრმავებას, ფეოდალური ძალების დაქსაქვას.

¹ საქ. სიძვ. II, გვ. 56.

დამახსიათებელია, რომ თუ ყიზილბაშური ელემენტი შაჰ აბასს ამიერკავკასიაში გადმოჰყავდა, სამაგიეროდ ირანის ცენტრალურ და სამხრეთ რაიონებში ამიერკავკასიიდან კულტურული მურწნეები, ვაჭრები და ხელოსნები შეჰყავდა. ამგვარ ღონისძიებებს შაჰი უშუალოდ უკავშირებდა ამიერკავკასიის ეკონომიურ დაქვეითებას, რასაც პოლიტიკური დაპყრობის მტკიცე საწინდარი უნდა შეექმნა.

შაჰ-აბასის პოლიტიკურ გეგმებთან ორგანულად იყო დაკავშირებული ქართული მიწების მიტაცების საკითხიც.

XVII ს-ის დამდეგს განახლებული ირან-ოსმალეთის ომის პირველმა შედეგებმა შაჰ-აბასს შესაძლებლობა მისცა განეხორციელებინა შესაფერისი ღონისძიებები ქართული მიწისმფლობელობის გასაუქმებლად.

აღმ. კახეთში მან შექმნა ელისუს ანუ კაკის სასულთნო, ქვემო-ქართლში ლორის სასულთნო. ამავე დროს, მან აიძულა კახთა მეფე ალექსანდრე, რათა თავის სამეფოში თურქმან მომთაბარეთა ერთი ტომი ხიზნად მიეღო¹. XVII ს-ის დამდეგს უნდა ყოფილიყო შემოღებული აგრეთვე „სოიურალის“ ფეოდალური ინსტიტუტი სამედიკოში. ყველაფერი ეს მიზნად ისახავდა ქართული ფეოდალური მიწისმფლობელობის ირანულ-ყიზილბაშური მიწისმფლობელობით შეცვლას. ამ განზრახვის წარმატებით გადაწყვეტაზე იყო დამოკიდებული აღმ. საქართველოს სამხედრო-ადმინისტრაციული რეორგანიზაცია ყიზილბაშურ საფუძველზე—მაჰმადიანურ სახანოს შექმნა.

ამ განზრახვასთან მჭიდროდ იყო დაკავშირებული შაჰ-აბასის ის „წყალობა“, რომელიც კახეთის და ქართლის მეფეებისათვის ირანში სოფლების მიცემას გულისხმობდა. ამით, უეჭველია, შაჰს სურდა ქართველი მეფეების ირანის მოხელეებად გადაქცევა. ვახუშტი ბაგრატიონი აღნიშნავს, რომ გიორგი ქართლის მეფეს შაჰ-აბასმა „მოსცა ფუშტუკუნი და ხუნი და სამასი თუმანი ლაიჯანს ყოველს წელს“². ფეოდალური ირანის წესისამებრ მოხელეობის საფუძველი შაჰის მიერ ნაწყალობევი მიწა იყო. აღსანიშნავია, რომ უფრო გვიან ფუშტუკუნის, გილანის და ლაჰიჯანის სოფლები ქართლის მაჰმადიანი მეფეების („ვალიების“) მფლობელობაში იყო და მათს ირანის შაჰისადმი სამოხელეო დამოკიდებულებას აპირობებდა.

ყველაფერი ეს მჭიდროდ იყო დაკავშირებული ქართული მიწისმფლობელობის გაუქმებასთან, საქართველოს მაჰმადიანურ სახანოდ გადაქცევის განზრახვასთან.

1614 წელს შაჰ-აბასი მთელის ენერგიით შეუდგა „გურჯისტანის საკითხის“ ირანის სასარგებლოდ გადაწყვეტას. მან დაარღვია ირან-ოსმალეთის 1613 წლის საზავო ნელშეკრულება და თავისი ჯარები საქართველოში შემოიყვანა. შაჰი სასტიკად ახორციელებდა „ეკონომიური ომის“ საშუალებებს კახეთის მიწა-წყალზე: მისი ბრძანებით ყიზილბაშებმა დაანგრეს სასახლეები, ციხეები, ეკლესია-მონასტრები, სამეურნეო ნაგებობანი, აჩეხეს კახეთის ბალ-ვენახები,

¹ ნ. ბერძენიშვილი. აღმოსავლეთ კახეთის წარსულიდან, მიმოხილველი, III, გვ. 78.

² ვახუშტი. საქართველოს ცხოვრება, ხ. კიკინაძის გამოც. გვ. 52.

ძირიანად ამოაგდეს თუთის ხეები (მეაბრეშუმეობის საფუძველი), 40 000 კომ-ლი (უპირატესად გლახ-კაცობა) ირანს გადასახლეს. შაჰმა კახეთის სოფლები დააქარბილა კულტურული მემკვიდრეებისაგან. ყველა ამან მდიდარი კახეთი წელში გასტეხა, ქვეყანა კი სახანოდ იქცა.

რისხვად მოვევლინა შაჰ-აბასი ქართლსაც. აქ მან ხანად გამაჰმადიანებულ-გასპარსელებული ბაგრატიონი დასვა. შაჰი დაუყოვნებლივ შეუდგა ქართული ფეოდალური მიწისმფლობელობის გაუქმებას. დაიწყო ქართული მიწებისათვის ბრძოლის ახალი ეტაპი. ყველა ამან კითხვის ქვეშ დააყენა „ქართველობის“ (ქართული სოციალურ-პოლიტიკური სისტემის), ქართული სახელმწიფოს არსებობის საკითხი.

შაჰ-აბასი აგრძელებდა XVI ს-ის ირანის შაჰების იმ პოლიტიკას, რომლის რეალიზაციამ აღმ. ამიერკავკასიაში ყიზილბაშური სახანოები წარმოქმნა. „საქართველოს მიმართ შაჰ-აბასი ყველაზე თანანიმდევრული ყიზილბაში იყო. მისი მოღვაწეობა ამიერკავკასიაში და, კერძოდ, საქართველოში თურქმან-ყიზილბაშ მომთაბარეთა მიერ ქართული მიწების მიტაცებისათვის ბრძოლის ახალ ეტაპს მოასწავებდა“¹. ასე განახლდა ქართული მიწების მიტაცებისათვის წარმოებული ის ბრძოლა, რომელიც XVI ს-ში ყიზილბაშებმა წამოიწყეს.

შაჰ-აბასის მთავარი მიზანი ქართული მიწისმფლობელობის გაუქმება იყო: „საქართველოს სამხრეთით და აღმოსავლეთით, მის ყოფილ მიწა-წყალზე, გაქრა ქართული მიწისმფლობელობა, გადაშენდა ადგილობრივი მკვიდრი მოსახლეობა. საბოლოოდ განმტკიცდა ამ ადგილებში სახანო-სასულთნოები (ლორე-ბამბაკი, შორაგული, შამშადილუ, ყაზახი, ბორჩალუ, ბაიდარი და მტკვრის მარცხენა მხარე—დემურჩი ასალუ) თურქმანულ-ყიზილბაშური მოსახლეობით“².

უკვე 1603—1606 წწ. შექმნილ სახანო-სასულთნოების განმტკიცება-გაფართოებასთან ერთად შაჰ-აბასი ქართლის შიდა ოლქებში ქართული მიწისმფლობელობის გაუქმებას შეუდგა.

შაჰ-აბასი ხელს სდებდა ქართულ მიწებს, ქართველი ფეოდალების მამულებს. ეს ჩანს 1614—1626 წწ. ქართული საბუთებიდან, აგრეთვე შედარებით ნაგვიანევი იმ საბუთებიდან, რომლებშიაც 1614—1626 წწ. საადგილმამულო ვითარება გახსენებული მამულის მფლობელობის განახლებასთან დაკავშირებით.

ზაქარია და იესე ჯავახიშვილების და მოურავის (გიორგი სააკაძის) 1624 წ. გაერთიანების პირობაში ვკითხულობთ: „ამად რომე ჩვენი სამკვიდრო თავა მისთა დღეში ჩვენი ყოფილიყო და მერმე ბედნიერის ყეენისაგან არ წაგვრთმეოდა და ისრევე ჩვენი იყო“³. დამოწმებული საბუთიდან ირკვევა, რომ იყვნენ ისეთი ქართველი ფეოდალებიც, რომელთაც „სამკვიდრო მამულები“ წაერთვათ. ქართული ფეოდალური სამართლით „სამკვიდრო მამული“, განსაკუთრებით „ნასყიდი“,

¹ ნ. ბერძენიშვილი. აღმოსავლეთ კახეთის წარსულიდან, მიმოხილველი, III, გვ. 78.

² იქვე, გვ. 78.

³ საქ. სიძვ. II, გვ. 61.

როგორც წესი, „დაუნაშავებლად არავის წაერთმობდა“. შაჰ-აბასს ეს წესი შეიძლებოდა გამოეყენებინა იმ ფეოდალების მიმართ, რომლებიც მის ღონისძიებებს წინააღმდეგობას უწევდნენ და შაჰს ებრძოდნენ. მაგრამ მამულის მფლობელობისათვის რომ ახლა საერთოდ „ყენის ფარვანა“ იყო საჭირო. ანას 1615 წლით დათარიღებული მამულის წყალობის წიგნის შინაარსიდან ვგებულობთ.

ლუარსაბ მეფე დავითიშვილი დავითის და მისი შვილების კონსტანტინეს, ქლიზბარის და შოაშის აჯას აკმაყოფილებს და უბოძებს მათ, რისაც მამულისა და ყმის მქონებელი იყენენ „ანუ ვაჰრისა და ანუ აზნაურის შვილისა, ანუ ძეგლად ნაქონი და ანუ ჩუენგან ნაბოძები, ყველა უკლებლად შენთვის და შვილთა თქუნთათვის გუიბოძებია, ყოვლის კაცისაგან ჯელ-შეუვალად“. ამას მოსდევს განმარტება: „რა რიგაცა ბედნიერის ყენის ფარვანა გქონდეს, ჩუენცა ისრე გაგუითავებია“¹, მაშასადამე, ირანის შაჰის ფირმანი მამულისა და ყმის მფლობელობისათვის აუცილებელი იყო. შეიძლება ვითქვით, რომ ასეთი ფირმანები (ერთენოვანი) უკვე არსებობდა ანდა ქართველი ფეოდალები ჩქარობდნენ მიეღოთ ის ირანის შაჰისაგან. საინტერესოა გაცემული საბუთის თარიღი: 1615 წელი. ამ დროისათვის ლუარსაბ II-ის ბედი ჯერ კიდევ არ იყო გამოჩვეული და მამულისა და ყმის მფლობელობის სიმტკიცისათვის შეიძლებოდა მიემართათ შაჰის „საპატიო ტყვესათვის“, რომელიც ჯერ ისევ მეფედ ითვლებოდა. მართალია, მამულის მფლობელობის სიმტკიცე გამომდინარეობდა ფეოდალის უფლებიდან და არა მეფის გადაწყვეტილებიდან, მაგრამ სახლის კაცებთან უთანხმოება-წინააღმდეგობის დროს ფეოდალს სჭირდებოდა მეფის დასტური იმაზე, რომ „არას შენის გუარის კაცს შენს მამულზედ კელი არა ჰქონდეს“, როგორც ეს დამოწმებულ საბუთშია ნათქვამი.

შაჰ-აბასს უნდა შემოეღო ერთენოვანი სპარსული ფირმანები მამულის მფლობელობისა და განახლებისათვის, მოესპო ორენოვანი საბუთები (ქართულ-სპარსული) და, ამრიგად, რეალური შინაარსით შეეცნო მათი სპარსული ნაწილი. აღსანიშნავია, რომ 1626 წლამდე ჩვენ არ მოგვეპოვება ორენოვანი საბუთები. ხელახლად ჩნდება ორენოვანი საბუთი 1626 წლისათვის. როდესაც შაჰ-აბასის პოლიტიკამ საქართველოს მიმართ მარცხი განიცადა და შემუშავდა საქართველოსთან ურთიერთობის კომპრომისული ფორმა.

ორენოვანი საბუთების არარსებობა შაჰ-აბასის პოლიტიკის განხორციელების წლებში საყურადღებო ფაქტია: საეკვოა, რომ ეს შემთხვევით არსებობდეს (მაგ., ამგვარი საბუთების დაკარგვა-დალუპიეთ). რადგან შაჰის პოლიტიკა ქართული მიწისმფლობელობის გაუქმების ხაზით თავისთავად გამოიხატებოდა ორენოვანი საბუთების არსებობას.

სოფლების გაცემა რომ შაჰზე იყო დამოკიდებული, ეს ჩანს ერთი ნაგვიანევი საბუთის შინაარსიდან. როსტომ მეფის 1654 წ. საბუთში ყურადღებას იქცევს სოფლის ბოძება „ბედნიერის ყენის“ მიერ. საინტერესოა, რომ ამ ფაქტით წარსული ვითარებაა გახსენებული: „მას ეამს ოდეს ბარათაშვილს

¹ საქ. სიძვ. II, გვ. 228.

საჩინოს თურქისტანიშვილი ბაგრატ ცუდუბრალოდ დაუბალთავს და ბედნიერ ყეენსაც ენახა, და აკურისი თქვენისაც მეზობლის საჩინოსა და თაკაიანთ საკერძო დამე გამრეკლური მამული თურქისტანიშვილის ბაგრატი სათვს ებოძა, და მას უკან ბაგრატიშვილებს თქვენთვის მოეყიდა“ დასხვ.¹ მამულის „მომყიდველებს“ ახლა, 1654 წელს, როსტომ მეფე ნასყიდს „წყალობის წიგნით და ნიშნით“ უმტკიცებს.

როგორც ვხედავთ, ნასყიდობის კანონიერება იმითაა დასაბუთებული, რომ მამული თურქისტანიშვილს ბაგრატს შაჰის მიერ ჰქონდა ნაბოძები, ბაგრატის შვილებმა კი შემდეგ ეს მამული სხვას მიჰყიდეს.

დამოწმებული საბუთებიდან ჩანს, თუ როგორ ერეოდა შაჰ-აბასი ქართული ფეოდალური საზოგადოების საადგილმამულო ურთიერთობაში.

მაგრამ შაჰ-აბასი უფრო შორს მიდიოდა, ვიდრე ამას ფეოდალებისათვის მამულების ბოძება გულისხმობდა. მას განზრახული ჰქონდა, გამარჯვების შემთხვევაში, ქართლის თავადების ირანს გადასახლება. ამ განზრახვის გამჟღავნებამ (მარტყოფის აჯანყების წინ) გააერთიანა და დარაზმა ქართველი ფეოდალები. გააძლიერა ანტიირანული განწყობილება.

შაჰ-აბასის წინააღმდეგ ახლა მოქმედებდნენ ისინიც, ვინც ქართლში ხანად გამოგზავნილ გამაჰმადიანებულ-გასპარსელებულ სიმონ II-ეს თან მოჰყუენენ ირანიდან. საქმე ეხებოდა თავადის უფლებებს, თავადის ძალაუფლების ნატერიალურ საფუძველს (ყმა-მამულის მფლობელობას), თავადურ-ბატონყმურ სახელმწიფოს არსებობას. ასეთ ვითარებაში თავადებმა ძველი შუღლი და მტრობა ადვილად დაიფიწყეს და ერთმანეთს გაუერთიანდნენ ყმა-მამულებისათვის საერთო ბრძოლაში.

შაჰ-აბასს სწრაფად მოეწალა სოციალური დასაყრდენი აღმ საქართველოში. მას აღარ შეეძლო კვლავინდებურად გამოეყენებინა არც შინაკლასობრივი და არც კლასობრივი ბრძოლა

შაჰ-აბასის შემოსევების შედეგებმა ყველაზე მძიმედ ქართველი გლეხაკობა დააზარალა. დაუნდობელი ხოცვა-ჟლეტა, სოფლების გადაწვა. აყრა-გადასახლება, ყველაფერი ეს რისხვად დაატყდა თავს გლეხობას. კახეთი ნაწილად სოფლარებით მოიფინა. ქართლის სოფლები ასეთივე საფრთხის წინაშე იდგა. გლეხობა უბრძოლველად არ სთმობდა თავის სახლ-კარს. ოჯახს, სოფელს. მრისხანე განმანთავისუფლებელი ბრძოლის მთავარ ძალად გლეხობა იქცა.

საინტერესოა, რომ შაჰ-აბასის პოლიტიკით საქართველოს მიმართ უკმაყოფილონი იყვნენ გასპარსელებულ-გაყიზილბაშეზული ქართველებიც. უკმაყოფილო უნდა ყოფილიყო უბირველეს ყოვლისა ირანში მყოფი და გამაჰმადიანებული ქართველების თავადური ნაწილი. გამაჰმადიანებულ-გასპარსელებულ ქართველ ფეოდალებს კავშირი არ ჰქონდათ გაწყვეტილი ქართულ ფეოდალურ საზოგადოებასთან და წილი ედოთ თავიანთი ფეოდალური „სახლების“ ყმა-მამულში. ამიტომ შაჰ-აბასის პოლიტიკა უშუალოდ ეხებოდა გამაჰმადიანებულ-გასპარსელებული ქართველების კლასობრივ ინტერესებსაც.

¹ საქ. სიძგ. I, გვ. 113.

„იუზილბაში ქართველების“ უკმაყოფილების მიზეზები აღნიშნული აქვს ინგლისელ ჰერბერტს, რომელსაც 1627 წელს მოუხდა ირანში ყოფნა. ქართველებს იგი გაეცნო შირაზში ფარსის ბეგლარბეგ იმამყული-ხანის კარზე. მათგან მოისმინა მან გიორგი სააკაძის აჯანყების ამბავი. საქართველოს ამბებს იგი გაეცნო აგრეთვე რობერტ შერლის საშუალებით. რობერტ შერლიმ 30 წელი გაატარა ირანში, კარგად იცნობდა ირანს, მის შაჰს და ტრიალებდა გამაჰმადიანებული ქართველების წრეში. ქართველებთან და რობერტ შერლისთან საუბრების დროს ჰერბერტს ისეთი შთაბეჭდილება შეექმნა, რომ „იუზილბაში ქართველები“ უკმაყოფილონი იყვნენ შაჰის პოლიტიკით საქართველოს მიმართ¹.

ასეთსავე ცნობებს გვაწვდის იტალიელი პიეტრო დელლა ვალლე. რომელიც კარგად იცნობდა საქართველოს პოლიტიკურ ვითარებას და ახლო ურთიერთობა ჰქონდა ირანში მყოფ ქართველებთან.

პიეტრო დელლა ვალლე თავის ერთ-ერთ წერილში საგანგებოდ აღნიშნავს, რომ მოკლე დროში სპარსეთში შეიძლება დიდი არეულობა მოხდეს. „სპარსეთის სამხედრო ძალის ნერეს. — ამბობს პიეტრო დელლა ვალლე. — ახლა წარმოადგენს ქართველობა. რომლებიც საუკეთესო მეომრები არიან. თვითონ შაჰი კი უკვე ახალგაზრდა აღარაა. ქართველმა მეომრებმა კი საკუთარი თვალთ ნახეს თუ როგორ გაანადგურა მათი ქვეყანა შაჰმა და რა ზიანი მიაყენა მათს ხალხს“². ამას პიეტრო დელლა ვალლე დასძენს: „მართალია, გარეგნულად ისინი სპარსეთის შაჰს ემსახურებიან და გამაჰმადიანებული არიან, მაგრამ ღმერთმა უწყის რა უღვეთ გულში. ჩემი ღრმა რწმენით, ბევრი მათგანი მტკიცედ სდგას (თავის სარწმუნოებაზე). მათი ქვეყანა უკეთესია სპარსთა ქვეყანაზე. მამა-პაპური სარწმუნოება, დაკარგული მამული და ქონება, შვილები, მშობლები, ცოლები და სხვა ნათესაენი, რომელნიც ომის ქარცეცხლში გახვეულ სამშობლოში დარჩათ ან (სხვა ქვეყანაში) დაეთანტათ. ყველაფერი ეს ალაშფოთებს ყველა პატიოსანი ადამიანის გულს. იმ შემთხვევაში თუ მარჯვე მომენტი დაუდგათ ბევრი მათგანი თავს გაინთავისუფლებს და შურს იძიებს“³.

ასეთი მარჯვე მომენტი მარტყოფში დაუდგათ ქართველებს. საინტერესოა, რომ მარტყოფის აჯანყებასთან, სომეხი ისტორიკოსის ზაქარია სარაკეაგის ცნობის მიხედვით, დაკავშირებულია ირანის დიდმოხელე და განჯის ბეგლარბეგი დაუდ-ხან უნდილაძე⁴.

¹ Herbert Thomas. Some Yeares Travels ed. by W. Foster in the Broadway Travellers, London, 1928, გვ. 123—126.

² P. della Valle. Viaggi, გვ. 354.

³ იქვე, გვ. 354.

⁴ დაუდ-ხანი ირანის პირველი ყულარალის და ფარსის ბეგლარბეგის ალავერდი-ხანის შვილი იყო. მისი ძმა იმამყული-ხანი ფარსის ბეგლარბეგად იჯდა. უნდილანი ფეოდალური სახლის წამყვანი ურთიერთობით იყო დაკავშირებული ქართველ მეფე-ფეოდალებთან. თეიმურაზ I-ის და ფლენე ცოლად ჰყავდა დაუდ-ხანს, იმამყული-ხანის ძალი ანდუყაფარ აპილახარს, მეორე ძალი გათხოვილი იყო დაუდ-ბეგ სააკაძეზე. ირანის ამირსპასალარის და თავრიზის ბეგლარბეგის ძმაზე.

ზაქარია სარკავაგის სიტყვით, დაუდ-ხანს ახლო ურთიერთობა ჰქონდა გიორგი სააკაძესთან. მასთან საუბრების დროს, ამბობს სომეხი ისტორიკოსი, ის ყარჩინა-ხანის ლანძღვა-ვინებას არ ეხსენებოდა. აჯანყების საკითხი გადაწყვეტილ მოურავის შიგნით შეპყრობილი შაჰის შიკრიკის წერილმა. ეს საიდუმლო წერილი, რომელშიაც შაჰი ყარჩინა-ხანის მისამართით ქართველებს დახოცვაზე და საქართველოს მოთხრაზე ლაპარაკობდა, მოურავმა უჩვენა დაუდ-ხანს. ამ უქანასკნელმა მოურავს ურჩია გაეკეთებინა ყველაფერი, რის გაკეთებაც შესაძლებელი იყო, თვითონ კი განჯას წავიდა¹. საინტერესოა ზაქარია სარკავაგის ის ცნობაც, სადაც ნათქვამია, რომ დაუდ-ხანმა არ შესარულა შაჰის ბრძანება და არ შეუერთდა ყორჩინაშის ლაშქარს (მარაბდის ომის წინ), ავადმყოფობა მოიმიზეზა და განჯაში დარჩა².

დაუდ-ხანი შენდევაც აქტიურად მონაწილეობდა თეიმურაზ II-ის აჯანყებაში. ქართველი ისტორიკოსები (არჩილი, ვახუშტი ბაგრატიონი), სპარსოფილი ფარსადან გორგიჯანიძის გამოკლებით, დადებითად აფასებენ დაუდ-ხან უნდილაძის მოღვაწეობას. თეიმურაზ II კი თავის პოემა „ქეთევან დედოფლის წამებაში“ აქებს მის ძმას იმამყული-ხანს — ფარსის ბეგლარბეგს, რომელიც სახელმწიფოში მეორე პირი იყო შაჰის შემდეგ. უნდილაძის ფეოდალური სახლის პოლიტიკური განწყობილება მეტად ნიშანდობლივია X VII ს-ის 20-ანი წლებისათვის შექმნილი ვითარებისათვის. მით უმეტეს, რომ ეს ფეოდალური სახლი ყველაზე დიდი გავლენით სარგებლობდა მთელს ირანში და განსაკუთრებით მის სამხრეთ ნაწილში.

შაჰ-აბასისათვის „ყიზილბაში ქართველების“ განწყობილება საიდუმლოებას არ წარმოადგენდა (მისთვის, რა თქმა უნდა, უცნობი იყო დაუდ-ხანის მოქმედება. თორემ მას განჯის ბეგლარბეგად არ დატოვებდა). შაჰი იძულებული იყო ანგარიში გაეწია ამ განწყობილებისათვის. რობერტ შერლის სიტყვით, ნათქვამი აქვს ჰერბერტს, შაჰი არწმუნებდა ყიზილბაშ ქართველებს, რომ ის მზადაა შეურიგდეს თეიმურაზს.

მაგრამ შაჰი იძულებული იყო ანგარიში გაეწია უპირველეს ყოვლისა ქართველი ხალხის მედგარი წინააღმდეგობისათვის საკუთრივ საქართველოში. 1625 წლისათვის ომი საქართველოში მას წაგებულად მიაჩნდა. იმავე წელს მან, დაუდ ხან უნდილაძის შუამავლობით, მოლაპარაკება დაიწყო თეიმურაზთან თბილისის მახლობლად. შაჰი მზად იყო თეიმურაზი ქრისტიანობით ეცნო მეფედ, თუ ის „ოსმალურ ხალათს გაიხდიდა და ყიზილბაშურ ხალათს ჩაიცვამდა“.

შაჰი ახლაც ქართული ფეოდალური ძალების დაქსაქსვის ნაცად გზას დაადგა. ოსმალეთის იზოლაციის განზრახვა (თეიმურაზ-საკაძის ბრძოლაში) შაჰს უპარანახებდა კომპრომისის გზას დასდგომოდა და „გურჯისტანის საკითხში“ ის დაეთმო, რასაც იგი 1614—1626 წწ. არა გზით არ სთმობდა.

შაჰ-აბასს ესწრაფდა, რომ კომპრომისული პოლიტიკა მას შესაძლებლობას წისცემდა გადაეყვანა ქართველი თავადები ირანის მხარეზე. ამას ქარ-

¹ Collection d'historiens Armeniens, traduits par M. Brosset, t. II, p. 23.

² ი ქვე.

თველი თავადები აკეთებდნენ კიდეც, როდესაც სავსებით იყო უზრუნველყოფილი მათი კლასობრივი ინტერესები. მებარკეობა ან მეძღვნეობა, როგორც ვასალური დამოკიდებულების გარკვეული ფორმა, უშუალოდ არ ებეზოდა ყმა-მამულის მფლობელობას. დამოკიდებულების ეს ფორმა არ გამოირიცხავდა „ქართველობას“. ამიტომ, შაჰის ვარაუდით, კომპრომისულ პოლიტიკას უნდა გაემრავლებინა ფეოდალური დაჯგუფებანი და გაეძლიერებინა. წინააღმდეგობანი ამ ფეოდალურ დაჯგუფებებს შორის. საყურადღებოა, რომ სწორედ ამ მიზნით იგი თბილისში სტოვებდა მაჰმადიან სიმონხანს. მანვე ხელახლად აღადგინა ორენოვანი საბუთი. ქართლში თავისებური „ორიანობა“ შეიქმნა. თბილისში მაჰმადიანი ხანი იჯდა, სოლო ამავე დროს შაჰი თეიმურაზ I-ს ქართლ-კახეთის ქრისტიანი მეფედ სცნობდა¹.

შაჰის ვარაუდი გამართლდა. საქართველოში ფეოდალური შინაომი კვლავ განახლდა. მოწინააღმდეგე ფეოდალები სიმონ II-ის და თეიმურაზ I-ის გარშემო დაირაზნენ. მაგრამ თავადების მნიშვნელოვანი ნაწილი თეიმურაზს ემხრობოდა, რადგან „ქართველობის“ გადასარჩენად ბრძოლა ჯერ კიდევ არ იყო დამთავრებული. შაჰ-აბასს სახელი ვატეხილი ჰქონდა და ადვილად წასახლა არავინ ენდობოდა.

„ქართველობისათვის“ ბრძოლა მინც ძირითადად მოგებული იყო. ქართველი ხალხის შეუდრეკელმა წინააღმდეგობამ და თავგადადებულმა ბრძოლამ შაჰ-აბასი აიძულა ხელი აეღო საქართველოს გაყიზილბაშებზე. ქართველი ხალხის ბრძოლამ შაჰი დაარწმუნა, რომ „საქართველოს მოთხრა“ მის შესაძლებლობას აღემატებოდა. შაჰი იძულებული იყო თავი დამარცხებულად ეცნო.

ქართველი ხალხი მის სამკვდრო-სასიცოცხლო ბრძოლაში მარტო არ იყო. მას დიდი მორალური დახმარება აღმოუჩინა რუსეთმა თავისი დიპლომატიური დემარშებით ირანის შაჰის კარზე. ამას ერთხმად აღნიშნავენ თანამედროვე ევროპული წყაროები. შაჰი იძულებული იყო უკან დაეხია, რადგან არ სურდა საქართველოში გაეძლიერებინა რუსეთის მომხრეთა დასი.

ქართველი ხალხის ბრძოლას ირანის წინააღმდეგ დახმარება აღმოუჩინეს და ხელი შეუწყვეს ამიერკავკასიის მოძმე ხალხებმა. საქმე ისაა, რომ 1614 წლიდან შაჰ-აბასს საქმე ჰქონდა აჯანყებებთან აღმ. ამიერკავკასიაში. აჯანყებულნი კი მკიდროდ იყვნენ დაკავშირებულნი იმ აჯანყებებთან, რომელთაც თეიმურაზ I და გიორგი სააკაძე მეთაურობდნენ.

1614 წელს აჯანყებამ იფეთქა შირვანში. აჯანყებაში მონაწილეობდნენ აზერბაიჯანელი ხალხის ფართო მასები. აჯანყებულებმა კავშირი შეკრეს თეიმურაზთან და აიღეს ქ. არეში².

1625 წ. ჩრდ. აზერბაიჯანში დაიწყო სომეხ გლეხთა მოძრაობა, რომელიც გარეგნულად რელიგიურ სამოსელში იყო გამოხვეული და რომელსაც

¹ აღსანიშნავია, რომ თეიმურაზ მეფის სახელთან დაკავშირებული არაა არც ერთი ორენოვანი საბუთი. როგორც ჩანს, ორენოვანი საბუთები მხოლოდ მაჰმადიანი ქართველი მეფეების დროს არსებობდა.

² თარხი-ი აღმე არა, გვ. 626—627; II. П. Петрушевский. Очерки..., გვ. 329.

უდი მეხლუ-ბაბა მეთაურობდა. საინტერესოა, რომ მეხლუ-ბაბას მფარველობას უწყვედა განჯის ბეგლარბეგი დაუდ-ხანი¹.

მიუხედავად იმისა, რომ ეს აჯანყება ანტიფეოდალური ხასიათის მატარებელი იყო, ის არ შეიძლება მიმართული. არ ყოფილიყო ირანის წინააღმდეგაც, რამდენადაც სომეხ გლეხთა ექსპლოატაციაში მთავარი ადგილი ყოილბაშ ფეოდალებს ეჭირათ. ამასთან, ჩვენთვის უკვე ცნობილია, რომ ანტიფეოდალური ბრძოლა სომხეთსა და აზერბაიჯანში არა ერთხელ გადაზრდილა განმათავისუფლებელ ბრძოლაში. ამ თვალსაზრისით აფასებს პ. არუთუნიანი სომეხ გლეხთა მოძრაობას მეხლუ-ბაბას მეთაურობით. საამისო მონაცემების ანალიზმა მას საფუძველი მისცა აღენიშნა, რომ ეს მოძრაობა მიმართული იყო არა მარტო სასულიერო და საერო ფეოდალების წინააღმდეგ, არამედ სეფიანთა ბატონობის წინააღმდეგაც². საამისო არგუმენტად მას მოაქვს კერძოდ დაუდ-ხანის კავშირი გიორგი სააკაძის აჯანყებასთან³.

ქართველი ხალხის ბრძოლის წარმატებას მნიშვნელოვნად შეუწყო ხელი შაჰ-აბასის „რეფორმების“ მარცხმაც. ირანის საშინაო ვითარების გართულებამ.

შაჰ-აბასმა ვერ შესძლო ირანის გაძლიერება მუდმივად მოქმედი ფაქტორების საფუძველზე, სახელმწიფოს მტკიცედ ცენტრალიზება. ვადასახადების განუხრელმა ზრდამ ეკონომიური დაქვეითების პირობებში მკვეთრად გააუარესა ირანელ გლეხთა მდგომარეობა. ირანში უკიდურესად გამწვავდა კლასობრივი ბრძოლა, დაიწყო გლეხთა მოძრაობანი, რაც მალე გადაიზარდა გლეხთა სერიოზულ აჯანყებაში⁴.

გართულდა ირანის საგარეო პოლიტიკური ვითარებაც. მრავალწლოვანი ომი ოსმალეთთან ისევ გრძელდებოდა. გაუთავებელმა ომმა ერთნიარად დაასუსტა ორთავე მეტოქე სახელმწიფო. ამით მარჯვედ სარგებლობდნენ დაპყრობილი ხალხები და აჯანყებით ცდილობდნენ თავისუფლების მოპოვებას (ქურთები, არაბები, სომხები, აზერბაიჯანელები, ქართველები...).

ასეთ ვითარებაში შაჰ-აბასს არ შეეძლო განეხორციელებინა ის, რაც 1614 წელს მან ღიზნად დაისახა. ერთადერთი გამოსავალი იყო საქართველოს მიმართ კომპრომისული პოლიტიკის გამოყენება; საქართველოსთან ურთიერთობის მენარკეობაზე და ვასალურ დამოკიდებულებაზე დაფუძნება.

შაჰ-აბასის გარდაცვალების შემდეგ ირანის შინაგანი და საგარეო ვითარება (ოსმალეთის შემოტევა) იმდენად გართულდა, რომ შაჰაბასისეული გეგმების აღდგენაზე საქართველოში ფიქრიც არ შეიძლებოდა. პირიქით, ახალ ვითარებაში ქართველები ირანის პოლიტიკური ბატონობისაგან შთლიანად განთავისუფლებას ცდილობდნენ. ამას ისახავდა მიზნად თეიმურაზ I-ის აჯანყება, რომელსაც ქართველი მეფე-მთავრებიც შეუერთდნენ და რომელშიაც

¹ ხ ა ქ ა რ ი ა ს ა რ კ ა ვ ა გ ი, გვ. 48; И. П. Петрушевский Очерки..., გვ. 329—331.

² „Связи Мехлу-баба с Давут-ханом представляются нам важным свидетельством того, что движение Мехлу-баба в значительной мере было направлено против Сефевидского владычества“ П. Т. А р у т ю н я н. დასახ. ნაშრ., გვ. 124.

³ ი კ ვ ე.

⁴ И. П. Петрушевский. Народное восстание в Гиляне в 1629 году, Ученые записки ИВ, III, გვ. 225—226.

მონაწილეობდა განჯის ბეგლარბეგი დაუდ-ხანი, აგრეთვე ალენეთის სომეხთა კათალიკოსი¹. აჯანყებულთა დაკავშირებული იყვნენ თავისუფლებისათვის მებრძოლი სომეხები და აზერბაიჯანელები.

ახალი აჯანყება თეიმურაზ I-ის მეთაურობით მარცხით დამთავრდა. მაგრამ ამ მარცხს არ გამოურიცხავს საქართველოსთან ურთიერთობის კომპრომისული ფორმა. შაჰ-აბასის მემკვიდრე შაჰ-სეფი (1629—1642) იძულებული იყო თავისი წინამორბედის ის პოლიტიკა გაეგრძელებინა. რომელიც 1625 წლისათვის შემუშავდა.

ამ პოლიტიკის გამტარებელი იყო ქართლის ვალი როსტომ-ხანი. საქართველოსთან კომპრომისული ურთიერთობის პოლიტიკურმა ფორმამ მკაფიო გამოხატულება და რეალიზაცია მის მოღვაწეობაში ჰპოვა.

განსხვავება 1625 წელთან შედარებით იმაში იყო. რომ ახლა ქართლის მეფედ მაჰმადიანი ინიშნებოდა. მაგრამ ეს ოდნავადაც არ სცვლიდა და არ ეხებოდა ქართულ სოციალურ-ეკონომიურ წყობას, რომლის წარმონაქმსაც თავადურ-ბატონყმური სახელმწიფო წარმოადგენდა.

თეიმურაზთან ბრძოლაში როსტომმა იმით გაიმარჯვა. რომ მან უზრუნველყო თავადების კლასობრივი ბატონობის ყველა ის პირობა, რომელიც ქართული სოციალ-პოლიტიკური სისტემიდან გამომდინარეობდა.

როსტომ-ხანის დროს ძირითადად უცვლელი დარჩა ფეოდალურ საქართველოს სოციალურ-ეკონომიური წყობა.

ირანის პოლიტიკური ბატონობის მიუხედავად არსებობდა განაგრძობდა ქართული ფეოდალური საზოგადოების სოციალური სტრუქტურა, აგრარული სისტემა და სახელმწიფო წყობილება.

გაბატონებული კლასი წარმოდგენილი იყო თავადებით და აზნაურებით.

თავადობა იყოფოდა სამ კატეგორიად: „დიდებული თავადები“, „შუა თავადები“ და „დაბალი თავადები“.

ასევე აზნაურობა შედგებოდა: „დიდი აზნაურებისაგან“, „შუა აზნაურებისაგან“ და „ცალმოგვი აზნაურებისაგან“. ცალმოგვიანი აზნაურები წერილ აზნაურებს ეწოდებოდათ.

უცვლელი დარჩა გლეხთა-სოციალური კატეგორიებიც: მკვიდრი, ნაწყალობევი, შეწირული, ნებიერი, აზატი, ბოგანო, ხიზანი...

მიწის ფეოდალური საკუთრების გაბატონებული ფორმების საფუძველზე ხორციელდებოდა გლეხთა ფეოდალური ექსპლოატაცია. ქართული ფეოდალური მიწისმფლობელობა უცვლელი და ძირითადად ხელუხლებელი დარჩა XVII საუკუნეშიც.

სოციალურ-ეკონომიური წყობა, რომლის ნიადაგზეც თავადურ-ბატონყმური სახელმწიფო განვითარდა, ყალიბდება XV—XVI სს. მაგრამ დამთავრებული სახე მიიღო მან XVII ს-ში. თავადური ქვეყნის საზოგადოებრივი და სახელმწიფოებრივი განვითარების ეს საფეხურია აღბეჭდილი ვახტანგ VI-ის

¹ ფ. გორგიჯანიძის ისტორია, გვ. 233—239.

სამართლის წიგნში და „დასტურლამალში“ -- სახელწიფო. აღნიშნულსტრაციული და სამეურნეო სამართლის წიგნში.

ამდენადვე ირანის პოლიტიკური ბატონობა XVII—XVIII სს. არ ნიშნავდა ირანის მფლობელობას. ამიტომ გვლებთა ანტიფეოდალური მოძრაობანი მიმართული იყო ადგილობრივი ფეოდალების წინააღმდეგ და არა ირანელი ფეოდალებისა და მოხელეების წინააღმდეგ, როგორც ამას აღმ. ამიერკავკასიაში ვხედავთ. გვლებთა გამოსვლები და ანტიფეოდალური მოძრაობანი ოსმალ ფეოდალებისა და მოხელეების წინააღმდეგ წარმოებდა ახალციხის საფაშოში, რადგან აქ, საქართველოს დანარჩენი ნაწილებისაგან განსხვავებით, ოსმალეთის მფლობელობა იყო დანყარებული. აღსანიშნავია, რომ გამაჰმადიანებული ადგილობრივი ფეოდალები ხშირად უკავშირდებოდნენ ოსმალებს, რათა არ დაეშვათ გვლებთა ანტიფეოდალური მოძრაობის გაძლიერება.

ქართველი გვლები იყენებდნენ კლასობრივი ბრძოლის სხვადასხვა საშუალებებსა და ფორმებს (უპირატესად აყრა-გაქცევას) გვლები მიმართავდა ყაზახობას, აბრაგობას, მეკობრეობას, ფეოდალზე თავდასხმას, მოკვლას და მისი სახლ-კარის გადაწვას. მაგრამ გაერთიანებულ და მასიურ გამოსვლას, კლასობრივი ბრძოლის პასიური ფორმების აქტიურ ფორმებში (აჯანყებებში) გადაზრდას, ხელს უშლიდა გვლებთა სოციალური კატეგორიების სხვადასხვაგვარობა, პოლიტიკური დაქსაქსულობა და სუსტი კავშირი ცალკეული სათავადოების ყმა-გვლებებს შორის. დამანახიათებელია, რომ ყველაზე აქტიურად ის გვლები იბრძოდნენ, რომელთა ბატონყმური უღელი ახლად იყო დამძიმებული, ახალი გადასახადებით იყვნენ დახარკული¹. საბუთები, მართალია, ყრუდ, მაგრამ მაინც აღნიშნავენ ცალკეულ სათავადოებში გვლებთა შეიარაღებულ გამოსვლას ფეოდალების წინააღმდეგ².

მეტად მძიმე იყო გვლებთა მდგომარეობა ფეოდალურ საქართველოში. კიდევ უფრო უარესდება მათი მდგომარეობა ნაგვიანვე შუა საუკუნეებში. მაგრამ საძულველ ქართულ ბატონყმობასთან ერთად კიდევ უფრო მიუღებელი იყო მათთვის „თათრის ბატონობა“ და „ხარაჯობა“. უშუალო მწარმოებლების „ექსპლოატაციის აღმოსავლური ფორმა“ მკვეთრად აუარესებდა გვლებთა მდგომარეობას. „ბატონყმურ რიგს“ ან „დებულებას“ ფეოდალური აღმოსავლეთი არ იცნობდა. ეს ფართო ასპარეზს უქმნიდა ფეოდალების თვითნებობას, გადასახადების განუხრელ ზრდას, აღვირახსნილ ექსპლოატაციას. ა. ჰაქსტაუზენი წერდა: „Персидские крестьяне лично свободны, но несравненно угнетеннее и более заслуживают сожаления, нежели крепостные“³.

ირანში და ოსმალეთში მთავრობას აზრადაც არ მოსდიოდა გვლებთა ვალდებულებათა რეგლამენტაცია.

¹ С. П. Какабадзе. Крестьянский вопрос и крестьянские движения Восточной Грузии в XVIII веке. Сб. „История Классовой борьбы в Закавказье“, Тб., 1950, გვ. 170.
² დ. გვრიტიშვილი, დასახ. ნაშრ., გვ. 232.
³ А. Гакстгаузен. Закавказский край, ტ. I, გვ. 246.

ფისკალური და საგადასახადო პოლიტიკა აღმოსავლეთში იღებდა მოსახლეობის და უწინარეს ყოვლისა, გლეხობის ძარცვის ორგანიზებულ ხასიათს. „თათრის ხარაჯობას“ სრულს გაჩანაგებამდე მიჰყავდა გლეხის შეურნეობა აღმოსავლეთში.

გლეხი აღმოსავლეთში მიმართავდა კლასობრივი ბრძოლის როგორც პასიურ (აყრა-გაქცევა), ისე აქტიურ ფორმებს (აჯანყებები).

გლეხთა აჯანყებას მასიურ ხასიათს ანიჭებდა ის, რომ აღმოსავლეთში ძირითადად გლეხთა ერთიანი კატეგორია იყო წარმოდგენილი რაიათების სახით. ამოვე დროს, რაიათების უმრავლესობას სახელმწიფო გლეხები შეადგენდნენ.

XVI—XVIII სს. ირანში და ოსმალეთში ხშირი იყო გლეხების და ხელოსნების აჯანყებები. ირანში ან ოსმალეთში აჯანყებულ გლეხებს უერთდებოდნენ აღმ. ამიერკავკასიის გლეხებიც¹. ცნობილია, რომ ოსმალეთში დაწყებული ჯალაღების მოძრაობა გაერცელა აღმ. ამიერკავკასიაში, აგრეთვე სამცხე-საათაბაგოში.

მასიურ ხასიათს იღებდა გლეხთა აჯანყებანი აღმ. ამიერკავკასიის სახანოებში. ანტიფეოდალური მოძრაობანი აქ ეროვნული ელფერის მატარებელიც იყო იმის გამო, რომ გლეხთა აჯანყება უწინარეს ყოვლისა ირანელი და ოსმალ ფეოდალების წინააღმდეგ იყო მიმართული.

აღმ. ამიერკავკასიაში ირანელი მიწისმფლობელები მძლავრობდნენ. უცხო დამპყრობელთა ბატონობა უკიდურესად ამძიმებდა გლეხთა ისედაც მძიმე მდგომარეობას, რადგან გამოსაღებისა და გადასახადების გადამხდელი გლეხობა იყო².

გლეხთა აჯანყებებმა ირანელი ფეოდალებისა და მოხელეების წინააღმდეგ მნიშვნელოვანი როლი შეასრულეს სეფიანთა ბატონობის დასუსტების საქმეში. ასეთივე როლი შეასრულეს სახალხო მოძრაობებმა ბალკანეთში ოსმალეთის მიმართ.

XVII—XVIII სს. ირანის და ოსმალეთის დასუსტების ერთი მნიშვნელოვანი ფაქტორთაგანი იყო დაპყრობილ ხალხთა გამანთავისუფლებელი ბრძოლა. ამ ბრძოლის აქტიური მონაწილე იყო ქართველი ხალხიც სომხეთის და აზერბაიჯანის მოძმე ხალხებთან ერთად.

¹ Н. П. Петрушевич. Очерки., гл. 322—327.

² იქვე, გვ. 331.

შ ი ნ ა ა რ ს ი

წინასიტყვაობა	3
შესავალი .	5

**I. მახლობელი აღმოსავლეთი მონათმფლობელობიდან
ფეოდალიზმში გარდაგვალ პერიოდში**

1. ფეოდალიზმის გენეზისის პრობლემა (ვ. გაბაშვილი)	15
2. სახანურო ირანის სახელმწიფო (ვ. გაბაშვილი)	18
§ 1. სასანური ირანის წარმოშობის დრო და პირობები .	18
§ 2. სასანური ირანი III—IV საუკუნეებში	23
§ 3. ქალაქები, ხელოსნობა, ვაჭრობა	30
§ 4. ირანი ფეოდალიზაციის გზაზე	36
§ 5. მახდაყელთა აჯანყება	41
§ 6. ხოსრო ანუშირვანის „რეფორმები“ .	45
§ 7. სასანური ირანის მოსპობა-გადაშენება	49

II. მახლობელი აღმოსავლეთი ადრეფეოდალურ ხანაში

1. არაბთა სახალიფო	54
§ 1. არაბები (ვ. გაბაშვილი)	54
§ 2. არაბთა სახალიფო VII—VIII საუკუნეებში (ვ. გაბაშვილი)	57
§ 3. აბასელთა სახალიფოს სოციალურ-ეკონომიური ვითარება VIII—IX საუკუნეებში (გ. სიხარულიძე)	74
ა) მიწისმფლობელობის კატეგორიები	80
ბ) არაბული გადასახადები	86
გ) გლეხთა მდგომარეობა	100
2. სახალიფოს ფეოდალური დაშლა (ვ. გაბაშვილი)	107
§ 1. დამოუკიდებელი საამიროების წარმოშობა	107
§ 2. ალ-მუჰასიმის სამხედრო რეფორმა	112
§ 3. დაპყრობილ ხალხთა ბრძოლა არაბობის წინააღმდეგ და გლეხთა აჯანყებები	113

**III. მახლობელი აღმოსავლეთი განვითარებული
ფეოდალიზმის ხანაში**

1. მახლობელი აღმოსავლეთი X—XII საუკუნეებში (ვ. გაბაშვილი)	118
2. თურქ-სელჩუკების შემოსევები და ბატონობა	122
§ 1. დიდ სელჩუკთა სახელმწიფო (ვ. გაბაშვილი)	124
§ 2. ქალაქები, ხელოსნობა და ვაჭრობა X—XII საუკუნეებში (რ. კიკნაძე)	141

IV. მონღოლთა ბატონობის ხანა

1. მახლობელი აღმოსავლეთი მონღოლთა შემოსევების პერიოდში	157
§ 1. მონღოლები (ვ. გაბაშვილი)	158
§ 2. მონღოლთა შემოსევები (რ. კიკნაძე)	163

§ 1. ილხანთა ირანი XIII საუკუნის მეორე ნახევარში (რ. კიკნაძე)	177
§ 2. ქალაქები ილხანთა ირანში (რ. კიკნაძე)	183
§ 3. ილხანთა ირანი XIV ს-ის პირველ ნახევარში (ვ. გაბაშვილი)	203

V. მახლობელი აღმოსავლეთი XIV—XVI საუკუნეებში

1. ირანი (ვ. გაბაშვილი)	215
§ 1. თემურ-ლენგი	215
§ 2. თურქმანები	225
§ 3. სეფიანთა სახელმწიფო	234
2. ოსმალეთი	245
§ 1. ოსმალთა სახელმწიფოს წარმოშობა (გ. ფუთურჩიძე)	245
§ 2. ოსმალთა დაპყრობითი ომები XIV—XVI საუკუნეებში (გ. ფუთურჩიძე)	246
§ 3. ოსმალური ფეოდალური მიწისმფლობელობა (გ. ფუთურჩიძე)	250
§ 4. გადასახადები და საგადასახადო სისტემა (გ. ფუთურჩიძე)	255
§ 5. ქალაქები, ხელოსნობა, ვაჭრობა (ვ. გაბაშვილი)	260
§ 6. სოციალური მოძრაობები ოსმალეთში (გ. ფუთურჩიძე)	272
§ 7. ოსმალეთი XVI—XVII საუკუნეთა მიჯნაზე (გ. ფუთურჩიძე)	276

VI. ამიერკავკასიის ძველნი და მახლობელი აღმოსავლეთი

1. საქართველო და მახლობელი აღმოსავლეთი XIII—XIV საუკუნეებში (ვ. გაბაშვილი)	284
2. ამიერკავკასიის ქვეყნები და სეფიანთა სახელმწიფო (შამ-თამაზ I-ის „თეზქერეს“ მიხედვით) (ქ. ტაბატაძე)	297
ა) „თეზქერეს“ ცნობები აზერბაიჯანის შესახებ	310
ბ) „თეზქერეს“ ცნობები სომხეთის შესახებ	318
გ) „თეზქერეს“ ცნობები საქართველოს შესახებ	326
3. ირან-ოსმალეთის 1639 წლის ზავი და საქართველო (ვ. ჩოჩიევი)	335
4. ფეოდალური საქართველოს ხაზოგადობრივი კლასები და კლასობრივი ბრძოლა ირანის და ოსმალეთის ბატონობის პერიოდში (ვ. გაბაშვილი)	377

რედაქტორი ვ. გაბაშვილი
კორექტორი მ. ინახარიძე

*

Очерки по истории
Ближнего Востока

(феодалная эпоха)

Под редакцией

Валериана Николаевича Габашвили

(на грузинском языке)

Издательство ТГУ им. Сталина

Тбилиси

1967

შე 00608.

შეკვეთა № 825.

ტირაჟი 4 000.

გადაეცა წარმოებას 29/V. 56 წ. ხელმოწერილია დასაბეჭდად 9/V. 57 წ. ანაწყოების
ზომა 7x11. ქალაქის ზომა 70x108. სასტამბო ფორმათა რაოდენობა 34,6. სააღრიცხვო-
საგამომცემლო ფორმათა რაოდენობა 29,5.

შპსი 18 856. 70 კპპ.

სტალინის სახელობის თბილისის სახელმწიფო უნივერსიტეტის გამომცემლობის
სტამბა-ლითოგრაფია, უნივერსიტეტის, 1.

Типо-литография издательства Тбилисского государственного университета
им. Сталина, Университетская, 1,

შეიარაღებული შეიარაღების განსჯის

ფურცელი	სტრიქონი	არის	უნდა იყოს
49	14 ქვ.	შაქრამ ჩობინის	ბაქრამ ჩობინის
51	8 ქვ.	VII ს-ის	VI ს-ის
79	16 ზედი.	ხარაჯის	ხარაჯას
84	4 ზედი.	ხარაჯის	ხარაჯას
92	1 ზედი.	ხალქითაბის	ხალქითაბის
93	18 ქვ.	سرس	سرس
93	18 ქვ.	ესენი არიან	ესენი არიან
94	12 ზედი.	გამუსლიმანებულნი	გამუსლიმანებულნი
94	19 ქვ.	მუსლიმანური	მუსლიმანი
95	11 ქვ.	სამს	სამს
97	21 ქვ.	მუსლიმან	მუსლიმ
99	8 ზედი.	იჯარათ	იჯარათ
99	14 ზედი.	ევალებათ	ევალებათ.
100	5 ზედი.	ხალ ხალ-ხარაჯა	ხალ ხალ-ხარაჯი
100	6 ზედი.	خالد)	خالد)
101	3 ზედი.	ქითაბ ხალ-ხარაჯში	ქითაბ ხალ-ხარაჯში
106	6 ზედი.	არამუსლიმანი	არამუსლიმი
134	6 ქვ.	ილდიგისების	ილდიგისების
170	4 ქვ.	1863—1864	1863—1864
182	3 ქვ.	Kahan	Khan
191	9 ქვ.	كوچك	كوچك
213	7 ქვ.	სებზაფერი	სებზეფარი
214	7 ქვ.	ფეხედი	ფეხედი
225	18 ქვ.	ფარაბეგის	ფარაბეგის
234	8 ზედი.	ქარებები	ქარები
262	9 ქვ.	ნეჯაფი	ნეჯაფი
301	9 ქვ.	შაქ-თამაზ I-ის,	შაქ-თამაზ I-ის
323	16 ზედი.	იყილულაფეთა	იყილულაფეთა
325	20 ქვ.	არაქანი	არაქანი
326	4 ზედი.	შაქ-თამაზ I-ს	შაქ-თამაზ I-ს:
349	17 ქვ.	მუსლიმთ	მუსლიმთ
353	19 ქვ.	1616	1625
368	21 ქვ.	ათაბეგების	ათაბეგების
387	20 ქვ.	სომხეთის	სომხეთის